



四庫全書存目叢書編纂委員會編

齊魯書社

# 四庫全書存目叢書


集部  
第一二一冊





責任編輯：孫言誠 賀 偉

ISBN 7-5333-0615-5



9 787533 306151 >

EB33/07

# 四庫全書存目叢書·集部一二一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 52.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第一二一冊目次

## 集部·別集類

素園存稿二十卷

〔明〕方弘靜撰  
北京大學圖書館藏明萬曆刻本

..... 一

雲山堂集六卷

〔明〕魏震撰  
浙江圖書館藏明萬曆七年魏文可刻本

..... 三七四

大雅堂摘稿二卷

〔明〕況叔祺撰  
北京大學圖書館藏民國二十五年高安藍壽堃排印本

..... 五六〇

天目先生集二十卷附錄一卷

〔明〕徐中行撰  
山西大學圖書館藏明刻本

..... 五九〇

素園存稿二十卷

〔明〕方弘靜撰

北京大學圖書館藏明萬曆刻本

附《四庫全書總目·素園存稿

十八卷》提要

素園存稿序

新安有采山方先生者  
年九十餘矣先生以少  
司徒謝政歸林居二十  
餘年頗積著作之業篇

素園存稿序

章甚富而海內未盡傳  
今歲先生云任子以晉來  
都門賁先生函併所刻  
素園存稿命叙焉余  
喜得讀先生文且為長

者執後不敢辭序曰文  
章關於氣運信乎有一  
代之氣有一人之氣一  
代之氣結而為文如孕  
珠于淵不百年不剖也

素園存稿葉序

二

一人之氣結而為文如  
釀蜜于華不百物不芳  
也蓋亦雅矣西京以降  
一代之氣漸薄而文亦  
如之然吾觀古今作者

其文乃不甚相遠大都  
壯而素貴老而偷又老  
而竭矣當其素貴也筵  
中之饌不胫而走國門  
欲以傲所不知而及其

素園存稿葉序

三

偷且竭也雖以文通之  
彩筆不能無才盡之嘆  
譬之素華秋蓬乘除相  
因者以為數有固然而  
要其胷中蘊藉原自不



深加以能海畔噪發淺  
無餘銳幸為少年欣  
其後之不哀竭新敗忘  
可得也去非獨文以所  
為風聲標尚已入於輕

素園存稿葉序

四

浮從浪之途而命脉轉  
神又純無堅凝純固之  
蓄以故傳不得志於遇  
而尤不得志於年如長  
卿子安長康長吉之流

不可勝數而世之文人  
猶為為之標榜曰造物  
忌才有齒去角或者又  
謂文章窮而後王亦足  
惑已衛武公九十能作

素園存稿葉序

五

抑戒官選詩其少心  
富畏盡然活於筆端而  
詩人美其德器至以之  
金錫圭璧善古人之所  
為學問文章以善其壽

命者類也。臣等乃今年方  
先生見之。先生少年好  
古文辭。結撰翻。當七  
子登壇。春秋少有拔擢。  
且翻然雄鳴。而先生遠

巡自遠。雖不欲與。於齊  
盟。自適名仕藉。以直道  
忤時流。滯以湖。晚乃歸  
開府晉貳卿。而旋復去  
之。其為國府大有海上

功當受上賞。亦意不自  
言。生平澹然。退然。若一  
無所負。以故天下人但  
能名先生之壽考。稱其  
至於功業。筆為多不盡

知者文章。則知者甚少  
即知之亦未悉其雄深  
正麗之若是也。一代之  
氣既結於先生。先生之  
年又結於晚年。故其同

時凌厲踞起之筆已盡  
無存其所為多腔而走  
國門者亦半為留韻問  
物而先生獨徐起而振  
之如萬籟既寂吹以天

素園存稿前片

八

風堂龍鬬衍之戲畢陳  
而韶虞咸英迺始發響  
也然則大齋之年直先  
生之壯歲耳日新富有  
寔明寔昌吾又安知其

紀極哉先生於文似好  
夢坊地作亦肖之詩似  
好車蘇州人亦肖之孔  
子不云手信而好古好  
之斯肖之矣即不盡肖

素園存稿後序

九

為要以自成其為古今  
夫韓昌黎學兩司馬者  
也乃自成其為韓歐學  
韓者也乃自成其為歐  
沈酣之極合于自然故

如此能然先生於家錫  
之鄉年其功令而著聲  
之其人巍然如山而其  
學排斥百氏粹然一出  
於正所著千一錄足為

素園存稿葉序

十

二稽顙欣藉令家陽而  
在且謂以老老又何論  
紅地蘇州迺近世數諸  
學君子不及先生然則  
先生之不自負與世之

不能盡先生也不但文  
矣不但文矣

賜進士第吏部尚書兼  
東閣大學士福唐葉向  
高頓首撰

素園存稿葉序

十一



行素園存稿引

公安袁宏道

物之傳者必以質文之不傳非曰  
不工質不至也樹之不實非無花  
葉也人之不澤非無膚髮也文章  
亦余行世者必真悅俗者必媚真  
久必見媚久必厭自然之理也故

素園存稿

袁引

今之人所刻畫而求肖者古人皆  
厭離而思去之古之爲文者刊華  
而求質敝精神而學之唯恐真之  
不極也博學而詳說吾已大其蓄  
矣然猶未能會諸心也久而胸中  
渙然若有所釋焉如醉之忽醒而  
漲水之思決也雖然試諸手猶若

掣也一變而去辭再變而去理三

變而吾爲文之意忽盡如水之極  
於淡而芭蕉之極於空機境偶觸  
文忽生焉風高響作月動影隨天  
下翕然而文之而古之人不自以  
爲文也曰是質之至焉者矣大都  
入之愈深則其言愈質言之愈質

素園存稿

袁引

則其傳愈遠夫質猶面也以爲不  
華而飾之朱粉妍者必減姪者必  
益也噫今之文不傳矣嘉隆以來  
所爲名公哲匠者余皆誦其詩讀  
其書而未有深好也古者如賈才  
者如莽奇者如吃摸擬之所至亦  
各自以爲極而求之質無有也最

後乃得定之方先生集讀之三復而嘆曰質在是矣有長慶之實無其俗有濂洛之理無其腐百世而後歸然獨傳者非先生也耶先生今年九十有四而精神不衰其爲詩文也益適夫質者道之幹也載於言則爲文表於世則爲功祿於身則爲壽三者皆先生所餘似猶未足以盡先生也豈古所稱得道者與而余何足以知之

素園存稿

三

表引

素園稿詩選序

吾師采山先生之素園集行矣友人潘景升氏拔其詩之尤者葢為一編而選詩成先生以齒德名位為鄉衮從其里中憐景升之才忘年友之不啻北海揚聲紫微垂光虹蜺之譽二十年來先生之詩日進于化而景升

序

之業亦已成矣居恒針芥相投鼎詠往復交暢于懷故茲集所匠心自先生無不為景升所標賞者所箋題自景升亦無不為先生所吟諷自煮者昔沈尚書出郊居賦示王筠既以雌霓一音亟為撫掌至墜石碓呈懸瑤帶坻筠皆擊節尚書歎曰知音者希

真奇殆絕所以相要正此數語耳以  
昔況今一何齊契哉每惟壯地信陽  
而後詩人以此不矜詡能為漢魏盛唐  
然大都以似求古人之有獨先生有  
古人之有不蘄似古人而自靡不似  
故工擬議者多不堪與古人並陳今  
取先生詩置之古人集中不可復辨

序

乃知詩自有真學華歆者徒在形骸  
之外去之所以更遠耳先生綺歲登  
朝一時作者神屬九霄氣凌千載先  
生獨發光潛實不欲使年少窺人逮  
夫詞流道謝徽響漸銷乃歸然為魯  
之靈光主風雅可碩果之後繁聲奏  
而太音正希衆竅虛而天籟斯顯固

已奇矣且又得後來之彥相與欣賞  
激揚于遲暮之季蓋引商刻羽有和  
人而高山流水無輟響此道不墜天  
未喪文使先生以久特聞復得人焉  
羽而翼之將以黃鍾大呂之音起新  
聲之代變者相與鳴

序

國家之盛豈偶然哉起元少遊先生  
之門嘗贊其所業亦辱以此事見推  
今垂老無成慙負知己顧視景升宛  
然左辟矣會景升來金陵出以見示  
因敬識一言用當執鞭之慕復私語  
景升自古詞人鮮有登八座者若年  
濟大耋我未之前聞今先生官為地  
卿年九十有三而神明鬱然進而臨

夫柱下相君猶未有父子乃得當吾  
世而論次其詩以垂不朽傳諸執林  
豈非盛事景升曰唯唯請并載之歸  
而質于先生當復為之撫掌謂平生  
意好殆絕不意復逢于君也

江寧門人顧起元頓首書



序

素園存稿敘

嘗論文章者須精神之運心術之動然  
後從之者也其變屢遷而日新常用而  
不可敝豈其字櫛句比優孟古人傲然  
謂能藉第令終日言成文典及反紉察  
之則詞成而情事已隱必且數昧焉有  
明文章北地始為拓迹而歷下諸子繼  
之乃其規鈇所祖軌轍所範作者猶竊  
竊然求多至若以神為主以古為駕儲  
與扈冶挑撓無極超然游矯騰踔於人  
世埃壒之外則定之先生獨也先生自  
總角嗜為詩矣甫弱冠卽以著作登壇  
時汪司馬未敢以鴈行進也比通籍以  
直道忤權貴一麾出守聲藉甚諸名公

素園存稿

敘



卿間王夷江過而問焉傾蓋數語心太  
奇之恨相見晚因贈之詩有文章元汝  
在吏道亦吾師之句其取重如此先生  
之學上通九天下通九野纖之及乎軼  
蜚蚋螻之蹟幽之接乎培阿履髻之隱  
擷精汰滓覃貫無涯以故發爲古文辭  
詩賦不主常聲不作時觀剔無三之奧

素園存稿

敘

鑄萬有之刑窮一家之致旌千古之程  
其視輓近世所爲真士梗耳先生體故  
孱而好沉思似空石中鯁每一稊成形  
爲之枯後深念靜然可以補病背城可  
以休老寧可以止遽於是絕學捐書其  
學益加進今其稿具在大都入機出天  
匠心獨妙杼軸無先家箴無盡旋縣而

不可究纖微而不可勤余每讀一章未  
嘗不欣然贖解旨一語使人之意也消  
惡識所以然惡識所以不然惡至而倪  
智之所極惡至而倪才之所抵響不肆  
應而景不一設先生之詩若文蓋有所  
以先于詩若文也者先是弇州旣甄亟  
索敘之先生闕不振暴其雅志不欲以

素園存稿

敘

此道與時輩相角逐亡何二公往矣將  
有事名山之藏則以敘屬余余自惟才  
薄無能爲役其何敢贊一言第先生引  
余爲忘年交不啻萍溟然弟之知先生  
深者莫若余余又何敢無言蓋先生於  
書無所不闕於理無所不詣而獨講存  
養立命之旨一切非譽巧拙不以入于

心故出而建牙入而筦計官吏壞植斃  
羣鯁斛不敢入于四境猶然功成不居  
深自韜晦而淵淳海蓄世莫得究其涯  
涘是用之者假不用者也蓋當天下爭  
馳極騁之際獨欽之澄然出之冲然物  
不爲妄攬而語不爲苟設非其見卓力  
定不及此秋濤縮原泉見而後乃今知

素園存稿

敘

五

汜溢厖喧者之惡沲也彼安能與先生  
道修短哉彼一時也示之以地文名實  
不入是其杜德機也此一時也示之以  
天壤太冲莫勝是其衡氣機也先生遠  
矣昔衛武公年數九十有五矣猶作懿  
戒以自儆也史不失書矇不失誦以訓  
御之獻聖於是乎稱先生年高衛武學

以年邵境以詣深至老力學不倦卽余  
不佞一二無能之詞必誦志而納之武  
公之獻聖且若是者耶余於是又有以  
知先生之大也若川然有原以邛浦而  
後大

萬曆辛亥暮春

賜進士第廣西道監察御史同邑畢懋

素園存稿

敘

五

康頓首撰

素園存稿自序

余總角則從先元兄習舉子業舉子所業在章句訓詁不得汎及藝苑迺元兄所誦習者皆周漢以前古文詞也余時竊窺而喜之時美翰焉元兄曰孺子毋遽爾無何元兄蚤世余貿焉無所師承邑人程自邑遊北地李先生之門言李先生教人文自西京以上詩自開元以上餘不足賢也余時弱冠矣益大喜深思之中夜忘寢素羸且憊先大人督過之謝不謹顧心好之

素園存稿

序

彌篤不能已及先大人見背憊益甚於是自悔責藝文亦小技惡可以損性靈使夫過庭之命委諸宿草罪也迺以所蓄古文詞書束高閣上稍就舉子繩尺幸登第則曩所束者盡出之若空谷之足音合浦之珠還也是時分宜爲政余以冒昧見嫉使守東平東平孔道倥傯而余方困憊黽俛從事所出書卷塵不暇拂比及三載學日益落而疾則脫然愈矣自是稍釋故業輒疾置之疾輒已適喟然嘆曰夫造物者殆桎余

以是役役者乎余惡敢逆旣受事矣職守之謂何蓋自是錢穀甲兵歲出入焉卽所涉筆墨畦逕一切忘之矣每見當世才人雅麗之作津津味之輒默而掩卷恐攪余心耳昔楊子雲稱壯夫不爲迺余以羸不能爲也萬曆甲戌余自浙歸令葦素園日卧其中益下所事事時與山中人稍講存養立命之旨則六經自足其解在易之良書之典也卽諸子可廢矣舍其田而弗耘何多岐也客有謂余公神幾王矣昔之所習雖

素園存稿

序

勿爲也其棄之與其存之奚若余戚焉有萌迺扶篋中稍錄其離合不大遠者藏之家塾嗟乎孔子言誦詩三百授之以政弗達亦奚以爲君子所貴者固不以其辭也余學辭弗成從政弗達道無聞而耄及之矣如客之云其存是也抑以志余之陋也時壬午仲秋旣望

素園存稿目錄

卷之一

四言古詩 樂府

卷之二

五言古詩

卷之三

七言古詩

卷之四

五言絕句

素園存稿

目錄

卷之五

六言絕句 七言絕句

卷之六

五言律詩

卷之七

五言排律

卷之八

七言律詩

卷之九

序。

卷之十

序記

卷之十一

行狀 墓誌銘 墓碑傳

卷之十二

疏書啓

卷之十三

論議說辯語

素園存稿

目錄

卷之十四

銘贊箴題跋祭文

卷之十五

雜著

卷之十六

譜畧



素園存藁目錄

庠中稿

余十四五竊爲韻語三十而舉于鄉所存藁  
蓋十之二

樂府

從軍行

關山月

步虛詞 五首

塞下曲 四首

素園存稿 八目錄

俠客篇

從軍行

五言古詩

遊齊雲山

寓汪氏館作

歲暮山館書懷

東田避暑

送徐山人

雜興 五首

靜軒

遠遊篇贈吳山人

清川

魯菴爲從弟依之作

兩湖贈葉山人

七言古詩

明月樓歌奉寄莆田鄭使君

贈五溪子

送二子詩

素園存稿 八目錄

挽歌

贈程生以可

汪生行

壽歌

眞白叔席上奉題小山叢桂圖顧蔣二公

詩後

鐵峰歌送張山人

贈吳山人

五言絕句

松岡

題王仲房與程山人守歲詩卷

四首

七言絕句

送江廷瑩之山陰

竹溪圖

贈別

贈李鍊師

秋閨曲

送吳瑞穀歸成婚

二首

素園存稿

目錄

三

裁衣曲

戲題杜詩

少年行

四首

五言律詩

訪程山人不遇

感興

題李山人草堂

送王以珣

東巖

贈方子瞻

奉別蔣南冷先生二首

旅館偶題

夏晚過永之第宅

蔭亭

夏日敬山遊眺

贈劉貳尹

西橋

途中七夕

素園存稿

目錄

四

山亭晚眺

季夏遊古巖寺二首

南山逢王仲房

閒居

題聶逸人居

送人之南都

夢中作記三四句彷彿補之

送程子玉讀書淳安山中

遊儂六首

閏月

五言排律

贈胡莒州

七言律詩

贈張逸人

城東送別

寄蔣南泠先生

亭上

贈程山人進授淮府良醫

素園存稿

目錄

五

題小村卷

序

胡處士六十壽序

耿齋汪處士壽序

贈丹泉謝君序

贈潘大理序

王臺新詠序

齊雲山史序

記

培本堂記

墓誌銘

庠生五渠程君墓誌銘

傳

程氏孺人傳

書

上族叔祖石巖翁書

寄蔣南泠先生

與江高安民璞

素園存稿

目錄

六

論

崔烈

顏子所樂何事

像贊

鄭處士像贊

雜著

答誚

旅中藁

是旅也旅不可以久居故知進者知退焉自

計偕至撫浙自撫墳至請政職守責矣所

著者略蓋刪者寸之二

四言古詩

醒樂堂詩

樂府

白馬篇

北門行 述魯孝也

五言古詩

贈莫主客

素園存稿 八目錄

赴都別親友

東平作二首

答趙太僕二首 太僕以孤鳳篇見贈

鄆陽舟中用陶韻

避蚊

七言古詩

秋月引 兵部試

贈呂司諫

送玉州倅

題表忠錄

忠愍自沉濱江題印紙云謹將節義二

字結果印紙一宗了却神遊何處澄江

明月清風

哭江山人寄汪中丞

春之暮山人別子遊匡廬耳秋遂聞計

傷哉中丞知山人者因寄

放詞行贈戴廣州

狂風行

素園存稿 八目錄

五言絕句

明妃詠三首

題兗膳部藥湖別業五首

小孤山阻風作二首

舟中同江山人作二首 時山人將遊匡廬

平樂舟中

詠燭

朱子价主客席上詠窻間蘭影二首

又二首 代作

同汪正叔水部李伯承比部汪伯玉庫部

張子畏駕部席上詠綠燭五首

送僧自然之雲間四首 僧自然持雲間

莫方伯絕句四章詞調高妙余感公存

念良厚嘉僧能及公之門援筆贈言章

如其數

爲靖藩王孫題畫

七言絕句

少司馬楊公南征歌八首

素園存稿

八目錄

七

嶺南山行

旅夜

寄雲谷山人

雲巖瀑布

都下寄友人二首

戲柬王司寇元美

自下

五言律詩

客舍

渠縣道中

仲夏亳州逢陸大理邀遊薛園

信州抵安仁舟中作

王總戎停舟江潯奉訊

七星巖作四首余兩從江右轉粵東西皆

以職事過得竟日云

早春江行

小孤山阻風作

丁巳元日試筆

憂旱

素園存稿

八目錄

七

春日由太平門登燕子磯六首

宿巴陽館

中巖寺二首

寺有伏虎臺喚魚池

送太學劉生覲省

丙辰除日

亳州遊薛考功園

府江舟中

輓少司馬王公四首

觀音崖同同年李別駕作

饒州閱武示舍弟作

望彭蠡作

自饒州兵憲改廣右督學作

寄吳咸寧

石埭道中

途中寄示蒙巽

嶺南赴召別僚友作

夜過李比部宅用韻二首

袁比部宅同汪水部徐祠部夜集

素園存稿

目錄

十四

風洞二首

疊韻二首

風洞和曹憲使韻

夏日同劉藩伯蔡憲使王總戎遊郭外諸

洞時總戎以辟瘴方見贈

華景洞作

冠巖

再遊冠巖

華景洞次曹憲使韻

觀畢領勅還州作

春日舟中作

荊州元夕諸親友宴別

夷陵阻雪

齋居作四首

春汎爲王比部賦

興安道中

大司馬王公墓二首

代作

丙辰除日

素園存稿

目錄

十四

少司馬王公輓章

代作

送元素姪北遊

早春之鄖陽別親友作

黟縣道中

之鄖陽途中寄答友人

貴池道中

五言排律

丁巳仲春之官金陵奉別少宰孫公六十

韻

送胡內翰北上

七言律詩

送廬山人

玉河白燕

送王仲房

早春北上別親友

送江民璞駕部

信州過故相園作

卅桂白鷗池亭名

題中貴入山

素園存稿

目錄

十五

七夕

海上連開捷報

海上候代寄山中知友

滕王閣作

清涼寺

客夜

長安古意

臥二首

早春寄友人

齋居偶作

送慎侍御

題葉中翰憶柳山舊隱

粵望樓

海北道中

過化州魏憲使自郡城出餞賦別

聞解官報寄所知

贈方伯范公之南太僕寺卿

伏波廟作

素園存稿

目錄

十六

題吳山人草閣次韻

金臺冬望

首夏寄友人

贈吳山人次韻

奉天門領勅作

寄吳歸州

早春

雨花臺作

雪月馬上口占

李伯承北都宅同汪伯玉庫部夜集時將

南別

雪過汪正叔水部

送朱子价主客還南省便過維揚別墅

次韻答徐子言祠部

訪金山人次韻

贈殷養實大行奉使過里

春遲

送中丞謝公致政歸蜀

素園存稿

目錄

十五

睢陽驛次壁間韻

夏日齋居次韻

夏日李憲使園作

李園次韻

題中貴入山

次韻贈姚山人

送梁僉憲

夏日武昌南樓讌集次韻二首

城南候館作

送陳履旋司諫之南都

莫子良學憲袁履善比部三月三日停舟

河許登望岳樓有作見寄時方臥病率

爾奉和

江山人民瑩遊廬山余時有粵西之役同

舟至鄱陽賦別

嶺南梅花

久旱喜雨時方請告

徐錦衣園同王元美司馬作

素園存稿

目錄

十六

皆恩堂爲黃侍御賦

寶綸樓爲蕭比部賦

靈應觀次韻

金陵木末亭作

任丘驛題壁

金臺送王職方之金陵

鄖陽城樓

序

贈江大夫守廣信序



贈陳衛輝序

司城吳君膺獎序

奉送篁溪鄭先生督學江西序

贈周封君南歸序

贈周寧波序

贈丁大理序

贈節推舒公陞刑部主政序

贈兵憲詔菴黃公之任山西序

贈金少叅序

素園存稿

目錄

十七

汪少尹八十序

胡封君八十壽序

石泉余翁七十序

王母陳宜人八十壽序

記

德慶堂記

行狀

處士心謏許翁行狀

汪長公行狀

墓誌銘

明故中憲大夫江西按察司副使贈光祿

寺卿謚忠愍汪公合葬墓誌銘

奉訓大夫南京戶部山西司郎中胡君墓

誌銘

墓碣銘

王母潘宜人墓碣銘

傳

黃孺人吳氏傳

素園存稿

目錄

十八

書

奉縣季泉先生

奉郭東野先生

奉吳筠泉宗伯

奉南太宰潘樸溪先生

浙中上政府書

與汪司馬伯玉

鄖陽奉政府書

又

奉內閣許公

又

又

與陰月溪司馬

與石東泉司空

又

與王復齋司徒

與汪司馬伯玉

與宋栗菴司徒

紫園存稿

目錄

十一

與趙定宇司成

與趙澈陽少宰

與耿楚侗中丞

與殷石汀司徒

與汪襄陽伯玉

回王少宰

答曹荔溪都憲

答曹如川中丞

答李本寧太史

答李少庄太史

答棗陽殿下

答張慈利

與周毅軒侍御

與黃襟川侍御

與江民部

與張蘭谿

與吳明卿大叅

又

紫園存稿

目錄

十二

答周鄖陽

與蕭兵憲

又

寄潘象安

與江仲文大叅

復胡湛臺侍御

與陳敬亭方伯

回古太府

又

回方金華

又

與潘象安中翰

又

回江鄱縣

答胡安義

與詹東圖內翰

與鄭叔真

又

素園存稿 八目錄

與胡茂承

與獻成姪

又

寄川和姪

論

積貯議

南糧議

治兵議

像贊

汪處士像贊

箴

南戶部卿亞題名跋

祭文

祭宗伯孫公文

同同年表一之

祭黃大理文

祭許伯子文

告仲兄教諭府君文

祭邵封君文

素園存稿 八目錄

祭張母太宜人文

祭亡室鄭夫人文

祭樊宜人文

祭李長史文

祭黃宜人文

祭程封君文

祭王司徒文代作

祭唐司訓年伯文

祭羅司城

祭程淑人文

宗祠告文

東平州告城隍文

山中藁

自撫浙待命凡十載自留京歸田經廿載君  
多暇日感興頗繁蓋存者十之七八

四言古詩

雨雪七章 雨雪志旅也逾老而旅學無  
可已焉是以志也

樂府

素園存稿

目錄

三

反東門行

邯鄲才人嫁爲廝養卒婦 樂府有題亡

其辭升菴楊太史發之千載快事也第

焦仲卿妻事非類余因有述焉惠連竿

何試和之

又

蟠桃七章汪母壽賦

五言古詩

贈徐使君

巖溪筏遊

汶川山中喜江簟南至以今夕復何夕共

此燈燭光爲起字

郡使君景陵陳公枉駕

楚賢篇

併序

郡使君四明沈公枉駕

詠古六首

贈鮑生梁甫

七言古詩

素園存稿

目錄

四

與諸子遊高嶺作

牡丹行

并序

贈許山人仲常

己亥早春園中探梅滿景升諸弟羽仲姪

獻成道醇同作

繡佛行

遊梨園花已殘因憶前歲桃塢上女喧雜

乃於竹林中竟日

雷雪行

述異

平臺嘆

俚言

卿雲歌

苦熱行

乙巳春日花下作

又

畢瑞堂封君壽歌

伏雨行

素園存稿

目錄

三五

五言絕句

紀事

萬曆甲午

詠雪二首

燕子磯阻風作

適園雜詠

并序

仲月觀梅十首

適園續詠四十九首

明妃詠四十二首

詠史二首

題僧化飾佛像

詠桂

詠桂詩羽仲獻成久不至戲催之

翦甲

六言絕句

山居漫興六首

有問余詠雪及佛見笑詩者聊復示之

庸言

紀夢

素園存稿

目錄

三六

七言絕句

漫作十首

五丈原

反遊僊曲十首

贈閔壽卿自華陽渡江

赤壁

出塞曲三首

塞下曲二首

敬山亭望黃山作四首

雙烈廟

遊僊曲七首

書事二首

桃花塢重遊五首

大言嘆 道貴中行離者誣之誠立修

辭夸者攘之失在尚大哉夫是以嘆

贈謝大行友可遊黃山六首

有述

山行偶作

素園存稿 目錄

十一

庚子九日

詠史六首

溪上八首

君子軒作四首

五言律詩

輓陳仲魚舉人二首

輓陳達甫處士二首

過吳處士墓

遊程氏園二首

遊觀音山桃花塢作

園中作

龍谷

五雲嶺

金山寺

雙溪 溪曾有紫雲之語稱紫雲溪

王大司寇元美朱少司寇君玉冬杪携榼

見訪有作奉和

哭吳司訓瑞穀二首

素園存稿 目錄

三十八

里中祀張睢陽歲七月二十五日夜以荷

葉燈賽神兩市輝連如元夕不知其所

始也小詩紀事

詠松

松亭

夏日題君式姪書館

丙申元日試筆四首

元旦雨

丙申人日

人日霽

丙申春日

漫興三首

感興十八首

書事寄所知二首

贈潘

閒居二首

丙申春暮後遊六首

垂槐

素園存稿

八目錄

五

丙申端午

感興

豐年

五日

立秋日登烏石山

中秋觀塔燈

初度壽辭羽仲獻成伯雨有作喜其二笑

賦此貽之

丁酉元日人日晴

朱司理表其五世祖墓爲賦

戊戌元日四首

戊戌人日

送方稚文之南昌

贈王長卿

五日

立秋日登色映山

送顧鄰初會試

冬墓郊園

素園存稿

一目錄

三

夏日郊居

菴倚館

姪寵寄杖

竹軒

建德館作

九日

已亥詩會有感

過千秋里贈汪仲嘉士能

送從孫寓庸會試

蕭侍御封公壽章二首

南和茂齋公子以柱國兄命自金陵來省

墓序族禮成贈別

千秋里池上作贈象先象武

伏寒

濠上

壬寅元日

時聞冊立之詔恭述兼及家慶

壬寅素園作

漫興

咄咄

九月既望郊園雨間止菊半吐

素園存稿

八目錄

三

方令君入覲

方令君以余不能入城郭移榼郊垞率爾

賦謝

閏九日看菊

癸卯初度四首

園居四首

送夏司訓之穀城

春雪

立秋贈畢中秘北上

伏暑東潘景升

造也讀書東臯館其母殯處

送從孫玄成會試

適園桂花盛開而潘園獨樹大奇二園溪

之南北連朝翫之約長康景升羽仲獻

成同詠

送吳子復會試

子復家歙而楚產故有萃秀之句

奉送司徒石渚馬公奏績赴闕二首

思古齋四詠

素園存稿

八目錄

三

茅齋

竹几

蒲團

蕉扇

五言排律

春雪十四韻

大司徒殷公八袞壽詞三十二韻

寄和吳明卿大參遊僊詩二首

張母劉太夫人壽詞



登太和山四

萬曆癸巳同年王司寇梁別駕會于金陵

木末亭作時年俱踰七望八矣

元日五十爲吳處士賦

丙申中秋觀塔燈作六十韻

閏中秋觀塔燈作

伏日戲廣熱客詩七十一韻

詠狼毒蟲十二韻

幽棲十三韻

素園存稿

目錄

三

畢母太安人壽辭二十三韻

螢火四十六韻

晴雪十五韻

伏暑東鮑武選畢中翰

大宗伯穀峰于公六袞壽章

七言律詩

春日鄭園作

灌園

送潘象安

園中作

上巳園中宴集

卽事寄所知

詠中秋塔燈示諸文學二首

春日齋居

壽陳達甫

歲暮同諸友遊汶上

齋居感懷次韻

軒中作

素園存稿

目錄

三

馮方伯之楚便道省覲太公春秋八表

元夕觀塔燈

園中作

送吳別駕之平涼

送元素姪遊越

建德館作

梨園作

重陽前一日有懷

春雪小集示諸弟羽仲姪獻成君式兒以

蒙諸孫士端

春雪寄劉總戎

遊西沖山同作卽上已筏遊所登處

九日

書事

九日飲鄭氏溪堂

先約登鳳臺不果

郡使君景陵陳公入覲

雨甚愆看花期采花瓶中同詠作都濬中

翰象安從弟文學羽仲

素園存稿

一八目錄

三三

寄顧鄰初太史

寄熊京兆復吾

畢孟侯中翰見過

戊戌初度

贈孫宗信中翰

方景真惠扇賦謝

庚子人日

庚子元夕

獻成姪七表二首

辛丑元日

萬曆

沈使君見示遊齊雲之作次韻二首

辛丑春日

憫諭二首

詔恤

庚子元日

途程景升

五井提舉

寄汪太學肇邵

徐叅戎自浙過園中作

素園存稿

一八目錄

三六

謝比部過值雪

又次韻

春遲

山亭讌集

春陰

真節傳芳爲四明沈使君賦

七言排律

桃塢七韻

喜晴東同好

春遲

荅贈李本寧太史

送族孫敦詩會試

夏日汎舟

潘南仲七十

覺衰

齋居

東平作

園中作

素園存稿 一目錄

東封君雙壽 司理公尊人

三七

用韻和景升伏日過訪之作

伏日齋中作

滕王閣

河梁詠政美也仍舊增卑民不告勞相地

之宜天休滋至斯百世之利也

桃塢作 余八十時遊塢祝曰九十當再

至幸無令一片飛也茲如所祝

梁太恭人壽

和答神贈 時方移居書寄猶隨木句故

云

序

鄭叔真集序

輔仁文會錄序

崇禮會序

遵雅會錄序

汪母八十壽序

易治篇贈徐使君之山東

素園存稿 一目錄

三八

大司徒殷公八十序

四遊記序 畢孟侯詩序

尊經會錄序 千一錄自序 二首

記

璋谿草堂記

淳安邑治記

建德館記併詩

遊桃花塢記

遊梨園記

後遊記

遊高嶺記

重遊桃花塢記

觀梅記

行狀

通奉大夫貴州布政使司左布政使漸江

先生江公行狀

太學生石川汪君行狀

潘母吳孺人行狀

素園存稿

目錄

三九

族弟處士子立甫行狀

汪母王孺人行狀

張淑人述

墓誌銘

吳孺人安氏墓誌銘

吳處士墓誌銘

墓表

明封承德郎南京兵部車駕司主事終慕

江公墓表

墓碣銘

程處士墓碣銘

傳

程漢陽傳

吳鴻臚傳

吳處士傳

烈婦汪氏傳

貞媼徐氏傳

烈婦張氏傳

素園存稿

不目錄

四

從妹汪母孺人傳

吳季君傳

吳處士傳

洪太學傳

程雲南傳

書

奉內閣許公

又

與殷石汀司徒

又

與江仲文司徒

回張玉陽司成

與講學諸友

又

寄從孫玄成

與詹東園

與王方麓司寇

報陳志寰使君

素園存稿

八目錄

四二

寄徐中菴使君

與吳瑞穀

與范睢陽憲使

與程漢陽德良

與沈太府

與畢司理

與羅聞野中丞

回趙上舍

與殷

與殷上舍與可

與汪年姪

回丁休寧

與江民部

論

范增

扶蘇

鼂錯

舜禹之事

素園存稿

八目錄

四二

治要

社倉議

四禮議上

四禮議下

昏禮

說

水月樓說

辯

茶乳辯

語

刻十家詩語

郡語上

郡語下

庭語

丙申初夏正兒輩

佛語

銓語

擬漢王與楚王語

里語

素園存稿

目錄

四三

又

思敦會祝語

博約說

銘

希希齋銘

日省齋銘

寢銘

杖銘

又

蕉扇銘

蒲扇銘

像贊

題程景升小像

題閔壽卿小像

題江仲子小像

題程景升博物圖

程處士像贊

小像自題

素園存稿

目錄

四四

箴

魂蟬箴

有序

會約箴

題跋

題潘景升所藏吳大叅明卿絕筆卷

題黎秘書書陶詩冊後

題自然上人椿萱圖

題程處士傳後

題王少卿集

又

鄉約宴會圖跋

祭文

季兒冠告文

祭鄭懷雲文

金陵告宅神文

又

西堂上梁告文

修宅告文

素園存稿

目錄

四五

又

又

書院告文

建坊告文

宗祠告文

西堂告文

哀亡孫士廉文

雜著

讀莊子

士修

詰釋

詰儒一

詰儒二

詰儒三

讀哀婦誌

兩姓貞烈紀事

癸巳十月舟行紀事

紀二

屏帖

童問上

素園存稿

目錄

四六

童問下

諭里文

惇誼會移文

重修真應廟引

諭族文

又

諭族里文

諭里

戒戕生

譜略

譜序

譜論

譜例

譜傳述論

念五公

彥昇公

顯卿公

細二孺人閔氏

素園存稿

目錄

四七

宗善公

孝廉公

德乙公

侍御彥昭公

侍御貴文公

秋字公

仕衡公

楚賢公

永誠公

司務公

教諭肯堂公

德潤公

茂進公

敬同孺人孫氏

贈都憲廷舒公

贈夫人鮑氏

廷廣公

齊東公

素園存稿

目錄

四八

良賓公

仕義公

國用公

顯貴公

仕忠公

通議公

贈夫人胡氏

仕禮公

希達公



良弼公	文鐸公	順卿公	希文公	惟望公	叔瞻公	天原公	君用公	京兆公	素園存稿	目錄	四九	圉卿伯時公	中川先生	儒士清之公	貞義公	教諭敬之公	子益	子立	光祿伯賢	司訓子誠
-----	-----	-----	-----	-----	-----	-----	-----	-----	------	----	----	-------	------	-------	-----	-------	----	----	------	------

司訓子賢	文學子仁	宜	文學君在	文學君式	貞烈	文學良用公續	子敬	靜之	素園存稿	目錄	五
------	------	---	------	------	----	--------	----	----	------	----	---

素園存稿卷之一

新安方弘靜著

四言古詩

雨雪七章 雨雪志旅也逾老而旅學無  
可已焉是以志也

雨雪其濂見睨則消曝負以驕都城之南可以  
逍遙

鳥則赴林魚則就深我戶則扃都城之南可以  
忘名

素園存稿

卷之一

一

有書有琴以咏以吟酒至則斟都城之南可以  
陶情

雀不必羅轍不必多有朋者過都城之南可以  
嘯歌

法言則繹遊言不出我友維德都城之南可以  
講習

有得則勞有疑則告勿予云耄都城之南可以  
適道

望不必洋處不必鄉維適則臧都城之南可以

相羊

醒樂堂詩

南山有松東田有黍清風入懷白雲團戶解一萬  
物熨熨登彼春臺安所埋憂愁無自來解二阮公  
縱飲終乃長號矯行有以途窮焉逃解三顏子一

瓢仲尼飲水真樂在中奚必酒旨解四休哉此辰  
四海昇平逍遙無營與世同醒解五有燁令子樹

勲于時聞望珪璋今之臯夔解六中堂白髮有偕  
二人朱紱翟冠解七鸞誥用申解八天錫壽豈吉日

素園存稿

卷之一

二

燕喜賓筵秩秩君子樂只解九階前王樹綵袖翩  
躚翁不辭觴敬奉萬年解九

樂府

白馬篇

白馬如遊龍弄影青雲裏可憐馬上郎意氣驕  
無比千騎居上頭行人不敢視借問此何誰相  
國侯家子日暮垂鞭歸青樓旦市起入門何輝  
煌綺瑟迎中堂珠簾間鸞鵲繡柱圍鴛鴦但言  
冬夜短更願夏日長如何忽不見人事斯須變

君恩一旦非白晝飛雷電天威詎可當獄吏如  
虎狼何言馬上子復似檻中羊身首誰爲收妻  
妾流蠻鄉唇乾耳後熱石斷車輪結門前青草  
迷堂上蒼苔沒不知賓客過但見隣人說棄置  
誰忍聞西山麋鹿羣

從軍行

曲士守尺寸局促焉所營英雄自大度四海爲  
同衾叱咤不足誇謙退如懷水安能睚眦間挾  
刃起相凌羽書頃告急單于在邊城朔方圍未  
解詔書募橫行意中不能滿匣劍忽雄鳴擁旄  
出沙漠一戰天驕平麟閣不肯畫歸來巖下耕

關山月

漢月照金鞍胡雲擁玉盤關山萬里遠刀斗五  
更寒塞外凋弓滿閨中紈扇團何時還鐵騎應  
待斬樓蘭

步虛詞五首

天上離離種白榆月中桂樹斫應疎三島自通  
雲漢路羣仙長愛玉樓居

僊人竝駕五花科萬里來過海外洲樓上投壺  
天一笑洞中觀奕世千秋  
天衢朝度彩雲車幾見桃開王母廬素女善歌  
天上曲道人不解世間書

青鸞兩兩自成行羽珮霓裳王女妝簫引彩雲  
來度曲停梭素手不成章

玉樹香飄桂子風紫鸞棲處一梧桐天上不飛  
金井葉月中新構水晶宮

塞下曲四首

遊鋒相值月初彎漢虜雌雄一矢間城裏將軍  
能夜飲陣中壯士恥生還

曾將旗鼓繫名王恥見胡塵蔽日光甲第誰家  
連玉關鉞衣終歲卧沙場

早年出塞靜邊塵七尺常慚報國身但願長城  
埋獫狁不須高閣畫麒麟

兵家制勝在先謀萬里無貽大國羞不見賦詩  
能退虜空聞投筆有封侯

反東門行

出東門胡不歸天涯客悵可悲谷中之耕可以  
舖糜短褐足掩軒焉用文綺爲堂上翁倚門俟  
九十而扶藜去日黃口兒突而總角生未識父  
抱母而啼何能置此東西馳室中井臼妾自持  
不學秋胡婦棄身河之波叶麻苦相爲女置淄  
澠中寧辭蕩子妻

北門行 述魯孝也

步出北門鬱何鬱累人生一何奄促不擇貴賤  
賢愚金棺玉柩同此塵灰令人短氣不能出聲

素園存稿

卷之一

五

吁悲解嗟王孫仰天拊心膚裂眼血百里號奔  
父兮何怙華堂廣榭卒棄不處嗟嗟兒不能存  
兮解卜兆宅吉託體山阿靈輻在途驟雨滂沱  
馬泥不進嗟王孫攀轅起什天天奈何解上天  
感誠白日照耀百里不見雲國人驚呼幽穴生  
明嗟我王神靈乘彼白雲千秋萬歲遊帝閭兮  
四解嗟王孫孝感上天垂祐無垠芝草產林王兔  
來馴 聖皇孝理璽書褒異萬國是式詔後昆

解五

俠客篇

本家自東魯三選來五陵早慕退讓風恥以節  
俠名羣公不相置隘巷迴高軒嘉樹自成蹊離  
離亦何言遊客四方至投謁盡交驪開宴忽不  
飲他人在憂患見阨不能解不如聲與言攬衣  
不踟躕仗劍獨出門緩急固所有萬里何足論  
功成恥見知棄去如遊塵亮此烈士懷從來飲  
所聞

從軍行

素園存稿

卷之一

六

桃花馬上引彫弧鵬落紛紛塞草枯行盡胡沙  
不見虜將軍無計斬單于

琵琶緩舞不勝情擊鼓華堂已二更羽書急報  
不得飲夜半飛軍度井陘

邯鄲才人嫁爲廝養卒婦 樂府有題公

其辭升菴楊太史發之千載快事也第焦

仲卿妻事非類余因有述焉惠連半何試

和之

南山有鳥北山有枝棲則有匹鳴則相隨一秦

鹿既駭賢者隱伏孰斷養卒而輟匱王二解豪傑

竝起時適為王白龍易服漁者廼殃三解敵人出

獵上獲其魁使者十請往無一回四解肆哉此卒

談笑道之國且有君胡為後之五解敵國服義輔

車相依四境驩欣君王來歸六解黃金百鎰白璧

十雙敬薦賢豪以填我邦七解士不志穀所貴解

紛萬鍾孔多視若浮雲八解天造草昧君子弗寧

昔勿用取乃今有慶九解有婉令女嬪充後庭紫

臺弗御歸于君卿十解彼袂之良天作嘉偶相國

素園存稿 卷之一 七

群公相賀羊酒十一解帷帳沈沈文繡煌煌釋此

芬麗褐衣布裳十二解乃端其逝乃耦而耕南山

之陽北山之陰十三解夫耦婦饁辭榮若遂我拯

其傾孰維其履十四解昔有魯連離世而群卓哉

茲人名不可聞十五解邯鄲之都君子所憩爰詠

休風以示來世十六解

又

六國已墟天地革博浪一錐十日索涸池壁遺

祖龍以燕雀沈沈夥涉王王趙王燕各自立趙

王魚服燕人執趙人皇皇燕人張兩軍旗鼓安

得當使者十死生不一奇士乃見廝養卒談笑

竟御趙王歸輔車兩國相因依國人始驚天下

士千金秭購餘與耳當時張陳世所雄三賢一

時迹頗同外黃美女求賢夫富人公乘女復殊

食魚非必河之鯉紫閣寧知廝養子蛾眉詔出

邯鄲宮却謝綺繡披蒿蓬王廷有組寧肯縶百

年嘉偶天所設二子凶終焉足評之人脩然遺

姓名虞兮為草戚為屍廣武之場時哉逝武陵

素園存稿 卷之一 八

之源商顏山之人遺迹豈其間

蟠桃七章汪母壽賦

暮春之初千秋之里有萱者堂吉日燕喜○燕

喜伊何壽母維祺鶴髮庭趨嫺嫺之衣○乃肆

之筵爰集姻親何以奉之西池之珍○翩翩青

鳥西母所使三千斯實庸介遐祉○維桃之結

維母之祥九十而康厥慶未央○有噓者雛有

茁者蘭于以畀之九轉之丹○維丹九轉維桃

九熟云胡微之青鳥載告

素園存稿卷之二

新安方弘靜著

五言古詩

贈莫主客

總髮慕墳典下帷南山陲涉獵百家言頗好楊  
馬詞慚非閎噩才雕刻聊爾爲向隅奉敝帚恐  
爲達者嗤清時幸際會觀光來王畿邂逅值英  
彥謙光不見遺論文極肯綮風雅信在茲瑤篇  
贈旅邸滿室珠玉輝自顧無絕足追景亮非宜  
素園存稿 卷之二 一  
報章久未成妙解焉可希夫子廊廟才 王朝  
瞻羽儀余固山中士將歸卧茅茨雲泥易乖隔  
矯首申此辭

游齊雲山

曰余拙訥徒刻意航空宇閉帷達達觀局步慚  
高舉雖慕萬里遊未嘗下堂序名山邇邑境數  
載彌延佇振策發深衷茲焉乃一覩石磴鬱崔  
嵬雲林互含吐揮手近星辰半躋辨吳楚天門  
暝未扃洞口晴飛雨奇卉競參差異禽屢翔舞

絕壁類削成幻景難殫叙清晨謁玄扉齋心聞  
法鼓松月地籟沉巖窓天人語塵襟於此洗冲  
抱非外許眷言念同懷孰與營幽墅泉壑足棲  
遲僊靈儻來聚將窮汗漫期何用紆金組

寓汪氏館作

閉帷事呻畢兀坐同槁梧雖無車馬塵雕鏤慚  
壯夫賴君亭榭佳聊可娛幽居清池移雲色戲  
藻知遊魚素心一以澹卽物涵空虛倚石發孤  
嘯松風飄然俱庭花向人開山鳥馴堦除主人  
素園存稿 卷之二 二  
携觴來爲剪園中蔬獻酬既率意笑語驩有餘  
未知桃源人真境與此殊飲罷見微月陶然忘  
所如

歲暮山館書懷

咄咄歲欲除寥寥日方夕寒風振疎林飛雨灑  
絕壁饑飈窓外啼落葉堦前積顧此無與娛悵  
然懷遠客

赴都別親友

達人局四海下士懷同衾桑弧一以懸悼別室

獨今黽俛逐行侶踟躕辭懿親指途極燕越期  
會乖涼溫音形豈不戀浮駭無緩征天衢邁嘉  
運寰宇如雲奔明星拱北極濟治由羣英乘鴈  
詎云多峻岳增飛塵愧非觀國才虛用充南金  
投繯焉足奇結駟非所榮庶存四方志遑事百  
年身

東平作二首

陶令治彭澤百日卽拂衣吾非憚折腰偶與丘  
園宜魯俗一可變褻帷方易爲自愧薄劣才忝  
素園存稿

卷之二

三

此吏民師下車月未圓伏枕踰旬時職業曠不  
脩黜罰將何辭卷身審所安庶奉古人規  
宓子昔爲政彈琴民自治千載仰其人風流良  
可師仁賢幸不棄愧乏君人儀所職期會間何  
以視黔黎國事方倥傯催徵無延期膚體旣不  
完鞭朴焉所施殿考非所驚安見義農時

贈徐使君

於皇建民極休澤洽八埏念茲山谷郡牧理資  
仁賢甫冠飄華纓分符旣立年業或疲瘵氓四

載獲所天敷政信優優正直無頗偏善者安厥  
生不善日以遷田里有騷聲囹圄無後言令德  
旣不踰一介慎其旋台衡推高第五馬一何翩  
天衢方振步下國寧可淹野夫挹芬芳中好不  
能宣何以效瓊玖所願光簡編贈言歌有斐德  
音終不謬

巖溪筏遊

青陽舒淑景百卉紛以蕃叶東臯何麗佳飛甍  
帶長川先聖美里仁况乃偕羣賢令節值熙時  
素園存稿

卷之二

四

異彼永和年倚檻汎中流水哉清且漣磷磷信  
見底嗽若明鏡牽層嶠峻可攀翩然據其巔天  
都去尺五思撫洪厓肩謾謾松下風藹藹原上  
煙劇談竟日夕理暢真自全嘉會詎云易染翰  
志斯篇

東田避暑

炎方信隆暑朱陽赫經天窮夏啓新伏煩蒸鬱  
郊廛層冰無由踏輕羽不暫捐揮汗謝重闌披  
襟臨東田上有棲鳳林下有蟠龍淵綠條綠峻

嶺白雲泛清漣輕颺忽來集苗秀何芊芊喧囂  
既暫屏遊思方入玄嘉彼上世人息景非幽偏  
涼溫固代序宇定神自全暑月行披裘豈受蘭  
膏煎薄劣乏真趣守一故靜便寄言車馬客且  
緩黃金鞭

答趙太僕二首 太僕以孤鳳篇見贈

僕本鷦鷯質所志棲一枝時來不自鄙謬隨鸞  
鳳飛復值希有鳥贈以五色詞苦云盛明世噉  
然當來儀醴泉豈不甘紫芝豈不肥於心苟不

素園存稿

卷之二

五

存所願忍朝饑况我蓬蒿翼焉能攬德輝嘖嘖  
野田間謀食亦已微樊籠將見求恐與素心違  
終期王山阿詠彼伐檀詩

子游武城宰絃歌在得人必子不下堂四境聞  
頌聲魯固多君子二賢成其名忝懷親仁志分  
符汶水濱下車不遑息問道仰耆英夫子迺吾  
師雅志在經綸敷政貴厥中一言可終身蹇予  
既薄劣臥疴將何成徒負素餐愧未行恐有聞  
陳力苟自審庶以返耆耕

送徐山人

越水清見底磷磷三百灘迴舟不盡與霽雪明  
松巒我憶金華洞仙人碧玉壇聞君棲隱處爲  
寄青琅玕

雜興五首

魯生西入秦懷策陳王誼蒙恩在立談受爵爲  
時瑞幸值天下平簪纓萬方萃明堂啓中天俊  
宅俱高位單于款塞朝越裳重譯至鉛刀猶可  
割况有剗犀器不知杞國人何事憂天墜中夜

素園存稿

卷之二

六

起彷徨向隅獨垂淚

漢家事邊竟塞外日紛紜登壇屬衛霍麟閣圖  
高勲長城填白骨甲第連青雲誰憐夜失道空  
刎李將軍

靈龜遊濁水不願紹天明鴻鵠避弋繳高飛何  
冥冥如何蘭臺士束身戀簪纓取怨不在大擇  
禍詎若輕覆車在平地挺轡踰高岑至今東門  
犬嘆息聲未平

清晨望西山杖策獨攀陟行行不知遠幽谷深



未極忽值二童子相見如舊識與我一緘書翻  
然振羽翼雲中但揮手欲往不可卽齋戒跪啓  
緘上惟烟霞色旣非人間字三復無所得自顧  
慙仙才中夜起嘆息

四郊寡行跡積雪莽原疇天地方閉塞歲月難  
淹留出門聊顧望杖策將何求秋啾田間雀汎  
汎水上鷗感彼情有適悟此生若浮蕭然遺物  
累願與真人遊

靜軒

素園存稿

卷之二

七

知君軒中意不厭市上喧抱膝日兀坐看雲無  
所言安知上世人默默道自存車馬非吾擾林  
壑非吾真真擾旣已息天遊庶可論

蘄陽舟中用陶韻

大化自天倪群動各有之結髮事四方往昔相  
與期汎舟大江流驚波詎無時石尤雖云惡嘉  
友欣共茲尊酒況可傾杯至寧當辭文詛幸細  
析忘年庶不疑

遠遊篇贈吳山人

蘭生自芬榮不祈作文木文木雖參天斧斤日

相逐明月不辭垢欣與礫共積卞生空泣血剖

此荆山璞賢者操潔行肥志遯天祿玄纁寧用

縻白駒自空谷吳君倜儻才被褐懷金玉不希

當世名恥向窮途哭東岡亦何爲遠遊窮水陸

衡嶽高冥冥湖水清以淥洞庭三千里片帆雲

中宿廣陵觀秋濤瀛海一何促思叱五花虬遂

訪三山麓竭來凌江流一葦飛如驚江月喜隨

人清輝近可掬米石弔謫僊華陽棲石室洞中

素園存稿

卷之二

八

何所有杳杳青鸞曲渴飲王女漿倦乘真人鹿  
弱齡負曠懷高駕厭囂俗將試羨門方翱翔隨  
所欲君見養石生爲余傳赤牘

清川

清川流不極往往啓柴門倚杖不知返幽懷誰  
與言主父求烹鼎於陵已灌園終然赤水上所  
冀玄珠存

魯菴爲從弟依之作

尼父昔傳道惟聞魯與愚張也空堂堂爲仁難

與俱因知近裏功迺見君子儒三省日不愆辱  
空恒宴如望洋良匪遠舍筏期吾徒念哉章縫  
士大道本同途十駕在不舍爲山一簣初顧斯  
銘菴義無慙食粟軀

汧川山中喜江笠南至以今夕復何夕共  
此燈燭光爲起字

今日山色佳夕鳥有好音復期雲中駕何言果  
見尋夕月在堦除共展平生心此意詎可忘燈  
光照幽襟燭盡當更秉光風良所欽

素園存稿

卷之二

九

今秋與君別夕夢情依依復聞入名山何意此  
追隨夕坐宴更陳共宿白雲扉此夜良已長燈  
揚四座輝燭秉古有言光馳不可追

避蚊

嗟爾么麼質乘炎能逞威杲日照暫息昏暮以  
爲期聚雷一何張靈掌未易施蠅點雖云汚白  
壁定不緇蜂蠆亦已毒間值猶可支惟爾徒寔  
繁鑽營不憚揮手中白羽扇禦汝徒自疲清談  
且復輟左右方相持誰令羽翼成大造寧有私

吳絺與越苧翦裁連作帷坦臥北窗下避爾當  
此時金風計日至霜零更何之

兩湖贈葉山人

兩湖如夾鏡東西與天通日月環雙壁出沒乃  
其中仙人濯兩足拂袖凌彩虹黃鶴不復返滄  
波杳無窮有時二龍鬪水立翻碧空徒驕鼃鼃  
窟觚兀馮夷宮聞君湖上遊頗希垂釣翁湖光  
未滿眼仰送雙飛鴻請君挽湖水爲我乘長風  
一洗東南腥一息甘泉烽

素園存稿

卷之二

十

郡使君景陵陳公枉駕

宓子驅陽喬尼父亟稱賢劉生無乃固僅欲同  
寒蟬老夫牽世網逾耄乃歸田臥疴扉恒閑拙  
養非離群叶英牧邁古誼枉轡臨郊廛曾是雀  
可羅何當五馬旋孳孳詢民瘼匪徒補其偏漢  
治未足尚聿懷三五前緬惟下車初望舒未及  
圓敏哉仁化流寧俟置郵傳一言出堂上萬姓  
已解懸何以效葑菲久道允不愆至治本無象  
莠去苗自蕃叶百川信可障四境方具瞻孰與

二三子將書講德篇

楚賢篇 併序

萬曆丙申冬、日宣城湯嘉賓內翰過余言及其郡蕭守之賢也因與數隆萬以來賢者宣則鄭蕭徽則徐陳四使君皆楚產也何楚多材何吾二郡竝受其福昔馥蘭蓀今侔時雨良可詠矣昔杜子美春陵行不必寄元元時猶在道邪余因作楚賢篇亦無以寄也而徐公方鎮徐方信使嘗踰江淮則何必不寄並寄內翰一通焉昔

素園存稿

卷之二

上

漢世選公卿於股肱郡近論者數稱久任循吏如欲天下長治意在斯與意在斯與  
天王撫九有急務安黎民黎民罔常懷休戚視所任綱維苟或弛幽隱安從申在位周易驕天高卑詎聞薦章豈不偉道路嘖煩言嗟我宣歙郡皇畿寔股肱維隆萬來仁賢有四君鄭蕭既接軌徐陳復邁倫保民寧若芥造士匪徒文境內不識吏庭中時鳥聲五美鮮一愆政令如衡平卓哉四良牧咸爲三楚英岳降自祝融江

漢效厥靈在昔稱多材茲惟王國楨虞廷考以績漢吏選其成甘棠亟思召耆老願借恂明時亮不眩直道斯有徵我述楚賢篇以擬春陵行

郡使君四明沈公枉駕

僕以衰陋質久閑西野靡稿茲空谷中三徑不復治使君傳命來五馬何駢駢高軒先隘巷此道匪所思不見徐方牧云是復疑非冲襟亦何爲恫瘝在蒼黎豺狼方怒翼所賴振其維側聞黃堂上永日色不怡天心庶可見神明且馮依至誠鮮不動鄙夫奚所知麥丘有良祝扶筇三致辭

素園存稿

卷之二

上

詠古六首

蜀嚴本沉冥栖栖匪忘世觀其操著言無亦環轍志西山奚必遠下簾儻已至嗟嗟揚子雲知德乃弗類  
幼安浮于海鴻舉早以決中原兩螭角干仞焉可繼一床三十年省咎庶幾絕陋矣見金者三事肯同列

龐公生不辰海內靡寧宇漢鼎適未分荆南猶  
樂土幸免金革枉寧辭老農圃遺安匪我欺所  
避乃簪組

孫登嘯蘇門處世何其淡悠然鸞鳳音德輝焉  
足覽五君耻維新閉關嗟入坎途窮信已悲雲  
達復奚憾

陶公勉爲吏晉室日以敦接浙行懼遲匪徒折  
腰故止酒未應止賦詩聊復賦素心人幸多南  
村有良晤

素園存稿

卷之二

十三

賀公解組時年已踰大耋天子賦高尚黃冠胡  
以屑漁陽一不掉王畿遂崩裂優哉鑑湖曲貞  
白庶不涅

贈鮑生梁甫

鮑生塞上還囊有七哀篇頗言三城事一語三  
喟然總制驅胡日中台爭柄年惜哉功垂成中  
道忍棄捐英雄革可褻何論玉瓦全至今榆林  
士淚向黃雲天老夫髮久禿談此欲指冠叶生  
乎有心者慎爾雙龍泉朝宁方交泰旣衰欵未

虞爲問擁旌將誰先萬里鞭

素園存稿

卷之二

十四

素園存稿卷之三

新安方弘靜著

七言古詩

明月樓歌奉寄莆田鄭使君

高樓奕奕拂雲開樓上清秋明月來  
彎彎明月出南州清輝先照使君樓  
南州山水神僊窟千巖萬壑當樓出  
使君作郡美風流朝來聽訟夜登樓  
笙歌不減襄陽曲樂府雙彈明月秋  
憶昔垂髫與清宴樓前明月光如霰  
素衣向月無儔

素園存稿

卷之三

一

侶竊倚瑯欄弄鸚鵡面試千言詎道難  
筆生五彩何須數只今一別經十春  
高樓明月空照人使君歸與漁樵伍  
我今還釣清川水萬里傳書鴈不飛  
百年彈鋏心長苦我心不向時人知  
男兒二十時未遲袖中雄鏐應常拭  
紙上雕蟲焉用爲興來對月一高歌  
其奈高樓明月何側身南望無羽翼  
欲度海水揚洪波海上青山秋來紫  
使君宅在青山裏月下應爲梁甫吟  
高卧不爲蒼生起嗚呼使君不起蒼  
生愁愁望雲端明

月樓

贈五溪子

世人局促工步趨如君濶略調獨殊  
心中蕭散一事無令人頗憶高陽徒  
往年爲客經蒼梧瀟湘葉落秋山枯  
眼中小却洞庭湖竭來泛海驅天吳  
觀濤廣陵聊可娛廣陵賈客多不疎  
目不見書錢有餘室中五尺高珊瑚  
滿前繡綺金與珠撞鐘伐鼓吹笙竽  
出有駿馬平頭奴旁人爭嘆君自如  
如有目但送西飛鳥身長八尺寧復  
須

素園存稿

卷之三

二

但恨未有千林車杯中栢葉時復沽  
腰下寶劒字庶盧嗚呼如君真獨殊  
鳳凰啾啾雞厭餽驪駟苦瘦肥者驚  
寧能泛若水上鳬那當復作轅下駒  
我願從汝騎蹇驢日吸美酒提金壺  
三山五岳非皇都金章紫綬胡爲乎  
嗚呼金章紫綬胡爲乎

送二子詩

少年揚揚王與程近時文采亦鮮倫  
讀書不肯守章句下筆頗欲追前人  
程生白晢不短小王

復魁梧七尺身吁嗟行路俱艱軻終歲不免憂  
家貧甑中粗糲不暇飽各抱墨硯驅風塵王生  
今者大梁去黃河如絲杳烟霧程新鼓棹江濤  
回覽古更上姑蘇臺涼秋九月夷門道吳王宮  
前見秋草客子金錢不駐囊男兒利劍空在手  
出門且復誇身強窮途豈得辭奔走平生苦意  
心自知高歌爲別令人悲西湖何處有西女宋  
家民嶽應爲池對人不用彈長鉞感興當賦七  
哀詩

素園存稿

卷之三

三

秋月引

兵部試

金井梧飛露氣清漢京三五月華生九衢塵洗  
淨如練玉兔霜毫纖可見珠簾初捲似蛾眉素  
景娟娟白玉墀流輝先映芙蓉闕甲第朱門光  
未歇侯家羅綺嬌欲寒玳筵波浸水晶盤金觴  
銀燭喧四坐天河微微漸西墮忽聞萬戶搗衣  
聲風吹更向關山明沙場此去千重嶺誰憐塞  
外征人影

贈呂司諫

集

古人忘年重意氣今人纓紱相拘繫呂公並立  
當青瑣願我歡然如舊契我生本是草野人逢  
時謬廁明王賓一麾出守亦已泰五馬來映雙  
朱輪長安客舍祗抱膝道傍今敢伸腰立鉛刀  
製錦應未宜鶴短鳬長誰爲惜感君高誼山可  
移覽君擬古作更奇開元諸子環席上入室升  
堂如見之鳳凰攬輝在霄漢念我離間再三嘆  
白傳嘗聞說項斯中郎今復迎王粲開尊延我  
坐清宵酒酣撫劍但長謔有懷向君能不吐西

素園存稿

卷之三

四

山爽氣當相招

送王州倅

男兒有身空七尺一官落落頭已白路傍塵起  
緇人衣長鉞歸來應可惜故園雲對秋未央走  
馬三日開中堂甕中酒熟君但飲今日相別復  
難忘

題表忠錄

忠愍自沉濱江題印紙云謹將節義二  
字結果印紙一宗了却神遊何處澄江

明月清風

嗚呼德祐年間事千載相傳猶涕泗姦臣何功  
號師相天子幼冲擁虛位半閒堂中蟋蟀聲襲  
陽城上鼓不鳴十三萬人同棄甲木綿何及天  
南傾止水亭從容堂熊湘閣中烈士血慈元殿  
側黃龍翔袖中書出宋歷盡濱江復弔曾忠愍  
神氣已從明月遊璽書猶得君王憫他時燕市  
日無光文山丞相真同鄉一宗了却將二字西  
昌祠宇今相望吁嗟乎浙潮不來厓舟覆滄溟  
素園存稿 卷之三 五

哭江山人寄汪中丞

春之暮山人別予遊匡廬耳秋遂聞訃  
傷哉中丞知山人者因寄

少微之星在平陸浮雲東馳西日速苦心安得  
江山人寄書一篋不能讀宵坐心疑月照梁書  
行淚隕鳥鳴谷百年已闕流水音千人難和陽  
春曲憶昨扁舟千里同分岐乃指東林東洞天

有無駕白鹿錦屏印杖誰當從我所思兮五老

峰愛而不見憂心忡桂嶺以南山如劍獠猥滿  
地非人面我吟章句遊其中青衿學子翻弓箭  
此中書問詎可常書來乃報斯人亡仰天拊膺  
安從問天風慘黯吹蒼茫匡廬之山列仙宅空  
中往往飄霓裳豈非仙蛻或幻化萬里一札焉  
能詳人生衰白理自有仙乎幻也俱非久玄文  
已草五千言深入黃泉應不朽蓋棺詎但龍蛇  
年題墓猶慚牛馬走郡中詞筆汪中丞憐才宿  
素園存稿 卷之三 六

放謫行贈戴廣州

昔含深情嗟來好賦招魂些爲寫山陽笛裡聲  
棄置勿復道對酒且當歌男兒吐氣千虹霓一  
官得失真么麼衆人噴煩言豎子未足誅千鈞  
偶誤黃金注一擲誰論明月珠胸中汪汪可千  
頃詎能芥子相馳騁直言周道方如砥那知舉  
步還機弄王杯已覆水豈收干城一青誰當求  
古來英賢重個儻此道久喪難相謀青山爽氣  
朝如許罷官日得看山侶郡中競訴使君賢洗

耳祇叩田家語竹杖芒鞋隨所之臨岐爲我更  
移時相於但徃登臨屐相憶宜裁招隱詩五岳  
三山路未隔知君自是神仙格洞中丹訣應可  
逢肘後金章寧用惜竊祿清時恥不堪我今頻  
夢南山南異時倘訪愚公谷疊嶂千重一草菴

挽歌

青松與白楊墓門何蕭蕭雙輪凍不轉丹旄隨  
風飄送客且莫行聆我殯露謠伊昔盈盈處畫  
堂紫羅衣袖黃金妝自矜才貌比謝媛復道夫

素園存稿

卷之三

七

壻勝中郎池內常開竝菡萏簾前愛繡雙鴛鴦  
深閨層閣時易暮千齡百歲誰曾度纔憐學步  
鬪花輕已嘆宜家髮成素春花秋月且徘徊紅  
顏素髮莫相催子孫盡鳴東岡鳳女婦日祝南  
山杯眼前百足無所憂管絃高奏雲中樓亦知  
朝日能西墜但顧海水常東流風花草露不須  
更白日黃泉路忽殊閉玉埋香寧復旦夜臺寂  
寞誰相於黃昏客散隴封黑惟見月色悲啼鳥  
贈程生以可

丈夫弱冠稱終賈我今長嘯風塵下請纓上疏  
未可希徒矜敝帚胡爲者自言本是列仙流心  
愛三山狹九州萬里遙懷鍊藥室一春長閉讀  
書樓樓前日日花滿地千花萬柳愁人意聽汝  
高歌白雪詞令予翻有凌雲氣

程生才器何崛奇顧盼迺是千仞姿臨池日草  
二王帖逸氣已逼衛家兒少年萬卷從今始輕  
衣駿馬徒爲爾隔縣尋師不憚遙當場揮筆誰  
能似春風笑人胡自局曹牆屈壘紛相逐男兒  
羽翮當橫天誰作蓬飛蒿下宿

素園存稿

卷之三

八

汪生行

汪生汪生意氣倜儻真英材目中見汝心神開  
玉山千仞何蕭爽黃鵠一舉中徘徊少年萬卷  
數月足閉門著書歲一束楊雄奇字目盡識李  
白斗酒杯常綠醉歌自舞非狂生世間誰是有  
心人雖無尺組係南越頗願談笑麾風塵頃來  
忽憶河上公徧行五嶽應相逢試鳴腰下千金  
鐔迺是天上雙飛龍時時仰天復大笑世人怪



汝殊恒調矩步規行窘欲死科頭箕踞稱玄妙  
吁嗟汪生亦太奇高談沉思將奚爲不如駟馬  
垂雙印枉用年年強下帷

狂風行

狂風累日不肯休今日放舸始安流纖塵不動  
琴書淨却顧僮僕銷離憂天清鶴鶴喜相得日  
煖遊魚吹浪出舟人棹歌學吳音謾誇雙漿忘  
帝力憶昨風狂纜不牽舟停一日如三年長年  
相顧面無色袖手仰占星月眠飄風暴雨天固  
素園存稿 卷之三 九

壽歌

吉日維良酒既盈中堂擊鼓列八珍絲桐遞奏  
各有情親戚會集弟與兄海中仙人吹玉笙青  
鳥傳書降雲輶千年桃實爛如雲之花煌煌五  
色文鶴舞百態鳳鳥鳴進君霞觴度萬春主人  
昔是安期生紫虬親馭天中行鬚眉皓然南極

星七十不杖復不巾散髮閑歌步前楹手種青  
松今數尋松下道書終日陳偶然抱膝梁甫吟  
世人不得窺其真子孫成行高作門丈人安坐  
百不營高歌暢飲今何辰四坐各罄黃金瓶年  
若山嶽無彫零

眞白叔席上奉題小山叢桂圖顧蔣二公  
詩後

華筵旭日停雲白稱觴徧集詞林客良辰嘉會  
殊未央劇飲高歌方不惜就中樂事擬蓬壺中

素園存稿

卷之三

十

坐請覽淮南圖桂樹叢生乍可採八公冉冉應  
相呼玉樓金闕何絡繹舉手捫天不盈尺青莎  
白鹿石差我春草萋萋向人碧淮王仙去已千  
年小山詞賦懸中天畫圖蕭爽復妙手過目欲  
覽心悠然問誰致此錦繡段南冷仙人手所翫  
瑤函遠自滄海濱煙霞燦爛開清旦方今海內  
擅文雄東吳顧老南冷公圖窮更挾清風起贈  
語字字聲玲瓏兩公文采驚世早綵筆花飛矜  
不掃爲翁致此良可珍連城豈直荆山寶吾翁

高逸有仙才結交往往登三台杯中流霞手不  
釋坐上鴻儒日往來卽今春秋方半百清標藉  
甚維揚陌枕內曾傳鴻烈書丹成遲卜仙都宅  
他時相待緱山阿泰清歷歷當如何雲中鷄犬  
休飛去舉首願獻淮南歌

鐵峰歌送張山人

我我江上峰屹立長江側萬古奔狂瀾蒼岷猶  
鐵色盤空屈曲誰得攀屏風萬疊青冥間張君  
鍾秀真清絕健筆如峰復如鐵丹青能驅飛動  
姿況有新詞飄王屑別予遙指中峰隈松扉一  
閉何時來鐵篴數聲峰石裂江濤滾雪長縈迴

贈吳山人

松蘿山下幽棲士藏身却向吳趨里素衣不識  
市中塵一卷道書時隱几三吳俠窟天下聞東  
郊西陌徒紛紛擊鍾連騎復何有有目但送青  
天雲性精墨品意復酷自搗松烟萬杵足易水  
犀紋難擅珎一挺十年真比王姑蘇詞客來扣  
門旋從簾下聞真言競傳購墨得佳士諸公往

素園存稿

卷之三

士

往迴高軒清談更復無所假從容圖史何閑雅  
名家詞翰揮四壁一日聲名動吳下古來高舉  
貴全真如君豈是倚市人扁舟忽棹清溪去笑  
問故山芝草春

與諸子遊高嶺作

世人恒言行路難舉步競躡青雲端門前好山  
曾不顧萬里徒云生羽翰老夫歸田衰且耄荆  
扉日向西郊閑興來頗念南山南緩步猶能躋  
曲折高嶺之高高可攀峻嶒竦處羣峯環振衣  
一嘯驚勝絕藜杖乃在層厓間嶺上摩天天欲  
通入都尺五天人里九天鸞鶴若可招飄然便  
可凌風起風前無論雌與雄豪士安用誇愚公  
世事已忘千仞上心期好付一杯中杯中酒綠  
君但醉百年開口那須喟四美二難詎易并千  
巖萬壑寧相避况逢諸子總好奇羊何能和謝  
家詩詩成何必池塘句明日看山醉莫辭

牡丹行

并序

牡丹自昔盛於洛陽今河南北之間稱名園者

素園存稿

卷之三

士

率皆連畦彌望若藝蔬然未見其可貴也沉香  
亭中一枝取憐崑山之下王乃抵鵲貴多乎哉  
吾郡山谷中陋甚俗素樸好事者階砌之前僅  
數株焉足以供翫而蒙也乃務其多雖未可彷彿  
洛中蓋甲於邑里矣余歸田之年花開特盛  
求羊輩相與賞之時爲倚檻焉豈不濃豔惡用  
太爛熳也夫寄賞于物則我重馳情于物則物  
重此內外之辨也明乎此則茂叔窻前之草明  
道前川之花萬物靜觀其自得之矣東籬南山

素園存稿

卷之三

十三

何其有真意也小人哉須聖人曰不如老圃耕  
且讀帶經而鋤胡爲鄙之非以其役於物乎夫  
學也而多聖人猶不取也况物乎於是作牡丹  
行題之齋中以示儆云爾

君不見洛陽豪家誇牡丹紅紅紫紫關春殘豔  
藥護持絲作障嬌枝擁惜寶爲關年年車馬賞  
花日東郊西陌何曾息甲第爭過上國賓麗人  
羞比傾城色清弦急管沸中堂何處花開不舉  
觴一日盡看幾萬朵一生拚醉十千場借問此

花那得爾花開頗類繁華子此日枝枝映綵霞  
詰朝片片隨流水別有寥寥蓬萊門下惟三載  
未窺園賢良衰舉當時首儒術歸然百代尊君  
不見古人遺烈光簡策五車豈載治遊迹一篇  
一卷咸可珍花開花落定何益

贈許山人仲常

許生兩足屈不信兀坐且免驅風塵經書日滿  
腹中倚儒行猶堪席上珍鍾王妙蹟手不釋楚  
騷漢賦相枕藉閉關未肯冬自春隱几焉知今

素園存稿

卷之三

古

異昔空言周道如砥平肯附驥尾千聲名第令  
神全宇宙監頗覺踵息風雲生曩昔見生文一  
卷吾衰大恨不相見籃輿十里忽自致賓筵四  
座俱迴眄賦詩贈我氣欲驚驚藝圃迺有尊足存  
少陵佳句亦復步平原美人奚必論因嗟世士  
徒茅靡予足憧憧什復起東郭先生履屐穿北  
山愚公擔耒已何如趺定術相忘宵宵乾坤別  
一方請言赤水珠何得不見幽蘭谷自芳古之  
達生無不可十年面壁彼非跛更聞侍雪泥如

人寧厭槁骸吾喪我生平抱膝吟莫哀九方應  
辯驪黃材對客聊揮白玉塵逢時好上黃金臺

己亥早春園中探梅潘景升諸弟羽仲姪  
獻成道醇同作

老夫愛說陽春好春日日出東郊道淑氣纔衝  
幽澗冰條風已入中林草林中昨夜報春來梅  
花隴上幾枝開雙屐亟巡芳徑徧繁葩應待好  
辭催潘郎逸思早稱妙吾家玉樹森同調競將  
麗藻寫花真旋倚雕闌索花笑花神何在雪凝

東園存稿

八卷之三

五

膚水上盈盈好美珠冷藥暗香禁淖約玉佩霓  
旌翩有無老夫雙瞳何當綠霧中看花寧厭數  
花下歡同述作才興來漫和陽春曲此日郊遊  
此一時明朝郡內傳新詩休論詩裏花生筆第  
向花前酒滿卮

繡佛行

王家繡佛真絕技三年一幅紅迺爾織女機絲  
未可見人間古繡那能似王郎能賦復談禪甘  
年五岳徧尋仙閨中少婦篤奉佛朝朝暮暮梵

王筵松扉不啟虛室白春秋佳日織塵隔齋心  
盟手慎一拈天成無復針線迹王郎韞匱什襲  
珍與齋七日乃示人我聞夙昔始一觀數請祗  
恐魔王真頗疑入定時欲起宵然默示無生旨  
諸香紛紛花雨來莊嚴儼在青蓮裏吁嗟慧性  
自有初應從繡事悟真如古稱神疑貴用志公  
孫之劔夫人書

遊梨園花已殘因憶前歲桃塢士女喧雜  
乃於竹林中竟日

東園存稿

八卷之三

十六

去歲看花何太喧童女紛紛花不言老夫携客  
竹林下此君乃可語遊者今歲看花何太遲落  
花滿地葉滿枝老夫愛此綠葉陰黃鳥嚶嚶復  
好音遊人看花不看竹舍花入竹乾應惡雲山  
四疊境自佳安得長春日有花至人天遊遊乃  
至花紅花白復何意請君興至隨可遊萬點風  
飄何用愁

雷雪行

去年臘月雷後雪今年正月雪中雷雪中之雷

昔未見巫咸不存安問哉我聞雷公天帝使爪  
牙爰整稱圻父天綱不踈凜王斧深山魑魅孰  
敢侮迺今魑魅晝橫行雷公何在侍王宸柰何  
寂若久無聲漢陽關使生縛人縛投江中莫敢  
噴繡衣柱史髮上指尚方請劒未報聞嗟爾去  
家遠行賈力競刀錐爲仰俯大商蠶食未卽寢  
小賈瓶罄壘誰補更憐自刎鑾江邊旁人空爲  
涕泗連大官休戚胡不言天高寧徹 繡衣前  
江西大守妻自縊山東縣令彌年繫生還鉗荷

素園存稿

卷之三

十七

金鷄恩翼飛已恣豺狼噬雷公雷公胡不情釋  
此乃與雪霰爭震驚遠邇天鼓鳴紫電閃樂雲  
冥冥非時出奮奚所懲雪花如掌未肯平滾滾  
六出田疇盈江南雖稱三尺瑞百卉已拆那可  
禁王恭鶴氅奚足數袁安僵卧心獨苦豪家獸  
炭墜北戶外鶉衣色如土兒童未解長者哀  
拍手大笑天家俳電光雪片相縈迴龍戰無乃  
玄黃災頗似楚漢時方急漢皆縞素兵四集重  
瞳一叱驚辟易又如吳江八月濤銀臺湧出中

天高子胥怒訴空中號須臾繳日耀泰清雷收  
雪霽還清寧纖氛不點松風輕簷花索笑徑竹  
青千厓皜皜玉作屏恍疑天上白玉京十二樓  
前千萬樹樹樹珠藥凝清芬老夫齒落心未灰  
呼兒試撥流霞醅小飲更倚庭前槐仰瞻北極  
雲五開扶杖欲舞中徘徊我皇親握大造柄王  
居一渙天人應九重穆穆甚明聖法祖顧諟天  
明命昭哉皇祖垂謨訓政府毋容閤寺近掃除  
是司胡敢紊請陳嘉靖中興盛中官首罷最聖

素園存稿

卷之三

十八

政登三邁五俄頃間倒懸一解兆民慶此輩來  
知要領具萬國目望 皇斯怒 皇赫斯怒民  
斯安萬國不擾安如山王卮無當實則難慎德  
此有黃金丹黃金昔傳好築臺千金市駿輕浮  
埃樂生受事郭生媒郭生吹律陽春回况復大  
德天所培九方早致千里才驂騑在御焉用駘  
青蠅一屏鳳鳥來五風十雨光三台雷公遵職  
令不乖雨雪時霏潤八垓廷臣恭上南山杯陛  
下億萬歲歲恭已臨蓬萊

述異

君不見昨朝雪片滾如席庭中俄頃已盈尺雷  
奔電繞一何驕群龍方戰未肯戢今朝旭日出  
遲遲雨聲乍颺雪亂飛天公亦作西胡幻一笑  
憤爾隨所爲王女在旁信不眩號令那得非其  
時世間萬化胡可議耳目未及乃爲異邑西近  
說豕生人隴右遙聞山出地况復人心如其面  
白衣蒼狗浮雲變尼父車前鳳德衰世尊階下  
狼心善君不見普天中使飛噬人南人爭頌邢

素園存稿

卷之三

十九

使仁半菽毋容市價貳雙眉輒爲村垵墾村垵  
寧敢辭差使小邑山間僅蕞爾山有不登方丈  
筵海錯須從數百里苞苴似聞中使却徵求翻  
務上官喜上官盡是儒者徒公儀肯嘆食無魚  
第嫌庖薄箸不下詎恤壘耻瓶已虛安得皇綱  
一振肅法守復似成弘初

平臺嘆

君不見古昔春來迎以禮布惠致祥從茲始萬  
物熙熙春自私四境欣欣色盡喜奈何兒戲平

臺哉平臺豈復如春臺一臺幾費中家產七十

二臺良可哀羅綺寧堪雪霰集金珠一落那得  
拾觀者猶嘆供者慢市人嗤笑閨人泣吾郡本  
稱山谷鄉何時亦致邛郫倡保番搜送若應役  
雙雙粉黛強成行此輩向曾驅出境伊誰私使  
男衣領欵自不可休自可公然來倚黃堂屏却  
驚侍立何者童木蘭誰辨是雌雄二君一楚忘  
其一郡人任今論自公守嗟此戲浴佛起東嶽  
生辰效更侈厲階二氏爲民留猶道年豐時未  
素園存稿

卷之三

二十

俚言

君不見豪家生子喜欲類賀客紛紛喧四筵爭  
言駟馬高門戶爭言八字增庄田貧家生子愁  
不喜言中無衣旆無祿一身凍餒不自保安得

餘力及孫子鄰人倏見各長成貧者自立豪者  
傾一矜純綺恣驕態一閑蓬華攻書聲萬鍾自  
是書中粟玉卮無當何能足莫輕短褐今青紫  
莫橫多金今桎梏世事翻覆古盡然人生自取  
匪由天天道虧盈盈則損人道好謙謙乃全謙  
與盈與在人爾天心乃在人心裏請謝麻衣與  
子平休辯干支察眸子

卿雲歌

七月既望天氣清老夫絺衣出前楹散帙俯覽

素園存稿

卷之三

二五

山海經仰觀天文五色雲煥若美錦覆我庭天  
孫河西新織成桃花天天柳青青紫芝燁燁商  
谷榮芙蓉出水翠荇并枝枝葉葉各分明餘者  
爛熳未能名仙人霓裳白鹿群鸛鸞黃鶴紛來  
迎崑崙玄圃群玉林懸瓊火齊兼瑤瓊飛霞散  
綺標赤城當軒靄靄如有情微風不飄飄復停  
瀟毫欲爲頻經營兒童歡呼拍手驚呼童沽酒  
雙玉瓶老夫醉歌歌且吟家人喜問此何徵上  
天垂象示太平百順之祥自天申衿衣曾鼓有

虞琴漢代銅池奚足稱 明明聖后御紫宸左  
右丞弼社稷臣上奉典則下蒼生普天將去關  
市征渙汗弗反民咸寧行旅千里無擇辰萬物  
得所詠由庚豺狼安得久縱橫嗚呼豺狼安得  
久縱橫

苦熱行

七月既望暑云處九月酷甚那可禦齋前嘉樹  
半欲枯籬東寒泉濯如煮幽蟬抱葉瘖不吟營  
營得意惟多蠅蒼蒼無色雲盡久六龍無乃焦

素園存稿

卷之三

二五

其鱗周人旱憂魃爲虐魃亦么麼奚所託風伯  
雨師瘳罔知山陽空驚雷殷作昊天節序詎無  
常明日登高何處涼盡道江東同嶺右那分三  
伏與重陽我聞上士暑不熱蕭然物外乾坤別  
長安道上汗成泥姑射山中肌若雪翠壁蒼崖  
有所思金風玉露寧無時北窓自是羲皇上五  
柳先生百世師

乙巳春日北下作

杜陵年半百

老夫今耄期



前山門前山青聊可陟筇中書亂那用帙吟詩  
自可小童書登山時復幽人集山花更喜近人  
開折花照眼仍當杯第令花下杯常綠休憶馬  
上花看廻

又

老夫去秋目漸昏渾渾好玩南華言春來全減  
紙上墨興至還開花下尊尊前花開能隨酒老  
夫看花花在手休教健步移遠梅未忘風流似  
垂柳風流濯濯少年姿老夫衰白自其時載酒

素園存稿

卷之三

二十三

無勞客問字對花聊復口占詩詩成酌酒不令  
滿老夫微醉臥政穩天今自高地自下寸也可  
長尺可短世間長短何紛紛過眼那煩青白分  
兩涯牛馬安能辨三月蕭韶儻可聞

畢瑞堂封君壽歌

燕陽冠蓋燁如雲人人羊酒爲封君君年甲子  
周復一圖書四壁手未釋考昔大夫子紹起身  
棄一官輕敝展大郎蘭署蔚國楨次者下帷淹  
五經請君舉觴百勿辭更聞閭內裁新詩新詩

婉雅傳女士古來淑媛孰可以大家承家漢史  
成第聞隨子賦東征孟光舉案喜齊眉未必袖  
毫和五噫君家曲和不下堂陽春竝奏春正長  
相觀如友復如賓琴瑟靜好鬢未銀彩衣踴躍  
更上壽蘭芽茁者茁且茂良辰燕喜具四美四  
座同聲歌樂只遙瞻執極鸞章來卽從始命階  
中台庭中珪組川方至床頭朱露時所事知君  
慎德若懷水多福自求天乃因人生意通神恒  
怡松喬奚難與等期年年稱壽冠蓋集南山之

素園存稿

卷之三

二十四

固雙玉立

伏雨行

昔年憶有伏寒作葛衣頗怯含風薄去秋之杪  
火雲升登高翻就深松陰今茲伏日日日日雨篋  
中紉扇不知暑吾衰未敢憚炎曦竊恐四序愆  
推移維天無言時有常誰其司者無乃忘老夫  
聽雨中夜起起坐思思疑有以嘗聞天道遠難  
知北山有叟將



素園存稿卷之四

新安方弘誥著

五言絕句

明妃詠三首

黃金何足惜寧受傍人嗤  
關雎有真性非爲恃蛾眉

六宮皆拭淚何處王關路  
不嫁萬里天君王詎回顧

萬里遙相憐宮中不得御  
命薄古盡然未必畫

素園存稿

卷之四

一

師誤

題況膳部藥湖別業五首

仙人鍊藥處湖口白雲飛  
明月空林夜時聞笙

鶴歸

別業湖中央時人空知處  
蟠龍時一吟白鳥自

來去

軒中讀易罷湖上月東出  
捲簾無所待默默獨

抱膝

卧聞江南來浪沒堤邊傍  
不知雙白鷗猶在門

前否

雲湖渺天際日夕滄洲心  
勲業在青瑣幽期未可尋

小孤山阻風作二首

佳境自相關江濤故作怪  
石尤殊不惡三日對

孤山

孤嶼一水環縹緲在簾間  
雲帆從此去應厭萬

重山

紀事 萬曆甲午

素園存稿

卷之四

二

南方八月末夜卧衾如鐵  
曉聞家人語昨灑西

山雪

詠雪二首

漠漠纔半空紛紛已四野  
向來高座僧瞥見天

花下

雨花定雪耳安得天花下

何來空中花競向座前灑  
試問西方人誰是說

法者

松岡

疊嶂抱平岡桑麻被原野  
中有玩易人日坐松

竹下

舟中同江山人作二首

時山人將遊匡廬

江水碧於草扁舟蕩漾春綠蘋開復合白鳥適相親

江淺石堪數花穠纔且徐好山青未了何必問

匡廬

平樂舟中

羽扇難揮暑素衣行欲緇如何桂嶺表日挂雲帆爲

素園存稿

卷之四

三

詠燭

未照羅衣解翻憐玉漏遲欲占花太喜更問夜何其

燕子磯阻風作

難離佳麗地不厭石尤風濤排銀漢上纜繫畫圖中

朱子价主客席上詠窻間蘭影二首

幽香自可念清影復堪詠非因銀燭光那取王窓映

幸入君子室見擬同心話借問燈前影何似壁間畫

又二首

代作

孤芳不自持參差非一態今宵綺席前復值銀釭對

東燭照幽花流影何蕭灑風來冉冉香可翫不可寫

同汪正叔水部李伯承比部汪伯玉庫部張子畏駕部席上詠綠燭五首

素園存稿

卷之四

四

清影曾無夜繁葩不斷春應嫌光太艷故與酒相親

煙吐宵方半詩成焰故長杯添鸚鵡色衣拂菱荷光

光映砌苔淨輝分徑竹青九枝須並列四座正含情

跋見客將醉花明夜更幽鬢蟬光可掇杯蟻照仍浮

高宴卜宵驪清光爲君吐綺席雖見休紅粧轉

相妬

送僧自然之雲間四首 僧自然持雪齋

莫方伯絕句四章詞調高妙余感公存念

良厚嘉儔能及公之門援筆贈言章如其

數

一水萬重山扁舟任往還莫輕江上衲曾向鉅

公間

雲間莫夫子一別二十年能將數絕至已勝尺

畫傳

素園存稿

卷之四

五

一錫易層波重門未厭過乞來滿幅字不用舉

群鵝

殷勤寄雙鯉相憶惜相違鉢中持法力莫作化

龍飛

所寄途中遇切豈信有識哉

題王仲房與程山人守歲詩卷四首

守歲却辭家尋詩幽徑斜紅梅自可詠不用頌

椒花

元日連元夕家家競新節獨誇一卷詩共守郊

扉閑

泛觴臨曲水寧須上巳時山人好早計恐後陽春期

君家幽園裏芳樹易驚人爲有催春作吟來字

字新

適園雜詠 并序

兒以蒙卜園於里之北以適余老且廿年所矣

而余始能歸田爲萬曆癸巳歲則逼除明年甲

午余以春日偕羣從至自後月一二至或日至

焉蓋有携榼而至者大都詞人起予者也至必

素園存稿

卷之四

六

小飲花下一觴一詠觴不及醉詠不求工惟適

也余有杜子之懶不能如其癖僅五言四句耳

孫士翊年九齡數窺而誦之余笑曰童子豈有

知乎筆落則令持與小奚奴寫之翊喜於傳命

乃有賣菜傭狀輒以花名進曰此花亦佳余不

能嗔隨所進應之蓋翊所進窮而余意亦適矣

乃已集之得百有八首示蒙置之笥中惠連羊

何輩或相與和之不必傳人人也

種自桃源分何云開似雪頗疑弄珠人衣作丹

霞結 池上紅梅

賁反乃無色蹊成竟不言自可寒梅友何慙派  
栢根 碧桃

從令霞作片自是玉爲神寧依揚子宅不引武  
陵人 其二

桃紅既似霞梅白自云雪霞白雪復紅是非誰  
當別 碧桃間與紅梅同開

花前禮如來疑向月中住金粟何垂垂併作菩  
提樹 齋中木犀

素園存稿

卷之四

七

幽芳本幽谷何自藝中園幸邇君子室庶比同

心言 幽蘭

裊裊風前態盈盈雨後粧匪獨驕艷姿何當聞

妙香 海棠

莫承世尊座莫葺騷人裳美人常獨立宛在水

中央 蓮花

枝柔架易扶花密蜂難覺莫以山家貧爛哉雲

錦幄 薔薇

謂爾忘人憂本無憂可忘茂叔窻前者萋萋血

爾芳 萱草

昔從海外移今向庭中吐絳萼輝孔揚珠房瑩  
堪數 海榴

涉水何當采臨風良自持獨有天然色可比謝  
家詩 芙蓉

百草既已嘗胡獨以藥名對爾良不苦宿疴霍  
然平 芍藥

良藥貴苦口甚艷故鮮仁請謝路傍贈爲君殿  
陽春 其二

素園存稿

卷之四

八

那見三秋樹能開百日花一承華省露長映赤

城霞 紫薇

能結歲寒實寧非志士模臨河不肯渡伴作商

家奴 橘

胡蒙蜀鳥名應以血色故自有來年春何須泣

春暮 杜鵑

剖心既自明泣玉竟誰贖本因向陽傾匪以衛

其足 葵

莫以一瞬微年年自華萼蟠桃三千年開時故

應落 木槿

嗟爾自嘉樹何事冒草名皎皎揚清芬寧慙幽  
谷貞 王蘭

蔚矣翠屏張居然綵雲映雖有矯枉勞未嘗戕  
物性 栢屏

柔條結爲亭細想巢居氏燕坐疑清香奚俟輪  
魚笑 丁香亭

獨木跨一泓何必慙海若試語西河使此中差  
不惡 方池

素園存稿 卷之四

本自小山叢何令夾道紆枝對葉相當中有青  
龍跌 柱屏

小閣一以馮依然見平楚恰受兩蒲團客坐默  
不語 西閣

平臺亦最爾層巒眇雲際那知一簣功遠有下  
切勢 熙臺

小亭臨池水頗似杜家航莫言坐客少中有萬  
夫望 池亭

莫近王家墻那令婦見逐拾遺草堂前自可西

隣撲 棗

白果未敢先珍重君王薦金盤與筠籠毋使肥  
癯戰 櫻桃

四豪客三千陳家僅一榻衆寡何必論第令益  
者合 三益軒

此君比君子斯名兩不愧苟非君子居將無此  
君累 君子菴

如何幽谷卉被以華簪名昔人求遺簪乃是南  
山荆 玉簪

素園存稿 卷之四

獨鶴難其侶寧與鴈鶩爭未忘一舉意時向九  
臯鳴 孤鶴

可憐一枝艷遂擅三春王何言漁陽鼓乃自漢  
宮粧 牡丹

允矣歲寒操斐然有佳色一入淵明詩百卉俱  
讓德 菊

青青幽澗草移之白石盤云是僊家蔬當共飛  
霞餐 菖蒲

自是文成采那云淚作斑當時萬國憾奚必九

疑問 斑竹

好山日在戶何爲假作山亦有遠遊子尋山萬里還 石假山

自是珠爲藥翻成雪作團復疑銀屋湧似向廣陵觀 雪毬

爾豈近佞人何以稱爲瑞自有明德馨無論瑞與異 瑞香

穠挹團雲色清宜疎雨聲不愧高墻影應尋介石盟 芭蕉

素園存稿

卷之四

上

井上既可咽道傍未必苦若彈王陽冠園人知不取 李

雪映溶溶月風吹淡淡雲幽人攬羽衣花影何繽紛 梨花

趙武不勝衣光爲晉國輔獨立波流中胡云不可柱 荷

依依團翠蓋點點綴黃金自可小爲貴何須高作林 細菊

蒼蒼鬱秀色謾謾來清風於焉發長嘯庶以要

鴻蒙 松林

修竹故可數停雲密不開稍令通一徑莫礙幽人來 竹徑

愛茲清流駛觴至不及持一觴復一曲曲曲清且漪 流觴曲水

此花月可玩世人輕目前翻慕瑤池花一開三千年 月月紅

白日正中天暗室自云邃何哉六經言儒者乃相避 專經齋

素園存稿

卷之四

上

風行水成文風靜波如鏡此心本自虛何物將心瑩 瑩心亭

鑿鑿引修蘿自環原生堵端木華其軒未可闕吾戶 薜荔垣

晝夜既以乖向背胡不一我欽君子花不願采爾實 茨

葉向復何心晝合寧昧物性固其然胡庸爾心殺 茨荅

青蘿露醃逕隨意自縱橫雖礙朱輪轉無妨藜

抄行 青蘿逕

雙樹如二士挺焉默相得撫爾我爲三榮墩日  
三陟 雙栢墩

獨坐玩易軒寂然無所玩前楹時一倚山禽適  
相喚 玩易軒

我思見吉士草也豈國楨庭前戒勿翦欽爾有  
嘉名 吉祥草

爾自云祥爾吾將辯其真倘藉南薰吹應能指  
佞人 其二

素園存稿

卷之四

七

草云草何知吉事乃自求佞人苟能遠百祿爾  
是道 草答

古人恒寡辭聞者未能喜貴草指佞人佞人豈  
勝指 其二

自有北山鴟鳳鳥乃不至羽落爲嘉卉辟患猶  
堪瑞 鳳尾蕉

世云可辟火患

藹藹人自吉萋萋草自芳未嘗指佞者惡用爾  
爲祥 吉祥草

草有惡佞名今也非亡是世以佞爲祥寧恤千

人指 草答

吾桃歲可餐奚必瑤池結爲語東方兒胡可名  
爲竊 桃

仙桃條三竊志士重一飽不正李園冠寧食周  
家草 其二

似入崑崙圃真看火齊懸復憐總翠色競秀歲  
寒天 楊梅

列子御風返吾與蒲團宜當暑一披襟無論雄  
與雌 冷然閣

素園存稿

卷之四

七

念爾冰雪時青青故可喜第能階砌間王樹亦  
爾爾 滿冬

小卜三三徑長開曲曲花若令董生窺應作秦  
人家 九曲花屏

青陽一以布百卉咸資生不知乾始力何事有  
將迎 迎春花

爾本盆中草胡名爲水仙吾欲易爾名以名水  
中蓮 水仙花

花言仙何常何必水中央請植江之汜爲君揚

芬芳 花答

春還別墅惟碑徑引春來便復留春住教花日

日開 引春亭

細流何自分涓涓乃盈沼尼父思有恒立德不

在小 育德軒 軒在沼上

自是月中植猶飄天上香何因移別墅未必礙

清光 桂

豈愧後彫質三千年一開世人那得知朔也乃

仙才 桃

素園存稿 卷之四

五

冠王人將誚晨司爾定迷子焉寧似木誰作汝

南帝 鷄冠

微卉亦情思宛作雙鴛鴦應攪秋閨怨同憐七

十行 鴛鴦菊

揭來竊桃兒阿母早已知幽人義不啖自如南

山芝 芝

芝生後圃中禎祥云以下吾聞商山叟采之乃

滿谷 其二

嘉爾娟娟秀宛作翠鳳羽朝陽耻妄鳴寧託幽

人圃 鳳尾竹

浮辭泥沙汗清與漣漪轉古人慎違禮雖親不

忍薦 菱

嗟爾庭中植寧忘天上期年年華一吐頗似渡

河時 牽牛

朝陽耀高岡蔚茲碧樹林有雲日以爛寧無靈

鳥音 梧桐岡

紅紫雖滿圃未若素者殊絕色好獨立盡令群

卉汗 白牡丹

素園存稿 卷之四

六

嶺南空比雪漠漠漫疑珠惟應姑射山自與神

人徒 梅花

子雲悔雕篆玄文乃自疲我自閉閣臥咤爾何

所思 思玄閣

應憐芳草恨其奈美人何借問廁中蔬寧聞垓

下歌 虞美人

草也亦世情老作少年能靈椿八千春應耻周

王載 老少年

自矜美玉質獨殿衆卉芳紛蘭均作佩餐菊併



爲糧 玫瑰

嗟爾本微卉何當擬上仙小大倘可齊芥子界

三千 鳳仙花

莊周昔爲蝶蝶化乃爲草草蝶復爲周狂談應  
絕倒 金蝴蝶

恒言維桑實能革惡鳥音吾欲食佞人庶效臯  
陶瘠 桑甚

本以素爲絢寧悲漆可黃藩籬曾不屑金玉乃  
爲章 梔子

素園存稿

卷之四

七

黃鶴青雲裏何時落一毛莫言籬下物猶擬九  
天高 金鶴翎

花神豈書淫歲歲紬應偏頗似剗心士雖枯不  
釋卷 萬卷書

會心不在遠乃在心遠爾悠然東籬間真意誰  
辯此 會心處

宮中濃拂檻隴底推爲新物固貴所遇志士存  
其真 牡丹

不能桑下宿何得花間笑應作雨花觀可笑談

經妙 佛見笑

若有開時笑寧無落後羣一羣還一笑此是去  
來因 其二

若言天花下此卽天上花世尊莞爾笑爾問斗  
間楂 其三

此是菩提樹春來花自叢此花誰翦汝笑問拂  
條風 其四

何必愛一笑第令花常開堅冰苟不至安得東  
風來 其五

素園存稿

卷之四

六

佛自開口笑笑花花自開花開花自落落花春  
自來 其六

董生貪下帷見花殊不笑佛笑非見花花心佛  
見妙 其七

佛笑語衆生此花有佛性奚翅八千春春花無  
終竟 其八

仲月觀梅千首

種花爲引春春乃先花至春半乃見花花倍將  
春媚

歲歲衝寒放今茲遲日嘉未應清讓雪自可豔  
成霞

自是條風遲匪與群芳競莫疑艷陽色詎改歲  
寒性

幽姿恒待臘冷藥苦禁春定知時未後何用早  
驚人

芳期胡以愆衆卉未敢發寧同桃李顏自待中  
和月

頗疑姑射陽會與神人遇此非一洞天安得三

素園存稿

卷之四

十九

珠樹

曲徑入芳林孤亭當翠巘喧塵一以寂伯夷定

非遠

垂垂臨曲水疎影正橫斜千載懷其人居然處

士家

東閣吟詩興僻哉何法曹何所無芳樹之官無

乃勞

枉子蜀江邊朝夕催髮白胡不索花笑自今憂

不釋

適園續詠四十九首

清齋不翦韭云是佛所戒吾語學佛人此豈異  
稊稗 韭

群卉臭味同總屬絪縕化試從平等觀請爲世  
尊貫 葱薤

覺心苟無障植物寧有腥盡是青蓮界普聞明  
德馨 其二

滿地放金錢金錢無可使滿屋積金錢金錢亦  
如是 金錢花

素園存稿

卷之四

二十

莫憎遽如許鳬短鶴故長施朱恐太赤淡掃瞞  
家妝 垂絲海棠

朝白晚微紅盡道西子醉應是吳王催施朱猶

半睡 醉芙蓉

何言蒼龍根幻作菩薩面杖之人深林不若心

廻善 佛面竹

飛燕昭陽裏承恩姊妹同爾胡數至七豈自齊

家宮 七姊妹

莫忝上公慈鳳正立朝色那效道傍柳拂地不

復直 垂槐

蜀帝化爲鵲徒令蒙者惑花復以鵲名此惑當何極 杜鵑

爾未爲春泣胡爲以鵲名吾爲易爾名名爾曰理英 春鵲

孰試更生術俄看徧地金無煩長者布應得世尊心 滴滴金

種草若成金黃金賤如土應無求者勞安有采者苦 其二

素園存稿

卷之四

王

王生酪奴談阿世旣已陋佛供信爲乳儒者何其繆 茶

盧仝本嗜奇七碗猶未已吾佩長公言聊用堅吾齒 其二

河朔避暑飲暑第醉中忘懷自愛茗糜大暑能清涼 其三

梅雪尚其白紅者異日評爾抱黃中色遠矣明德馨 臘梅

芳梅先衆芳自以春風私臘梅臘已放春風應

未知 其二

忿懲聖所難問花胡以蠲花寂無所語我心俄坦然 夜合

諸葛昔討魏木牛猶謂煩蔓菁曾佐餉遺惠盈郊原 蔓菁

祗惜花飛早那知子結成世間多反復憂喜未分明 落花生

道是仙家飯云何甘餽糜長鑱柄在手寧復畏朝饑 黃精

素園存稿

卷之四

王

爭言天花紛此花不可見爲問談經僧試將法華轉 銀杏花

苦口信爲寶嘉爾以珠名借問淵中葉寧如枝上榮 苦珠

入腹曾爲飮食經載其害豈無煌煌芝西山有深飢 薇蕨

卓氏富於蜀始亦恃蹲鴟他山寧乏此而使伯夷饑 芋

今年目漸昏盤飧未爾舍野叟久戒余識字何

必寫 决明菜

苦苣 摘嘉蔬猶勝拾橡年寧傷園吏態肯坐求

王筵 苦苣

苣兮難甲圻苣也易滋蔓二者咸可蔬難易那

堪論 苣苣

莫寄洪流書應聞涸轍嘆河伯亦奚慙大海非

無岸 缸中魚

苣也野可采聞之食物經杜家祗種苣傷爾空

青青 苣

素園存稿

卷之四

三

嘉生易掩抑馬齒偏能多黃精深無苗長錢其

奈何 馬齒

秋風蘋末起張翰去不徐豈無膏粱味獨願故

鄉蔬 蓴

何謂三年使徒移萬里根寧知天下敝聊備席

間珍 蒲筍

已繫名王頸遙隨使者鞍本因天馬種亦繼廣

文餐 苣苣

珠以白爲寶請解太玄嘲幽人愛夜求月在林

之梢 白寶珠

古者千乘國所寶匪以珠名花自可寶珠也無

乃汗 寶珠花

誰將二五色雜成錦繡段應是天孫爲普遺幽

人玩 十樣錦

頗稜菜品下憐爾萬里菱祗薦野人席猶賢中

谷雅 頗稜菜

曾入詩人詠休疑海外移瓊瑤差可報微雨潤

燕支 木瓜

素園存稿

卷之四

三

橘柚不踰淮蒲筍自西域顆顆繁星垂垂疑

拱極 蒲筍

野人食芹羨芹自美於野何者乃嘉蔬萬錢箸

不下 芹

山深花自映谷靜鳥相求幸無豪客止時有高

人遊 映山紅

一室有長短何哉玉磬廊茲軒乃如尺君子慎

所量 金粟尺

彼自曲如磬此自直如尺不願萬戶封所希三

友益 其二

小亭可默坐默焉無所得水木澹飛霞是大光

明域 水精域

隱几何所見清華四面同沼荷纔出水岸柳正

含風 清華軒

奚必餒西山自可青精飯抱膝無所如西山乃

非遠 何遠亭

庭前惟種竹竹葉何猗猗于以比君子君子洵

威儀 菴竹亭

素園什稿

卷之四

五

明妃詠四十二首

詠明妃者多矣咸惜其斬黃金而恃美色耳

余爲明其志焉

羅袖拂胡沙琵琶彈漢月頗似深宮時三秋芳

草歇

王庭一萬里一里三返顧却憐塞垣草猶戴漢

宮露

關支並不貴不願辭漢宮漢宮九萬里翻落畫

圖中

重重塞外雲滾滾磧中雪未聞春鳥聲袖上杜

鵲血

蛾眉寧辟塵馬首恒戴月胡草幾時青紅顏易

白髮

五更刁斗聲萬騎立未發惟有天山雲能捧漢

宮月

貂帳三更月單于罷獵時胡笳十八拍盡唱漢

宮詞

朔鴈稍稍飛黃雲暗沙漠何處採春芳梅花曲

素園什稿

卷之四

五

中落

後庭各結伴芳草亦知春永日千門裏何殊萬

里人

漢虜事和親普天同所欲何能惜蛾眉不見悲

黃鵠

漢宮春到時相將踏芳草已愆玉輦期詎識榆

關道

已過陽春候祗看霜雪飛君恩良不薄猶賜漢

宮衣

試誦碩人詩頎頎不知美齊后立無鹽寧復由  
畫史

強侍單于宴難排顛悴容亦知未央關不報其  
泉烽

自到雲霄關空懷蓬華居適聞漢使至亦有故  
鄉書

由人復由天苦相何咄咄乃知邯鄲宮翻重廡  
養卒

普天是王土萬里不踰閭春葉辭秋條安能筮  
素園存稿 卷之四 三七

所卽

風沙今日靜鏡裏試圖黃焚香拜新月南向祝

君王

塞草三春白胡雲萬里黃貂裘非不貴半學漢

宮粧

稍化毳裘俗爭看羅綺裳風塵雖易散猶疑漢

宮香

單于休驚問出塞減容華漢宮三千人一一顏

如花

重失殊方誼輕離絕代姿木蘭能賈勇塚草詎  
含悲

殷王夢良弼旁求默有神不聞窈窕女乃屬丹  
青人

平城七日圍解以圖中女太史陋不書謀臣嗟  
何所

塚草何萋萋巫咸招可起似聞雲雨神乃是桑  
榆里

列女有苦行詞人無貞心誰能欄白石祇謂乏  
素園存稿 卷之四 三八

黃金

幸結兩國歡無傷萬里沒塚草年年青幽芳終

不歇

本自巫山下猶疑夢裏雲君王自惆悵未使大

夫聞

圖中他日見殿上暫時分不知真與妄若箇定

爲雲

祗信圖中貌空疑夢裏身惟應孤塚草猶作六

宮春

寵賂宮中彰仁賢郊外伏苟能辨忠讒四夷自  
傾服

拂黛易雙顰含朱難一笑鏡中今日看圖上當  
時肖

工人見黃金苟得亦無惑門內不用明何以照  
四國

漢月欲憐人胡雲乍能白試寫懷宮愁不斷胡  
笳拍

競奏思歸引難招出塞魂蛾眉強一掃玉筍已  
素園存稿 卷之四 五

雙痕  
二妃千載淚湘竹至今斑亦有塚上草年年春  
自還

齊女生望齊遺塚望齊山更憐青草塚遙對王  
門關

寧爲長信草羞作玉溝葉朔鴈向南飛正侍單  
于儼

蘇家十九年猶禿歸時節一墮九霄雲已佩千  
秋玦

詠史二首

防口甚於川置耳那爲瑱可憐延秋鳥不啄洛  
陽殿

白日街西山黃金摩北斗誰言江都花復作姑  
蘇草

題僧化飾佛像

世尊潭身金甕人色如土試推平等心刮面請  
救苦

詠桂

素園存稿 卷之四

三十一

本是月中植朝來不斷香於焉辭翦伐寧復礙  
清光

詠桂詩羽仲獻成久不至戲催之

枝枝金粟垂冉冉欲催詩曾是花生筆那矜下  
筆遲

翦甲

一甲不忍翦六情何以超休論塞上一馬一任頽  
陽歌

素園存稿卷之五

新安方弘靜著

六言絕句

山居漫興六首

去郭自無塵事沿流時值耕鄰修竹不須千畝  
小航惟受三人

竹榻偶因客下松扉不礙雲還六六高峯戶裏  
三三小徑花間

田叟偶來相問東岡一眺寧非抱膝未聞春至

素園存稿 卷之五

下階已值花飛

几上烏皮正穩庭前童子未知偶念重林獨往  
依然一鹿相隨

簾下適言盥罷門前一任苔班客至無庸問姓  
興來相與看山

風日幽襟自愜岡巒野老同躋筇杖不知遐遠  
山禽已滿林栖

爲靖藩王孫題畫

鶴馭翩然來下 王家雅類僊家林際好邀青

烏鑑中應轉丹砂

應是好容難老宛宜僊子相將天上朱門何似  
人間白日方長

有問余詠雪及佛見笑詩者聊復示之

三宿未當一笑天花定是雪花那見參天綠樹  
請言擲地丹砂

蕉鹿逐云鹿馬天花俄有天衣舍筏若非登岸  
狎鷗安得忘機

庸言

素園存稿 卷之五

誠意詎爲有意致知奚必無知大學苟云重疊  
紫陽寧免支離

性理一言可盡訓詁衆論毋遺君子胡不慥慥  
世儒徒爾詭詭

卜學不期上達一言自竭兩端論語若從外入  
泰山定向南看

格致程朱篤論學思洙泗雅言百世聖人可俟  
一時異議徒繁

進學匪遺涵養博文詎謂疲勞所貴一簣吾往



孰能九仞自高

至道自須深造勉行要及成功一貫本非一蹴  
屢空豈是談空

紀夢

不憶登壇演武惟耽閉戶傳經試罷猶看半日  
夢回遙動三星士子塵場有達曙者余少多  
恙每出場猶有日色夢猶然耳

素園存稿

卷之五

三

七言絕句

少司馬楊公南征歌八首

聖主垂衣自九重梯航萬國盡來同小夷敢負  
波濤險大將新兼節制雄

何物么麼海上氛長驅忒爾犬羊群瘡痍肯獨  
三吳遍要領應知一夕分

四海金甌萬載時金魚猶作浪中疑我皇赫  
起拂衣怒諸將勤裁奏凱詞

沿海非徒寇盜侵深山處處已呻吟願除十萬  
素園存稿 卷之五

興師費先慰東南望戰心

秋毫不犯是王征號令堂堂日月明父老歡迎  
新戰士郊原應見舊耕氓

百萬樓船克在和誰籌帷帳挽天河君王聞  
外遙相屬國士吳中自古多

桓桓蒿洛舊丘符窮島堯苗詎足謀寶劍還聞  
重出匣餘鋒更欲北擒胡

文武才全道未殊從來上將屬真儒六經自足  
龍韜策萬代應看麟閣圖

嶺南山行

一日山行人罕逢嶂烟深處騎繞通辭家只道  
南踰嶺嶺外那知更萬重  
瘴海風腥馬不行萬鍾此日一毛輕圖中曾指  
天涯驛已是天涯尚問程

旅夜

旅館蕭蕭祇掩扉清宵兀坐久忘機一聲何處  
南征鴈爲攪鄉心萬里飛

送江廷瑩之山陰

素園存稿

卷之五

五

爾夢僊人海上行洪厓親揖東方生白鶴雙飛  
雲五色玄洲遙接赤霞城

雲水千迴入剡中天台天姥與天通爾去還尋  
最高頂行行儻遇浮丘公

山陰使君忘機者作吏訟庭終日閑遲君去訪  
神僊洞王女雙貽明月環

爾是稽山謝客才千巖萬壑去縈迴歸來更作  
遊山賦不數芙蓉水上開

竹溪圖

幽林蕭森多綠竹疊嶂迴谿自相屬道人對此  
岫葛巾不知人世有三伏

贈別

青門楊柳鬱當壚送客清晨提玉壺金盤膾鯉  
不待醉上馬垂鞭東入吳

寄雲谷山人

一從作吏走風塵悔見青山無限青遙憶道人  
雲谷裏萬松林下誦黃庭

雲巖瀑布

素園存稿

卷之五

六

巖下時時車馬音飛流直爲洗人心捫蘿絕頂  
今三度高士冥棲不可尋

贈李鍊師

真人何處覓雲芽桃樹千年始作花不見朱顏  
龍駐玉旋聞碧海早飛沙

十二樓前五色霞三山盡道羽人家枕中儻許  
傳鴻寶雲外惟應駕鹿車

都下寄友人二首

每憶茅亭雲霧間萬松影裏徑千盤三伏未知

攝白羽一官今已薨青鸞

燕京六月火雲蒸車馬天衢不暫停縱有水盤  
園案牘不如石室閱圖經

秋閨曲

芙蓉露冷月微微小院風清鴻鴈飛聞道玉門  
千萬里秋深何處寄寒衣

漫作十首

理學至宋儒醇乎醇矣文體由北地振之信陽  
諸君子和之無餘論矣或欲掩而凌之匪誣則

素園存稿 卷之五

七

惑也余是以有感焉

三教同途道豈然六經垂訓自中天若使良知  
真不泯詎容佞佛與談玄

知卽良知致在人要明庶物反諸身由來物理  
原非二安得空虛別有真

雅聞物格卽窮神潑潑爲魚意自真若言學問  
有他道無論義皇以上人

物格非徒博以文誰將此理向中分要知一善

江河決自是深山麋鹿羣

太極圖中理不疑濂閩百世寔吾師慈湖已授  
真衣鉢却向西來更問岐

海內自傳弘德集楚騷漢賦是邪非何人夜半  
遽然覺忽咤陽春和者稀微吾竟長夜念爾和陽春于麟詩

三吳自昔多文學千載何言僅一人纔聞高論  
從東魯已道新詩空八閩唐荆川集序方子及詩序

纔見王楊晒未休又言大樹撼蚍蜉昌黎那得  
輕相視北地于今遽敢不秦漢文序倉海集序

蜀中雜就瑜難掩歷下夸談世共九安見八音  
素園存稿 卷之五

成一呖吳趨何必廢齊謳序芳園稿序

二氏論文纔未休莫邪何至慘相猶一言要是  
通三昧五典還須盡九丘

贈閔壽卿自華陽渡江

十載深棲物外身山中惟與白雲親布帆偶掛  
長空影兩岬鶯花知是春

赤壁

赤壁當年一葦遊賦成光焰自千秋兒輩休將

大樹撼長公要是謫僊流

五丈原

五丈原頭月光英雄何事淚霑裳卽看二表  
垂千古已見三分定一匡

送吳瑞穀歸成婚二首

汝去鄆山秋月輪門闌喜氣菊花辰衣爛先拜  
堂前慶畫嬀仍憐鏡裏新  
弱冠辭師彩筆斑五經爲笥王爲山應知巧得  
帷中笑不待如臯射雉還

反遊僊曲十首

素園存稿

卷之五

九

絳樹瓊臺冠紫霄層樓十二五雲飄天上猶聞  
有營作人間安得避征徭

柯爛徒言鬢未斑洞中日月異人間若道長年  
仍過隙何須避世入深山

天上新成白玉樓月中工匠幾時休一臺猶惜  
中家費萬戶翻增下界愁

鳳翔千仞間來儀龍躍重淵詎可羈若使二靈  
隨八駿不如小鳥坐深枝

麟角由來異犬羊誰言福地更惟殃寧受僊家

烹作脯何辭塵世出爲祥

桂樹飄香夾道邊黃金爲樹王爲田洞府清虛  
差不惡那煩拔宅入雲煙

一局能消歲月長年年河漢鵲爲梁織女渡期  
何大數可知終日不成章

盡道瑤池弱水邊未聞八駿駕雲輶懸象復云  
無晝夜開花安得有三千

上士寧將薜荔牽世間文繡自粼粼王皇如晉  
天衣惠東郭先生耐屢穿

素園存稿

卷之五

十

紫微穆穆迥高居天網恢恢日已疎殿上自通  
司命籍階前誰進辨姦書

裁衣曲

深閨重幙夜猶寒手把金刀淚不乾萬里徒言  
歸望斷三秋誰念客衣單

出塞曲三首

四月榆關雪尚新黃河磧裏柳初勻將軍夜試  
梅花曲羌笛聲中不斷春

同伍相呼夜問津河聲嗚咽解傷神舉頭一見

關山月無限沙場墮淚人

上將戎車未出秦前茅先樹滹河濱單于夜遁  
笳聲靜虛按雌雄劍有神

塞下曲二首

漠北王庭一戰平驍騎十萬足橫行黃雲白草  
三千里雙旆悠悠大將營

漢月中天月欲輪胡天一望胡無人弢弓夜渡  
臨洮水歸及咸陽二月春

敬山亭望黃山作四首

素園存稿

卷之五

七

天都尺五與天通獨對山亭思不窮遙望雲門  
雲欲合不知身在碧雲中

黃山黃谷徑逶迤黃鶴仙人倘可期落日松亭

天籟起放歌聊和步虛辭

天都峯上九天符鸞鶴時將絳節趨石壁千層

應可到好從僊子借雙鳬

黃鵠摩天似鴈行雲門好是白雲鄉振衣欲隨

浮丘侶接手雲霄詎可忘

雙烈廟

睢陽之英略也使賀蘭能存心王室稍解

糧賊不足平矣夫非唐臣歟南將軍斷指厲

上甚於秦庭之哭而不能動其心匪人也哉

唐之不競不能加誅反登爲御史大夫房太

尉之黜併及拾遺乃有力焉其媚嫉蓋天性

也里中雙烈廟余令石工鐫進明伏罪狀跪

之庭下市人爭撻之聊一抒千古之憤云

睢陽裨將盡桓桓一矢何當滅賀蘭旅櫬又歸

房太尉杜陵淚土幾時乾

素園存稿

卷之五

七

遊僊曲七首

自轉河車不記年左公詩訣相傳五雲爲拊

靈華石雙節飄飄下紫雲

深谷茅茨境未殊俄從羣經見神都大夫九館

能相待願將癡龍第一珰

闕苑南宮萬仞開石函靈寶辨僊才吳王寧識

長方法紫殿空傳赤雀來

束髮從師禮上真安香迭作九天鈞素書冊府

細應偏名在丹臺第幾人

蒼松流水白雲間  
僊侶相從永日閑  
醉臥莫令雙鯉化  
洞天九萬未知還

石室參差徑不岐  
洞中石髓滑如飴  
稽生識寡應難叩  
雲白山青自一時

環丘雲石錦相連  
香雨霏微長玉田  
阿閣風聲名枝未  
汗倥傯念一又千年

戲題杜詩

佳句徒云癘咳詩  
三年一鬼苦吟時  
捧心却效西施態  
怪底人呼杜十姨

素園存稿 卷之五

書事二首

西夏克殘旋就誅  
東夷僭首拱皇圖  
請拭青萍銘鼎鉉  
無煩白簡慘戈胡

千載乘時好策勲  
英賢休負聖明君  
庭中亟願師虞典  
殿上那陳詛楚文

桃花塢重遊五首

桃花十里徑千盤  
四載還能兩度看  
似勝陶家作記漁人  
一去路漫漫

何桃花競作春蕭蕭  
修竹不知塵花前急管

聲方沸竹下微談意自真

詩主徒言善女人  
曾聞遊冶可全真  
中華自有閑家律  
大士寧堪滿院塵

適報山中花盡開  
籃輿十里爲花來  
何言花下歡成市  
賴對青山一舉杯

對青山境自幽隔  
花翻作竹間遊  
倚竹正憐山翠合  
傳觴更爲鳥聲留

大言嘆

道貴中行離者誣之誠立修辭  
夸者攘之失在尚大哉夫是以嘆

素園存稿 卷之五

古

五帝三王立極來  
九衢四達何天開  
何人夜作西方夢  
忍廢周行藝草萊

青牛西去爲流沙  
直指空虛是土苴  
何意衆生能耳視  
泰山當面說無遮

九萬扶搖南北溟  
莊生得意在焦螟  
如何強置杏壇側  
蝴蝶樊中夢詎寧

掌火寧知二帝憂  
誰云禽獸可同遊  
此物豪賢曾不避  
莊生何得問骷髏

周禮東西匪異途  
人存政舉卽藩廬  
若道古今

猶水陸結繩何必病分符

上德徒云野鹿遊寧聞大陸可推舟周禮未能  
存魯國赫胥惡用變春秋

三人猶道有師存大地胡云獨我尊罔繹兢兢  
虞帝典空迷宵宵梵王門

由來堯跖果無常洪水俄聞抑紫陽大樹蚍蜉  
徒自撼中天日月竟何傷

陸氏宗禪更不疑却從諱處見良知異時弟子  
已髡剃當日鵝湖費說辭

素園存稿

卷之五

五

異議橫流罔忌哉六經註脚意中裁論語謾云

從外入法華暗轉自西來

一放高談卽至人奕棋也可長精神千年方便

猶爭述不信孜孜爲檢身

學問無他求放心大哉聖道匪幽深奈何好徑

甘泉叟漫向西方演梵音

煌煌車馬九衢行誰道東方未是明慎勿易揮

屈賈壘卽愁難據錢劉城

諸子能兄兩司馬何哉兼者一攀龍峨嵋天際

忽不見更道我我海上峯

比地徒兼唐四子漢司馬氏僅偏才卽可橫  
騾兩馬更將大冶鑄顏回

龍劒雄雌道有神登壇大將更人人夜來誰奏  
胡笳引一曲能消萬里塵

十年文戰自揚旗曾是嫖姚見敵時廣武場中  
雲四起英雄應許阮生知

日中原戰鼓鳴城南城北陣雲橫市南聊作  
雙九戲鰲角虛騎兩團兵

素園存稿

卷之五

六

歷下沾沾矜主盟弇州晚悔貌先生東吳待詔

終難盡比地論文又有程

華不注西旗鼓當甌舞洞裏夜郎王紅纓小馬

青州態攘臂誰先大雅堂

題光澤紀事二首 喜其政美惜其調速

玉錯金確在五車六經百氏徧山家卽看光澤

三篇課詎似河陽一縣花

武陵莞爾戲牛刀十室誰云戶不由明府自勤

四政論違昨那得一年留

贈謝大行友可遊黃山六首

謝客尋山信所之山靈處處助題詩詩成盡是  
烟霞色不啻天容出水時

九華九紫鬱相望白嶽元同五嶽行雙旂會要  
青鳥使諸天總屬白雲鄉

黃山白嶽近相鄰紫氣天門相映新雙屐盡探  
靈洞秘還朝知是歲星臣

萬壑同趨天子鄣廣成丹室石爲梁雲門雲擁  
青藜杖不道僊壇道里長

素園存稿

卷之五

七

山北山南琪樹平山中莫繫薜蘿情漢廷早誦

凌雲賦聞道 君王問長卿

丞相源中香雨微天都峯下玉芝肥石髓如飴

流未絕他年來馭紫鸞飛

有述

才難自昔世汗隆弘治開元百世風七子李何  
稱挺出更言吳下似閩中

許西濟右並超群婉雅西原別綴文于時作者

堪同調幸及休園蔣子雲

早效唐音唐太史晚耽擊壤和堯夫杜陵癖愛  
驚人語可道工同調未殊

晉江泉湧本高才史記初年卷日開後生耳視  
能相誚詎信曾文自漢來

四傑才當六代雄錢劉未替盛唐風詞家穀率  
應難廢天寶之前立數公

江左靡靡習竟卑徐庾纖體自當時若論風雅  
從三百未許岐中更有岐

人珠家壁際嘉隆高唱須論北地功祗緣長夜

素園存稿

卷之五

八

誣前輩海內群言費折衷

我我屈壘並曹牆再構中天煥有唐中間陸謝

諸名手幼婦盈盈總擅場

古詩中敝有唐詩織女機中五色絲休言古體

唐亡是依樣葫蘆政可疑

文章有體體無常千里群中辨九方但使蛾眉

能絕代不煩的額競新妝

聲音之道自天倪急響浮聲左右宜漫道靈均

秘未覩頗如斥鷃在東籬



河伯茫然向若時遼東豕白悔稱奇可矜千載  
才無匹須信三人善有師

總角初窺周漢辭斯文天喪哲兄萎汗流已後  
昌黎氏雙淚徒從白首垂

薛蔣同聲大雅堂南冷宿老歸靈光贈言見謂  
無雙士一別時顛涕泗裳

戲東王司寇元美

白下集

人間天上總離群綵嶺笙聲那復聞黃犬白雲  
猶得去故人深洞好平分

素園存稿

卷之五

十九

海外仙家自有程麻姑曾使報方平一珠早已  
通真館雙鯉何當下太清

山行偶作

泠泠曲水遶長松忽見茅茨憶洞中倚杖悠然  
無所適隔離田叟偶相從

天都峯上白雲飛中有幽人獨采薇爲言石室  
無深掩我欲臨風一振衣

翠嶽蒼崖徑欲窮茂林曲澗偶然通居人不識  
人間事瞥見孩提成老翁

及登平原信所之春深三月百花時幾戶荆扉  
曾不閉鷄聲忽自竹間籬

適報東臯樹有花老夫徐步當巾車西鄰野叟  
携壺至花下傳卮到暮鴉

庚子九日

王杜重陽曾有句詩人不復詠茱萸三秋群青  
那堪採黃菊東籬無乃孤

山亭雲磴百層餘每歲登高會不疎今日紉萸  
須遍插千年舊事可教虛

素園存稿

卷之五

二十

苔蹊藜杖醉能扶嘉節清秋屬老夫已信黃花  
期不爽更從霜鬢傲茱萸

劉賓客言詩人

九日三用茱萸以杜爲優余以王杜句並二

而朱未可鼎立也自劉評後茱萸入詠鮮矣  
殆以妙語難繼邪余意千年故事不可遂泯

約同遊同作勿論工拙亦求荊簪之義也

詠史六首

人皆曰智晉中趙尼父惟稱甯武愚不惜危身  
奚所欲孰知體國有深謨

七國英家屠肆中英門公子儼趨風一錐已定  
安危策千載長懷七十翁

舞陽豎子事應徐長恨荆卿術疎博浪一錐  
銷未盡圯橋猶有六韜書

將相和衷子謀六軍左袒始安劉一絲九鼎  
猶堪繫八佞三君未是尤

亂世姦雄勢已成臥龍無水且躬耕孔家坐上  
客常滿獨薦高才稱正平

姦臣庸主兩相逢天作湖山亦九重關外金牌  
素園存稿 卷之五 壬

從十二孤軍未必抵黃龍

### 溪上八首

溪上人家竹對門茅茨十數亦成村野老自言

新解事試將論語課兒孫

青溪亂石不勝舟春水鳬鷺自在遊但見桃花

飛兩岬未知杜若滿中洲

東皋雨足競鋤犁驅犢歸來日欲西柴扉半掩

無人過綠竹猗猗黃鳥啼

山南一士偶相尋却倚蒼松長短吟休異浮雲

能變態世間何物是黃金

野人髮白未離家歲見東林春自花一說城中

眉便蹙村邊小徑是天涯

一曲清溪十里餘水清何得反多魚兒童近識

敲鍼釣先世從來網罟疎

田家稅了百無管里正相過笑語聲借問城中

誰是貴惟他世上有公卿

東家老父扣門聲報道門前春水生白鳥雙雙

他不去好將藜杖柳邊行

素園存稿 卷之五 壬

### 少年行四首

鞍馬雲從赴上都一時意氣盡言殊棄裏金錢

誰問數生來元未識之無

百人會上揖君卿千里相思倒屣迎一從金盡

貂裘敝恥向交遊道姓名

黃金易劔試從戎十載登壇百戰雄兵符同伍

曾同受總成咸陽酒肆中

漢將前茅亟見招試飛一矢落雙鵬少年幾向

尊中老何物名王侍遠驕

君子軒作四首

葉竹蕭森不知暑小橋深入荷花渚道人葛衣  
自含風偶揮蕉扇當玉塵

穠花自可妃子憐王家愛竹周觀蓮軒前一曲  
吾每得倚檻長嘯懷高賢

蕉葉辭條質渾全展如滿月當炎天裁絢屑金  
他自貴吾重此扇羲皇前

荷花燁燁華不靡竹自灑灑風流士居然一葉  
回淳風吾軒益者三君子

素園存稿

卷之五

三

素園存稿卷之六

新安方弘靜著

五言律詩

訪程山人不遇

避喧來谷口愛此青松陰永日空山寂幽蟬時  
自吟花源應未隔蘿徑杳難尋稍覺塵襟豁方  
知僊境深

感興

金馬翻蕭索松林喜接連頻穿康樂屐敢草子

素園存稿

卷之六

一

雲玄奇字時虛問名山意獨懸祗應逢石髓長  
揖洞中僊

題李山人草堂

巖前宿鳥飛林外曉光微春色驚人早雲山與  
世違泉流採藥徑花映釣魚磯借問金門士誰  
同蘿薜衣

客舍

客舍寂無歡端居歲欲闌煙雲慚谷口兵馬尚  
江干夢裏名山遠燈前寶劒寒鄙心何所爲國

士獨相看

渠縣道中

行色今朝愜青山似越中桑麻微雨足梧竹比  
隣同雲起偏依水花開不受風蜀都應可賦未  
敢擬楊雄

送王以珩

爾抱鸞鳳志云何枳棘棲十年猶未達斗酒惜  
分携舊業微蟬翼窮途信馬蹄贈言無自薄風  
雨有鳴雞

素園存稿

卷之六

二

仲夏亳州逢陸大理邀遊薛園

良晤何言易名園幸見招清和猶仲月文雅憶  
孤標雲對尊頻就風花席故飄幽尋殊未愜門  
外各征輶

信州抵安仁舟中作

沓嶂殊未已清流可濯纓真知魚鳥意幸息鼓  
鼙聲甲士荷鋤亟雲帆拂鏡平折衝寧敢翫緩  
帶愧儒生

王總戎停舟江潯奉訊

章綬誰能繫江湖興渺然漫停青雀舫高詠白  
雲篇意愜解龜日功成標柱年却看孤劒在曾  
向萬人前

七星巖作四首余兩從江右轉粵東西皆  
以職事過得竟日云

秀色削芙蓉名山喜再逢列星殊欲起五嶺孰  
爲宗江淺航堪受巖深花自穠忽聞漁父唱鼓  
枹庶相從

一爲五老別偶與七星期嶺外牽朱紱巖中詠  
素絲煙蘿杳未隔水石澹相持不舍空青色徐

素園存稿

卷之六

三

令小舫移

出郭謝塵態尋山愜素衷七公良可近一徑若  
爲通洞遠雲依屐亭開水漾空揮毫不易賦向  
誤悔雕蟲

削絕圖經外登臨感慨中留題饒古意飄寓尚  
遺風日月春將暮乾坤嶺以東未聞桴鼓靜虛  
挹佩刀雄

早春江行

千里片帆懸孤舟意杳然江山謁故國風日媚  
初年程以簡書急情寧簪紱牽歸期未用計握  
內有龍泉

小孤山阻風作

王程與幽意使舫并應難白浪何須擁青山不  
厭看興將魚鳥狎心共水雲寬借問滄洲侶無  
疑獬豸冠

丁巳元日試筆

蓬轉塵難避椒盤俗自營途艱鄉思切客久歲

素園存稿

卷之六

四

華更列鼎吾何有屠龍技未成故人書見讓蹇  
拙尚浮名

東巖

巖端曙日暉巖下啓松扉流水不知處幽禽相  
與飛青山長對席白髮久忘機試與四隣叟攜  
壺上翠微

贈方子瞻

太息褐袍生長歌氣不平龍泉徒在掌蘭署未  
知名白壁酬賓意黃金作賦聲風雲一蕭颯千

里欲橫行

憂旱

去歲水漂屋今春塵滿田傷心無善政仰首問  
高天漕運阻南國烽烟暗北邊憂來頻按劍不  
在勒燕然

奉別蔣南冷先生二首

客程何太促竟夕惜離樽詎以關河故應瞻風  
雅存童年曾篆刻宿昔仰龍門頗覺燈花喜源  
流幸細論

素園存稿

卷之六

五

滾滾登黃閣高人自醉醒江干來駐馬海內久  
占星妙道義皇上雄文河嶽靈太玄如已草異  
日許傳經

春日由太平門登燕子磯六首

省中虛赤牘郭外卽青山屢負三春約聊乘一  
日閒松扉隔水掩苔逕映花斑知是忘名者悠  
然不可攀

曉雲陰忽白風日媚茲辰天亦憐佳興花能及  
早春湖光分去鳥山色愜幽人吏隱吾真泰煙

蘿澹可親

右玄武湖

猶是城闌接杳然  
入境迷橋歇  
稀客過寺古  
稱僧棲竹裏  
飛泉灑花間  
一鳥啼諸天  
應近遠不  
惜萬重梯

右佛國寺

境勝天應造  
春來物自私  
江山環若競  
花柳間相宜  
絕壁躋雲久  
孤帆背日遲  
閒曹得容與  
杯酒荷清時

右燕子磯

不盡登臨意  
江流自古今  
英賢猶廟祀  
霸業竟銷沉  
社稷三分日  
將軍百戰心  
果軀元馬革  
黃

素園存稿

卷之六

六

鳥漫哀音

右漢壽亭侯祠

已到空虛界  
真忘出入機  
江光澄佛性  
巖影落僧衣  
平眺荆吳盡  
翻嫌圖畫非  
更言月出好  
鐘鼓莫催歸

右觀音閣

宿巴陽館

崑崙千嶂表  
征鳥不能雙  
蜀道非難越  
鄉心未易降  
灘聲巖際館  
月影樹間窓  
每念伐檀詠  
云胡客此邦

中巖寺二首

寺有伏虎臺喚魚池

佳境依流水  
幽懷在名山  
安知風帆舉  
遽得雲林攀  
僧棲出鳥外  
客至忘人間  
薄暮煙將合  
巖中未可還

真僧不可見  
精舍白雲隈  
虎已談經伏  
魚猶聽梵來  
未須超上乘  
且復臨高臺  
杳杳萬峰裏  
諸天安在哉

送太學劉生覲省

書劒去翩翩  
春風惜別筵  
漢江楊柳色  
應逐孝廉船  
疊嶂千重合  
孤帆日夜懸  
倚門知有慰  
鼓篋况稱賢

素園存稿

卷之六

七

丙辰除日

僻性時方棄  
他鄉歲復除  
古人猶感慨  
吾道竟何如  
頗近杯中物  
全拋篋裏書  
故園春到否  
搔首重躊躇

亳州遊薛考功園

尋幽頻出郭  
逃暑一登樓  
曲徑應難入  
層軒許更留  
尊前誰逆旅  
物外自清秋  
緬念高賢宅  
清標不可求

府江舟中

灘窄自應漱嶂深殊未厭揮弦白鳥起卷幔碧  
雲添境昔華夷限官今吏隱兼榜人無太駛爲  
數衆峰尖

輓少司馬王公四首

運契風雲早功垂編簡新 大君出不世有昊  
昇何人黃鳥哀寧贖青蠅點太頻誰令歌楚些  
千載自霑巾

爲賦顏何覩如簧意詎平府中空按劔塞上日  
素園存稿

卷之六

提兵報 主心猶在投譏法已明祗今廣陵散  
寧是絕絃聲

獨言蘭是艾詎意虺爲蛇四海噉朝日三軍咽  
暮笳千將曾繞指意苒未盈車何處英雄氣淒  
清大漠沙

一望轅門散恒蒙國士羞推車積有自懷鳩進  
無由馬革復何憾龍淵不可酬至今近塞水鳴  
咽未能流

輓陳仲魚舉人二首

詎意飄丹旄纔言試綵衣命知才子薄名懼世

人希埋玉情能已揮金事未非最嗟堂上耄淚  
掩北山扉

未信才應折俄聞淚已潸天寧憎士望汝自厭  
人間失臂成終古空言誤大還五城樓十二合  
入上僊班

輓陳達甫處士二首

平生千賦畢爾日一觴停世自推詞伯天應失  
酒星門無問字客案有讀書螢誰寫山陽恨那

素園存稿

卷之六

九

堪笛裏聽

自隔蓬蒿徑猶窺鴻鴈天書來艱一字劔去易  
千年長夜寧知白同時已識玄獨揮無盡淚應  
覺素交偏

觀音厓同年李別駕作

故人能載酒落日欲嘶山歸鳥倦未息飛泉澹  
自閒言從物外境顧惜塵中顏曾是征途側雲  
厓不厭攀

饒州閱武示舍弟作

每憶千巖競何言一鼓盈甲兵非素習樽俎賴  
時平鴻翼近相比茅茨今可營中原云有菽采  
采欲難兄

望彭蠡作

借問下車日望舒今幾圓雲湖未暇泛塵紱徒  
相牽積水平如許孤帆意杳然好將公事了蕭  
灑一迴船

自饒州兵憲改廣右督學作

未厭湖心泛方當領表行清時猶說劔薄海盡

素園存稿

卷之六

十

談經魚鳥邀迴棹煙嵐拂去旌如何岐路側萬  
里繫替纓

寄吳咸寧

頃報牛刀試俄聞鵬翼推詩書徒滿壁賓客幾  
啣杯獨有支願卧誰知抱膝才夙披遺逸傳未  
可薄蒿萊

石埭道中

單幘凌空度前旌入谷迷連峰非不美絕磴若  
爲躋石出牽人袂泉飛迸馬蹄邪言雲霧裏忽

復報鷄樓

途中寄示蒙巽

勲業遼東似行藏座右疑出疆吾豈敢環堵爾  
應知國士期千古名賢幸一時澄清聊可試急  
爲葺茅茨

嶺南赴召別僚友作

北闕徵書下南江祖席開煙花邀繫纜風雨促  
離杯詎託金蘭契時需屏翰才願憂田里瘼莫  
問越裳來

素園存稿

卷之六

十一

過吳處士墓

宿昔念無生蕭蕭墓草平雲林猶素業月旦自  
高名白雪調應絕黃金鍊未成空令掛劔友王  
樹不勝情

夜過李比部宅用韻二首

嚴城警宵柝下馬月在門悠然白雲思酌以黃  
金尊眷言敦宿昔不復叙寒溫誰識華軒下蕭  
蕭深夜論

萬戶寂已閑遙遙素月臨非子美王度孰爲清



夜心嘉晤良匪易微言庶可尋寥寥千古意爲  
奏風中琴

旅館偶題

逕轉不聞喧花明曲水源  
枳籬塵境隔茅屋古風存  
野老偶同席雲峰况對門  
未論秦與漢卽此武陵村

夏晚過永之弟宅

曲巷轉垂楊蟬聲送晚涼  
村煙依疊嶂逕竹映斜陽  
積水侵堦冷飛花拂檻香  
應同小謝宅清

素園存稿

卷之六

七

夢在池塘

遊程氏園二首

令德紹先業芳園愜勝遊  
圖書娛永日冠蓋集名流  
石色松間古泉聲竹裏幽  
成心於此息彷彿羽人丘

栢亭無結構花洞杳雲烟  
曲水通池滿奇峰入戶連  
吟詩窻雨過醒酒檻風便  
宛是幽人趣何勞塵綬牽

袁比部宅同汪水部徐祠部夜集

侍郎冰王姿宴客白雲司  
月影庭中樹風流鄴下詞  
醉歌憐永夜勲業自清時  
獨是孤羈者長牽萬里思

蔭亭

石磴蔭青松孤亭疊嶂中  
雙流將鏡合一徑與天通  
檻外招黃鵠襟前拂彩虹  
誰歟巢木子長嘯挹高風

夏日敬山遊眺

不憚驅炎出偏宜攬勝遊  
萬松當畏景三伏杳

素園存稿

卷之六

七

清秋風似空中馭雲疑海上樓  
悠然忘所適何處是虛舟

贈劉貳尹

佐邑君無負逢時道豈非偶懷北溪隱卽挂東門衣  
春水柴扉僻秋風鱸膾肥朝簪與野艇羨爾早忘機

西橋

飛梁跨碧空萬里綠波通  
鵲似填銀漢龍疑掛彩虹  
渚雲含晚日堤柳信秋風  
不羨乘車客還

希狎鳥翁

風洞二首

炎方稱麗絕伏日愜追遊野寺煙蘿古山城風  
雨秋停杯木葉下移榻鳥聲留顧此頻歡宴深  
慙時未酬

遂有千巖競曾無萬室喧尊前仍極浦物外豈  
高軒泛泛野航得依依原樹存坐中適不飲借  
問欲何論

疊韻二首

素園存稿

卷之六

五

風洞風何起披襟快此遊雲來千壑暝雨過萬  
家秋平世殊方會荒城故堞留興闌翻一慨杯  
至且相酬  
寺廢僧猶定山幽鳥自喧澄江元抱郭曲磴久  
憑軒忽憶千峰外遙憐三徑存興來寧可適庶  
與郢人論

風洞和曹憲使韻

不謂層厓絕居然一徑通洞虛應駐日磴擁欲  
乘風罷郭惟青靄江濤自碧空還方多勝概况

復賞心同

夏日同劉藩伯蔡憲使王總戎遊郭外諸

洞時總戎以辟瘴方見贈

羣公耽野趣上將擅詞場出郭雲峰近題詩竹  
徑長洞中元太古嶺外幸相將一使塵襟洗無  
煩辟瘴方

落日徐回艇微風更舉杯千騎隔竹待雙櫓拂  
雲開江遠霞依草厓懸乳映苔粵中何秀絕寧  
憚觸炎來

素園存稿

卷之六

五

華景洞作

憑几群峰迥披雲曲磴幽疊屏依積水三伏此  
清秋不見雷爲市虛疑蜃結樓久知佳絕地嶺  
表足淹留

冠巖

錦纜曾無繫碧山空自閒輕舟穿窈窕虛洞有  
躋攀流水久不去飛雲何處還塵心應已洗霜  
鬢豈須斑

再遊冠巖

縹緲藏雲壑霏微浸玉潭渾淪疑乍剖山澤適  
相舍久坐龍應起頻遊鶴可驟不知身萬里便  
欲挂朝簪

華景洞次曹憲使韻

林擁披微徑巖虛納遠風雲從深嶂白花自異  
方紅暑避池邊竹涼侵井上桐由來宜野興幸  
此一尊同

途中七夕

雙星天上會七夕世間情何處針穿過誰家網

素園存稿

卷之六

十六

結成攬衣驚節序看鏡薄勳名祗信金羈去寧  
憐玉箸盈

山亭晚眺

斜日竹林西登臨徑欲迷白雲千嶂合絳樹萬  
家齊古壁僊人字空亭燕子泥幽尋殊未厭微  
月映清谿

季夏遊古巖寺二首

疊嶂抱僧堂青松夾徑長千章雲掩映三伏日  
清涼洞有蛟龍氣山如鸞鳳翔塵囂無處染不

用禮空王

曲檻遶方塘荷風送妙香鐘聲清積水鳥影帶  
斜陽聽偈心恒寂題詩興未忘歸途猶可詠蘿  
逕月蒼蒼

南山逢王仲房

河北經年別山南此日逢風塵初繫馬談笑得  
雕龍子病貧難逐予慙性轉慵相將人境外何  
地巢雲松

覲畢領勅還州作

素園存稿

卷之六

十七

述職三朝會分符百辟虔旌旗雲氣濕綸綍日  
華鮮北極葵逾向東人磬久懸祗思詠黃鳥未  
敢賦甘泉

春日舟中作

解纜逢春節分符出帝京雲霄雙闕迥風浪  
片帆平野岸鶯花換州人涕淚迎云何勞簿領  
心獨愧專城

荊州元夕諸親友宴別

輜軒千里道燈火萬家城令節良宵會殊方故

里情郢歌聞白雪楚舞試青萍明發關山隔香醪不厭傾

夷陵阻雪

已是隔年別胡爲萬里行雲山難蜀道雨雪滯江城屈宋修詞地關張力戰名思鄉與懷古那復夜猿聲

閒居

兀坐偶踰月閑居常掩扉不知春色減忽見林花飛學道情無着看雲興未遠明當從野老爲

素園存稿

卷之六

六

訪北山薇

齋居作四首

誰云車馬場求日獨焚香室小風簾靜窻幽雲簾涼萍池魚得意藥逕鳥相忘不異深林裏蕭蕭興自長

朝叅非故懶野趣偶多奇公事癡難了幽棲拙固宜引泉欣竹遠移石畏雲知且任逍遙意無論鳳與鴟

屏居無一事雲樹宛相依遠徑花開落馮軒鳥

坐飛簿書堆幸放鄉國遠多違豈若拋塵綬幽巖遂息機

城裏萬人家庭中寂不譁大夫慙刻篆小吏識棲鴉花徑風來掃松窻月到斜故園渾在眼誰與話桑麻

春沂爲王比部賦

春水碧漣漪春風吹柳絲知君滄洲意未愛白雲司磐石供垂釣飛花拂舉卮徜徉徒在望安可負明時

素園存稿

卷之六

九

題聶逸人居

不知千嶂裏一徑啓柴扉水靜通池滿雲閒遶岫飛主人出行樂童子起披衣欲問愚公意應言駟馬非

送人之南都

龍尾灣秋月旅遊三度清送君春浦馭去日岸花迎潮平揚子渡樹隱金陵城何處雲帆偃遙尋歌吹聲

興安道中

雲迷峰自疊，難急水相離。湘灘二江於此竹露分言相離也  
長疑淚松風，不斷吹。撞兒歌，刈稻。徭女舞，祈祠。  
萬里今封建，無言陋九夷。

夢中作記三四句彷彿補之

越國一儒生，下帷青谿濱。心常營四海，目獨送層雲。  
恥獻太平策，空探上古文。袖中兩龍劍，欲屈萬人軍。

大司馬王公墓二首 代作

太息英豪盡，嗟圖史芬威。曾馳絕徼墓，自裊素園存稿。  
卷之六 五

低雲一失龍門御，空標麟閣勳。九原安可作，塞上有紛紜。

八座星辰履三邊，驃騎營風雲猶待令。松栢已依塋，詎復憂時疏長存。間世名未知襟上淚，今日爲蒼生。

丙辰除日

孤館耽憑几，高門恥曳裾。貧兼原憲憊，懶益杜陵疎。  
節序羈棲裏，勳名荏苒餘。南州兄及弟，萬里遲來書。

少司馬王公輓章 代作

月暗盧龍塞，星沉驃騎營。隴雲曾是陣，積草尚疑兵。  
授鉞親承寵，援枹豈慮生。蒼茫誰得問，姜斐爾何營。

送元素姪北遊

萬里重交遊，黃金市紫駟。不辭伏暑苦，無使望洋羞。  
問禮儒林秀，裁詩藝苑優。京華豪士窟，磬折慎淹留。

遊觀音山桃花塢作

素園存稿 卷之六 五  
積雨春逾半，風光乍借人。言從圓覺境，似得武陵津。  
一逕穠花繞，千山爽色新。淹留清磬發，歸路淨無塵。

早春之鄖陽別親友作

老別難爲別，春行不當春。恩將萬里邇，懶已十年真。  
節制南連楚，河山北控秦。由來酬國意，總是越鄉人。

黔縣道中

四顧盡名堯，千盤尚在要茅茨。依鳥迹，日月避。

雲標嶂合猶逼憶蹊窮更度橋眷言耕鑿者應  
似葛天朝

之鄖陽途中寄答友人

繡斧詎相榮荷衣故不輕君應念塵紱余肯厭  
柴荆述作名家手驅馳國士情明年松竹徑佇  
聽擲金聲

貴池道中

未忍清時負寧期好爵糜力疲當遠寄 恩重  
欲輕離鄉國杳千里雲山莽四陲懸輿曾不亮

素園存稿

卷之六

三

攬轡復奚辭

送程子王讀書淳安山中

百里清溪色當如幽興何白波鷗浩蕩青嶂雪  
嵯峨雅志菟墳典深棲入辟蘿未曾忘一覽詎  
厭五車多

遊僊六首

縹緲雲中徑逍遙洞裏天不知塵境隔第見瓊  
花鮮龍吟寧俚曲鶴馭總真僊海水時時淺俄  
開種玉圃

幽谷自逶迤行披蘿薜衣白榆天上種丹桂月  
中移玉女善歌曲僊人好奕棋日來無復事長  
醉赤霞巵

瑤臺臨弱水幾度問桃花祇藉扶搖厚邪云道  
里餘少辭白玉闕時過赤松家素女俱乘鳳雙  
鸞戲綵霞

海上滄波變山中白石芽自迷春夏曆寧識帝  
王家曼倩桃方實安期棗復花由來青嶂外別  
自度年華

素園存稿

卷之六

三

縣圃崑崙外神人姑射陽紫霄風竝御青鳥道  
相望洞入烟雲啓山將日月藏三花元不謝携  
手好翱翔

洞房連紫極絳節集玄真露吸神恒王風搏德  
有鄰飄飄九萬里荏苒八千春不盡清虛界寧  
妨學道人

園中作

園中垂柳勻春色欲關人隱几鳥聲悅披衣花  
態新雲移時近戶風靜不知座日覺蒼苔厚惟

堪田父鄰

鷓鴣

層巒青未竟幽谷轉逶迤遙識龍蟠處獨看雲  
起時巖中長抱膝石上偶支頤何必殷名動相  
從茹紫芝

五雲嶺

聞道千盤岫曾開五色雲三石邊見瑞四壁盡  
成文團與嘉林爛飄從靈鳥紛幽居堪自翫華  
國好平分

素園存稿

卷之六

三

金山寺

何年鰲背浮僊嶼落中流猶是金爲闕翻疑蜃  
結樓乾坤環一水日月遞雙漚欲試僧趺定潮  
聲撼未休

雙溪

溪曾有紫雲之瑞稱紫雲溪

遙看千嶂合忽作二溪分宛轉夾明鏡氤氲亘  
紫雲高人曾卜隱上善自流芬倚杖欲垂釣長  
從魚鳥羣

王六司寇元美朱少司寇君王冬杪携榼

見訪有作奉和

詎識清朝老偏尋往日隣據梧幾失我洗盞迭  
爲賓自近芝蘭味難分萍梗人無云歲事暮歌  
曲是陽春

閨月

清迥三秋月愁望萬里天擣衣雙杵亂捲幔一  
鉤懸塞北黃雲外江南白鴈邊金波應不定爲  
照錦鞍韉

哭吳司訓瑞穀二首

素園存稿

卷之六

五

復爾頻招此胡然謫計音文寧雙白壁官僅伍  
青衿造物齊真幻浮生漫古今時聞評國秀不  
負草玄心

詞賦交千載班行落衆人綬垂何若若質抱自  
彬彬陋俗嘲亡異名家嘆絕倫大郭埋王處誰  
爲表松筠

里中祀張睢陽歲七月二十五日夜以荷  
葉燈賽神兩市輝連如元夕不知其所始  
也小詩紀事

英靈世不忘俎豆俗相將市散橫塘葉燈交列  
宿光江淮存舊烈耆老賽新涼緬憶髫年日肩  
隨十里香

百戰英聲在千秋祀事仍競將七寶葉散作九  
華燈正直寧爲厲芟夷若有徵如何唐室造猶  
使賀蘭興

詠松

萬卉自嚴冬青青雪後松枝高時唳鶴榦老會  
騰龍風引清商協雲依秀色重方甘貞士節詎

素園存稿

卷之六

五

羨大夫封

松亭

一徑萬松末孤亭疊嶂中烟雲低拂檻杖屨近  
摩空竟日笙竽韻幽懷蘿薜叢時人未可卽迥  
爾企高風

夏日題君式姪書館

青嶂倚書堂團雲滿座涼五車冬已足三伏暑  
相忘疎竹宜眠鶴高松間奏簧偶思奇士佩未  
厭紫囊香

巖栖意杳然藻思日翩翩汝自輕千里余將問  
七賢危峰天欲逼曲水鏡相牽知鮮披帷暇澄  
心在簡編

丙申元日試筆四首

元旦紆深省他年恥素餐熙朝無一補幽谷有  
千盤日月時虛邁乾坤道自寬勿云大耋者聞  
百敢求安

志士陰恒惜高年道未緇商山芝燁燁淇澳竹  
猗猗羽翼殊無事琢磨良有爲采榮談已淺抑

素園存稿

卷之六

七

戒寔吾師

松竹環三畝圖書屏五車年衰惟靜習地僻自  
交疎倚杖聊看鳥垂竿未問魚椒觴隨俗舉吾  
意適關渠

共喜元朝雨深愁南畝枯畦荒鋤競把磴滑杖  
應扶丘壑身仍老桑麻興不孤卽看芳草意雙  
屐緩平蕪

元旦雨

漫信東方術虛愁元旦陰三秋今始雨萬姓仰



爲霖舟子停橈日農夫荷耒心由來天道遠闕  
管竟難謀

秋乾春乃雨旱久氣更蘇瑞歲逢三始平階仰  
六符吾衰偕庶老興僻一癯儒壽酒從兒輩歡  
言祝爾愚

丙申人日

衰白吾堪老韶華物自春兩儀元定位七日重  
爲人采勝年年俗幽棲事事真呼兒書俚語小  
酌對芳辰

素園存稿

卷之六

天

人日霽

秋來憂旱亟雨雪及春耕已愜三農望還欣七  
日晴百年懷令節四國競歡聲村鼓家家動歌  
謳荷太平

丙申春日

丘園春早至井邑事多違芳徑雙移屨平岡獨  
振衣白雲依檻出黃鳥拂階飛八十猶耽詠應  
貽野老譏

漫興三首

已謂無懷氏猶耽漫興詩老夫聊復爾花鳥未  
應知日月山中永風雲世上移東臯徐可步藜  
杖信威夷

念昔於陵子灌園良已勤吾生慙冕綬晚歲謝  
塵氛田叟幸相勉空虛未有聞還當依几杖高  
臥北山雲

聞道雲門曲冥棲有逸人山中藏日月谷口絕  
風塵俗自深耕足民猶上古淳素心希獨往况  
復四時春

素園存稿

卷之六

无

感興十八首

磻溪歸大老八十乃鷹揚未及變龍韋空高鳳  
鳥岡丹書道不朽黃鉞志應傷何事商山叟衣  
冠偉漢皇

諸葛昔龍臥躬耕與世忘三分雲一點二表日  
爭光伊呂應未尚申韓詎所臧知言汾曲子禮  
樂足興王

唐虞小天下齊國矜一匡侈心苟或萌丕烈奚  
足臧九合冠裳會三歸粉黛行誰能稱仲父父

假必終亡

濂洛斯文在新安集厥成六經昭日月百氏息  
縱橫梵典舊深文卮言今滿盈良知如不泯奚  
翹誤平生

昭代文明會齊名稱李何青雲聲早達白雪和  
彌多時聞稷下議欲擅郢中歌長夜旦已久圭  
哉安可磨

天道或云遠至人輔其宜兩儀是以位萬化非  
所知尼父恭請討孔明勤出師迄今光日月豈

素園存稿

卷之六

三

必勤鼎彝

沫泗鐸未墜子輿振遺風空言道以衛洪水績  
乃同絕域一感夢中華遂爲戎矯哉昌黎氏抗  
疏何其忠

秦火旣以熄董生稱大醇下惟究墳典對策明  
天人諸子苟悉屏一王斯可循惜哉雄畧主寧  
好格心臣

漢鼎昔云析邈哉天網疎五胡恣封豕三窟談  
清虛福妄身仍捨功勤社已墟誰悲原道者直

飲火其書

維皇昔建極石室徵名儒六籍有定志三車寧  
金驅何人忍簧鼓斯道幾榛蕪若律同文治誰  
應兩觀誅

慨昔已已變翠華來自胡四郊多壘恥六合幾  
人扶國定家仍慘身殲道不孤如何五等澤未  
及九原枯

昔者我湖會陸家深諱禪寧辭十手指竟以一  
燈傳悟豈塗民目私何舍已田願從定性學三

素園存稿

卷之六

三

復盡心篇

廣川旣出傳漢代鮮真儒媚冀身寧免美新人  
豈模訓詁未易議堅白竟難滂大矣考亭叟力  
披斯道蕪

吾慕薛夫子儒哉斯可師守身非獨行好古寧  
多岐詣市氣不餒讀書言允知請從要語入豈  
使西河疑

岑習夫何甚大言良可哀未堪撼杜甫已擬鑄  
顏回風雅歸前輩驅馳避後來橫空道若砥誰

限不羣材

西河疑子夏投杖拜規言始信師人患彌資友  
道敦戈操翻入室簷建仍多門請謝當途士誰  
專地上尊

罔家未易索家家賈玄珠亟稱建旗鼓寧用推  
羗胡大雅應不爾吾衰焉可誣谷中時抱膝轉  
憶愚公愚

二氏雄鳴日雷聲應未真西原稱雅度北地詎  
凡倫河嶽靈無盡文章道有神何須矜獨步十

素園存稿

卷之六

三

室可爲鄰

書事寄所知二首

濟濟十六相閭閻洙泗徒過規聞則喜善告拜  
而俞罔謂人從已於惟有若無最哉吾黨士克  
念迺真儒

吉士謁王國謀夫戒孔多盈庭咎競執矢口玷  
寧磨往烈試悉數躬行諒匪它九淵止乃鑒願  
勿揚其波

贈潘

上士自遵晦潘生言匪狂令君何其達讒口安  
能張三徑無懷氏千村有道鄉客談忘盥櫛呼  
紙詠時康

閒居二首

密竹稍侵徑連峰恒在門郊居寧厭僻拙養敢  
云尊鳥狎庭中樹雲歸巖下軒所知幸匪遠相  
過數家村

衰拙真無事幽偏久閉關盈車從卷帙隱几祗  
看山迅雨前溪漲低雲夕鳥還兒童渾未解休

素園存稿

卷之六

三

掃紫苔斑

丙申春暮後遊六首

溪山供一葦風日愜今朝白浪經湍穩青樓夾  
岸遙淡雲能拂席嘉樹欲迎橈何似南塘路居  
然第五橋

未向君王乞桴浮有一川溪雲不作雨岬柳自  
生煙慢卷春難畫潭平鏡易牽輕鷗何泛泛諸  
子共悠然

浦卽滄浪曲峰憐紫閣陰波中漾絕壁村外間

平林雲錦千層疊  
風花一片侵緬懷  
岑杜侶絲筆字兼金

鳳臺平挹翠寶塔半躋空  
雙鳥雲峰外千家煙  
樹中遡洄堪舍筏倚檻欲乘風  
直北天都頂冷然思不窮

夙慕蘭亭會翻疑此一時  
雲山宛映帶水竹淨  
漣漪修禊尋常事留題絕妙辭  
向來何感慨視昔在今茲

野橋聯袂度藜杖  
信吾之稍覺冷風善寧辭  
又素園存稿

卷之六

五

磴危汀霞仍艤楫  
沙鳥更移時歸纜勿云遽徐  
沿芳草坻

垂槐

本爲羣公植叅天更不疑  
那同青門柳拂地自低垂  
直幹忘先伐柔條類守雌  
請看陵上栢矯矯歲寒時

丙申端午

節序衰能甚郊園興未殊  
病降猶畜蔡時泰罷懸符  
酬勸仍諸弟迂遲得腐儒  
第宜松下的莫

同府中趨

感興

臥永山中日閒悲世上  
名二桃三烈士五柳一  
先生白雪和彌寡黃金彈已輕欲知流水調奚必有絃聲

豐年

盛世敷文治豐年荷聖謨  
偏師鋤小梗比室詠多稌  
田叟歡相勞閭閻寢不呼  
願言恒儉德奚必遠皇虞

素園存稿

卷之六

五

五日

舊俗酬佳節新詩役老夫  
五絲家續縷九節席香蒲  
永日郊扉靜豐年海宇娛  
更聞重譯至無用辟兵符

立秋日登烏石山

久厭塵中轍偏耽郊外坳  
天高一葉下雲白萬峰青  
時序又金節乾坤此幔亭  
嘉遊毋問醉觴至未教停

中秋觀塔燈

塔月共燈懸燈輝月正圓月飛天上鏡燈湧火  
中蓮光溢清秋節祥徵大有年不知堯帝力虛  
藉梵王緣鄉人以豐年歸佛力塔燈所以祈  
也雖不其然然燦哉可觀矣

初度壽辭羽仲獻成伯雨有作喜其工美  
賦此貽之

盡言荆王抱三子寔瓊琚文亦吾家事人追作  
者餘未停千里駕奚翅五車書獨愧衰能甚寧  
忘日儆余

素園存稿

卷之六

三

丁酉元日日晴

元日與人日今春淑氣饒三農占瑞歲萬姓仰  
熙朝東野催鶯待西林藉草招吾衰應恃杖未  
厭出郊遙

朱司理表其五世祖墓爲賦

仁聲沒不謾廉吏有聞孫松楸懷佳域簪纓裕  
慶門九原風可作五世澤彌惇楚蜀逾千里寧  
期駟馬奔

戊戌元日四首

衰幸三朝日歡同萬國心海氛平可席皇度式  
如金萱羨茲應放椒花今自禁薄言委巷禮壽  
酒緩從斟

帝出陽春澤王正太史書慮非重譯後嘉與萬  
方初楚語善爲實周官德不虛老農惟是祝南  
畝亟興耜

幽谷吾能老熙時歲條更似聞美王棄真挹泰  
階平袞補嘗從後榛披苟使管願宣明詔惠普  
慰遠郊昨

素園存稿

卷之六

三

青陽忽復是大耋亟知非椒酒家人頌芸編野  
叟識逢時驚易邁問道省多違久悔雕蟲業回  
觀善者幾

戊戌人日

今日人同得閒居典自偏杖披幽徑竹屐遶曲  
流泉地僻恒無事時和屢有年適逢田父語更  
賴使君賢

送方稚文之南昌

佐邑初爲政承家有今名宗謀何以贈國賦匪

云輕雲間西山色江連南浦聲巡行應不怠百  
里見深耕

贈王長卿

遠遊何所息五嶽暫歸來未負尋仙約還矜作  
賦才西過白雪嶺北上黃金臺一顧萬餘里長  
歌亦壯哉

五日

巖榭薰風入郊園霽色過良辰自古昔佳日猶  
清和藜杖徐沙竹絺衣疑沼荷蒲觴宜爾葦衰

素園存稿

卷之六

三九

貌亦微醺

立秋日登色映山

涼風今日至西野興如何偶念蒼松徑言遵碧  
澗阿千村雲掩映疊嶂玉嵯峨曾是幽尋者寧  
如此地過

送顧鄰初會試

才子冠時髦承家有佩刀雪花隨去馬春色改  
征袍文自西京出名非甲第高上林千萬樹總  
待鳳皇毛

冬暮郊園

郊外鶯聲遠林中霽色新衰顏偏愛日臘月乍  
疑春雲物催紅萼風光借翠筠過從二三子晤  
語得吾真

夏日郊居

已覺蓬心遣無疑谷口淹儒衣三伏卷農事五  
行占草色時侵屨荷風乍入簾頃觀山下象併  
徹水精塩

菜荷館

素園存稿

卷之六

三九

宅西菜竹館右枕鳳皇臺豈鮮琅玕實寧無碧  
落來悠然清大暑况復屏纖埃吾友題詩滿荷  
荷有斐哉

何謂蒼貧者能齊物外心歌詩招鳳下隱几聽  
龍吟千畝夫奚有九衢茲以深居然三徑裏不  
受一塵侵

姪寵寄杖

川西桃竹杖採自蛾眉巔來經雲雨峽幾躍蛟  
龍淵我壯天都徑時披石磴煙林中懷小阮爲

倚長風前

竹軒 建德館作

冠蓋都城滿此君何可無煙霞軒外繞日月牖  
中徂濯濯風流態蕭蕭玄圃圖清陰隨隱几應  
異老夫迂

庭前雲未礙疎竹淨纖蘿左右清風至春秋佳  
日多幽花相映發靈鳥儻來過却掃蒼苔逕題  
詩試自歌

九月九日 已亥鄉會有感

存稿

卷之六

四

節序愛重陽朋簪蓋故鄉秋陰雲乍白歲閨菊  
未黃風景時方泰醉歌生匪狂從來一統盛恒  
懼匹夫傷

過千秋里贈汪仲嘉士能

君家池上草忽忽十餘春曾是南樓客長懷壯  
阜人雲梯更登眺石壁空嶙峋何必山陽笛能  
傷來者神

送從孫寓庸會試

并歲已馳名文章似二京筆花應五色玉價自

連城臘盡燕關雪春催漢苑鶯千官看對策知  
不負生平

蕭侍御封公壽章二首

烏臺雄白簡彩服照青春志養純觴日 恩承  
致 主身蛾眉通瑞靄龍尾集垂紳八十猶芸  
卷惟應祝大椿

天近蠶叢棧春深龍阜雲壽觴隔歲使 封誥  
上台文玉樹階前密金庭物外分更言滋晚日  
鳴鳥九霄聞

存稿

卷之六

四

南和茂齋公子以柱國兄命自金陵來省  
墓序族禮成贈別

宗衮先朝傑雲臺名世勲丕承觀之子慎德紹  
前聞華萼連枝映金貂奕葉芬清時寧暇逸彩  
筆亦超群

南里聲何自東都世幾更萬山存素業千里爲  
先塋韜略慶門緒詩書才子名邊陲塵未息願  
爾請長纓

千秋里池上作贈象先象武

共憐池上趣轉憶供中篇村境有幽意家聲無  
間然當軒挹翠靄俯檻監清漣宿昔論文地彌  
知濟美賢

司馬聲名在遺文海內推鳳毛能競爽谷口足  
棲遲西牖雲峰入東臯蘭畹滋五車餘萬卷方  
下讀書帷

伏寒

燕雲徒蔽日楚水欲連空虛懸彌年望苦靈千  
里同授衣當溽暑釋筴避淒風著策罔知告元

素園存稿

卷之六

四三

精安可窮

濠上

頗覺交游遠彌應魚鳥親熙熙寧外物坦坦自  
幽人花下徐藜杖池邊正葛巾添園有妙賞濠  
上知其真

壬寅元日

時開冊立之詔恭述燕及家慶

瑞歲三朝協歡心萬國望元良孚有慶純嘏引  
無疆震出乾坤位離重日月光休聲郊野外盈  
耳正洋洋

每感叩關亟應欣擊壤宜謨徵天湯蕩則頌物  
熙熙歲與鴻鈞轉恩霑草莽私萬方遙獻祝三  
壽更裁詩

八六驚吾耄憂勤憶昔賢衛風咷有斐秦晉美  
無愆熊夢龜蒼協椒觴少長傳扶筇仍比拱稽  
首贊堯天

養春滋喜氣逾耄始重孫燕翼遺經澤綸音積  
善門椒梅迎令節雲日媚中園更豫豐年兆適  
聞鄰叟言

素園存稿

卷之六

四三

壬寅素園作

交遊非喜絕衰懶自應踈隱几雲依袂焚香月  
在除兩都無姓字四壁有圖書頗覺庭前草兒  
童未信鋤

漫興

衰白曾何異優游正爾同物情千仞外吾道一  
丘中去郭扉猶掩尋山徑未窮野人特見問欲  
答竟書空

咄咄



咄咄竟何怪悠悠應自知  
浮名人壯計真意空  
東籬天遠秋雲淡  
山深夕鳥遲  
階前雙白鶴徐  
杖數相隨

九月既望郊園雨間止菊半吐

籃輿雲早密  
霽景及階斜  
天間三秋雨  
詩徵九  
日花  
葛巾欹徑竹  
藜杖竟林鴉  
未辨東籬意  
前  
峯片片霞

方令君入覲

郭邇知衰甚  
山深荷政良  
匪遙言偃室  
未下管  
素園存稿

卷之六

四

寧床自在郊  
垌出俄驚  
岐路長應將  
憂治疏太  
息奏明光

臘盡燕關雪  
春瞻鳳闕雲  
萬方乎有慶  
百里治  
先聞去會維  
皇極來移列  
宿文村村農  
鼓日舉  
首嶺花芬

瞻然幽谷叟  
童冠出相隨  
言攀萬里別  
豫數隔  
年期雨雪關  
山道陽春德  
澤時五風將  
十雨及  
我四郊私

勤苦青衿士  
遲迴綠筆場  
孰占雙劍氣  
徒澌一

錢囊大矣懸衡鑑終焉具棟梁  
請看桃李色偏  
映召公棠

方令君以余不能入城郭移榼郊垌率爾

賦謝

仁賢能尚老  
衰拙匪藏名  
圃柳若爲限  
閭梅無  
已情勉移披  
徑屨果枉出  
郊旌此意從  
先進他  
時講德聲

優人良可屏  
野色自堪親  
語及蒼黎因  
心知豈  
第真當杯雲  
影落近席鳥  
聲馴請以麥  
丘祝儻  
素園存稿

卷之六

四

希單父賓

閏九月看菊

閏月兩重陽  
黃花不斷香  
悠然籬下意  
偏向酒  
中長賦更登  
高和辰仍具  
美良層軒移  
露蒞佳  
色恐淒涼

癸卯初度四首

初度陽來復  
清時物正熙  
衰無魏闕夢  
愚有杞  
天疑襪獻中  
家禮觴勞上  
客辭似聞園  
轉詔磐  
石億年維

金樓市幾罷鱗批朝共危九天曾大號四海自  
丕基政爾梯航念寧論草莽私嘉辰慙善祝觴  
至未遑持

八七衰吾甚壺觴遲客移生逢長至日世卜大  
來期夙遂歸休賦深慙介社詩何當中使緩無  
忽匹夫離

玄閣思已苦雲臺業亦微世方嘲尚白吾幸晚  
知非林密天應大山幽日覺輝壽筵何所有春  
近氣芝肥

茶園存稿

卷之六

四六

園居四首

逢時真自幸經世本無奇寧問三公否應耽一  
壑宜從遊惟舊侶感興亦新詩時向清溪曲未  
令童子知

清朝三太息知我謂何悲祇信山輝玉焉論鳥  
有鳴氣陽高仰止大道日多岐休賈蟬蛸力空  
聞靈掌移

巷委無勞止軒華殊未宜胡爲歌白石自可隱  
鳥皮春動隴梅覺雲歸巖鳥知頃聞山北叟潛

玩畫中儀

歡聲諠北里直意辨東籬孰廣絕交論好吟招  
隱詩悠然原上杖莞爾竹間卮果欲辭朱紱時  
從茹紫芝

迭夏司訓之穀城

疊嶂拱儒門青氈道自尊升堂鳴鳥靜揮麈過  
雲屯六籍淹冰渙諸生仰玉溫清風知迭遠伏  
日灑征軒

春雪

茶園存稿

卷之六

四七

春雪媚春林林花點自禁年新猶近瑞早久詎  
疑陰北極恩將普東方術未深似聞園轉  
詔亟慰倒懸心

立秋贈畢中秘北上

門外青溪色蘭橈向鳳城秋風今日灑萬里片  
帆清簫鼓湖鷗靜圖書江浪平應將郢雪調寫  
入竹枝聲

兩載從王事承顏義不遺遙知青舫暇載詠白  
華詩庖鮓臨淵放檣鳥得食隨五雲天日近日

進介禧厄

伏暑東潘景升

酷暑卻無術幽居衰自持忽驚千里客來自五  
湖渭衣凝青蓮氣毫揮白雪辭老夫襟已豁坐  
見火雲移

造也讀書東皋館其母殯處

蕭蕭王露林念汝求思心宿草萱庭在下帷松  
逕深熊九中夜淚鵲唳九霄音豈獨枯槁澤無  
輕分寸陰

素園存稿

卷之六

四八

送從孫玄成會試

南園胡用甫風積起天池一板垂雲翼應同鳴  
鳳儀六經隨彩筆萬國會熙時莫負臨軒問須  
危有道辭

適園桂花盛開而潘園獨樹大奇二園溪

之南北連朝翫之約長康景升羽仲獻  
成同詠

秋芳何爛熳豐水自連漪岸北枝相對陂南樹  
獨奇客疑槎上泛花自月中移詎減青陽艷方

名王露滋

○古樂府○陶詩

送吳子復會試

子復家歙而楚產  
故有萃秀之句

雲夢九江濱大鄣千里鄰殊方今萃秀之子早  
懷珍文采西京調煙花北極春 默宸方仄席  
行矣慎嘉賓

奉送司徒石渚馬公奏績赴闕二首

旌節江南發聲名斗北懸片帆千嶂外雙屐五  
雲邊漢閣圖勲日虞廷奏績年預知中夜席應  
爲萬方前

素園存稿

卷之六

四九

兩都聯國體八座總儒林政本先氏食朝端簡  
帝心省趨叨飲海袞補佇爲霖請誦卷阿什將  
聞鳳鳥音

思古齋四詠

茅齋

茅茨古不剪良足易巢居末世侈日競哲人念  
厥初絕樞苟非陋藻枕毋乃愚淳風庶可見聊  
用蔭吾廬

竹几

渾渾未離質。猗猗有斐風。美成去雕飾。純素含  
虛空。懷安士則鄙。兀思神將通。於焉觀微妙。庶  
以追鴻濛。

蒲團

偃然藉文繡。孰作塗炭觀。白茅薄可重。泰宇定  
斯安。綿綿存成性。默默通玄關。攄梧何以失。得  
者天人間。

蕉扇

嘉彼炎州植。含風何薈盤。採將雲冉冉。展作月

素園存稿

卷之六

五十

團圓奚取黃金屑。無論白雪統道人。時一灑白  
覺伏天寒。

素園存稿卷之七

新安方弘靜著

五言排律

贈胡莒州

頻望西川舄。仍褰東海帷。風謠知鼎績。勳業及  
清時。每挹循良政。恒愆撫字期。陽城宣拙考。何  
武祇遺思。莫以青蠅玷。須令彩鳳儀。一麾瞻豈  
第。三命獨委蛇。愈勵朱繩操。新聞黃絹辭。毫揮  
珠欲逸。符下石難移。暫寄股肱守。終推燮理司。

素園存稿

卷之七

一

芝蘭叨入室。霄漢惜分岐。董策方園久。終繡出  
入疲。月評虛倚玉。雲從亟歌驪。請拭冲星劍。無  
忘伐木詩。

韻

丁巳仲春之官金陵奉別少宰孫公六十  
默默懷知己。依依去上京。散材煩運斧。華省  
復飛纓。幸與鄉園邇。兼無簿領縈。金陵一何麗。  
吏隱寔爲榮。在昔蟠王氣。于今闡帝紘。江聲  
侵枕席。山色帶柴荆。隔歲羈南北。中宵夢弟兄。

青應翻棣夢歸得問松年與在幽林竹情懸

上苑鶯脂車衣拂霧祖帳席逢錫芳草天邊驛  
穠花雨後程驪歌翻悵別鴛鴦試悲鳴宿昔遲  
迴志重陳慷慨行風雲遭盛代禮樂廁羣英巖  
穴忘孤閨茅茹亦彙征金谿宣躍冶王剖在持  
衡此日蒙推轂當年詠食苹瞻依何特達懷抱  
披呈夫子生民表亶茲王國禎萃靈維嶽  
降獨步仙儒亭忠孝承家操文章問世名萬言  
魁甲榜五字作長城道大才元合懷虛物必傾

素園存稿

卷之七

三

小心勤獎誘上德絕將迎燕室無私請雄詞許  
細評守身嚴一介庶士顧千楹勳業丹青待謀  
猷歲月宏詎曾遺韋褐獨自納寰瀛砥柱中流  
見水壺徹底清久孚北斗望真挹泰階平竊仰  
憐才念深惟徇主情躊躇迴大雅夢寐契精  
誠朝退時親藥筵開鮮舉觥孤襟知未豁四座  
豈徒盈小子誠多僻幽居素寡營時來寸技售  
宦拙二毛生擢桂非無幸飄蓬祗自驚風塵空  
冉冉言行益硜硜屢荷丘山顧焉知羅網嬰吹

噓恩已悉雕琢器何成瓠小亦無用珉多固可

輕不能效桃李何以報瑤瓊誓竭驅馳策敢尋  
鷗鷺盟滄洲元浩湯狹道日崢嶸薄劣苦相得  
艱危夙所更鵲枝幸易託龍劔恐難并落落欲  
安往沾沾恥自明銘鐘國士分枕石幽人貞恒  
懼門墻玷宣隨鷄鶩爭稻梁如志飽隴畝有躬  
耕朔北燭烽燧江東且甲兵顧看雲鳥陣厭聽  
鼓聲聲頗笑憑孤几長懷奏五鼓青郊却走馬  
黃屋拱飛甍難挽銀河水翻憐錦帶羨葵心猶  
自赤魴尾未辭顏遠路愁平子高車陋長卿臨  
岐不敢戀萬里意縱橫

素園存稿

卷之七

王

送胡內翰北上

冠蓋留都動煙霄去路平禁庭才子選祖帳故  
人情起草年方妙揚帆興自清江雲隨畫鷁湖  
柳變啼鶯北極三台切南圖六翮橫諸公推轂  
久雅志析圭輕禮樂今無外干戈尚有征倘因  
前席問感激爲蒼生

春雪十四韻

盡謂豐呈瑞寧圖診表陰浮雲自結微霞倏  
能深品物安從始元朝遂至今開尊聊小飲抱  
膝祇長吟彌感周南詠虛高郢客音綠蕤繁近  
席填壑胃崇岑原隔渾無辨鶯花黯不禁林多  
珉豈王野積陸應沉實懼途盈莘誰論田執食  
九衢扉欲墮三窟跡難尋杜子愁仍對袁生傷  
可任義和瘵失御大造寂何心獨愧孤裘擁偏  
增鶴髮侵亦知玄澤閉終避太陽臨

大司徒殷公八袞壽詞三十二韻

素園存稿

卷之七

四

粵若孚休運於惟快老臣赤松寧辟穀綠野匪  
思尊帷幄先憂切丘園後樂真飄然名總遠邈  
矣德難鄰公昔登青瑣心恒拱紫宸諫行潛  
毀草制出逆批鱗秉憲兼文武分司歷守巡峒  
猺窺禮樂豳豳瘠洽陽春海宇方丕冒潢池敢不  
馴維藩惟白刃負郭輒黃巾授鉞皇斯怒援  
抱旅益振檄傳郊有犢陣善壘無塵兩越弢戈  
定千村荷耒勻歡聲喧士女喜色動星辰間里  
綏來徧君王寵錫頻六卿推領袖八座倚經

綸出入要酬國安危豈慮身功成謙易退道在  
卷仍伸大耋神逾王高年嘏自純熊非元卜呂  
嶽降寔生申天與岡陵固時因模範親餐霞朝  
挈侶翫月夜留賓童冠瞻黃髮壺觴就翠筠田  
家雲嶂裏漁父石谿濱興至聊暮局閒來或釣  
緡綿綿勤上士坦坦吉幽人一愜林中鹿都忘  
閣上麟通家申締好同舍早依仁命駕遠千里  
修辭泥累句眷言懷耿耿何以致恣恣願撰年  
年頌長期日日新

素園存稿

卷之七

五

寄和吳明卿大參遊僊詩二首

詞章稱絕代羽翰擬沖天怪挹烟霞氣應探星  
斗躔澄心仍麗藻劇飲自通玄海上金銀闕山  
中木石年將無鯢變化似有鶴盤旋請試冷風  
御寧妨此日企

聞道麒麟洞遙通廣莫天谷神根自固室白火  
常傳太乙扶真氣清虛拱上玄鵬圖風九萬森  
結歲三千鼎內雲雷轉壺中日月懸莫令遄羽  
翰且作地行仙

張母劉太安人壽詞

國學傳經日庭闈設悅辰獻觴環辟水祀筭集  
朝紳晝值清和永筵開燕喜頌鸞章紛五色  
萱圃茂千春大耋曾無郊遐期詎有垠三鱣祥  
早起百穀慶相因玉樹雲依砌魚軒錦累茵鳳  
將聲翩翩麟抱角振振難老邀青鳥承歡拱  
紫宸瑤池分沆瀣台座倚綵綸日映童衣綵霞  
披僊鬢銀教生維類錫壽豈自天申萃順心逾  
抑酬恩訓益諄眷言昭懿範允致贊猷身

素園存稿

卷之七

六

登太和山四十韻

豈是壺中幻曾從圖上論微微分郡國杳杳異  
乾坤甲觀三千屬層樓十二騫自非神力就安  
睹帝居尊伊昔戎衣定于時民事繁九天一念  
啓萬堵八方奔草昧功斯宰謳歌俗乃敦貢先  
重譯氏詔緩百家村結構危堪據冲虛默若存  
窻櫺俄象緯雞犬亦丘樊宇盡黃金飾巔常紫  
氣屯逍遙小姑射縹緲到崑崙五岳行應仲三  
山侶孰景齊州依似蟻壘嶂拱如孫榆種天真

近鵬圖翼不煩蒼蒼翻下視歷歷詎徒言身藉

扶搖負胸幾雲夢吞橋飛空易越壁立磴難援  
喬木凌霄上遙泉自漢歆峰迴俱鳳翥石化或  
羊蹲仙果雙枝合靈芝九色蕃風前冷可御雪  
後滑猶捫徑轉疑無地震開別有門孤標避日  
月深洞修涼溫窈窕大夫館漪漣王女盆竭來  
迷象罔忽復敞平原絳節宵恒集霓旌晝屢翻  
千巖何炳煥萬壑此細縕應接惡能暇幽奇焉  
得掄夙齡尚玄覽晚歲起家園重鎮治奚補名

素園存稿

卷之七

七

山意罔諼詢咨聊駐節勝絕一憑軒忽動笙竿  
奏殊非人世喧雲團松掩映王漱澗潺湲轉憶  
幽棲日重傷遠別魂白沙江汜墅翠竹郭西垣  
興至黎時倚朝來栢厭殮十年便守拙萬里謬  
承恩已負南山豹那希北海鯢亟須謝塵綬  
庶以遯真源

萬曆癸巳同年王司寇梁別駕會于金陵  
木末亭作時年俱踰七望八矣

風御自冷然孤亭木杪懸江山千里抱城闕萬

夢連此地同登會于今四紀年  
嗚仙苑步鳳皇  
帝京篇出處金蘭蓋形神王對堅微吟通  
象緯深醉倚雲煙典寄三洲外情生六代前題  
名余忝附聊與世人傳

元日五十爲吳處士賦

條風初應律淑氣早迎祥歲協新元瑞人占上  
壽昌遐期繞半百豪舉盛冠裳運際川方至筵  
開日正長至人傳王笈上客獻椒觴天與懸旅  
異星衝佩劒光三陽享有尚百穀益無方隅內

素園存稿

卷之七

丹將就林中卉競芳更言青鳥使來自白雲鄉  
丙申中秋觀塔燈作六十韻

瑞塔凌霄迥華燈竝月妍金波銀漢裏火樹王  
繩邊魄向天心滿光從佛頂傳瑤臺誰拭鏡寶  
相脩開蓮令節三秋半嘉期四美全霧披何皎  
皎葩艷復田田一現無遮界同皈普照綠輝分  
太乙杖清切紫微躔絳節宵頻擁霓旌下屢翩  
七層如按地八角會磨天消息信三五參差放  
十千彩雲工點綴王露轉澄鮮瓊島竟安在冰

夢自自然鵲飛枝喜匝龍起水驚眠星聚賢人

里珠還有道年斗衝劍匣出虹蜺蜃樓懸笑閃  
天公電啼殷蜀帝鵲九枝今代夜一點古恒圓  
桂子低堪落霞標仰可穿鐸搖螢箇箇輪定兔  
娟娟鴻鴈行貪數嫦娥影耐憐行吟花邊筆坐  
翫雪疑紈紈扇從中棄蘭膏莫自煎紛紛羅逕  
曲灼灼藥階前陟磴輕歌夕臨流信沂沿楓林  
兩屐葉竹浦萬竿煙隔岼豐齊翫千家箔盡褰  
拜深遲繡襪卜久覓金錢別院明霜杵殊方逐

素園存稿

卷之七

九

錦韉羅襦窺獨解王筇映雙消肯惜閨中恨徒  
矜塞上權升沉君請驗薰炙孰能專倒景翻江  
壁迴波爛石川白蘋依漱瀨翠荇拂漪連深澈  
鮫人杼微茫漁父舷橋應楂上度洲宛海中連  
便擬題孤嶼無論察九淵空青溼不散碧落漾  
相牽鷄誤關門曙犀微渚底燃摩尼開妙悟象  
罔得真玄却誦西園作彌昭東壁聯焰長萬丈  
上文炳百家先尚想千人唱猶看五色宣老夫  
慙內手高步憚隨肩試與傾都出那當抱膝堅



車摩香未斷簪盞漏方延蟻騰浮金竿蟾仍密  
綺筵風輕歌曲緩塵淨舞衣便妙境耽無睡煩  
襟霍已燭徘徊雲母障緬邈閱風巔更燭迴清  
晝巡檐問列僊琳宮寧尺咫駕好周旋空外  
莊嚴備毫端福佑駢堯民熙在宥漢吏屬仁賢  
四野無嚴柝千村有沸絃祈年存舊俗講德溢  
新篇興劇聊拈韻寒侵欲近綿詩成未見跋酒  
至況如泉性僻衰忘甚參橫醉覺公共知元夕  
好勝事此辰偏

素園存稿 卷之七

閏中秋觀塔燈作

塔勢起長虹燈明皓月中月仍嘉節滿燈騰上  
元紅共喜秋逢閏言祈歲屢豐王毫曾不夜黎  
杖更凌空寶剎銀河帶瓊臺紫闕通重輪光易  
駐更燭漏難終白社千家慶青樓十里同良宵  
真再得賡詠太平風

伏日戲廣熱客詩七十一韻

敬哉初伏節赫爾朱陽威玉井傳水日霜紈裁  
扇時幽人澹自適上道靜無爲太始千年雪商

顏五色芝洞天未易卽塵世將安之獨愛郊園  
僻能清暑氣微衡門可晤語深谷好委蛇肯羨  
八騶卒聊消一局碁胡爲山中士翻逐市上兒  
朝內東門刺暮要南陌期身名曾特達與馬洵  
光儀卒卒竟無暇皇皇奚所追錦韉宵未解珠  
汗旦頻揮烏噪徒喧坐鷄鳴已叩扉兒童延大  
誤盥櫛起偏遲遽集從何處新逢卽故知舍人  
相煩感長者竊心惟曷不題凡鳥孰爲歌載馳  
攝齊愁浹背授几強信眉白酒適新熟黃梁且

素園存稿 卷之七

十二

間炊寒溫難了了酬勸易怡怡惡得諭穠穢排  
令倒接離孔融那不極鮑佐詎勝嗤兀兀行猶  
夢沾沾慧定癡雀羅殊懶過驥附頓忘疲俗客  
真須謝潛夫柰可支慣迎黃犬喜倏至白鷗疑  
是楚矜揮塵便便厭下帷謾稱時雨化亟遲火  
雲移未愜五經笥空煩三峽辭熏心恒內熱炙  
手競肩隨尺枉那云直隴登無乃卑小知信憤  
憤大雅胡依依先哲垂彞訓親仁寔德基和同  
嚴以別可否慎相資矧是流金酷無如枕石宜

竹林青眼白京洛素衣緇徐去惟懸榻匡來豈  
解願侯鯖叨依幸士贊賤鑽窺始也同羶蟻終  
焉異路岐杏壇嘗取瑟河朔第舍危託飲器堪  
遠聞歌誨在茲岡占貞坦坦莫謂距訑訑鴻鵠  
志千里鷦鷯棲一枝逍遙生有分小大性無違  
役役勞天問憧憧殆爾思津迷長戚戚墻屢輒  
施施試讀絕交論請陳招隱詩珠投暗所忌王  
韞銜貽譏汗合嗟如醴炎趨底若飴翟門貴賤  
見蔣徑往來稀不速敬須反無因尤乃滋遊梁

素園存稿

卷之七

十三

方嚇鼠聘楚趣爲犧往行君多識閒居庶寡疵  
平生高自許終歲憊焉禪便辟友三損廉隅國  
四維休爭鴈鷺食寧見鳳麟羈色舉何知者德  
衰斯已而似聞北窻下亦有薰風吹宅後萬竿  
竹門前千頃陂連峰青縹緲曲水碧漣漪馬帳  
兼陳樂楊亭間閒奇圖書累葉積花卉四時飛  
別墅青蘿磴番楊白石磯檻霞依素几松月動  
絺衣九萬南吳以八千春儻幾山家梅雨歇田  
叟蔗漿遺自可煩蒸道無論出處非東籬天豈

去西閣意難離真樂良無苦遠遊寧若歸願將  
抱膝詠爰奉倚衡規

唐士用禮部韻自其時也今天下同文何以  
不用正韻余嘗疑之太白鸚鵡洲詩庚青通  
用矣辭家不謂然殆習而不察也

詠狼毒蟲十二韻

山中蟲有名狼毒者細於蚊而狠甚焉感而  
賦之

羽簷曾未釋非惟畏視融孰言蚊睫眇頗類鬼

素園存稿

卷之七

十三

謀工點璧芳筵上含沙濁水中么麼猶得禦狙  
毒信茲蟲深入那知守倏來胡善攻三驅方順  
取九地已潛通豈竊辟兵術奚施捕景功華靈  
徒負孔夢寧從容運掌掌罔獲剥膚膚以凶  
世尊聊可施師曠焉能聰鼠腹亦易滿狼心何  
其雄太虛固縱爾吾自碧紗籠

幽棲十三韻

借問幽棲處千峰一草庵谷深垂柳徑溪類浣  
花潭風卧陶窻北鷗來杜舍南苔斑隨意徧樹

古半空叅書卷衰仍檢時情晚始諸靈能殘夏  
五狙自怒朝三溟化存諸志天行玩衍談籛邊  
迴小艇閣上束華簪曾是百無可寧惟七不堪  
芬靡尚已勝貧億憲奚慙祗信栢非苦誰云茶  
孔耳澠溜苟勿辨豁壑亦何婪請謝四豪客姑  
停九折驂

畢母太安人壽辭二十三韻

芳筵卜旦啟駟馬倚門來燕喜宣堂慶承歡蘭  
署才燕椿枝並茂萊彩錦堪裁位正基由內家

素園存稿

卷之七

十四

昌教自胎英賢今卓爾淑媛古難哉粵若闔爲  
範寧惟士作魁幼儀兼翰墨一德屏瓊瑰形管  
帷恒下牙籤壁盡堆徽音列女嗣慈訓百家該  
經笥淹淵溥稗林折鄙詎熊丸心待曙鶴髮貌  
常孩偕老金丹轉偏華玉樹培典墳編屢絕甲  
子筭重迴純嘏神攸昇遐期福不回理池青鳥  
使靈液絳霞杯桃值千年結之徵五色開從容  
申宿誠一再舉新醅翼翼光先業諄諄贊上台  
那憂耳旨澹亟畏簡書催五鼎吾奚取三槐手

可栽皇華綸綍寵天祿討論陪志養遶庭日時  
需植國材卽知紫鳳詒選出黃金臺

螢火四十六韻

螢火微物也詞人或嘲之甚雖云有託母亦  
誣之余爲解焉

朽腐與神奇細縕道若茲已看輕翼起那惜故  
根離大造適相假清輝詎自知栽培或使拆游  
衍乃因萎物物誠斯顯形形性固虧毫從金粟  
放象擬玉繩垂遽爾素爲絢斐然喧有儀炎炎

素園存稿

卷之七

十五

曾可炙皦皦孰令緇涼異蕭丘煥祥分太乙藜  
良宵欣仰月昧爽耻乘時熠燿良非銜逍遙亦  
孔熹迴光迫自牖到景燦臨池少憇幽蘭室旋  
依芳樹枝花重仍間葉燭去故穿帷受采荷青  
竹含章燁紫芝洞房疎雨過層閣淡雲期惟是  
丘園責應希鳳鳥隨摩尼開象罔芥子炳須彌  
泰宇虛生白靈臺炯勿欺丹衷拱北極真意適  
東籬耿耿終無已飄飄信所之繪屏經點綴繡  
戶入參差簾外禁風怯林中出霧遲茅簷驚欲

撲蘿徑遠忘疲職赴焦恒幸牛奔喘乍疑珠投  
暗罔忌火蹈靜無私黽勉紛如逐逡巡宛若思  
燈傳俄障徹寶見亟沙披九萬圖空遠枋榆槍  
匪卑顧慙溟北化猶愈道傍衰蠅附屢憎惡蚤  
吟深苦悲營營朝已滿唧唧夜何其獨訝眸生  
色復疑恬守雌神存惟默默策在乃熙熙政喜  
緇書帙翻憐映酒卮閨人檻倦倚座客席頻移  
紈扇飛還拾羅衣坐不違銀河倬未落玉漏永  
堪嬉曷旦啼何事嫦娥頻自持安能畏夕露自

素園存稿

卷之七

十六

可讓晨曦嗟此么麼質橫蒙組織詞管闕胡巨  
細囊處鮮醇疵日出屈方感霜凝退不辭物齊  
奚必論生達豈無涯用晦蛻非有能天蟲寔宜  
載言觀象者于以玩明夷

秋夜見螢火偶欲作數韻漫爾隨筆乃至曼  
衍圖書久屏不復令檢文苑所存當有出入  
姑置之耳薛考功五十後不爲詩余嘗佩之  
八四老人乃更爾爾耶識之以戒毋復也

晴雪十五韻

晴雪集維霰寧如晴雪嘉因懷謝庭詠差擬風  
林掩倚檻飄堪挹鉤簾靜不譁遲遲雲乍密  
日重華豈洽談經妙還矜逐景斜階前微綴  
葉簷外忽飛霞底作融城濕那令墜戶嗟玄元  
工有象太素艷無瑕銚冷巷南舍爐紅間右家  
氣和偏舞鶴午近已棲鴉室自迷三徑書誰映  
五車被中儘可起洞裏勝何加覲見暴逾崇義  
司令或差祗疑玉女幻故與詩人誇安得巫咸  
同應浮銀漢查

素園存稿

卷之七

十七

伏暑東鮑武選畢中翰

頻襟浮雷策浪催零雨詩徒聞驚百里僅見颺  
纖絲伏暑將焉避空齋有所思安能恣水玉倘  
可碧霞卮緬邈岷丘外惟應姑射姿蕭然若冰  
雪豈復憚炎曦爲問蘭臺客寧勞駟馬馳

大宗伯穀峯于公六袞壽章

海內文章伯朝端社稷臣典墳三五上禮樂後  
先因維嶽降生日中流屹立身鹿鳴登弱歲袞  
補際昌辰講幄優前席儒林企後塵鳳池染翰

早茲閣校書頻東序端刑範南宮領縉紳愛深  
尤豈畜忠盛善斯陳直道違朱紱丹衷比 茲  
宸明農艾甫及體國念逾真 聖世疑懷寶台  
樞遲秉鈞冲襟石匪轉堅操玉無磷任重華夷  
繫仁歸出處均幽真履坦坦大雅質彬彬謝傳  
東山迥裴公綠野春年行伯玉化氣養子輿醇  
閣待麒麟畫林方魚鳥親巖泉清素几徑竹正  
烏巾興感田家樂毫揮席上珍傳經折衆氏游  
藝通先秦遙仰張懸譙應傾簪盍賓英髦依絳

素園存稿

卷之七

十八

帳雲從擁朱輪周夢神彌王聃齡德必臻于門  
希及駟杜髯奈如銀緬憶州符忝長懷魯俗淳  
去慙講德士來喜味詩人性僻居恒索聲同交  
有神吟壇一獎許題壁轉嶙峋在昔稱知己何  
須卜比隣停雲徒以靄傾蓋末由申遠道岡陵  
祝深情榮濟濱極知爲道損亟願佐王純惟是  
蓬瀛侶無妨稷契倫將瞻銘鼎鉉始復問松筠  
鶴笑期願倍鴻猷月日新由來平格壽壽國壽

斯民

榮濟二水  
暗交阿升

素園存稿卷之八

新安方弘靜著

七言律詩

送盧山人

雄心百折舌猶存袖裏龍泉未報恩逸翮寧當  
九萬里玄文空草五千言朝中朱紱多分席江  
上青山對舉尊醉後揮鞭忽西去不知誰是孟  
嘗門

玉河白燕

素園存稿

卷之八

一

不向人間戶牖棲獨來靈沼拂漣漪低回鷺浦  
休相嚇深入鷗羣轉自疑堤絮漾空姿綽約渚  
花映月影差池雪衣能語寧爲瑞願借雕梁學  
鳳儀

送王仲房

君去淮南木落時楚關風雨益淒其雲山九日  
能登眺烽火千家有亂離雙闕新營天北極六  
軍久問海東夷 聖朝方待屠龍士莫戀青青  
桂樹枝

早春北上別親友

黃鳥飛飛報早春  
驪歌陌上柳條新  
愧無經略酬清世  
却對雲山別故人  
瀕海兵戈驕可息  
中林風日劇須論  
請纓枕石俱稱達  
豈爲簪袍負此身

送江民璞駕部

日日過逢未厭煩  
庭前梧竹宛相親  
誰言風雨一尊夕  
忽是雲山萬里人  
滄海羽書飛百粵  
王門烽火照三秦  
亦知龍劔方酬國  
能爲驪歌不

素園存稿

卷之八

二

愴神

信州過故相園作

丹桂白鷗池亭名

相國園池今是非  
朝來草露沾人衣  
園中丹桂開且落  
池上白鷗閑自飛  
客座祗噴珠履減  
鄉閭曾見蟒袍歸  
黃扉皓首相持日  
空向朝端說息機

題中貴入山

早年曾佩侍中璫  
出入承恩玉座傍  
一向青山禮北斗  
獨將白髮守東岡  
梯雲萬轉藏茅屋

輶月三更到石床  
却念金門如夢裏  
朝朝叩齒祝君王

七夕

銀漢盈盈一水間  
雙星此夕度雲鬟  
靈儂猶有化離嘆  
塵世徒勞請乞顏  
令節每逢杯未厭  
故園一望髮須斑  
清江白石應無數  
何事乘槎天上還

海上連聞捷報

恥聞獻馘未銷鋒  
誰道兵交是折衝  
海上三軍瞻白羽  
齋前孤鶴伴青松  
長纓謾擬名王頸  
緩帶應非壯士容  
自昔善師稱不陳  
諸君休羨列侯封

海上候代寄山中知友

年來頗厭二毛侵  
石室遙思抱膝吟  
呼馬恰如飲甘露  
披裘儻是拾遺金  
丘中猿鶴虛相怨  
海上鯨鯢偶就擒  
寄語求羊今易索  
愚公谷枕北山陰

滕王閣作

帝子風流不可尋千秋勝槩更登臨樽前雲雨  
仍朝暮檻外江山自古今碧水遙憐天一色雄  
文長憶字千金題名敢附三王後落日飛霞許  
細吟

春日鄭園作

幽居隨意可徜徉日愛西家日倍長疊嶂總成  
青玉案穠花雅稱紫霓裳過門流水航堪受隔  
岸垂楊鳥欲藏風景泥人聊一醉與君高枕到  
羲皇

素園存稿

卷之八

四

灌園

一丘新卜舊漁磯耕鑿安能與世違去國猶蒙  
明主賜謀身敢擇小人依雙鳬乘鴈寧多少駟  
馬高車有是非却愧漢陰抱甕者桔槔偶爾未  
忘機

送潘象安

南北遨遊賦二京知君雅思似張衡秋橫雲雨  
三山色春繞煙花五鳳城白鷺洲邊青舫度黃  
金臺下紫駟鳴興來綵筆人皆羨不讓風流漢

柱名

清涼寺

春來日日閒尋寺更喜青山不出城寺隱重林  
圖裏見山連曲水鏡中行九衢盡入諸天界孤  
嶂曾題六代名漫倚長松送歸鳥江霞散綺暮  
潮生

客夜

京華久客鬢毛侵杯酒相看思不禁長路山川  
遊子夢寒宵燈火故人心干將莫倚衡星拔梁

素園存稿

卷之八

五

甫聊因抱膝吟但使眉間伸紫氣何須肘後繫  
黃金

長安古意

雙鳳門西七貴家九衢此日擅豪華入朝自許  
連城壁奉詔來看秘苑花窮海煙濤平可席名  
山瑤草折如麻腐儒虛索長安米閑數牆頭朝  
暮鴉

卧二首

拙薄空勞長者矜故園萬里興難來聊將隱几

同浮梗敢論飛蛾自結繩兀兀未知簷日速千  
于頗覺窻雲層從來野性便幽寂況是清時百  
不能

亦知高枕愜幽期頗笑便便空下帷案上素書  
殊未展庭前白日計應遲大言休更倚長劒小  
鳥祇宜安一枝袁家雪裏門正掩不獨二月桃  
花時

早春寄友人

燕臺春色若爲分日對西山片片雲冰雪未知

素園存稿

卷之八

六

鶯得至梅花祇遣笛相聞青郊誰劇金錢會白  
社遙懷麋鹿羣羈客隔年真底事故人草罷五  
千文

贈張逸人

山北山南不可尋相逢一笑偶相親雙鳬已遍  
千峰頂孤劒長依萬里身金馬恥稱持戟吏青  
蓮知是謫仙人石床深夜了無語坐見松門月  
色新

齋居偶作

居然一徑對嵯峨未論簪纓與薜蘿楊子宅中  
稀載酒翟公門外許張羅時邀鳴鳥松間久每  
厭題詩竹上多華省年來真已忝故園春至復  
如何

送慎侍御

故鄉好在路非難念爾清時早挂冠洞壑祇應  
千嶂裏繡衣何必五雲端江帆欲動暮潮急岸  
柳初垂春雨寒未問翟公門下客離聲三疊自  
須嘆

素園存稿

卷之八

七

題葉中翰憶柳山舊隱

江南舊起讀書堂萬柳依依拂短牆紫闥一紆  
朱綬入碧窻空映綠陰長逕荒擬著先生傳門  
閉無嘲給事莊更是玉堤春色早啼鶯猶似水  
雲鄉

粵望樓

層樓一上一悠然粵望時時更望燕直北金莖  
天萬里平南銅柱迹千年保釐敢陋炎陬外獻  
納遙依黼辰前稍喜海氛消欲盡倚欄聊詠白



雲篇

海北道中

嶺南辛被 綸音召海北猶淹鳥道行千里空  
山蠻語少數家殘邑漢官輕瘴來不辨雲烟色  
潮湧仍兼風雨聲借問旬宣何所事試看民瘼  
愧平生

過化州魏憲使自郡城出餞賦別

趨朝復惜離羣遠出餞俄驚擁傳來雅誼昔  
賢曾不啻驅歌今日豈須催山花半放難分袂

素園存稿

卷之八

八

海侵全消好舉杯相贈各言崇令德 聖明方  
藉濟時才

聞解官報寄所知

儒生未是習登壇曲徑棲雲舊所安客誚敬聞  
遺拱壁身閒聊欲試還丹林泉寧用圖中阮魚  
鳥真從鏡裏看 盛世勲名自公等南平重譯  
北呼韓

贈方伯范公之南太僕寺卿

中朝雅望台虛席蚤歲雄詞筆夢花隔寺江聲

連帝闕環滁山色屬卿家雙帆欲挂爭攀鷁

八座方躋待草麻更羨放衙吟嘯處階前萬樹  
盡飛霞

伏波廟作

徑仄峰盤積石遙伏波祠宇儼層霄雲臺自惜  
當時像銅柱猶存萬里標馬革不辭捐絕徼驥  
珠寧復穢征軺據鞍已近懸車日何事雄心未  
可消

園中作

素園存稿

卷之八

九

久驅塵鞅憶荆扉三徑今開願不違手障百川  
寧有是年幾六表始知非振衣豈必臨千仞種  
木終當過十園隱几扶筇隨所適門前駟馬自  
駢聯

止也園中宴集

野心自愛卜居偏令節寧忘曲水邊門外適令  
幾五柳林中况復集羣賢一披蘿薜俱佳境共  
指雲山是昔年更喜村醪無用換隣家釀漣近  
相傳

卽事寄所知

一官九載總相忘深媿 明時玷薦章蓬徑祗  
宜蕭髮老軒車寧憶少年場枕中訣擬通三島  
關下光仍照八荒槐棘遙聞勤在列願將謨典  
贊垂裳

詠中秋塔燈示諸文學二首

火裏金蓮映玉繩摩尼普作瑞光層共歡秋夕  
同元夕誰悟千燈祗一燈八角星搖簷鐸曙半  
空霞擁燭龍升白毫倏放疑無量爲照迷方儻

素園存稿

卷之八

十

可憑

寶塔慈燈爛紺雲祥煙抱月吐氤氲月華三五  
秋方半塔影人天界不分珠樹層層懸火齊霞  
標面面聚星文千家此夜行歌競誰擁青藜照  
典墳

春日齋居

老夫衰甚日無他白屋春來足嘯歌遮徑蓬蒿  
應滿未映人梅蕊乍飛何園林差似仲長統勳  
業那須馬伏波爲語翟公強解事却嫌門外可

張羅

題吳山人草閣次韻

叩杖芒鞋意自閒洞天縹緲遍曾攀揭來小構  
城中閣卧起時看檻外山翠竹帶雲當戶裊蒼  
苔經雨滿階斑新詩吟罷無人問落日層霄雙  
鳥還

金臺冬望

西山雪擁王夫容北闕晴煙翠正重萬國梯航  
無後至五陵軒蓋自相從儒臣更進雲中曲將

素園存稿

卷之八

十一

孤筇  
士新銷海上鋒獨笑鄙生何所補閑邀雙鳥倚

壽陳達甫

千篇吟就酒初醒落落乾坤一草亭三徑竹深  
雙眼白萬山雲起一簾青北窻高卧上皇日南  
極長懸處士星應是岡陵同壽考由來河嶽萃  
英靈

首夏寄友人

燕臺首夏柳初勻忽憶江南上巳辰風俗舊傳

修稊事鶯花競引出郊人青袍紫綬真何物練  
水屏山自有春寄語故園遊眺侶素衣今化洛  
陽塵

贈吳山人次韻

閒身不繫若雲浮五嶽歸來始白頭漫道故人  
盈北闕雅聞高士重南州尋僊已遇長年藥混  
俗猶披暑月裘明日扁舟更何適江湖烽火使  
人憂

奉天門領 勅作

素園存稿

卷之八

三

聖主垂衣念萬方遠臣初識御爐香金門春動  
鶯花麗寶 勅親頒日月光許國敢論同稷契  
分憂何用繼龔黃空慙符綬從天去恐有流移  
泣路傍

寄吳歸州

南海詞場舊著名東巴領郡政初成千家樓閣  
依巖迥萬頃波濤遶郭清已愛新篇追大雅更  
聞荒谷有深耕齋中吏散誰同詠莫惜馳筒到  
錦城

早春

帝城春色易芳非况是皇風被九圍四海早傳  
青鳥至南山新長紫芝肥銀花未吐燈中焰綺  
樹先從勝衣歸清世旅人無所事祇將酒盞待  
韶暉

雨花臺作

高臺一上自依然薄暮鐘聲萬戶煙六代風流  
秋草裏三山雲影酒樽前滄江落日愁難盡古  
刹荒碑字尚全却怪老僧強解事依希猶說永  
昌年

素園存稿

卷之八

三

雪月馬上口占

九衢雪月亦奇遊脉脉娟娟散客愁風裏自宜  
白鶴氅興來寧惜紫花驄美人遠道遲瑤艸清  
調誰家倚玉樓攬轡微吟無與晤夜闌雲漢空  
悠悠

李伯承比部宅同汪伯玉庫部夜集時將  
南別

僊郎別館白雲邊深夜相過興杳然傾蓋風流

此何夕開軒月色已中天論文翻欲拋鉛槧對  
酒空令感歲年忽念淮南叢桂樹他時遙寄渡  
江篇

雪過汪正叔水部

燕臺雪花何太劇九月客舍飄我衣霏霏滿空  
瓊瑤好蕭蕭四壁僮僕非袁安僵臥亦未失王  
猷乘興儻可希西隣水部有深意中夜相招病  
不違

送朱子价主客還南省便過維揚別墅

素園存稿

卷之八

古

燕關飛雪灑征裘僊吏星輶不暫留獻賦非無  
金馬詔題詩轉憶鳳凰遊才傾冀北雲霄侶春  
入江東蘭蕙洲曲浦雙橈如見待問奇深倚鏡  
心樓

次韻答徐子言祠部

恰隱烏皮日又旬五陵冠蓋自飛塵窓前不斷  
煙雲色陌上空傳楊柳春萬里又羈寧悔拙一  
丘未臥豈關貧君恩難報身謀易願拭靈龜  
問故人

訪金山人次韻

園樂修竹半池萍遶砌閒花未問名入戶已知  
塵外遠談詩况復坐中傾長吟自可輕軒冕大  
隱由來在市城更喜家貧能愛客相留道有紫  
萸羹

城東送別

東城一望萬峰攢樹杪雲生傍馬鞍客裏青山  
應不厭天邊明月若爲看黃花對酒憐人別白  
露沾衣識歲寒獨羨交游隨處滿未須重惜遠

素園存稿

卷之八

五

行難

寄蔣南冷先生

江上追隨憶往年江皋柳色靜秋煙小亭雲歛  
千峰出曲浦花深一鏡穿海內談詩推宿老林  
中載酒集羣賢不知別後同遊侶誰是揚家愛  
太玄

贈殷養實大行奉使過里

官河萬里送僊槎碧柳依依拂纜斜三伏炎蒸  
驅日月兩年旌節得煙霞紫陽峰下雲圍戶白

石汀邊竹映沙酬國兼能尋舊隱北山應不怨  
皇華

春遲

春城花樹會芳菲雨雲昏來底不稀勝裏看花  
空冉冉笛中折柳乍依依已拚綠蟻眞爲伴未  
解黃鸝何處飛應是客愁春轉劇豈綠風日故  
相違

歲暮同諸友遊汧上

故鄉景物倍堪憐歲杪江村興復牽園日乍消

素園存稿

卷之八

七

飛雪徑岸梅已入早春天久疑淳朴山川別况  
有詞華珠玉連勝事難并俱可詠愧無佳句對  
羣賢

送中丞謝公致政歸蜀

誰爲清朝惜羽儀公心早與白雲期許身肯擇  
安危地報主寧忘去就時石棧千盤天近遠  
牙籤萬卷日吾伊中台久繫蒼生望莫愛頻揮  
絕妙辭

亭上

市西亭子舊知名碧樹澄潭相映清野客逢春  
還載酒山花無處不啼鶯却思錦瑟他時會何  
惜金壺盡日傾不見眼前楊柳色向來搖落正  
縱橫

齋居感懷次韻

憂來石上自捫蘿不道春光一半過阿闕祇看  
巢俯鳳樓船焉用陣爲鵝眞憎柳絮迷黃鳥何  
處烽煙映碧波氛祲未消時序駛長吟將柰二  
毛何

素園存稿

卷之八

十七

睢陽驛次壁間韻

兩年萬里獨驅馳候館鷄鳴有所思北極遙瞻  
懸日月南州何意說旌旗一麾撫字知無異三  
徑林泉恐見疑畿輔瘡痍賴公等願將上策報  
明時

夏日齋居次韻

火雲肆兀酷難任暫對高軒碧樹陰海內清平  
臥疴日山中松桂宜遊心拜迎苦束少陵帶德  
化空傳單父琴撫字催科俱底拙何當抱膝一

長吟

夏日李憲使園作

郭外千章帶碧潯，清朝未老此抽簪。  
興來祇向薜蘿逕，客去時聞鸞鳳音。  
遙對停雲聊舛憤，未知伏日有流金。  
請看陌上朱輪擁，何似階前綠葉陰。

李園次韻

門外炎蒸不可任，園中碧樹晝常陰。  
白雲自愜幽人意，朱綬空懸洞壑心。  
暫向樽前堪解印，何

素園存稿

卷之八

六

言堂上有鳴琴，相過莫訝辭聲樂。  
愛聽高蟬細細吟。

軒中作

當年謬計學屠龍，晚愛青天檻外峰。  
圯上豹韜書久束，枕中鴻寶訣應逢。  
鳥窺憑几何心語，花近垂簾作意穠。  
自杜柴扉無一事，惟餘田父得相從。

題中貴入山

曾通丹殿事，先皇十二旒。  
前奉御香近，侍久

忘貂右飾遠遊翻，戀薜爲裳披雲種。  
藥竹三徑弄月吹笙天，一方林壑不辭逋。  
客駕風流誰繼四明狂。

次韻贈姚山人

路遍青山未卜居，遠遊猶袖渡江書。  
興來每閱大人傳，門外時停長者車。  
適意徑須携短杖，向人聊復曳長裾。  
憐才共道詩無敵，彈鋏寧論食有魚。

馮方伯之楚便道省覲太公春秋八袞

素園存稿

卷之八

九

楚人終日望旌麾，報國承顏兩不違。  
熊卜未煩三聘起，鸞章早捧五雲飛。  
暫從畫錦娛黃髮，旋舉霞觴就紫微。  
台鉉更言虛席待，于門駟馬好駢駢。

送梁僉憲

知君雅興在滄洲，月旦應推第一流。  
詎道漢庭方貴少，不須楚客更悲秋。  
寒江木落布帆穩，疊嶂雲飛石室幽。  
借問冥鴻千仞上，弋人贈繳在相求。

元夕觀塔燈

宿靄初收碧漢澄神臯不夜競攀登一輪俄散  
千家月七綵遙連十里燈雲擁金蓮星的歷光  
浮寶相王峻嶒梅花幾曲翻新調借問遊歌遍  
未曾

寶塔臨江蜃結成鳳臺積翠鳳曾鳴白榆歷歷  
天相近火樹重重月競明鐸響乍疑僊珮度珠  
聯應有鉢龍驚四郊徹夜歌聲接總是豐年詠  
太平

素園存稿

卷之八

十

夏日武昌南樓譙集次韻二首

塵寰何處能避暑湖白山青不厭過樓上邀賓  
興未減洲前作賦恨仍多松風入座相披拂江  
鳥疑人一嘯歌把酒欲從明月問振衣其若碧  
雲何

美人爲政有餘暇樓上題詩日更過野興寧須  
城外發江雲自入檻前多孤鶯久羨青霄翼寡  
和今聞白雪歌已識苦心塵不染願言佳句溱  
如何

城南候館作

何物塵纓嬰我身驅車日日出城闌未嫌束帶  
迎官長獨念褰帷愧郡人里有流移征更急山  
當睥睨色偏新安能久受微名累石洞煙霞芝  
草春

送陳履旋司諫之南都

金陵遙去亦王畿青瑣篤行念獨違中夜懸  
知衣屨倒清秋今見鸛孤飛風煙南北元相接  
鼙鼓江淮望漸非聞道九重方旰食到時封

素園存稿

卷之八

主

事未應稀

莫子良學憲袁履善比部三月三日停舟

河澣登望岳樓有作見寄時方卧疴率爾

奉和

李郭僊舟興不孤芳辰登眺俯青徐名家珠玉  
揮毫竝故國山河縱目餘岱嶽層雲遙可揭蘭  
亭曲水復何如自憐抱疴慙高會獨閉空齋枕  
道書

江山人民瑩遊廬山余時有粵西之役同

舟至鄱陽賦別

扁舟十日笑語同  
竭來岐路有西東  
名山寧許俗士駕  
勝遊自是真僊風  
朱輪馳驅吾何意  
錦屏縹緲天與通  
會拋簪紱從君去  
共騎白鹿凌煙虹

嶺南梅花

嶺南花樹易知春  
十月梅花已映人  
未厭冰霜堪獨放  
却慙桃李欲相親  
松雲香覆幽齋晚  
竹月枝橫曲水新  
縱是羈愁猶可翫  
莫因隴使寄素園存稿

卷之八

三

西秦

嶺南桃李間與梅同開

贈程山人選授淮府良醫

偶戴烏紗爲隱吏  
懸知石室有僊名  
烟雲未負山中色  
簪紱聊同世上情  
九轉金丹三島近  
五更玉佩一毛輕  
曳裾不用排青闥  
採藥還須到赤城

題小村卷

不向朱門弄狹斜  
遙憐獨樹兩三家  
蓬深自掩高人室  
迥僻難迴長者車  
隨處青山聊枕帶  
有

時白社話桑麻  
亦知嶂裏無餘事  
却隱烏皮送落霞

久旱喜雨時方請告

稍訝冥冥過絕壁  
俄驚颶颶下高林  
農人漫說使君雨  
病客翻添洞壑心  
幸慰流亡堪解慙  
無撫字祇鳴琴  
故山石室蕭然在  
轉憶他時梁甫吟

徐錦衣園同王元美司馬作

將軍亭館鳳城闔  
物外逍遙迥出塵  
選勝昔稱佳麗地  
從遊今值謫僊人  
巖前雲起疑無涇  
洞裏花飛別有春  
莫問躋攀應徧未  
管絃隨處競娛賓

卷之八

三

皆恩堂爲黃侍御賦

北極鸞章下  
紫宸南州隴樹盡  
含春魚軒燕喜承  
顏日繡服委蛇報  
主身萬卷胎謀書  
滿筍百年難老鬢  
如銀邦人競羨  
恩光竝自是名家世累仁

園中作



隱几青山意是真園中物色總宜人白雲自愛  
風前裊翠條偏憐雨後新小徑不須除蔓草濁  
醪政可飲嘉賓請君細話田家事莫問悠悠陌  
上塵

寶綸樓爲蕭比部賦

南國高樓南斗邊樓成政荷主恩年夢徵紫  
氣風雲起寵錫鸞章日月懸聖代循良逾  
舊史德門歌詠滿新篇况言粉署聲稱藉重見  
褒書下九天

素園存稿

卷之八

五

靈應觀次韻

飛來黃鵠忽驚心萬里天風不可尋蓬海幾年  
傳妙藥高山當日惜知音懸厓樓閣元相竝積  
水魚龍祗自深醉倚瑤檻發孤嘯浮生何用卜  
升沉

金陵木末亭作

頗覺春來出郭頻尋春未厭素衣塵正憐酒盞  
將春泥好柰花枝著處新六代諸賢餘故迹百  
年一笑屬茲辰芳郊車馬紛如許轉憶林間抱

勝人

任丘驛題壁

日日驅車驛路長夜深習靜此焚香數聲砧響  
誰家月一曲笳飛滿地霜心折疲氓裘任敝眼  
悲烽火劒難忘明時自足經邦策未敢封書  
上建章

送吳別駕之平涼

蕭蕭鳴馬向秦州百二關河稱壯遊西土近多  
郊外壘南人雅重幕中籌左臺文采由來遠別

素園存稿

卷之八

五

駕勲名此去優借問臨岐何所贈知君緩佩有  
吳鉤別駕之先左臺御史以文鳴于唐

送元素姪遊越

秋氣蕭森萬里來壯遊何事賦悲哉九江波浪  
兼天湧五嶺梅花似雪開已乏黃金猶借客獨  
矜彩筆更登臺高歌扣角誰相問念爾時須磊  
落才

建德館作

衰年已屏五車書四壁蕭然一敝廬檻外雲山

堪結侶春來花鳥漫關渠幽棲自爾交遊絕懶  
性將無禮濫疎猶有故人時問字曾諳蓬徑未  
須鋤

### 金臺送王職方之金陵

薊門南去雪風輕萬里烟光接石城臘動隴梅  
寒慙折春還堤柳信帆行二京賦竝張衡麗六  
代詩兼謝眺清畫舸竹枝何處泊烏衣紫燕慣  
相迎

### 梨園作

素園存稿

卷之八

二十六

峰迴澗曲谷逶迤十里梨園爛熳時未論穠華  
驕夜月儘憐素艷耀朝曦林間杳入冰壺界坐  
上同歌白雪辭爲語東君好相假莫教一片到  
金卮

### 重陽前一日有懷

九日常年菊未黃今年花放未重陽花枝繞徑  
殊堪賦竹葉隨時一舉觴令節三秋驚易邁故  
人千里謁相望明朝兩地登高會欲采黃花遠  
寄將

春雪小集示諸弟羽仲姪獻成君式兒以  
蒙諸孫士端

天上同雲垂可攀倏看飛雪已千山鶯花應遲  
春來信鶴髮從添老去顏萬國歡占南畝瑞首  
年幸倚北窻閑謝家鹽絮無煩擬自映王樹森  
庭間

### 春雪寄劉總戎

二月江南雪滿山緘書倍憶王門關絕愁白鴈  
安能去亟問青陽何處還銀甲臨戎惟報主

素園存稿

卷之八

七

金章侍讌一開顏遙知萬里胡天淨朱旆悠悠  
紫塞間

### 遊西沖山同作卽上巳後遊所登處

十月南天似早春故鄉景物總宜人登高何必  
重陽日修禊難忘曲水濱霜葉千林翻媚色雲  
山一眺卽佳辰老夫幸有乘風屐遇可躋攀莫  
憚頻

### 鄖陽城樓

萬里登樓興自賒倚欄聊復對年華雲浮疊嶂

千家雨春入孤城幾樹花幕府時平閑棨戟  
原歲稔藹桑麻老臣報國無餘事惟詠多稌黍  
滿車

九日

九日郊亭未厭攀層崖曲磴相廻環白雲偏就  
孤筇裊黃菊寧辭兩鬢斑橫海偏師宣帝德  
探山中使奏民艱清時令節惟應醉倚檻長天  
一鳥還

書事

素園存稿

卷之八

天

九天堂閣倚雲開萬國梯航盡子來當寧  
憂蓬戶因司空勿亟栢梁災似聞罷議金銀氣  
更道旁招巖穴才野老何能忘帝力竊因擊  
壤詠康哉

九日飲鄭氏溪堂

先約登鳳臺不果

謾道郊亭憶鳳凰政憐江檻數鴛鴦舊醅未負  
三年綠叢菊偏逢九日黃庭際小山奇可挾沙  
邊脩竹密無妨棣華九復稱雙美市隱真疑別  
一鄉

郡使君景陵陳公入覲

聖代王正萬十年萬方王帛競朝天誰當  
第一蒙殊錫翻恐魁三陟上賢驛路塵清千嶂  
雪禁城花繞九衢煙辟公應有先憂疏願達民  
艱黼黻前

五馬駢駢入帝鄉都人爭識舊僊郎燕臺早  
已先騶裏畿郡今宜下鳳凰六邑雲霓瞻使節  
九天日月煥王章聖皇恭已臨軒問佇見  
黃金出尚方

素園存稿

卷之八

三九

雨甚忽看花期采花瓶中同詠作者潘中  
翰象安從弟文學羽仲

十日雲霾九日雷惱春應未負金疊花間祗道  
常衣好坐上還能帶露開豈少銀鞍衝險去直  
憑綺檻擁春來老夫漫爾聊成詠總屬同遊述  
作才

寄顧鄰初太史

鳳皇池上興何如幽谷猶能問索居亟展瑤函  
紛五色早知青簡足三餘熙朝祗待凋金鉉高

論遙聞動石渠若道老夫蓬徑外雲煙竹杖未  
全踈

寄熊京兆復吾

憶昔分馳漢水濱相望萬里倍相親千峯環堵  
仍新徑十載宣猷自故人漢史寧誇京兆傳周  
官應屬掌邦臣扶筇野老衰能甚時詠停雲倚  
翠筠

畢孟侯中翰見過

一挹英標愜所思雅知文采邁熙時新詩宿老

素園存稿

卷之八

三

色堪動背郭幽居徑未治單幘恐驚門外雀衰  
顏喜變鏡中絲大郭靈秀應無盡竹帛勲名慎  
爾垂

戊戌初度

仲冬風日霽相宜初度真欣大塊私西嶺層崖  
有倚杖北園嘉樹待傳卮早隨朝列慙無補晚  
好郊遊興不辭夙昔朋從寧耄棄試披蓁竹詠  
倚倚

贈孫宗信中翰

東閣賓僚誰最賢清時公子自翩翩謝庭玉樹  
毛俱鳳漢世金門吏是仙幽徑萬山勞駐馬新  
詩四壁覺生煙天涯良晤應難數花萼佳期已  
隔年

方景真惠扇賦謝

美人贈我五嶽扇手持五嶽揮青雲須彌詎滿  
芥子界羽蓋倏集雲中君巨鼇未釋三山負靈  
掌空矜二華分真境聞君尋欲遍歸來爲著遠

遊文

素園存稿

卷之八

三十一

庚子人日

滄海明珠豈復深諸山寶藏盡兼金九天屢下  
安人詔萬國同傾此日心淑景不煩催剪勝衰  
顏聊爾戲爲禽皇綱自是千年布惡用迂儒涕  
滿襟

庚子元夕

萬國金甌正一家普天此夕競繁華管絃聲接  
村村月燈火光聯樹樹花抱膝誰爲梁甫詠屏  
薪休使洛陽嗟從來金盛多憂日祗祝年豐黍

滿車

獻成姪七袞二首

庠序他時負令名飄然巖石下躬耕陸機作賦  
年方妙庾信能文晚更成玄覽適從千里返芬  
華白可一毛輕齋心已契空同語七十何妨鶴  
髮生

歸來三徑爾能俱文事吾家舊不孤物外竹林  
陪逸老庭中玉樹足英儒北園花藥霜仍放西  
阜雲霞日未晡藜杖相將苔磴上醉酬壽酒也  
素園存稿 卷之八 三

須扶

辛丑元日 萬曆

普天此日布陽春春到人間萬物新詎謂豺狼  
仍白晝莫令黎庶遂黃巾林中亟訊餐霞侶關  
下頻傷請劍臣栢葉椒花聊舊俗攫金拖玉更  
何人

沈使君見示遊齊雲之作次韻二首

寶閣 先朝奉 勅開 龍章光擁萬靈來競  
言玄圃三天界不惜黃金百仞臺玉洞遙知窮

窈窕銀河直可遡游洄何事留題多感慨惆悵  
一念徹蒿萊

安得天中精翠開祗應海上暗飛來懸崖欲斷  
潛通徑絕巘凌虛更起臺雲抱仙居屏掩映泉  
從鳥道鏡縈洄共知德意非遊豫已覺歡聲徧  
草萊

辛丑春日

杪秋不雨秋復春舟子袖手清江濱百丈幾時  
能上瀨衆流近日已飛塵東方謾自占元節北  
素園存稿 卷之八 三

極誰應叩 紫宸閣里祗勞 明詔恤柰何魑

魅畫耳人

憫諭二首

粵南冀北是王畿嗟爾潢池蝸角非赤子未孚  
明主惠黃金將恤小人依長纜寧值多時雪  
短褐猶堪卒歲衣不見東門拔劍者清時難犯  
莫如歸

豺狼怒翼自應夷鴻鴈哀鳴政足悲持斧時能  
問市猾蹇帷亟爲憫民離窟金於爾亦同土斗

米與君聊共糜況是 聖明天日合卽看渙汗  
下彤墀

詔恤

詔恤民租未忍加誰爲橫索遍如麻九重自是  
天爲度群小休矜鼠有牙不見昔年燕市磔益  
深今日杞人嗟寄言中夜彷徨者曠日浮雲祗  
暫遮

庚子元日

往歲歲首日恒陰今年春日映春林林花已媚  
素園存稿 卷之八 三

瀕江藥谷鳥欲弄遷喬音杳有衰顏催白髮曾  
無丹鼎轉黃金採山却喜邢中使一疏能安一  
郡心

送程景升 五井提舉

滇中此日吏如僊別思無勞萬里懸五井自充  
南國賦孤吟誰和北窓篇淡雲峰際朝開印纖  
月松間夜撫絃更道四時春不去遙知興劇百  
花前

寄汪太學肇邵

江左誰同作賦才登臨分日好銜杯千年臺上  
猶招鳳五月樓中競落梅桂楫每懷南浦曲茅  
齋休擬少城隈天都峰下芝如玉日望巾車紫  
氣來

徐參戎自浙過園中作

多君千里渡江心伏日涼生嘉樹林橫海休論  
黃石略尋山寧厭碧蘿深笑看戶外浮雲色默  
玩階前流水音松末微風何自起村醪沽至一  
披襟

素園存稿 卷之八

三五

謝比部過值雪

一下踈簾市不譁俄言委巷有巾車老夫衰甚  
疑晨鵲佳客淹留竟暮鴉諫苦潛焚燈下草談  
深真散雨中花素交奚必青雲締大雅無輕白  
璧瑕

又次韻

苦諫瀕危闕下書衰年久閉市中廬紫微杳杳  
從仙署白雪霏霏問燕居詎謂道信周士貴共  
稱辭好楚騷餘 皇恩雨露殊非薄蕩蕩堯天

化日舒

春遲

日日催春春自疑  
春今過半日遲遲  
梅花微吐風前萼  
柳色猶含雪後枝  
出谷新鶯深不見  
看人舊燕杳何之  
春醪但使尊常綠  
明日芳郊爛熳期

山亭謠集

曲磴無疑雙屐難  
荒亭新煥昔詩觀  
千家煙樹平依社  
百里川原盡倚闌  
皓首俄思竹馬戲  
蒼

素園存稿

卷之八

三六

松遽學雲虬蟠  
誰留到景空中馭  
欲問真人肘後丹

孤亭盡挹萬峰奇  
素業遙承遠德貽  
阮宅林中

無俗駕謝家池上  
有新詩九龍水映  
書樓迥三

鳳堂懷國士期  
忽覺暝煙將近袂  
其如春醴正

盈卮

余垂髫時太常錢唐江公贈三鳳篇司諫泰和曾公題榜

雲裏無勞希羽翰  
振衣身在碧雲端  
三山會假

仙人杖四嶽曾依  
上將壇曲水西來  
雙六秀危

峰比擁幾千盤  
故鄉景物佳真爾  
永日襟前莫

厭看

嵩華衡太嶽俱即臺境內

悠然四野暖清芬  
勝境圖經惜未聞  
烏石古松團翠蓋  
黃羅絕巘入青雲  
澄潭倏起蛟龍宅  
幽洞頻招鸞鶴群  
舉目誰能忘應接  
當杯自可竟朝曛

憶昔髫年萬卷開  
書齋正倚碧山隈  
亭中雅有譚經侶  
席上非無作賦才  
自繫塵纓勤四牡  
每懷松徑薄三槐  
佳辰更喜群英集  
高詠寧孤皎月來

素園存稿

卷之八

三七

春陰

春來雨雪日霏霏  
未問春陽奚自歸  
村鼓徒聞催翦勝  
江鷗翻爲亟開扉  
豈無谷鳥相求出  
恐有林花一片飛  
郊外微青幾可踏  
老夫深念北山薇

直節傳芳爲四明  
沈使君賦

直節先朝青簡名  
承家五馬復專城  
兩河祠宇存遺澤  
六邑蒼黎仰化成  
田里歡聲騰比戶  
股肱高第遲持衡  
九重願向君王借  
此日扶

錦父老情

桃花塢作

余八十時遊塢祝曰九十

當再至幸無令一片飛也茲如所祝云

丙午仲春既望

磴曲平岡一振衣春郊春仲正芳菲十年曾有  
三來約萬樹真無一片飛花似霧中衰未厭毫  
猶花下事應非試將酒盞要花笑笑折花枝醉  
把歸

喜晴東向好

素園存稿

卷之八

辛八

雨雪春來殊未央春郊無處覓青陽林中栢葉  
空多碧門外柳條纔半黃佳日欣占春甲子衰  
年耽詠世義皇巾車雙屐猶堪却石磴層雲詎  
可忘

春遲

南國東郊已仲春當年梅發柳爭勻梅今杳杳  
奚所待柳復黧黧無能新雪裏疎條猶自守風  
前凍蕊恐何神青陽有律終難拂桃李相看未  
敢親

荅贈李本寧太史

太史風流愜所聞蓬扉何自挹清芬金門欲逼  
三台象綵筆先留五嶽文執禮坐中驚避席貽  
詩袖裏覺生雲衰慵吾久宜田野世德還期早  
策勲

送族孫敦詩會試

弱歲英髦自謂過翬飛其若晚成何青霄久息  
南冥翼白雪終高下里歌臘盡燕關千嶂麗春  
瞻鳳闕五雲多 明廷好正匡時對 聖世方

素園存稿

卷之八

三十九

張禮士羅

夏日汎舟

輕陰澹澹棹相將佳日寧占伏日涼倚檻始知  
烏帽側停厄試數碧峰長江鷗散雪寒應薄岬  
柳屯雲暑自忘霽晚不妨明月湧纜牽宛遡月  
中央

潘南仲七十

千巖秀色競飛霞春永園林樹樹花上客半同  
仁美里壽觴賡祝慶餘家共言鳳穴鸞皆好自



是童顏鬢未華七十仙仙行處樂寧須勾漏問  
丹砂

覺衰

九十曾云善自寬吾今望九幸爲歡久疑髮與  
霜相結始信花從霧裏看棹雪難乘千里興樓  
雲易值一枝安祗應春至偕童冠休問丹成雙  
羽翰

齋居

空齋無事漫淹留迷見庭梧報早秋潘岳逢時  
素園存稿 卷之八 早

徒有興張衡去國更深愁獨征安得流民復多  
病宜從漁父遊南北車書千萬里烽煙何意近  
中州

東平作

自愛青山同駭鹿非懷白壁畏多魂巖樓谷口  
誰當尼閣閉淮陽今可能詎道簿書俱俗吏儻  
因臥病學真僧江南秋色深何許石磴煙雲千  
萬層

園中作

逶迤依依舊薜蘿東籬猶傍碧山阿朝衣已卷  
曾無補社酒相邀不厭過綠野寧須松國重白  
雲偏就隱居多題詩未有驚人語新句拈來也  
自歌

陳封君雙壽

司理公尊人

羅浮瑞繞紫陽煙萬里觴馳燕喜筵偕老康寧  
宜四美分符黎庶祝千年階前玉樹衣皆綵海  
上金丹客是仙共道五雲天匪遠卽看鸞誥

下翩翩

素園存稿 卷之八 早

用韻和景升伏日過訪之作

疊嶂層層一草庵柴扉正對南山南披襟自是  
炎相避束帶匪惟衰不堪豈少冰盤四座繞寧  
如柳徑半空參美人能挾清風至五嶽遨遊好  
細譚

伏日齋中作

道人石室三天圖三伏炎蒸此獨無自可聊揮  
白玉塵暑爲遽願冷秋派先生窓下羲皇世處  
子山中冰雪膚若道洞天近遠薜蘿小徑入

松梧

滕王閣

高閣雄飛牛斗間當年出牧此中還遙從玉葉  
分銅竹尚憶朱旗遶碧山野鳥不隨歌舞散汀  
花長對水雲閒更餘檻外江心月留照尊前客  
鬢班

河梁詠政美也仍舊增卑民不告勞相地  
之宜天休滋至斯百世之利也

河梁雄亘近天休天作郊關固上游曲渚祗疑

素園存稿

一卷之八

早二

遵巨掌層巒總爲砥中流于來勿亟因民利靈  
萃應鍾輔世猷自是千年存德澤早聞四野起  
歌謳

七言排律

桃塢七韻

桃花塢舊擅芳菲萬樹齊看花不飛十里其如  
雲襜濕五旂將似草堂非開依疎篠蒼苔逕飄  
映垂楊白石磯江鳥未妨朝暮雨山人爲製薜  
蘿衣徐徐叩杖吾今事燐燐谷芝他自肥况是  
春陽猶好在卽知風日有光輝西鄰野老偕幽  
意行愛清流坐翠微

素園存稿

一卷之八

早二

南國東郊已不爭勻梅今宵春  
奚所待柳復不條猶自守風  
前凍並恐傷神青不相不相  
敗觀

梁太恭人壽

南國聲歡頌政仁北堂壽豈自天申共瞻鸞

詒恩馳日正屬魚軒燕喜辰帝簡台樞由

郡起春迴玉樹遶階勻綵衣元是官衣錫報寵

承顏歲歲新

和答神贈時方移居書笥猶隨末句故

云

草閣橋西一陋儒悠然抱膝見天都九三爻玩

乾仍惕于一經談固以踈晚節高人曾有贈衰

素園存稿

卷之九

四十四

顏童子自須扶五車寧避神明鑑四壁堆藏山

海圖

素園存稿卷之九

新安方弘靜著

序

贈江大夫守廣信序

南駕部江大夫擢守廣信方子告諸大夫曰吾  
於江大夫之擢也蓋喜不寐云諸大夫曰江大  
夫之爲人也不慕貴勢不憚貧賤其視章紱之  
在體常若寄之子知之矣顧奈何以一守爲大  
大喜至不寐也有說乎方子曰有說願爲諸大

素園存稿

卷之九

一

夫陳之弘靜聞諸長老言曩昔先民之仕也知  
守其官而已不知其陟也其陟之者知其才之  
稱而已不知其人也是故上不私其下下不援  
其上各共其職以奉王章而無惡於民民是以  
熙熙於田畝而不知上德之覆我也故曰卿大  
夫之設非以逸豫也惟民故也今也不然居官  
者累日而計資若耕者之於穫也閔閔焉冀其  
時之至焉則陟矣官且滿則披圖擇之曰某地  
善庶可得乎群居而議輒曰某陟矣某也得某

地矣旣而或然輒又曰仕道固如是父兄姻黨以之相勉以爲不如是不如歸田耳嗟乎俗之弊也其信然乎抑下位者好鼓其臆說以誣上之人乎夫子固云患得患失之夫不可與事君夫苟以得失爲念必不暇恤其民以忠於君故鄙之也况所以求得之者若是甚乎又惡暇恤其民以忠於君矣夫江大夫居今世而好古之道得失不嬰於心頃以滿赴都則垂橐而入耳豈自知其陟也以江大夫不自知其陟則陟之

素園存稿

卷之九

二

者不知江大夫可知也而廣信固善地也固俗所謂披圖而擇之而冀得之者也江大夫得廣信則人皆信其無所援於上而上之人亦信乎非有所私於江大夫如是則公道著橫議息三五雍熙之盛可立待也吾是以喜不寐也江大夫聞之則謂方子曰夫吾得廣信也甚懼矣子固謂卿大夫之設凡以爲民也况守民牧者乎牧羊者莫之能芻立而視之罪奚追也矧民乎吾是以懼子姑勿喜姑爲我言治廣信者何

若而可也方子曰善哉子之懼固吾所以喜也竊聞之善仕者如入暗室焉久而愈明不善者宦成而怠子昔爲高安也固始仕耳高安人固罔不宜子夫廣信固不異於高安也吾懼子之易之也而曰甚懼將率高安之政而持之以敬慎益之以練習篋不濟矣雖然子之去高安也十餘年矣比歲以來疆場多故徵需百出閭閻間日耗而月罄視昔異矣以廣信視高安事倍而功始半耳噫今之長民者若惘惘乎其身而

素園存稿

卷之九

三

瞋眩厥藥乎或可瘳也宜吾子之甚懼也吾子以懼爲廣信其可矣江大夫行諸大夫相與餞之郊方子謂諸大夫曰江大夫不俟下車而廣信已治矣諸大夫曰何謂也方子曰江大夫曩固爲高安令高安人至今稱之曰絕倫而廣信固高安接壤也廣信人聞江大夫來卽前令高安者其善人有所恃將益勸其不肖者將有所忌憚不敢肆而邑之長貳將庶幾夙夜以則高安之政若是則奚有不治故曰江大夫不俟下

軍而廣信已治矣諸大夫咸喜曰子之論辯矣夫江大夫如是且優於天下於廣信何有乎

贈陳衛輝序

南戶科給事中陳君陞衛輝知府府於中州號最劇且罷蓋以君重望爲茲地借云報至諸君子相與言曰衛輝難哉是當數省之衝四通八達京師貴要人出入所恒由也供應之繁轂擊而肩摩民且剥膚及髓矣夫二千石非卑也而要顯人恒凌下之不如意則飛語旦夕騰都下

素園存稿

卷之九

四

守者以送迎爲常日不暇給而以其隙乃秉燭治簿書理訟獄徵逋負皆守職之亦勞甚矣夫陳君得是郡也不亦難乎余聞之曰否是非陳君之所難也君子之學也以致其道其仕也思行之故乾乾惕若終日至夕靖共匪懈思所以立君子無時而不勞也賜也願息夫子譏之戴星彈琴易地且宜未聞君子以勞爲難也北山之詩曰莫非王土莫非王臣而以從事獨勞爲刺焉噫非周之盛也夫陳君爲行人矣職至簡

也吾見其孜孜於問學講經世之務不少自逸也其爲給事又南也職亦甚簡也吾見其有深長之慮言事當肯縈於天下大計蓋晝夜籌之也若以行人給事爲逸衛輝爲勞此淺之乎知陳君者也夫古之列國無忌賓旅行行李往來共其匱乏道路不除陳是以入晉大國也鄭毀其垣交際有禮不可已也或欲廢之谿道也夫過我者孰非王事而可忽諸乎若夫恭不近於禮而腴民之力以干私譽彼君子者必不取也苟

素園存稿

卷之九

五

谿壑其欲求馭焉而以爲罪又非君子之所懼也吾以爲陳君將不難於是也或者曰然則衛輝無難乎曰有夫今論治者以天下久平治無事矣特南患倭北患虜且旦夕驅之疆場靡警則中原可安枕耳而識者以爲患不在南北誠便中土民恒飽守土者興教化不驅之思亂即南北交警六師問罪賞罰有經餽餉靡乏雖殷之三年周之六月不害稱治天下尚晏然無患也夫治亂有本本在中不在外也衛輝近洛固

所謂天下中者今天下大勢閭閻間視昔時耗甚矣而聚會靡費僭踰亡度大夫君子鮮或視之以儉疆場之事費出于民額溢數倍中家產破下且罄懸愁嘆之聲徹于耳矣夫河南北之間其民驚悍易與治亂日者荷戈而烏合者餘風未盡殄也此其漸不可使長也夫衛輝郡耳其治否乃關諸天下者也而民之罷於天下爲甚則守者惡得而不難也雖然此衛輝之所爲難也而非陳君之所難也夫陳君好學而不息

素園存稿

卷之九

六

也固將以圖其難其言事中肯綮也則其籌之也素而語及天下之故又恒見其感然而不樂也是其於民也必有惻怛豈弟之實焉夫學以本之政以達之而出之以惻怛宣之以豈弟民其有瘳矣夫民所欲者與也所惡者奪也天下有故費不獲已民知其非以厲我也通其有無安富而恤乏毋或竭澤寧蹠其網催科撫字匪相悖也而又飭之以學民其興矣民且謳歌之謗安從生夫衛輝雖衝過之者非縉紳大夫乎

若之何其以毀與譽爲陳君慮也諸君子其爲衛輝幸可也無爲爲陳君難之矣於是陳君行有日矣同年之同官于留都者宜有言以贈屬余執役廼述所與諸君子言如此

司城吳君膺獎序

司城吳君以獲盜獎同鄉諸君子謀賀焉方子曰賀吳君奚以曰必以吾子之文方子曰余文迂古之道哀矜勿喜勿喜則勿以賀矧以文夫文弗可以已乎諸君子不聞乎結繩之前民安

素園存稿

卷之九

七

其居矣其服甘其食不相往來則奚有於盜雖然其道甚遠是上古之事也惡得而逮諸請言治盜昔魯之大夫患盜孔子曰苟子之不欲雖貨之不竊肯哉言乎上失其道民散久矣夫民喪其善心至於爲盜疾而誅之非過也乃不咎諸民而顧責諸已推是道也民奚爲而不化化矣則奚患於盜雖然斯道也自春秋以來未之能行也當其時列國之大夫若鄭子產稱民之毋惠人也然于太叔語之曰太上以德化民其

大莫如猛故譬諸水火乃其執政也竟以猛始  
息鄭國之盜故曰爲政者若農夫之去莠於乎  
夫固秀視其民矣民奚賴焉西漢之治號近古  
考其時能使桴鼓不鳴道不拾遺非以德化也  
大都株連不置草菅刈之如桓東之歌令人廢  
不忍讀路溫舒所謂治獄之吏鍛鍊失實使臯  
陶不能聽故欲尚德而緩刑嗟乎安得長者之  
言哉吾聞吳君治盜也退輒對案不能食至泣  
下誠哀矜之矣頃京兆多盜檄吳君治卽獲乃

素園存稿

卷之九

八

獨獲獎夫治盜者無論寬猛期於獲獲可獎也  
雖然吾賀吳君之不以猛獲盜也夫吳君吾郡  
名家也司城秩下而俸不給乃君則取諸其先  
世所遺糧如玉未聞謝客金如粟不以入懷甯  
讀尹子心傳寧以殘賊免毋坐軟弱廢語人曰  
吾與之異嗟乎吳君如是亦庶幾不欲者哉苟  
由是克之盜且可以爲良奚必獲吾固不欲以  
獲盜賀吳君也雖然夫今之言不欲者潔已爾  
毋剥諸民爾卽春秋之大夫多能之何未見其

民之不竊也於乎難言矣孔子所謂不欲者醜  
乎醜矣微矣然吳君苟自潔已始克之不息吾  
未見其遠也不然而曰司城之職簿書期會尺  
寸罔失事委而治盜逸而獲善矣毋過高論也  
則古之下簾而講於市帶經而鋤於野者非乎  
吳君其不然請以是賀

奉送篁溪鄭先生督學江西序

今年春天下士會試京師上命妙簡文儒以  
司試事我師篁溪先生以左司諫被掄旨焉榜

素園存稿

卷之九

九

未出而衆望則翕然矣及秋江西憲臣缺董學  
事者銓部以先生名上制可於是門下生與  
餞者二十有一人咸賦詩紀別而弘靜復申之  
曰維科目歛士以文代有稱議或云匪古暨施  
厥用廼歷可指述經緯王化炳于金石豈其虛  
而無裨哉今制追周典兼採近世凡率土薄海  
之士皆轂之學校聯之師儒又懼弗重特出廷  
臣以董之所以陶鑄長育之道寔至悉矣士未  
出其鄉而佐理敷納之具宜有成材可觀國近

光者乃賓之于鄉選于春官貢之于廷 天子  
親臨軒而策焉今古上下左右咸宜乃試之于  
有位厥董學使者及司文柄之臣非道德文章  
爲一時宗仰者莫獲與以爲養之於前歛之於  
後於古上臣以人事君之道均爲至重迺治化  
之基本社稷生民休戚之所繫故也先生早以  
經學起自南海卓魁多士旣歷省署司諫垣羽  
儀班行益宏以遂天下之士雖僻處一隅皆知  
誦先生之文而仰其道矧誠蓋靖共受知君相

素園存稿

卷之九

十一

數月之中燕被二命豈不仰稱 明天子作人  
歛才之意允愜輿論哉雖然是二命者則今之  
出爲尤重聞之曰士不素養而求其用猶王不  
彫而求其文采也故學校者賢才之所自出養  
之誠不可弗豫且慎焉者也夫士有脩之家而  
壞于天子之廷者矣平居家食利害未經于前  
耳目所聞見日惟先王法言顧弗能正身脩行  
乃俟守官政服大僚始勉飾爲矩矱冀得名譽  
不亦難乎其有恒哉夫司文者之所試一日耳

言浮而行背有深於山川者雖聖哲弗能盡其  
明也求合抱之材於培塿之上以責工師將何  
得焉故士取之不若養之之難而董學者之責  
則綦重矣夫江右文獻之區也有濂溪之教與  
白鹿之規遺風未泯其出爲元老股肱大臣佐  
天子弘化于四海者相接固其江山之靈儒先  
之澤今又得先生爲之師士其益洋洋乎有興  
哉雖然江右之士則幸矣吾諸生者固先生一  
日之所試者耳抱經研句釋褐而謀政如授之

素園存稿

卷之九

十二

未達則曠天工何譬之如璞先生旣剖之矣將  
彫琢之以爲珪璋俾登于明堂諸生亦不敢自  
暴棄方仰成焉今舍之而去其無乃失所依歸  
他日而惑于岐畔于道以爲門牆玷吾諸生於  
是別能無戚哉於是諸生者咸惕然以懼質諸  
先生先生曰二三子之懼善哉吾聞君子之同  
者不以出處不以遠近不以語默心苟孚則萬  
里比隣未始別也心苟未孚則一室秦越未始  
不別也學者何道相觀誼相勵而已矣夫道誼



之同豈以諄諄面語爲乎二三子無忘今日之懼則善矣諸生既拜受教退弘靜序以識云

贈周封君南歸序

維揚一石周子余癸卯秋識之於金陵丁未春計偕南宮又邂逅焉今歲庚戌遂同登第又同觀政于大司馬之屬十年之交始獲締結一石坦夷和粹人樂親之而余以舊故尤狎廷對之三月季夏其尊君方塘翁自揚渡淮沂河越數千里來視之余從諸君子拜焉樸貌真意藹

素園存稿

卷之九

十三

然隱君子風也出咸曰是固方折之源矣有子如玉宜哉居閔月命促駕歸曰吾素不習城市京華非吾棲也於是余又從諸君子祖之於旅邸既相與謀所以贈翁行者皆委役於余余最陋不足以張翁又無能雕組其詞比於驪歌之爲者蓋嘗以爲古之所謂隱君子者非必遠絕人寰高蹈物表託迹岩石之下棲遲雲霧之裏可聞不可見可望不可卽然後得遂其志也要之或遠或近自適其真而已矣故容與丘園則

有林可翫周旋閭里則白屋可封蕭然一室則終無外慕遠陟萬里則素質莫移無入而不自得也此之謂能適其真大道之公也古之君子

惟龐德公近之身處鹿門躬耕率妻子遺之以安終不入城市亦不遠畎畝無他奇行而千載之後靡得而間何也彼適其真而無所假於外故也翁之行不爲嵯異標揭耕讀自適而厚德不掩觀之者信殆與龐公近似而所遇則優矣夫龐公之時海內四裂兵戈不戢生民荼苦黍

素園存稿

卷之九

十三

離興歎苟無援手之會將奚所指足其不至城市宜耳荷鋤抱犢以俟天下之清猶懼不免彼視奮袂褰裳以徼幸一擲者若赴燭之蛾詣屠之犧危可知矣而忍以遺其子乎今萬國同風百穀屢登四方行旅雖隔燕越不齋斗糧舟車往返殆猶比隣之間枕席之上耳明明當陽濟濟北面臯夔布列俊乂畢羅士苟有鉛刀之用者猶夢寐一割固千載之會也向使龐公生逢今時所以遺子者詩書乎耒耜乎將觀上國之

光乎柳守鹿門之陂乎然則所謂適其真而無所假者殆有所在矣翁雖不喜城市而萬里之遊聊復曠觀蟬蛻而鴻軒京洛之塵不足以緇翁之衣也奚必恒守畎畝而後爲潔邪生有五男子皆明經茂才彬彬儒林而仲特先鳴甲科騰聲所以遺之者似異於龐公要其安則同也若翁者所謂適其真而無所假於外者非邪惟真也則躬耕畎畝不爲僊遨遊京國不爲徇其來也若出岫之雲其歸也若返顧之鶴汎乎虛

素園存稿

卷之九

十四

舟之不繫冷然馭風而無迹卽鵲冠而處不知所謂窮卽朱紱而封不知所謂通其真常存其適不貳澹兮其無營恢乎其自足翁真所謂隱君子哉雖然日用飲食民之質也故順帝則而知識忘宣風揚美士之職也故昭盛德而歌頌作且翁所以去來異域如越疆畔而遺子以安者不在畎畝而在廊廟其所遇優于古人遠甚若是此非 明德所覆疇克爾乎一石子子方圖與諸君子翼贊 皇猷以益裨清平之化忠

孝之規允在於是而余且得與拭目以慶焉耳矣不然翁之去來其無望於子矣乎其無望於諸君子矣乎於是翁乃拱而起北向而拜旣曰善吾子之言諸君子言別及是也吾知免矣遂別

### 贈周寧波序

同年迪齋周子以南戶部郎中擢守寧波同年之同官于留都者相與謀贈言焉方子曰贈行以言古也况同年且同官者乎况周子之行責

素園存稿

卷之九

十五

重且艱者乎周子慎哉夫自島夷內訌濱海諸郡遭其毒困矣雖嘗一創艾然波濤萬里種落寔繁彼獸也嗜利罔顧憚宜有以待其來者則寧波其最要害重地也今銓部爲東南擇才守宜莫如寧波宜莫如周子宜周子是行也不亦重且艱歟弘靜嘗觀古之名守自戰國以上列國相攻以戰爲守姑勿論卽如兩漢循吏非獨精察碎務能道某所大木某亭猪子已也龔遂之解劔虞詡之增竈彼亦勅賊號難理卽須臾

銷之使桴鼓不鳴其大者若魏尚郅都之爲守  
匈奴不敢犯其境當是時未聞別爲置將也夫  
匈奴之強不能當漢一大郡况島夷乎苟能用  
其民則一良守固足以制敵矣今制府衛竝建  
而兵農若不相爲用於是爲守者類不治兵兵  
既不得恃急則馳檄召將我集而彼去徒自勞  
而示之以形且兵之客於民也民苦之或甚於  
賊議者以爲莫若團練土著之兵而責之守固  
當也夫儒生鮮閒軍旅此後世論耳孔門之論

素園存稿

卷之九

十七

戰固曰教民可以卽戎使有勇且知方也夫民  
知方而後能親其止死其長此非教之有道歟  
而後之言兵者則歸之孫吳夫孫吳之書其要  
在於視卒如嬰兒此與儒者言何以異卽不用  
之赴敵耳彼非吾赤子邪又曰使士畏我而不  
畏敵此無他賞罰必信而已矣夫信者爲民上  
者可一日去乎又奚待陣伍之間而後信也夫  
恩與信二者固儒者所恒言未有舍是二者而  
名爲良守者也充其道則牧民也治軍也馭夷

也一也今日之事撫疲爲急撫而教之民其可  
用閭閻皆卒伍也以待其來犯則懲之款則舍  
之若是非恩信不可矣周子直方之氣明達之  
才慷慨功名之會膺當軸之選卽其素所畜虜  
固在目中者其於寧波也何有矣周子慎哉充  
其道也豈惟寧波受其福

贈丁大理序

春正月 天子旣詔冢宰大計群吏黜其不職  
者於是其郡貳守丁公以政異等擢知大理府

素園存稿

卷之九

十七

云報至公業戒行郡屬邑長貳暨士民知弗可  
借相與謀所以贈公行者而司訓黃君某等則  
以造余蓋公起家進士十有六年低迴郡邑間  
久矣始下車郡人一見公魁碩坦蕩無畦畛知  
爲鉅人長者久而冰蘖之操愈堅如其始至其  
十民靡絲毫擾卽署劇邑僅數月又剗刃有裕  
去無不感頌如歷年所者公之績日茂而位不  
進其同舉于南宮者往往服大僚監數郡矣郡  
人稱謂余公信長者靡弗豫若固宜然然如治

體何今且曰爲虞典黜陟且曰爲周禮廢置若  
之何猶使公迴翔爾也余應之曰唯唯否否君  
子貴不懈于位未聞有所慕也患不得其職未  
聞有所擇也民安公公必安民矣兩相安則兩  
相忘斯兩得之也而爲公有所慕乎有所擇乎  
爾民乎順則爾已服教爾已惡暇知公之乂與  
速也且也論治者豈不曰治在乂任又豈不曰  
均王臣無重內而輕外噫是惟無然猶衡然惟  
所以持之耳又惡知公之乂與速也及是郡之  
素園存稿 卷之九 十  
人則相謂中丞之言不欺矣往者郡守貳之相  
去也有間其陟也鮮不由郎署者由郎署則與  
始釋褐者積日而計之耳何弗倫也夫是以疑  
之也噫使令而必信乎若四時日月矣無速化  
無輕外則奚而不治奚不逮虞之與周也雖然  
吾又聞之君子不擇地而仕而爲地擇者則有  
任其事者公之政卽大國若小鮮焉往弗治而  
何萬里外爲也余聞之曰噫議者過矣愛公矣  
而未知公之心且未可與論治也夫地有萬里

而王者則視爲一家君子自憇孤明有事則亦  
胡越比鄰耳不曰不遐遠乎不曰不遠乎周  
之盛也泰之九二所以得尚于中行也矧茲遐  
荒漸濡已久不異畿甸而吏治民風論者猶然  
重之其地重則其治之者益難公是以有茲行  
也可訓曰信公且行知公宜莫如中丞願有以  
言余於公則何言然固已言之夫公固不懈于  
位者也無外慕者也其治劇也若烹鮮乂而不  
渝其初者也然則奚有於大理大理治矣公行  
矣  
素園存稿 卷之九 十九  
贈節推舒公陞刑部主政序  
舒公之理微也且六年所矣境內外江之南北  
無不稱其賢也諸中丞若御史臺行部畢無不  
薦於 朝也郡中數相傳曰公召矣旣而弗果  
又曰公陞矣旣而弗果及是陞刑部主事報至  
則又相謂曰公陞矣柰何乎公何可復借也余  
里居也乂則聞與人之言曰公之視我民也若  
內之溝若惻于身不欲傷之也兩造在庭片言

折之民莫不服未嘗特播楚取之也在公側者未嘗見公有厲色遽詞也然而習舞文者靡所措其手不怒而威不嚴而治公則何以也其士之言曰夫政有本寬與嚴時出之者也公非嚴嚴殆無所事嚴也夫望其門聞其無人間莫能入也則豪者沮矣詣其庭如繩斯陳其曲直莫可欺也則梗者伏矣民無所撓吾法而吾無所高下於法也則奚所事於嚴此之謂本也蓋嘗有奴而豪者其力甚鉅誣其主罪且遣矣公一

素園存稿

卷之九

三

世所謂要津顯擢以待絕異者也亦難矣且公兢兢不懈於位者久矣吾見公之心矣其與人也誠其臨事也慎雖政成名立上信下服而歐然常若不足故能布厚澤於下而爭非令於上彼曰宜遣此曰無辜而未見其忤拒權要人之請至于再至于三而未逢其怒此無他誠慎以基之也詩曰溫溫恭人維德之基公蓋有焉以有茲陞也是不已難乎雖然公理官也以公爲司寇屬則所理者猶之以驥歷塊出羊腸馳康衢而王良造父先後之者也自茲其易易矣抑記有之事之難易易知也以爲難則易者將至矣以爲易則難者將至矣夫刑者成也一成而不可變故君子盡心焉以輦轂視郡邑則嚮之豪者梗者習舞文者權有力者且岳積而川至耳公將以爲難乎以爲易乎公之心其難其慎出之以誠者也吾見之矣自茲以往以秉鈞衡以銘鼎彝率是道也其不易易矣乎諸令君曰中丞之言博矣政之經也且也由與人之言知

素園存稿

卷之九

三

公之政由士之言知公之德由中丞之言知公之心公且行矣請以是贈公聞之曰古之贈也以規中丞之言規我也古之道也請終佩之矣

贈兵憲詔審黃公之任山西序

夫賢才之用於世也恒視時之所急其具素豫其應不窒卒然授之以艱而功效隨之左右咸宜險夷靡擇若且者固經世者之所須所謂通才者也不然者具不豫不可以應卒長寸而短尺柰之何弗泥也故物力方詘輸輓弗繼上耗

素園存稿

卷之九

三

下竭則計賦之臣重邊塵時起羽檄星馳士氣少惰則疆場之臣奮茲二者皆時之所急也能治其一則時且紓矣矧其燕之非天下之通才孰與哉若詔審黃公者斯其人矣公起自中州由進士理郡刑選爲御史忤於時蹶而復振敷歷中外者幾二十年矣其更練深者其疆負豫邪日者天下之用嘗詘矣國有大役百堵雲興南北警聞桴鼓弗輟待哺之士不啻百萬且饑色矣加以水旱頻仍閭閻愁嘆澤之竭矣云胡

以漁當是時督賦者纒則憂國苛則病民若朽索之馭六馬幾何不佚於是公乃自山東兵憲督糧江西江西者東南大都會也其賦甲天下其民重困其逋負歲積當事者以兵食二者食爲先食弗足兵何言飭故藉公之才以急所先云自公之蒞江西也催科之令非急於曩時而賦靡有逋者匪直靡有逋已也又悉完前所逋民不稱病而太倉之粟盈矣於是當事者疏於朝請超擢公勿他轉爲茲方借制下部議報

素園存稿

卷之九

三

可矣會天子更化之始力務裁省思所以節其流於是若工作若採造若供應若冗員諸可已者悉已之於是蠲逋負減歲賦之半以與民民乃大蘇而督賦者殆若無所事事當事者又以爲天子德澤汪濊如是薄海內外罔不洽督賦之臣誠無所事事而以公之才久於任非宜惟是西北之虜其天性喜亂未可化所賴整飭戎備待其來毋恃其去以干城一面者惟憲臣爲急於是公又自江西陞山西憲副屯兵澤

路澤路古稱雄鎮蓋藉公之才以壓虜俾無近  
塞虜不近塞則饋餉益省民得休息民休息乃  
可與治云故公之用於時也時急賦則治賦時  
急兵則治兵若庖丁之遊刃砉然有餘而肯綮  
未嘗經者豈非所謂天下之通才而經世者之  
所必須乎哉夫承平之世民物熙熙四海一家  
名爲至治縉紳之士歌頌盛德雍容暇豫習典  
故按簿書累日積勞無觸時議此人人能矣然  
聖人繫豐曰憂受泰曰否而陂平往復之戒諄

素園存稿

卷之九

三四

諄焉何也時旣昌矣物旣盈矣自非至德必有  
侈心上侈則耗下侈則竭於是內蠹外訐囊橐  
因之矣逸土之民可與安而不可與危可弗慮  
乎是故治賦治兵之臣最急非通才鮮可倚也  
公誠其人矣雖然今之所當急者獨兵賦已乎  
公之才又非獨可任兵賦已也夫以曩時之不  
足公私膏困治賦者若拯溺然將濡首不恤其  
急也如彼迺明詔一下靡俟時日若天降地  
出居然有裕何其速也夫夷虜雖疆不足當中

一郡而疆場爲患者非虜之疆乃備之弛耳  
諒以天子之德威奉行者之盡力一振飭之  
士飽馬騰彼且遠遜又奚所急云爾也方將修  
舉禮樂端拱治之躋我於唐虞而蓄彼以禽獸  
且並生之則樽俎之間有折衝焉所急有遠且  
大者若求其才非公其儔乎夫鴻鵠之舉也恃  
六翮耳腹背之毛無與也棟明堂者必豫章之  
材大匠之所須也故公之才非獨治兵賦也而  
時之所急將不直是者公行矣行且大用公矣

素園存稿

卷之九

三五

贈金少府

今字內又安久矣 天子加意元元德澤汪  
濊四塞固謂極治頃者邊烽屢警海波時揚至  
塵宵旰之慮興十數萬師克之猶未靖雖烏  
合蚊蟻未詎害然府庫稍耗矣議者以兵久不  
解日費餽餉卽有饑色且老賊卒復竊發胡以  
制之 天子念下民重勿益賦屢發內帑給  
軍士爲萬姓除患至厚也而有司不能宜明教  
化使民向方徵輸靡時逋負歲積甚非所以仰



德意奉公終事之義也夫極弱者不惜濡  
奈何苟爲煦煦姑累日月乎此其責固在藩司  
夫藩司者職主財賦而下爲郡邑表者也會

天子詔冢宰大計群吏妙選朝臣寄之方面而  
南京吏部驗封郎中金君爲福建布政司叅議  
云於是諸大夫相與造金君謂曰子亦聞議者  
之言將有望於子者乎賢者之處世也固與天  
下共其憂且錢穀通儒事也幸哉姑勿以倪之  
殿陽之拙是諉焉爾矣金君慨然曰諸君子以

素園存稿

卷之九

三

天下之憂在用不足而已乎且以藩司之職爲  
盡於督賦而已乎夫財猶水也水固有源委言  
理財者未有不節其流者也姑未暇論已今所  
爲輓輸奔走詘四海之力而殫慮以謀之者非  
倭與狄之故乎然吾以倭與狄未足深患也民  
窮甚矣股且驅之彼且爲倭爲狄則患始深耳  
夫趙無恤霸者之臣也猶云爾絲乎保障乎彼  
固知所擇也奈何專意征求不慮其後民將焉  
待乎日者閩之盜群起矣非盡倭也幸而剿之

耳是其漸可長乎吾聞之御民者若馬然力且  
盡矣而求之不已則佚若漁者之於澤也竭而  
取之則無繼也今民且佚矣又將竭之可無慮  
乎雖然什一之賦政有常經逸道使民民固不  
怨吾又安敢藉口於倪陽而煦煦爲名也則罪  
也滋甚吾將率夫有司者無因是以股民而盡  
吾心焉以佐夫藩司之長言以圖之不識有濟  
乎於是諸大夫相顧曰金君之言是也閩之民  
其瘼矣且賦也必最何也民莫或股之彼未有

素園存稿

卷之九

三

弗終上事者也金君行哉率是言也國之楨也  
民之望也報國承家允在茲矣初君與其伯兄  
比部君同舉庚戌進士癸丑其季武選君舉焉  
三君同官留都以其尊翁學憲公致政家居臨  
海也每更出迭處焉學憲公宿德邃學儀表海  
內而三君孝友忠信粹然珪璋也天下論世家  
者莫不推臨海金氏故諸大夫云

鄭叔真集序

嘉靖中里中方生在宥鄭生叔真並治舉子業



有名臺使者試諸生輒列優等。于時士人以太學多例貢生貢生老例生未閑文藝易之而以其有名生也。試則中式宜易也。二生既廩於庠矣。家故隸以貧。卒業南雍。南雍試輒又列優等。然屢不第。乘去相與下帷攻古文詞。爲山中人不。出矣。生家中圯貧。迺謁選曹試之。其文當出其流輩。不翅倍徙。卽其志行不苟爲。祿利可必也。政府故同爲諸生。知之遇之厚。迺竟弗遇。資盡喪。故歸歸。遭疾。竟歿。無子。里中惜之。

素園存稿

卷之九

五

之嗟乎。士之窮通豈不有命哉。以二生之才。縱不第耳。累日而貢當官。而盡職。此可必者也。奚爲以不必必而棄所必乎。夫士能爲才耳。能爲通乎。且以彼有力者。能窮通人乎。彼惡能窮通人乎。莊生有言。彼固使彼士。奈何不知命哉。始余以同閤故。又宗姻也。知二生稔矣。自浙歸十餘年。益親二生。迺在宥。以足傷。謝客。余間過之。無何。卒。叔真居與余鄰。其爲人良易而不汙通達。而有操里中時有所質於余。余輒請叔真平。

之質者。往往解去。不造有司。余甚倚焉。余起家填鄖。中聞叔真北上也。詒書所知曰。鄭生質有其文。彬彬君子。不易才也。政府聞之。以爲知言。余濡滯留都。乞身未遂。聞叔真計爲悲痛。涕霑襟。久之。其繼子庠生象位。以治命乞敘。其藁曰。庶幾藉以有稱。耶。其不爲君子所疾云爾。余讀之。竟曰。文從周漢詩從漢魏。從初盛唐皆深入其境。其足稱矣哉。蓋自弘德間。壯地倡追古之體。信陽諸君子。和之。海內操觚之士。翕然一變。

素園存稿

卷之九

五

江以南。大鄣山谷之間。談藝者。蒸蒸起矣。迺叔真與在宥。所與下帷披誦。非六代以上書。固不蓄也。生平未嘗手一日釋卷。可謂好學也。夫且夫士所貴有其質。余覽叔真集。輒念在宥甚余。於二生。非特以文學惜之也。

### 輔仁文會錄序

輔仁文會。會匪徒以文也。君子以文會友。以友輔仁。仁者士之所以成其身者也。而以友輔友。斯重矣。文士之業也。會所以修業也。德業舉焉。

行顧而大人之事備矣。明興文明之運二百有餘載矣。士之談詩書而佔彙以爲業者。戶相比也。萬曆丙申。邑之應試者凡二千人。邑試之府試之臺使者。又嚴試之。其得進於庠者。僅七十有二人。難矣。吾里邑西一村耳。而進者十人。人以爲夥焉。十人者。相與會也。月有課。時有攷。善相慶。過相規也。而錄其名氏。以及其世從登科者之例也。射者必志於穀甲科者。士之穀也。從其例可也。夫登科之有錄重矣。士惟自重而

素園存稿

卷之九

三

人焉。姪一人焉。孫一人焉。其七人者。皆吾姻與鄰也。請題其錄之端。蓋將以求仁乎。吾是以語之。

崇禮會序

禮云。國奢示之以儉。儉示之以禮。然則儉非禮乎。夫禮也者。隨時變通而節文之。以協於義者也。林放問禮之本。子曰。寧儉。儉德之共也。奢而儉焉。義斯協矣。是禮也。今也都人士之怙日益甚。達於禮者。憂之茲會也。惟儉之尚。過乎儉。乃得乎中。故曰崇禮。余則竊取之矣。昔者文穆公相與圖是舉也。亦既有成言矣。而弗果。余甥光化見而悅之。以語民部及二中翰三君子。同此志也。己亥又四月六日。寔始會于聖僧之庵。余不以耄棄。蓋忘年焉。而以長長余則諸君子之厚也。敦厚所以崇禮也。庵之稱勝于邑也。其境近而幽也。維石巖巖。維水湯湯。燾翠欲流。鳥鳴相求。綠竹猗猗。懷哉。有斐絺衣。旣袵清風。猶和四美具矣。觴豆之事。則簿正其器。蓋先進野人

素園存稿

卷之九

三

以爲之楷奚弗從焉于以論經于以談藝于以講德于以範俗相觀之誼其無違也斯之謂禮夫淇澳之章炳燭之明古之人所以惜時也余曷敢怠矧諸君子方以盛年際熙時日中之光照于四方煌煌乎德業其寧有涯乎哉詩不云乎濟濟多士王國之楨則諸君子之所有事也今日之會在鄉言鄉禮歟夫儉不違禮會不忘規古之道也余是以志之鄉大夫聞者志必同也至則書火雲升矣其素秋爲期乎

素園存稿

卷之九

三

遵雅會錄序

遵雅會錄錄會者之文也文何以錄錄其善者而相觀焉相觀而善古之訓也雅之爲言常也孔子曰君子中庸孟子曰君子反經經也庸也言夫常也而曰中庸焉正焉無過不及斯無邪矣天常清地常寧日月常明觀乎人文而後道化成萬世不易之道也故曰常常其至矣乎何言乎遵遵王也我明之興中天立極薄海儒林咸折衷於洙泗而濂洛關閩寔羽翼之一切

異言罷黜久矣聖謨洋洋所謂萬世不易者也何敢倍也今也不然始以經義發身終以梵典炫俗庠序之間有鈎棘之習中華之教有侏離之聲知言者知其所蔽而自謂超悟世方惑之君子之所憂也士而倍何以事上故夫遵雅也者遵王也遵王者平康正直王道蕩蕩文行一也化成之治所必由也夫德不同風辭不務達而侏離鈎棘以變於夷此厥常好異者之過也故夫雅之弗可以不遵也是會也距幻

素園存稿

卷之九

三

汪母八十壽序

今大江南北稱素封家者則歸歛休矣歛休之間道里適半而要其道以居者曰叢睦汪氏言素封家者推甲乙焉蓋無論賢科相繼青樓夾

道濟濟奕奕所爲甲乙者也乃無不知有汪母  
王太孺人之賢者夫女德惟一尚矣無非無儀  
詩之教也內言固不出胡以聲施遠邇哉且夫  
語內則者非泥於遠也蓋昔尼父之嘆才難也  
有婦人焉而易之家人利女貞者有嚴君焉曰  
母之謂坤之順也而贊之曰其德方其動也剛  
此豈徒括囊無與含美而弗成已乎是故婦順  
母儀其德一其道非一也太孺人出自休而歸  
於歛其爲女也曰淑而莊父母鍾愛賢之云爾

素園存稿

卷之九

三十四

同事者罔不矢心勤殖競倍伍之效而他言善  
治生者弗若之矣僮僕之得其貞可易使者必  
稱其既稟撫其婦子無弗人人勸者而嘗有所  
尤於族長者則嚴懲之歡乃已曰奈何冠履不  
分而同室之內有町畦乎族鄰之訟亟欲平之  
則閑其家無使與曰奈何與人鄰而小忿不釋  
宿之累世乎里之焚者娶者恃以舉火者有人  
矣而凡所不忍見而見者無弗施也有故家子  
艱於子也而婦甚悍婢妊而嫁或以告則惻然  
憫之俾護之男也俾養之其後故家子竟沒無  
子而所養者長矣爲娶婦焉子復有子此之爲  
惠司馬氏所稱好行其德者寧足當乎族有無  
良者三施之三嚙焉衆咸弗平也乃終施之口  
彼所知利也奈何計利而構怨乎且夫夫非近  
屬乎昔蜀之貞婦能以財自衛而秦帝禮之女  
清之臺所爲作也彼一時也太孺人非其時不  
及抗萬乘而所以聲施遠邇者寔無歎矣隴西  
健婦僅持門戶耳云勝丈夫亦奚足詠乎於是

素園存稿

卷之九

三十五

太孺人壽大耋矣季春晦日其設悅之辰也令伯與其仲君太學肇邵謀所以張燕喜之筵而承太孺人之歡者將無不具也太孺人方將澹泊爲宗符契乎瑤池氏之旨一切芥靡却之無所內顧獨聞余且有文則亟欲克見之曰吾聞司徒公文不溢是匪徒憂其辭必有規也其以示後之人俾率由乎余聞而愧之蓋余之里嚴鎮嚴鎮與叢睦村相比也世相婚姻所謂睦有自來者而小孫士造辱館甥焉雖衰甚不復能事園存稿 卷之九 三六

事筆墨而太孺人之賢固恒誦之以風鄉國而可默焉已乎記言趙母戒其女無爲善夫善胡可弗爲非弗爲也家人之二無攸遂者也女道也婦道也其在四富家之吉順以在位則母道也故曰其德一其道非一也太孺人之賢所以稱述無間者也豈惟女宗有能是則效者不稱賢士君子乎余文不足爲壽筵重庶幾實錄哉造也其從懿親後以余文侑千萬年之觴焉乃若岡陵之祝資業之盛胤嗣之昌諸能言者能

悉之太孺人稔聞之矣

事園存稿

卷之九

三十七

素園存稿卷之十

新安方弘靜著

序

易治篇贈徐使君之山東

今大江之南畿輔之間則稱微爲難治矣徐公之來及期語人曰異乎所聞吾於微也見其易矣未見其難也夫所爲稱微之難者曰其山川峭激其民尚氣好訐卽一獄或十餘年歷數守莫能決也蓋比屋爲梗陽也其間右豪猾往往

素園存稿

卷之十

一

依結確有力者橫其邑里中一有所取則移書且旦夕至卽都門視郡閣猶堂階耳夫善畫者不能左方而右圓奚弗難也吾以爲是戶爲政也半一而牧之者九也夫纓紱其縻我者也吾於是一切置之而平吾心以聽之則其情若易得也吾因而求其生因而求其出焉其不得已而麗諸法也是在法不在守也久之則權有力者之請不至卽豪猾者未見其梗也獄重者無論歲時盡未有旬日而不決者也吾以爲是力

服之耳非心服也是不得所請者且有以泥我

也夫纓紱其縻我者也吾戴罪若星俟之耳迺今也旅進焉其君子不吾非也其訟而不直者察之靡有後言若是則奚而不易也郡之人則相與言甚矣公之易事也夫以里閭視公庭不日萬里哉吾辰而入已而出矣申而入酉而出矣向之株連繫獄罄懸而不釋者兩造斯具片言而解矣故山谷之民其聽於公所也猶之乎適莽蒼者也奚俟乎暴糧其反也腹猶果然耳

素園存稿

卷之十

二

噫吾視里胥之室則有若噬而翼者矣况自茲以上者乎何公之門閭其無人也何易事也西野氏聞之曰公之治卓矣夫治之難易不在民也吾聞之上易事則下易使夫民舍其穢事而趨所謂畫地不入者豈其情哉爲政者誠懸之繩曲直弗可欺矣誠設之權輕重弗可欺矣於是乎明示之嚮往而守之如金石奚有於弗從風之偃草也泥之在鈞也何弗易也彼權有力者無亦姑塞其請或誤有聞焉而曰惟予言而

莫之違也乎爲政者人人而悅之乎何其難也夫政患多門久矣公以德爲政非人爲政也夫亦能其易耳焉能其難雖然本之則難非易也夫子不云乎君子易事而難說也夫惟說之難也而後事之易試舉之可說者大莫如爵位矣爵位一以入其心則權有力者且得而動之矣民苟可說以非其道則奚不至焉敗德墮業皆是之繇魏氏之老所以終食而三嘆也吾見公之微矣其身不憚於位而有鴻鵠萬里之志故

素園存稿

卷之十

三

其視纓紱若縻之也是寧以爵位入其心者乎寧可以非道說者乎夫弗可以說者何弗可事也何弗可使也此公之所以易於微也噫豈惟微哉公且行矣齊魯之民猶之乎微也異日者以治天下天下之民猶之乎微也易不云乎易則易知簡則易從易簡而天下之理得矣故政在易而已矣而求諸難此爲政者之過也乃曰民難與爲治不已誣乎昔黃次公治潁川爲天下第一及爲相則功名少損若難於爲郡焉吾

嘗謂次公優於爲相者也其所以損由不用其明也大鳥攫吏肉能察之而鵲雀自京兆尹舍乃不能察耶其所大木某亭猪子悉能知之顧不能通達幽隱有所揚舉側陋而徒薦帷幄舊恩貴重之臣爲明主見讓慚不能對耶無亦以是時鳳凰神爵數集意以是說上而以史氏爲寵媚之以固已位耶此其以爵位嬰其心故明有所不用也所謂以黃金注者也不然以次公之精識內敏善推所爲其風采出丙魏上可也

素園存稿

卷之十

四

何以使人疑曰郡易而天下難乎公治微固不啻潁川又爲微洒難治之名何其幸也而本微之治則易事之度難說之節固古昔大臣事也異日者以相天下特推其所以爲郡者耳奚有於丙魏吾願公爲次公一洒之也

汪少尹八十序

汪少尹者余同郡休寧人以邑諸生例貢選丞太康居官有廉明聲出今上無何以艱去服闋赴京乃慷慨上書言事大要謂古聖王之治天



下立賢無方卽兩漢猶近無論他所選舉當時以貲補者今炳炳可見要其中非無才願廣用入之路無使志士困於盛時得人人自奮天下無慮不治 天子爲下其言當事者以其言良是而非丞所宜言非之仍補丞孝豐孝豐故山徇反側新建邑故以與丞而丞往則有聲如太康監司知其能叢委之無不理然每負其才欲有以自見不屑其官竟無有推轂者乃嘆曰夫士抱才器不得用卽優游田里甘之耳奈何

素園存稿 卷之十 五

丞乎且吾聞古之道以治其身而以土苴爲天下今吾丞於天下無所比數而役役焉自棄其真而欲以見於世何哉遂致其事去其去也向監司知其才委之者故在也然莫之惜於是君又竊自笑曰吾知之矣旣歸一切家務置不問日徜徉山水間究方士呼吸導引之說兄弟俱高年相友愛不衰賦詩自壽有五人三百九之句鄉人慕之以爲盛事云方子曰余與君仲子經歷君遊固稔知君方君丞歸人第以丞卑

卑君固不屑之耳余以爲不然夫士惟患無以自重內重者外輕三公之貴去之猶脫屣也彼營營者銛銛不肯舍奚啻丞哉君嘗習老氏言方以道之真自爲固其精神以全其天真年八十而有童子之色雖家產置不問彼其中且豁然者丞之卑耶公之與卿耶且勿論又奚獨能棄丞而已者耶余獨惜君言事不見用當路者徒以恒格待天下之士使豪士無所信眉終老於山林不能不一慨也若夫優游物外一丘一壑之間父子兄弟藹然上古之風雖三公千乘且不與易於君固自得之矣於是經歷君之僚友某某請余言爲壽也遂書以畀之

胡封君八十壽序

嘉靖庚戌績封君屏嶼胡翁壽八十矣仲秋月十有二日其初誕之辰也厥嗣司空公方受天子眷任職司繁重日瞻雲遙祝迺走使數千里外奉萬年之觴朝端縉紳自公卿下咸有頌美之辭綺爛濤委又相與致慶于司空公所皆

素園存稿 卷之十 六



嘖嘖言曰夫屏嶼翁之福豈不備至壽期願無  
涯哉士自家食蘊抱賢登庸于庭孰不欲輸力  
明時且冀榮其親遠邇忠孝兼盡不負者卽其  
親之心亦孰不願燕翼其子俾致身青雲炳譽  
丹青推榮先世下裕無窮者然道行祿養二者  
之相值恒難學成德立矣未必遇時時遇矣自  
志學至宦成非數十年莫可冀而後先歲月鮮  
克相待故有鍾鼎之貴不及菽水之歡者豈天  
之界予有所分而數之流行靡可定乎今司空

素園存稿

卷之十

七

公靖共有恪簡自 帝心自始立朝躋于八座  
莫有間議勲業之崇積嶽立川至而屏嶼翁方  
康健自如優游丘園膺 恩封享榮養蓋寰海  
之內不可多數者夫養厚則體移身顯則志愉  
者情也深根立命之道不俟外索而默與之符  
矣如松栢如岡陵翁之壽豈待祝哉其鄉之宦  
于朝者應之曰不然夫金紫輝煌澤車潤屋前  
方丈後緝御此世之所謂榮自外至也功被生  
民名溢宇內媚于一人百僚是師此士君子之

所願然不可必也嬰于榮者神將爲疲嬰于名  
者神將爲馳而壽其可期哉翁之所存則不在  
是其居鄉也質直不外飾論事是非無枉以徇  
忿爭者多就質焉事親以孝訓子以忠周窮乏  
治梁道捨偷竊信厚德君子也司空公爲侍御  
時嘗忤 旨謫南海去鄉萬餘里翁無幾微不  
懌色惟戒以益勵厥志無渝于初夫不以窮而  
戚者亦不以通而喜不以辱而懣者亦不以榮  
而矜榮辱窮通順乎其所適來而委蛇寧壹不

素園存稿

卷之十

八

以入其靈府此翁之所存也且夫淡泊無營神  
將自清純樸無欲內將自足內足者腴神清者  
固命以不傾千歲可度雖靡事乎呼吸屈信鍊  
金餐液而年所自多歷矣翁之壽允在於是若  
夫名秩之崇祿奉之厚翁之自視猶夫故也向  
之忤 旨而南也未始以爲損則今之承 寵  
而大行也未始有所加譬之鵬飛冥冥而下視  
野馬之氛與夫以息相吹者其仰視也蒼蒼者  
亦若是而已矣翁之所以爲壽者豈宜以外至

者加之邪司空公聞之以爲知言且曰吾翁德  
平于鄉矣屬坐客最下者方生書之

石泉余翁七十序

吾里中稱善富者必曰石泉余翁云翁自其先  
處士梅莊以高賢名遠近比素封矣乃其始特  
以織膏起賴拾印取非藉成業有贏畜也已致  
富能推之人諸所謂義屋田塾及梁橋輸粟者  
無不爲也然不沾沾近名言貌若愚或稱贊之  
則避不欲聞耳夫石泉翁結髮從處士遊江淮

素園存稿

卷之十

九

間則已爲大賈諸賈人用機變得息輒意滿雄  
視筌竿紈綺日事高會已有狐白焉念無衣而  
翁恂恂處子布衣蔬食不見得色至其揮金千  
萬視義不少靳兩世一揆何其與市中人迥異  
如是也古之所謂蟬蛻塵埃遊濁而食清者耶  
翁有第二人仲遊太學仕留都有賢名每月給  
其費恐以俸入薄損廉也季異母尚少日請師  
課之學二第事翁若父翁亦毅然如嚴君家政  
甚肅內外無間言乃今戊午十二月二十有四

日爲翁懸弧之辰壽七十矣會仲以秩滿績最  
得推封處士及妣程孺人又得便道歸上翁壽  
期日適合天人交助之符可徵也翁素不喜飲  
是日頗甚和爲舉仲君之觴於是姻黨以次致  
祝觀其愛敬怡怡之風莫不相與嘆慕藉藉不  
已而曹君某等相率乞余言以紀其事余曰昔  
司馬氏傳貨殖率以乘時射利爲雄桀謂天下  
皆以利來往耳余嘗非之乃石泉翁行事大類  
古有道者然未嘗佔畢章句爲儒其天資淳篤

素園存稿

卷之十

十

蓋性合矣今盡以倚市轉轂爲澆靡地可哉傳  
曰皇皇求財利庶人事也皇皇求仁義卿大夫  
事也夫仁義達諸天下翁雖賈人其於仁義可  
謂能求之矣語曰禮失求諸野今羔羊素絲之  
風微矣乃如翁給弟費以仕其所皇皇者何耶  
使里選制存致諸有位其肯弗飾簞簋沉沒膏  
盲之癖而不已耶余觀翁事則慨然太息乃知  
司馬氏所論彼有激云爾也翁雖不得位其風  
節在山谷中固足以表儀鄉黨庶幾眉壽永綏

俾後生有式乎且翁疆步善飯聰明如壯時淡泊和寧無或櫻之考祥視優吉士是昇久視之徵天人合矣然則期頤黃耆松喬等期固其宜哉固其宜哉

### 胡處士六十壽序

余嘗讀徐幹之辯壽稽康之養生其言皆有本而甚悉不可廢也要而論之有三義焉夫壽有得之天者所謂台背兒齒眉壽無害特稟異氣非可學致者也稽氏之論是也有存乎時者上

素園存稿

卷之十

十一

古有道之世民多上壽書錫民五福一曰壽是也徐氏所謂王澤之壽也有由已致之者仁者壽作善降祥及導養得理亦可獲壽者此二家之論兩得之者也然天不可與期時不可必遇故或治裏而外凋或好學而年不假崑岡之王石次漢漢份楚澤之蕭蘭霜至岡擇天與時爲之也則夫萃是三壽之道而不爽者其亦難乎余於胡君見之矣君以今茲歲十月日壽六十矣黑髮健履日于于如強壯人望之者咸以爲

遐福之來方期未艾也而其父某翁以踰堯

之年康寧無恙兄某君同遊合業伯仲競爽老

而靡間傳所謂和氣致祥君子之一樂者於斯

見之其得於天者厚矣生值寰宇熙洽之辰靡

有化離愁嘆之患而二子續學于庠序蘭芬王

立巍科可拾咸以君之享榮封爲有待也其被

王澤也渥矣早悟老氏雖守之旨與人無競蓋

寧讓畔而無對吏以是淑其身而免強詐之患

然且積而能散恤人之急鄉鄰稱其惠不獨纖

素園存稿

卷之十

十三

畜仰拾俯取以刀錐爲計也古之所稱鄉國善士殆不愧矣夫寧靜澹泊則精不搖而形長存廣成子所以久視固抵之道也非必殮震鍊液爲也若君之壽其所謂自致之者乎聞之曰天不人不因人不天不成天人竝至福祉迺臻於君徵之壽其無涯哉雖然古之善頌者不徒以松栢岡陵之作朋者爲祝而尤以珪璋今譽之不忌者爲可恃也徐氏所謂聲聞之壽更萬有千歲者也夫吾郡在萬山中俗尚儉約耻華靡

聞不義衆皆唾之不與齒有古昔淳樸之風焉  
比歲以來少年子轉轂而倚市者稍染於都會  
澆偽之習日漸甚矣有識者深慨之如君之伯  
仲敦篤尚行固可以模範後進力挽薄俗使復  
先輩之舊其庶幾有望乎然則千萬年聲聞之  
無窮者其在茲矣其在茲矣余與君同里閭稔  
知君而凡與君友如某某者咸謂壽觴之舉宜  
有辭也故推二家之論壽而申之以聲聞之說  
庶附於善頌者云爾

素園存稿

卷之十

十三

耿齋汪處士壽序

夫刻意塊處而不群於俗者將以爲高也則必  
逃山林絕闔閭獨立乎寥廓之表而媒價乎馳  
驅之境是機械者之爲而已矣將以同爲是異  
爲非乎和而不唱隨而不先由由然脂韋於轂  
接肩摩之中而不知狀是乾沒者之流也自好  
者不爲也然則高不離群卑不殉俗名不炫於  
市朝身不雜於閭閻其外坦如也其無以異也  
其內耿如也其有以異也塊然一室舉世不知

不動其志也結廬乎市之中車馬之喧者日百  
過而不入已若無聞也是其息機棄械而蛻蛻  
塵埃者乎而槩曰市之人則驪黃牝牡之間也  
非所以論於形迹之外也若吾里耿齋汪翁某  
者殆其人矣少而從商懋遷居積轉轂倚市不  
以爲煩曰業也皇皇者何非乎已而諸子承志  
干役年及艾矣迺曰夫少不勤力是棄時也老  
不止足是自刑也吾何爲乎遂飄然而歸杜扉  
兀坐日究覽古文奇字卷不釋手時作爲聲牙

素園存稿

卷之十

十四

茁軋之辭率自出胸臆心有所契當其運思細  
入無間不知有聲勢榮艷珍麗之可以易其所  
樂也與之隣者或累歲不一覲忘其居之爲人  
境也戶庭之外其市萬室日中聲殷殷如雷二  
十年足未嘗踐也將以爲名乎則寂寥以爲徒  
淡泊以爲居一國之中莫之有和也將以爲勞  
乎則吾伊不輟若出金石于于也其有所適其  
適者也將以爲異乎則居也處也不山不林貌  
無怪行無詭也謂之市人也忘乎其市也謂之

高人也忘乎其高也古之市隱獨行得於已而無近於名者非乎其與乾沒乎刀錐出入乎械變皓首而不知止者其無以異乎翁今年七十矣孟夏四日其懸弧之辰也其族思雲翁者年先於翁而於次爲穆翁之諸子與同事者三十年矣而惇信崇好猶一日也夫同姓也同事也親與誼莫深焉謂我曰子嘗異翁之爲者夫異於俗者固非俗所知也久矣燕喜之筵岡陵之祝願子有以張之也予曰異於俗而物累不嬰

素園存稿

卷之十

十五

贈丹泉謝君序

丹泉謝君某早有遺世之志嘗棄家遊名山訪異人學長生久視之訣數十年不返顧家人念之寄書問蹤跡輒置去不視以爲羽翰可生形

骸盡幻蓬山玉闕猶几席可往也其壻汪子師文走千里強之歸蓋年七十矣初君別家時子女尚幼及歸女抱甥婦蕭然衰白而子已天君殊不介意步履神氣飄飄然類有異者其言曰夫生者難養而易戕者也今不惟勿養也又日戕之而曰脩短有數此愚之至也夫人皇皇求爵祿財利不已者以榮其身耳然身固不久一旦朽腐卽卿相輿臺何別耶今以富貴而累其生是舛也人欲子孫賢者亦爲富貴地耳身富貴尚不足榮况望之子孫耶設所生不肖未必如所望則長抱戚戚不置此大惑也而今也以無子爲戚非惑之惑者耶且夫世道交喪久矣機械畧併日相與爲鬼蜮而不渝也俗之靡靡寧可與居耶固不若木石麋鹿之從以遂吾道也昔尚平懷五嶽之志必俟婚嫁吾嘗非之今壯遊萬里老而息駕不爲尚子所哂耶親戚知其志不久留也日挽之刺刺盈耳君邈然若無聞也方子曰子讀列仙傳紀神異之事尚矣彼

素園存稿

卷之十

十六

豈皆誣謾耶而世儒拒之比之風景即使脫屣生翰猶以爲偷生逆理而不從也何耶予以爲列仙之徒非必馭風駕鶴飛昇上下也彼特嫉世之邪不可與易而長往獨立深處息景與之絕跡耳而世因神之要其所操雖未協中正之矩而遺紛榮樂恬寂與世之乞墮病畦者雲泥矣若謝君者其志亦類是歟將深根固柢與天地亡極信可以力致歟稽生之論吾嘗取之或病其遇石髓而不識彼王烈者今何之歟觀君

素園存稿

卷之十

七

所言類若慕莊列之風者然亦太異富貴貧賤俱浮雲也巍巍乎有天下而不與其不爲累生明矣朱均之不肖也卒之爲天下得人以仁萬世聖人之達於權也而何至不欲有一耶黃山之上有所軒轅氏之遺跡在君固產其下也日彷彿焉可以忘世古之人乎不有龐德公乎何必五嶽蟬蛻塵埃可矣予性不謀俗聞君之言甚喜而欲協諸道也會師文之請因以質之

贈潘大理序

古之爲市者以其所有易其所無者有司者治之歷而不征法而不厲先王之居四民使各得其所而不易其業要之不爲游惰浮僻以離於刑戮而已故商願出其途賈願藏其市而比屋可封者此也經曰輦車牛遠服賈聖人方以爲訓不聞其疾之甚而務抑之云爾也夫商何罪無亦遠者是柔以無忌行旅而賓至如歸乎周衰而有征商之制以爲始於賤丈夫求隴斷而登之者夫彼商則可賤矣從而征之非所謂

素園存稿

卷之十

八

欲之而爲之辭者乎然春秋卿大夫猶知以禮爲國晉大國也其大夫易一環於鄭商而鄭之執政者弗肯與知之守其盟誓毋相奪也宋之賈人獻玉而子罕弗受曰寧以不貪爲寶由是言之上之人苟不貪不奪則商固無罪耳漢之初興天下承戰國游士之習鮮務本業而輕其鄉於是益爲賤商抑末之法而賈人子至以相詬病其本意欲驅之使緣南畝民皆土著其易定而已曹參去齊以市爲託不欲擾之太率

猶近古也至桑孔之徒始爲舟車之筭籠天下之貨忍以萬乘之崇高而專賈人之利然猶假爲名義曰使豪橫不得兼并物價不得翔湧謂之平準其原起於戰國關市之征而日益以甚矣近世征商之悉蓋數倍於古而爲吏者一切以其私橫索之額外之征又什百矣甚者則日與商爲市而法弗禁名予其直其實奪之此猶白晝大都操刃行劫而莫敢誰何嘻甚矣然猶藉口曰商宜抑夫商何罪無亦懷璧其罪而上

素園存稿

卷之十

十九

之人舍曰欲之已乎嗟乎余於是有感於潘令君云君之爲蕪湖也邑承江下流寔都會要劇而商賈之所輻輳也往者商之苦於征求無所赴愬久矣君至則悉罷之會寇至旁邑皆倉皇不能拒賊倡甚君召商人謂曰寇至而令不能庇又禁其逃令滋罪也然輜重皆賊所有矣盍與令一心可無失乎皆應曰諾乃率之以拒寇邑賴以全當是時賊所過數大郡若無人境其自完者獨蕪湖耳由君不苛商人能盡其力故

也君自是益善視商人商人亦益感君之廉會君政成有大理之擢商人某以余同閤故相率請言賄君余喟然曰古之贈言也以規今以頌非古也且非商事也雖然抑可以風大爲吏者由君之政以復古之制民各安其業而不虞其奪也治道其庶可興乎余往道湖陰雅知君之政所謂豈弟君子者茲弗盡論獨論其廉於商本商人之請故也夫廉政之本也未有廉於商而不廉於民者也廉以能愛愛孚而威立此固

素園存稿

卷之十

二十

君所以却寇而庇民者也

大司徒殷公八十敘

壬辰季夏之八日大司徒石汀殷公壽八袞矣先是郡若邑兩庠諸生呈言公道德勳庸表儀鄉國今茲大耋古之國老養於上庠者也惟是寵命之錫在今甲宜之郡若邑大夫曰宜哉業爾諸監使者以聞公聞而止之曰吾聞君子非令聞之患而德之不修是懼余實鮮德而冀徹其聞以叨王章是滋罪也諸君子休矣



不可則之郡若邑請其呈而袖之乃邑之人則曰昔庚桑子之居畏壘也畏壘之民寔相與尸祝而俎豆之豈卮言無當乎哉有心哉其好之也公之德非徒徧得於老氏者卽歛已陋奚後畏壘不謀同聲朝國中而夕野外卜筮者有日矣公又固止之曰夫庚桑子之德至矣余擁腫也無能爲役柰何以我爲杓之人耶必已之而可於是諸生之能言者洋洋乎道路矣意且聞於朝而邑之人所爲祝公者公殆不能止也

素園存稿

卷之十

三

南郭子聞之躍然而喜少焉拊几而吁門人惑南郭子乃言曰孔子有言斯民也三代之所以直道而行也有徵哉夫士之殉名可動於朝廷不可孚於里閭何也地愈近則睹之愈親君子是以愧屋漏而嚴對越也吾見公之居鄉矣由由然與之偕也兢兢焉無失也抑抑乎其居卑乎恢恢乎未有涯也未嘗揭竿而趨建旛以告簣鼓以市衆若夫人者一以爲人一以爲己者而國之人罔不是孚不介紹而親不要結而合

彼何以然哉無亦秉彜之良若或樞之而莫得其運之者耶是直道之行也三代之公也乃徵諸野矣吾是以躍然而喜也夫世患才難者以真才之難而夫人之恒言曰鄉舉里選之法不行士爲善於鄉者莫可得而知也焉從而舉之是以難噫此刻舟之說也古昔官人之法曰處則觀其所不失出則觀其所不離必覈其陰母眩其陽人焉瘦矣是故所不失者義也有月旦之評焉徵之而稷下之夸談曰洙泗之傳曰斗

素園存稿

卷之十

三

山之望勿聽也所不離者道也有閎閎之績焉徵之而剡中之謾辭曰水蘖不染曰韜畧無雙勿聽也誠如是也名實罔淆好惡無作而真才有不爲用者乎吾不信也是故居其職者稽其政稽其政者考其行考其行者察其鄉斯道也非法之所禁也而何莫之由耶公之居鄉則既可徵矣迺若立朝之節分符之畧凡所莅咸卓然可紀而大者在兩粵蓋西事之殷也公寔以江右按察兼鉞余時爲右轄所與籌於齋中者



目已無賊矣知人之折衝不煩龜著也是時司  
農給餉三十五萬若曰必殲其愆無慮弗繼公  
從容指顧出入必稽動則萬全筭無虛發蓋昔  
韓彭彭王文成所未定者悉就砥平凱旋之日  
計所出纔七萬有奇耳脫使謀未盡臧卽費逾  
倍恭賊靡遺而師不匱其誰曰不宜此役也昭  
在簡牘曉曉者寧忘諸乎其在東甌余寔以左  
使稟公節令于時倉廩空虛師不宿飽拮据有  
無蓋殫慮焉廼自烏艘復而海波鮮揚鄰糴乞  
素園存稿 卷之十 三三

戴者在野嫉者在朝而岌岌乎巖巖者且撼矣  
賴 天子明聖公勲德炳赤不可掩故靡得  
而間云而南北八座曾不席煖蓋耕而食者順  
則而不庸議而沸者聞聲而盡力公於是卷其  
未盡之蘊浩乎不可留而巖棲川觀者且十年  
所矣夫以公居鄉之孚若此功烈之偉若彼視  
履其旋惡乎有喙三尺曾是不稽而猥泥往古  
鄉云里云是且鄉爲實而里爲徑也不亦舛乎  
吾是以拊几而吁也雖然余淺之乎知公矣公  
素園存稿 卷之十 三四

而凶歲不病西運通而糧從攸賴世所謂無米  
之粥不草之馬也於是任將簡士鼓其勇銳授  
之方畧而數十年之堅巢次第拔矣人言廣賊  
葉也朝掃而夕積公則除其根蔓無使芽茁大  
愆小宥胥面格焉往者有司成列而後出今孤  
旅宵征桴鼓稀聞矣此之爲烈雖昔之稱善師  
澤若時雨者何以尚諸然公秉公振紀靡所徇  
恤其黜貪橫也抑豪并也懲玩弛也拒關節也  
皆彼愴壬者所不便而毅然以身任其怨於是

卷舒無心出處視義方且邀樂於不貸葆真于  
無營世態浮雲曾不足以當其一瞬而余乃耿  
耿焉若爲公有所未慊焉者余則陋矣公與莊  
夫人偕老而康望之者以爲期願以上無論也  
而嗣光祿君與諸孫若曾且循循詩禮其以承  
公之訓而衍公之緒於未艾天之所爲祐公人  
之所爲祝公者其在是也夫太僕鮑君公宣於  
公姻也聞南郭子之言以爲知公也深請以爲  
公壽南郭子曰余惡足以知公哉卽太僕有感

乎余言耶其以侑燕喜之觴而四坐之賓將曰  
南郭子固非漫談哉庶可也

王臺新詠序

夫詩緣情而作者也情莫近乎妃匹之間故三  
百篇首關雎寤寐窈窕發乎情止乎禮義是以  
知先王之澤風化之本也及王迹既熄鄭衛競  
鳴詞人之作恣乎麗艷有異是焉迺若北方佳  
人一顧傾國邯鄲少女獨立無雙浣紗溪邊千  
人爲之嘆息采桑道側五馬以之踟躕漢帝阿

素園存稿

卷之十

五

嬌貯之黃金之屋石家娉婷買以十斛之珠吁  
可動乎其天下之至靡也至夫春華方艷秋月  
俄輝白日未移紅顏將歛君王不御蕩子忘歸  
長信宮深羞乞大夫之賦昭陽風起忽聞絃管  
之聲玉堦苔生菱鏡長掩又何寥乎其幽瘁也  
夫文魚比之比目則歡愛可知匹鳥譬之孤棲  
若離愁何盡樂莫樂焉憂莫憂焉是以文人才  
子詠其美艷之情忠臣烈士痛其枯槁之狀語  
治容宛僊人來下言寂寞雖戾夫歎歎作者接

軌咸歸二途綵筆盈懷錦帙溢篋矣有陳東海  
徐君於是搜諸藝府無慮百家萃彼艷歌類爲  
十卷千花競映掩赤城之春霞萬寶皆縣燦玄  
圃之玉樹挾蔡枕之奇有如重璧貴洛紙之價  
何啻三都若迺揆之風人格以雅訓殆有可言  
者矣爾若霍家馮都之篇秦氏羅敷之詠秋胡  
之妻王壺比潔隴西之婦齊姜不如婕妤託意  
於紈扇蘭芝委體於清池抱貞白而莫渝與皎  
月而爭色漢廣行露又何過焉蓋亦什一千百

素園存稿

卷之十

五

矣至如相如求鳳貽辱於清評繁欽定情無閑  
於貞則子夜吳歌盡寫放蕩之思江南雜弄率  
多淫佚之詞桃葉團扇縱情於內箴卿郎溪女  
相調於中流王謝高蹤於斯貶矣故采其合雅  
象流金之在沙究其離經異白璧之微玷昔尼  
父刪詩疵嫩並著桑間濮上存而不棄所以明  
風刺示懲誡也述者之意豈類斯乎且摘藻風  
雲動情心目勸風百一其來遠矣夫道無二津  
情則萬委詞波類海各指所之若文攷其世則

是頌烈女也若德放其詞固非訓內則也亦何  
譏哉故知留連彤管信有賢於博奕彈詔閑情  
諒見非於來哲矣鄭子思所以名家公子綽有  
雅懷揖當代才流馳其高駕得抄本於上都撫  
殘篇而動色爰迺廣逸拾遺續爲外集併刻山  
堂傳諸寰內使芸閣樓遲將無勞於栢葉巾箱  
展玩何自苦於蠅頭其不負徐君之用心矣乎

### 齊雲山史序

夫名山異境往往出於遐陬峻絕幽僻俗駕之

素園存稿

卷之十

七

所罕至其靈氣盤鬱無所鍾泄於是明神棲之  
聰明正直錫福下民雨暘時若菑害不作先王  
所以敬共無射者在祀典職此故也齊雲山者  
在新安休邑之西山勢特異石磴縹緲出于半  
空故曰齊雲若乃岩洞窈窕以相連池泉溢涌  
而常溢烟霞變幻蛟龍出沒飛流噴瀉奇卉冬  
葩石獸蹲乎山腰錦屏疊于霄際天門誰鑿聞  
月匠之會修雲路難攀疑鵲橋之方就五老冠  
裳宛如勝侶萬松笙籟恍異人間仙靈詭秘不

可殫言山嶽圖經惜其未備固寰宇之勝地洞  
天之靈區也有宋寶慶丁亥真武之神始著靈  
跡官屬肇建香火駿奔嘗經水火二劫崖石摧  
毀而塑像如故遠近崇奉應答如響蓋自宇宙  
以來茲山之靈秘而不宣不知幾千萬年而始  
顯宜其於昭有赫洋洋耳目而不可測度者也  
我皇上御天下之十一載前星未耀宸慮淵

素園存稿

卷之十

七

盛若斯昔崧嶽降而生申尼丘禱而啓聖經傳  
所載古今共聞况聖后凝休神天篤祐流通  
之際胡可臆言是以綸命特頒玄宮重飾金庭  
琳宇輝耀人天奎畫瑤章昭回雲漢赫赫皇皇  
固可以竝峙五嶽垂休萬世矣于是普天率土  
罔不齋心附蟻裹糧於焉稽首誠無不享善必  
降祥譙盈之徵有如提耳至或耽幽命駕不必  
有所攬勝據懷未嘗無作登高可賦矧此奇觀  
拂藪留題頗經名筆四時靈景搜拾無餘十皇

懸崖刊鐫欲徧歲月滋久風雨交侵古壁遺文  
猶有凌雲之氣斷碑荒草空傳膾炙之詞非所  
以昭永久揚休靈也山人朱澹然者綽有高致  
惜其若斯勤輯累年名曰山史刻本又布星紀  
俄周踵武揮毫非無嗣響將謀續梓以示後來  
可謂好事愛奇有心乎文翰者矣昔柳子之論  
境以人遭張公之文趣由山助今茲集也五代  
以上不可復詳而近世才流彬彬畧見罔不研  
心驅騁藝苑披卷之頃可當臥遊造物之

素園存稿

卷之十

三十九

四遊記序

萬曆甲午余春秋七十有八造物者既佚我矣  
而夙有稽生之懶四方訊問久不能裁四壁圖  
書悉付兒輩所不廢者遊也自春徂秋遊之有  
記而系以詩者凡四命曰四遊遊之所之近則  
里門遠未及舍枋榆之間其大者也廼若一丘  
曲折緩步躋攀幽谷逶迤日涉成趣時而偕登

時而獨往未煩策杖輒復振衣每謂列子之遇  
南郭頽類非情蔣生之通二仲亦何不廣是以  
無懷田父隔籬可呼有斐青衿倚輓而和蓋日  
一至者非數月一至者非踈惟其辰之良興之  
適云爾也至若委巷雅談桑麻情話意之所觸  
手不盡書率爾口占湯成韻語副在奚囊未暇  
悉紀蓋別帙焉記彙或携至白下好事者見索  
兒輩不能給遂梓之然余所記大都直寫所見  
所懷庶幾不下帶而存者耳詩則具體詎曰能  
工且檢閱既停藻績無色寧事挾奇以干天損  
君子是以違翰墨也夫遊心淡漠行不知所如  
一棹逍遙六合且隘是爲天遊天遊者物莫能  
撓之居常處順所以俟命也余年運而往矣惡  
用役役乎擬諸形容而記之而誅之爲哉余過  
矣

素園存稿

卷之十

三十九

王母陳宜人八十壽序

嘉靖辛亥同年王子公沛以進士出倅建昌實  
奉其尊堂陳宜人養焉王子都人也去家數千

里而其兄以錦衣職宿衛恒日夜念曰弟其勵  
于官其以陟來乎雖宜人之心亦無日不念也  
雖王子之心亦罔不念其兄之念母與宜人之  
念其兄也出勤王事入懼母顏政乃大和聲譽  
用洽三載甲寅爲戶部主事果陟矣而得留都  
兩都相望亦數千里於是母子昆弟之念殆不  
可釋者知王子者日登堂舉觴賀宜人懽也而  
心亦爲之戚會歲長至部例以屬郎一人捧表  
入賀部中郎僉以王子宜行乃王子得以是

素園存稿

卷之十

三

奉宜人歸慰其兄不惟王子以爲喜而凡知王  
子者喜可知也乙卯春正月廿有三日寔宜人  
設悅之辰壽八十矣燕喜之筵計期適合諒日  
北上而同年同官者謀以爲宜人祝委役於余  
余與王子同出南海篁溪鄭先生之門觀政同  
兵部官同曹於同年中最親其聞宜人之賢而  
宜壽也固悉宜人初歸王也解其奩以撫異母  
弟姑郭中年喪明宜人左右承順者四十餘年  
未嘗不適其意郭臨終祝曰婦孝如是其昌王

氏之後乎王子少孤也宜人每親課之學至夜  
分事井井不賴家督在建昌暨今恒勵子以盡  
職致身吾無家念也恐墮其志云夫宜人年且  
耄高矣猶康健親內政步履不少衰殆若神明  
所扶佑者厥子方階文武業寢顯王氏果大昌  
郭之祝有徵乎且王子負材氣磊落思盡節  
明時聞南北烽警恒扼腕太息以爲耻衆咸謂  
王子有濟時略王子其允矢志益不怠期奮于  
前聞人以壽宜人于千萬年是其在王子哉於

素園存稿

卷之十

三

前聞王子拜諸君子皆拜乃敘以別王子以爲宜  
人壽

### 尊經會錄序

歲庚子邑之士應試者幾三千人有司者三試  
之三選之其進而肄業于庠者七十有五人耳  
蓋其難也吾里之與者十有一人十有一人者  
例有會會以文文有錄錄其善者以相觀也所  
以重講習也錄曰尊經余則竊取之矣嗟乎經  
之尊于天下尚矣其庸自今乎而胡以云爾也

夫余爲侮聖人之言者言也夫曰尊矣而可侮乎夫既侮矣而曰尊乎蓋孔子言君子所畏畏天命故畏聖人之言小人之侮聖言也由不知天命也夫既不知矣惡知畏天且弗畏何有於侮是以無忌憚也夫何以徵之也試言其略論語之書蓋聖門升堂入室之徒善言德行者也未有高遠之論也一言以蔽之曰下學而上達達無可言也而言則盡道是以爲聖人之言也彼以爲從外入者未得其門者也蓋孔子於及

素園存稿

卷之十

三

而夸之以惑世其亦不知類也孔子曰默而識之學而不厭蓋無內無外合一之學也學不求諸心則昏而無得是之謂罔道聽塗說德之棄也是以識之貴於默也苟因是而有厭學之志則將墮於空虛聖人憂其殆矣故自言嘗終日不食終夜不寢以思無益不如學也其誨人亦至明切矣夫子焉不學謙已而以身教聖人之仁也蓋孔子所稱語之而不惰者惟顏子終日如愚而省其私足以發也所謂默識者也今也以默爲寂以寂爲空而所云學如弗及者則若姑置而弗講何其左枉於梵典而果於侮聖言也聖人未嘗自聖也文之至德而望道未見孔之心文之心也一則曰我無能焉一則曰何有於我謙謙翼翼固所以益聖耳而曰我無能者非謂不能乃無能所無我和也蓋與釋氏之旨一也曰夫子自道謂門弟子不能知也噫天下地上惟我獨尊佛不至若是妄誣佛者之言也以誣聖人耶善哉善哉點僧贊僧所以與

素園存稿

卷之十

三

法也而洙泗之間有此氣象耶曾是爲尊適以滋其侮也孔子嘗自言其爲人也曰發憤忘食樂以忘憂不知老之將至此時習之而說之說也今乃曰時習之無時不習耶學不若是勞也孔子聖之時學者亦習其時而已噫此粵之人聞長安樂則西向而笑其身固在粵也無論至聖非可以一蹴至夫化不可爲時也而可以習者乎孔子去魯蓋不稅冕衛靈問陳明日遂行若其習之則何以速故曰知幾其神乎寧用終素園存稿 卷之十 三五

得作矣孟子所以欲正人心也昔孔子作春秋知天下有罪我者然亂臣賊子懼矣孟子之好辯不得已也而以能距邪說望聖人之徒噫罪與懼非敢知也而邪說人人得而距亦何尤焉苟志於道矣孰非聖人之徒歟吾是以竊取之而以望於吾黨之士也十一人者吾孫翊也與焉而吾於吾黨有一日之長是以云



畢孟侯詩序

畢孟侯使事既竣將還

朝爰集其詩言曰康也勤萬卷而論百世則弗敢畫而苟不以正於當世長者將惑是懼請辯焉余讀之竟曰是大鄴之靈運也夫體具矣辭麗矣堂室之間無弗詰矣夫孟侯垂髫而摘藻已驚時輩弱冠幾立而秀絕清華之署造物者不以簿書期會役之既縱之矣而孟侯之篤嗜苦心其揮屈壘而短曹塙何超軼也余年運而

素園存稿

序

往矣秉燭之明奚以益于日中之煌煌哉蓋嘗讀涇野氏之序空同子之集也惜其爲屈宋諸子而曾思程張胡弗爲也曰君子哉涇野氏之論歟余則有疑焉夫使空同子不爲屈宋諸子始可曾思可程張耶卽爲屈宋諸子而不可爲曾思爲程張耶余以爲道一而已矣理學詞章非岐爲二者也且也洙泗之門固列文學之科質勝則塾草創之討論之潤色之是以善爲辭也辭之弗可以已也言不必有德則蔽非文之

通也列宿之章也百卉之華也天地之文也而可曰何以爲乎孔子曰文質彬彬一言盡道是以世爲天下法涇野氏之論毋廼岐而二之歟余是以疑雖然子言之辭達而已矣吉人之辭是以貴其寡也空同子之集或自有可損者雖不掩瑜而元凱之僻皇甫之淫倘有撓之者歟故夫涇野氏之論君子也孟侯之才力自可屈宋諸子可程張可曾思涇野氏之論請以爲孟侯益願孟侯兼之孟侯方以宅俊楨

素園存稿

序

二

國其虛已以應世乎則定性之旨也先憂以匡時乎則訂頑之度也事有道之朝言足以興不變塞焉則曾思之訓也若是而爲屈宋諸子其文辭以載道也奚不可者合併而時出之大人之學具是矣木訥者薄華溺博者忽樸其于彬彬之道胥有間歟余年運而往矣其言世應以爲迂雖然願孟侯之兼二者而一之也



千一錄自序

聖人之言非一端也其在當時門人固有發所未發而爲夫子所取者矣雍之言然偃之言是商賜可與言詩是也子路率爾迺曰何必讀書又曰子之迂也夫子惡而鄙之然門人不敬之則曰由也升堂矣豈以徑直者固賢於苟合乎顏子幾於聖終日言無所不說而夫子以爲非助我其餘門人不能無疑也疑斯問問斯辯辯之弗明弗指也洙泗之答問卽虞廷之吁咈其

素園存稿

卷之十

遺風可想已自聖人以下容未能一言盡天下之道也則旁通觸類教學相長雖門人於其師無嫌於就正請益百世之下聞風而起弗慮胡獲事師無隱非背也今謹愿者或固守訓詁尊所聞而不能知所止猶置身井中不得他有所見是自小且小夫道也迺狂斐之士偶舉一隅未覩全體遂操戈自喜簣鼓洗索其視先儒若前薪然日務凌而上之議者謂楊雄擬經比之僭王今之標幟而剽墨者罪浮於雄矣此其尤

胡可效哉余耄矣少所涉獵時而有疑今大半遺忘矣卽臺齋中偶與客談稍存其畧蓋愚者之慮庶幾千之一也置之篋中以俟知言君子萬曆乙酉仲冬望

序二

千一錄錄經解也而子附焉子有輔經者有畔經者於是乎有評矣評子所以明經也詩者經之流乎三百之後可觀而興者未盡亡焉君子是以游於藝也作者邈矣逆志以意得於心未

素園存稿

卷之十

必契於古也而存之以俟其庶乎客談以廣聞也多聞而擇知之次也余未之能蓋嘗從大夫之後故及政從事四方東西南北之人談非無稽也識之將以有擇也必也其折諸經乎俗之降也懼其拂於經而未已也君子思以閑其家焉亦曰反經而已矣古之君子以身教而疑者曰遠其子易之家人則云嗃嗃者吉有嚴君焉能勿誨乎如之何其不屑之也余則不能寡於辭焉無亦曰耄及之幾智焉聊以示後之人乎

若其有裨於經也庶幾哉千一之云也是錄也  
集於耶臺齋中今十有四年矣帙之爲卷二十  
有六其續也則各從其卷焉余少也嗜於辭既  
冠而疾登第而無能優於仕也學則荒焉今老  
矣記曰老而學猶室中之燭所照者近也古之  
人乎日知其所以月無妄焉安能無所用心而  
徒求飽乎然余非曰知之乃好之者也衛武有  
言毋以耄而棄我余友二三子將就而正焉  
萬曆戊戌季夏既望

素園存稿

卷之十

右錄二十六卷中多隨筆未能易業也更閱  
之可刪可論者非一矣自後精力亦足以發  
否邪古之人所以惜時也姑識之辛丑季夏  
望

素園存稿卷之十一

記

德慶堂記

新安方弘靜著

素園存稿

卷之十一

吳君某率其季某成堂于南溪之上奉其尊君  
雙松翁及母胡孺人居焉於是雙松翁及胡孺  
人壽俱七十矣懿親賓友自郡邑之內咸集以  
落成稱壽焉客曰美哉堂乎黃山若屏澄江如  
練暈飛繡錯雲團松偃宜煥宜涼以祀以宴其  
盡邑之麗乎吳氏振哉非德何以有是矣吾聞  
之植深者陰廣德厚者慶長吳氏數世以善名  
矣雙松翁敦禮薦誼耻俗之靡而務崇其樸夫  
惟樸乃恒恒乃大其植深矣君也承之以昌以  
熾引而勿替曷非今德之治乎是堂也德寔基  
之矣請以是壽方子曰善哉客之稱壽也夫言  
慶必本諸德又必本諸其先世之貽頌也而規  
寓焉自張老以來未聞斯言矣且夫德也豈惟  
貽之者之足恃夫亦在善承焉譬之堂也旣以

基之又務構之其德不忒慶乃延矣吾聞之家  
之肥也以睦弗睦斯睽乃鮮克慶夫家有長子  
曰督督實幹也幹之弗固曷以立矣夫吳君結  
髮從事四方乘時自殖以致于素封雙松翁蓋  
委成焉堂之成君之力也幹孔固矣乃君不以  
自多朝夕率其季務睦厥志以承翁之訓惟陸  
是懼季也愿用益睦焉夫懼德之基也睦慶之  
本也吾聞堂之成也君與其季戮力於外翁與  
孺人總之于內百堵之興也日役數百人一楠

素園存稿

卷之十一

二

一石咸取裁於翁翁與孺人謀之經始慮成纖  
毫弗爽雖強有力者弗逮也君昔艱於嗣是歲  
也得丈夫子二焉黃耆之徵如岡如陵孫子之  
振振鳳噉而蘭茁厥祥見矣易不云乎必有餘  
慶德也是堂也其名之曰德慶庶幾顧諟之義  
君之後人其益務樹乎則世世勿替也於是翁  
乃舉客之觴君徧拜客謝曰諸君子勗我以德  
惠及我後人昭示無極珽不才敢不夙夜兢業  
以承餘休以拜諸君子之賜

璋谿草堂記

璋章也判合之器也章之言別也文也物相雜  
曰文文足以有別也凡水從章者瀨上之章貢  
當陽之沮漳毫之漳渦雲夢之漳鄖皆以其合  
流名之水之過水也而有別焉故有數十里如  
璋者君子蓋於是乎有取焉草堂是兩谿合流  
之渙當夫百川之灌先後時至色若璵璠及潦  
收漪清瑩然如玉矣璋之質玉也谿足當之故  
名之曰璋其在君子以同而異和而不同故在

素園存稿

卷之十一

三

朝則吁咈可否正色而弗阿居鄉黨恂恂似不  
能言者然毋徒使皆稱善而已焉是以貴有別  
也同而異類而辨是之謂大同合并以爲公夫  
是以有取於水也夫淄澠之合也易牙能辨之  
君子之同心也或出或處或默或語其異也若  
是其利斷金夫孰能間之故五色之相宣也以  
成其文五音之相和也以成其樂君子相觀而  
善是以成其德也若夫水水火火琴瑟之專一  
是汙合也君子斯惡之矣在易物不可以苟合

故賁之辭曰文明以止止者不過乎則也則之  
不過乃合天德德斯成矣乃若刻意有我者則  
矯之以爲異也其隘也君子弗由也譬之水激  
而過山集而盈漕澗可立而待矣惡可以至於  
海也是故君子之道溫而理淡而不猷闇然而  
日章可與入德矣記有之圭璋特達君子於是  
乎比德焉詩曰如圭如璋此之謂也

### 淳安邑治記

淳安庠汪生士慧周生宗文自淳之歛介吾友

素園存稿

卷之十一

四

鮑丈人以見言其邑治之維新而邑之縉紳耆  
老咸願有以紀之也曰以示我子孫黎民尚亦  
無忘哉余覽其所述則吾宗人二舉人之辭也  
蓋淳安爲邑肇自孫吳曰始新云其後名屢更  
而邑未改迺邑治則元之季也燬焉以兵故飭  
明興以來漸次構飭至嘉靖間規制畧備矣迺  
麗譙之外屏牆之內不越數武其所謂莊衢者  
又稍爲居者所侵益湫隘弗稱邑大夫出則廛  
廛無留行朝夕政令之布其有徵發期會聽於

公者郊鄙之民於是輳集則肩之摩踵之接者  
相倚也仍陋襲簡以爲固然如具瞻何萬曆癸  
未泰和蕭令君蒞甫數月而百度無弗舉若歷  
有年所者迺曰夫古者建邦立極嚮明而治其  
在匠人所營則塗之所容軌者國中郊外咸有  
定制要之通達平直如砥如矢君子履之而小  
人所視也夫淳最爾邑抑亦語所謂安見非邦  
也者苟而戶閭之外若以爲耳目之所弗及務  
自蔽塞爲煦煦恩而縱夫豪黠者得倚市日蠶  
食焉以益其私罔所顧忌則何政令之爲在易  
觀之二闕觀可醜者其是謂矣我其任之夫儒  
者動言土階卑宮耳此甚高論其於有位殆遽  
廬視之寄之一宿不暇席煖而有行色苟非薄  
書所急寧惜大體也夫通變神化使民宜之一  
示之以儉一示之以禮政非一端固各有攸當  
也在詩之頌不曰商邑翼翼新廟奕奕乎不曰  
臯門有伉應門將將乎於是自中亭而堂而廡  
而門咸整而飭之不日而邑則煥然改觀矣於

素園存稿

卷之十一

五

是徹其屏牆因其坊而屏焉於是地之相入者  
易之其侵者正之易之者平其值正之者貸其  
罰朝令而行夕禁而止則視昔豁然長廣倍之  
有半矣坊之名或俚而未雅也蓋更者二曰文  
獻名邦曰三元宰相仍者二曰承流曰宣化於  
是爲申明旌善之亭於是爲陰陽醫學於是爲  
懸示之廊位置有所經營有序帑不告出民不  
知役踰時而畢不愆於素入其邑者以爲神與  
其能而劃若天造也大哉觀乎於是乎稱首邑

素園存稿

卷之十一

六

矣蓋孔子稱子賤之於單父也則曰魯無君子  
斯焉取斯夫以大賢治小邑若刀發於硯解而  
不割肯綮之未嘗經者宜其不下堂而治易易  
也然且曰所事者所友者若而人矣爲政者豈  
恃夫一手足之烈卽武城絃歌之聲固亦得  
焉爲之本也夫淳之文獻尚矣卽吾家太常  
於漢玄英之於唐皎峰之於宋經術文章載在  
簡策邇者若商文毅徐康懿胡莊懿之數公者  
各位勲猷炳于丹青固海內所推讓也夫文教

其著者也是故特表焉是舉也無亦曰吾以盡  
得一國之善而尚友乎昔者讀其書論其世其  
文獻足徵爾也且猶曰吾是以中國而立之標  
準俾諸人士咸於是乎有所矜式而仰止矣爲  
政者將教化以爲先務而所以道之向方者庶  
幾哉其有藉乎則於政也過半矣若夫父母豈  
弟宣布德化使上澤下流無所壅者近民者之  
職也且曰吾朝夕出入之所顧諟者於是乎盥  
盂之矣故其名無更焉夫聖有明訓極之敷言

素園存稿

卷之十一

七

以示厥庶民是訓是行而旌別之淑慝政之大  
經也 帝德廣運慮民之天札而弗克終命也  
與其真然而動弗以順以逢菑害也順天因地  
範圍曲成立之學宮徧于寰宇十室之邑罔弗  
共是今甲之所列也弗可闕也已 在禮治象之  
法正月之吉於是乎布之蓋渙汗申命使若日  
月金石易知而易從也是故懸示之所弗可已  
也君子之謂是舉也有三善焉善爲政者非能  
有所輸納而與造化者謀也有所使而無所勞

有所作而無所費無他因而道之也故因舊爲新因俚爲雅事而無事力未半而功已倍民是以頌其智也作之難也民之難與始也作而匪平且以爲厲已矣是役也農安於畝工易其事賈藏於市未嘗與一渚之力焉蓋曰是可以出者可以入者也是施諸國中者猶之乎取諸官中者也民是以信其廉也世之下也民私其居匪一朝一夕之故矣彼且據以爲有惡知非其有而能終上之事登假於義云乎哉無亦以政在

素園存稿

卷之十一

八

惟行三尺之不可撓而善穴者無所乘其間也故今不俟三申不俟五信不俟言威不俟怒始而肅然以趨旣而翕然以和矣民是以服其勇也夫是三者善備矣究之則廉其本與語有之利今智昏又曰慾也焉得剛是故因其利而利之者罔不成有所利而爲之者罔不傾夫苟屋漏不愧苞苴不疚以質諸神明且弗違也而况於民乎古之君子所以仁以爲任任重而致遠者未有不率是道者也孟氏固云人有不爲也

而後可以有爲夫有爲也有不爲也則於天下何不可爲者其何有於一邑余是以不辭而記之以告夫爲政者今君名元岡舉隆慶丁卯魁其經是年余寔司提調故有一日之雅鮑丈人名遂歎人也而隱于淳二舉人一名世德一名學龍余先世遷自淳也今且復焉故稱宗人云

培本堂記

休邑泉源謝君曰本者字業以培之行矣晚廼築室於泉源之上復名其堂曰培本焉人問其

素園存稿

卷之十一

九

義君曰竊聞之君子之爲善不倦非徒以飭其躬也上思貽祖考之今名而下以勸其後其重如是故弗敢怠也夫謝氏也寔冠纓之舊而明德之胤也昔我先祖遭世之屯躬擐甲肯以事唐后顯于在位爰相樂土用寧于徽良初以來世有令聞光昭不替裕我後生今本也又才越在蓬華東岡之陂聊以卒歲曷能日承我先緒惟是朝莫以檢其身出言舉步必自度于矩則是戰是兢以無貽辱之故庶幾日後之人其

有繼用大于厥宗以弗殞我先世之聞譬之如木旣或植之矣本也願時溉焉時沃焉冀枝葉日有茂也苟失其養懼爲槁焉敢無培乎是本志也其甥吳生子玉學于歛以告方子方子曰大哉君之名堂也可以示後矣且謝氏必將大夫家之有崇替也如循環焉休咎相躡盛衰相倚恒智者信其然而莫測其然也民之所欲天必從之咸其自取伊誰云憎故福鍾有兆禍集有端積善餘慶不義速斃古之君子所爲克已

素園存稿

卷之十一

十

自強壹壹不已也夫千仞之木非旬日所長百尋之臺非一手所構何則由小至大積之有漸也故家之興也其祖父能勤力勞慮戴仁抱義以啓佑其後其子孫亦能思其先世之艱率履不越夙夜匪懈以無忝其前人如是故天錫之福寢昌寢熾迺能奕世有聞不墜厥宗也及其衰也其祖父不能履道樹惇以垂訓其子孫不能率德由禮以承烈或前有休聲而後無繼替故堙替不振世祿之家降爲興阜千金之子身

或行乞何則其所積者然也語曰天事恒象鹵莽而耕者亦鹵莽而報之矧其日加斧斤焉而求其底不亦難乎夫謝氏固喬木家也其累世之勤忠信以壅之禮義以固之其根蟠結而枝條扶疎矣將復培之欲無大得乎梧桐翼翼鳳鳴是集豫章千歲棟彼明堂培也吳生曰君蓋行能顧言者云今其年六十矣而力行靡逸其嗣子咸克家遵訓若是殆將食其實者謝氏果必大于之言有徵哉

素園存稿

卷之十一

十一

建德館記併詩

莊生言南越有建德之國其民朴愚寡欲作而不藏與而不報不知義之所適禮之所將也由其言大類古無懷氏誠有之矣顧中世以來未聞有造其境者惟晉陶元亮嘗至焉其詩曰結廬在人境而無車馬喧何以故心遠故也夫心之遠者跡固非所限其自謂葛天無懷之民蓋實錄也余逾老乞休值故鄉艱食嚴灘之水不可以航迺暫寓都城之館夫余之於斯館也旅



人耳其視五柳之宅邈不可企矣何云建德然  
余以爲境有近遠其歸同也覺有蚤莫其致一  
也夫迷於途者堂庑之間有顛躓焉比其覺也  
則無適非適也余之寓於斯也汎乎若虛舟焉  
容膝之外日中之市踵之接肩之摩者殷殷而  
雷聲余罔聞也廼都人士過者不以鄙陋棄余  
不以報謁望余時而琴觴時而嘯詠幾相忘矣  
自秋徂冬足未始踰戶而所謂南越之南道幽  
且遠者蓋日至焉山林與臯壤與奚必涉於江

素園存稿

卷之十一

十三

汎於湖而後可卽與余方以鷺鷥一枝爲大鵬  
之九萬何近何遠何蚤何莫何非吾鄉在易則  
所謂上不在天下不在田止其所不見其人者  
殆庶幾與然則斯館也名之曰建德未見其舛  
矣 南越有邑名曰建德昔無懷氏嘗居其域  
少私似愚妄行匪惑作不知藏與不復嗇旣鮮  
伎心會無德色侗今以朴安用多識聞之莊生  
樂哉斯國若欲至之不假糧食中世以來未有  
問津入其境者惟晉淵明南村之廬寔與爲隣

華軒旣辭素襟遂冥披褐屨空卽事多欣一觴  
獨進六籍可親天豈去此此焉全真邈與世絕  
哉 上人余親其始辭班行都城之南冠蓋  
煌煌一捐塵累迺蹈大方孰云臯壤孰云康莊  
琴書式展盟櫛時忘義偶有遙禮非所將柴桑  
之里建德之鄉江與湖與宛在中央岬庶可登  
崖詎徒望遠哉茲館予以徜徉

遊桃花塢記

素園存稿

卷之十一

十三

郊行籃輿十餘里散金匝野香氣襲人已足快  
矣觀音菴山迴泉冽石巖壁立如屏雖未稱深  
廣足奉大士莊嚴畧具亦一佳境也循澗入塢  
威夷峻阪緩步躋攀余能偕焉千嶂秀色競欲  
近人可挹而不可挾也桃花爛熳山谷殆數千  
樹未減一片令人想像武陵源中惜未有茅茨  
鳴吠意秦人猶深處耶郡陞也花下僅成蹊餘  
皆麥畦不可以藉主人觴具乃復于菴中小坐  
泉漱鳥鳴與梵音相和不啻笙竽酒如約毋強



甚深淺隨意意適乃止倚檻臨流遲迴未能去  
從者曰薄暮矣輕陰且合得無露衣耶乃行入  
門侍者以雪茶進余爲半飲而雨聲已颼颼矣  
迺知大塊假我以良辰也向非主人之勤諸君  
子之勇徐徐一二之日則萬點風飄花且笑人  
人且愁花直待明年還人耳茲遊惡可無紀余  
衰甚不事翰墨僅賦近體五言八句惠運與羊  
何輩共和宜盡才興無拘體要以不負茲遊同  
遊者吳君伯高丁文學叔向余宗人建元從弟

素園存稿

卷之十一

十四

羽仲姪伯元君式兒以蒙主人吳郎肇成也萬  
曆甲午仲春幾望采山方弘靜記

遊梨園記

遊桃花塢之日其暮雨自是雨間止輒復陰蓋  
自元日來以然也端居深念幾失梨花矣廿有  
一日晨起汪子士能來言曰今日始曙微風自  
西淡雲欲微黃羅爽氣青陽且有意乎迺約僮  
遊者先後行期會于石際蓋自石際以東至于  
石嶺縱橫綺錯幾十里土宜梨千樹乃封君等

比戶藝之日以益盛也往者宜梨名江南踰嶺  
至歛今歛梨走四方矣地之不遺利也亦歷故  
哉余辰出里門市聲漸隔都非凡境曖曖依依  
遠墟近曲蒼松白屋原疇交互意且爲仇池耶  
南村耶中且有素心人耶余襟灑然余志慨然  
幾一觀之行約八九里許士能與建元羽仲俟  
于前曰此有佳趣余却與人而步蒙也以杖從  
余是日始杖曰古之制也不可廢也余從弟仲  
美自天台來與伯高及余宗人超宗林宗偕至

素園存稿

卷之十一

十五

境近耳山莽莽迴合若無人澗水清淺細石若  
鱗激珠瑩玉枕之未可聊掬以漱其寒冽洗人  
心神覺風生兩腋御之冷然山禽一鳴塵襟自  
遠余善諸君子之妙於賞也過一村猶然小市  
頗瀾雜遠望之非前所疑南村仇池者耶余昧  
焉自失矣去村約百武卽花下士能以槥從每  
花盛處輒數酌隨意無量花玩之亟觴至乃不  
暇持所談悉花事也問花何似則以太白白雪  
香句足當之夫白雪之白擬者數有禁乃又以

雪擬花耶梅花破臘與雪爭春擬之倫矣然堅  
水方凝址戶欲塞袁生且僵臥耳非襄陽高士  
惡能策蹇尋之柳絮因風名之晴雪亦足泥人  
余病其太狂也今之狂也非古之狂也茲遊也  
節值中和和風吹面於老人受之宜芳菲萬樹  
一片未減含笑欲語穠淡雅稱矣吾聞花有神  
則藐姑射之陽綽約若處子者其儔也歟總之  
梅清之至者也梨清而不苦柳無論焉如以遊  
也梨乎吾與之矣談既洽叔向以其友吳伯徵

素園存稿

卷之十一

十六

氏來曰高軒過主人不與聞耻也園之左有先  
人之敝廬昔定州叔父嘗獲聞教於執事者屢  
臨之矣敢介紹文學用徵惠焉余爲語客昔王  
子猷看竹不問主人乃爲高爾耶殆適然事耶  
今茲所過十餘園矣未知主人何誰焉從問如  
伯徵氏禮恭而辭雅宜不聽子猷出乃相與造  
焉定州者罷守而遠遊余別之且十餘年矣其  
從弟文學亨甫候于門問定州所之莫能測也  
或曰終南余飄然有遐思焉時客已半醉爲主

人縱飲闌矣梅文學李豹自白嶽謝文學少廉  
自黃山始至道遠且迷恃神王未憊也奇士也  
固能奇哉主人移櫓于園亭亭三面花花最盛  
季豹宣人也乃未嘗覩也余詠焉明詩連林人  
不覺其語故真耳日斜矣二文學亦醉主人意  
方殷客興未已復談花事余憶金谷集中語茂  
林芳梨與諸果樹並列無論株幾何簫管清悲  
約所禁也彼和昂實鎮海沂者其人寧足道哉  
必也蘭亭雖非言花乃其崇嶺激湍竹樹映帶

素園存稿

卷之十一

十七

殊類今遊一觴一詠無假絲竹又何雅也其中  
有偉人焉故足慕耳天朗氣清春日乃足述非  
疵也詩誦之亦自有佳致宜倣其體各賦一首  
日云暮矣遊適矣主人送出村乃別萬曆甲午  
仲春朱山方弘靜記

### 後遊記

新安江水至清自昔詠之余里江之汜也豐賴  
之水合焉是日巖谿灘不勝舟第可以筏其始  
樂水者從而方之而檻焉慢焉其平如砥乃無

讓鷁舫矣春服既成新水纔添群從之彥偕半  
若何請以上已爰修禊事余報諾後至門乃登  
順流而浮至于神臬蓋里之東界也鳳臺積翠  
鴈塔凌空水夾鏡而橋落虹兩岬麇飛千室鱗  
次美哉觀乎宛若東西吳矣彼水國也勝百斛  
而匯五湖其大者也如以沾纓上之塵耶則不  
與易谿源黃山此焉百里從是而下爲嚴灘錢  
塘與伍子之潮會谿之委也非遊之所窮也爰  
泝而西巖於澄潭澄潭者里之西界也深而見

素園存稿

卷之十一

十八

底其崖石平處可坐十人云昔有丈人者垂釣  
于此其釣莫釣惜未之遇也石壁縹緲空青相  
映返照入而倒影懸焉余詠紫閣峰陰之句意  
岑杜之所遊歌者類是矣余幸矣諸賢才興方  
邁綠筆于雲誰之弗許毋畫也瞻彼崔嵬有樵  
徑焉余以一童子陟衆則躍如途據其巔乃藉  
乃觴蒼松千章惠風協之以笙以簧輕雲停焉  
假我清陰如蓋斯張尋丈之外繳焉載陽亦異  
矣哉有鳴嚶嚶嘉彼同聲聲之清矣境之幽矣

大哉觀矣天都雲門之峰與疊嶂競秀百里千  
仞去若尺五可挹而就天之高也地之下也宇  
宙之無窮盡也不下帶而存矣藹藹郊墟茂林  
間之千家之里百家之族櫛比綺錯未可遽數  
庶矣哉吾鄉也百畝之田一人耕之食之者乃  
不啻百人矣柰何日侈吾未見以約失之者也  
識之哉觴行有恒酒毋及困奚取如泉劇談微  
言村烟俄合乃復于筏徐牽而泊蓋意未已也  
而日云夕矣晨而集酉而罷庶無荒哉茲遊水

素園存稿

卷之十一

十九

嬉也而兼山之勝良辰美景兩不負焉遊其適  
矣乎夫觀水者必於其瀾登山者必於其巔有  
本故達是以貴日孜孜也詩言志蓋各賦焉無  
分韻無限體惟適也子不云乎遊於藝萬曆甲  
午弘靜記

### 遊高嶺記

里之南里許曰高嶺嶺高出諸山竦而尊矣而  
坡陁威夷可輿而登也其巔石也而墨色其平  
可席遊者張之幔焉則若亭矣汪司馬因呼山

爲幔亭者也余白下歸之明年季秋十有一日  
始與諸子登焉余九年於外歸且耄矣層巒疊  
嶽之靈且相問也嚮得無移文矣乎顧其壁立  
者若益削羅列者若益媚未余拒哉振衣四顧  
若合浦之珠還若巨靈之掌合南黃羅壯天都  
東紫陽西金竺各從其方以群峰環焉如垣如  
屏百里若咫尺來几下竒有喜色溪流縈縈界  
其中央如練如帶如牽長鏡石梁虹焉客有歌  
曰有美人兮水之漪遡游從之兮安所期余拊  
素園存稿 卷之十一 二十

彌望青青是無嚴冬焉知有秋有以也夫尼父  
嘆其後凋也斧斤未加連林不覺耳惡知其可  
封耶爰有獨樹據巔之危如蟠虬如偃蓋衆所  
稱古而竒者久矣余先世之有斯山也嘉斯樹  
而勿翦也樹有古貌猶能惜之矧其人乎夫古  
其心而鮮諸於世者非無人哉撫而盤桓淵明  
其有深思矣於是從者以楫至觴焉客毋辭也  
主毋強也于以嘯歌衰顏以酡風冷然來于以  
御之夫非遲遲之日也何其假我以惠和乎茲  
素園存稿 卷之十一 二十一

者反復而存之者幾希耶夫有虞氏之崇高也  
歲巡五嶽其身與民皆不知勞是遵何道哉文  
中子知之矣余田野人也歸逾年而里中之山  
乃始一登余之陋亦已甚哉蓋吾見今之遊者  
矣或肆之筵或奏之伎東山之偉人猶不免焉  
若曰得志爲之而使夫觀者稱美焉斯下矣是  
惡可與聞有虞氏之風乎夫有虞氏尚矣彼其  
道路之闐溢而愉羨者亦何知歟不有鶉衣藜  
杖而過者乎吾知其弗之顧也請與諸君語遊

書園存稿

卷之十一

三

也毋卜日毋宿具毋侈盤殮良興至班荆焉  
可也或二三子焉或五六子焉里門之外皆佳  
境也奚必五嶽夫有虞氏有天下者也故外其  
身而爲天下吾儕則擊壤而忘帝力者也及爾  
出王及爾遊衍夫何非天遊乎山嶽也奚俟婚  
嫁爲且夫遊適也已適也非人適也奈何侈觀  
適有二有物外之適有塵中之適物外之適曠  
士之所懷也塵中之適俗士之所競也夫所爲  
林懸峰前而請迴駕者非以汗其靈故乎斯二

者於諸君何居皆曰諾謹如約乃記之以授司  
糾氏諸子者俞子臯仲吳子肇成余宗人建元  
從弟羽仲主人汪子士能兒蒙姪旌以杖從翼  
之日名賦詩一首萬曆甲午采山方弘靜記

重遊桃花塢記

桃花塢去吾廬十里餘耳萬曆甲午余春秋七  
十有八矣乃始一遊遊循澗入也其岡阜威夷  
躋而不危幽而不誼余徐步而先介介乎若武  
陵源深處無論遊者屏跡即秦人鷄犬且遠之

書園存稿

卷之十一

三

耳余甚愜焉每花時意未嘗忘塢也自午至酉  
忽復四度開矣春來風日旣佳而花之爛熳開  
逾於昔余心有萌焉適潘氏二仲請具觴豆如  
真率約而姪獻成兒巽以杖從余盥櫛而往所  
過村墟蒼林白榜鬱曖可晝散金在畦間芳馨  
夾道而日遲遲而風微微纖塵不飛余于于而  
御之澗水泠泠絲與竹合意王逸少山陰時所  
應接不暇者亦若是矣疇昔之遊轉盼歷歷令  
人興懷一何駛也適道者由大士巖石陟其巔

徑又處僅容足幾類伯昏無人所揖列子者余雖由然與之偕哉而老氏之戒冒矣夫足之於地也踐其徑也踐踐一也而坦然者與凜然者則有間矣進乎一則天台石梁亦奚以異於介然之蹊哉是日士女雜遝若臨淄市上殊非山谷境與昔者大異余驚焉余語同遊者文待詔掩面過行女夫且無見無見無視也奚掩爲獻成曰待詔修之者與彼捷其外以扃其中者與其掩也若將掩也巽進曰夫殆以訓俗也男掩

素園存稿

卷之十一

五

面而女殆容則耻矣蓋曰且有格乎余兩然之巔雖峻甚然大觀也四顧疊嶂黃羅烏石雲門天都咸就人衣袂而從木末俯花花若加艷且無遺翫細草方茵可藉且觴焉余覺遊者稍稍引避管絃之聲輟余不欲久恩之二仲曰前岡竹林頗茂富有嘉趣迺相與造焉清陰四合塵囂遽隔從者以觴進深淺無筭余不能多飲飲輒醉同席者從其量咸近醉矣夫茲遊以花也而醉於竹子猷固云何可無此君哉然余不能

忘曩昔之遊也問徑焉從者曰茲去僅里許耳必欲周旋其勝則且十之余視日斜矣遽而往遽而歸非適也乃止更小飲而行夫塢亦最爾去余之居若是其未遠也而余幾耄乃始能遊逾耄矣乃能再遊遊至再乃能盡塢若是其不易也何言五嶽又披圖指某所名山稱慕之哉且今之遊者吾見之矣以大士來者十九以花來者十一卽以花來者重累於此而寂寥於彼何哉此近市彼曠野也夫市事繁則野事屏矣

素園存稿

卷之十一

五

余之僻於野也其甚也四年而再至何以遠於市也雖然有要計塢之花不且萬株乎杜氏之堂其下五株耳而語花者至今述焉余園中花十餘株視塢則已少視杜則已多吾以園之花觀塢之花其觀一也無論塢卽塢池之上三年一開其開時與吾園中者豈異哉余八十年而遊者再非疎也作重遊記丁酉二月十九日

### 觀梅記

客有謂余子之記梨園也以梅爲清之至若過

焉者無乃孤歲寒之操與余曰唯唯惡然余非  
過梅也無如冰雪何也今年春意較遲仲月五  
日園之僮報梅始放時積雨彌旬間止日則中  
矣余興勃發命與人徑造花下池之上一株最  
大而茂團團如蓋下可几席焉蒙也亟以杖從  
未暇有所遲也酒至爲進觴者三乃陶然適矣  
西二百步許則之小圃榜曰引春中皆梅也圃  
人以八株結爲亭花覆之郁郁乎簡而文矣古  
之巢居氏然乎哉環亭之花紅白間吐窅然貌  
素園存稿 卷之十一 壬午

日射沼中魚之出遊也悠然余謂蒙知之濠上  
乎濠上之知以我觀魚我知魚也知魚知天矣  
對曰莊之普通物與其萬物皆我也與余然之  
觴至更一再進焉則醺矣昔揚州東閭詩興爲  
動浣花江邊垂垂催人斯亭也斯沼也其大小  
縣矣而花不異花不異則閣之與亭也江之與  
沼也奚以異哉夫余髮且禿何論白不虞催也  
詩則漫興無庸愁花爲耳而且以花適且以花  
忘乃看花之愁則庶幾免哉沿沼而南折而稍  
素園存稿 卷之十一 壬午



去北海而歸西伯也與登西山而采其薇也意  
豈異哉其清一也夫梅固與雪爭者耳花在雪  
中清則至矣今茲節近中和而花始放不曰清  
乎有緇乎哉而就與余遊之適也以彼其清象  
聖之清彼一時也西山之節也此一時也西周  
之養也夫伯夷也與其西周之大老乎與其西  
山之餓夫乎之二者迹也以迹知伯夷非知伯  
夷者也故知伯夷之清者斯知梅矣吾過梅也  
乎哉蒙也識之萬曆戊戌補齋居士記

素園存稿

卷之十一

三

重開新碣碑記

周禮以九職任萬民而先之三農生九穀蓋其  
重哉夫民國之本也食民之天也民之有生也  
固用天之時因地之利者也地闢矣天則靡常  
時而恒若七八月之間苗稿矣而望雲霓其可  
恃乎王者裁成輔相之政惡可以已矣夫其夫  
間有途十夫有溝百夫有血千夫有漚何其詳  
也其詳也蓋其重也夫固先時而爲之防矣不  
幸而有災猶幸而不爲災是以府事修治而漚

邦屢豐也蓋自并廢溝湮民罔攸賴而予遺者  
乃靡神不告雲漢之詩則已然矣惟是循良之  
吏相厥地宜爲民興水泉之利代有人焉若白  
公西門召杜之流而上之課績率多用是爲幽  
明公卿之選恒必由之漢治所以近古也新安  
四塞之區山阜饒而田與水乏夫田乏則民易  
饑水乏則歲易旱水利之興寧非先務尤急者  
哉邑治之西有呂壩者灌田三萬七千有奇相  
傳梁大通間侍中呂公文達所倡開也歲久淤

素園存稿

卷之十一

三九

塞而又碣尾之田邈不及溉 明興永樂成化  
間鄉民鄭氏者具疏以請于是去呂壩而稍南  
更浚新碣而所灌之田三千有奇繇成化至萬  
曆百有餘年矣茲碣復塞一遇旱暵則三農感  
頌嗷嗷亡生萬曆壬午余兒蒙從諸父老聚族  
而議是役也非一手一足之烈匪藉生我者之  
威靈何以終事於是相率告於邑大夫于時邑  
大夫若鄭陳侯麻斌彭侯業嘗懸遂人之功令  
定均人之力政矣柰何民難與慮始也梗者田



而不夫猾者廩而不事民事也而上是慢問出  
底厥績哉茲吾倪侯之始蒞也孳孳民瘼百廢  
咸飭農人以告侯毅然曰此吾事也蓋不啻三  
令五申矣且謂尉呂君其循省有不率者董  
之於是呂君三宿田間矣而嚮之梗者猾者荷  
爭而雲集不日不月竭有不竭之源田無不溉  
之土環竭而受播者悉爲畝鍾何其速也扶節  
之叟踵門而言曰茲我侯仁覆之惠也尉君奉  
行之勤也百世之澤也胡可以無紀是在司徒

素園存稿

卷之十一

三

矣余惟勸農之政匪特周禮始詳之也上世以  
來繼天立極左右斯民未有弗重者也搢紳之  
士童而習聞之豈其在位司牧而遽忘之也乎  
哉而致力溝洫如杜父召母者何其寥寥也蓋  
嘗籌之則有以矣輓近世民僞日滋而法網逾  
密簿書期會所爲督察者也爲政者以爲不可  
已也催科亟矣寧論撫字獄訟繁矣何云謳歌  
卽剗割多材日不暇給而慶開讓蕪之典未聞  
有舉之者也夫民有田而能緣南畝不遺其利

長民者無違其時以擾其生斯亦稱良爾矣自  
非視國如家保民如子而又煩劇有裕孰能急  
所先務勞來不倦如侯所爲者乎又安得如尉  
君奉行之謹者乎是誠百世之澤也良可紀矣  
抑吾有以語父老者傳曰民生在勤勤則不匱  
農之有畔也舍而趨末猶且抑之矧其不率者  
乎今也邑大夫令之申之尉君董之民且格矣  
異日者於變之子無或怙終以負德化則百世  
之澤永孚于休哉是在父老其諭之矣此固邑

素園存稿

卷之十一

三

大夫所望於爾民者也

素園存稿卷之十二

新安方弘靜著

行狀

通奉大夫貴州布政使司左布政使漸江先生江公行狀

公姓江氏諱珍字民璞歛之篁墩溪南人也先世出梁蕭氏世相唐廣明中故相邁子禎者辟寇渡江始易姓卒塋里中而仲子鄭世守弗徒元末同知弘宗者以間右散家廩禦賊有功授

素園存稿

卷之十二

二

官一門奮義者數人語具郡誌及家譜中公父贈駕部公才有隱德母贈安人鄭氏子六人公其季也少與兄瓘治詩爲邑庠生兄病廢舉子業修古文辭有聲藝林而公與庠諸生試輒冠於是人士嘖嘖稱二江而推公經義專矣及公辭出則雅澹殆難其兄凡五應試嘉靖庚子舉於鄉甲辰登進士第授高安令高安劇邑號難治前令屢敗公爲之大率近民以平易而折節省約一無所擾會歲饑孳孳拊恤誠心求之民

大悅前令日急催科夫里在官者不得休息而逋積滋甚公乃與期約縱還生業民則樂輸賦無逋者邑諸生朱誥者以財俠交結郡守倅以下豪邑中嘗有所睚眦以病死傭喉誣之獄久不明公得其情坐誥罪郡守倅爲請弗得也會有詔選令治行最者補臺諫公爲選首至則補禮部主客司主事人以爲疑主爵者以公若不樂臺諫爲辭公聞之曰均帝臣也臣何敢擇尋奔駕部公之喪除喪起官如故尋喪繼母

素園存稿

卷之十二

二

張畢上銓曹時袁州爲政禮曹士所趨也久之不除公乃曰不可以塞競者路懇乞改南得兵部車駕司是時安陽郭公爲少宰問改故公曰以不服北土耳少宰輦慮曰安得長者言哉顧吾曹職守云何矣駕部於留曹頗稱劇會富稽審船差船差行伍士所苦重役也公悉心劑量毋使偏累又爲白部尚書疏上得減船百十較尺籍吏無所緣爲姦一切請托不行行都人咸服時有令禁所司濫給郵符以郵傳公奉法

惟謹諸不如今者雖有權力部尚書故人至爲  
言終不結由主事轉員外郎郎中秩滿得贈父  
如其官母爲安人出知廣信府府於江右故號  
沃土郡邑無名之費相沿以爲當然者卽公所  
裁省自守始歲不下千金乃嚴令屬吏務洗滌  
毋自汙抵禁郡中肅然紀崇者富而賈怨實不  
殺人而以蜚語久繫公知其冤御史行部力陳  
崇不辜狀御史語監司曰是何侃侃吾聞崇富  
人也守不避嫌乎公聞之曰三尺法不當奉耶  
素園存稿 卷之十二 三

戒壯士登陴嚴爲備賊遲迴不得間乃趨王山  
王山故無城今負印走賊大掠公檄數賊罪能  
斬三者無論賊黨予千金會督撫徵諸路兵稍  
集賊由未豐復入閩久之乃潰而御史按疆事  
固不及守則於計吏疏議罷之而銓部雅知公  
寢其奏御史更以疆事論疏下司馬議調守如  
御史言公捧檄則由由自得爲終老計未幾御  
史以袁州黨敗而滁陽胡莊肅公爲督撫察公  
賢疏薦於 朝移守郎陽尋轉江西副使進浙  
素園存稿 卷之十二 四

江右叅政先是游民據銅山者聚至萬人始以  
採鑛爲利間則爲寇所司莫能詰釀之且十年  
餘矣公至陳便宜四事未及行而賊破婺源掠  
休寧且薄歙公亟請督撫發兵要其歸路殲之  
因封禁其山餘黨悉散卒用公議以浙東兵備  
兼轄徽饒地方迄寧論功 賜金幣進秩一級  
尋轉江西按察使進雲南右布政使會肺病作  
投劾歸尋轉貴州左布政使凡再 上疏乞骸  
骨不報銓部移文促之任會病愈乃之貴州而

以前蘇題覆致仕公素簡重寡交既歸田茲杜  
扉習靜門無雜賓日焚香默坐案上書數帙  
復汎覽所著溪上稿家譜數卷存笥中草堂漸  
江上汪司馬伯玉著漸江先生傳語皆實錄云  
公性方直不能詭隨苟合然歸於忠厚與交久  
者則信爲大雅君子也爲令時固已不阿郡守  
倅然位卑名未顯未爲人所嫉故上下人人賢  
之無間言二千石則尊重有名矣人既重公名  
有不合則見以爲輕已故憾之亦所值者匪人

素園存稿

卷之十二

五

也然以御史力袁州主之乃不能沮公則是時  
郭公爲銓部尚書故郭公者前爲少宰知公者  
也素持正不附袁州亦自能結上知以故御  
史不能沮及爲方伯病萬里外決策歸矣而太  
宰爲蒲州楊公方以進賢爲務不啻公公感其  
知友人以爲宜行則勉出馳更萬里而太宰不  
知其出也故許致其仕如公志耳夫仕非於公  
所急也顧不沮於袁州而致於蒲州則數爲之  
也家居且十年天下士傳啓事中所稱賢者未

始不及公知公矣力能用公卒不及用何與公  
之令高安也吳安人廼夢公爲廣信覺謂公廣  
信何地也蓋十年而驗公固雅言曰士何可不  
知命知命何不爲君子信哉公凡所歷未嘗苟  
祿盡心其職當事則治而耻於自炫其知而未  
察者往往以爲德勝耳爲令時同舍生有爲旁  
邑令者當兩人爲諸生同舍生以才智名言論  
疊疊而公居恒下帷恂恂無所見同舍生固心  
易之及同爲令而同舍生數以職事爲上官所

素園存稿

卷之十二

六

督過至謂之曰令非歛人耶第如高安令者斯  
善矣同舍生噤不自得則謂公何道而獲乎上  
如是也公曰吾何所長知我者過耳莊肅公之  
入朝也余請間曰敢賀公之薦廣信守也公  
問故余曰夫守不兩爲御史劾矣乎兩臺不異  
論矣矣且守業調矣而公薦之何天下士所以  
歸心也願公持此道以宰天下也公喟然曰夫  
御史不知守也吾知守賢罔知御史劾也夫守  
也吾及見其去也與之語寵辱不驚者也稽其

政廉而循矣過其郡其細民無弗思者也其豪  
者則微有異矣不如是惡在其爲賢是時華亭  
公當國也其爲宗伯時公爲主客知公而莊肅  
以爲言故自家補鄖陽守守不赴部而補者例  
久格矣蓋異數也君子之頌是舉也古之道也  
古之道爲官求人使人求官故夫賢者之用  
舍爲世輕重而非賢者所輕重也公之賢大用  
之則大效惜未究耳使正色立 朝臨大節決  
大疑古之社稷臣不可招而麾者非其人也與  
素園存稿 卷之十二 七

黨稱之學娶方氏繼陳氏章邵氏登曹氏均陳  
氏女二長適郡庠生方廷濟次太學生汪居貞  
孫男六人學等十以十二月二十日奉公柩殯  
于草堂之原公命也

### 處士心謖許翁行狀

心謖許翁者諱鈇字德威其先出唐睢陽公五  
代時儒公者不義梁氏避地入歙家焉世次載  
王荊公譜傳中曾祖仕聰祖克明父友松公汝  
賢俱有潛德母汪氏蚤卒旣孤育于外氏甫就

素園存稿

卷之十二

八

傳聰敏異群兒外氏愛之甚然幼多疾不令習  
舉子乃間取書史竊觀之輒能通解友松公蚤  
謝事家居翁稍長攜貲依季父友山公爲賈友  
山公性嚴能事事當其心又善心計米鹽零碎  
卽數十年事可按籍而稽友山公愛任之貲大  
起友山公喜任俠所至薦紳大夫競推轂爲遊  
交而翁特謹厚不失尺寸故善書凡友山公所  
與交遊書俱出其手於是許氏叔姪有聲於江  
湖間矣友山公初無子以翁異母弟鈺爲子後

數年子金生無何友山公卒翁扶櫬歸葬矢心  
撫孤既長悉以貲歸之里中交構者說鉅曰金  
非友山公子也第逐之遺貲可盡得金急訟于  
官鉅弗直忿而死於是鉅同母兄弟咸切齒金  
思甘心焉翁泣解之金既得脫或又說金曰若  
父卒若弗省出納知而貲不爲人囊橐耶金日  
慙不平翁第割已貲予之已而又想則又子終  
弗忍辯仲李二弟爲小賈翁助其貲常迫他事  
令季上課于官季竟以歸既逾期貲富沒翁急  
素園存稿 卷之十二 九  
馳稱貸上之事已不復問故諸母方媪蚤寡無  
子翁母事之外氏家寢貧歲時存問不絕既務  
振人之窮又貲數割坐是亦貧乃之商所收債  
會所收俱篋人竟焚券歸泊如也晚以疾杜門  
謝客猶扶杖月與宗老會食申明家訓約束諸  
子弟諸子弟有卻以數語解紛卽忿戾難與言  
曰吾弗忍置也性好學卽置市中居一室焚香  
宴坐卷未嘗釋伏枕時猶吟咏不輟時時口占  
詩令諸子就榻書之詩草六卷自題曰學言賞

妻正先世遺譜作本房小傳藏于家始翁疾喪  
明頃之火丞丞起時時嘔子國泣侍翁止之日  
若母苦卽名成吾疾愈矣國力學舉南畿鄉試  
第一却既至翁疾竟不可爲遂卒嘉靖辛酉月  
日也距生弘治丙辰月日年六十有六配汪孀  
人子二人長沂次卽國孫男四人孫女二人國  
既聞計奔歸久之乃書翁遺事書抵余詞甚哀  
余覽書嘆曰嗟乎余十載從事四方行天下過  
半所至省問其風俗乃閭閻間大率長老先輩  
素園存稿 卷之十二 上  
多敦厚重行誼今寢不可見已卽如翁爲人信  
長者不愧古所述何可無傳哉翁割貲子弟事  
邑人蓋往往道之余庶無溢詞爲錄其槩云爾  
太學生石川汪君行狀  
太學生石川汪君諱尚序字獻中石川其別號  
也汪氏自越國以來世著郡邑中其始居嚴鎮  
曰孝揚公者至君凡十有四世矣君父思雲公  
爲人沉慮善畫嘗累素封聲馳州里所至與其  
縉紳大夫遊得其心而雲間陸宗伯尤驩甚君

總角侍側丰姿秀朗語默有老成風度宗伯器異之一日宴集賓客君齒尚少宗伯語坐上此新安名家也雖以公等固宜客之迺虛左揖君始其中豪長者固心易君特以宗伯故貌爲讓耳及接語竟迺服私相謂宗伯客固不凡矣諸賈人詣縣有所陳列令詢之相顧莫能對君從後敷析詳明令目而允之旅次嘗有所卜室旣成價矣其鄰欲之構黨以伺聲聲頗張君不爲動構者解思雲公始聞而慮之曰孺子何必爾

懷園存稿

卷之十二

十二

旣而喜曰不意孺子能爾也初思雲公夢三丈夫請所居且有以三元圖進者公悟迺請而齋奉之甚謹蓋嘗瀆阨而濟若有靈旣者屢矣乃卜祠於獅山上或以非祀典也議之君北遊成均迺疏聞得錫額顯應議迺止宗人以成死法止其身耳而吏輒勾補其屬牒具矣君遠聞之迺謂其主遣者吏吏素知君遂得脫因又脫兩姓者一人一言而免兩成其家飲食祝之君年四十有七而喪其明然應接賓客出入里閭

如故其揖讓周旋無失容也人咸異之宗人有大事必謀於君則獲否則泥聚議盈庭君徐一言折之無不心愜者諸祖墓嘗見侵奪衆以推君君扶盲聽鞫卒復焉市中以金器贖者持子錢去矣君適至扣之曰非良金也使察之贖也迺追而遣之君明察絕人類若有啓之者嘗對牖吟誦而鼠戲牖上頗異視之則遺金在焉探其旁空中則十數金迺豎奴所匿也蓋自是莫敢竊者以爲有神焉方叔子曰余往者遊過里

懷園存稿

卷之十二

十二

輒願從思雲公談其年幾百其談當世之務若又在班列者余不善奕而公與奕則終日蓋心所嚮云迺公則以季子類已鍾愛之甚卽君之才智可知矣蓋思雲公有丈夫子六人君其季也子亦六人君生正德辛巳月日卒萬曆甲申月日年六十有四娶棠樾鮑氏晉陵州守女側韓氏河漢藻鮑出續濟瀚韓出女三人孫男四人以是年月日殯于呂家林之原云

潘母吳孺人行狀



孺人莘墟太學生吳君思誠之女嚴鎮藩次君  
召南之配也。景廟時吳公寧爲兵部侍郎侍  
郎孫瀚爲御史御史生揖江西布政司都事贈  
徵仕郎太學徵仕冢子也既藉累世簪纓嘗產  
甲邑中翩翩豪舉而是時次君父汀州通府君  
侃爲博士弟子高等有名兩君者相見莫逆舉  
卮酒約爲婚媾邑中爭賀兩家天作之合不隨  
俗競繁縟令亾類媒灼者得軒輊其間也又相  
謂世家女得無難爲婦乎可念也及孺人歸柔  
素園存稿 卷之十二 十三

當意輒拂袖厲聲色孺人烝烝自若治事事  
已而次君又未嘗不稱善前謝之也子之恒有  
俊才所交遊盡一時知名士孺人爲供具奉客  
未嘗厭比試絀有司孺人未嘗不豫知其才必  
遇遇有時也蓋孺人幼從內傳受姆訓諸書通  
太義之恒五六歲則置膝下自授之嘗業及國  
風喟然念樛木之逮下也曰尚矣迺其善視諸  
姬婢或優假之甚蓋誦其詩者思其人思其人  
者思則其行事君子是以善孺人之以身教也  
素園存稿 卷之十二 十四



之恒也之恒嫻於文辭所述孺人懿行者語痛甚余覽而悲之蓋余曾大父於侍郎愛甥也大母於汀州之母鮑爲姑太學汀州於余俱異姓兄而汀州與余硯席交者數十年余於潘吳之睦有自矣雅知孺人之賢與所述合若孺人者惡可以無紀也孺人生嘉靖甲午月日卒萬曆辛巳月日年僅四十有八凡十免乳存者二長郎之恒太學生娶吳氏次之怡聘吳氏孫男二人次一人恒等以六月十有九日奉孺人之柩厝於宅後谿壩附程孺人兆東偏云

素園存稿

卷之十二

十五

族弟處士子立甫行狀

余先世自歙南遷環山再遷嚴鎮在宋元明初俱以稅甲鄉邑爲都長成弘間火替矣子立父曰良弼公者寔振之至子立貲適益起則先世緒業不墜有光云余歸田與宗人經營先祠則子立寔協余志蓋捐緡者數千焉邑令君就余謀積穀里中子立首上百石以率宗人爲邑里倡又買室十餘楹田數十畝以聚族之無所歸

者而衣食之群從中有幹理者引與共事或子母錢名爲貸之聽其生殖母責其入邑令君嘉其行誼欲復顯之則讓避弗敢當冷君若賢之幼失母鮑事繼母吳以孝謹稱宗黨或不知非吳出也總角從父遊饒揚間卽檢飭無統綺習不步狹邪父鍾愛之爲人沉靖有度言不妄發盈庭聚論時出片語則聽者有味乎其當也里中有構者推子立居間不面折得失乘間諷諭之往往愧服或以有所負不能平至陰爲償之不使知也饒揚相去千里往來屢遭剽劫亡貲以千計同旅咸嗟吁不豫子立解之曰金已亡猶饑已破耳且不聞所掠者剽乎何可以動吾念旣劫徒有被擒者誣其仇仇故良家子也畏諸吏對願償所亡子立察其枉力辯釋之凡所爲孳孳好行其德如是子立雖遊賈人間乎率三四歲一出出月餘則治裝歸耳迺其所居積棄取從中決之奇中不莠蓋精壹之識有過人者非偶而已也初卜者言子立年不登四十家

素園存稿

卷之十二

十六

人憂之子立笑曰是焉能知且修短數也諸君  
顏天誦義者在此乎在彼乎吾師乎修身以俟  
之耳既躋五望六家人喜以且臻上壽彼卜者  
果何知也無何疾疾且甚則勿藥兀坐一室默  
而深湛則若愈且九年所矣日稍涉越人攝生  
方書無所事事訓諸子以力學篤行庶幾無墮  
先人云爾萬曆己卯五月壬子疾復作甲寅途  
卒臨卒語不及亂詎其生嘉靖癸未月日得年  
五十有七嗟乎子立天不降祐敝族寔殞其良

素園存稿

卷之十二

七

仁而不求其謂之何豈卜者之言匪誣延幾二  
紀數不可更踰乎子立之生也家寔以昌身享  
其盛沒有令名宗黨咸稱諸子孝友靡間綽克  
負荷將發家有聞雖年不稱壽其於耄耋不啻  
過之矣庶幾得全無憾者歟子立名尚本子立  
其字配同里鮑氏爲尚書公女子三人用仁太  
學生用俊郡庠生娶俱汪氏用仕娶鄭氏女一  
人適汪太學子河孫男四人孫女三人仁等十  
以十月二十五日奉柩殯于蔭山之麓遵命也

汪母王孺人行狀

孺人休陽張山王處士女歸歛叢睦汪氏爲季  
君良玉配休歛境相入而王所居休之東汪居  
歛之西二氏俱著郡中世相婚姻季君王氏婦  
也處士奇其女而從甥見不凡乃字焉孺人爲  
女則淑儀敏事舉異諸女處士嘆曰是何不爲  
男雖非男也異日王氏設有急未可謂無力哉  
及爲婦則季婦而姑嚴孺人事姑處似氏柔婉  
甚謹以宜于家無間言蚤歲艱嗣而季君有側

素園存稿

卷之十二

十八

室韓于維揚韓孕弗育而舉一女女依孺人居  
及孺人舉伯子宗時久之而韓舉仲子宗姬伯  
仲俱肄業太學無異而女奩厚於諸孫女曰孫  
女之於女宜有差也諸孫女則孺人出也其明  
大體不私動遵禮則咸可以風江之南北都人  
士聞而志之季君既十九於外內政一倚孺人  
其所拮据所積累所有重鉅而察秋毫歲時饗  
祀中表問遺罔不中倫焉及季君沒而孺人悉  
東家政義方之訓儀一之詠其食人必稱其事

其使人不失其心惠逮而不縱寬馭而有愛處  
內外無不憚服而感藏者而伯子藉季君之業  
益光大之甲乙於維揚間而歸德於孺人曰皆  
母氏之力也於是王氏業稍替矣仲氏以吏事  
陷重典孺人力脫之伯季屢喪其資孺人數給  
之向者處士之言徵矣蓋孺人明識過於章甫  
仁慈本於天性好施而不厭義出而益昌亦若  
天所助云宗人曰正者孺人嘗善其母母疾以  
正爲託孺人衣食之正死衣食其子曰吾既許  
素園存稿 卷之十二 十九  
其母使死者可生也曰信者貧不能娶爲納婦  
有子矣猶歲給之曰婦吾所爲納也不給將慰  
納者曰瑩者早夭而婦靡他然乏不能存孺人  
延與之居爲之擇繼以成其節曰使嫠者有立  
志也曰某者嘗誣螫大學盡力而自孽以入於  
獄人方快之孺人爲出之謂大學曰宗也母宿  
怨毋樹讐曰某者以孺人之好行其德也而詒  
金二百入手盡矣孺人曰是吾過聽且剽也有  
掠者耳焚其券不問方太學某無干而婦其悍

婢有身則賣之孺人聞而使舉之婦索之急孺  
人曰是將爲下宮之難姙至是乎密移之他乃  
免其後婦沒而子歸名之曰回祖孺人臨事敏  
而果人不能欺而不疑人欺傭人之直稱矣求  
益則益市中小賈市物必過其直家人或以爲  
言孺人曰是細人也吾所哀者寡彼所益者多  
胡察察也歲戊子江南北大饑明年大疫孺人  
所散米粥活千人所施棺二千且蓋凡聞見所  
速必憫而恤之不可悉數而族里中所賴以舉  
素園存稿 卷之十二 二十  
火者數十家生祝頌而沒悲號安得孺人長存  
憐我也邑人之言曰孺人之好施他可能也誣  
我螫我而以德報難能也財之輕鴻毛義之重  
丘山此衆人之所難而孺人之所易也乃若回  
祖之生無後有後十全之慮百世之澤則君子  
所爲可託六尺之孤者也仲氏之難網密矣而  
拯之於旣溺此鴟夷子之智所失之其子者將  
豪傑士難之何論筭棉哉歲壬寅之春孺人壽  
八十太學二君所以張燕喜之筵奉萱堂之觴

者計無弗盡而宗姻之筐篚且填溢里閭矣孺人一切戒弗納吾方澹泊是希毋撓我獨聞余且有文也則亟請之令細讀再過曰司徒公知我吾固知公不蔓語中有訓辭焉小子識之足爲我行狀矣家人驚其語不祥無何疾疾微耳遽亟治後事纖悉弗遺家人益憂之疾乍間乍復竟不起若有獨覺焉亦異矣臨華所遺訓言咸當情誼無亂命而數呼宗姬姬時不在側也人曰此可以觀其真矣昔者之不異視豈勉而行惡其聲然哉孺人生嘉靖年月日卒萬曆年月日饗年八十有一子伯仲等將以十月廿一日奉孺人柩權厝於潛阜之源而以狀文請余不以耄辭若以符孺人之志云孺人子二女一孫五人孫女五人曾孫七人曾孫女五人蓋孺人歸十餘年弗孕孕而舉伯子不復孕今之孫子振振者皆伯子出也是可以示不妬之範矣

張淑人述

張淑人黃氏休寧淄川尉黃翁女浮梁浙江布

素園存稿

卷之十二

三十一

政司參政張公燈之繼室也黃爲休著姓邑中有望族竄謗山後黃之諺云淄川翁爲尉九年奇其二女未字嘉靖癸丑余爲東平張公爲湘陰與淄川翁俱入計張公余同年同門同觀政兵部相善時俱喪偶而休人李鴻臚佑爲余言淄川翁二女之賢也余從小宗伯主客江公謀之日者在門使筮之曰二女俱貴而少者宜子時張公亦聞黃女賢謀于余而主客曰相陰長於君有子矣而君尚艱嗣君議其少而長爲湘陰地於齒序宜主客與鴻臚言而淄川翁曰吾固知二女當貴而隔省何鴻臚曰浮梁與祁休鄰也湘陰之子長沙守鄭公之壻鄭公祁人也祁之與歛近矣鄭於黃李姻也祁可而休奚疑淄川翁喜乃字焉湘陰以治行宦召入爲給事中重矣分宜爲政能重其鄉人而公可無外轉也公欲自遠於分宜與淑人言之淑人力贊其出曰官內外何必計權門安可依也於是公出由河南按察司副使遷浙江政聲藉甚著薦剡

素園存稿

卷之十三

三十二

而分宜敗得不依附名中外俱益重矣而素羸  
不勝劇淑人勸早歸田得休息無久自罷困也  
公然之欲引退而疾作竟不起淑人有二子弗  
育而先淑人朱所出者亦多夭折淑人日悲泣  
率其婦兢兢禮則續紼如初年不自逸鄉人以  
爲女範萬曆癸卯年七十矣余內子所使爲姊  
稱壽者還言庭中近屬卑者昭穆以序甚肅也  
筐篚薄而祝拜恭淑人衣不華襟有淚漬耳余  
太息今宇內久安民日務修獨江右之風猶淳

素園存稿

卷之十二

三

也報書言吾與妹俱老矣明年春當約拜父若  
母墓爲數日會而及期有小疾遂卒先是淑人  
從河南任過建業艤舟與妹會而內子從廣右  
任舟過浮梁淑人出會相持泣苦相各一方雖  
從良人貴不若田舍女嫁不出村得歲時勞問  
相見也余聞之曰女子謂嫁曰歸歸矣安得常  
如在室時乎無爲自苦也內子則謂姊世咸慕  
仙若佛能出世彼真爲仙若佛者寧有子耶得  
失在天其惟善撫孤孤子也張氏稱善家而姓

不蕃報計者孫太冲爲邑學生有才名撫二幼  
孤云蓋孟夏之五日內子言疇昔夢姊相泣語  
而若有請何也翌日計至內子泣曰姊苦節疾  
沒世忘請志諸乎余曰老子言死而不亡者壽  
吾爲淑人壽與張公不亡也乃述之貽文學載  
之家乘焚一通以告且曰述如是足耳匪畧也

汪長公行狀

汪長公時雨者字潤之歛之嚴鎮人江以南徽  
號爲繁郡歛休之間閤相比也而嚴鎮要其道

素園存稿

卷之十二

五

蓋萬家之市矣其世相婚姻者僅數姓長公受  
室余從叔氏而冢子元松之女歸余從子嗣寧  
汪方之睦則有自云長公其先遷自唐模世居  
鎮之南者數百年矣父竹塢公政德娶于羅田  
亦余宗也是生長公長公生數月而母卒畜于  
乳媪幼穎敏有心計竹塢公初以鹽賈于浙弗  
利乃居貨里中長公年十七請于父曰夫趨利  
者趨時若鷺必於江海都會諸所輻湊乃可以  
得志今徒倚里門非策也遂辭行渡江遭風舟

幾獲得脫長公志託孤及娶有室則解  
誓日起誓不父不私其遊雲間值侮至諸  
人十九者長公知冠所出沒恒避之不與賊  
遇寇去長公獨以全誓當其乏諸質子錢者等  
於長公所息什倍矣竹塢公繼娶休項氏生叔  
子時亨治舉子業爲博士弟子長公先叔子廿  
有四歲獨任家督十九于外一日行出門而風  
雨驟作母項念長公亟返之返再宿而側室朱  
氏有身生次子元本是時長公嗣未繁也以故  
素園存稿 卷之十二 圭

深德母項長公事母項素謹母亦有明識每謂  
竹塢公長子勤勞甚矣家所由以植也及竹塢  
公分財予二子欲厚長公長公固讓卒與弟均  
受竹塢公則令叔子拜長公里中稱長公非獨  
其勞足多也其不居其勞難也向使長公與其  
弟分稍自厚人不謂不宜然其富亦稍有加耳  
乃其讓所予弗受而父母益悅弟益恭家益昌  
矣家昌而富無所去之等富耳競孰與讓多蓋  
長公以儉樸起米鹽纖悉雖逮孝孝靡弗稽也

身累鉅訾埒素封矣而茹淡猶故衣無華也里  
俗日趨於侈翩翩者自名爲豪舉則以長公行  
過乎儉云爾乃長公時有所施予或焚券不責  
宗黨稱其惠疾革命以二百緡歲殖其息以待  
近屬之無依者其子姓中秀發而志學者尤加  
意愛助期其樹立以振家聲此其所存者遠與  
夫翩翩名爲豪舉顧緩急無足賴鮮能半菽一  
毛必分者大非其倫矣而務求多於長公何哉  
長公生弘治十六年月日卒萬曆九年月日年  
素園存稿 卷之十二 圭

墓誌銘

明處士南峰鄭君孺人汪氏合葬墓誌銘  
處士鄭君元玘字廷珮南峰其別號也歛巖鎮人鄭  
氏邑著姓父某以善富名母汪孺人年百有三歲有

女德君沒十一年矣始克襄事余誌君墓則世睦故而內子贈夫人於君爲近屬妹余憶君賢行識其大者與所述合卽余細小者無論焉蓋君爲人強立而遵禮者也嘗賈湖陰湖陰人有重獄以君異鄉且諉焉令右其民君度不可直急詣

闕陳狀得下監司鞠乃白令慙好謂君邑案幸未成也不者無以爲故入乎然吾無成心也君叩首曰民惴惴中幸脫不能須臾耳其敢犯上令後爲郡別駕君已沒伯子銑爲邑庠生別駕每引與語則嘆君

素園存稿

卷之十二

二十七

長者也先世墓在牛塢者堪輿家言吉壤未扞而族有私售于豪家者衆憚莫適與理君奮曰是惡可已身任之鳴于官併罪謀者斷令世守焉於是君久未卜兆也族人旣德君咸曰是云吉壤與其虛之盍以君附吾先祖其鑒諸乎諸孫子乃入千金于祠以萬曆甲辰十二月旣望奉君與配汪孺人之柩合葬焉君之德也嗣人之善繼也族謀食同閭筮允協吉可知矣孺人之治家親操井臼間則績紵不少逸家人言家幸溫何自苦孺人曰此婦職也婦職弗脩將焉是

懼家可常溫平間者稱爲閨範君生弘治壬子月日卒嘉靖戊戌月日年四十有七孺人生弘治甲寅月日卒嘉靖癸卯月日年五十子二人銑有才名鐸益脩先世業人稱二難而壽俱不永孫六人曾孫十有一人

澤洛之楨俱太學生之植之

槃之榮俱邑庠生玄孫十有一人

墓兌卯向銘曰士貴有立有立有則其則弗違怨是用希先世之丘保哉奚求六紀乃阡孫子之賢我銘其石以昭潛德

素園存稿

卷之十二

二十七

明故中憲大夫江西按察司副使贈光祿寺卿謚忠愍汪公合葬墓誌銘

公諱一中字正叔歛潛川人也其先在隋季起義兵捍難以六州歸唐封越國公迄今廟食于鄉子孫蕃衍稱右族云始居潛川者曰叔敖公子若思若容從子若海皆舉進士有聲于紹興間世有聞人曾祖彥仁祖汝珍俱隱不仕父存道翁以公貴封開封府推官贈工部郎中母方氏封太宜人汪氏數世以貴雄邑中至存道翁



慈起家比素封矣獨嘗念先世簪纓久弗繼思以儒業振其所爲諸子延師友皆當世名士公幼警敏異群輩稍長刻意篤學在庠序名已殷起舉丁酉順天鄉試甲辰進士俱高等授開封府推官通達政體若久宦者更不能欺而恢達有度不摘發小過士民翕然稱之杜某者犯法當抵死以實王行賂存道翁所翁拒之比公聞則獄已成矣杜氏故洛中豪也知公廉弗可撓冀賂入公雖不知得相持計不行乃懾服耳嘗

素園存稿

卷之十二

三八

行郡坐郵亭中亭老人伏謁公目而疑之比還  
有告其微罪者公厲聲曰是有重大事何不舉  
邪一鞠卽服乃嘗殺人未覺遂抵于法郡中驚  
以爲神公家世旣以貲名未第時遊諸公間爲  
延聲譽而榜中有以賄敗者人遂以中公賴公  
文才政事咸卓然標出弗可間議乃息已酉陞  
刑部某司主事丁外艱辛亥服闋補本部某司  
西曹職務素簡僚友多知名士相與倡和競追  
古雅公所作典麗彬彬稱于藝林矣然素負經

畧留心當世之務當路者知之會有外城之役  
乃改工部分督訖事敏而費省咸多其才盧溝  
河堤衝決爲患公督理二年晝夜殫慮竟用底  
績陞都水郎中司事繁鉅而簿書紊散彖猗易  
以爲弊乃考訂典故爲水部志由是稽考有據  
奸蠹遂沮至今便之戊午陞江西按察司副使  
時承平日久民不知兵自海寇起浙直閩廣幾  
萬里俱被其毒公所轄境與相接方議練土著  
兵爲備禦計會廣賊流入界中劫掠猖獗甚公

素園存稿

卷之十二

三五

議出兵勦之或以兵未集須調度者公慨然曰  
賊烏合耳我兵過怯莫肯嬰其鋒今益張至不  
可撲今歛衆自固計得矣如民何吾不忍也遂  
督兵出遇賊與戰得二捷賊覘知兵火不習戰  
所驅市人也乃搆衆奄至勢不能支或以左次  
爲言公不可然衆潰不可止賊遂逼公公手射  
二賊拔刀斬一賊遂遇害事聞詔贈公光祿  
寺卿謚忠愍廕子居敬爲錦本 百戶仍賜葬  
祭立祠蓋優典也公蚤有大志自登第卽思任



天下事步趨期古人不欲汶汶苟生其素所蓄積也督廬溝工時水大至困民居棧桶間三日獲免在江西會景王之國報至供具未辦江風大作不可渡公令榜人鼓楫犯濤風亦止其出與賊戰不與家人言之第云行部耳意死生在度外無用避苟得所固含笑安之也嗟乎公真得死所矣配宜人程氏聞公計哀慟不欲生投井家人知之救出不死絕食數日或曰夫觀未還不視襄事非禮也乃勉食及以柩抵家厝

素園存稿

卷之十二

三十

畢卽不復食子婦及姻戚環泣強之竟弗聽六日乃絕臺使者以聞詔贈淑人立祠塋祭與公合遠近聞者無不揮涕傷之又嗟嘆以爲榮云嗟乎士恒言殺身易合義難耳夫從一之義本于天畀卽閭閻笄幃間一旦身殉其夫往往有之矣有如淑人從容數月志不少渝視死如歸其天性貞烈異甚抑亦刑于有自乎難矣淑人生名家幼閑女訓逮事舅姑甚得婦道撫側室子如所生臨當絕時出其奩分與諸子示已

不私凡所行皆合禮則非感慨一時者也嗟淑烈媛在古傳記則罕儷矣於公有光公真得死所哉公死事以嘉靖辛酉閏五月廿六日距生正德乙亥月日淑人生同年月日歿同年月日年卽四十有七側室趙氏子四人居敬淑人出今蔭錦衣某某趙出女二人某淑人出某趙出孫男二人居敬等以癸亥某月某日奉公及淑人柩合塋于某之原乃以書數千里使來請銘嗟乎公已矣死而不朽夫復何憾顧生乎所

素園存稿

卷之十二

三十

期樹立者曾未究什一齋志長畢能勿悲乎忍銘乎其忍勿銘乎銘曰  
惟將死官戰無萬全馬革裹屍古之英賢志在滅賊功成則天節立名存生固可捐有淑者媛厥德寔儷求仁匪遠從容而逝曷爲栢舟靡他自誓黃鳥同哀臨穴胡涕吁嗟雙節高義薄雲古皆有死道貴朝聞豈不黃耆寧百其身王樹連理未揚厥芬爲谷爲陵式哉斯墳

奉訓大夫南京戶部山西司郎中胡君墓

誌銘

奉訓大夫南京戶部山西司郎中胡君諱川楫  
字汝濟歙嚴鎮人也胡氏之先自婺之考水來  
徙再世絕寔以汪繼曰萬二云萬二九世爲內  
蕃處士娶于程生君君生而頤角嶄嶄迥異凡  
子自髫年能綴文辭下筆爲老蒼語矣而處士  
方授句讀爲童子師寔甚顧自奇其兒曰兒且  
耀吾門不終貧也年十八補郡學博士弟子員  
時郡守莆陽鄭公喜造士於諸生中拔其尤者  
素園存稿 卷之十二 二十三  
聚之紫陽書院君與選中才名日起未幾中嘉  
靖戊子應天鄉試戊戌登進士第明年己亥授  
知江西新建縣事遂省處士於里第會處士病  
臨歿曰兒果耀吾門吾目瞑矣服闋補知四川  
內江縣內江故蜀劇邑多豪猾難治君素不爲  
貌飾推心於人不務察察邑民安之屬歲大侵  
銳思設眼境不告饑然頗負氣不能脂韋取媚  
上官又一切請謁俱報絕豪猾人不便之日騰  
謗議遂被劾當免且調君聞之殊不以爲意而

銓部察其枉寢不行劾君者蓋都御史都御史  
劾縣令而不行者百一耳是時非君持已潔白  
皎皎不可玷殆矣然亦以故不得召入臺省久  
之陞山東莒州莒青齊之郊故盜藪也君以寬  
輔法緩征招亡不事掩捕政暇數至學宮講授  
士子程度因以風動閭里俗用丕變屬邑有鉅  
盜孟尚守者聚衆剽劫襲執州別駕薄城下請  
脫其黨被繫者城中人股栗君擁蓋登陴諭以  
禍福音吐鴻暢盜泣下不敢動竟以方畧勦平  
素園存稿 卷之十二 二十三  
別駕亦不遇害君既久淹州縣治狀謹矣辛亥  
始轉南京戶部雲南司員外郎已遷本部廣東  
司郎中未幾丁繼母張氏憂丙辰服闋仍補本  
部山西司郎中君自登第至是幾廿年矣猶迴  
翔郎署然意自若曰吾冀一考得恩封爲臬下  
光願畢耳貴燭非所慕也無何病病且骨立乃  
上疏乞歸歸旬餘日竟卒丁巳七月十六日也  
距生弘治乙丑月日年僅五十有三配程氏生  
子守文側出子女各一俱殤遺命以兄元敷之

子某弟乘鴈之子某爲後以己未二月某日葬  
于某云君爲人慷慨正直不忘人德見善若不  
及雖卑弱衆所不予心下之與不善人立若塗  
炭境已內所不可不能面諛亦以此多忤於世  
少受易於蕪湖王生王生大奇之同舍友鮑君  
子良父鮑翁有知人鑒數助君之君旣貴每過  
蕪湖必訪王生後恤之在莒延子良師其州人  
母兄呼之子良行誼高有遠識莒人說焉嗟乎  
交道之喪久矣觀君於死生窮達之間久而不

素園存稿

卷之十二

三十四

渝詎不謂賢哉用不竟才齒其年又奪之後天  
其謂之何余忝同里閭生後君君忘年友之官  
留都從君後方幸聞劇切語而君病矣銘墓之  
詞臨命見屬其忍辭諸銘曰矯矯胡君才孔奇  
今早困閭巷氣不羈今四壁屢空志甚怡今釋  
褐宰邑謂逢時今齊蜀萬里聲並馳今都人藉  
藉洵光儀今九原奄逝誰所爲今猶子爲子連  
根枝今五十非夭焉可悲今千萬斯年魂未綏  
今德則不朽視此辭今

吳孺人安氏墓誌銘

吳孺人之卒也汪司馬傳之詳矣伯高固請余  
誌其墓自余未釋褐以及解綬其在里中則伯  
高無不相余起居者余曾王父以下五世而五  
受室於吳吳方之睦猶之汪也故伯高兄余而  
弟司馬其年則然耳司馬文如摘錦余不能後  
願如伯高何迺誌之曰孺人安氏其世武弁也  
年十五歸伯高伯高父篁池君以醫名郡邑中  
中年暴亡伯高槁立而當室也時而無所可語  
則入語室人蓋泫然有牛衣之感云迺孺人拮  
据有無艱阻備之矣柵之內無咨嗟聲意自如  
也姑家居里之東方富盛婚構宴集綺繡芬華  
爛然盈坐孺人時見客獨荆布耳歸語伯高未  
嘗有所羨里社醪會優人爲呂文正徵時狀孺  
人謂伯高世言相女劉賢固也彼甘呂生之貧  
荼而飴矣卽爲巢爲窟無不可也而何其詞之  
苦也伯高感其言笑曰吾無能望文正也貧未  
如其甚抑子則賢矣夫伯高篝燈讀父書孺人

素園存稿

卷之十二

三十五

以紅績相之南山之晨鐘鳴矣而後卽安以爲常人曰固有夫若婦若此而久困者乎其後伯高醫大行請者日應不給歸或至曙孺人必宵衣待之故孺人甘淡甚計肉食歲不盡一豆肩也家既益饒庖廩藏獲具矣猶然不改其度客至供具悉辦務從其腆伯高嘗語室中吾賴子厥而振幸軼故步如目攝者何孺人從容言其務讓也惟讓已爭伯高然其言卒不失中外驩伯高曰橋之所不及室人者識也明而斷蓋篁

素園存稿

卷之十二

三十六

池君遺言塋必我先人之側及期宗人有相牙角者伯高難之孺人曰子忘諸乎時不可失勉之吾以簪珥爲簞裡矣卒襄事如始志伯高嘗有所卜室售者不易厥孺人曰欲之乎則勿靳也無所疑而央之不早以啓聞者何也迺夕從之質券既交啓扉而戶外之屨及矣伯高有季弟集未娶而出孺人口是不可緩也有如遊遠而不得其所人謂之何伯高亟具資斧歸之今舉子女矣孺人之病不起也則以仲子平仲故

語曰先富後貧病從内生言處逆之難也孺人先約而後泰約而能安泰而能儉始而坦然終而欣然此其達識不啻士志于道者所難徵壽類矣平仲才而天當其與兄和仲爲郡邑諸生出入必偕咸謂吳氏翩翩二鳳雛也而鍛其一行道者所惻以母之慈而悲可知也或諭之曰人生亦若晦朔耳何能無缺不見場人之養松櫟者乎枝之密者不能並茂且有伐也而後能干雲而參天也今伯子與季夷仲孳孳問學且

素園存稿

卷之十二

三十一

以儒起叔子文仲家學是承始出而受章服於幕府人曰吳氏子冠王也而才此皆將干雲而參天者也夫造物者之於吳有所伐也其有所養也然孺人哀思益甚終百端不能辭時而憤憤則呼平仲也直與之偕此其慈之過也迺居室則以莊見憚諸息視若嚴師卽髫髻時果飭在案俛首受賜亡敢前者語之曰吾欲汝以禮食也不欲其烏攫也及疾在簀諸子婦事必請命銖累毫析不愆于素亡敢專決者君子曰

母之愛子天性也愛而能嚴能食之能教之此  
母之難者也孺人生嘉靖戊子月日卒萬曆癸  
未月日年五十有六子四伯娶汪氏仲娶于余  
宗叔王季汪女三甥長爲司馬從弟道弘次余  
羅田之宗汝福次余教諭兄之子以旄孫子六  
人其一上國者仲所遺孤也伯高始踰耆而伯  
叔季相與立之此孺人所不可瞑者其可瞑也  
已墓在里之西里許 之陽塋之年萬曆  
年月日

素園存稿

卷之十二

三八

銘曰

生民大端屈信代序末世諱窮風流日靡鮮約  
不求鮮樂不侈女也士哉坦坦其履無曰衣敝  
而願文綺無曰廩積而藉粒米彤管是稱以示  
章甫愛子之天哀而重傷彼晝而夜胡與之亾  
此雖天合太上貴忘其次情鍾賢者迺殃豈若  
外物儻來靡常惟是短修電隙之光良人始耆  
耋老而傳三良競爽或躍于潛以翼其孤以引  
其年卽偕何加司馬言然墓門有松枝叅于天

我銘其石以達幽泉

吳虜士墓誌銘

休庠生吳子鳴和介余友吳子瑞穀氏泣言曰  
吾先自唐左臺監察御史少微公以來迄於宋  
季簪纓相映稱于邑中中乃潛弗耀者累世吾  
大父鳳隱翁則以命認曰吾世儒家也其可使  
後之人無聞噫認不肖未有聞也而忍吾大父  
之行遂泯無聞乎銘墓之石敢固以請余感其  
言覽瑞穀氏之狀足徵也曰吾姑爲子錄實顧

素園存稿

卷之十二

三九

力薄如若翁何狀翁諱文英居近鳳山人因以  
鳳隱稱之曾祖添富祖宗履俱以貲雄逮父珖  
應好魚鳥之娛不問家事而繼母汪性嚴能勤  
力奉養歡父若母意惟謹久之去爲買買類以  
機變致羸羸則務侈靡相矜以明得意能雍容  
退讓忠信自將耻與時競居肆價不二必歸其  
美曰非吾所當得恐有掠者易族人之產價過  
所估乃繆與之曰是子貧窶所居室有言地界  
不明者卽割畀之不忍爭里中人有爭者居其

間多爲解然不居其功嘗以邑役脫里人之難人奉數十金叩首謝終弗視也休地狹民不能自給買必走四方都會靡憚遠獨所居市附郭萬室聯比不出里閭坐收什伍性樸素寡遊接生平足跡不及十里外恂恂無管家日益裕老而不衰未嘗有疾歿之日家人聞軒轅聲以爲寐也伺之則逝矣噫斯可謂令終者歟生成化丙申年月日卒嘉靖乙卯月日享年八十配胡氏繼汪氏子三人某某俱胡出女二人適某某

素園存稿

卷之十二

四

妾某氏出孫男十一人某某鋁治經有名將大吳氏者曾孫二人以其年十二月初六日權厝南園之原云銘曰上古民質不知往來末世多營乃與道乖泊今守樸貌若不足解紛讓功白也誰辱孰云市居以其孫儒遠矣若翁歸于其虛

庠生五渠程君墓誌銘

君程姓諱正時字汝一五渠者其別號也世爲休寧文昌里人程氏系自梁忠壯公來代有顯

者爲郡中甲族而君曾祖昭應成化丙午歲貢以親老階文林郎終養不仕祖昂亦有隱德而世饒於財父新齋翁者有偉度益振其業比素封矣君弱冠隨新齋翁商于維揚權鹽使者奇之勸之學君亦益厭棄去從南臯桑侍御受易朱幾補邑庠生每試輒高等名日起矣乃應舉輒落益奮勵不息卒之前數日猶同群輩日課文七篇也其苦志如此爲人恂恂長者不疑人欺與人交不爲崖岸從之遊啓誘惟恐不及至義所不可則毅然不可動嘗謂諸子曰人不可以苟富貴不可以徒貧賤使行誼無愧蔬水有餘樂也苟名節一失雖卿相何有故平生砥礪各行不少踰越而孝友尤出天性新齋翁之疾中夕祈以身代遇忌日哀如初喪母夏高年在堂君亦踰艾矣朝夕色養怡怡猶孩提時也有弟二人友愛備至未嘗有慍色二弟歿撫諸姪尤篤恩誼新齋翁卒時貲業爲同事者所隱不可詰家日窘矣君悉心區畫茹蔬服浣率之以

素園存稿

卷之十二

四

儉而賓友喪祭之禮必豐必備泉帛出入一委  
諸姪不問羸縮庭內雍睦家以不墜性善飲能  
一十醉則投壺雅歌灑然自得於書無不覽醫  
方占卜堪輿之說皆能通究嗟乎如其才一第  
不足言其個儻大度有國士風矣顧中路凋謝  
不使少見於世天之於斯人何爲哉君素未有  
恙其卒也痰作踰日耳疾革謂諸子曰經書之  
外小學近思錄不可斯須去也母攻異端又曰  
吾行不愧幽明死復何憾第老母不逮終養奈

素園存稿

卷之十二

四三

何途端坐而逝竟無一語及家事也於乎亦足  
以觀其所養矣余居去休僅數十里知有君未  
覲也君之子庠生鑰持鄉進士吳君景明狀來  
乞銘與之言愿而文蓋能成君志者而吳君固  
篤行士其言可徵也君生正德丙寅月日卒嘉  
靖丁巳月日年五十有二娶王氏繼許氏子七  
人長卽鑰次某王出某某及女三人許出也孫  
男三人女三人以某年月日葬于 銘曰嗟  
嗟程君有行有文數則奇今下帷苦志百未一

試何遽萎今高才屯遭自古有然奚獨茲今國  
人共哀有子而才聲不虧今我銘斯石君子所  
述言匪支今後千萬年高者爲川斯永綏兮

素園存稿

卷之十二

四三



素園存稿卷之十三

新安方弘靜著

墓表

明封承德郎南京兵部車駕司主事終慕  
江公墓表

終慕江公者歙溪南里人也名某字某父曰某生公甫三歲而卒公少則乳然從其兄爲小買長乃獨遊青齊梁宋之間貲日起爲大賈益治第宅田園寢盛矣乃母吳又不逮養也公傷焉

素園存稿

卷之十三

二

題其堂曰終慕人因稱終慕公云始公蓋賈于錢塘也中官畢直者寧庶人之黨包藏不軌肆其荼毒公謂鄉人曰是可居乎亟去之其後留者往往被禍乃多公之先識於是公年四十餘矣長子琇次珮壯可任也乃遂歸課子璫珍習舉子業不復出二子爲邑庠諸生日有名嘉靖庚子珍舉於鄉甲辰登進士第授知江西高安縣過里省公公謂曰吾先世奕葉衣冠久替矣其引之勿替是在汝勉之哉母要名母希上官

素園存稿

卷之十三

二

之旨惟廉惟勤鎮之以靜撫之以寬其庶幾乎珍爲高安三載聲稱甚著戊申徵爲禮部主客司主事公所以勅之行又移書戒之者皆森然法語也初公仲父某者富而無後爭繼者十餘年矣官以公當後辭曰此禍本也請均散之衆始定蓋公爲人務實守約望之知爲長者卽有侮之者輒置弗較久之顧益服焉歿後珍爲南京兵部車駕司主事滿考贈公如其官配鄭氏先公歿贈安人安人邑名家文事姑如母姑予視之夜績姑戒婦休矣安人謹謝輒篝燈績如故弗使覺也公之旅遊也閭內外悉倚辦安人安人又脫裝佐公賈賈益饒矣顧攻苦如其初其辭爲後母利人有安人寔贊焉中表以急告者必有以卹之歲侵輒減收母責如額蓋公與安人以纖音起能明取子篤誼不渝鄉黨稱善焉則識度遠矣安人生四子某某某也繼張安人生二子某某隆慶乙巳珍謝貴州左布政使歸卜葬始得吉萬曆癸酉葬公二安人從公



先世蕭氏唐廣明中故丞相邁子禎避亂渡江始變姓曰江子孫猶環其墓而居郡中稱著姓必曰蕭江云其傳承具誌中諸細弗著表特其大者使有述焉

### 墓碣銘

#### 王母潘宜人墓碣銘

宜人故福建布政司左叅議京厓王公之配也初公爲兵部武庫潘宜人得從封逾年卒卒二十三年嘉靖丁巳有子叔果復爲部職方泣

素園存稿

一／卷之十三

三

謂同年生方弘靜曰叔果不肖不敢誣吾親以重不孝惟是墓宿草者幾何矣而碣石未樹敢以狀請弘靜聞今上初元末嘉張文忠公爲政叅議公與弟通政公以愛甥親近用事二公俱長者方更新時多所扶植士大夫稱之及與職方君遊恂恂躬行君子也其季叔果舉于鄉有名以爲忠厚積慶之報固宜未艾乃今又知有宜人之教云按狀宜人姓潘氏世永嘉龍灣里人潘里右姓而宜人父母張氏嘗有子女

俱天竟無子而獨宜宜人宜人幼端靜聰敏嘗受句讀解文義父母鍾愛之擇所宜配年二十二始歸叅議公叅議公初爲庠弟子廩故薄而父封通政公母張恭人在堂公長業與弟遊學家顧倚宜人爲督宜人恭儉孝敬茹蔬執勞以率先妣氏捆內無間言張恭人稱之曰賢冢婦固宜爾叅議公旣得無內顧慮益肆力于學聲名藉藉矣然屢不第又艱嗣宜人曰後重事也盍置勝乎功名固有時姑需之耳未幾叅議公

素園存稿

一／卷之十三

四

竟舉于鄉蓋年踰四十矣再踰年而舉丈夫子二人皆宜人出也叅議公始仕卽爲禮部司務在京師而封通政公與張恭人俱無恙宜人常居綜家政不從行其後幾二子至京就學念舅姑數千里外恐貽夫子慮亟謀戒行而疾作竟卒于邸云乃叅議公請於朝以襯歸竟承歡不出雖恬退之節由于雅尚無以良助既失內無所倚故耶初宜人舉二千也晚愛甚矣顧教之嚴童時不使與羣兒伍及就外傳稍有過

輟白之侍膳太父母側必別食以饌既冠不得  
衣帛曰爾固布衣時也每舉叅議公與弟微時  
事曰汝父汝叔勤苦如是以有成立汝可不勉  
嗟乎母之於子也愛而知教者固已鮮矣觀宜  
人所以教者不獨望其子以章句青紫已也乃  
跬步不欲其踰於禮雖古內則及詩書所載何  
以尚焉可謂賢明女士者矣宜人生成化丁酉  
正月十六日卒嘉靖甲午五月十四日年五十  
有八初拊于半山之櫟後以某年月日遷于宋  
嶼之原與叅議公合云子二人叔果叔杲也女  
一適國子生嚴孔昭先卒孫四人 銘曰古重  
內治興廢是基家有嚴若是曰母儀荷與宜人  
禮則無違相夫若賓訓子若師逮下弗忌神與  
岐嶷身膺翟弗既貴以祺既貴以祺胡不永綏  
軒出觀歸亦孔之悲我銘幽石式播音徽千萬  
斯年以福爾嗣人于斯

程處士墓碣銘

余覽王司馬吳司訓所爲紀程處士之行則喟

然歎焉蓋余少時見里閭中長老往往樸實可  
稱耻爲不義若處士固其尤著者也迺於今不  
易見矣處士名廷全字有功休寧汭川人也程  
爲郡著姓世有聞人其別居汭川者蓋唐之季  
云處士少則恂恂謹厚事父彌母汪盡色養之  
權與喪葬之禮以孝稱郡邑中郡故山谷間民  
不能爲士者大都爲賈凡賈多以織紵起赴利  
若響處士獨喜施予所收責若貧窶人輒棄券  
弗問也歲侵輒輸粟以賑邑有版築之役輒首  
趣事族里貧弗能娶歿無以葬者輒於處士取  
給焉其嗜義蓋天性也然處士善心計亦值天  
幸其所居積得息輒倍或伍之他賈不能望伯  
季賈輒困處士輒割貲均之蓋廉者之効於是  
有徵矣處士行賈在淮泗間後迺買田六安安  
之遂弗他徙永安橋者州之衝津也圯而病涉  
富水漲發時有溺而死者處士迺捐貲復建焉  
州人德之室中嘗有肱其篋者以金五百徵  
得其人矣終不忍聞之司捕者曰獨于也考之

且瘐死何可以金故絕人後其輕利好行其德  
如此以故所至人皆多其行敬慕之有爭訟得  
處士居間多願解不對吏也然處士所以能趨  
時轉轂殖而能散散而不匱者則由其配吳孺  
人能以勤儉佐處士靡內顧慮貴以日起云迺  
吳孺人竟以勞瘁早歿處士是時年四十耳曰  
吾念吾妻之賢也難乎繼吾又鑒乎往昔有如  
損如祥之母也吾幸有二子矣遂不更娶蕭然  
瘠居者廿有七年夫士嘗有爲高者能勿娶史  
素園存稿 卷之十三 七

蓋有迹焉然先人之祀弗可廢也何可則也處  
士有子而弗再偶可也君子以爲禮也凡處士  
所爲蓋不惑於色與貨者非有所浮慕爲名高  
亦豈斷身沒之久而當世有文者表著之使有  
稱也余是以喟然嘆也處士生某年月日卒某  
年月日吳孺人生某年月日卒某年月日子二  
晨遲遲太學生亦篤行有處士風介司訓請余  
銘處士墓者也孫八人四晨出四遲出孫女四  
處士墓在汶山之陽與吳孺人合

銘曰士也制義女也從一曰吾有子是謂弗忒  
貨不獨殖義必俱立曰吾有兄弟庶幾不惑汶  
山之石我銘其特曰處士之德俾後人式  
傳

### 程漢陽傳

往漢陽年及耆也而汪司馬著其行事以告觴  
者未悉也其沒也江中丞狀之悉矣余讀二君  
子語皆實錄迺因之立傳庶幾汝南之評乃定  
無間月旦者哉斯可以俟太史氏矣傳曰漢陽  
牛程公金字德良歛臨河人也先世在晉及梁  
陳間著有顯烈廟祀迄今代有聞人父昇以公  
貴贈奉直大夫戶部員外郎有隱德列于郡乘  
公少而穎敏與兄鈺事宗人竹山先生治易兄  
喜豪舉出則乘公徒而從竹山宿儒弟子受業  
甚衆特器重公公弱冠而慧也試輒不利以爲  
老生也及舉于鄉則年猶未壯逾壯而成進士  
或曰艾矣觀政吏部葛端肅公以少宰攝部事  
發策時務善公之對及選序當郎署公以親高

年請南端肅益賢之除南工部主事典筦庫故  
事自部尚書及諸司郎公費皆取辦苛羨以爲  
恒公一簿正之吏以例白則無所可給曰藏中  
錢皆公也安得羨且諸費孰爲公者請公取之  
於是部中咸目攝之矣分司鑒江關法啓閉有  
時而龔御史王憲副各藉其鄉政府勢張甚至  
輒啓開撻當關而公收其榜人笞之徇於市自  
是權有力以敢撓者而謗言騰矣夷酋長以督  
府令集舟載兵而索賈王甲故與長通因緣爲

素園存稿

卷之十三

九

市市人大擾謹懇分司公繫治甲甲抵鄉人考  
功書爲請謝不聽及大察考功署公浮躁太宰  
三原王公曰往葛少宰雅言程郎賢也今何以  
坐考功佯以漕司移文水部爲解而司空曰考  
功言當上之左遷安吉州同知始視事輒格督  
府令罷募州材官署篆德清屬精吏務均平繇  
役母困中下卽巨室梗者憚不敢譁邑大治時  
柄臣鄔公以御史大夫行鹽瀕海語公曰朝論  
知賢者枉矣今遷矣考功固悔之矣考功鄔鄉

素園存稿

卷之十三

十

人也蓋巧於文者也公出不懌曰吾何以愛知  
於要津哉母乃使人疑吾有微行乎未幾量移  
通判長沙德清民攀送輶道安得真令如公蘇  
我憊困者倅長沙暮月訟獄者赴愬監司咸願  
之判不之守也好公者或語公母過嚴公曰熊  
湘俗獷嚴固所以爲寬也晉河間同知貳邵三  
載持身操法壹如主筦庫視漕時不少變士論  
愈益歸之遲其遞遷而公會無愠色不知其官  
之左也時分宜新斥雲間徐公爲政察廉者咸  
以公爲稱首而太宰安陽郭公素知公者銓曹  
以柳州守擬公太宰曰是宜守矣將無股肱郡  
耶頃之而郭公釋部事僅得戶部員外郎垂橐  
而入待廩未發至以胡餅餐焉誕孫之夕乃貸  
米宗家其苦操如此以贈公艱去職服除補轉  
郎中主餉薊門其嚴出入澡雪一如嚮者會諸  
郎與諸曹爭朝列咸推公公毅然任之議者韙  
之而諸曹則又目攝之矣瓊州守數以賄敗其  
鄉之達者請于司銓氏得薦吏振之咸曰廉莫

如程郎乃擢知瓊州當司銓擬守柳州時太宰遠之且十年所矣而瓊視柳倍遠公素薄宦情又憚浮海將告休知公者惜之改守漢陽汪司馬方填楚也曰漢陽守人特目之蕪非直硯硯者也其蕪易劇顧漢陽最爾可臥治耳承天重什倍今虛無人乃疏請徙漢陽守守承天便不報漢陽三百枕江歲苦水溢凋敝甚公躬自植薄帥先群寮疏剔蠹與民休息田里用寧政暇雅以興士爲務月試季閱指示課藝髦俊悉素園存稿

謂漢陽信賢惜老耳乃陪注按察副使而公值肺病倦游投劾乞休兩臺二司知惜公去然以公意決莫能援而止也乃相謂漢陽貧歸何以資對曰先世薄田十許畝力耕足以具饘鬻且仕非以貧也是時公年五十八矣公兄弟四人伯叔季蚤世諸孤不振並資俯仰食指益繁歲奉不給客至輒典笥衣供具客聞之乃相戒勿過嘗問所親米價所親囊米以餽公艱然曰吾問米乃乞米耶蓋公平生所嚴取予雖束帛報必相當鄉薦紳相語爲公不堪欲會進壽公知不可蓋嘗曰程仲子貧固宜寧富人隱恤者宣城蕭守公故守漢陽所與課士請公臨晤候諸竟公報書止之聞故人惠政足慰所思矣無勤人吏也性簡澹歸田後杜扉塊處不開俗事公門縣簿無履跡焉大漸遺言謂元泰士飽德義卽日再食匪僊毋耻貧母墮行言訖而瞑有光起床帷照徹戶牖移時始滅時萬曆丁酉六月晦日也春秋八十矣公二子良嬰良質俱殤所

後兄子良賓亦先卒元泰良賓子也曾孫古光繼室劉宜人素稱賢淑視公欽畢徐收家藏圖籍顧屬泰徧謝家衆不食旬日以卒遠邇嗟悼謂之姬德修齊之道公具之矣

西野氏曰昔漢世舉吏首重察廉治是以近古也秦之誓也而麗於經則黃髮是詢國所愆焉漢陽之廉人知之不知其未老乃忽其所知國其所不知也異乎吾所聞哉夫老易知耳無亦所操與所好異猥云爾乎歸田逾廿年知之者

素園存稿

卷之十三

十三

益衆廼漢陽則真老矣馮郎之不遇以老也彼固嘗少焉漢陽乃少而見老則愈異乎且士遇不遇亦適然者耳於漢陽何有時方休明見而不舉不有任之者耶以漢陽之清與其宜人之烈中旌典矣郡大夫亟務教化國人喁然跂望之司馬氏所嘆桃李不言而成蹊者則漢陽謂乎君子將於是乎瞻世道之隆矣

### 吳鴻臚傳

鴻臚吳君成已字仁仲世居歙之溪南歙在山

石間鮮經兵燹民重土著而溪南之吳則自唐之咸通年矣歷五代宋至明世有聞人其處者多以嘗甲郡邑中迨君父處士介石翁榮讓幼孤業替矣廼以織甯起自致鉅萬喜施予爲義舉因靳謙慎不矜以善富名二子長宛平丞正已質行一如處士君其次也事父兄以孝友聞凡溫清告面承顏撰屨之儀必謹及兄沒君亦老矣始秉家政壹遵兄所爲無改時承平久俗日趨靡爲豪吳氏又最盛益務侈而君家獨樸素退讓不與時競二世一軌居然先進有道之風好古憫世者咸嘆息以矜式閭里焉君少受易於從兄曲江今子王受春秋於殷司徒養實稱爲敏贍而應試輒弗偶君亦不亟于進羣孳問學耻隨時弔詭惟服膺濂洛諸儒之言務躬行內省罔以小德出入桐廬之焦山者處士所治別業隱其中樂之山有石如磐方畝君乃爲齋其上顏曰砥礪以儆不惰恒稱諸葛武侯澹泊明志司馬溫公不妄語持之終身焉居室不

素園存稿

卷之十三

十四

喜華美嘗曰茅茨瓊宮聖狂攸判萬乘猶然况士庶乎及處士所爲祠塾梁道諸費則經營惟聖死平所欲拓敦本之祠者則終事務稱曰積而不散君子弗爲也父兄之志也敢弗承乎吳氏自處士振之宛平因之君承之殷殷盛矣君所爲不以侈蔑禮不以菲廢禮繼志垂後咸可稱述嘗語諸子曰近世大儒以學者治生爲切要夫治生弗可已也先人之業母敢墜也若藉切要而放利焉則失之遠矣其惟勤與儉乎勤

紫園存稿

卷之十三

十五

情之譽君子耻之余無令德而溢其辭母乃以累作者乎而終之以耻得已乎哉君居鄉接人務從其厚不失言色遠邇所不間也而猶有所忤者家人不能平則以三自反語之士當有以自待若其校也奚取於士鄉之達者尤喜聞之安得長者之言其言傳於郡中云年七十有八微疾而逝萬曆丙申十二月十日也人咸曰鄉國善人得而見之尼父可無嘆也今人矣夫配謝氏繼某氏子八人女五人孫十五人孫女四人曾孫四人曾孫女四人婚字俱名家具狀誌

紫園存稿

卷之十三

十六

中

西野氏曰世恒言見形者察其景夫多福自求餘慶自積豈不明徵乎哉奸譴惡盈非獨人事蓋天道也余從邑里中所睹記消息之數鮮不由之而昧者猥以功果福田又青鳥所云生氣乘之則澤十世皆傾嘗求之而道在邇事在易者顧棄弗爲何其惑也善乎弇州王司寇之表處士也曰能爲處士者雖以百世可也此其言



非所謂過情矣夫鴻臚君與兄宛平君則信能處士者哉余是以樂道之

### 吳處士傳

吳處士文淵字德靜歙縣鎮人其始遷自休之吳田者蓋宋慶元間云吳氏故以善富名至處士父仰山翁實益起有子五人處士其仲也時每內承平又門殷阜嚴鎮當郡邑之交不超萬室五人者各據勝地並起第宅相望于里中而處士尤篤友讓遠老無間人益稱之處士性

素園存稿

卷之十三

十七

直諒不苟依違恂恂簡重望之知爲長者人臥事實之理苟直雖其所怨終不肯沒其實理苟不直雖所親不能私爲之地也人以是咸服賴冠賈於江淮之間賈者大率趨時若驚而處士獨無所營營第兀坐肆中終不以五尺童子入市而飾吾價又之人咸信其不欺其貨大售諸賈人不敢望也諸賈人每有所議處士未至紛紜不已及處士至片言而定所遊每值甘旨必以歸養蓋千里而未嘗一日不在其親之側也

素園存稿

卷之十三

十八

其見人有急憐之甚若侗于身所傾篋授之者數數矣人負之者至于再至于三或爲不平宣言宜訟之處士輒慰曰是固可罪耳吾念其公所賴一逮繫則舉室瘳矣寧負我柰何急之內弟鮑素貧處士授之室使賈於楚往則絀重罪入獄且斃處士爲行千金解焉鮑出語人曰肉骨生死生非吾之生也生何以報處士聞之曰是非其罪也夫吾所使於楚也而可死於楚乎夫非吾所使於楚也而可死於楚乎論千金何報也程涯者大僧處士嘗主之所乾沒且數百緡處士詰之涯以情告曰非盜也以償他客耳今急我則瘦死而亾所有需之則可冀後效處士舍之涯得拾取補塞家以無傾嘗數百里率其子稱壽于庭以明處士之德黃保者貧而亾他嘗貸百金營息以養其母一旦爲市猾所詐不餘一文保嘔血死處士嘆曰夫夫冤哉殺人不以刃孰與平之以債易死誰則徵之且以爲豪舉惡察其寢且以爲矯誣惡伏其辜夫夫



其訴之冥冥乎則召其母贈之棺衾焚其券其母每吉月焚香以祝願處士壽願殺保者腥有聞于天處士喪其偶且三十年所矣嘗語所親曰家之睽嘗起於婦人吾見亦多矣是不可以已乎遂不復娶萬曆改元以年八十有行誼得給冠帶肉帛如制處士神未衰步履如盛年尚作蠅頭字也仲子世科孫效尹俱大學生方叔子曰余聞之堪輿家言天都之山其峻入雲軒轅氏之所嘗遊也其支爲金竺爲黃羅鬱

素園存稿

卷之十三

十一

云爾  
程氏孺人傳  
程氏孺人諱某處士梅莊余君文義之配也世居歙之託山父某母胡氏年十八歸于余余與程居同邑里曰嚴鎮其先世故以訾名至梅莊君始顧雲云而歙俗罕樹藝其秀民多業買賣必走都會輻輳之地靡憚遠近者迺千里以外孺人歸也梅莊君時爲小賈自給罔暇返顧而孺人迺辛勤夙夜印拾頗積運籌閭內而歲計以裕綽然有治生之畫梅莊君錄是亦罔用返顧慮得日逐四方驚起矣迺後遂系鉅萬爲大賈邑之言訾者莫及梅莊君既爲大賈不好侈常敝衣履若寒士人始見之者率不知爲梅莊君也諸賈人訾不及梅莊君然居則歌舞出則騎從聲氣曄曄視梅莊君不及甚於是莫不怪梅莊君所爲者久之見梅莊君所爲皆愧而孺人內治愈益儉素顧日執勞茹疏無纖介異故簞時戒飭于婦母今見奢麗事皆習與性一紛

素園存稿

卷之十三

二十

華戎越下至僮僕亦莫有悍桀若諸買人家者於是中表咸嘖嘖嘆曰此真梅莊君婦且以梅莊君夫婦適咸如是欲不至鉅萬奚可得矣今囊纔貯數百千訾即縱欲踰度僭擬封君其子孫視倣俄而單餒莫所寄口者以梅莊君夫婦觀之直蚊虻蟬翼耳然梅莊君雖以約起顧踈財厚施其所捐訾爲義田宅周其族若除道成梁之類幾萬孺人則未嘗惜顧每贊勉之時輒有貸予多梅莊君不及知者於是人適益多梅

素園存稿

卷之十三

三

莊君又益多孺人之相梅莊君以非徒纖畜者也夫土金鉢王趨朱利義自素豪貴人行之世傳誦以爲難矧以約起矧又筭祿者流此豈可與冠佩冕王手籌心計知取而不知予者較淺深哉今微歛在江以南號爲名郡民以富相矜轉轂天下家有金穴至比千戶侯而上者比落附郭不可枚數然稱善富者必首梅莊君梅莊君所以聲聞于淮海行高于縉紳而爲鄉邦所愛重者孺人力也子訓從梅莊君賈雍容修飾

論太學生文雅知名樹立矣適梅莊君則有側室有側室子誥孺人撫之不少異今入家塾學此可以觀女行矣年七十有四嘉靖辛丑月日以疾卒權厝于潛虬山論曰語稱婦如影響貴順也然所遇有幸不幸孺人雖善畜聚設不遇梅莊君門內之治庶無終窶耳惡能挾高訾稱賢於世哉然余蓋歷觀閭巷之士能由艱阻卒自豐殖者亦未始不賴中饋之助云

黃孺人吳氏傳

素園存稿

卷之十三

三

黃孺人者嘉靖中以從中書舍人榜貴封云歛右族多以姓望其鄉而黃氏望竦塘吳氏望溪南地相望也質相埒也故世相婚姻孺人吳出也其姑吳也父臨江公者嘗由司城倅臨江甚良其女而又奇中書君也故孺人歸焉歸年十六耳而競競執婦事迺其舅贈中書公姑太孺人則喜有婦稱其賢矣其相夫子而下妣氏也婉婉恂恂無違言無諍語居常肅如復未踰闕於是中表咸相與賀黃氏婦賢而贈申

書公與太孺人愈益喜迺孺人愈自損抑不以  
豪服見中表又益稱之中書君之通籍遊都下  
也孺人從中書侍從臣而素業淮揚間者息大  
起孺人曰優盈而忘戒吾懼之矣則孳孳好行  
其德歲侵分遣外暨之郊衛視其餒者凍者殍  
者予之構予之孺子之木以爲恒早年產女而  
不宜男則爲中書君蓄二姬既而子立朝生爲  
買乳婦娶也察之非娶也迺曰夫李且瘠溝中  
以娶售耳孺人惻然憫之遂遣之既而子立範  
素園存稿 卷之十三 二十三

躬親也逮乙夜弗休曰先人之業也無能益之  
懼其廢也立朝之肄業成均也少中書君與之  
往往踰月耳輒趣之歸人曰何亟也歸僅越宿  
孺人以暴疾卒迺其室懸者笥者函者各以其  
所屬鏤周慎若或啓之云孺人生甲午五月五  
日卒丙子十一月十六日年僅四十有三孺人  
所舉子二人女三人所蓄張舉女二人孺人之  
沒也而張舉子二人九子四人女五人其婚嫁  
具司馬所爲狀中  
素園存稿 卷之十三 二十四

生皆孺人出也人謂孺人逮下而福綏道娶而  
胤衍於是乎報施稱矣中書君既謝歸大治居  
室百堵興矣孺人以爲言已之是非所以示後  
世也迺諸義舉若置田宅築城闢道梁津發倉  
廩以贍族恤鄰以便行旅則謂中書君君所不  
足者非財母緩也中書君所以以善富名而宗  
黨歸德者由孺人發之也中書君在 朝交遊  
廣矣及居里而賓客日集如故供具悉出中厨  
不速不戒豐殺宜之質明而理家政無小大必

方叔子曰大理云昔空同子悼其內於其人也  
而後知其賢而中書君曰若孺人則何待亡而  
知也夫中書君之言云以余觀之今去孺人沒  
幾十年所矣迺其賢亦益可知耳蓋孺人有遠  
識明大體馭臧獲恩然廩廩就約束其所授餽  
稽其勤惰而上下之不易欺也郡邑習日趨侈  
矣余務示之以儉見謂其簡迺聞孺人言是其  
篤於親也匪簡也以歲計不以日計者也嗟乎  
此詎宜筭幃者語哉余則愧之矣余又聞孺人

時有所品藻也內言不出往往而中可復也里人相與言中書君籍先世高貲甲郡邑中然孺人寔相之無論相以內也使其猶存與業且益熾不啻爾爾此其言非漫哉始孺人沒中書君以立傳抵余司馬既書之矣余以爲司馬狀之大理誌之銘之司徒表之彬彬也余於諸君子無能爲役卽有言無亦滋蔓乎中書君若以爲靳也余於是得掇諸君子所述從其後而孺人之賢與諸君子之言久而益有徵也云爾嗟乎此豈惟益明孺人之賢卽中書君於其內以歲月之邁木且拱矣而謀所以不朽者日益不怠何其篤也賢矣夫

烈婦汪氏傳

烈婦汪氏者名某歛叢睦人年十八歸嚴鎮方國國早慧總角則讀諸經史爲文有秀語矣婦婉而貞不妄嘻笑動遵儀則中表稱之歸三年國遭疾疾篤醫診不可治有子甫期國謂婦曰奈何婦泣曰奈何吾從子耳國曰如呱呱者何

婦顧所抱弱甚曰此猶葉上露也安可保且不有命乎吾從子耳國曰能乎幸甚吾瞑不恨矣婦日侍湯藥容稿不欲生者家人覺之念病者尚未絕縱欲殉寧先之乎防之稍懈婦乃先自縊死國聞婦死以首叩枕曰吾瞑不恨矣越宿乃卒國年十九婦長之二年於例宜旌顧有待也邑令君聞之扁其門曰貞烈云

西野氏曰士恒言死節易撫孤難耳夫死等耳先後一也婦有子其撫爲宜乎乃以呱呱者孺甚不可保而不忍後其良人也悲夫要之有義有命婦從死義也子之立不立命也命不可與幾不有棄之而生者乎婦所以語其夫云者君子以爲兩得之矣

貞媼徐氏傳

貞媼徐氏者名某歛朱坊人嫁爲嚴鎮方富妻富火也孤蕩其貧遊輒數年不歸媼以績自給富三十餘而天無子媼年相若也矢不貳志日益貧族人敬其行多善視之僅免凍餒寡居五

十餘年年八十六萬曆十三年某月日微疾卒  
媼潔操蓋天性聞人善孳孳道之卽有汗行疾  
之不欲見可謂貞矣

西野氏曰余聞之古天之降衷於民好懿德性  
也而帝鴻氏之子掩義少皞氏之子惡忠此亦  
天命之不移否耶變化之道惡乎不有可駭言  
哉貞媼處蓬蓽筭禕之間非要名譽惡其聲也  
其所好惡乃與道符而都人士翩翩豪舉者是  
非非是或倒置焉豈獨崑崙之西有渾沌哉難  
言之矣媼之寡也年少逾例弗及旌嗟乎如媼  
者何可勿旌耶

烈婦張氏傳

烈婦張氏者名某歙嚴鎮人也世微父某程氏  
之僕也嫁爲汪某妻某亦僕也姑與奴俱以淫  
聞利少年金數誘婦婦不從夫怒捶之婦歸泣  
告其母父母耻之弗言少年挑之弗置夫益怒  
之婦被捶者屢矣有慰言微及其奴夫素與奴  
通愈益怒姑奴因與夫縛而毒捶之慘甚呼天

素園存稿

卷之十三

二十七

而死事聞於官旣驗矣父懦其主納賂少年爲  
耳目者多遂寢時萬曆六年某月也

西野氏曰孟子言性善人皆有良心也詎不信  
夫婦小家女非有傳姆之訓所與居皆塗炭也  
非貞白惡能不免乃其不爲利誘不爲威屈雖  
烈士無以過此豈蓬麻扶而直者然耶嚴鎮萬  
家市也市中蓋萬手指之然未有旌別以視之  
趨者乃猥憾天道之遠曰無知也何哉

從妹汪母孺人傳

素園存稿

卷之十三

二十八

孺人余群從妹也爲叢睦汪季君仁先之配余  
家嚴鎮與叢睦比而兩姓世相好也孺人之父  
汝寬公豪邁有智奇其女季君童而斂迹不凡  
蹇脩者有成言矣長君自外至告于母曰疇昔  
有兆寔協休祥其昌吾門哉舉室相慶姑閨寡  
居治嚴門內嚶嚶也孺人固早閑內則執婦道  
甚謹尸褻問寢身下二奴蓋順而孚靡間矣家  
構居室三其戶相者曰是且析乎或以磯姑姑  
盛怒不可解婦從容指所抱曰是方孩也而趨

蹟矣夫析非少者利也設有之婦寧不以聞耶  
姑悟曰婦賢聽吾過也命鷄黍以志喜俄而姑  
遘疾則宵衣治穰居喪過毀以瘠唁者曰禮既  
長君手割故貲當季君者適此窳焉或以間季  
君孺人曰是刀錐者末耳若其競也何以示後  
之人季君然之乃廢居吳會轉轂四達貲日以  
起孺人寔任家督凡子女婚嫁中表問遺一切  
倚辦於是食指繁矣乃命叔子佐季君游毋專  
委書記闌出也三子則各占一經歲延師或二

素園存稿

卷之十三

二十九

三師與夫同聲譚執之士凡授贊授粲必中節  
焉有截髭風伯仲餽廩學宮季應浙省試斐然  
有聲矣則丁寧語之母以一簣而虧案土諸子  
恒言師友昕夕劇切益者三矣猶未若慈闈耳  
提諄諄也性淡泊又篤事佛食鮮葷肉在中饋  
逮下徧食乃嘗至憫恤寡困或推食而更舉火  
不厭也近屬有嫠而貧者延共寢食而收其子  
有壯而未家者脫簪珥爲之羔鴈焉伯姒晚病  
廢業亦旁落比者以携孺人過從問訊有加於

昔於是宗黨稱仁而章甫者忤矣嘗語諸子爾  
曹一日治民令境內靡饑色乃無負哉歲甲午  
仲季並舉于鄉明年仲成進士補光化令孺人  
隨征焉暑苦湫隘戒勿葺其屏紛華課紵績一  
如其舊每聞庭質決責必問其以仲奉訓推仁  
豈第聲洽兼攝穀城兩邑士民咸推本傾嚮比  
於不疑之母未幾中寒疾逾月而瘳仲固請奉  
板輿及故里不可曰吾疾幸瘳汝一心爲政吾  
乃安柰何負兩邑黎庶貽我戚戚哉戊戌首夏

素園存稿

卷之十三

三十

疾復作遂革望之後三日也距生嘉靖辛卯九  
月十三日享年六十有八云孺人始艱於嗣孕  
弗育寢或啟之有八九始成之語諸子應試未  
偶曰需之吾身若時夢必襲吉第毋自墮耳及  
仲捷至曰異日有徵中必雙何爽也已而報季  
果同登焉彌留之夕謂仲昔者夢矣四子昇我  
一子收我非前定耶蓋其貞靜之德誠壹弗貳  
故善必先知之匪偶然哉孺人之提身也莊而  
不矜其語仲爲政則指夫波流茅靡者以爲戒

匪獨沾沾爲惠已也然歸於慈厚御臧獲有恩  
小過多宥疾苦則噢咻不置其大諄諄者乃弗  
可縱耳古之所稱女士如爲士則君子之中立  
而不流者乎從子度吏狀之云匪阿也信矣  
子四伯建功仲元功叔允功季有功仲季俱受  
室余宗伯娶于王叔娶于鮑繼以朱女一適余  
教諭仲兄之孫士端詳具狀中

西野氏曰詩詠摻木尚矣夫樂窈窕綏福履豈  
非休哉易之繫家人利女貞則正位乎內有嚴  
素園存稿 卷之十三 主

君焉固戒夫嘻嘻者也要之禮則不違所以章  
順將無詆於古與孺人之觀歸也姻黨之喧咸  
曰斯人也而亡誅賢傷旅蓋道路同聲焉其微  
之矣方折之源群玉競爽有自也夫

### 吳季君傳

吳季君光昇字汝旭歙溪南人歙俗重土著相  
尚以高貲溪南之吳則自唐咸通年矣而累世  
以貲稱甲於郡邑至君父 以經術起爲諸  
生有名遊大學又有名然弗第乃修先世業而

徙於維揚貲益起君在兄弟中最少而早慧遊  
太學亦有名至鄉試則亦弗偶父沒其諸父諸  
兄皆長者有聞於淮揚間者而以君爲才使任  
家督君纔逾冠望立耳而所條畫便宜決策棄  
取咸中慮若執左契弗爽同時老蒼人皆自以  
爲不及貲益大起乃嘆曰吾失意於棘闈稍用  
於鹽筴非始願也夫所爲起貲不厭者貴有所  
用之耳深藏厚積而不能施吾見之矣其與窳  
人何異乃請於諸父兄諸父兄皆聽其所爲於

素園存稿

卷之十三

主

是若宗祠義田與塾規費約鉅萬次第舉矣而  
所茹素衣布若寒士皮相者徒以爲用纖嗇起  
而未測其度也嘗當暑過一邑見所逮繫數十  
人方侯比因賜垂泣問何所犯皆以逋贖力不  
能完者乃捐百餘金盡爲納之囹圄遂空邑令  
恠其故知君所爲物色之而君行矣維揚多火  
災細民茅茨者焚百餘家君計口周之百餘家  
皆賴以生活其好行其德所散逾廣所積逾倍  
而仰拾俯取者弗能如也君才識既出人人或



匪所思見以爲好奇然君則無所矯也人有以地求售者君無所用之謝去之而求益力曰價不欲昂也求當其值耳君曰是以我爲欲之而故斬之者乎乃如其請予之而以其地爲義塚客謂君曰夫爲是舉者必於不毛之地價什一耳乃以善價易之君智寧不及此也君曰然吾非徒澤死者亦以濟生者也吾以其求售之亟而嘗謝去之也於是人益莫能測君之度而君益務自下不以先人人益賢之矣君素強力鮮素園存稿  
卷之十三  
三十三

於二孤其殉不同其志一也二孤尚少諸父兄俱善撫之侄太學  
來請余立傳曰君志也才亦似君足以繼君志而成其孤者吳氏世有人君不亡矣

方子曰季君余早識之於金陵君故與余兒蒙遊余語蒙此益者友也如用於世則敏而果以當劇任事何有哉然君先世素封之業厚矣施於有政而計然之畫無遺其才可觀也傳稱鴟夷子三致千金而散之其致之非難其能散爲難耳乃君所致散不啻什伍豈非賢於人哉夫古昔懷才藝而未見於世者世未嘗不慨嘆之所從來久矣

### 吳處士傳

吳處士文彥字德美別號雙塘所居臨廣陂稱大塘吳也其先從休吳田宋慶元間遷歙里曰巖鎮蓋以貫亢邑稅長云而父榮益起貴應詔出粟拜民爵舉五丈夫子處士行四幼端愿異群兒從塾師受書至不自棄文三復不釋意



當如是塾師驚曰士誠貴躬行孺子乃爾耶卽  
三語可終身佩矣乃處士迨老恒調之訓于庭  
也曰人生在勤勤毋棄時棄時乃自棄也儒與  
賈無異道毋自棄而已矣初父命叔季治儒處  
士從伯仲賈賈年十四諸貨物良苦卽辨之同  
事老蒼者異其敏其後貲五析而叔季故儒方  
議棄取處士曰父命之謂何而可令舍業耶乃  
兼任之其息什五織紵巨積亡毫髮私叔後由  
邑庠國學任按察從事以薦稱李超生業埒素  
素園存稿 卷之十三 三十五

一第終始無違言季嘗絰無妄有南臺逮處士  
耆矣奮與之偕值夜疾驅無後期會事解未對  
吏也而急難之誼彰矣伯兄子不任治生爲任  
之而殖其息以爲嘸也不得已返之未幾盡喪  
其所懷煩之煩失乃嘆曰未之也則於我乎  
食且殯焉而未嘗德色自五屬千指不齊任誠  
質周旋其間無業者引與共事冀恢宗祚蓋有  
通主子母者闌出數百千蕩費不能償既寘勿  
問猶時周其乏於里閭不媚其醴不介町畦雖  
素園存稿 卷之十三 三十六

封而子若孫彬彬秀發由處士興之也吳氏既  
著聲邑中邑凡大繇役若築城輸木卽首藉名  
任督咸獨身受事不以分賦兄若弟也役竣母  
程以金五十勞持門戶甚苦跪謝不受臺司屢  
行邑獎焉湖陰城之役也以旅次任爲植當拜  
爵遽歸謝免曰非以近名也于時有儲穀之令  
邑課且殿以勸閭右衆皆謁避獨奉檄不辭凡  
以好行其德毋用俯拾仰取孳孳爲也孝友天  
性無所強勉事父母務趨承先志中其驩三兄

峭直侃侃規人過而其人善卽稱嘉不記  
其往以故人皆重之無宿怨者兩造方忿得居  
間往往立解姻黨有婦病死而母家疑繼姑殺  
之訟端方始或賂焉不可處士往語其故其家  
卽冰釋辭曰長者寧欺我我豈以女要賂哉里  
中士喜談其事蓋兩賢之中歲未衰也而傳子  
世功亦稱善於里性寬緩不疑人欺急人之急  
人多負之無何以疾卒處士傷之曰兒故無他  
亦無可收者焚之耳乃諸曹賈都會者競輒沒

過半初聞之曰何至是夫夫者盡無良耶已太  
息此儻來去者剩也有掠者耳胡爲邑邑自損  
遽出對客張飲酣暢如平常乃爲畫便規屬諸  
孫更主董成無若前漫委持籌者舊業復振人  
益服其襟量處士以勤力起家志在澹泊自奉  
以約恒語家人約鮮失也及所施舍義舉傾囊  
不惜行道有遺錢鏹者往往取償而老婦屢哭  
遺金市人疑而厭之竟如數償焉曰焉知非實  
亡金者吾不忍其窶而逆億之也性坦率由由

素園存稿

卷之十三

三十七

間左右情話竟日日以爲常身長六尺餘于思  
軒然行道中咸屬目異之未知者謂是何中州  
北偉丈人也余姪玄白生獻成好養生語問處  
士有術乎曰吾不知術第起居有常任真自適  
耳玄白生有味其言以爲體合自然寔淮南枕  
中要訣也宇內承平久里俗日益尚汰最爾瘠  
鄉而與都會競欲過欲及余媿不能率一切宴  
飲盛饌者謝不赴和我者以佳風日携榼郊野  
豆毋踰四余欣然往焉處士孫庠生學禮將處

士命請具如約余謂若翁能出乎曰能杖乎曰  
徑死耳恃輿也期日午矣而不速則蒼頭茫然  
來言主翁若不快也默焉逝矣蓋素鮮疾疢不  
瘳也年九十有六矣僊僊乎斯爲令終也夫孫  
三人長學詩國子生次禮也次學書禮部儒生  
戚克家有令聞西野氏曰余里居則喜從處士  
二三丈人遊也士何必泛覽工夸誕語適滋厲  
階又惡睹所云海上飛來往三山者即處士佩  
三語終身以詒孫子奚啻五車萬卷年幾百優

素園存稿

卷之十三

三十八

游處順鄉人善者好之僊耶非耶斯可謂吉人  
善士矣語曰慶門多壽苟有介之者歟處士父  
年七十有九仲兄年九十有四季今九十有三  
疆步未衰其哭處士致哀也

### 洪太學傳

洪季君涇字時義別號南谷歛洪源人洪氏自  
唐黜陟使居婺源宋少師徙休之黃石由黃石  
徙洪源多顯者稱簪纓族云君父金三翁什少  
孤事母黃孝黃賢中表稱爲女範於是洪氏以

節孝者郡中郡志紀之矣金竺翁娶於吳生子  
三人君其季也君奉繼母胡如吳而嚴事伯兄  
伯兄浩善賈好義有名荆揚間與季俱喜從賢  
豪遊而仲兄湯獨杜扉習靜澹泊自約以兄若  
弟才足振而已可無所事也邑長者以示楷於  
鄉曰洪氏三良孰眉白者其難爲範矣而君自  
爲兒童醇謹不妄年十三而金竺翁携之入楚  
楚人禮之若成人不敢以少易之余里中汀州  
別駕潘公有知人鑒重君語金竺翁俾肄業太  
學園存稿 卷之十三 三十九

旅于楚而疾獨君從晝夜侍不解帶翁憐之昇  
之一篋君慟絕不忍啟緘之以待二兄人益重  
君孝廢矣其砥礪不苟蓋自少迨老雖自內有  
謫言不屑也居常與宗人爲培源會彰順塞違  
恤弱周乏而君以躬行真意率之咸有興焉於  
是洪氏以敦誼著矣宗人某甲乙待以婚  
非一而嘗有負已者不惟置之而猶振之蓋本  
天性好行其德而未嘗德色也在楚有徐氏者  
爲盜所誣中家產破矣君知其枉而當事者知  
君竟出之徐氏歲時祝焉嘗遊君山夜半聞履  
舟號呼者募僧救之活一人而有司疑僧行劫  
鍛鍊之獄成矣君嘆曰是吾寃之也力爲伸白  
頗有信者而同遊姜舉人成進士助君宣言始  
免君數以語所從遊搢紳大夫公等治獄安可  
不慎僧行劫固有之耳而槩以坐僧僧十年繫  
而吾繫心者亦十年以亟矣君蓋數使周之且  
諭之此在梵典中所云前生孽也忍之無爲  
獄中無從出耳君既出僧於獄遊得意也而所

任棄取者畫輒左數喪資斧舊業日益落君曰  
此儻去來者無能握兒輩善爲之耳日  
適不輟也所著勸善等歌其辭不文雜以方言  
務反復啟發田舍中易曉里中耆艾夫人頗以  
訓子弟喜誦之蓋夙信君非徒言之者兩造相  
持方氣盈株累以君片言而解者屢矣余旣以  
別駕知君而季兒以晉從君受室蓋別駕意也  
晉志於學三試三黜邑人士相與言迂哉司徒  
胡爲磴磴而今子斐然黜也君則謂女司徒公  
素園存稿 卷之十三 四十一

言之由衷諄然見其人焉夫三百篇可以興者  
卽閭里語不廢耳今摘辭之士談天雕龍其文  
盈車而不以載道操戈建旛塗民耳目而簧鼓  
之知言者有孟氏之懼距之放之宜不得已也  
辭雖工亦奚以爲哉夫辭與其淫也寧俚太史  
氏如觀民風所採可知矣

程雲南傳

宇和程公之沒也羅中丞狀其行悉矣其文不  
溢余因之立傳程公道東宇震伯世居歙之介  
塘著邑中大父廷實翁琇以厚善稱而父封奉  
直公鑛治詩以授公公方垂髫習舉子義卽多  
自得語不依帖講套驚其師補郡庠生試常首  
諸生諸生咸屬目推讓之矣壬子舉于鄉已未  
成進士同考擬第一而主考有所引嫌僅魁其  
經于時郡中在朝者爲公惜而主考李宗伯西  
野公也大爲公延譽衆謂文學侍從之選不舍  
公矣而是科罷選授工部都水司主事奉詔營  
景藩歸而有官功之後世廟微得公勤勵狀書

名便而賜金賜帛賜扇比竣事賜爵一級陞員外郎郎中佐大司空朱公出治河朱公倚辦公叙績第一賜秩二級爲忌者所中出守深州州以朝中遷者或不屑事事公勤其職若始仕者會當編戶編戶州重役也公躬歷鄉落揭竿者三令各以等立竿下不實者衆面訐之富者避則貧者厲不能相比州人悅服又爲之築堤捍水堤就而轉青州府貳青故多訟訟不決者以移公則片言而解雖曲者不敢對曰安得公久

素園存稿

卷之十三

四十三

撫我者不費一錢不宿春糧而慰耶時議海運公議有緒當事方以屬公會罷議遷南駕部員外郎庫部郎中提督武學武學當平世湮矣公一振飾之士有興焉而時亟水備以屬公公練戰艦則若席上也諸公咸推重公具文武器而忌者未釋出守雲南郡郡荒服公忘其遠猶之青與深也而拊循益加之意公才名夙著凡他所艱鉅監司多以屬公公剴割有餘裕卽以其間治郡郡治矣蓋綴其罷職其梗市鮮游惰而

訟庭常靜也郡故有五華書院爲飭之群多士講道藝其中彬彬若鄒魯焉比入覲惟載束書大叅近溪羅公大暨萬里清風以贈而先是撫臺中堅失律當坐屬有與主鞠者首鼠直指以移公公問如律當路大忤求昌守某著貪墨聲而藩臬長皆深知公者某於公求解不得而憾大肆飛語而銓部以量移擬公嘆曰遠則天涯矣末之也于時封公母太宜人許偕老在堂公欣然拂衣歸田十餘年而二尊人始捐館舍

素園存稿

卷之十三

四十四

公老矣而孺子慕也公少嘗目青治未効一媼踵門語大母許若孫貴人無慮入臥內以手熨其目爲引幌解結而去青尋愈大母異之語家人兒必貴毋輟學則日問其課及大母沒公食不甘寢不安者累歲也治河之役舟覆而免築堤當龍窟夢與龍伯遇叱之翌日堤就人以爲神所祚云性純厚由由與人別號宇和蓋其志也而當事不阿乃毅然任焉始督宮功中貴人竄空名受直者以爲恒公一切稱事食之無所

實大瑣保深產也深之人藉爲公地公賜而止  
之無汗我可謂信道知命君子也夫善曆癸卯  
公年大耋矣郡邑大夫士庶方謀稱觴而令終  
正寢遠邇嗟悼無間言云子二人士安太學生  
士賢郡諸生皆有才行方叔子曰世咸惜公治  
才優未竟其用鮮知其文公亦不言文也蓋實  
與余深言余愧其言乃其言是論文之要也曰  
夫自昔作者未嘗不好古非襲之謂也今也襲  
惟無襲古而矢口必古乃可與古並驅耳余嘗

素園存稿

卷之十三

四十五

舉其語以示能文者公治郡淺僻遠萬里竿牘  
不至都門易中譏其治績于河爲多所治南北  
中舟車所奏會而公喜從豪賢大夫遊談其汎  
交者則忌矣卒以是見中也余嘗於公所聞當  
柄者之論卽邵邑月旦評乃與朝端密勿不奏  
余喟然以爲天下可運於掌非欺我何以云知  
人難也及其所用舍則不然豈先所見賢者非  
真見抑多士濟濟忽忘之歟此其所由者非所  
知哉夫造物者以有予奪也公於世齟齬歸出

早得左右侍養生沒無違禮優遊遐壽嗣子賢  
將益有光所予者厚矣

素園存稿

卷之十三

素園存稿卷之十四

新安方弘靜著

整理海防疏

題爲整理海防事近接邸報爲海賊滋蔓地

方流毒乞

勅當事諸臣併力剿滅以伸

國威事該兵科都給事中張書等題該兵部

覆奉

欽依責成福建官兵增募民船民兵約會淞江

素園存稿

卷之十四

一

温台舟山舟師夾攻羅浮等處之賊浙江  
仍整擄乍浦兵船暫泊本處定昌水兵聽  
總兵朱冠督至舟山以備截殺及照海面  
寥闊萬無盡滅之理浙直閩廣各軍門卽  
當賊遯防其勾引島夷前來侵軼各照先  
年舊規一切防禦之計預行整理毋得因  
循怠緩及博取節省之名貽地方之患等  
因抄報到臣案照先於本年七月十二等  
日據整飭温處兵備副使華汝礪叅將李

素園存稿

卷之十四

二

希周傳報福建福寧州間峽羅浮等洋賊  
情該臣看得賊勢震鄰水陸俱應益備當  
調標下官兵分發温台等府衝要地方策  
應一面會同總兵官朱冠及督海兵各道  
叅把等官整擄兵船戰具猶恐賊衆成艘  
流突責令沿海每縣選顧鐵頭漁船數拾  
隻就揀選精壯漁人充兵助守在温州者  
多集於鎮下門聽候福建官兵追剿之時  
會合夾擊在寧波者多集於舟山以備援  
截彼時尚有東南風發恐賊遠從外洋流  
犯浙西又行嘉湖兵備僉事沈奎叅將秋  
從夏嚴加設備及傳報直隸蘇松兵備道  
吳淞副總兵一體隄防遇賊入境發兵應  
援無分彼此去後續據金盤把總葉歡報  
接福建俞總兵票開澎湖賊林鳳遯去東  
方福寧賊張無毛老聞温州嚴備不敢入  
浙已於八月初五日遯往外洋去訖臣恐  
賊計狡詐緩兵復來就留標兵防過小汛



掣回外今該前因爲照臣自入浙訪得海防禦先水後陸倭賊之來未遠近海所恃兵船出洋哨剿以安內地遇有隨風登岸者方以陸兵堵截今之陸兵稍加校練可以應敵惟水兵福滄大船則稱民兵減少軍丁不諳撐駕因而推避不出遠哨且造船板薄釘稀繕器苟且脆鈍又稱水兵餉少陸兵餉多人懷不均遂至懈忽疲弱應名水操久廢裁省之法愈急侵冒之弊

素園存稿

卷之十四

三

愈深海防日漸敝壞就待海兵各道會同總兵叅將逐一議報又經併行浙江布政司會同按都二司各道覆議隨據呈稱依奉查得給餉舊規每年陸兵每名銀十兩水兵每名銀九兩俱汛畢下班兩箇月近於隆慶四年該前巡撫谷都御史議將水陸兵俱不放班陸名每名每年加銀八錢水兵仍舊及減各船民兵二千五百餘名以軍丁抵數并革副舵以減餉銀題奉

欽依通行在卷今該本司左布政使謝鵬舉布政使江一麟會同按察司按察使劉繼文都司署都指揮僉事謝詔海兵各道副使等官劉翽等議得謀貴未然事當善後計近者惟圖小費之惜顧爲費也滋多慮遠者不攘節省之名其所省也甚大欲善今日之海防宜復前日之兵餉邇者甌寇逼境勢切震鄰渠魁逋逃禍機叵測必須廣咨破格整飭隄防庶能足養繕兵緩急

素園存稿

卷之十四

四

有備今蒙本院廣益集思開款博詢地方大計已經海兵各道酌議明允又行本司會議以求至當職等今據覆議過各款緣由呈乞施行等因據此臣惟兩浙海防二千餘里當倭寇首衝所繫至重要在居安慮危有備無患不恃其不來恃有以待之耳蓋謀不預者不可以應變實不覈者不可與永圖徂目前之安忘意外之虞非善計者也況今廣寇漏殄遞入夷方勾引突



犯形勢易見所據兵船戰具俱在疲敝修復預備誠不宜緩既經三司等官重覆會議前來臣又詳加叅酌條爲六事上塵

睿覽均乞

聖明裁定

勅下該部覆議早賜施行地方幸甚臣不勝幸甚緣係整理海防事理爲此開坐具本謹題請

旨

素園存稿

卷之十四

五

計開

一復額兵照得浙海先年顧稅福船剿賊因而留用至今此船體艚高大須用慣熟兵梢五十餘人方能駕駛如遇大樣賊船必以福船克之自隆慶四年汰革民兵二千五百餘名以軍抵數每一號福船民兵二十一名軍兵三十一名二號三號及蒼山等船以次遞減緣衛軍逃亡過半見在又

素園存稿

卷之十四

六

多孱弱撥守烽堠臺寨陸路團操守城巡捕等差尚不敷用復加選出貼鴛兵船則城寨等處缺人守把一有失誤得以推諉且各離家咫尺常懷私顧中間暈船吐浪不諳撐駕者尤多管船捕盜每稱人力不足難以駕便出洋任意偷惰有虛名而無實用況原議選易軍兵本謂每月食糧四斗六斗之外加足一石可省餉費今則軍兵多繁舍人餘丁原不食糧一槩應役全支一石蓋若仍募民兵所費亦不相懸今議將隆慶四年加添軍盡數革回衛以固城守另募沿海捕魚精壯之人充兵補足原額蓋弱者可守壯者可戰人皆可用則費無虛冒矣及查舵工乃一船司命先年福滄等船各有副舵一名以備正舵疾病事故之用近亦革去尤宜復設

再照水兵往因數多哨捕得以作姦掛名虛冒出洋顧人應點汛畢又得放班名爲哨糧故宜工食減少近來汰革過多全浙止存八千九百餘名每年春汛二月終出洋六月終掣哨小汛九月終出洋十月終掣哨其滄漁小哨等船又有輪班哨守之規常川在海衝冒風濤危險萬狀每年工食止銀九兩比之陸兵年給十兩八

素園存稿

卷之十四

七

錢果有不均之歎況截寇於水爲上平倭事例開載甚明似應水陸兵餉一例支給庶與情協而士氣奮遇敵無不用命矣伏乞

聖裁

一 整戰船照得定海昌國松海金盤臨觀海寧六總各關有福滄草嶺蒼山艚船沙魚小哨吹喇唬等名兵船大小相將爲用自倭寇蕩平之後船目

脆薄而整日滋多隆慶四年間該巡撫谷都御史議定各總戰船官給稅銀令捕盜自脩自造謂其愛惜已物必皆堅固奈何捕盜習姦稅銀易費既無稽查更復苟且一遇大風巨浪卽被擺損雖行脩理終畏出洋貢具多不完備何以禦敵今議各關額定兵船聽海兵各道嚴督各府海防同知公同備倭把總逐船親行勘驗內

素園存稿

卷之十四

八

有相應暫且脩用者責限捕盜作速脩理完固其損壞應該折造者選取堪用舊料作爲上艚其底艚下裝俱用新木成造限定福船板厚二寸五分以上草撤艚船蒼漁船各二寸以上小哨一寸五分以上俱用温州松板沙船板厚二寸以上用楠木吹喇唬船一寸三分以上用杉木各許加厚不許減薄每板一尺限四釘如法

灰驗委官驗於興工之前查於工完之日務要板木合式釘料無虛貢具篷桅一切堅固完備該道會同叅將親行驗過方許下水隨即報臣查考該道仍每船置立簿一扇印發總哨各官先填捕盜舵工稍水定役次列執械殺手各姓名年貌籍貫及合用貢具軍火器械火藥數目送道查過發還各官收執續有更易兵稍發領

素園存稿

卷之四

九

器械者隨即填寫每遇操演或對敵用過火藥等項准照舊規開銷明填簿後每季終送道查覆一次海防官亦每季照簿點驗議察仍聽臣不時吊查庶船具堅固得用而虛侵偷情之姦永絕矣伏乞

聖裁

一利器械照各府成造軍火器械火藥向委募職等官管督接受姦匠常例

悉以濫惡充數求其鋒利實用十無二三至於火藥硝不提鬻合不精細甫放一鉞即管內溫濕難以再放况火慢彈道不能克敵又多侵賈料價經年累月無完隆慶三年該巡撫谷都御史因懲前弊俱改在省都司團造轉發嗣後溫台地方鋪匠圖侵通同承行吏書架言山路崎嶇搬運不便延不赴領是以隆慶五年復行各

素園存稿

卷之十四

十

府自造緣鋪匠多無賴慣猾領銀入手任意花費雖經行追不得濟用近報福寧之警即請省城給發甚有徑行杭州府借用者其弊已極今議各府軍火器械火藥仍於都司團造聽海兵各道豫查應造之數并應脩器械徑解都司仍呈臣批行該司會同監軍道估計合用工料價值開詳定委廉能府佐官一員公同熟識兵器

將官一員督匠成造轉發給用各府俱將該造軍火器械火藥價銀逐年查解布政司收候都司呈給每以銀多者作三次發造少者或二次一次發造初次該造若干以銀百兩先給六十兩買料聽委官秤足驗明再給工炭銀十兩置簿登記監督打造酌量限定幾日造完委官驗解監軍道親自勘試務要槍刀堅鋼弓箭精利

素園存稿

卷之十四

十一

發貢佛狼機百子銃等器必須銅鐵拾鍊烏銃尤要打統鑽成細火藥用柳炭麤火藥用杉炭硝黃提淨如法研合試將各藥牽列五堆一燃齊盡乃爲堪用收貯都司庫內方准找足前銀二次三次一體施行每限有違十日以上解匠赴道比較一月以上監併家屬二月以上究罪招詳其驗有不堪者責令另造再過二月不完

問罪追陪委官別議每至季終都司將收發過監軍道將已未造完各數自造冊送臣稽考仍聽不時吊取試驗廢器利弊除而軍威增銳矣伏乞聖裁

一處餉費照得浙省年額徵納留存軍諸倉糧通計各府衛所見在官軍人等支用外杭嘉紹寧台溫處七府每年約剩糧米一十四萬餘石乃軍戶

素園存稿

卷之十四

十一

逃亡之所積也多被慣徒收侵攬盜經年拖欠向以多餘之數因循置而不講今華協駕軍二千五百餘名又省糧米三萬餘石連前剩米共計不下十一十七萬餘石既將水兵八千九百餘名每名加給工食銀一兩八錢共一萬六千二十餘兩復募民兵二千五百餘名該銀二萬七千餘兩又福滄等船約復副舵工二百名每名

日給銀五分共三千六百兩一年通  
共增銀四萬六千六百二十兩內除  
省支糧米三萬石每石折銀五錢五  
分共銀一萬六千五百兩外實增餉  
銀三萬一百二十兩目今庫藏詘乏  
民困未蘇若行加派力有不勝所據  
前項支剩倉糧皆百姓惟正之供若  
與照額追徵毋容侵欠餉用自有餘  
裕今議每年量留一半八萬五千石

素園存稿

卷之十四

十三

以備災荒難徵外其八萬五千石照  
例折銀併入額餉聽布政司通融查  
派督責各府州縣掌印管糧官設法  
徵完抵充前費庶錢糧免於蠹耗而  
饋餉得以恒足矣伏乞

聖裁

一練舟師照得戰船水兵舊有水操陸  
操之規脩完船隻則在水寨試演銃  
標火箭等械使船習諳進止方發防

汛汛畢各兵俱在陸地習練刀牌槍  
叉各項武藝精熟匪獨在船利戰遇  
賊棄船登山隨即執械追剿近來操  
規廢弛船兵僅取撐駕倘遇劇賊鮮  
不僨事由因循玩忽之過也今議每  
年春防汛畢六月終兵船收港七八  
兩月各船止留各色稍水看船原派  
軍火器械殺手近分守叅將駐劄者  
聽叅將近備倭把總駐劄者聽把總

素園存稿

卷之十四

十四

督同哨官隨宜擇地訓練至九月初  
上船防過小汛十一月中起至來年  
正月中止各在水寨如法練習俱三  
日一次務要嚴加校試精熟仍聽海  
兵該道親詣閱視量行賞罰方發出  
洋每次水陸操畢該道報臣查考庶  
水兵皆得實效而月糧不致虛糜矣  
伏乞

聖裁

編漁甲照得沿海貧民別無生理專靠捕魚以資衣食於是下海之禁少寬容其駕船出洋採取但每年黃魚生發時值風汛正殷往往被倭搶劫雖有編立漁甲之法而處之未盡無人約束致有參差失墜數遭其害不惟資寇食用甚至被脅嚮導引劫居民關繫甚切今議責委各府海防官公同各縣掌印官將本屬邊海漁船盡數查出以大船十隻爲一甲次小者十五隻爲一甲外立一甲首以十七八人一船者充之每三甲外立一紀首以二十人一船者充之三紀外立一綱首以二十四五人一船者充之三綱外立一綱長以三十人一船者充之五綱或四綱屬一哨長管束選有機智膽勇平昔服衆者用造冊四本繳臣并海兵該道委官各一本

存縣一本綱網紀甲船俱許捕魚哨長專一防護船免納稅仍帶划船二隻以便傳報每艘號旗一色各帶隨身器械聽哨長點齊結報本縣就支漁稅銀給哨長及本船兵稍工食銀一個月每日哨長六分兵稍各三分仍賞哨長花紅銀五錢艘長二錢綱紀甲首各一錢方發出洋往迴依次而行不許攙錯落後頭目一路隄防恐有賊船預伏港畧邀劫遇警合輟救援仍行海寧海臨觀三把總各撥兵船數隻共爲一枝海兵道會委慣海官一員統領漁船下網洋山等處四外巡邏遇賊卽剿各府哨長率衆併力追擊獲功一體錄賞敢有觀望畏縮不行救應及不遵約束者定以軍法處治隱漏不報入甲者治以私自下海之罪船隻入官哨長防過一

年查果效勞給與冠帶榮身以示激  
勸漁船編籍既定遇警之時可以隨  
宜取用專委將官統領給與船稅口  
糧聽調防禦平日不妨生理仍照保  
甲之法責令各船戶互相譏察但有  
私出外境通番引寇與自行盜劫者  
同甲人即報哨艘長或綱紀甲首稟  
官追究果係真盜照例給賞容隱不  
舉者事發連坐不許官司別項差撥

素園存稿

卷之十四

七

聖裁

報捷疏

題爲仰仗

天威沿海官兵遠出外洋邀擊倭船捷音事據  
巡視海道兼寧紹兵備副使劉翺整飭溫  
處兵備兼分巡道副使華汝礪整飭台州  
兵備兼分巡寧紹台道僉事王嘉言呈

奉臣節次牌行各道會同總兵衙門分守  
叅將督率總哨等官操練水陸兵士分派  
出洋謹備遠哨遇賊奮剿以安內地又蒙  
巡按浙江監察蕭御史行道轉行叅把等  
官督率士卒整擗器具遠哨探聞報援截  
不許誤事等因遵此該各道閱校水陸兵  
勇脩繕戰船查發火器催給糧餉督責叅  
總等官統駕兵船遠出窮洋搜邏遇警奮  
剿去後各道今准據叅總等官開報所獲

素園存稿

卷之十四

八

功次內巡視海道報准署浙江總兵事原  
任副總兵王尚文分守寧紹叅將艾升報  
據總兵標下統領中軍遊哨兵船名色把  
總徐景星報稱職同軍門差到聽用原任  
把總俞尚志督帶兵船於今年四月初七  
日登陳錢山相度地形議建寨堡以扼賊  
衝藤見李西魯有太倭船一隻即督兵船  
追至浪岡海洋銃矢傷賊不計職亦被賊  
鳥銃鉛彈打落一齒唇破彈行在頸鬢船

隨有俞尚志嚴督後船追過直隸海洋日暮收回初八日哨有倭船一隻在羊嶼海洋職切奮帶傷督兵追至直隸大七海洋與賊交戰職箭銃打射及用梨花火器擲拋賊船賊被焚燒死傷六十餘人僅存二十餘賊在船至二更時分正欲收功之際颶風陡發巨浪滔天兵船賊船俱各漂散連日在海十三日收至江北呂四場傳聞前追賊船漂至淮安地方被擒七人職等

素園存稿

卷之十四

十九

船至二十九日俱回信地查得陣亡兵健汪庸等三名併傷亡十一名等因到道隨據徐景星報五月初二日午時烏嶼東洋有異樣倭船一隻向西北行使即報總參衙門隨發督陣哨官劉師益都茂功部船前來協同軍門原差聽用官俞尚志海道原差督陣官江明協剿名色把總客寅統督哨官黃德隆等大小兵船未時於浪岡海洋追及前船約賊百餘官兵奮勇齊用

百子銃攻打鏖戰至申賊船拚命逃遁官兵抵死力追亂放銃砲火箭等項打傷死者不計職挺先用火藥一桶擲過燒船賊俱投水時近昏暮風浪洶湧賊多漂沉官兵止共斬首級一十二顆并獲夷器等件我兵亦有輕重損傷等情解道驗果真倭賊級該道又報准王尚文艾升報據本鎮本參標下統領兵船名色把總馬自道陳應良宋大忠哨官錢潛報蒙鎮參海道會

素園存稿

卷之十四

二十

差委官姜祿胡全督同職等出哨五月初三日卯時哨至陳錢壁下瞭見大樣倭船二隻每船約賊七十餘徒職等督率兵船分爲兩翼奮力追及彼此銃箭攻打賊船且戰且逃自午至申賊殊死戰馬自道陳應良宋大忠胡全姜祿等身先挽住賊艦舉火燒蓬各賊亂竄宋大忠陳應良胡全姜祿等齊躍過船及該徐景星遣船策應各船繼至衝犁賊船生擒倭賊六名斬獲



倭首一十七顆并夷器等件溺死倭賊不計時已夜黑風潮猛惡不能撈斬救回被虜漁人四十九名官兵亦有輕重損傷等情解道譯審生擒一名釋介能受係舉主一名慶四記係船主一名受關一一名他郎一名健哥才門一名夏釋七郎俱係本日薩摩洲真倭又據溫處兵備道報准分守溫處叅將李希周報據金盤備倭把總葉歡報本年四月十一日未時南鹿外洋

素園存稿

卷之十四

三

有大倭船一隻約賊六七十徒向南行使卽同哨官段繡毛濟及本叅旗牌官李子秀遊哨把總李春芳領哨督陣官王龍等各督大小兵船齊進攻殺賊船亂放銃矢抵敵該職分兵衝鋒奮督兵船直前圍擊多用百子等銃攻打及本叅牌督一齊進剿遂收奇功擒獲生倭五名并斬首級一十六顆救回被虜漁人一十九名并夷器等件因天晚風浪洶湧用火攻燒焚溺者不

能盡斬陣亡兵夫張三方偃被傷徐六等該本道逐一閱驗果係真倭首級生倭譯審一名與太良一名小太力一名助四良一名九良與門一名三二與門俱係本日真正倭賊等情該道又報准李希周報據本叅中軍遊哨名色把總李春芳報四月十五日卯時東落外洋有雙桅倭船一隻向南行使職統哨官王龍吳文部船馳至落極下洋前船約賊八十餘徒分布兵船

素園存稿

卷之十四

三

四出圍截及報把總葉歡旗牌官李子秀哨官段繡毛濟策應職先奮勇督率哨官王龍吳文部領隊兵將錦等船直前舉放矢石百子鉛銃賊亦亂放銃箭拒敵當該本叅旗牌官王孫與同家丁李忠等官兵踴躍乘勢齊力衝擊多用火器攻打賊徒驚慌亂竄下水臨陣生擒活倭一名首級一十五顆奪獲倭械等件彼因雨露風浪焚溺死者不能盡斬被傷兵軍董文惠等

陣亡兵夫陳文賜等五名等情解道譯驗生倭審名有世囉斬首俱係真倭從賊該道又報四月十三日據瑞安縣漁戶潘應實等拏獲活倭二人并倭刀倭衣到道譯審係日本地名念如彌人一名三婆囉如囉一名同如囉於今年三月初五日糾同倭頭耀睢記等糾黨百餘共船一隻自本地會總倭船約四十隻在海行劫駕至南麂大洋被風打散三婆囉如囉等共虜漁

素園存稿

卷之十四

三

船一隻漁人四十餘名在船欲圖標劫爲因把守官兵嚴密風潮不便各倭醉困在艙各漁人密約窺隙乘出不意奮力將各賊敵打落水生擒二倭被傷金允聰等六人殺死張崇位葉應惜二人潘應實等三十二人共駕原虜漁船回埠此船既被搶虜卽係賊船乞照原編漁甲事例獲功一體給賞等情又據台州兵備道報准分守台金嚴叅將戚繼美報據松門關總哨官

王賜文報四月十一日辰時哨見本關外洋有大小異船二隻行使共約倭賊一百四五十徒正值本叅巡察兵船在洋差官督職部駕捕隊盧欽賜呂鐸等船追剿一行中軍遊哨官任錦兵船在北遙爲聲援各兵奮力追至邳山東南下洋時已申末本叅着令親兵張吉同職家兵王晝親督呂鐸哨船冒矢飛鎗賊船之前放銃誘引相敵大船方得追至齊舉佛狼機百子鳥

素園存稿

卷之十四

三

銃攻打日已昏黃颶風大作我兵只顧與大船敵打其小船一隻忽被逃遁各兵奮勇周旋衝擊大船往來鏖戰隨放火箭中焚大篷各賊慌忙隨有捕盜林文申爲首將船衝犁後艚本捕獨立船頭搖旗號召各船并進賊銃向申齊放中彈陣亡捕盜盧欽賜乘勝犁折賊船一舫衆兵並力血戰當斬手執旗號真倭首級一顆衝犁倭船前後艚棚船身相繼脫落賊見勢急投

水不計時近戌末各捕兵船蜂擁再犁賊方俱溺於水呂鐸同職家兵王畫軍兵張大化等斬獲首級貳顆林文申船兵夫王芝等斬獲首級一顆時值黑夜風急浪大難以撈斬止撈船一艘上繫鐵佛狼機烏銃并獲倭刀倭衣旗甲等件我兵陣亡林文申楊得戰傷楊得其等三名等情解道驗得首級俱係真倭各報到臣據此案照先因浙海福滄大船板薄釘稀且民兵

素園存稿

卷之十四

三五

減少軍丁不諳撐駕難以遠哨又稱水兵比之陸兵餉少人懷不均遂至懈弛該臣集議定式造船仍復民兵加給餉銀及漁船編甲出洋獲功一體錄賞等六事已於萬曆元年十一月內具題奉有

欽依遵行外又於未汛之前節行海兵各道將領等官整擗兵船水陸操備就於二月十六等日調發標下遊擊張可久統把總李承勲李道本兵二總共一千一百餘員名

赴寧波昌國一帶中軍坐營都司朱天和統把總戚子明徐志達兵二總赴台州健跳一帶又調原任京營佐擊暴以平統把總張志倫施有本兵二總赴溫州炎亭一帶及調把總陳伯勝兵一總五百四十餘員名赴浙西乍浦把總蔡允恭兵一總赴浙東三江各沿海列營策應本地陸兵哨截臣隨於本月二十六日巡歷寧波府駐劄又該巡按御史蕭 出巡沿海會同料

素園存稿

卷之十四

三六

理防範嚴督水陸官兵謹守遠哨遇賊必剿各枝遊兵船隻直出外洋撈獲勿容賊舟近港驚擾內地一遇鄰界報警務要應援伏截屢經遣牌申諭又行布政司及寧溫台等府給發餉銀以濟各兵齎裹出哨仍將

令旗令牌轉發海兵各道副使等官劉翺華汝礪王嘉言各承一面副監督官兵防禦及查定海舟山外洋有下八山皆在極東

內陳錢山爲盡與日島東西相對故倭賊船隻必至陳錢山輿收泊集艤候風突犯議者每云可立水寨石堡以逸待勞賊來卽滅免致流犯各省隨行該道督令遊哨把總徐景星同聽用官俞尚志帶領兵船赴彼規畫兼行哨邏去後爲照窮島倭奴連年造船爲寇擾害東南各省沿海地方殆無不到每於風汛倏忽往來如鬼如蜮專在遠洋山輿窺伺搶虜漁樵人船脅從

素園存稿

卷之十四

三

嚮導突劫居民一近內港則閭里驚避卽使盡撲已不堪其擾矣所賴兵船出洋邀擊風濤洶湧之中力戰連日而境上晏然不知有賊其功比之陸戰誠不啻倍蓰但海戰必以壞船爲勝船壞而賊自盡不宜以首級拘者也又官兵與賊相值難分曾否虜掠恐有被虜漁樵之人在船屢行各道傳諭將士凡遇戰時大呼有被虜者卽自下水另用快船撈救故細審解到漁人

絕無誤罹兵刃者然則海戰不拘首級非惟機宜當然尤足以止戢希功混殺之念否則火石鋒鏑之下與賊同舟亦與賊共盡而生還者鮮矣今據報稱寧溫台三處接界官兵連於外洋邀殄前賊除徐景星先追敵敗賊船一隻出境漂至淮安被擒不計外實共沉獲大倭船七隻溺水之賊約四百餘生擒真倭輿主船主從賊并斬首級共七十八名顆奪獲器械收回被虜漁人六十八名緣陳錢浪岡等山去海一千餘里往者兵船出哨至彼爲難今茲執訊獲醜允爲奇捷是皆仰伏

皇上

天威遠播將士宣力效勤之所致也查得申飭賞功新例內開指揮千百戶獲倭船一艘及賊者陞一級賞銀五十兩鈔五十錠乃論艇而不論首級之多寡也平倭事例開載在海遇賊有能邀擊沉溺船隻使賊不

素園存稿

卷之十四

三

得近港或追出境均以奇功論此以安民  
爲上而不論船級之有無也除生擒倭賊  
監候梟示衝鋒被傷官兵量行犒恤被虜  
漁人查發原籍寧家訖惟照海兵各道副  
使劉翺華汝礪僉事王嘉言淬勵三軍鼓  
投石超距之氣決勝千里收發縱指示之  
功原任副總兵王尚文叅將艾升李希周  
戚繼美遠涉風濤成督兵滅賊之績深明  
韜畧振安內攘外之威均應首錄者也名

素園存稿

卷之十四

三

色把總徐景星馬自道金盤把總葉歡名  
色把總李春芳總哨官王賜文皆敢勇衝  
風摧堅破敵出遠洋而殄寇保內地以安  
民功應首錄名色把總聽用等官陳應良  
宋大忠客寅俞尚志黃德隆陳璋桂應時  
督陣哨官錢潛王龍胡全江明姜祿吳文  
王孫李子秀毛濟段繡等各官獲功雖異  
均爲併力宣勞應從次論者也至於有功  
目兵及漁人獲賊例應一體給賞陣亡捕

兵林文申汪甫等一十二名死事可憫俱  
應優恤伏乞

勅下兵部轉行巡按御史將前項功次查勘明  
白具

奏應陞應賞人員與應優恤捕兵照例施行  
庶勸賞明而將士益奮外洋靖而內地永  
安矣

是役也覆倭船八溺水多而擒獲寡在  
令甲所稱奇功也而以首級計則爽矣大司

素園存稿

卷之十四

三

馬譚公引以自咎曰功奇而賞薄乃僕之  
不善掄揚也公復書曰此疆臣職也何言  
功噫可以觀矣幕下士海陽程彬謹識

查察縣官疏

題爲查察回籍縣官事先據浙江紹興府諸  
暨縣申准本縣知縣夏念東關年三十六  
歲江西南城縣人由舉人隆慶五年三月  
二十九日除授本年八月二十一日到任  
緣職歲餘失父母守孤兒見年七十有八

今聞母病脾泄日夜惶惶乞照湖廣上津縣知縣王津事例准令改教養親緣由及據本縣鄉民劉文勲等連名具告乞留本官任事俱該前巡撫鄒都御史批據帶管分守寧紹台道僉事王嘉言呈稱行據紹興府申查得知縣夏念東因母老病懇情比例就教繼接家書又聞母病危篤情迫不已隨將印信倉庫錢糧交管明白回籍去訖並無粘帶不了事件委與尋常擅離

素園存稿

卷之十四

三

職守者不同況本官學問優長才猷素著若一旦廢棄不無可惜等因又經批據布政司呈稱查得知縣員缺原係民社重寄難以久虛本官既已離任卽應報缺及稱本官始以母老患病乞歸侍養應候合于上司詳允何得輒自東歸據法似應叅治但本官原係孤子繼聞慈母病危遂遽亟歸實出一念孝思情不獲已且歷任未久著有賢聲致劉文勲等具詞懇留足覩在

任有益於民是以民不忍舍如以擅歸罪之致令廢棄不無可惜又查有湖廣上津縣知縣王津亦因母老兼水土不服該撫治鄖陽凌都御史題奉

欽依准令改教今夏念東事體相同似應比照等因前來除員缺已經具

題訖該臣會同巡按浙江監察御史蕭 議

得人臣之義奉法守官靡敢自遂故陟屺載詠望雲遙思是曰致身匪遑將母其來

素園存稿

卷之十四

三

遠矣若一念之殷遽不可抑則百里之寄其孰與治叅照諸暨縣知縣夏念東職叨民社誼乏恪共憂皇乞養雖已堅於陳情倉卒馳歸竟未候乎奏

請不勝孤苦之私甘冒擅離之戒卽使永斥不叙固宜沒齒無言矣但臣等訪諸輿評察其素履如念東者一介之微雖非

聖世所乏而四境之內頗謂治行可稽夫激揚臣節移孝所以求忠弘獎士風勇退優於

競進臣等是以論其罪猶惜其志也伏惟

皇上

天地之德曲成不遺

日月之明容光必照方

廣錫類之孝勞

開觀過之仁如以念東情有可原臣等言不敢

妄乞

勅吏部查議合無俯容臣等將夏念東提問應  
得罪名以示懲戒仍起送改授教職庶人

素園存稿

卷之十四

三

才得盡其用而感恩圖報之心益勵矣

縣獄失

題爲縣獄失囚縣官失職乞

賜懲處以宜地方事據湖廣布政司分守下荆

南道左叅議李復聘呈奉臣批據鄖陽府

申據鄖縣申稱萬曆十三年九月內本縣

聽候問詳賊犯李旺閻守倉任友庫李安

民張乾李隆陸名俱該知縣徐希進當堂

如法尉錄送監比刑房提牢吏熊建仁看

守緊監禁子蔡順各枉法得受李旺等財

物不等將各尉錄踈脫至本月初三日夜

李旺等乘人睡熟各商同脫獄將鋪草薦

拆碎扭成草繩貳條於本夜三更時分張

乾用伊妻張氏原送飯米布袋內藏鐵鎚

壹把并梃屑拴壹根將緊監後牆剗開一

孔越出從夾道走至挨街大監牆根復用

前鎚又剗一孔從街民李光先後牆翻出

走至小西門坡僻靜處所登城將繩繫於

城垛上各下城逃走次早天明李光先看

素園存稿

卷之十四

三

見牆孔稟報知縣徐希進本縣巡捕典史

陳有春前到監內驗看隨即差人緝捕具

由申府轉報到臣一面批行該道責令本

府巡捕通判孫三省并鄖陽衛巡捕指揮

邵德久協同知縣徐希進典史陳有春各

戴罪將逃犯勒限緝拏去後隨據原差應

捕梅應春等訪至本縣地名關子山金家

坪南化等處於本月初五日將李旺李安

民任友庫李隆張乾閻守倉陸名盡數拏

獲送縣申解該道審明問擬吏禁熊建仁  
蔡順各受財枉法滿貫徒罪引例充軍火  
甲陳天和等各不應杖罪照出通判孫三  
省指揮邵德久典史陳有春均有督捕之  
責防範失嚴法應叅究但各賊俱於三日  
之內盡獲例應免叅知縣徐希進既係典  
守平時疎怠吏卒受賄縱賊脫獄難追失  
職之議等因呈詳到臣除批行該道將犯  
人熊建仁等發遣發落外卷查先准兵部

素園存稿

卷之四

三十五

題奉

欽依咨發捕盜條格內壹款各府州縣掌印巡  
捕官但有死罪重囚越獄三名以上俱住  
俸戴罪勒限緝拏陸名以上調用拾名以  
上降壹級拾伍名以上降貳級通限叁箇  
月以裏有能盡數拏獲者免罪衛所官遇  
有失囚亦照前例若偶因公事他出致有  
疎虞者減見在主守之人罪各壹等其兵  
備守巡官係駐劄處所失事貳次叅

奏罰治撫按官有隱匿不以實

聞者聽部院該科叅究咨發前來已經刊布書  
冊分發各衙門一體欽遵去後今據前因  
該臣看得該縣失囚陸名隨即盡數捕獲  
掌印巡捕失事等官例免叅究但照知縣  
徐希進者其失職不宜則非壹端有不容  
不議處者緣其故鄉甚邇未任時素與邑  
民往來而關防又未嚴密以是舉動掣肘  
人疑其私初至值洪水之變泥信風水因

素園存稿

卷之四

三十六

而議移縣治時誦舉羸人咎其擾道路煩  
言上官詢訪而猜疑左右刑罰不中人議  
其暗凡此三者則其所由不宜於民之大  
端也中才之人舉事一有不當不能反已  
蓋愆勉思盡職反致怠弛不振怨命尤入  
廼欲棄其進取之初心而昏昏忽忽遂失  
其故步矣臣初入境見地方荒僻山谷深  
阻卽郡邑不及一村而城垣衝塌之後  
僅僅脩葺未輯堅固心竊慮之然歲凶民



饑救濟不贍非縣官之力所易舉也廼城中舊有柵欄拾已久廢臣視其所費頗微而小警足恃行令及時脩復此則一庸常之令所優爲者迺亦因循時月停閣不理臣面詢之則曰非不遵行民頑梗難使耳夫令者民之父母父母有子不日訓而徒笞撻之與其子不從教令而遂任之可謂之父母乎臣以此諭之第俯首無以對而已於時通判孫三省適到任職司巡捕臣

素園存稿

卷之十四

三七

乃行令督理蓋未罰一人而旬日報完矣向使先有柵欄啓閉能謹則六囚雖能穴牆安能踰越而出乎夫以地方連歲災傷相仍幸而一收非得親民有司悉心拊循不易蘇息而此臣者自以不得於民視其民若不可與爲治民知其然益玩慢而不從其今上下之不相宜如此而欲其裨益民務職守不隳亦何繇哉然臣察其直遂自用之心徒以操守未失而民之未信爲

諉也其才雖在中常未至於委靡不可策勵者若遂棄斥之臣以爲於使過之仁曲成之誼或猶未盡所宜照不及改調以示懲治以責後效者也伏乞

勅下吏部再加查訪如果臣言不謬將知縣徐希進照不及例改調別選賢能銓補庶官守知勵而疲民有賴矣

乞留應朝正官疏

題爲山縣遼闊勢難遙制乞留應

素園存稿

卷之十四

三六

朝正官以安地方事據湖廣布按二司守巡下荆南道左叅議李復聘副使黃鶴會呈據鄖陽府申稱本府所屬柴縣皆當深山邃谷之中近者參肆百里遠者柴捌百里長林深菁巉巖幽谷三省以命之徒此爲淵藪其土瘠薄其民獷悍頑狠而輕生一不如意則殺人如草菅無所顧惜往往嘯聚拒捕易與爲亂曩者劉千斤輩餘風未盡革也查得近例凡有佐貳縣分正官俱

要應

朝除保康縣係裁簡應免房縣以全設應照入

觀鄖縣係附郭難以議免外其上津鄖西竹山竹谿實皆半縣故雖有主簿壹員其才幹可任事者殊少又多常缺以荒遠山野之縣聚之以強悍易逞之民寧保其無他虞各縣正官委應議留以安地方等因到道該貳道議看得該府所屬上津鄖西竹山

素園存稿

卷之十四

三

竹谿各縣治設居萬山聯絡川陝姦究易發而難制且承連年水旱災札之後雖無大警如劉石輩然強竊寇盜之報無日無之若正官俱行恐奸盜乘間竊發委爲可虞合無俯念地方將前項正官蚤爲題請准令免其入

覲照舊以首領官吏齋冊赴

朝庶地方稍賴安輯不致變生等因呈詳到

臣據此卷查先准吏部咨各撫按官通

將所屬應

朝官員逐一查勘督令來

朝不許營求

奏免自非地方有重大緊急事情司道毋與呈請撫按毋與題奏裁簡衙門自非佐貳俱截止存首領壹員者毋令借口先年難經

奏免今例當應

朝者毋令苟延地方雖係邊海而例應入

素園存稿

卷之十四

四

題者果有事務亦要明白奏

請得

旨而後免行等因題奉

欽依備咨前來准此已經通行司道轉行各該衙門欽遵去後今據前因該臣會同巡撫湖廣提督軍務都察院右副都御史李巡按湖廣監察御史任議照

國家值參年之期定

朝

覲之典聽

命黜陟載在

令甲義至重也寧敢無故議免但鄖陽府屬止

津鄖西竹山竹谿肆縣僻居荒山巖谷深

峻地里綿邈其始因縣爲府因村爲縣附

籍之民星散而居亡命好亂寔繁有徒盜

寇竊發殆無虛日加以屢歲災沴流移未

復拊摩安輯全賴正官若付之王簿勢難

約束所據該道議留各縣正官誠爲保安

素園存稿

卷之十四

四

地方至計相應上

請伏乞

皇上軫念地方如蒙

勅下該部再加查議果臣等所言不謬將上津

等肆縣正官

俯賜留任照舊以首領官率同該吏齋冊赴

朝庶山邑政治有賴而地方可保無虞矣

謝欽賞疏

奏爲恭謝

天恩事准兵部咨爲仰仗

天威嶺東積年極惡山寇盡數蕩平飛報異常

大捷併叙有功官員以昭勸典事該提督

兩廣軍務右侍郎殷 題報官兵擒斬

惠潮二府大次賊首賊級嶺東一路盡平

并開臣先任廣東左布政使倡議滅賊緣

由本部覆題節奉

聖旨是方 賞銀三十兩紵絲二表裏欽此

隨據承差徐元吉齎到

素園存稿

卷之十四

四

欽賞銀兩表裏臣當即焚香望

闕叩頭祇領訖切念嶺海多艱年來滋甚潢池

盜弄民不聊生幸仗

神武懋昭自使妖氛盡殄臣僅承出納之司曾

無尺寸之效過蒙

垂錄濫冒

優恩兼金出於

內帑華幣被於微躬驚惕切心慙汗浹背犬

馬之誠勉期報稱

天地之德莫罄名言臣無任激切感戴之至

又

奏爲恭謝

天恩事接得邸報該兵部題爲仰仗

天威討平倡惡叛徭恭報全捷事該兩廣提督

軍務右都御史殷 巡撫廣西右副都

御史郭 會題官兵剿殺懷遠板江等

處叛亂徭賊并開臣借發浙兵畢集成功

緣由本部議覆節奉

素園存稿

卷之十四

聖

聖旨是方 賞銀拾伍兩欽此隨於萬曆貳

年柒月初拾日據承差潘守禎齎捧

欽賞銀兩到臣當卽焚香望

闕叩頭祇領訖恭惟

皇上文武聖神聰明睿智泰階玉燭運方撫乎

昌期磐石金甌慮更周於荒徼頃者諸徭

恃阻敢抗

王章連歲稱兵竟煩天討三軍時雨師咸出於

萬全五嶺歡聲民遂安於一怒茲諸臣之

用命本一德之格天臣庸劣無能涓埃莫

效詎意兼金之重猥蒙

寵錫之榮懷寶自驚賞溢懼辜於渥典許身

已愧感深徒積於微衷惟以待譴之餘年

日臨淵谷仰祝無疆之綿曆永對岡陵臣

無任激切感戴之至

又

奏爲恭謝

天恩事臣方回籍接得邸報該兵部題爲仰仗

素園存稿

卷之十四

聖

天威沿海官兵遠出外洋邀擊倭船捷音事該

臣題報官兵擒剿倭賊緣由本部議覆節

奉

聖旨是方 賞銀貳拾兩紵絲貳表裏欽此

隨於萬曆二年九月初十日據承差張以

松齎捧

欽賞銀幣到臣當卽焚香望

闕叩頭祇領訖恭惟

皇上神聖性成智勇天錫九圍承式仁聲不洽

於域中重譯來王德澤遠乎於海表蠢茲  
小醜曾肆長鯨觀其勢仍欲鼓鬣而奮鬚  
得其機乃若牯牛而積豕惟是封疆之責  
斯爲職守之常敢佻已功遂冒

天寵矧值蓬華之待譴詎期金幣之蒙

恩頒自尚方驚識輝山之氣懼非野服永藏  
在笥之榮魏闕心懸率妻子以望拜里閭  
色動扶父老而騰歡臣感愧寔并涓埃莫  
效雖同木斷庶希擊壤之歌長擬葵傾惟

素園存稿

卷之十四

四十五

誦朋罔之什臣無任激切感戴之至

乞辭免重任疏

奏爲感

恩陳力辭免重任事本年十月 日准吏部

咨該本部題爲缺官事奉

聖旨方弘靜着以原官提督軍務兼撫治鄖陽  
等處地方寫勅與他欽此伏念臣才本庸  
下性復迂踈曩致人言寔由自取三省洗  
垢幸謂無他十載省愆敢復有冀方與田

野之民歌詠大有於三五雍熙之世詎意  
聖恩起臣于草莽之中畀臣以節鉞之重臣聞  
命感激捐糜莫報但鄖陽爲三省之交而  
撫臣寔一方之寄必得才力素裕廼使軍  
民相安臣之綿薄實難堪此況臣年迫桑  
榆智慮益短壯尚無如老當知止豈更宜  
昧陳力之訓冒伐檀之刺玷列班行哉臣  
是以不得不披瀝於

君父之前也伏望

素園存稿

卷之十四

四十六

皇上俯賜矜察容臣辭免別選才望以充斯任  
庶使地方有裨而臣亦得以逭瘼曠之罪  
於異日矣臣無任悚惕懇切之至

乞休致疏

奏爲衰疾不堪供職懇乞

天恩容令休致事臣聞人臣之義所以恪共其  
職期於無負者在於自審而已自審有益  
於國其出處足以爲輕重則鞠躬盡瘁不  
敢言勞自審無益於國其進退不足爲有

無則戀位素餐寔爲可耻故量能授任聖  
哲之舉也陳力就列官守之訓也臣自通  
籍以來由知州歷任藩臬巡撫叨至卿貳  
年逾米拾其溢涯分而宜引退也久矣日  
者待罪田間蒙

恩拔擢曾無涓埃以答殊遇徒玷班行日切  
悚惕臣原籍南直隸去南京僅六舍留署  
事簡稱爲吏隱人孰不爲臣榮之且今雍  
熙至治千載一時結綬彈冠在臣寧非至

素園存稿

卷之古

聖七

願顧臣福祿有限齒邁形枯蚤負之志雖  
欲勉圖龍鍾之狀日近危殆思慮稍過則  
怔忡不寧酬應少煩則癢痛無力加以痰  
火交攻眩瞢時作卽纖細之務尚多遺忘  
況重大之任豈免瘵曠臣用是披肝於  
君父之前乞骸於

聖明之世伏乞

皇上矜察愚誠容令休致臣得須臾猷畝歌詠  
太平世世子孫感戴洪恩永圖銜結臣無

任懇切隕越之至

又

奏爲衰疾益甚供職不堪懇乞

天恩放歸日且事臣聞人臣之事君也有致身  
之義有守身之禮二者若相戾也而實相  
成未有不守其身而能致其身者也我

皇上聖神臨御邁迹三五九茲臣工罔不恪共  
自效期致其身者誠千載一時也臣獨何  
心而甘自棄於雍熙之世也哉顧士人立

素園存稿

卷之古

聖八

身之閑莫重於進退苟不自量其力之不  
能而冒榮踰分徒拂於禮靡益於時則所  
謂守與致者胥失之矣臣今年七十又二  
矣以庸常碌碌之才無足爲時有無而忝  
致卿貳已負竊位素餐之耻臣所自知也  
況臣稟氣素薄羸弱日甚性復健忘怔忡  
時作神短而目視漸昏形枯而肢體欲癢  
龍鍾之狀臣且自厭迺若職業所宜盡者  
臣又自知瘵曠之罪必難免矣夫使臣能

盡其職而不敢有其身固臣之所大願若  
冒曠官之罪而踰守身之閑則臣之所大  
懼也臣聞天之於物也因材而篤故不材  
者得遂其天君之於臣也量能而使故無  
能者得遠於辱臣是以竊比於不材之物  
而冀囿於天覆之仁也臣謹披肝由衷冒  
昧陳懇伏乞

聖慈矜察放歸田野臣幸而骸骨首丘庶幾不  
戾於得正之訓若須臾未捐溝壑而獲從

素園存稿

一八卷之十四

聖

擊壤之民詠歌太平之盛其敢一日有頤  
皇上曲成之大造哉生順沒寧臣則與子孫啣  
感世世矣臣無任激切祈懇之至

又

奏爲衰疾益劇職業益墮懇乞

天恩放歸田里事臣聞恪共之義人臣所不可  
懈者也進退之禮人臣所不可忘者也故  
自不能脩其職則一日不敢安其位苟  
爲不然則臣道弛而僇辱至矣臣由嘉靖

二十九年進士通籍於今四十年年七十  
有三矣自惟謏劣無所建立深負有道穀  
之耻然曩昔耆壯之時猶可勉効驅馳力  
脩恒職以苟免曠官之罰頃自田間再塵  
任使感激奮勵不知老之已至誓欲仰報  
鴻恩庶幾涓埃小補豈忍自惜犬馬之軀  
甘違

聖明之世此臣區區之本心也奈何力不從

心福過其量由衰得疾由疾益衰肢體已

素園存稿

一八卷之十四

聖

覺不仁耳目浸不爲用心志日昏事體滋  
謬以總儲之繁重而闕茸頽落如臣者久  
當其任其籌計必不能審其繁蠹必不能  
除職業之墮愆咎且積胡可追也而猶忝  
竊班行踰分不止將使

聖朝求舊之舉適爲紉汙之累而微臣圖報之  
願更蒙貪戀之譏是上有負於盛時下不  
信於朋友也臣聞之曰聖君不能畜無益  
之臣又曰朽木不可雕也言素餐之可厭

而量力之宜審也臣之素餐無益屢乞休  
致自量亦已審矣伏乞

聖慈哀矜而曲全之旅歸田里使得免於瘵曠  
之罪不惟臣之晚節不至大謬餘生或可  
少延而賢路不妨濟濟在列于

聖治亦益有光矣臣無任隕越懇仰之至

素園存稿

卷之十四

五

素園存稿卷之十五

書

新安方弘靜著

上族叔祖石巖翁書

更某來備道起居消息伏聞羣姦伏罪小民法  
化政令無梗超遷在卽無任欣慰又承手教累  
紙兼示邇日公移一冊捧誦戀慕不能已已伏  
惟吾翁醇大之學研極墳典公明之政摘發慙  
惡慷慨之氣遠俗追古剛毅之節勇退難進誠  
宜載筆蘭臺爲王喉舌先後風議糾謬繩愆斯  
其稱也而乃厄于卑位困彼羣小絆驥足以微  
纒畜巨鱗於尺水時論咨嗟當路稱惜思欲致  
之通達之衢汪洋之淵環視而未發者衆矣若  
然則其越都歷塊而鼓垂天之翼固不遠也雖  
然竊嘗問之矣君子之仕以行其志達其道也  
不以位之崇卑祿之重薄事之勞逸也是故不  
擇地而安之忠之盛也不易民而化之政之善  
也有民人焉有社稷焉古之大賢嘗欲得一邑



而試之以爲德教易加而王道可舉誠心爲  
必有所濟未聞有小其位而不屑其職者也以  
吾翁之明於此辯之久矣豈以入其心耶但枳  
棘芝蘭昔人所嘆鷹鷂鸞鳳哲士慎擇居身之  
珍礲礲易缺理人之要優優多容故江海納汙  
爲百川下大人含弘以首庶物况推移隨時屈  
伸在道物性難齊人心莫測人人提耳誨有不  
及家家置喙謗有不自必欲律以古道直躬而  
行竊以爲難矣食清遊濁不患不夷古之哲人

素園存稿

卷之十五

二

所以寡怨而遠害也昔漢宣之世以嚴致平穎  
川之治獨曰去其太甚而已噲老尸位無乃曠  
職而循良之政卓然稱首吾翁以趙張神明何  
如黃君耶且瘼狗反噬蜂蠆可畏驚鳥將擊必  
伏其形事固然也五日京兆能斃小醜非遇明  
主何以展其志乎昔在仲尼文武並用夾谷之  
會則兵萊夷始攝相事而兩觀之誅三都之墮  
視若枯朽非不勇也然猶曰人而不仁疾之已  
甚亂也故薄責於人而惡惡必緩當成周之隆

以若陳之賢繼周公之職孰敢橫行越志弗若  
于政者然猶丁寧其戒曰有忍乃濟有容乃大  
國忿疾于頑而從容以和嗟乎於是而知天之  
所以覆地之所以載聖人所以一天下之情者  
其要可知也今德未大成時異中古無攝相之  
權非東郊之任而彼羣醜寔繁有徒不徒包藏  
禍心不協爲梗而已也至乃冠履不分紀綱盡  
弛有苗莠粟秕之勢鼠牙雀角之強而持衡其  
間者涇渭之辯未能盡明山川之險不可忖度

素園存稿

卷之十五

三

當斯之際流言載路宗黨寒心所賴吾翁正直  
通乎神明忠信孚於上下洗垢無疵吹毛不玷  
玄珠墜水拭之愈明黃金遭焚鍊之愈精天監  
甚昭人心同快矜彼狂狡自速其辜殺此善良  
不肅而治異鐵船而渡海瞻鵬鶚之橫秋此志  
士盡瘁以報知己仁人勵行以厲令譽之時也  
若乃摧抑壯心眷言初服歸田之請懇懇於上  
宮救水之勤戀戀於終夕悲獨處之無聊憤往  
事之爲辱竊以爲過矣夫君子不能無謗貴其

善處謗也彼犯我者既正其刑則我無瑕矣又何免焉祿養以道非不善也爲養而仕者有之矣孝在顯名養志奈何獨以溫清爲禮乎古之道不得其官不安其位故三公不易萬鍾何加辟塞翁之馬孟生之甌東郭之履有釋負之樂而無棄肋之惜也今則冢宰有典禮強毅之奏監司有才識志行之許濟泉有高才古道之嘆讀申文者激零涕之憤聞去位者駕同車之言是吾翁道不可謂不行遇不可謂不幸也古之

素園存稿

卷之十五

四

君子居下位而得此於上者亦難矣况今之世乎竊嘗伏念先世種德累勤族稱蕃大然世以賢雄不恃文史肯堂公高才下位豫菴公勤學不達達先元兄執經庭授妙悟教言文追周漢不屑近代年未弱冠度越群俊邦君造門臺司下榻魏科裕芥衆猶遲之有志無命百不一試至今長老言之傷心嗚呼豈天不佑弊族過佚其休光歟獨幸吾翁宏才博學爲時所推薦志正行久而不息雖在璞之寶難售而連城之價

愈高乃于困鬱之餘卒至雲霄之路發軔伊始良辰在茲桐鄉之績豈待燕山而勒名密令之賢何必雲臺而垂烈百里之間可爲政矣伏惟降志小鮮留心執掌悌荆棘之並生攬鳴鳳之高韻體江海之虛受法覆載之弘度務容忍之遠猷戒忿戾之已甚從潁川之寬平鑒京兆之嚴察德政盡其在已毀譽置其在人哀矜以革朋姦撫字以慰黎庶則人非魑魅明時之譽終收德速風雷昔賢之烈不遠小大胥仰如日月

素園存稿

卷之十五

五

之更福祿方來如川流之至使竹帛不磨宗親有賴此亦君子所以廣孝行志之大節也何必東山不起北窓獨臥忘毛子之捧檄效黃生之拂枕然後爲得者哉狂瞽之言無任愚誠瞻望萬里敢以爲獻伏惟吾翁不棄其妄而擇焉幸甚

寄蔣南冷先生

某非陋學幸登大雅之堂得瞻模範聆緒論虛往實歸私願慰甚迺復附姻門下千里作合

恩愛之勤厚矣至矣昔王粲之遇蔡中郎李漢之遇韓吏部揆之今日實謂燕之士感知已何可言諭告別勿遽良不自由舉室倉皇同生在難冒險而行殊非得已分袂之際歔歔動情絲竹不歡贈言逾慘自非木石其能無懷奉違之後臨彼江流瞻望徘徊益增浩歎加以內人懷戀婉轉難堪畏途可駭噤不成啼王筍盈襟銀濤如屋豈惟隴水可以斷腸賴風帆頗順直抵湖陰方值霖雨暫寓于親友汪氏侯晴霽啓行

素園存稿

卷之十五

六

自此以往皆坦途矣每惟庸謬承眷愛藏之中心無以報稱但當入和室家出研文翰庶不負國士期待而已時方嚴寒伏惟爲道自愛幸甚

奉孫季泉先生

弘靜不才幸出門牆亦嘗竊聞士君子出處之節義命之分蒞官不職臥疴素殯自宜退甘丘壑玩老氏衛生之經詠詩人伐檀之旨庶無尤耳而貪戀明時不能自己改官之疏實爲委曲

干祿之計當路察見鄙陋不容自遂固其宜也然竊自惟州官雖卑今可行於五邑比之教官亦大遠矣舍此取彼夫豈得已况時例所許經訓不肯再舉不遂亦無厚顏如必不得則當此之破甑不復顧惜紫陽之下有敝廬在歌詠其中亦可以竊沐太平之澤仰答知己之恩永言甘之靡所悔也每念奇數薄相屢負獎拔予奪之故殆有主者且我師德望冠縉紳品題重山岳留意不才又復深切猶或未信非命如何命

素園存稿

卷之十五

七

之所在雖欲不安胡可得也今欲力疾自強勉盡職業則疾恐成症欲優游竊位冀積歲月則罪不可逭自非頑垢無耻其能爲此汶汶乎弘靜之才與命皆無可用於世自知甚審獨念承門下國士見遇守官無効寔用媿悚中夜思之不知所云私心所懷不敢自隱狂狷妄發伏惟台鑒幸甚

奉郭東野先生

弘靜山谷鄙生幸得出門下辭泥塗而振羽翰

惴惴焉恐無所建立徒負師友期待之意出守  
一州向之朝夕稱說所謂政事者宜得展布無  
可諉矣而薄劣之才無裨實用催科撫字無一  
可者又精神疲於奔走困於簿書視篆未幾伏  
枕過半竊位民上胡其厚顏今者具本比例求  
改冀得教職習靜數年講求治體如葑菲不遺  
更効尺寸猶或可補區區愚誠實非得已諸公  
或未垂亮將以避勞自佚則無所逃罪古人之  
言知弟子莫如師實望我師明其心耳

素園存稿

卷之十五

八

奉吳筠泉宗伯

某山谷鄙生也伏承大君子不見遺棄每於稠  
人之中加以獎譽雖至鈍劣未嘗不思自策勵  
以仰酬知己顧羸軀薄相不足以竊居民上到  
任逾月輒復疲極黽勉從事遂至伏枕曠職素  
殫罪何所道業已申告上官乞歸田畝甘為盛  
世逸民與木石麋鹿同荷太平之澤耳往歲初  
授時自度衝劇之地非抱疴者所堪明公之所  
憐惜亦謂是耳而不見亮者遂加之罪謂有愆

望擇中之意夫書生以文字得第非有勞績擢  
為大夫委以名邦猶謂不滿亦何無厭如是哉  
今者之請不敢復有所望蓋病軀必數時靜養  
庶可冀愈若真升不已是自取顛殞之災酌其  
輕重不得不爾非以矯激為高也伏惟明公雅  
度厚德冀亮鄙心他不敢以告人爾

奉南太宰潘樸溪先生

弘靜新進小生才行無所比數伏蒙明公不棄  
慶賜接引宿冀夙夜勉勵以無負期待之意而

素園存稿

卷之十五

九

非才弱質不足重任視事未幾精神疲極扶疾  
竊位將有點辱且食其祿而不盡其職亦稍有  
志者之所耻也昨已具疏自陳冀得閑秩以便  
養疴誠自審謝薄不敢強所不能以取素殫之  
誚非敢厭簿書奔走之勞而避之耳比承教言  
垂示捧誦汗悚浩然正氣豈愚陋者所敢妄然  
敢不銘佩終身矢無渝也

浙中上政府書

某疎陋無似謬叨重寄目惟力匪能勝然不敢

不勉圖也抵任以來按籍覈實詢訪官民地方  
事宜頗得其槩焉蓋言浙之兵防歸於水陸二  
者陸兵雖稍驕玩然一振飭之即可改觀若水  
兵之練習則非一朝夕之故也船非堅厚兵非  
慣熟不可以出洋今覈其船則往往脆薄破冒  
不堪修理大者改而為中中者改而為小猶可  
用耳乃巨艦則須另造矣且船之在海也兵之  
在船也閑暇之日夫豈不多乃閑暇之日即練  
習之日也講之可也今槩以為冗冒徒費年務

素園存稿

卷之十五

十

減之月務汰之計兵士之在船者起碇撐駕之  
外無餘力焉何以應敵又以衛軍協駕以代募  
卒雖稍省餉費然兵不習水與無兵同船無戰  
卒與無船同是徒慕節省之名而未察其實也  
夫所病夫冗者謂其無當於用也去冗者非徒  
務奢而已也故苟當於用雖費猶宜不可謂冗  
苟不當於用雖極纖裔猶為冗耳今不察其當  
於用與否而一切減省以至於不可用是名為  
去冗而適所以為冗也某之愚昧以為在覈其

實而已自今極力脩舉務使實勝毋惜小費庶  
幾勝算可恃春汛無虞足以待其來矣即或糧  
餉不敷容當條列請裁不敢苟避多事之嫌也  
率冒陳憤不任悚慄伏惟垂矜幸甚

與汪司馬伯玉

日者海防之疏中間編漁甲一事竊謂於地方  
小有所補但言之未詳觀部覆似未察原題之  
意也敢一陳之蓋海洋之戰習水者勝故兵不  
如賊賊亦未如漁人也但其單出遠洋僥幸專

素園存稿

卷之十五

十一

利不肯相顧卒遇賊則束手就擒耳故編甲結  
艘有五利焉什伍聯接賊不能輕近可免被虜  
之患一也海上旗幟蔽空忽增十數萬兵足張  
聲勢二也此輩非盡良善密寓稽察使不得乘  
間為非三也給費不多因其所利以虛聲而得  
實用四也各籍在官素有聯屬臂指相使一旦  
呼召即為勝兵不勞而集五也彼皆以漁為生  
若以官約束之則必生擾故即於其中擇可為  
哨長者免其稅給一月工食俟果有功則與冠

崇計不過四五名耳非請免各船之稅而又給之工食也非謂盡籍之在官使不得生理也謹錄原文噴覽伏惟炤察

鄖陽奉政府書

日者南工之缺某不佞自量庸謏何敢妄冀竊謂此一事也而可以輝映千古者有二焉何也皇上勵精圖治深得體要誠社稷蒼生之

福千載一時也迺若會推報至而某茫然不知此則遠邇所諒者以卿貳之重推及茫然不知

素園存稿

卷之十五

十三

之人此古大臣之盛節世儒習談之而希觀之者也緬惟溥劣之躬逢茲三五之際何其幸哉昔燕國區區猶有感激之臣願從隗始某雖至愚陋無似敢不罷俛奮勵以稱塞萬一顧才不逮志非其人也齒與日邁非其時也維谷之懼素餐之譏誠難免矣茲以地方水災縣令失職謬有陳列具公牘中謹布微衷伏惟亮察幸甚

又

某竊自惟曩者屏伏丘園材能無取分量已踰

額以貪戀盛明感激知遇罷俛受事忽復終歲靜言內省曾何有涓埃補塞以免素餐之耻哉茲謹循例引年冒昧陳請庶幾爲之辭出既無益於時而退猶不違於禮是門下之所以大造而曲成之也自是扶節谷口拭瞻德化苟遂首丘其曷日敢忘明賜謹用披瀝懇摺於下執事伏惟鈞慈鑒之

奉內閣許公

某受賦甚薄壯年猶羸甚夙夜惴惴雖心友至

素園存稿

卷之十五

十三

歡飲不敢過三爵坐不敢至二鼓迨艾耆而漸充鄖陽三年無一過客雖忝重任如閉關空谷中耳以是神氣稍王若使一旦驅馳輦轂之下必且不勝譬諸就枯之葉以凌飄風寧不離本根乎道路之言竊窺政府包荒不遺謂某且有他冀敢用布其鄙私率爾冒昧伏惟

又

近見省中分別去留之疏謹東裝待黜矣及降明旨則猶有未敢徑情者頃之容懇請曲成

之造以庶幾免於殆辱寔夙夜所悚惕不寧者也各地方遇糴爲暴恣肆自大抗違 明禁乃至有鋸船枷號無辜致斃者撫按似謂當然何其無人臣之禮而甘爲五霸罪人也方今盛明之時廟堂軫恤民隱直若痼瘼而有司草芥視之良可太息

又

竊見應天中式舉人王國昌者本婺源人也先爲餘姚胡氏繼子順天中式以冒藉黜蓋所謂

書園存稿

卷之十五

十四

亦子入井者今以胡氏子已長而歸宗復姓徽人皆知之非冒也因兒輩與之遊見其文思泉湧寔奇才也往者其繼父在難時竭力幹蠱餘姚搢紳往往稱之其行誼又可嘉者今不原其情不察其行不究其來歷而務錮入於 聖世不已甚乎某偶聞而甚憐之竊以爲門下宰衡宇內當不使一物失其平率爾爲鳴於左右非王生之力能使踈拙如某者翻作遊說士也伏惟鈞鑒裁之幸甚

又

某陋劣無似竊嘗聞教於君子曰古之大臣進則以道事其君退則以道淑其鄉是故其出入以度必有事焉而勿忘也執事之立朝以道主上信之天下信之矣今之居鄉造物者夫豈無意而徒曰以佚之云爾哉黃山白嶽之靈與夫扶筇擊壤之叟庶有望焉願執事之勿忽於適言也執事試觀鄉之俗視初釋褐時奚若也視在庠塾時奚若也視爲童子時所聞於鄉先

書園存稿

卷之十五

五

輩者奚若也俗之壞也任其責者非縉紳先生耶而執事惡得不力任之也俗務侈矣必以樸淑之俗務競矣必以恬淑之俗務諛矣必以正淑之寧爲簋也無寧爲簠也欲如水也不欲如醴也夫此皆執事之所能也而僕復以嘯者願執事無忘之而已僕昔自安於空谷若與世違者以爲本無可知於世耳而猥蒙執事之知所以雕其朽而殖之者蓋無不至也而猶以諛辭達於左右母乃辱執事之知而自棄於士君子



林平僕是以不忍也願執事察之

又

伏承寵召深以獲侍教言為幸倘令優人雜於函丈之間則微言至論不得而聞某竊以為疑願門下裁之某竊覩門下神宇甚王喜為鄉人道之無不欣欣相告者然此輩在側雖以至人恐不暇收視返聽以固靈根殆非所以珍攝為天下自愛也某硜硜小人爾竊比於芹曝之獻願門下採納焉不任悚慄

素園存稿

卷之十五

十六

與陰月溪司馬

竊以人臣之敬事必上為國下為民而道始盡黃船小修銀兩繫軍甲出備載在船政書冊其來久矣但軍甲所苦者分外之需索非一端也故議官修以省其無名之費所以恤之也至於出備銀兩在彼固所情愿譬之負重者一旦釋其半未有不歡欣易舉者矣而該司復議以抽分木植量給之則又加輕焉若曰官自任修而軍甲勿使與知夫豈不善第為政者能量入以

為出不能以亡而為有雖軍甲甚悅仁人之願甚慳如勢不可何願高明裁之

與石東泉司空

某竊仰山斗為日久矣顧萍踪疎遠靡由親炙道範徒抱區區茲以承乏攝篆亟查應解銀數迺詘難為贏深懼無以稱塞明旨何所追罪然不敢不據實以聞也方工方殷極知門下經營良勤苦矣率爾冒昧不任惶悚伏惟門下鑒裁之幸甚

素園存稿

卷之十五

十七

又

某頃者不揣愚陋竊欲主上知所在詘匱惓昧竈聞伏蒙門下包荒聖慈亟覆不加譴責誠大幸也大工方殷極體門下殫慮區畫至勤苦矣某攝官承乏不能少効涓埃以佐萬一之急其敢泄泄忽所有事畫一之請何茲計銀數例應三運期孟月之終或仲月初旬可候納矣例銀抄冬已解餘查稍有蓄即更促之純惟台鑒



與王復齋司徒

本色照市價減放縉紳間皆謂未妥况彼皇皇於利者乎然業已奉 欽依矣竊意十減其一庶幾調停多口廼所以愛助粟老也蓋糧本軍士所應得特於豐歉之間本折多放一月在國家惠而不費而軍士有格外之感矣是以爲善政也若照市價減放則彼自可糴之於市而名曰優恤之哉惟高明裁之

與汪司馬伯玉

素園存稿

卷之十五

十八

入秋以來值大司徒請告大司空缺第衰拙不能辭兼署其事遂日不暇給冬間擬再懇乞適奉 明旨未敢自陳猶濡滯於班行如集木矣丈道體疆甚何遽有憂生之嗟佳集已久驚海內意者文思可少減乎雲山在望日引領侍杖履聆緒論廼爲愉快耳此良晤其決於春之孟仲矣

與宋栗菴司徒

謹啓北新開課稅視舊減火實以地方荒歉客

貨鮮通似無欺弊鳳陽等倉麥米改折既經巡

按御史勘明民困既可少舒軍情亦聞無拂似應如其所擬生冒昧未識大體伏乞鈞裁又本年正月二十一日據監收主事劉之龍稟奉本部劄付監放天策衛南倉糧米有牧馬所軍與該倉攢典軍斗等爭嚷稱有糠粃灰土不願收領隨據該所委官百戶塗真綬同衆軍赴稟生諭以倉米如有揷和彼自取罪汝等何得喧噪自干法典衆軍聞諭即散未有譁者隨委巡視倉場郎中何以尚同主事胡宗洵驗米實無糠粃畧有灰土即將攢典軍斗及扒夫等分別究治糧米改放兵部亦將委官及所軍爲首者以軍法責治訖其事始末如此似亦稍足示懲而大體未甚失也恐傳言或有過者伏惟裁察

與趙定宇司成

頃者省中平糴之議甚美數雖不確豈不可以十之一二覆行乎所以不覆者蓋慮有拖欠又出入滋擾耳殊不知銀先貯庫何有拖欠此中

素園存稿

卷之十五

十九

軍人豐年利於折色又不必買補而倉中自滿  
也何擾之有計及於此不惟大濟東南數郡惠  
而不費其於理財之源亦非小補矣廼當事者  
何以偶未之思也卽今若得申請一疏而不佞  
輩詳啓以告政府必無不行以爲可濟也蓋各  
處雖稍收者舊穀已盡閏月七月正太急困之  
時且此例旣明後可做行憲萬世之利也如疏  
行宜云量糶十之一二又稍許臨時便宜酌量  
則善矣

素園存稿

卷之十五

二十

與趙潑陽少宰

承示靈洞山集盥讀一過則六虎諸勝飛來几  
案而雲霞四壁矣極欲附綴數語以明嚮往僕  
之棄筆硯也久其說具拙稿叙中謹以請正僚  
友約種種先得鄙心以鄙心推之知人心所同  
然也風俗若江河之趨有志者固鮮不慨嘆寧  
無有意挽之者而觀望不決忍同其波豈其未  
或唱之故歟願約會中相與力行之庶幾同聲  
相應安知古道不可復也不然見義不爲聞過

不改與善爲虛會矣可不兢兢歟特亮草草

與耿楚侗中丞

頃見趙潑老類編會約聞臺下稱善竊謂臺下  
素以綱維風俗爲念願於詰朝寵召之席行之  
卽一時搢紳未有不慨然風從者其於挽回關  
繫殆非細故敢僭以請席中諸老諒皆同此志  
者也惟臺下裁之幸甚

與殷石汀司徒

小兒寄至翁手教盥讀謁若旣覲心搖搖欲飛

素園存稿

卷之十五

三

矣弟自四月杜扉東裝待報及秋得請如倦鳥  
之投林也適舍中泄痢者相繼弟亦患旬日而  
幸愈不敢任驅馳酬應之勞臧舟欲發聞浙河  
涸甚帆未可掛余內翰爲借一宅僻而爽諸公  
見亮不數數投帖亦不責回帖因得習靜頗悟  
養生之旨忘其爲旅人矣然時時占雲望兩翼  
秋水之灌潤也或遂謂卜居金陵則有說矣弟  
嘗語人今海內山川風俗之美莫如江西然不  
易居其可居者莫如金陵何也根本重地頗有

積貯又無橫政惜吾老不能遷也第二兒每有此志當許之耳鄉人聞是言日以星圖進置之篋中未嘗經目也吾郡仰給四方自古未聞遇糴之苛又縱搶奪而搢紳大夫莫以爲非恐未有不亂者弟竊懷杞人之憂俟相見悉之翁其亦以爲迂耶極感翁垂念但使嚴灘一舸可抵漁梁請翁下榻飛布爲一月談矣恃亮草草

又

早春言別忽復杪秋遙知登高此日茱萸徧插

素園存稿

卷之十五

三

何其適也弟衰白漫遊無所裨塞徒負有道穀之耻明旨方責任疆圉之臣未敢率爾陳乞凜凜維谷公何以教之次君想久至都下頃寄訊以擇交爲助今朝政清明可謂千載一時遇士習則未見丕變殆不可不慎也至若挽溺逐淳如比者宗伯所云則吾輩自可任之矧以公曠懷偉度一洗靡靡之俗真若風草耳卽如優人在庭敝品堆案此亦何益而今賈生長太息哉萬里放言恃公之不罪也鴻翼自衡來因之

敬候台祉薄侑殊褻伏惟鑒存臨楮何任馳仰

又

往者江右署中翁恒憂次君之壽弟固謂猶未也以今計之不稱天矣翁之明達宜了了於此願益自愛更寬解尊夫人毋過自傷也弟俟春水稍添卽當掛帆此心奮飛何可云也燈下呵凍不盡

與江仲文司徒

恭喜平戎之功昭垂竹帛台鉉虛席自不俟祝

素園存稿

卷之十五

三

欣慰欣慰山谷中鱗翼旣稀蕪衰情日甚不能專啓申賀亦恃公所原亮也承教札似有所感弟尚未喻以公雅度何所不可并蓄者理遣情恕大人所以經世宰物也圖疏渴欲領教開緘以是風便更乞賜示願望寶祠盛舉弟得附名幸甚專始遷而重名教禮義蕪得者也敝族之祠鄙意幸與公合而議未盡協茲得藉公爲重焉又其幸也附使草率不能悉所欲陳伏惟爲天下自愛不宣

回張王陽司成

昨畢瑞亭相見言刻唐詩僕語之曰唐人以詩爲業今所傳者千百之一非可棄取也顧力未能盡刻則李杜十二家之外且先刻十家二張蘇李李頎王昌齡崔顥儲光羲常建祖詠是也若力稍裕則又刻錢劉常柳四家其餘姑俟盡刻之可也刻有先後而無去取庶可哉此鄙見也謹以請正惟裁教之

與汪襄陽伯玉

素園行稿

卷之十五

三十四

去冬會有小啓附荆石丈致之宅上不識徹記室否襄中固形勝地有諸葛公羊叔子之遺德兄治行必追與之匹若山公習池流風固不足論也文事得無少減古人所貴文者藉以行之於遠如以文行遠孰若勲業見紀在兄才力自能兼之就今所急想一意爲治耳南中舊稱少事而應酬亦不暇給時有所作亦復草草今奉呈數首以代晤言季翁老先生每見念兄不置也去人立索書適對客揮汗附此惟自愛不悉

回王少宰

某衰劣承乏補塞不給空行乃能一致鄙忱奉候起居其踈陋可徵矣方用悚慙伏蒙門下涵察不以爲罪遠辱信使諭言謁至良以嘆息古之君子耻居其薄今何其不然也迺若盈虛來去達人且幻視之矣意者寧一葆和岡陵作朋造物者有所奪且有所予乎此不佞所以爲門下祝也不佞踰禮而行似無辭於有道長者亦何足言行冀釋負矣伋旋率爾附謝併布區區

素園存稿

卷之十五

三十五

伏惟台鑒幸甚

答曹荔溪都憲

不佞山居十餘稔不得數見除目憶族姪令宜黃詢之則知門下方開江右于時欣然爲世道慶自後遂未聞所以去也門下心事固不佞揭而揭中則益明甚矣今之君子不成人之美作好惡而負盛明識幾之士不能同其塵則宜避其鋒迺若傷弓而遊殼亦知不可以言智也巡撫之難非獨地方相宜之難而人情陪奉之

難思宜地方益難陪奉矣門下之去殆有非捐  
所盡者乎昔藉重隣邑雖未數請益而意氣傾  
蓋固不止目擊而道存者今關河阻修幸門下  
不棄而錫以金玉之音故輟布鄙衷聊附鴻翼  
諸所未既容圖嗣悉臨楮不任馳仰

答曹如川中丞

戟門信使遙自河源盥啓瑤函光遺拱壁而文  
彩飛動卽凡席尺咫心神諄然覲矣詩不云乎  
文武爲憲公則其人哉不佞久屏丘園自宜抱

素園存稿

卷之十五

二十六

甕終老而黽俛冒出補塞無能殊負有道穀之  
耻蓋凜凜維谷矣公迺不鄙棄而以聯省同鄉  
之誼由然進之若將輕數千里而交臂把袂焉  
者公則厚矣不佞則陋矣惟是尺素論心何翅  
傾蓋一言爲故焉知白首不佞有深幸焉甘州  
介在西夏非昔韓范二公所經略乎百代偉人  
諒哉無專美矣願言自愛以答明時不宣

與講學諸友

程朱之學居敬窮理此百世以俟聖人而不惑

者至於集註訓詁間有可疑則因仍舊說未及  
潤色故也後生苟能發明一斑事師無隱就正  
請益固先儒之所許也豈爲背哉今之君子喜  
凌前薪攘臂操戈自謂超悟侮聖經之明訓鼓  
西夷之說辭始也諱釋乃爲良知終也談禪豈  
云合一毋自欺之章試反求之宜惕然有省矣  
吾輩生二大儒之鄉願相與附於距楊墨之徒  
以閑聖道其好曰力不足而一日不用則尼父  
所憂於不講子與所懼於大作者庶可釋與老

素園存稿

卷之十五

二十七

夫老矣乃所望於英俊者焉

又

大學論修身至於正心誠意爲己之功密矣情  
戒於有所功先於慎獨所云外物之誘引扞去  
之已盡然於此有岐焉索隱者之所趨也聖人  
蓋慮之矣故云後世有述焉使非窮理以致其  
知則大道甚夷而民好徑豈俟今日哉孔子言  
窮理孟子言知性盡矣理惡乎在在物有物有  
則萬物皆備於我矣自明而誠者明於庶物察

於人倫反身而誠則由仁義行而異端邪說不  
得以蔽之是以先格物也格物者溫故知新日  
知所亡明善集義必有事焉而勿忘多聞而擇  
多見而識皆其說也其至也一以貫之矣乃若  
義襲而取之者非舍之而不耘則握之而爲害  
勿求諸心乃正其心孟氏之所力闢而宗之以  
爲奇不亦悖乎今日格一物明日格一物發蒙  
之辭非戾於孔孟之旨也

寄從孫玄成

素園存稿

卷之十五

二十八

得捷報祠門適上梁舉宗欣喜無量老夫諄諄  
以敦厚勗之敦厚所以延慶也孝友重天曹久志  
之矣隨之初日出門父有功交不可不慎也世  
日務修能澹泊明志斯過人遠矣選之內外所  
不必與知者也讀書讀律正今日事拙稿近頗  
收拾行者不能將先寄詩二冊知得問必留意  
於此也憶初仕以多病任最劇知分宜欲加办  
遂棄翰墨稿大半皆未第前及歸田後作不足  
覽也當於風騷以下開元以上求則得之耳

與詹東園

篋墩文粹更去三之一自可傳蓋選者廣入以  
爲市一過目即可辨耳近日以刻詩媒利秀運  
集中有賈人未識字者郡詩詩略甚焉天都社  
刻不佞尤半未識面而妄改不佞往往時草草二  
首以月寒爲日寒以未遊爲遊無論貽笑不佞  
未嘗辯知其刻不能傳耳又時輩易凌前新亦  
自處薄耳宗伯當時體未可易言也後生且妄  
訾絃陽以佞汙世殊乖斯焉取斯之義更可嘆  
也夫絃陽非西河夫子哉河汾後學無不宗文  
清者荆襄文士無不推明卿者元美纔沒吳下  
遽有異議由此觀之晉楚之風厚矣

素園存稿

卷之十五

二十九

素園存稿卷之十六

書

新安方弘靜著

與王方麓司寇

頃寓金陵深荷高誼縉憶未把袂于時固知嘉會難再古人之慨良有以也然停雲在望道里非遠小兒蒙老丈猶子之愛書至輒頌老丈神情之王以慰仰懷弟於山中亦不廢登眺每思剡谿之棹興劇難乘不能不惘然耳弟少壯素園存稿 卷之十六 一  
無如忽已衰耄歲月既邁虛生何裨承老丈不棄惠以金玉之章光映四壁兼辱腆貺何以堪之什襲珍藏世爲家寶使後人無忘云爾率爾申候併謝菲脩具別幅伏惟台照幸甚

答李本寧太史

襲承高軒枉過蓬蓽生色乃執事敦通家誼甚篤鄙心殊不安倉卒未盡地主之禮良用抱歉兒輩無所知識蒙獎誘懇至感佩感佩不佞此行偶以感激一二知己之遇殊爲冒昧春春之

初道經雲夢其望過鍾祥皆去潭府一舍無幾而行役匆劇未能馳一緘奉候初抵鄖應會

無少間竟承翰脫先施感愧寔并舍親汪司馬昆王行時皆於郊外餞別司馬頗爲文債所縛不佞嘗謂古昔名家文集未若今之多太將用兵多多益善善也以一當百亦善也薛考功五十年後不肯以文字損性靈今其集自傳耳司馬以不佞言爲然然無如催科者何太夫人尊恙計已勿藥何時藜杖一照名嶽得挹清芬以祛鄙吝願望不宣

素園存稿 卷之十六 二

答李少庄太史

不佞鄙陋無似少嘗竊意翰墨之場而中以多疾自廢每聞寓內有博大君子藝苑名家則津津嚮往之曩者敝鄉一二山人游梁歸能携執事所揮珠玉見示則固所謂博大名家願執御而不可得者迺承不棄以佳集見遺值簿書倥偬亟盥讀數卷竊窺執事於此道蒐羅甚廣而以天真自得之力驅之故操縱自如疾徐應手



非拘方守隅之儒所可望也集中諸體備矣而所類公家謫僊人口語頗多然則豈其由爾爾耶欣仰無已文綺之惠本不敢當而未敢附壁謹登嘉肅謝容端嗣布伏惟台照不宣

答袁陽殿下

翁不屑衮冕之貴而自同方外德之盛也不佞以衰白而杖節疆場不已謬乎水亭款語中心藏之不佞嘗謂孟氏勿忘勿助與中庸中和位育同旨而諸子家之所謂抱一守中與佛氏之覺照卽持志二字蔽之矣持志之節度則勿忘勿助是也翁其有以教之

答張慈利

自浙中別後桂屏山中不意吾友之屯連乃爾夫仕途之不利人或尼之適苦愛予之不永孰爲之哉願賢友於此順委而理遺乏也如何畜乏極者幸必遠此又所厚望於賢友者也惟茂勵方猷以答清時幸甚不悉

與周毅軒侍御

去冬承高軒枉過而僕偶他出及塗中相值而不相知失此良晤迄今負歉頃者以交代具咨貴道例有小啓未知所投故空姓號差役回奉領華翰始知台從入京而前書之率漫也臺下旣垂炤不罪而德意懇至盥讀如覲感佩何已昔陳孟公之郡口授故人書數百封各有情意時人大驚史冊書之真不易也若僕之拙則何以望孟公侍臺下大雅之度謹謝不敏

與黃襟川侍御

不佞抱疴向隅殊疎稱候非欲遠跡自陋寔以折柳爲限耳伏承嘉問見貽迺知榮發在邇嶺南山川特秀人文日開臺下憑軾傳教使貪墨回心閭閻生色壯哉斯行也不腆之儀少申贐敬惟鑒存之臨風何任傾仰

與江民部

士君子當事以易視之則難以難視之則易足下之於楊也其難其慎矣固知其易易也舍親汪生某者年少有才氣而不能擇交聞其得罪



於兵道未能解乃不以告蓋畏聞規切之語耳  
不佞則甚念之兵道會時幸留意一援手焉不  
佞衰甚矣而濡滯班行家兄奄爾不幸遂不得  
一訣今雖力求必去亦何及哉

與張蘭谿

發微二郡有無相資非相厲也而有司者強與  
知之自以爲通於治體何也乃貴邑獨聞不然  
農安其生商出其途可謂以水濟火得君子之  
和矣異日以此道立朝不激不隨竹帛豈勝書  
素園存稿 卷之十六 五  
哉欣仰欣仰老夫衰甚矣求去不力以招悔尤  
方懇乞俟放庶幾山谷中扶筇拭目以瞻德業  
之日懋也

與吳明卿大叅

弟久屏山谷偶爾冒始入境酬應匆劇殊覺  
不堪抵鄖旬日大率公事以而雜務繁公事既  
無可以盡其鄙愚而雜務迺類皆可愕之俗套  
視舊在浙中又大異矣弟曩者不能安其位今  
又聊試漫遊遠志小草之談有味哉承教佳集

絕夫珠王蓋有類而不害稱寶者孰與  
之可珍耶弟嘗以此喻當世作者老丈其  
亦以爲有當否幸無以得失寸心知而已舍弟  
言丈意氣殊壯識太和之興何如弟當擁篲  
扶杖以俟矣

又

往歲舟中良晤殊足爲快彼一時也今追憶之  
則惘然增慨矣齊雲之遊丈既不果而弟猶踰  
禮妨賢引去未決不知何地可復踐前約乎頃

素園存稿

卷之十六

六

者之任擬懇允冀放舊稿俱未携也然亦以鄙  
陋不足以廁作者之場故棄置敝篋中耳吾丈  
示及豈以河海納汗不擇細流邪容端請正仲  
美頃云秋半當沂九江登匡廬已徑造甌甌洞  
中今壯之且因嗣布所欲談焉

答周郎陽

郎中承教誼幸追謬戾中心藏之抵白下頗  
聞閣下得謗之由事理易明而當事者不察殊  
爲太息卽如述者衛軍之變使閣下在郡豈有

是舉動故人言世態往往淆亂惟達觀君子當  
不以芥蒂耳不使衰劣妨賢亟圖陳乞旦夕冀  
蒙恩放則一丘一壑冥與閣下今之第以開  
河遠隔無由一炬光霽以慰闊悵耳如何停雲  
在望願言自愛

與蕭兵憲

敝鄉親族僑寓亳州者頗衆該州俗向儉近村  
近年有司傳聞江南迎春之戲有所謂平臺者  
責令鋪行粧扮供玩乃至各鄉官家亦押送玩  
素園存稿 卷之十六 七  
遍所費幾百金有昏暮混失首飾者此本放蕩  
惡火之事爲人上者不能禁之而反以虐刑驅  
使爲之曾有以禮坊民示之以儉之意乎今其  
期且近貴道早嚴行革止其於德化所繫非淺  
也風俗之日下乃由在位者道之可爲太息

又

倉糧折色之便較然可見但每石六錢因本色  
之甚費而調停之也以爲定例則民今日不辭  
而異日以爲倖倣矣何如又此地方事在本部

議覆則宜而具題非體故且履行審議爲之張  
本要之必以折色爲是耳詩曰誰生厲階不知  
始議改倣者何意也

與江高安民璞

萬里之行青雲足下今德壯猷海內拭目況在  
鄉土沐愛尤厚者乎班史傳循吏不及今邑者  
昔賢嘗以爲識兄之理高安固超越一時不知  
西漢時有此否耳卽有之恐班亦不能道也雖  
然宦成易急名高難繼位日隆則望日厚矣兄  
素園存稿 卷之十六 八  
得無惕然於此言乎羽儀王朝不隨不激中行  
之道兄自優之僕鄙人也雖慕回路之贈言殆  
亦近千贅矣遠別自此會晤未期實圖追餞以  
盡款曲而俗務匆冗披拂未能輒用走簡以當  
面送風塵鞍馬惟冀自愛以膺大慶幸甚

寄潘象安

別後九月廿六日抵任蓋兼程也目疾雖僅愈  
然不得稍養戴星視事恐更作則劇矣殊慮之  
茲行甚覺倦游而有不得已者倘目疾更作是

大塊欲佚我惡能不從此中風氣雖殊然冬月  
不覺但寇賊時發無計彌之職忝承宣寧不深  
耻清夜齋中一琴一劒又頗嘆孤客親僮僕之  
句有味也京洛遨遊雖非故鄉然過從煌煌知  
有餘樂披燕山集中亦屢有思歸之詠情在吾  
輩固爾耶南北萬里良晤未期惟爲道自愛不  
宣

與江仲文大叅

額外得侍同省亦云幸矣而相逢遽別會未能

素園存稿

卷之十六

九

火展款曲各有牽羈奈何處塵網中安得自由  
耶惟冀益崇明德勉奮今猷千里如連床耳况  
盈盈一水間乎別札所談乃宿昔相與屈指敬  
愛者謂當白首同心耳何遂爾耶譜言不行明  
且遠矣聖人以爲難非虛語也吾輩旁觀其可  
不惕然目省古人理遣情恕之談蓋日三復之  
而後可也率爾漫及不悉

復胡湛臺侍御

日承旌從枉顧倉卒多慢次早趨郡城候謝而

台駕已發迄今抱歉承乏以來冗劇不給未能  
馳一啓於詔室遠辱翰使謁然德音感佩高誼  
匪可云喻緬惟望第之政卓邁絕倫不佞與有  
寵光焉幸甚不佞拙劣自安偶爾逾分至若廿  
年不敢希榮於當路誠如尊教然本無可能非  
輻輳而不售也乃臺下過譽之母亦稱貞於黃  
門適貽之誚乎相望非遠瞻晤未由惟爲天下  
自愛不宣

與陳敬亭方伯

素園存稿

卷之十六

十

伏承翰教謁若既覲感佩德誼中心藏之憶初  
釋褐卽與時忤固已甘伏丘壑今倦遊寔久寧  
復嬰情簪紱耶聞報殊以爲宜雖舍中亦素悉  
鄙意老母倚門日望得代頗無悶也毀譽較之  
得喪差輕耳而君子或有不能忘者夫名固中  
人之所競亦造物之所靳也人不知亦已焉耳  
設真相知耶或有聞流言而不信者然則不足  
計也審矣獨念奉職無狀謬戾寔滋論者之云  
適由自取方省懼不暇敢人是尤乎辱明公相

期非徒驪黃之間者輒安布其愚爲草率陳  
伏惟台照不宣

### 回古太府

不佞衰劣無補日念故山冀從諸老扶筇雪  
德澤耳不圖鄙願未與猶玷班行伏蒙台翰  
譙謚許不佞循牆而不敢當也愧汗如何敝郡  
仰藉仁覆秋穫過半幸矣顧山谷中不能自給  
而鄰邦過糴甚厲不識可達院道移文告之否  
乎中措紳亦極知其既棄明旨右積猾而虐  
良農而未有以聞於朝者以四海一家之時而  
甘爲五霸之罪人殊可太息也

又

秦惟旌從榮益六邑士民欣欣相告良慰隔年  
之望傾嚮從風可知也山谷疲氓連歲大歉幸  
而二麥有秋寔臺下福星臨之其覆被我子遺  
者豈淺鮮也第鄰封屬禁爲虐迺不遠數千里  
轉帆以相勞沐不圖清明之時國門之外有扼  
吭而禦之如嚴淳之爲者雖近稍弛解此其漸

素園存稿

卷之十六

十一

可長乎明大義而申文告知在臺下度內也竊  
以爲新政第一義或在此敢敬陳之伏惟台鑒  
幸甚

### 報陳志寰使君

臺下之入都也蓋不持郡中一扇一墨焉今茲  
寵命之膺雖郡人失望然可爲世道慶矣山谷  
扶筇之叟猶庶幾翹首不日不月公其撫我畿  
服乎去後之思何以釋也盍讀翰教謁焉若親  
知公之留念於人士者亦無已哉聞報之日所

素園存稿

卷之十六

十二

見邑里無論智愚無不感愕失色者而一二豪  
悍且欣然思逞矣臺下聞此得無戚戚於骸  
者乎且何術以仁之不佞衰日甚耳粉榆之間  
僅未廢登眺餘無足陳者所願仁賢在位益播  
令猷光贊大業何論遠邇其覆我者宏矣使者  
停鞭俟報不得縷悉焉天末停雲惟有馳仰

### 寄徐中菴使君

頃見當事者薦代之疏則不勝喜以爲古道猶  
存哉及接翰教浩然有去志初未知其辭已乃

之賦庸其暇煖邪臺下滄泊於世味宇內諒之  
雖然先憂後樂之懷豈徒使北山愚叟抱膝而  
吟也不修葺甚耳枌榆之間豈不廢登眺曩所  
奉寄四遊者續有記焉適有陳使君之使草率  
附落未得錄上記室也自五馬去郡幾廿載乃  
得陳使君而受福之民曾不得三年攀舂陵之  
行非虛作哉雲天悠邈爰動遐思清時今歛願  
言自愛

素園存稿

卷之十六

十三

與吳瑞穀

先兄幸藉名筆不朽感鏤當何如適太宰以佳  
集見還讀之其近體皆盛唐正音也第間取材  
於六朝耳郭內翰云挾陳人口中珠而山海寶  
藏棄而不顧真名言也夫唐人集世傳者千一  
耳今見一字不出傳集中輒疑非唐音蓋拘方  
之見大率然矣則何以稱遐覽高步耶

與范晞陽憲使

憶昔途中邂逅數語目擊道存中恒藏之頃聞

下與要人迂輿論自公忝枌榆者與有光焉浙  
中之補廟堂雅見主持可爲世道慶矣似聞閣  
下遂有東山之志竊謂非宜用之則行洙泗之  
訓也伯玉不獨爲君子未可卷懷之時願益勵  
遠猷以愜士林之望薄具敬用勸駕惟亮存之  
幸甚

與程漢陽德良

敝里衣冠自昔不乏前輩未有通一篋於郡邑  
之庭者第登第數十年以來謹守前規耳而相  
好者大以爲簡則世風之移也然第竟未有行  
焉適若時節謁賀似非田間老人之事非禮之  
禮其可已者與相違又隔年俟霽當圖奉候併  
請裁教不一

與沈太府

伏承寵召深以聞教爲幸敢不敬承竊有陳於  
左右者綠衰朽之人久逃空虛不勝城市應酬  
之劇乃至困憊猶海上之鳥聞樂而驚林中之  
鹿見人而駭也儻蒙體恤得以野服參侍一切

素園存稿

卷之十六

十四

優人鼓吹不令錯廁清閒之譙則田間鄙俚之語雖非葑菲可採而飲太和坐春風當不覺沉煩之去體矣此至德深仁所以無一物不遂其性者也伏惟高明裁之悚慄俟命

與畢司理

適聞御書樓之事其事似於相公無損而於事體未順竊意臺下必能幹旋之或者姑徐徐以俟輿論之定耶不然者相公業以浮埃視之而文公先生惡用享非其有殆非所以聞於天下

素園存稿

卷之十六

五

後世也郡中方繫心於臺下是以輒噴願臺下留意焉

與羅聞野中丞

頃承翰教藹若旣覲每盥讀之輝映四壁又未嘗不心飛神合也日過郡城少傳公暨諸君子擬舉直率之會意閣下暫借林壑當不靳一至焉良晤劇談庶幾匪遠矣不佞八年于外抱膝者半抵舍以來匆冗不給久未能裁候記室衰憊可知也敬戒小豎肅將鄙忱匪以爲報惟鑒

存之幸甚不旣

回趙上舍

風水之說本屬渺茫縱不能不隨俗講求亦宜以有無之間視之若謂區區智力可以專造化主宰之柄則理之必不然者也惟溺惑其說而骨肉情誼皆所不論矣邑里中不泥不求而得吉地與盡力求之而反不得者歷歷可數足下幸深思之令弟俟相見則以此告之苟能不惑於利則自不越於理豈不謁然德門之風哉草復不悉

素園存稿

卷之十六

十六

回方金華

頃見少宰潑老言貴治士民相孚政聲甚佳司道考語似相知非淺仕宦遇得意則歇然遇失意則坦然所謂善養浩然也邇若愛小民敬君子嚴左右此終身可行不佞學之而未能也聞衙中日僅麥飯儉所以爲廉淡泊持身迺第一義任重道遠此其本矣不佞衰劣妨賢故園在望而濡滯未遂初服殊負有道毅之耻如何

又

頃方伯過談盛稱足下治行之優也亦既平于上下矣夫千將之器不患不割在益淬礪之而已邑里中如程司徒汪司馬二公皆以浙起司馬蓋僅得一薦司徒竟未與也迺其勲業卓越豈後其同時以高材騰譽者哉士之用於世亦能信其在我者耳

與潘象安中翰

引年告老禮也亦制也其可濡滯哉屢承垂念

素園存稿

卷之十六

七

良感雅誼矣非固違教自途也僕嘗自惟材能中下分量有涯感激知已黽俛一出肯子猷雪夜未見安道今席煖矣不啻及門可以返矣素位而行非能之也願學焉足下其謂之何母愛之過而念之深也鄭叔真吾黨志士雖小試必有表見聞邑中大老業爲先容相公必留意矣若又竇之是不知相公也此語也平津閣中儻可及之否乎夫善人相爲儼不及餐況在同開知足下眷眷之意故不異也

又

不佞自釋褐以來拙於從事壯猶不如人况已老乎卽承政府屬意之厚自顧衰劣何以酬知遇萬一誠康康維谷不遑寧也足下其謂之何里閭諸公頗相勉以先後兩任至仲冬可告滿然此得無有隴斷之心乎不辱不殆之誠日念之不釋老氏所以涉春水也足下何以教之

與殷

不佞始聞尊公無恙而逝則爲之拭淚曰真倦

素園存稿

卷之十六

八

遊也何憾焉今乃知其大有遺憾而不得瞑者蓋道路之煩言謂足下將構無稽之訟於門庭之內有是哉吾知足下必無是而傳者矣也昔尊公以身任天下之重不避嫌怨大爲不諒者反噬不佞深不平焉頃於壽文中稍發之此足下所知也而何意忘陟岵之思忽夢我之詠飲爲廣賊報警耶意者今姪以未習禮而有忤於足下耶足下以伯父之尊奉太夫人之命卽庭訓之可也何至甘受凶人播弄欲爲傾覆之事



耶吾固知足下之必無是而傳者矣也不佞與  
尊公交也海內知之非面交者也今且衰甚矣  
而猶猶昔恒慕古之招不可來麾不可去者足  
下縱不欲聞逆耳之言不佞惡能已於言哉寧  
負足下安能負尊公即不欲負尊公安能負足  
下願足下之深思之也

與殷上舍與可

昔之賢哲儉必備嘗險阻艱難以成勛業此蓋  
足下所未之嘗者也今始嘗之矣若其嘗之而

素園存稿

卷之十六

七

思所以免則多福之來方自今也今之世好乘  
人之危而不欲成人之美當事者人各有心不  
可以常理度足下少有英氣勃勃之名非痛自  
克抑將無以免行路之人厮隸之微唾者自乾  
履薄臨深乃可耳况親而尊者乎不佞衰甚矣  
閱歷之言非識義者也願足下書之紳而毋忽  
也

與汪年姪

頃聞尊公疾且亟也方以爲慮有自太函來者

曰康復如昔矣則又喜意未有艾也何以遽不  
諱哉數月之間失二大老是天之降割於吾邑  
也憶數年前尊公嘗有疾詒書曰且西遊夫且  
以爲遊其必不亾也而憂邦國者有云亾之悼  
矣雖然在尊公則生順沒寧詎有情於去留乎  
我不佞以此爲解併唁二難庶幾抑哀也秋水  
時至嚴灘可泝將復以慰尊公之靈焉

回丁休寧

適聞台從自姑熟北上不任馳仰伏承翰教

素園存稿

卷之十六

二十

若奉觀感佩逾切東南旱災異常而敝郡爲甚  
恐冬春之間內無所儲外無從糴商販不通百  
萬生靈何以爲活杞人之憂未知爲計擬暫避  
地市隱以俟景象何狀耳泉涸魚能相濡以沫  
安有六合一家而不容出於其途乎臺下稔知  
鄰政之橫敢私布之山谷中拭膽勲德日隆光  
映竹帛不勝至願草率不宣

回江都縣

吾郡自司徒司馬二公昔在省署與同鄉數君



子敦好甚篤蓋迄今繼者未替也司馬初入朝不佞嘗以此爲言而敢忘之耶雖然士之處世浮沉久速孰可叨以爲力而隨分自盡則造物者所不得而尼之况於人乎邑中宜黃內召上杭職方遠安會薦矣足下政聲卓爾穎出非遠願益崇令猷以膺殊命九仞一簣茲其時也二公書敬附鴻翼冗極草率亮之

答胡安義

山鎮寥寥忽接翰札紛榆繫念良以爲慰邑中素園存稿 卷之十六 三  
宜黃內召上杭職方遠安會薦矣彈結之會斯爲盛焉足下雅度夙重鄉評初筮而得簡邑以小鮮治之知德聲之卓越也惟益勵令猷以膺簡命幸甚

與詹東園內翰

適閱榮耀之報喜甚正擬修賀而教札至矣南中內翰昔稱僊班主爵蓋以衡山視足下衡山千載士也今之君子好凌前輩焉知來者不有餘論大雅固不爾爾漫及之丹鉛錄畫品項行

襄陽爲印一部尚未完也或當致之秣陵耳

與鄭叔真

程倅來得手教知足下之宜遇而不遇相爲歎然達者於此靜觀則有命之訓諒不誣矣異日隨分盡職一以義爲準可也豈非一時之不利爲終身之大益哉不佞以衰朽縻祿廩廩維谷今冬三載之滿明春六載之察黜幽之典謹俟之耳都下粒王薪桂得無囊遊薄俸聊見分俸之意幸鑒存之不宣

素園存稿

卷之十六

三

又

足下此行知非得已雖小試必有表見焉聞三老有勸駕之書達之政府矣其要歸則有主之者於中若有所欣戚是惑也僕頃者感激知己冒焉一出忽復終歲無所裨補蓋兢兢維谷矣茲及引年之期循例以請庶幾其可追罪戾苟遂首丘璋谿之上敬俟巾車撰杖以從焉魚鳥親人安可忘也都下粒王薪桂得無苦乏乎貧也非憊原氏之子所以輕子貢之結駟也願足

下勉之舍姪獻成昨寄詞賦一冊信雋才也其窮益甚不知持此夜光通衢中安所投耶爲之太息

與胡茂承

去春懷寧舟中匆匆遽別于時以文從之荆西且登太和卽把袂之期也今復隔歲廼有言足下近寓金臺者故因便奉訊不佞漫爾行役茲例得告老璋谿之上歌招隱之詞待足下徜徉焉故鄉魚鳥何可忘也倘足下亦有倦游意寧

素園存稿

八卷之六

三

臨風馳遡

與獻成姪

倥偬中得寄來佳作亟披閱之種種精詣矣以獻成之才俯掇一第信非難事廼落落若此今人大息雖然一時之榮達豈足以博千載名耶幸益自愛聞與叔真同寓適所寄簡頗悉近况璋谿之上綠竹亦成林矣

又

扇頭佳律每當暑揮之清風泠然令人遐想吾

姪才高而數奇不知遠遊有所遇乎九衢豪士所萃宜慎所與勿以韋布爲可肆意也老夫衰庸從事勉酬國士之知恒懼伐檀之刺今茲當圖釋負矣風便耶復寄訊薄俸少資卽次草草

寄用和姪

昔楊子雲教人作賦無他法也但讀賦千首耳今賢姪銳意爲詩則自雅騷而下盛唐以上儘讀之讀之愈熟則愈有味誠有味乎其工耶又之則工矣昔高常侍五十而詩名未晚也老而學如東燭之光孰謂東燭不可以繼白日耶勗之而已

素園存稿

八卷之六

三

與江民部

昨自山館歸見見邀之東始知高軒已回殊用欣慰不佞所以不能入城者以衰甚不勝酬應之勞非欲自廢也近聞有不諒者目之爲爲高則不察矣憶昔乞致之疏凡六上矣部中屢請亦曰以全其高蓋是時不憚者有是言而部遂承之也夫七十三而致政濡滯甚矣胡高之云

乃部之云則好我也好我則慙矣八十二而不能入城此衰憊之態也豈曰爲高乃今之云則罪我也罪我則懼矣永公雅愛幸爲一達鄙意庶幾無謬戾於郡邑焉瑣瀆恃亮金陵別業猶時往來乎亦欲一知之耳

素園存稿

卷之十六

三五

素園存稿卷之十七

論

新安方弘靜著

范增

天下之勢有存亡呼吸而不容以不決者鉅鹿之戰是也夫趙之不足以支秦明矣趙入於秦則楚之氣奪矣非先其銳而置之死地不可以生也乃曰承其敝何言知兵哉帳中之舉羽有無生之氣一鼓而盈羽之勇也蓋增之謀也而蘇子謂增當於是時去誤矣天下苦秦久矣豪傑爭起而亡之羽之力足以亡秦增知有羽而已一委身焉義無有二謀之不用嗟何及哉夫事君者量而後入增蓋量羽之足以亡秦而未量羽之無以異於秦也夫天下惟苦秦也惟欲亡秦秦已亡而增之始願亦遂矣何至以疽死哉不觀於鴟夷子乎蠡之與勾踐謀也志於吳而已吳滅而五湖之舟汎矣蠡又惡能與其主之所以處樂者哉蠡若曰吾與之始必欲與

之終耶則亦爲種而已吾以爲秦旣亡而增宜去若增之去優於種而遠於蠱者也或曰增策士也未識天下之大計凡羽所爲弑帝火秦坑降宰割舉失天下心者增未聞有言也漢之臣大半嘗事楚楚有材而漢用之增亦嘗見而舉之耶天下之勢觀其所助孰多助孰寡助可以占成敗矣增曾不是之謀而徒與羽恃一手足之烈其得爲智乎增去時天下勢已歸漢矣增雖在無能爲也故增者策士也而不足以運天下天下之不能定非獨羽之失也若曰增不去羽不亡非然哉

### 扶蘇

扶蘇之死其異於申生哉申生非死則逃耳不忍於逃則惟有死而扶蘇可以無死也何也晉獻之溺於驪姬其處心積慮必去其三子而奚齊乃可立雖百口不能明也而可以言其志於公乎若始皇者其英畧非獻比也廢立之意素未有萌也胡亥之從游特其願耳非始皇意也

素園存稿

卷之十七

二

蒙恬之疑不俟智者而扶蘇何以不從哉蘇子曰秦之積威也使其子寧死而不敢請知請之無益也然矣雖然請之無益也等死也請而死何傷扶蘇之死愚矣不足以爲共也雖然扶蘇之能諫賢矣非愚也蓋有天道焉昔吳之宰嚭或言其死孔子曰嚭不死也天生嚭將以亡吳吳未亡嚭焉得死夫秦之無道天下舉欲亡之民之所欲天之所從也天所壞者誰能支之亡秦者胡蓋示之矣矣扶蘇不死胡亥不立胡亥不立秦不必亡秦不能不亡則扶蘇不能不死故知嚭之所以不死則知扶蘇之所以死矣是天道也或者曰斯高之謀深矣扶蘇雖請必有待之請果無益也是天道也

### 鼂錯

鼂錯者殘忍人哉忍其父奚所不忍未有不子而能臣者夫父爲已死而可偃然在位耶而世猶曰錯忠舛矣且其策諸侯者謬也吳王濞年老矣易與也而曰不削亦反反遲則禍大其急

素園存稿

卷之十七

三

於功名而踈於國體也明矣誠通達國體則賈誼分王之疏具在何俟主父偃乃以告乎憐錯者猶曰錯父計鼂氏而錯計劉氏忠於國者固片家也夫錯之計非所以安劉也七國之敗天也使用田祿伯桓將軍之策事未可知也條侯至雒陽曰吾不自意全蓋慮有爲吳畫者幸其不用耳故曰七國之敗天也錯非能制其命也朝服而斬於市猶得後世憐亦幸矣

崔烈

素園存稿

卷之十七

四

漢靈時三公皆輸貨崔烈以有素望減半夫靈之不君甚矣猶知烈之賢烈既負時名無能改其德又不能潔其守適冒賢名得減半價是市井之相率爲僞而幸售其欺者耳惡得爲賢其罪浮於靈矣嗟乎三公以輸貨進必取之百司自上及下不削黎元之膏血則無所止國欲不亂且亡得乎

舜禹之事

曹丕之篡也曰舜禹之事吾知之矣由丕以來

皆笑之而柳子乃曰笑之者非也舜禹與丕其道異其事同也噫柳子過矣天下寧有道異而事可同者乎舜禹之事典謨載之孟氏論之詳矣明矣操丕之事則昇浞之事也莽卓之事也天下路人知之載在史冊柳子固童而習之所不可道者也而可與舜禹之事同年語耶當時志士仁人如諸葛孔明者不可得而招矣如關雲長者不可得而羈矣而士之志於功名富貴者從之則以漢事旣去而天下之勢無所歸也

素園存稿

卷之十七

五

蓋昭烈君臣魚水未合而孫氏者亦操之徒特力非耦耳故不得而竊據焉而懿昭者已伺其側矣其幸而篡乃所謂不盈皆者也柳子以堯退而自忘舜進而自繫夫自忘自繫燕會子之事耳何可以語堯舜也由唐虞以來民至於今不能忘堯而謂四海遏密八音百姓如喪考妣者皆飾辭耶堯爲天下得人倦勤釋負四目之明堯之明也四聰之達堯之聰也天下之人寧有不知者而謂堯故隤然聾其聰昏其明使

天下忘已何爲者哉其謂舜之自繫於民尤悖  
舜之居深山若將終身耕稼陶漁豈爲帝者其  
避堯之子固以天下歸之而朝覲謳歌訟獄者  
之所之不得而避也天與之人歸之不得已有  
天下而不與焉此其事也柳子寧不聞也而曰  
堯自忘堯自繫授受之間若玄女之符鬼谷之  
術二人一而一世皆愚然後天下可得而禪也  
唐虞之際有是哉舜之授禹猶夫堯也禹之受  
於舜猶夫舜也三聖相授受一道者也其道同

素園存稿

卷之十七

不

其事不異惡有道異而事可同者耶漢之失德  
久矣謂天下之已忘漢固然也而謂曹氏能自  
繫於民則太憤憤者柳子非憤憤者無亦好異  
而不知其文之害於道歟孟氏所以惡夫智者  
也或曰此非柳子之文也吾非辯柳子辯其文  
之害道而誣聖也

顏子所樂何事 序試

周程尋顏子樂處不言其事蓋爲飛魚躍之意  
欲人自得之也今乃懸空隔壁而談使學者求

之於無何有則謬矣嘗試言之孟子曰萬物皆  
備於我矣夫曰萬物備則無往非物也無往非  
物則無往非道也無往非道則無往非樂也反  
身而誠者素位而行日用之間當乎理慊於心  
富貴貧賤無入不自得仰不愧俯不忤故樂莫  
大焉是樂也君子所性大行不加窮居不損者  
也是故仁義禮智根於心而粹而益背暢於四  
體惡可已也此之謂樂也以顏子之樂爲樂道  
者非非也而未究其蘊也今乃曰顏子之樂大

素園存稿

卷之十七

七

矣以爲樂道者不知道不知顏子者也此無得  
於道而大言之者也伊尹不曰樂堯舜之道乎  
知之者好之者樂之者非道耶蓋知之者志於  
道也好之者據於德也樂之者依於仁也仁而  
依焉則出王游衍無非道矣無非道則無非樂  
矣顏子不違仁蓋樂之者也樂天知命故不憂  
簞瓢陋巷祿之以天下奚異哉顏之樂卽尹之  
樂也夫顏子樂處周程尋之其得之深矣而何  
以不言也蓋程子言之也詳矣門也堂也室也

其為定性書是也

治要

論治者苟欲有所紛更改作適足以擾天下非惟無益於治也君人者擇輔臣而已輔臣擇有司之長而已今所謂有司之長者內則六卿也外則巡撫也輔臣而不能知六卿焉無論矣六卿而賢歟則相與咨求賢者以為巡撫巡撫十五人耳輔臣六卿而不能知此十五人者則何以就列哉誠得其人則久任之自年四五十至

素園存稿

一八卷之十七

八

七十以上可任二三十年由僉由副積為公卿終其身可也巡按御史則拂士也不可無也輔其不逮可也匡其失可也然歲一易耳其於地方利害知之未必審不得以撓其權一方之休戚責在一人為守令者知其不可撓不易摧不敢不兢兢遵其令日如師保臨之則安有恣意以虐其民者哉巡撫而賢二司之賢不肖必能知之矣二司而賢郡邑之賢不肖必能知之矣郡邑有不易治者而守令得人則久任之勞之

久而報之重可也守令之去留屬之巡撫巡撫以私好惡則巡按能匡正之輔臣與六卿苟志在天下則日察此十五人矣彼雖欲有所私獨不自為歟夫此十五人者誠重矣賢矣一方之休戚誠繫之矣則亦毋使讒人得以間之如是而天下不治吾不信也

余為此論覽者曰今之巡撫非不重也久任之議非不數數也斯論也不亦贅歟吾意以為人必賢志必行任之必數十年然後可觀其成耳蓋得封建之意而無封建之害又非若藩鎮之不掉也故曰

素園存稿

一八卷之十七

九

議

社會議

三代之後欲舉仁政者其必以社會為務乎其法良便於民夫人而知之也驟而語之出數則千家之市莫有應者何也語曰貧富何常彼此更之百年之間消息盈虛何所不有人積之人食之食人也與食於人也一聞耳然而莫有應

者何也千家之市其民亦庶矣彼非盡實不可  
論也夫亦有所畏爾也蓋出穀者必官民民以  
富聞於官則殷實大戶凡重大之役將擬其後  
安得而不畏也倉廩雖所費不輕然既可使出  
穀則亦可使建倉矣乃若收守之難則官且無  
辭於民民之不勸固其所也強而使之則苛政  
耳非仁也何也穀積之倉虧耗固不免查之稍  
寬則侵漁不免夫上官所使查盤固非盡更事  
恤民者彼見斗級之苦避之且百計而欲其勸

素園存稿

卷之十七

十一

從得乎藏曰官無辭於民者也竊以爲莫若使  
各姓自積故之於民收貯聽其便而官但知其  
數其報於官則曰某姓某等共積穀若干石而  
已官不求知其出穀者之名也民以爲官幸不  
知其名則殷實大戶重大之役未必遽擬之也  
故易使出穀既報數矣則下令限之完報完矣  
則間查之夫各姓所積多者數百石查之須臾  
而畢耳民無供應之煩而官亦甚不勞及當糴  
放則爲定其價下令曰某姓穀若干石民某某

等如價糴之亦須臾而畢耳民得蒙實惠而無  
守候之艱其與官司其出入難易至懸遠也大  
官司出入豈其不恤而曰擾之勢固不能無擾  
也卽竭心思爲之如朱子時其必不擾矣繼之  
者其盡能乎民何能勸故曰官無辭於民也且  
夫大戶斗級之役民所深苦也而無故興一政  
焉使在在不免何謂非苛也故以爲各姓積穀  
甚便誠一舉之得其人焉而四境且沛然矣嗟  
乎易簡而天下之理得矣政非易簡而欲民易

素園存稿

卷之十七

十二

知且從雖聖人不能也

余爲此議邑令君今司諫姚公嘗就余謀行  
之蓋旬日而得萬石間里晏然若罔聞也其  
良士快之而里胥或側目矣然令君是舉也  
臨岐矣故議或未詳猶有待也十數年之間  
當有稽覈而推廣之者庶其法可久而其利  
可溥耳大率此議行於江南爲宜在徽歙尤  
宜而他方則又宜酌而通之也余因有積貯  
之議云



積貯議

備荒莫如積貯積貯莫如義倉然竟不能久行則以倉之爲害也倉之害有二蓋管比之阱與蝗焉收支之累阱也糜爛之弊蝗也然則倉可廢乎不曰藏富於民乎古者三年耕有一年之畜亦藏之於民耳豈必官貯於倉而後可用耶今議勸民積穀官不必收貯不必查盤但登數於簿而已其散之也或借或施官但給一票使自支領而已借者或止收本或量取息官爲過素園存稿 卷之十七 十三

還勿以累貯者如是民庶乎可驅而之善也今也民既不得爲善之利又受其害無惟其不從也

收簿 某都某畝某願積穀若干石收貯聽支 收貯之戶不能無消長每三年一稽察之或仍或更則無慮矣

支票 某都某畝某原積穀若干石今給某都某畝某某各領若干石斗至來歲秋收還若干石斗如有欠少執此票

稟官究追完日繳

某年某月某日給票

南糧議

南京倉糧每石折色五錢此定例也然市價平時僅三錢以下耳若令之曰願以米易銀者如市價給之值此軍士所樂從也銀出庫則米在倉官無出入之擾軍免挑運之勞事莫便于此矣某編懷此念久矣冀一遇有年苟可嘗試廼敢以聞之於 朝此議儻可行不患無米夫然素園存稿 卷之十七 十三

後改折平糶之惠隨吾所爲也

治兵議

易曰弧矢之利以威天下古之制器尚象者所先也不云他技也禮男子生而縣弧以明有事鄉大夫以鄉射之禮詢衆庶不云他技也考工記百工之職獨詳於弓人有以矣唐末澤潞兵所以強於天下習射故也余昔三理戎務必使管中人人能射令之曰兵士之弓矢猶舉子之四書也毋或不習者其餘技則猶五經也習其

一也然不欲勞之必分番而習之日六分其時用之一有半焉其四之半使自爲生蓋先者耦則後者繼後者耦則先者退毋使久俟命也夫是以悅從而易習夫十人命中敵莫能前使三千人挽強則烏合者惡能犯哉天下衛所之軍無不可教也何患兵不足又何事調募爲也嘗以語南大司馬涇陽李公公欣然曰當敬以從事項之而李公止轉行矣

#### 四禮議上

素園存稿

卷之十七

十四

冠者成人之始古之人重之今忽之矣與其繁也寧簡雖一加猶賢於已乎幘頭公服疑於僭其非士庶人之禮與小帽方巾儒巾可也婚姻論門第禮也如非其偶辱宗敗化衆共正之可也親迎禮之重者今或先期行之亦近之矣賀房戲新婦汗習也必禁之主人毋內客可也舅姑饗婦之禮其難行與禮從宜而得其意焉斯之謂禮

喪事之必不可者用浮屠也設筵款客也戒之

哉母以悖禮爲禮

婦人吊喪送殯禮也近於俚今則靡矣甚則冶革之可也婦不出閫之謂禮禮之不可變者也其可變者雖革之可也

凡民有喪匍匐救之吾聞之矣鄰保相恤古之道也今喪家僅過者例散帛設飯其近屬蓋有舉室就食而不舉火者姻黨相弔必以幣謝衆以爲當然主人不得不然真弊俗也祠規已嚴禁之矣有志者毋沽俗好而起厲階也

素園存稿

卷之十七

十五

里俗紙合之費甚無謂弔者以靡爲尚主人如所費酬之富家有用作至百金者中家亦不下數十金識者皆知厭之而莫敢先廢懼人以爲吝也夫儉近於吝然易辯耳知取而不知予之謂吝不苟得不妄費之謂儉亦在自反而已矣自今弔客香燭厚薄隨宜勿用楮幣如有用者主人亦不必酬但隨宜少回餅豆之類可也若謂死者所需厚於生薄於死也不知楮未造時鬼何所用甚矣俗之難論也

喪祭必用禮生不必備通贊一人執事二三人可也豐儉隨宜不必侈觀今病其不侈也而以山人贊唱則俚甚矣婦人拜于帷內男女有別禮也

葬之祖也禮也今或競陳劇戲以娛死乎以死娛乎夷習也蓋有禁之者矣禁之不力猶無禁也見義不勇君子惜之

家禮尚矣何議乎吾特舉其易知易從者焉易知矣而不知易從矣而不從吾弗知之矣

素園存稿 卷之十七 十六

四禮議下

家禮儀禮也儀禮古之禮也古者世祿之家故冠有爵弁焉昏有攝盛焉賓有次階有三等焉非田野所行也其後世家鮮克由禮而賢者識之故云禮失而求諸野野而不苟者斯協於義矣協於義之謂禮禮也者酌於人情而節文之者也今以田野之間而行有家者之禮則泥矣是故求禮於野則有草莽之禮焉要之協諸義而已矣簡而不俚文而不侈其庶乎可使由之

設請以質諸達者

冠禮

筮日 主人告於祠堂儀節同筮賓 戒賓賓宗

賓至 迎賓從宜就位 賓主各坐如常將

冠者出房東向立賓主皆興 賓揖舉手將

冠者即席南向香行始加禮 賓詣盥洗所洗

復位 執事者進冠小冊賓降受 詣將冠

者席前 將冠者跪賓祝曰同祝畢賓贊者跪

素園存稿 卷之十七 十七

櫛髮不便稍興復位 賓跪加冠興復位冠者

與賓揖冠者適房易服同賓主皆坐 冠者出

房東向賓主皆興 賓揖冠者即席南向立行

再加禮 執事者進冠方巾賓降受 詣冠者

席前 冠者跪 賓祝曰同祝畢同賓贊者跪

同興賓跪加冠興復位冠者興 賓揖冠者適

房易服 賓主皆坐 冠者出房東向賓主皆

興 賓揖冠者即席南向立行三加禮 執事

者進冠儒巾賓降受 詣冠者席前 冠者跪

賓祝曰同祝畢賓贊者跪同與賓跪加冠

興復位冠者興賓揖冠者通房易服賓坐

皆坐乃醮設醮席席設於案前南向先有冠者席不必設冠者

出房東向賓主皆興酌酒同賓揖冠者即席

賓受酒詣醮席前冠者跪賓西向祝曰

同冠者四拜賓不冠者受酒立賓復位冠者

進席前跪祭酒興退就席跪啐酒興冠

者拜賓北向賓答拜西向拜贊者贊答拜

賓乃字冠者賓祝曰同冠者答曰同再拜

素園存稿 卷之十七 十八

賓答拜禮畢賓請退主人留賓主人

退以冠者詣祠堂同冠者見尊長同禮賓同主

人再拜賓答拜同主人獻酒賓酬酒同升席行

酒進饌奉幣謝賓贊從霍氏家訓只用帕賓贊受再拜

謝主人主人答拜賓退主人送系門外揖

同冠者遂出見於鄉先生及父之執友

麻冕禮也今也純夫子曰吾從衆聖人一言萬

世之準也不從禮而從衆者衆之所宜而不拂

於禮也舉一隅以三隅反引而伸之可與言禮

矣

易曰聖人南面而聽天下南面君位也今冠醮之位南向而父母賓主東西向野人乍見之母乃惑乎孟子曰今之樂猶古之樂也謂其同樂於民也夫行禮亦若是矣苟宜於今而協於義其亦猶夫古也歟

素園存稿 卷之十七 十九

房或後堂從便

賓立同執事者同

盞盤衣帶

酒注靴履

址

堂坐賓加玉冠

位王位

冠者先櫛合紒賓加冠

王立冠者立

昏禮

門第必擇

毋論財

婿必親迎

或先期行之亦可揖婦人

升車似不必

不舉火之類不必

禁戲新人也

禁者新人

毋責榛栗

也

其餘儀節從俗而勿畔於禮可

也毋從侈子曰以約失之者鮮矣

喪祭惟遵朱文公家禮稱家有無母作佛事母

競華靡母以酒肉溷賓母相欺以楮幣語曰喪

致乎哀哀不足而虛文以為禮惡乎用其情哉

古之人不家於喪而今乃有以喪傾家者至於

素園存稿

卷之十七

三

柩前暢飲道旁劇戲幣帛謝吊鼓樂娛魂此獸

心夷習有司不嚴禁矣其為為政也稍有知者

知其不可懼俗人誚責勉強行之其亦無志矣

說

水月樓說

蓋嘗釋孔子之繫易與川上之嘆也而知適之

一易之繫曰日往則月來月往則日來往者屈

也來者信也屈信相感而利生焉是故精義入

神以致用也利用安身以崇德也過此以往窮

神知化未之或知矣其亟稱於水也曰水哉水

哉何取也原泉混混不舍晝夜盈科而進放乎

四海有本者如斯夫故曰維天之命不已聖人

之德不已有本故也夫所謂本者何也一也一

故神神故不測是以未之或知也故水之逝也

因地而制流其不舍也其進而放也水何心哉

彼得一而逝者也不知其然也月之往來也與

時消息其屈也信也就推行之彼得一而明者

也不知其然也釋氏有言一切水月一月攝其

素園存稿

卷之十七

三

言之有似者乎蓋以一貫萬之說也乃詞人之

作謂前水非後水可也謂今月非古月可乎山

澤之通氣升而為雲膚寸而合不崇朝而雨天

下矣淵泉而時出川流之不息有敦其化者矣

知月之一不知水之一是未可言一也夫道一

而已矣故曰天下何思何慮天下殊途而同歸

百慮而一致者也曾子進於是矣故曰平天下

有絜矩之道絜矩之道忠恕而已矣由孔子啓

之也曰參乎吾道一以貫之時雨之化其神矣

乎孟子之學本諸曾子其言曰深造而自得之  
得者一也一在我則居安資深而逢其原無不  
貫矣其說在水之澗與日月之明也故觀物者  
觀於水與月也思過半矣吾樓近水而得月以  
水月名之或曰有義乎乃說

辯

茶乳辯

張子韶供十六大天茶變爲乳書偈自奇此子  
韶癡於伎佛耳茶供清矣佛何取於乳王肅著

素園存稿

卷之十七

三

飲酪奴之談蓋以媚世鄙矣佛見亦爾耶佛若  
喜乳當以乳供楊枝水不勝灑矣麻姑鄰米爲  
殊砂王方平猶云年少狡獪即使此乳果茶所  
變亦惡足奇偈云子若或生狐疑想問此乳從  
何處來乳從何處來豈佛天來耶佛天清淨何  
從有乳耶子韶名儒乃爲僧輩戲弄如嬰兒一  
點一癡可慨哉頃覽墨陽傳壁上水安知非蜜  
而遽云甘露王元美亦易其言矣余意子韶之  
乳其元美之露也金陵廖憲副父爲廣信二字

兩世事修煉一日丹爐烟中作洞賓現舉家祈  
拜神仙降丹必成矣余聞之笑曰呂仙徒能尺  
許狀火焰中良苦亦能丈八金身乎無何憲副  
告行聽補余微叩之似有能意然察其色不澤  
余心念之刀圭入口何繫一官爲未幾道人盜  
其金逃而憲副疾作矣子韶所謂供佛佛現供  
天天現徒以茶乳證耳豈若洞賓現相儼然臨  
之耶已爲狐惑乃欲掃人狐疑良可憫也

語

素園存稿

卷之十七

三

刻十家詩語

東城氏亡罪而被搆以免見南郭子有不平之  
色曰忠嘗聞教於君子曰守官以慎慎則不墮  
今也鞭蒲之未施而以殺人聞曾氏之母投杼  
矣則若何南郭子曰子何見之晚也曩吾見子  
策騎而馳抱牘而趨高軒懸薄無不俯而僕也  
亦憊矣今吾見子安居而緩步徜徉乎所之彼  
印累累而子于于彼綬若若而子徐徐吾以子  
爲得也已乃其成也虧也猶劍之一快也子亦

奚所失哉東城氏憮然者有間曰命之矣他日見曰忠嘗聞教於君子曰守官以廉廉則不污乃今知廉不可爲也田無負郭而室若縣磬雖顏氏之貧不因於此矣則若何南郭子曰子之貧也以仕乎子之仕也以貧乎夫仕而惡貧是買而欲贏也子如不以買仕也則奚所免於貧東城氏肅然以思曰命之矣他日見請論詩南郭子曰子忘其黜與貧子而志於詩乎善矣夫詩可以興可以理情古之人遊心焉且子亦可

素園存稿

三

詩之論曰三百篇以來迭矣忠願遡洄以從焉忠所學者唐之詩也南郭子曰夫唐盛矣其業詩也猶今之舉子義也蓋比戶無不爲也而傳者萬一矣乃其體裁之不漢不魏也時使然也建安開元降格易調其工苦作者自知之矣而漫曰唐無古詩此好奇者之過也子於詩其無以耳視哉曰忠昔趨庭於先大夫笥中有百家焉未能盡誦也敢請所先南郭子曰夫文之盛衰關諸國運殆不易之論也唐之盛其高玄之

除乎李杜二氏集其成者也十二家傳者廢矣其外則二張二李蘇王崔儲常祖此十家者皆與前諸家比肩而同聲者也蓋唐之正音也其外有餘力則無不可擇而誦焉子是之學而忘其貧與其得與失也於子何有於是好事者聞之遂刻十家詩也而昇東城氏俾藺之以給朝夕憫其貧也南郭子曰東城氏可與言詩哉始也有不平之色也猶蓬之心也乃今學詩而忘其黜不憂其貧其得於詩者匪淺矣夫東城氏

素園存稿

卷之十七

五

黜矣門可張羅勢利交者過而不入滔滔是也而好事者猶能憫其貧不非其見黜夫黜也於東城氏何有哉語曰不患莫已知夫東城氏有知之者矣

郡語上

郡語語徵人也有杞人之懷焉於是乎語

吾郡萬山之中自昔以來未嘗大經兵燹由僻陋一隅險阻四塞大敵棄而不顧不可用武小



則一夫當之不可仰而攻也。廷今之勢，  
不然者其外之寧不足恃而內之訐則大可虞  
矣。何也？往者民居之稠，雖稱庶於四國，其巖深  
谷邃猶未若今之櫛比也。隋開皇時，齊州刺史  
猶以閉糴除名，霸者所禁，儒者未忍甚之。邾之  
有無猶相通也。今也生齒之繁極矣，而地之利  
甚鮮，豐歲艱食，仰給四方。况凶年乎？頃者遇糴  
數月而百萬蒼黎已嗷嗷矣。盛明之世，四海一  
家，猶爾。雖屢厪，明詔九重，萬里為政者曾不  
以為不可。穀歲復不稔，災沴相仍，鄰封莫之或  
恤。內則綱維已弛，無賴子不能忍於溝中之內  
且持挺而呼矣。此其為患何可言哉？古者國無  
三年之畜，曰非其國。若郡之計，曾可終歲乎？今  
徒知郡之易守而不知郡之易敝，徒幸昔之久  
安而不慮今之岌岌乎已殆也。厝火於積薪之  
下而寢其上，非今之謂乎？夫狐白在身，安念無  
衣？方丈食前，焉知有饑？蓋自古詠之矣。今之君  
子強於自用而猥云各為其疆，雖有藏私，

素園存稿

卷之十七

壬未

不亦難為辭乎？然則積貯之議於吾郡孔急矣。  
惡可不亟圖也。今上初元，余待命山居。  
邑令君武陵姚公嘗就余謀焉。蓋旬日而得萬  
石，曾未煩里胥也。民非不可與圖，始亦既可睹  
矣。苟以升斗之水為原泉焉，混混而不舍，不亦  
幾於百里之濶乎？七年之病，三年之艾，以為河  
之清不可俟也，而不之畜，則終其身何以膠哉。  
雖然，此本論也。良醫以一匕而蘇，骨立則標之  
謂何？如必激西江而濟，輒鮒則肆中之枯其泣  
矣。無已，則糴不得已。主上明聖，四聰旁達，  
赤子若保，其能由已。饑之吾儕，小人鹿不擇藿，  
仰天而號，則聞可叩也。泉涸也，魚猶能相濡以  
沫。瓶罄而蠹耻，庶幾無違背乎。昔梁惠以移粟  
為惠，孟氏小之。今也，適見謂不可移矣，移之不  
可，其猶可就與？未就，粟有三利焉：糴無事乞，一  
也。居身之安，二也。內顧不牽，三也。詩不云乎：適  
彼樂郊，列于邦國，不足而嫁，宜也。鳥之擇木，  
也。緡蠻之聲在紅鴈矣。且也，車書大同，地賴于

素園存稿

卷之十七

壬未



里饑而出糴而入猶之乎東西家耳是或一道也夫行者半則居者紿在位者於是乎寬以撫之嚴以馭之威克愛乎小懲大戒使閭里有疵而桴鼓不警其庶幾乎郡人士將無謂太早討哉

### 郡語下

郡之乂安也非徒以險阻足恃也亦由內之紀綱不弛足以維之耳紀綱之繫於治亂非世所習言乎天下者國之積也國者家之積也由家國以及天下其不可弛一也蓋郡之俗重土著其來遠矣其遠者當西漢之末吾家太常府君之墓世猶守之其在晉之東以及梁陳之際者比比可紀也其姓之著者卽一墟落而所聚蓋不啻千人矣卽千人者之中寧無數十人思逞者乎然以九制一固足以維之猶麻中之蓬無俟於扶也以乎人之家其僕佃之數不啻如之矣咸臂指相使非一朝一夕也有事則各爲其主主則飲食之以爲恃此皆子弟父兄之兵也

素園存稿

卷之十七

三

其與官府所使軍快者異矣在昔陽九之會往往有安其民以待天下之清者然則分明而志定故民易使所藉者非以紀綱存耶嘉隆以來俗漸漓矣圭竇雕梁紈袴敝繼非有恒心鮮不求伎夫使於下不可以無禮也南面之君無以守位况庶民乎於是乎有主僕之獄矣爲政者不察其原而矯之過則或以驚擊爲名曰是皆豪彊梗吾治者無論冠之敝履之鮮也一切齊之卽千金之家以一紙傾之猶瓦缶耳民之無良其悍者或反凌其主則右之曰此細民也莫非民也惡有乎僕也夫豚之於木也旣教之升矣其言朝出於堂上夕達於四境彼野心若狼非鮮也咸曰上之言固然莫非民也吾胡然而僕也夫民也不有馴謹而懷刑者乎則相戒曰吾何以僕爲哉如天之福一人之有慶吾幸無填溝壑也吾刻木而不願封吾何以僕爲哉其心離其力不足以相維僕不有其主主無以有其僕水渙之勢也紀綱亂矣所謂豚病而貌

素園存稿

卷之十七

三

特未瘠其足恃乎設有緩急則向之親上死長者皆入室之戈矣斯時也謂衛所有軍乎則未習彎弓謂民有壯快乎則惟知索錢將發間左而烏合之乎其良者不可兵其可兵者不可使也則誰與治者故曰厝火積薪而寢其上者也此善喻也

雲谷生曰昔夫子適衛也曰庶矣哉既庶矣而富之既富矣而教之此萬世論治者之準也夫民有恒產有恒心然後驅而之善迺可

素園存稿

卷之十七

三十一

言治矣吾郡庶則極矣而瘠爲甚殆所謂國非其國者俗之靡靡日益放侈將無不至此縉紳長老所爲扶節感頌而議者也司徒補齋先生於是有郡語焉語積貯使可足也語紀綱使知方也亦既明切矣如欲郡之乂安也政有體要其不在斯乎鄙生三復太息寔獲我心爰付梓人於以告庶幾有得是說而未圖之者萬曆己丑長至日歛雲谷生張允孚謹識

庭語丙申初度示兒輩

禮云孝子有深愛者必有遠慕至哉慕之不可已也而五十而慕者惟舜蓋難之矣無他人之情有所移則有所忘也忘則奚慕由五十而上至於期願愈遠則愈忘乃有誦劬勞之詩生日不能爲樂者此非情之至有戚焉於心而不可已者哉撫而充之人可舜矣於是知孟氏之稱堯舜不我欺也夫子言父母之年不可不知其喜也蓋其懼也此與人子言者也夫既有懼心

素園存稿

卷之十七

三十二

矣而暇爲樂乎子養志者也親之志於樂也而盡客之觴其顏有酡子順焉以娛其親喜可知也禮之所許也親有劬勞之感而子不知懼乃務競其芬華以觀美於俗間巷之曲譁者稱之曰禮是以其親市也孟子曰聲聞過情君子耻之君子所耻莫甚於今之壽文矣庖言滿壁蔓而無當亦奚以爲而且曰是足以榮吾親匪誣則惑也憶昔西越龍溪子以新建之學鳴者也余新安人篤信其鄉者也乃龍谿子不余鄙余

自浙歸杜扉西郊而龍谿子儼然扣焉余驚焉  
曰先生年高矣奚爲遠遊乃幸見臨龍谿子曰  
初度之辰無如長者轍何俗云避生非徇俗也  
以避客也當是時龍谿子爲客余主人也主人  
知敬客而已而心竊疑曰大耋之年客可謝也  
何客也而避之千里越二十年余乃如其年矣  
聞宗黨好我者相與議曰七十古稀鮮不稱壽  
公在郎陽道阻且長越境而慶公則有命今又  
十年林泉之遊物外之懼公必不拒矣余心念  
之無論劬勞之感不可已也卽賓至且有頌有  
祝其辭洋洋余惡敢當惡能默揖而升者三讓  
而坐者再周旋有儀適可觀也余瞠乎後惡能  
偕夫儼然冕衣裳而臨我者非所事則所友也  
一出入入有迎出有送繹如也雖勿亟拜耳  
惡能不憊于時日南至杜戶墜矣柯葉知風瓶  
水知寒而余以衰白當之惡可云智於是知龍  
谿子之避非過也余不能如龍谿子之遠也南  
山之南北山之杜叢杖所之惡從跡我乃命兒

素園存稿

卷之十七

三

輩謹應門焉毋役而翁矣昔茅氏姓奉親而  
對客有道者稱賢焉此貧士之禮也余從大夫  
後久矣過我者惡敢慢上客在堂所以奉客者  
如所以奉我者再倍之乃及真率之約如約而  
止毋或踰也使我不信於吾友也僕痛馬瘠青  
芻白飯必勤察之母使有饑色於吾廡間東郭  
氏所爲貽口實於邑里也不可以不戒里之俗  
慶有日日之旬者再賓且稀矣青陽近矣二三  
君子從我者且有意乎蔣氏之徑杜子之航山  
之曲江之汜一觴一詠幘可岸几可隱也何主  
何賓可醉可醒此余之意得時也嚮者之避非  
避客也避喧也兒輩其往敬謝庶無余譴哉

佛語

素園存稿

卷之十七

三

素園存稿 卷之十七 三  
庶士皆仁人皆君子則天下必大治吾所爲取  
於佛者所爲翼於好佛者也然吾見好佛者之  
衆而何庶者仁者君子者之鮮也若是則奚取  
爲矣東郭子曰子之求多於佛也夫中華之教  
五帝三王道之於上孔孟以來諸大儒明之於  
下亦旣勤矣然未能使人皆庶皆仁皆君子也  
夫世之貪者虐者競者豈非儒者耶而子獨以  
咎佛何也西野氏曰夫儒有小人儒也者謂其  
悖儒也悖儒而不名曰儒奚足道也吾固咎夫  
深於佛者其談佛也甚高而貪而無厭者虐而  
不仁者競而無耻者且接迹矣是以爲奚取於  
佛云爾也東郭子曰夫習儒者悖儒非儒之咎  
也好佛者悖佛非佛之咎也子無以悖佛者爲  
佛咎也西野氏曰固也吾所取於佛者不貪也  
不虐也不競也蓋其淺者也其道廣大深於佛  
者能道之非吾所知矣雖然吾有所大疑於佛  
而不能解者而深於佛者且以爲談佛之淺吾  
滋不能解請與子明之且使佛蓄髮而不削不

出家而成教不可爲佛耶使佛有君臣父子夫  
婦兄弟而庶而仁而君子不可爲佛耶佛思以  
其道易天下盡度世人人人成佛使其道行則  
數十年間乾坤毀人道息矣佛忍之耶若曰人  
不能盡成佛人道固自若不至毀且息也是佛  
之教爲欺人也不可以易天下也曾謂佛而欺  
人而可爲佛耶夫好佛而不能遵佛之戒而徒  
口語佛佛之教不可以易天下而舉天下語佛  
吾是以滋惑而不得其解也子何以教之東郭  
子曰佛之所明者心也而子之論所泥者迹也  
心迹之判久矣請俟異日承子之教  
銓語  
西野氏語司銓氏曰南郡有守未論其賢與否  
也而民願戴其二守也公知之乎司銓氏曰知  
之有稱之者矣西野氏曰以司銓爲不知也知  
之何不以二爲守司銓氏曰守之俸未及期卽  
二守亦淺也西野氏曰夫議者日言久任而未  
知任之所以貴久也夫任之久者貴其宜於民

耳民願戴二守則守可知矣而任之必久者何  
司銓氏曰其考優宜陟也陟必及期不然則以  
司銓者爲私也西野氏曰安有民不之宜而考  
乃優者乎夫考考者非司銓責乎且二守又之  
無庸也若宜於民則今之速乃後之所以又也  
又速低昂如權衡之推移如是而後可以又又  
而宜於民乃所以貴又也司銓氏曰然既而守  
與二守俱不遷西野氏嘆曰臧文仲賢大夫也  
孔子曰其竊位者與蓋責之深也司銓氏世所  
素園存稿 卷之十七 三

稱賢者也猶若此如民何

擬漢王與楚王語

僕與公同事懷王約爲兄弟吾翁卽若翁也而  
欲烹而翁耶公所欲與僕決者細事耳何至出  
此不祥語也僕所爲不能下公者知公不能相  
容鴻門之玦嘗三示矣以公之力能下僕耶雖  
百吾翁何能爲天下事未可以力定也必以若  
所爲則償而翁者且百矣公亦嘗念之乎入郢  
之事楚志也公寧忘諸僕能爲員不能爲尚公

其思之母爲此不祥語也 分美之語非人子  
也漢高不事詩書乃爾余試爲之辭

里語

吾郡山川環抱甲於宇內顧以三百六十灘有  
天上之謠勢若建瓴奔流過駛故行者倍利而  
居者屢空於是築壩畜水之議起焉蓋嘗有卜  
築者類若有驗形家之說此其可幾者也吾鎮  
水口之壩議者數十年矣第計費甚鉅憚於謀  
始遠識之士揚袂而談此其特乎夫北山之叟  
猶能移太行而一簣吾往有其倡之慮其寡和  
吾不信也同開而通志者列于左方

素園存稿

卷之十七

三七

今人千金買風水未必得吉地千金施梵宇未  
必有福德然且不惜者知財之去來者必然而  
說之渺茫者或然也此壩一成不俟智者知其  
有益以千室通力擎舉非難以千金計貲百一  
奚損無幾之倘來可損無涯之末利可必孰輕  
孰重吾意賢達者早辨之矣

又

里水口堪輿家議者有五洞門水反沙飛一也鳳山不向而傷其翼之半二也科第坊面臺爲所壓三也臺榭臨大道上侈而不雅四也祠塔具觀啟閉不設車馬之場非棲神之境五也今稍因而易之坊移數丈耳而峯秀溪環鳳翼後就宛若迴顧竹樹飛甍參差掩映可盡覽喧填隔神得所依乃受其福蓋費不什一而功舉矣諸捐繒助役者列于左方

思敦會祝語

素園存稿

卷之十七

三八

思敦會會族士之俊也會以文非徒文也余命之曰思敦以敦族也族敦而禮行乎其中矣禮之慶者莫先乎壽壽之慶則自族子伯元始伯元之二子騏驎會之俊也而伯元嘗有所加意於會慶是以始焉慶則有祝祝則有辭所以明敦也會之士則胥以告余聞之喜曰是舉也於禮宜哉伯元始杖於鄉也始稱壽壽且必遐吾早徵之矣在昔聖人之言壽則歸之靜者蓋曰仁者靜靜者壽也夫靜者天所培也天所培者

其宇常定定則固固則壽天所培者其情常恬恬則愉愉則壽詩人之祝曰松栢曰岡陵固也曰壽豈曰樂只愉也而申之曰保佑自天天之培之必因其材也是以靜者壽也伯元之必有遐壽也吾於其靜焉徵之矣夫伯元之生其家蓋昌以熾矣而少不好弄無統緒之習年十四五以尚書愛甥肄業太學言不出口其侍於長者恒默同舍生不知爲尚書甥也而舉動若老成人其靜若是同舍生皆異之罔易其少者余見而嘉之謂弟子立此遠器家之寶也子立者伯元之考也昔晉之東士方清談相尚鮮不以言觀人者王氏諸子見謝公安石公則與其默者默者子敬也子敬竟有令名於晉焉夫默固無以自見非以要於公也而公之鑒徵矣無亦以默者不競不競者恬默者不妄不妄者定定與恬其靜之符乎世方尚口而已獨靜以默此其器不淺矣謝公以默知子敬而吾以徵伯元之壽夫壽者固靜靜者固默也故吾於伯元早

素園存稿

卷之十七

三九

徵之矣會之士或疑之曰父矣翁之言壽也徵矣夫壽之道則靜焉已乎靜之道則默焉已乎夫伯元族之望也族之望於伯元者大于是乎瞻休光焉以元宗枋而何以默也願翁有以進之也余曰然諸士以靜不必默默未必大乎愛伯元矣而未知伯元又未知吾之所以知伯元者也不見世之喋喋騰口說者乎聽其談沛若三峽之決舉宇宙內事若無足難者人咸以爲才及一當事而鮮不債則怨且尤焉曰天也人

素園存稿

卷之十七

四

也其大者也其下則以利口自雄揚揚市中衆咸避其舌端而安危利菑不可與言以隳其業而辱其先者蓋有之矣伯元且恥之而何以不默也夫伯元默也而中甚明匪憤憤者曷不觀其績緒而任人者乎夫余先世自念五府君始遷自淳歷宋元迨洪永間代稱素封都推長焉成弘之後繁而不一乃食舊德間少替矣伯元之王考良弼府君寔振之考擴之伯元承之蓋大有光焉人見其居無事兀然若處于耳而所

任於大江之南北者其趨射罔不人人若驚故其慙遷善積什伍於機械自智者而大光於先業匪偶幸哉任人者逸固靜者之效也此豈徒默而憤憤者耶諸士以靜者未必大耶夫靜可大者也而伯元能克其大者也道莫大於倫倫莫先於孝友蓋子立嘗捐田宅以贍族族黨稱德焉伯元遵之廿年無改於父之道而鰥者獨者時有所加惠可謂善繼矣母鮑寡居非有故未嘗離側愉色婉容賢者所難而中表所稱述

素園存稿

卷之十七

四十一

之以爲楷者也第文學君式才也以爲卓越俾任家督而已含美焉是故畫一而弗淆而可大之業日益有光矣夫此其大者也諸士寧不聞乎乃若焚吳甲之券克之則平施之仁也釋巡兵之獄克之則直道之公也懲非意之忿克之則崇德之學也是故靜可大也大哉靜乎軌以專而直坤以翕而闢聖人主一而人極以立君子希之故訥近仁而辯寧默也伯元以之吾早徵之矣伯元卒業太學累日久矣而未謁選族



黨方勸駕焉計然之畫以施於國其才必有見也而騏也驥也文日有名咸以爲青雲可立致而以顯揚義方之教者將於是徵焉伯元壽益遐情益恬以愉宇益定以固由耆而期願益克其大以觀其成寧俟占哉吾是以徵之也諸士奚疑焉會之士咸喜曰大矣翁之言壽也而伯元信能克其大者也族之望其不失矣相與書其語以懸弧之辰稱觴焉季夏十有八日也

博約說

素園存稿

卷之十七

四十二

君子博學於文約之以禮禮之於人也猶工師之有規矩也不可欺以方圓猶其有繩墨也不可欺以曲直猶其有衡也不可欺以輕重故可以弗畔亦之云者未至於化也化則未之或知德之盛也在乎熟之而已矣子曰興於詩立於禮成於樂而所雅言則惟詩書執禮禮言執者固執之而不違所謂約也樂之成也則化不可爲者也樂者樂也孟子言樂則生矣生則惡可已惡可已則不知手之舞之足之蹈之所謂大

而化之聖而不可知也盛德之至動容周旋中禮非有出於禮之外也故一日復禮而天下歸仁所謂下學而上達也論語一書惟言下學之事非不語上也無容言也故不可得而聞而非有隱也雖顏子所聞於夫子終日言者亦惟博以文約以禮而已至於欲從而末由三月弗違日至則熟矣惜乎未見其止未達者一間也孟子曰博學而詳說之將以反說約也約者約之以禮也守約而施博者修其身而天下平修其身者禮也孔子曰文莫吾猶人也躬行君子則未之有得躬行者修其身也行修言道禮之質也孟子言禮之實事親從兄節文斯二者則發之益明切矣夫孟子發之而非孟子始有子曰孝弟者爲仁之本子思言君子之道行遠自邇者和兄弟宜室家以順父母而已故曰其爲人孝弟而好犯上者鮮矣不亦可以弗畔矣乎過庭之訓曰不學禮無以立禮所以守身也故弗畔言違道不違未與道一也禮者矩也從心


素園存稿

卷之十七

四十三



所欲不踰矩則與道一而弗畔不足言矣故曰堯舜之道孝弟而已矣堯舜性之也動容周旋中禮性之者也自老荀諸子不達於禮之實而孔孟之旨晦也久矣



素園存稿卷之十八

銘

新安方弘靜著

希希齋銘

老子曰知我者希則我貴達世特立之士有味乎其言矣孔子曰不患莫已知求為可知夫不知非所患則非求知也而求為可知則非不貴人知也知我則與民由之兼善天下奚必貴我而以土苴為人哉此其公私大小之辯不啻黑素園存稿 卷之十八 二

銘之曰

人之所異是日幾希六合可彌擴而克之善貴大同豈不易知不患莫知求為可知三人同行必有我師胡不是希而曰希希索隱而希又奚以為希賢希聖道匪遠而聖曰無我奉三無私其次克已自牧以卑泛愛下人親仁勿疑如矩斯絜四國是宜奚必我貴而曰詭詭拒人千里

與一世違視彼奄然亦一是非舍是周行自謂希夷自道視之焉用多岐六經之訓一致同歸佩服終身信有餘資勗哉小子夙夜念茲

### 日省齋銘

粵若神禹寸陰是惜惜之維何日崇厥德姬公思兼夜以繼日孔集大成發憤忘食會日三省頗事四勿欲罷不能有傳必習自昔聖賢日乾夕惕法地無疆效天不息咨余云耄道聞未百望洋而嘆茫焉自失秉燭之光詎曰無益如彼素園存稿 卷之十八 二

徹哉無斃

余既以日省各齋銘焉又置一策焉有事焉則書可書也乃可行也有行也而有違焉則書言可更也有聞也而未之能行焉則書言可勉也日要之旬考之月有成而歲有會庶幾弗隆矣無寧日造物者以佚我而暇自棄乎哉斯銘齋之義也

### 寢銘

俗之日趨於敝也則表夫俗者之責也夫既莫之與易矣而且與溺焉與其俗之異也日寧道之異也異於道莫我諱也異於俗安免乎厄矣夫如是則胥汗下胥放僻亦奚所惜耶雖勿惜也如爲原爲跖何苟有志者惡得不日省而夕惕也

### 杖銘

巖栖而扶兮緩以當卑川持而觀兮遲乃覺僊大道甚夷兮柰何好徑而登危

素園存稿

卷之十八

三

又

用之則行舍則止不持不扶焉用彼

### 蕉扇銘

於惟嘉樹產自南越其枝干霄其實可饁葉布如雲攬之如月質本自然不煩工製名之曰箴以禦炎熱爲物雖薄爲用不竭四方是持無異而達奚必齊統皎若霜雪惡取南金汰哉綺畫貴異競靡末世之蔽難成易毀君子所疾

叶請語世人毋役於物先質後飾庶謝天伐

蒲扇銘

以統爲月其團易缺以金爲飾其忤已極孰織  
其蒲風來徐徐風之輕兮老人攸宜豈惟宜老  
其質可寶君子所執庶民所視彼金與統亦奚  
足觀斯銘毋忽式告有位

素園存稿

卷之十八

又三

像贊

題程景升小像

吾見子貌恭而溫也有意乎去滴而淳也汎愛  
而親仁爲谷爲谿日孳孳焉以求多聞也其外  
不裸其中有真與衆奄奄吉人哉

題閔壽卿小像

汝貌癯乎而道腴乎汝于于乎其德充符乎山  
中之居白雲之與徒江上之廬水月以爲莊時  
而嘯歌叶時而遨遊叶汎乎不繫之舟叶孰能

素園存稿

卷之十八

四

問子之所如也曰子惡能是拘拘者與

題江仲子小像

是其貌溫然良士也其修辭與行已蓋居然可  
睹已壺中之遊一林一市聊復爾爾邪昔者吾  
與篁南子友叶今日擊仲子則宛然是也此叩  
其蘊迺無弗似者故吾於仲子以其貌信其履  
又念篁南子有子也有以也夫人之言曰是父  
是子哉

題程景升博物圖

古也通物今也玩物通則得意玩則喪志曷哉  
程子其母役於物以遊於物之外叶邪

程處士像贊

昔吾聞其人矣其孝友無間言叶處厚葆真兢  
兢以終身焉今睹其遺像蓋儼然道存也嗟  
爾後昆叶其未念克承維以還其淳哉

汪處士像贊

夫以山谷逸老州里耆英不覽非聖之作遠希  
振世之群意謝糾金顧日勤乎問學跡勞肩負  
素園存稿一卷之十八 五  
乃反求於身心忠信稱於師友孝弟洽于家庭  
觀其書殆渙乎氷釋瞻其像猶藹若春溫其墓  
則草已宿而其名與道長存嗟乎若人非止一  
鄉之善士無亦三代之遺民也耶

鄭處士像贊

早誦經子中業江湖其業則商其行則儒觀其  
拊几高視有倜儻不羈之氣而掀髯自若固優  
游有道之徒異時倦遊而返初服當貌余於杖  
履之後相從於碧溪之曲南山之隅也與

箴

蠅蟬箴有序

蠅附驥能致千里而蟬抱一葉以吟其遠近  
懸矣而清濁亦異志士寧爲蟬乎爲蠅乎將  
且有辯哉

嗟乎蒼蠅營營階序志在餘腥驅逐寧去安矜  
附驥能致千里雖或千里質則蠅爾維彼寒蟬  
棲於中林飲則清露抱葉而吟意若自適遺我  
好音幽人聽之以洗其心蟬乎蠅乎孰失孰得  
素園存稿一卷之十八 六  
屢僧不已徒間白黑豈若寡求勿役於物其生  
也微可以比德司糾作箴以明士則

會約箴

季文相魯食不兼味今也四之於禮猶侈叶方  
丈食前詎曰得志一食萬錢遺議後世儉以示  
奢庸告有位

題跋

題潘景升所藏吳大參明卿絕筆卷

嗟乎此卷遂爲吾友吳君絕筆耶君晚好言長

生也所寄余姪旂者累篇皆虛語而聞其益  
豪於詩酒方從蹇脩氏有所議無乃與所好遠  
乎余和之二章末云莫令遄羽翰且作地行僊  
蓋疑之矣然余懶竿牘甚詩未能寄也而睹此  
卷悲夫潘子景升遊道廣矣顧以未御吳君爲  
憊由秣陵泝武昌兼天之浪若行席上相見甚  
懼別七日而筆遽絕豈非奇哉景升既深悲又  
自幸也夫養生者本老子老子未嘗欺人也未  
嘗不死曰死而不亡耳吳君所立者不亡矣景  
升第寶此卷無庸悲吳君哉

素園存稿

卷之十八

七

題黎秘書書陶詩冊後

余姪用彬好遊家故僥也而以遊貧其遊也以  
成其名也非若司馬氏所謂熙熙壤壤者也在  
燕嘗師事黎秘書秘書歸南海上廼泝江湖踰  
嶺數千里從之秘書爲書陶詩未畢而逝余昔  
自岱入京秘書贈余詩秘書過豫章爲余書其  
詩盈帙余有稍生之懶善忘所忘者人間竿牘  
耳而秘書二妙數十年著几案間何能忘也嗟

乎其人已矣其墨迹猶新老氏所謂死而不亡  
者也世之語人視者誣老氏矣彬挾策請余題  
其末余蓋玩之累旬矣而未釋曰彬乎爾寧貧  
哉爾從南海來見如石家珊瑚億萬樹乎第以  
其鐵如意擊碎之可也

題自然上人椿萱圖

君子之道行遠自邇是故兄弟翁室家宜而父  
母其順矣蓋言邇也邇可遠在茲篤於親斯興  
於仁不出戶庭而比屋淨土以正四國以濟衆

素園存稿

卷之十八

八

生豈不易簡也與哉故曰博施濟衆堯舜病諸  
能近取譬仁之方也墨之兼愛佛之慈悲如不  
違也善推之而已矣觀自然上人椿萱圖孝慈  
之念有不油然而生者乎夫自然出家歷有年  
所矣是圖也雖行萬里而錫杖必偕何其不能  
須臾忘也吾以爲可與興於仁矣西方之教將  
以爲染心乎以爲正念乎昔五祖演法黃梅便  
於將母六祖圓寂時欲歸新州此何念也一本  
故也噫是可視之桑下之宿而已乎

題程處士傳後

昔之論治號達國體者必欲力抑逐末驅之使緣南畝余以爲非篤論也孟子論王政耕於野者與藏於市者等耳豈異視之哉天子適諸侯入其疆土地闢則有慶其勞來勸相必有以矣而柔遠人則九經之一霸者之命猶曰無忘賓旅惡在其抑之也語曰士有百行卽四民皆士矣故鋤則帶經旅則譽命輦牽車牛先王之訓也而鄭商以牛犒秦師而衛其國賈乎士乎彼

素園存稿

卷之十八

九

比屋而可封者豈專在南畝者乎哉吾郡萬山中其秀民多業買賣而士者十五矣其所遊往往與其賢豪交驩相推重致聲譽內行貞白有卓爾之操至夫千金一諾以蕪五貪似儒似俠非徒仰給俯取纖嗇不施也乃阡陌之間有遊民而無閑土卽欲盡驅之使緣南畝安所置之言抑之者拂矣余於程處士汝直之傳蓋三致慨焉處士士而買者也有君子之道四焉其事親也孝其撫孤也義其排難也果其臨財也廉

是故繼母母也已不知非母出而母亦不知非其出也是百行之本而家之所以致祥也奴也而噬其主主孤也而弱孰已任之而克振之者乎同室之耻損已以雪之方其投石於河而矢之也何其壯也返篋人之資不啻一矢亡矣資斧喪矣而更捐之以施焉施可能也喪而施難能也夫是四者皆士林之所推賢而席上之珍更僕不易數者孰謂汝直而買者乎其儒而俠者乎如汝直者而曰在所抑乎噫吾見今之言

素園存稿

卷之十八

十一

抑末者矣其取之也猶禦也舍曰奪之而曰抑之抑之何罪母亦懷璧其罪乎鼂子之論則爲之階何其與孟氏之論王道者異也故曰非篤論也吾聞處士嘗賈於魯其吏好貨而狠者也衆皆苦之處士如所取而進之問其直以什一對遂趨而出其爲是也蓋以愧之也乃其更不愧也欲招而友之處士耻之遂去之噫是可以知處士矣是可以論世矣而鼂子之論拂矣

題王火卿集

劉侍御子威評吾郡王生少卿之文則曰吳有王司寇元美序吾邑潘生景升之集則曰欽無詩二君子皆吳人天下士也其持論若此吾未敢知然可以知王生之文矣

又

王生吾未見其人其所受業則吳司訓瑞穀也吾以司訓知王生知王生乃益知司訓矣

### 鄉約宴會圖跋

吾鄉在萬山中舊稱淳樸近年以來閭閻困苦

素園存稿

卷之十八

十一

日不如昔而奢僭顧日益甚有識者憂之卽如一席之費有可抵小民一家之資者富者欲過貧者欲及無而爲有虛而爲盈十年消長目擊多矣可不戒哉願諸同志力行此圖以挽澆習夫儉德之共也侈惡之大也昔賢有云留餘不盡之福以厚貽子孫念福滿災生之戒勿暴殄天物言哉言也若移此以濟助窘之仁禮庶得不亦善乎

### 南戶部卿亞題名跋

右卿亞題名先後刻久矣萬曆戊子秋余攝部事從少司馬太倉王公元美所考自永樂以前遺者凡九十五人何多也于時創立艱難共職匪易蓋立賢無方如不及云會長洲周文學公瑕至年七十有五矣而筆力未減余延請補書立石焉廼其義則前二記備矣

### 祭文

祭宗伯孫公文

同同年表一之學憲

惟姚江之鍾靈今廼萃美於德門倚忠烈之耿

素園存稿

卷之十八

十二

光兮爰照映乎丹青翩三鳳以繼起今翔千仞而攬輝嗟我公之挺出今寔王朝之羽儀魁多士而奮跡今志已擬乎臯夔造青衿於成均今佐永宰而秉衡遂登宗伯之崇秩今領縉紳於留京歷金門與王署今情恒寄於柴荆言必遵乎典訓今動古人之輿稽既周旋不踰矩今又本之乎精誠見一善若已出今已旣善曰未能慮既周於寰宇今身退焉而如不勝惟哲人之休度今固履薄而臨深何修詞之煒燁今又王

瑩而金聲口不輟於吟詠今手披卷之不停邈  
先秦與西京今逮建安與開元文必先於體裁  
今陋篆刻而見稱信百代之鉅工今又善誘乎  
後生昔中郎之倒屣今道千載而彌尊彼昌黎  
之獨步今汗籍湜而徒奔繁夫子之愛士今蓋  
不啻過夫二君子二生之譔劣今會何足希乎  
當代之英勉策勵而不前今荷提示之勤勤猶  
步趨而未已今將庶幾乎後塵胡一別之未幾  
今驚天末之計音各行役於齊蜀今偶會哭於  
素園存稿 卷之十八 十三  
清源曾不得相向於場兮嗟見羈此塵纓伊民  
生之不齊兮器固視其所宜道有顯而未達今  
志有抑而匪卑揆我公之弘猷今澤奚帝被乎  
一時位雖躋於八座今曾未究竟其所施斯人  
士所共痛今匪獨門下者之私美郎君之多才  
今殆前記之所稀要高陽以並軌今駕荀龍而  
越之揚餘芬於無窮今豈簡編之勝垂固貽訓  
其允穀今宜申錫之維祺亮九原而靡憾兮顧  
仰止其安依遙緘詞以寄奠今淚浪浪而霑衣

瞻浮雲之南逝今心懸旌而欲飛所不負乎知  
已今庶竭駑而自持

### 祭黃大理文

日與公別郭東之原驪歌屢停促席而言三五  
方隆幸值 熙辰勉哉令圖四牡其翻坐有七  
老邑之耆英相顧而慶允茲國楨冊青爰炳月  
旦僕評公起而謝詎忘斯盟書來不它語咸衷  
誠上憂 國是下急鄉鄰盟讀未竟何來計音  
謂疑不信弔者在門余驚天問慟而撫膺正直  
素園存稿 卷之十八 十四  
靖共神明所憑別未及稔二豎何嬰素疆無恙  
孰培而傾茲公歸觀言自 上京余奉 簡書  
起填千鄖道里數千執紼靡因緘詞馳奠云胡  
以陳惟是電隙晝夜之經豈不黃耇有罔而生  
公所不朽恃此令名兩宰劇邑四境歸仁相率  
俎豆哽咽而奔繡斧三出藉甚臺端迄今疏草  
重逾十朋再臨棘闈得士多聞賢書每上衽欽  
朝紳大理未幾平反稱平台席方待壯猷共欽  
矧有賢嗣孝友克敦將期競爽以繼英聲九原



孰作公其可瞑余悲曷塞淚與些并屏山萬疊  
練水千縈梁間月滿隴上雲停不腆一觴敬微  
公靈嗚呼哀哉

祭許伯子文

萬曆十四年丙戌冬十月六日太學生伯上甫  
許先生卒于燕南京戶部右侍郎眷生方弘靜  
時候代于郎聞計則拊膺哭已迺束帛絮酒使  
馳奠而告於靈曰嗟乎傷哉自載籍以來賢而  
不壽者代有之矣夫賢者之生或得其常或值

素園存稿

卷之十八

十五

其厄當其厄也雖造物者弗能違也嗟乎詎意  
伯上之賢而復與厄值耶伯上以相府愛子恂  
恂篤慎猶然韋素嗜誼若不及下帷明經耻統  
綺習海內士莫不與其賢夫人之所與天之所  
祐此其常也而短命以隕天耶人耶天地之大  
也人猶憾之憾之者傷之也夫造物亦囿于數  
者耳數所不齊造物者且若何夫固不能違也  
迺若晝夜之道百年一瞬此又其大常也達人  
則通知之而無庸情焉爾矣夫亦何憾嗟乎伯

上甫子今在夜臺其既已知之矣無亦順焉寧  
焉與造物者游乎惟是才難之嘆云云之感胡  
生之胡奪之此海內士所以永傷而仰問者也  
矧在粉榆姻好者乎又安能不爲子憾也秋之  
季也有來自燕得子手書數數百言其屬意不  
佞者良厚顧不佞無以堪之詎意緘方啓而計  
遽聞也迺不佞則有餘憾爾矣燕雲耶水萬里  
阻修敬馳薄奠載侑以詞已矣束芻之人則王  
伯上甫其諒余詞匪溢哉嗚呼尚餐

素園存稿

卷之十八

十六

告仲兄教諭府君文

於乎痛哉兄與弟生前後二歲也自總角鄉塾  
弱冠庠序出入硯席無弗偕者弟壯而登第萍  
蹤南北兄父之始以貢釋褐跡則若相遠矣而  
相好無間猶夫總角之日也兄材志宏達神氣  
軒朗恒有先天下之念然僅小試攝今甫改卽  
拂衣耳弟素竊祿位既老猶廁班行迺涓埃無  
所稱塞此其賢不肖相去何啻倍蓰也兄與諸  
生講論經史墨者貫珠每辨難疑義或終日未

休翁羨獵大旨而已兄喜與客談事理當否  
若觀火機發泉湧一座盡傾弟默而侍兄與素  
豪飲必權洽或漏下未厭弟不能盡爵主人亦  
弗強也兄由由與人有談佳山水者輒往或百  
餘里未止弟不能從凡此兄與弟殆若不相謀  
者至於白首一致莫逆于心萬里詒書啓函符  
合兄發之弟必成之弟臆之兄必可之則不必  
既覲無俟報言而里閭交遊預信其無弗同矣  
蓋嘗有彼人斯者喜間人骨肉之間迺至屢蓄  
素園存稿 卷之十八 十七

王德邵溫爾長逝弟濡滯未果不獲侍兄永訣  
兄以卒然之疾不及一言以訣弟也終天之恨  
何可釋耶聞計時第方抱疴閉閣俟命猶未得  
請雖疏且繼上歸田非違而疇昔之云嗟其何  
及撫膺一慟不知人世爲真幻也七之日廼杖  
屨寫哀遣次兒以異馳奠以告心魂搖搖日夕  
千里西望故鄉山川雲物舉增悲慘矣兄疾革  
季弟守靜幸而在側也書來云孤旂革矢心繼  
志孫士端學日有進餘亦能卒勵庶幾不墜兄  
其可瞑哉吳司訓瑞穀兄入室弟子也相信甚  
哀擬狀兄行事必不愧實錄汪司馬伯玉兄莫  
逆友也許志兄墓當不相負二君子之文海內  
傳之矣而宗之彥如弟羽仲且誅之姪獻成且  
傳之皆知兄匪淺淺者弟俟哀稍定則勉執筆  
以撫其遺兄之志所未試百一者庶幾發之以  
詔後人兄其不亾也夫兄恒言曰求人知非也  
求天知亦非也而弟廼以是告豈足以知兄哉  
亦聊以抒其哀云爾也嗚呼痛哉

祭邵封君文

惟翁孝友稱于家庭忠信洽于州里學而不華  
樸而不俚蟬蛻乎埃塵之表豹棲乎岩穴之裏  
蓋古之所謂隱君子也志在振述託之乎耕樵  
子有異才貽之以經史俾奮雲霄匪榮金紫果  
高步於魏科遂通籍於青瑣翁之善誨於是爲  
有徵矣方期鳳詔遙頒金觴載舉觀于門之曰  
高樂萊衣之屢舞綏福祉而未央云松喬其可  
侶也夫何祿養方來喜懼相倚履舄試政會開  
素園存稿 卷之十八 九  
弦之未幾風木生悲遽撒瑟而不起嗚呼國喪  
逸人鄉公善士隴草易青泉臺寧啓忽傳訃於  
蓬天矧同聲於今子致芻酒於燕臺寄哀誠於  
江汜嗚呼哀哉

祭張母太宜人文

嗟乎人亦有言節不苦不亨又曰天久則定天  
人之際要其終如影響也當宜人早喪所天僉  
憲君方在娠數月耳張氏之世如綫孑然形影  
自弔幸而遺孤艱難百端矣不謂苦節者歟食

憲君甫踰冠則擢巍科翱翔粉署攬轡萬里奕

然見推於時宜人於是膺榮封享上壽孫子蘭  
苗天之報宜人若持左契不爽者非所謂值其  
定苦極而亨者歟食憲君念宜人高年在堂思  
棄官歸養至切也宜人貽書則曰汝獨不念吾  
成汝之難而不思及時建立以貽親令名如九  
原者何食憲君日執書泣不知爲計卒之棄去  
翼一拜堂下靡恤其他而宜人遂不待矣嗟乎  
宜人之賢食憲君之孝咸足以爲世範且也節  
素園存稿 卷之十八 十  
之著者亨必大定之久者報必遠福嘏之來旣  
于其身將于子若孫以振張氏之宗未艾者孰  
非宜人之所貽也如宜人可謂令終無憾者矣  
某等僉憲君之僚稔知宜人之賢又日念食憲  
君之戚莫之助也計音忽來山川間隔執紼未  
由薄言馳奠載脩以詞維以告哀亦以釋食憲  
君之哀而慰宜人於冥冥其必我格也尚饗

祭公室鄭夫人文

嗚呼子以弱年歸吾卽能勤敬以執婦道余性

多初戾子婉以順余命甚薄艱于嗣使子鬱鬱以疾能抑心從誼不虐妾勝賢稱于中表余同姓聚處數百指非慶弔弗與妯娌接會無後言女俗喜紈綺子能服澣浣助吾素風嗚呼以子之明惠使嘗學問知道雖孕弗育何必致疾此實余之咎也咎將何諉子歿之後而余方試春官聞計十餘日登第又數月而有男向子所爵爵者竟不得見何賦子以淑而弗畀之祺使當其否而弗及其泰數偶相值若有意厄子者何

素園存稿

卷之十八

三

耶余奉命出守過故里道經數千意未嘗不在子入室見牀帷不施親友來相迓不能爲歡容嗚呼子今有知知余之悲否乎人生壽夭不同類如隙電異時要與子同穴琴書幸有付不必子所出子如有知無良苦嗚呼子其鑒余衷哉

### 季兒冠告文

昔元兄之早世也仲兄與某俱未冠第尚幼我顯考通議府君未有命焉其後仲兄與某亟有擇繼之戚于心而未果仲兄之棄世五年於茲

矣而某衰白且耄雖祀事敬共後之人無乃忽諸每一念之夙夜弗寧季子某年十六矣卜月之八日加冠於其首以爲元兄後其資稟可冀進取日督誨之庶幾克修克承以不墜今緒則我祖考及元兄仲兄之望也仲兄有子五人弟有子四人亦令議擇其一庶能從焉是爲元兄子者三也蓋先世所遺貲產分受久矣茲無議焉豈若汙俗遺其親也而曰利之此固宗黨所諒也我祖考暨我元兄我仲兄其鑒之哉嗚呼

素園存稿

卷之十八

三

維我元兄淳粹之德卓犖之才宜爲神明所祐其所報施將不終爽庶幾昌其似續俾有成立以光祀事勿替引之乎我祖考暨我元兄我仲兄其相之哉

### 祭樊宜人文

維靈誕芳右族早習規箴作配名公光膺翟弗敬維綏祉禮以禋身婉彼令儀允著宜家之詠眷言愛子竹占賓國之祥人間之慶方延天上之期何迫總帷俄掩泉室長幽某等驚聽計音

式將奠醴友僚在悼念執紼以靡從哀此庸申  
儻招魂而可起嗚呼悲哉

### 祭李長史文

維靈溫恭無競長者之風博雅旁通達人之度  
才優從政學足潤身初理郡刑屢騰薦剡繼遷  
府貳益懋賢聲 帝里交遊非無要路王門吏  
隱自遠清時於燁名藩允構良輔曳裾歷歲授

簡成篇枚叟如延於兔園賈生俄傷乎鵬賦浮  
雲一失飛旄何之歸觀萬山砥澗低空之淚遺

素園存稿

卷之十八

三

詞千首應留後世之名惟今予之嗣芳冠群髦  
而高步更彰善訓足慰幽泉固多祐而允綏胡  
上壽之獨靳天乎可問人也其亾其等交類聚  
萍誼存傾蓋德音是悼匪露薤之徒誰祖奠載  
陳束生芻而寄憾庶幾英爽鑒此哀誠嗚呼哀  
哉尚饗

### 祭黃宜人文

於惟宜人稟茲柔懿毓自慶門姆訓則備相我  
司徒允哉女士煌煌司徒士人之宗左右咸宜

夙夜在公宜人相之壺內肅雍敬共蘋藻惟禮  
是從魚軒有燁鸞語翩翩福祉誕膺有來如川  
豈不淑茂沉疴則縣胡錫之厚而弗末年司徒  
孔悲以義自抑高堂慈幃朝夕若惕弔客及門  
弗入于闕潘辭徒寫莊年寧擊某等司徒之屬  
誼在門牆固請以奠詎曰一觴哀誠庶展牲體  
是將惟靈鑒之勞弗來享嗚呼尚饗

### 祭程封君文

惟公閭閻之盛甲于郡中自先相國代有顯庸

素園存稿

卷之十八

二十四

公抱令德思繼休風含章弗試以明于農貴不  
干身迺鍾令子甲科早登勳望日起士林同推  
國棟寔倚 帝念靖共有恩自天鸞章煒燁賁  
于丘園白髮烏紗鐘鼎林泉是日壽豈其適僊  
僊播德里間以滋福田今子遠宦偶遂歸省驪  
駒在門綵衣侍寢公顏有喜謂實神明酬國愼  
圖余其可暝於焉委順俄以訃聞茲惟令終德  
福之因寧不求傷失我儀刑某也謏劣令子同  
遊管彼松蘿忝此綢繆方違德音胡逝弗留職

守遠羈執紼末由束芻寄食于何者丘嗚呼哀哉

祭王司徒文代作

維公追古之學經國之猷中外蜚聲際兩朝之熙運始終完節寔一代之名流方其華省含香憲臺振鐸信模範之不忝維靖共而有恪固宜山斗之具瞻而爵祿之不可却也若乃高風獨邁塵網寧牽方存躋乎卿貳遽優游於林泉此又明哲以藏用而道路所稱賢者也若公者

素園存稿

卷之十八

五

可謂各位無心出處有道才既韜於已試天固錫之難老食以壽考之維祺益知晚年之深造也夫何二豎遂嬰九原同盡驚計聲之忽來懷德音而未泯凡聞公之風者蓋莫不興悲而如某之陋者將何以爲準也嗚呼大雅不作哲人云亾聊緘詞以致奠徒揮涕而霑裳望靈輻兮千里寄哀思於一觴嗚呼哀哉

祭唐司訓年伯文

維靈駕行不華秉心無競鑽研素勵學術可以

應時譙讓有容德宇足以薰俗敷達金榜名彌重於一鄉道在青輶教允孚於兩邑英才茂育高爵奚加藜杖歸田俄動思鱸之興籃輿適志詎期結駟之榮邈矣高風優哉樂土負郭百畝彈琴三徑之中遺子一經奮翼九霄之上蒼冥匪莠月旦同稱胡上壽之未臻感微殃而不起哀音忽計休問方來粉署推封佇見鸞章之下泉臺長閉遽興風木之悲鶴駕何之蒿原可作某等幸承令器誼附同胞執紼末由阻素車於修坂束芻遙致疑丹旄於層雲詞以申誠靈其來格尚饗

素園存稿

卷之十八

五

祭羅司城

嗚呼績學千庠旣弗獲知以貲爲郎將有以爲司城之寄匪才弗授試事期月聲績甚茂朝之嘻笑鬢也未耄忽溘不起命其柰何行信于鄉官善其職豈必耄耄是謂不忒况復有子賢科早登故丘歸託目其可瞑同官于茲雅駕鄉誼交臂一失能不揮淚維日之令維醴維牲載脩

以詞以申我誠嗚呼哀哉

祭程淑人文

於惟淑人父已女宗動合禮則德秉惠恭宜家聚順桃夭之風克相司徒寔贊顯庸在中无遂逮下有容綺紈却靡蘋藻敬共每推常珍俾救屢空尤先者幾于歲之凶司徒有政庶言攸從時謀于內乃用其中明識且遠聲聞自宮七賢同胞越鳳嫔龍棘闥競捷文場迭如槐堦必復萱堂靡崇古昔所稀純嘏攸鍾康寧未邠申佑

素園存稿

卷之十八

二十六

方隆大耋既踰是謂令終中表相唁莫不哀慟豈鮮黃耆悼德無窮余門多幸如蘿施松昔友司徒形忘志同匪惟志同所職則農二家之好百世之通九年廿載語及心忡寧聞鶴控獨愧龍鍾旌懸徒搖緇執靡從菲簋載陳以命兒蒙蒙也將命涕歔盈眉淑人子之藏德自童階蘭忝附檻露均濃嗟予作誅匪溢爲工以述懿美以寫悲悰不忘者美不問者公靈之格思監茲忱衷由衷之言以徹泉重

尚饗

祭鄭懷雲文

嗟乎鄭子子有負荷之志有充拓之才而時命所值何遭回而不齊也旅次微疴勿藥宜耳未貼危也而卒然不諱叶良可悲矣雖然以子行誼人皆信叶之可謂不忤於人矣不忤於人則不愧於天叶矣而天所以報其天者猶若未定叶將必以昌其嗣人而不必于其身也嗟乎子其可瞑哉余弟訓也素與子同聲於後事盡心

素園存稿

卷之十八

二十七

焉余衰甚不能出郭撫子之靈維醴維牲訓虔以陳庸慰九泉叶有淚盈襟庶幾不泯以需以寧吉月良辰二孤執紼悲矣友姻飄揚素旌將歸子之櫬附于故塋也嗚呼尚饗

金陵告宅神文

某以衰疾乞身恩允歸田適值故鄉艱食又嚴難水涸不可以航僑寓都城之南繫惟自古移民之政募徙之令其來遠矣昔鄉先哲文公朱氏自發徙閩實以二千居閩一千居發奉先



啓後蓋兩得焉其不揆竊比是效爰命中子官生以巽卜宅于茲穀詒伊始敢用微惠于神世牖厥衷俾我後人益圖善積以延餘慶毋或越志汗素風哉惟神鑒之

又

頃者以歲之不易也爰命中子官生以巽卜宅于茲四達之會可以就粟又以徙遷之弗易也率其婦子迺今始至惟是式啓克承咸藉神休庶以求奠厥居其自今昭事敢有弗虔牲醴將

素園存稿

卷之十八

主

誠惟神顧歆尚饗

### 西堂上梁告文

堪輿家言吾鎮山水朋洪雌雄交度五星以方寔郡中勝地也比戶而居者則東西向爲宜乃青樓大道千室之衢不易更也而余先世之遺暨新啓之居居然符合余少也則聞諸鄰叟數述日者汪生之談丁巳之歲留都署中厥或告之有文在手匪枝言哉然非余始願所及也神之錫之乃至於此茲經營有緒卜以甲申之辰

上梁焉敢微惠明靈示之賜若其賈勇而登者子來而傭者率順無虞俾寧厥居以保我子孫尚亦有利哉其敬共馮依世無忽諸尚饗

### 宗祠告文

禮重追遠家廟寔先茲我族人經營伊始敢微神惠保佑靡艱謹以清酌潔牲祇薦于神惟神鑒之

### 修宅告文

一院兩門墻直其中於法匪宜茲用改造卜云

素園存稿

卷之十八

主

允臧謹以牲醴祇薦于神虔告有事伏惟神其相之

又

日以居室修造虔告于神爰自始事以迄苟完工役繁興安寧無害寔藉神貺敢忘敬共謹以牲醴祇薦惟神其鑒右之

又

惟居有宅惟宅有神宅庇於神神依於德茲樓特構爰奉神棲昭事自今洋如在上堵工間作



冀藉神庥蘋藻肅將事修敢怠惟神鑒格求奠厥居尚饗

書院告文

粵自宗祠有事二紀于茲矣惟是室構苟完規作有緒咸藉神庥迺若怠弛弗齊勞來無方弘也寔執其咎其敢弛尤茲以翌日丁卯經始書院于祠之西廂室祠也祈神相之清和時若罔或愆期庶興於仁俾克有終神之賜也我祖考子姓尚亦有利賴哉我物不腆我儀則孚素園存稿 卷之十八 三十一

惟神鑒之尚饗

東平州告城隍文

某以儒生從政夙夜兢業惟嚮官守是懼所不敢不盡者此心之心不可欺神其可欺此某所素聞也茲當八比之期州雖卑士之發軔乃自州始其敢不請與神約以言知人惟聖所難文之優劣或或不謬於此而以私徇進一人必退一人矣神其謂何此某所必不爲也鄉大夫子弟能賢有光于家聲州深嘉之亟

取之矣其學未成章而資可進苟未及取必續干案之末俾得再試毋以一日之短沮其進焉若初學未通姑舍之俾勉奮以俟異日欲速不達非所以愛助之也其以親故見託者乃人情所難拂然情誼既已盡矣州之取否惟以其文不敢誣也州則執其咎苟或違約神則厭之其聞之上臣以人事君武城之得人非以其文也顧神相我取必得焉濟濟國楨乃在今日庶盡予心毋作神羞試之日遲遲時若母雨素園存稿 卷之十八 三十一

題告文後示兒輩

吾昔爲州旣以是告於神矣居是邦也而以私賣曾不顧其言乎吾自舉於鄉未嘗有所干於在位也今耄矣而自悖諸乎人情莫不望子孫進取以承先緒吾豈獨異於人哉顧有義有命以命言則莫之爲非求可得也以義言則守

身爲大不以其道得之志士不處也夫志士所以爲已任者不亦重乎斯言也汝等其終身佩之矣吾寧欺汝

跋

右吾邑方司徒補齋先生爲州時告於神者居鄉時訓於家者其言之可復雖田野兒童咸信之矣世際休明邑之應試者幾三千人其與進於庠者七十人耳而有力者求之且數倍窺人子幸遇者間亦什一非卓爾不群神明所助不

素園存稿

卷之六

三十一

可冀也被褐懷寶之士無能自達則棄而易業與朽木同溝壑耳安得如先生者憐之乎先生之督學廣西由是道也其言曰古者卿大夫之子皆養之大學今制有任子豈私之也然必因其材而培之俾俟夫日之至焉擢則弗可且害之矣庠生卷則封與拆付諸所司同年侍御二子一四等一六等未嘗後言知弗與知也而曰使吾經經者乎吾且得罪吾弗能噫豈其然乎舉世靡靡可以風矣王子子微因士之不忍也

刻而布之以當扣角其亦有心者哉

萬曆己亥仲夏望歛後學周士貴謹識

建坊告文

余賴先世之慶登第今六十年坊未欲建以爲無所立而近於侈也夫坊 熙朝之令典也所以風寓內也我祖考之德馨 鸞章之寵渥敢不未念燕翼穀貽引之勿替甲辰之榜登矣紹前胤以啟奕葉其寧弗圖坊之不可已也亦云苟美矣君子之立身揚名以廣孝者其以坊乎

素園存稿

卷之十八

三十三

余聞之也君子之舉質諸神而無疑我祖考之潛德有不可質諸神者乎神必鑒之衛武有言毋以耄而棄我余是以交儆於族而不敢怠也來者振振其用志勿分以篤於學思以登名於坊其登也務兢兢勿離於道以行所學以不忝於坊坊乃光矣神亦必鑒之毋徒曰坊苟爾未致美也我牲我醴維以告虔神之格思其未相之俾有不光於坊哉

宗祠告文

伊維宗祠經始廿年於茲矣而堂構猶未苟完  
蓋克終合作之難也茲藉 神休寔弘啟佑百  
堵亟不日其成非莫敬共惟 神鑒歆惟終相  
之

西堂告文

頃以東西之居相望僅隔一水爰造飛梁庸接  
慶源仰藉 神庥工作有緒堪輿之家盈庭發  
議墻垣未築翼樓未建徐徐至今茲既卜協營  
構伊始敬用微惠于 神祁終佑之惟醴之馨

素園存稿

卷之十八

三十四

惟牲之潔惟誠之將惟 神之格庶其鑒哉

哀亡孫士廉文

萬曆丙午 月 日才孫邑學生士廉沒再七  
日矣大父補翁乃口占令晉書之以撫其柩而  
告之曰嗚呼才子短命行道心惻夫人是以有  
憾于天地也夫數之消息當其未定天且弗違  
而況于人乎上林君之言則曰汝年十九時症  
不可起矣而延一紀也信乎夫一紀須臾耳而  
有後則無涯者是造物者於汝非薄也汝之

孝友可通神明汝之志行不愧神明幽有神耶  
當不汝負修文耶往彥可師更生耶必爲佳士  
若其歸于太虛聚散不二固與造物者爲徒也  
嗚呼斯晝夜之道也道有常而知也無常有無  
之相馳也遠矣未有通其故者也聖人通之君  
子希之故上不怨下不尤也又焉憾汝昔未有  
恙也而夢或告以死期祈一年之期而不可曰  
非勒也不能也覺以語其友友以爲妄也而信  
嗚呼信與妄不可知也而可無憾也汝父嘗聞

素園存稿

卷之十八

三十五

達生之旨其哭汝又痛甚吾亟提之覺汝母明  
識非筭禱者流婦能順姑自抑庶幾保孕撫孤  
二弟之致哀猶吾昔者之于元兄也元兄沒七  
十有五年吾之念未一日釋也是以勤課晉也  
甥與亮也識之矣嗚呼非常之才非常之厄孰  
使吾家再罹者夫焉所置憾吾朝乾夕惕思省  
其咎其敢忘終身之憂而徒戚戚汝于吾言無  
所違其信之矣信也可以去憾也天宜有定孤  
宜有立一紀之延固無涯之造也何憾也嗚呼

吾言瑣矣汝知之耶知之不可知也而可  
無憾也黍稷維馨邇豆有秩家人皇皇安所求  
汝左乎右乎宛汝在也汝必饗之饗之安之安  
之無憾矣嗚呼

素園存稿

卷之十八

三十六

素園存稿卷之十九

雜著

讀莊子 七條

新安方弘靜著

聖人之爲天下所貴者因也周因殷殷因夏因  
帝因皇百世可知者也廼莊生之言則必曰古  
之初古之初夫古之初之去今也遠矣其孰從  
而因之是以爲荒唐之辭也孔子不嘗欲從先  
進而求諸野邪如其疾末世而矯之云則先進

素園存稿

卷之十九

一

可從已因其時通其變神而化之使民宜之聖  
人之道也孔子曰聖人不得而見之得見君子  
可矣善人不得而見之得見有恒者可矣已矣  
乎未見見其過而內自訟者也所思愈下所憂  
愈切夫豈不有志於大道之行也乎哉其亦不  
得已也不得已故思其次也古之初如可見也  
孔子豈不欲哉孔子曰中庸不可能也其至矣  
乎是故庸言之信信可復也夫庸至矣奚取於  
高高無當也吾嘗以莊子爲摘文之士也工於

辭是以遠於道聖人之文猶夫人而已辭達而已矣何其闕以肆乎母亦壯夫俄而不爲者乎讀莊者取其文勿害於道得其意勿泥於辭其知之矣迺若談理之深妙殆可謂多言而中也云爾

莊子言儒以詩禮發冢信矣而因是以會史爲嚆矢則誣矣世不有高談道德崇尚黃老而桀跖其行者乎則將曰是道德爲之嚆矢也可乎聖人之教誠而已矣誠者天之道也思誠者人

素園存稿

卷之十九

三

之道也至誠無息聖也者誠去僞賢也堯舜性之也湯武身之也天下之至誠者也誠也者道德之經仁義禮樂之實也是六者人則命之其歸一也是故君子必慎其獨慎其獨者誠也夫苟不誠則舉其所之皆邪也論道者亦辨其誠僞而已矣奚必道德之是而仁義之非乎夫以道德之是而仁義之非者是以二五爲非十也堯舜以仁帥天下天下皆從之矣而猶有四凶四凶固無損於治也誅不仁所以仁天下也匪

特堯舜自古未有無誅而治者也何以明其然邪有天地斯有萬物有萬物斯有君臣君也者所以止暴禁非而定天下於一者也夫結繩標枝之時如皆侗然而無爭也則焉用君臣哉有君臣必有刑政矣至德之世非能廢刑也刑者有之而非任之也而因是以堯舜爲不能勝天下謬矣且莊子所尊尚者黃老也軒轅氏不有涿鹿之師乎于時去上古之世未遠也如蚩尤者可以至道化乎誅其可已乎夫彼且以爲德

素園存稿

卷之十九

三

之衰也無論已老子不曰兵者不得已而用之乎然則老子未嘗言兵可去也夫兵尚不可去而謂刑可去乎刑尚不可去而謂仁義可去乎仁義所以止戈也去仁義必至於多兵矣如知佳兵爲不祥也莫若務仁義夫仁義惡可去也老子言不尚賢謂不矜不伐勿以上人可也人則必尚之莫與爭也治天下者苟非選賢而舉之則使不肖者在位乎人非禮無以異於禽禮可去乎人固萬物之靈是非之心生而有之不

慮而知者知可棄乎秦嘗焚詩書以愚黔首黔首竟可愚乎善人爲邦百年乃可勝殘去殺如有王者必世而後仁此聖人所能也所能者言之言之必可行也其所不能闕如也乃莊老所言之者其可行乎不可行而言之不已誕乎

盜跖篇或曰非莊子文其然歟雖然亦莊子啓之也莊子固不然乎譽堯而非桀者又曰奚必夷是而跖非夫是非羞惡之心人生而有之古之初必不異於今也故指人以桀以跖則甚於

素園存稿

卷之十九

四

莫邪之慘非大惡至愚未能甘於自暴者是非其本心之良自生民之初以然耶今乃曰堯不必是桀不必非夷與跖同則是非羞惡之心泯然喪矣故跖曰以我爲桀桀非非也奚必堯後世將曰跖可爲也奚必夷是教祿升木不至於率獸食人人相食不已也其爲害可勝言哉夫莊子之書其言虛靜恬澹之道非不善也其微言慢世以天下爲不可與莊語則恣矣而後世好其言者至尊之爲經一切侮聖寓言皆以爲

至理而反以篤信善道者爲局儒幾何不以下惑也且盜跖胥篋等篇固莊子文耳太史公去莊子未遠謂其智不能知其文者與乃著之於傳而俟後之諛莊子者爲文其非耶

易序卦言生民之初詳矣有天地然後萬物生焉物之生必有養也飲食所以養也而訟端作廼有衆起至於行師焉必比於一也而天下始定於是乎畜之禮以爲教而民始安矣故泰之象曰后以裁成天地之道輔相天地之宜以左

素園存稿

卷之十九

五

右民此聖人所以成位乎中立人極而與天地參者也蓋黃帝堯舜氏之世也自生民以來至是而治道始備矣夫聖人之與天地合其德也先天而天弗違後天而奉天時天地無心也聖人無爲也無爲也者無不爲也而無爲爲之者也是故時之未至聖人需焉時之既至聖人因爲先非先也後非後也天也天與聖人一而已矣是故語巢居於棟宇之世則拂矣語衣羽於冠裳之時則俚矣彼莊生也奚不擇木而棲集

毛而衣乎

莊子固十九寓言也解者從而傳會之不幾於夢中言夢乎藐姑射之山有四子歟而以其人實之迂矣

詰釋

汪司馬伯玉著釋疑以崇佛教余覽之甚懼不得已而詰之匪好辯也釋曰三教一道也一而三三而一未嘗異也易有之寂然不動感而遂通是道也儒者得之爲中和佛氏得之爲正覺

素園存稿

卷之十九

六

老氏得之爲玄同其歸同矣詰曰道一而已未嘗三也夫既一而三矣又惡得不異也孔子曰索隱行恠吾弗爲之聖人所弗爲者異乎否也攻乎異端斯害也已未有二而不異異而不害者也夫儒者之中和吾聞之矣中也者天下之大本也和也者天下之達道也天下之達道五君臣也父子也夫婦也昆弟也朋友之交也所以行之者知仁勇三者天下之達德也知也者知此者也仁也者行此者也勇也者強此者也

覺也者覺此者也乃佛氏皆以爲幻一切空之

而謂之覺其覺也非吾之所謂覺也易之同人

曰君子以類族辨物以同而異有親有義有別

有序有信是之謂辨是故同于野則亨同于宗

則吝同也者有不同也君子和而不同和乃中

矣老氏之教和其光同其塵棄智絕仁不尚賢

使民如鹿此聖人所爲憂之而教之以禮使別

於獸者也其同也非吾之所謂同也三教合一

之說今逢衣之徒喜言之一以爲市南之九一

素園存稿

卷之十九

七

以爲周南之璞由君子觀之若黑之與白若東之與西未見其不異也釋曰儒者之病二氏猶食之病飲也裘之病葛也食者不能廢飲裘者不能廢葛則二氏惡可廢也詰曰儒者之道通變神化左右宜之猶冬之湯夏之水冬之裘夏之葛時而措之無不準也生民以來由之則治衣裳章矣惡取左衽黍稷馨矣惡用暴殄廢二氏則道德一風俗同其寡過矣釋曰儒者以五倫爲重佛氏亦以四恩爲尊觀其道經父母妻



子具極承嘗棄人倫也詰曰夫髡者亦以人倫爲不可棄乎抑司馬爲之辭乎今之蘭若招提徧宇內矣其父母妻子安在彼皆有妻子而後髡者耶未聞出家者之不棄家也家棄矣而曰不棄人倫無由也苟知棄倫之未得於心耶則必畜髮反而後可耳釋曰西極化人賓穆天子孔孟生乎其後率無貶辭昌黎抗疏卒善大顛微國力排異端卒爲達磨推轂始而駭既而疑終則渙然釋矣詰曰列子書出於永嘉之後

素園存稿

卷之十九

八

或疑其贗西方聖人非尼父之語也不俟智者知之化人之幻無亦寓言猶之蕉鹿寧可夢說春秋之時橫議猶未大作戰國處士之言不楊則墨千時梵語未聞重譯宜無貶辭乃若昌黎之於大顛微國之於達磨其籍具存其誣已甚蓋無事於辯者也二大儒者駭乎疑乎釋乎吾未之聞也釋曰厭純綺者慕布衣飮肥甘者求藿食蓋習聞則玩玩則忘希覲則趨趨則易入故語之詩書禮樂或不易知語之以佛號聲乃

響應詰曰習聞希覲易玩而易趨此恒人之情也聖人憂之矣是故有振德之教有明禮之坊所以作其玩而端其趨者何不至也司馬則豪傑自命者也乃因其忘從而迷之順其趨從而鼓之苟可以抑此而崇彼則畢力焉亦何心哉夫儒有披褐懷玉飽仁義而不願膏粱士苟志於道則不耻惡衣惡食其斯以爲儒也司馬不聞乎而曰純綺爾而曰肥甘爾何其誣儒而不知儒也夫司馬儒之歸然者也其職儒也其服

素園存稿

卷之十九

九

儒也柰何以爲弁髦爲芻狗室中之戈倒刃而操哉釋曰上之維風有位者之事也宜莫善於儒下之化俗有道者之事也宜莫近於佛詰曰吾聞上者下之表也表端則景正上令而下從故一道德以同風俗則王者之盛也是故道在邇不求諸遠事在易不求諸難人人親其親長其長而天下平矣君子所以維風化俗其必由此者也如司馬之言則三事大夫宜爲儒三農工商宜爲佛上下異道如火之就燥如水之流



濫判然不相屬也者道揆法守將焉用之不識此語可以聞於盛明之世否也乎哉釋曰吾郡山水隩區近代人文始著爲之擇地開林爲之安禪聚講爲之延善知識爲之發大辨才所以收專一之効立不二之門詰曰微以山谷爲郡淳樸幸未盡散文公以來講明正學代有其人無論耨紳學士卽田野丁農不知佞佛諸沙門僅守焚修隨喜云爾自司馬開林建旛號召四衆今有年矣其男子之面從者百無一焉則斯

事園存稿

卷之十九

十一

民也猶直道之遺也乃若闚觀女人易爲福田所誘地獄所怖則彼姦黠有徒貪婪厭矣善律未持穢聲大播質直之叟好脩之士莫不高目憂之髮指而未發者屢矣以司馬之才生文公之鄉正心息邪以閑先聖之道承前哲之軌奚不可者顧乃舍平疇而耘不毛背周行而啓厲階不亦異乎吾爲司馬惜之矣司馬又嘗奮袂而談孔孟老莊明聖迹作斯道以明夫老氏之猶龍諸子志之云爾真儒所不道也司馬將不

膠漆而合如巨靈何誼生寓言曰放彼且得意於廣莫之野九萬里而扶搖而將羈之杏林之壇俾升堂入室踧踖如乎是以鐘鼓饗爰居且畜諸籠中意則良厚吾恐其神不王而見夢也司馬何以爲之辭

詰儒一

儒服者曰夫二氏之教未始異於儒也而泥者異之非道之異也道一而已矣詰之曰吾以子之溺於二氏也將亦有異聞也而曰固與儒同

事園存稿

卷之十九

十二

乎儒之所不同於二氏者儒者言之詳矣子固所厭聞也無論焉吾聞之也服其服者誦其言誦其言者行其行子服儒之服也而誦二氏之言奚爲而不二氏之服也君臣也父子也夫婦也昆弟也子以爲可去耶不可去者耶如果可去耶子奚不二氏之從也老子言上士聞道勤而行之子固所謂上士者矣子之服膺於二氏之道可謂勤矣金剛經言五百年後善男子信誦其經者如來悉見是人若子者必爲如來所

見矣且二氏所謂勤而行之者將以生羽翰也將以往淨土也自有二氏以來彼羽翰而長生者安在耶曾有善男子從淨土來者耶如來且見子子見如來耶如來所爲來迎者舍子孰迎耶夫七寶蓮苞三山瓊宇少有知者亦知其亡是耳設有之不難脫屣無子云逆爲可也適若齋醮布施罔利倖福親見姦黠爲群誑誘癡愚不啻盜竊曾不以爲非又從而爲之嚆矢即使子而愚也吾弗知之矣子而智者也而何忍於

素園存稿

卷之十九

十三

異端之攻以誣斯世以天下惑也

二

儒者曰夫莊子非不知仁義禮樂之美也以爲仁義禮樂者孔孟既丁寧言之復言之則贅矣有是哉其辭之遁也夫仁義禮樂之於人猶菽粟之不可去也夫既莫不飲食矣而朝饔焉夕殮焉不亦贅乎孔子曰志於道據於德未嘗不言道德也則道德亦贅矣儒者之左袒於二氏也則曰形而上者謂之道形而下者謂之器道

器者易之言也而老氏第易之爲有無釋氏第易之爲色空耳是未始不同也噫二氏者果於儒無異乎則舍已之田而耘人之田者何也既以仁義禮樂之言爲贅矣則道器之云者亦既言之矣易之爲有無又易之爲色空何其不厭贅也且夫二氏之說何可同也君子之道費而隱造端乎夫婦察乎天地至誠無息一言而盡皆實理也乃二氏之說歸於無歸於空云爾其爲說足以簞鼓索隱好異之流而不足以濟天下且胥而弱者也可同也

素園存稿

卷之十九

十三

三

儒者曰老莊孔孟同時也孔孟未嘗攻之而何世之學者諸諸然沸不少置也其憤世切矣夫君子之知言也惟其言之是非耳言而當也則適言猶察之况往古之作世所好尚者乎言而非當也則速貧速朽猶以爲非夫子之言武成取二三策而已豈以未嘗非之而遂不知其爲非乎孔子曰索隱行怪後世有述焉吾弗爲之

攻乎異端斯害也已當時聖王之道猶同倫同  
文足徵而信也可無言也孟子以爲我無君比  
之禽獸楊氏者固老氏之徒歟若莊生者寓言  
離辭適已自恣王公大人不能器之太史公論  
之者蓋實錄矣其書未若楊墨之盈天下可無  
辯也安可以孔孟所未攻者爲不可議也

讀哀婦誌

余讀元兄誌哀婦事喟然嘆焉 明興百餘年  
成弘間俗醇厚近古矣風之靡嘉靖初猶未澆

家園存稿

卷之十九

十四

也婦以叔姑命一至中堂其叔舅見之不悅叔  
舅冥然者也不能察妻之所爲不足異而能視  
姪之婦猶子之婦其不悅也猶可觀過而知仁  
也今且治遊阡陌其叔舅爲何誰卽見之而問  
誰氏婦耶姑死婦私受叔姑賜無幾也及以匿  
名之則愧不潔至自殺雖其志之介亦以此屋  
有耻也今無論閭巷間卽公朝爲姦利白騙者  
何限尚自名雄桀曾有此其類者耶歛婦以一  
締與誌與必以告死者推是是非之實有大於

是者其有枉其是者耶今夸詞盈車所利揚之  
所不利中之卽面謾不憚何有於死者嗟乎風  
俗之日趨日異况相去甲子周矣無怪也未知  
此後更作何狀耳

兩姓貞烈紀事

邑中汪方之睦女婦以節著者汪司馬伯玉傳  
之詳矣族弟朴之婦則石岡女也年十九而寡  
五十而歿言動合禮足稱女宗三十年未嘗踰  
閭也近姪孫國之婦年二十殉夫以死則叢睦

家園存稿

卷之十九

十五

女也國之疾亟也余內子聞之曰噫婦死矣余  
曰如呱呱者何曰夫以爲生也有待乎有棄之  
而生者乎聞國之疾也不可爲婦有成言矣曰  
吾必從子夫人也不易言言必可復也死矣未  
幾而訃果至夫志士不以死宿諾百世之師也  
迺弱女子能之異哉乃若一邑二姓十餘年間  
相望而起者凡五六見又異之異者也

癸巳十月舟行紀事

余十有五應試白下七十有七致仕回籍踰六

十年信知津矣所至俱揚帆利涉未嘗知有風波之阻也丁未會試獻歲二日自淮安發舟過濟寧宗人留飲一日元夕臨清觀燈停二二二月初二日抵灣舟人以爲從來未觀癸丑觀圓於河西守風二日宗姻聚首以石尤盡故人歡焉之鄖陽舟阻小孤者三日空青石壁縹緲簾間生平奇觀也茲回則燕子磯繫纜登眺四日不欲去詠杜子美詩不知西閣意肯別定留人先得我意中語故人追送者以長江作酒未闌

素園存稿

卷之十九

十六

耳余方欣然矜其勝絕而同舟者頗有愠色是境有順逆耶情有順逆耶夫適於情者猶忘順逆而况適於道者乎

紀二

余既紀繫纜之適五之日風止渡江江水如鏡布帆無恙藏于錢塘慮嚴灘欲涸其夕驟雨大注河流涿滿乘郡守畫舸直抵浦口仲冬月所禾有也鄉人來迓者無不稱異因憶曩昔小孤之阻舟人請祈焉候吏曰牲具矣余曰非吾境

也非所祭而祭諂也夫風濤所時有而日以要我乎賣也甚矣乃詠太白相看兩不厭之句頃之舟穩如宇下倚檻視之則風濤方作察之沙擁舟耳余安寢焉翌之日乃濟夫舟人惟知有祈耳焉知神小孤之神其有靈也夫余志之爲神洒之且以曉賣者

屏帖

余歸田懼不諒者以行禮爲簡故書之屏間凡九條亦解嘲之義也

素園存稿

卷之十九

十七

老者不以筋力爲禮今以杖於朝之年而僕僕於鄉非禮也請毋使老人亟拜

老者不以酬應爲禮今以老而傳之時而猶勤慶問之事非禮也請與老人相忘

我冠博帶立朝者之服也深衣幅巾在野者之服也皆先王之法服也服其服行其禮豈爲簡耶田間老人禮求諸野素髮錦衣非稱也請以野服見

君子不求變俗不求同俗惟其禮也一切繁文

縛套非禮之禮老人厭之甚請相與從先進  
酒以合權德將無醉意適可已也矧衰年尤宜  
有度請毋強老人酒

邵先生居洛非風日佳不出余德不及先生衰  
則甚矣不敢不致慎也苟非佳辰召者不能赴  
過者不能見請無以老人爲尤

在鄉言鄉處畝畝則話桑麻言不出其位也邇  
若黜陟得失非野人所宜聞請毋談時政

古之隱者不入城郭况衰甚者乎如以大夫有

素園存稿

卷之十九

十八

相見之禮畝畝有先憂之義閭閻疾苦言或及  
之不敢默也其他非所知也迺若鞠理曲直校  
試優劣則三緘焉余昔總角受知於郡使君未  
嘗敢踰此閑今老矣請毋談郡邑事

君子居鄉使不善者化上也有過相規雖未及  
化冀其改焉次也若德不能化規不如約而諛  
而背非君子耻之請毋曰鄉曲有不平事

### 童問上

問曰孟子言曾子每食必有酒肉此其家不貧

而諸子言其捉衿肘見三旬九食其寓言歟曰  
人貧富有時故孟子前後之喪不同又孝子事  
親雖貧猶竭力甘旨若茅容殺鷄奉母而蔬食  
對客是也曰昔陶氏之母剪髮留賓以此言之  
茅子爲非養志者歟曰陶母才智女士所稀又  
士各有志若茅生之執禮陶公之顯揚則均爲  
孝者也曰聖經言孝者百行之本顏子之賢孔  
門諸子所不敢望而未稱其孝豈其一簞一瓢  
無以爲養歟曰賢者事親不必言孝曾子之孝

素園存稿

卷之十九

十九

至矣孟子曰可也聖門之賢孝其先務以顏子  
之賢而不言其孝者猶孔子之集大成德無不  
備亦不專以孝稱耳且夫啜菽飲水盡其歡斯  
之謂孝奈何以簞瓢不堪也曰傳記曾子鋤瓜  
而受大杖孔子責之歲寒而松柏之後彫乃見  
其所以獨稱孝歟曰否好事者言之非其實也  
曾曾大賢孔子所與乃怒於一瓜而幾殺其子  
其與舍瑟詠歸氣象何大不倫哉如好事者之  
言則替父可臣奚爲其小杖之也曰傳言曾子

種米以其篤學而志不分於稼乃不知米之不可種也則鋤瓜之誤宜然歟曰否無稽之言何足以識也夫賢者之不用其心於耕曰不如老農耳豈至五穀不分而以米種哉大抵諸子之言皆所謂游辭也彼以儒爲無所可用若是迂也其毀譽舉過其實故孔子嘆之曰吾誰毀誰譽蓋直道之不行久矣學者自六經語孟以外一切百家多聞闕疑擇而從之其庶幾乎

壹問下

素園存稿

卷之十九

三

問曰湯之十一征也東面而西○奚爲後我而武王曰無畏寧爾也世之異歟德若有間歟曰不然也湯武之革命均之爲順乎天應乎人非富天下也玄黃壺漿之迎與雲霓之望無異情焉民曰侯后君曰寧爾述者之互文也而一體一心藹然矣曰武之伐紂也一則曰惟朕文考二則曰惟朕文考然則木主之載信乎曰不然也好事者泥其辭而傳會之也文武之道易地則然非庸心也其克也善則歸親其不克也咎

則在已其辭則云爾也武王纘大王王季文王之緒言周之積德累仁非一世耳非謂其世有克商之志而武王繼之也孔子曰周之德可謂至也已矣文王之心孔子知之矣武王之心卽文王之心也其克商也年已逾八望九矣此豈有適莫者而徐徐乃爾耶乃若湯之有慙德武之未盡善則所遭之不幸也非德之未至也然則夷齊必能知武王之心者叩馬之諫或以爲誣信乎曰不然叩馬之諫何可謂誣也武王遷九鼎義士或非之豈盡枝言哉聖人之行不同也萬世綱常以身任之首陽之餓夫自不可無於天地之間者而父死不葬之辭則諸子之矣也耻食周粟不仕也不仕則不食其食耳老而無管其餓宜矣而曰薇亦周之草木乃斃淑媛之言此說之尤誕者也且夫聖人之德未易知也是故伯夷餓而武王之顯名不失比干死而箕子之洪範乃陳數聖人皆仁也惡可以一端求哉曰商亡矣而箕子封曰仁也敢問曰是非

素園存稿

卷之十九

三

爾所知也夫箕子之明夷內難而能正其志二  
聖人繫之於易豈漫然哉天之與周民之戴周  
久矣紂之焚也晚矣武庚立微子封殷祀未殄  
而曰耻受命焉是逆天者也武王非利天下也  
箕子豈利朝鮮哉是故首陽也朝鮮也其揆一  
也知其一則知仁矣

論里文

蓋聞國有君臣家有主僕上下相維紀綱不紊  
是以久安長治也吾郡冠履之分素明主無枝

素園存稿

卷之十九

三十一

求僕無踰越海內推爲篤厚尚矣近者風習日  
漓寢益陵替倒懸之勢可爲太息夫人必自侮  
不可不自反也剛而無禮或失之已甚得不思  
義或責之無厭長民者不可得而治况士庶乎  
乃若驕悍之不有其主則有由來矣錢帛儻來  
既挾高貴視主之簞之何有也機械交結寔繁  
有徒視主之孱弱何有也於是爭鬭之訟匿名  
之詞相疑相軋何所底息衰耗之由胡可不深  
省歟夫父子相夷姑婦相猜君臣有獄自肯嘆

之無徒白是不可長所惡於下而以對於上也  
苟能以禮爲閑閭里興讓各安其分以保四體  
刻木畫地鼓腹而遊 聖世不亦休歟同閑之  
義何異同室敢用相勉其在講明 聖諭遵守  
條規辭無容贅歎縣十九都四五六七局約正  
副等敬白

惇誼會移文

故大叅雙溪鄭公心迹清白里中稚子能知之  
其子司訓君晚年家業陵替遺孤孫僅四齡賴

素園存稿

卷之十九

三十二

副室郭氏矢志撫之一二姻友爲處分其後事  
僅可無譏以俟孤之立也乃聞有朵頤吞噬而  
不遂者凌嚇未已包藏禍心何其狠哉里中之  
會與自大叅公以惇誼也惡可不恤其後請斷  
往來各安分理如復不信忠告自貽其感賢明  
官府且三尺繩之矣

重修真應廟引

歎之方自河南之固始無別出也江南閩廣之  
方俱自歎之東鄉無別出也歎之東鄉則今淳



安也方之在徽歛者皆出淳安譜諱甚明第各  
派蕃衍昭穆難序耳○世祖縣侯之墓與廟在  
淳者子孫世守之在歛者惟祁山一廟郡志載  
焉相傳○縣侯鍊丹處也藥石池曰猶存是為  
礬谿之方世業祀田凡八十餘畝近以佃戶與  
僧為姦至於構訟逐僧追租有明案矣顧棟宇  
將頽修葺為亟凡在子姓咸有追遠于來之念  
稍捐纖裔即可落成冠者每人五分而上一錢  
至一兩請書名于簿如期毋爽苟有志有力不  
素園存稿 卷之十九 手目

### 諭族文

是月之廿有八日諸宗十有九派之彥約會於  
鎮西之家廟敦好也先是一二宗人有懋介之  
愆者藉是以釋云于時宗之望允聲自宜黃入  
○覲畢事過里之任有期矣諸宗因申餞焉篤  
於親使民興於仁播芳猷於竹帛以為宗枋光  
則允聲之志也諸宗之所以祝也是舉也將鄉

鄰之好我者於是乎觀禮則諸門數君子  
者儼然在焉既洽以歌式相好矣即吾宗老之  
扶筇而來者與群子姓之撰杖屨以侍者其寧  
不雀躍以忭且曰我 世祖昌天府君暨我  
用寬府君我 用弘府君以下其洋洋乎監之  
矣吾宗之英其養於庠也與讀於野也角弓之  
詩寧忘諸乎興讓致祥古之君子所以施於天  
下也矧宗人乎尚自今庶幾念之

又

素園存稿 卷之十九 圭  
昔孟子之論友曰友也者不可以有挾也挾貴  
而友挾賢而友挾有兄弟而友皆所不友也夫  
友如是而况於族乎友以義合者也不可則止  
族以天合者也五世以外服有窮而親無間弗  
可離也離則不祥吾所見邑里之中蓋有之矣  
其所為挾於族者非貴也非賢也非有兄弟之  
勢也相與為齊民其貧富等也其眾寡等也其  
強弱等也而固且自大曰吾富也眾也強也彼  
不吾若奚可以加我也一與之前後自為軒輊



一銖之輕重自爲低昂已則伸眉衆且掩口猶  
遼東之白未越境以爲希有秋水之伯未望洋  
美盡在已耳以此言挾斯無挾矣夫析戶而居  
其分者也掃墓而祭其合者也祭如在可以無  
念乎詩不云乎言念爾祖祖之念矣寧忘其族  
敦睦之心不油然而生是失其本心也昔南北  
之阮統綺詎若牛衣東西之祭太牢不如用禴  
賢愚之辨居然可知苟見大心小自視歟然斯  
過人矣所謂故家者以能遵禮也非以長傲也

素園存稿

卷之十九

王

諭族里文

孔子曰君子篤於親則民興於仁未有追遠念  
祖而不能睦於族以協和於鄉者也我○祖僊  
翁黠侯英靈不泯福德一方匪惟族裔子姓駿  
奔如在卽各宅耆老亦伏臘不忘正宜同心昭  
事奈何以言語小嫌致成仇怨哉夫能恒操忠  
信篤敬之心則四海同胞不然者同室且誅語  
矣今後各宅與吾宗長者務遵道崇禮訓諭後  
生共興醇厚之風勿染浮薄之習此神明所歆

格而啓佑者也夫敬人者人恒敬之侮人者人  
亦侮之滄浪之歌其可不深省歟

答誚 弱冠前草

僕友某子者其人醇厚之士取婦甚悍數被歐  
罵人多誚之戲爲作文釋焉名曰答誚

客誚西郭子曰竊聞賢者翼翼以法地聖人兢  
兢以效天賢聖之寅畏蓋有所云存也未聞以  
丈夫之雄毅畏于女人者且男位乎外女位乎  
內職主中饋無攸遂焉古之通義也今吾子希

素園存稿

卷之十九

王

聖研道績學究文下通百氏上述典墳論智則  
鄙墨翟談勇則過孟賁實所謂生民之傑俊又  
之群矣顧迺制于一婦晝不得出夜不敢入動  
見縛束東果終日竊嘗頗聞有屈迫甚困之事  
僕未遽信豈真是乎若吾子於伉儷亦過畜矣  
交遊皆惑子而子不愆何與西郭子曰噫嘻客  
所謂誚以爲直且何言之易也徒知婦之可制  
不知其難是何異宋之愚子信水火之無患也  
在昔兩儀始分天地絪縕有萬物斯有男女共

工爭帝天維中墮螭皇氏乃煉石而補之女德之隆立命建極厥功莫偁自斯以來蓋未聞左右之敘也逮至帝皇代起聖道昭宣禮樂既作文章煥然於是婦從於夫女順於男或扶或抑先後始縣然消息盈虛陰或戰陽天地猶不免而况於民乎昔有虞之際二女爰降周室之盛淑女好仇皆有齊聖之德贊佐教化典雅褒焉由帝王之興宜有內德時運適隆故天作之合非舜文之聖能使驕悍化為窈窕偃傲變為謙

素園存稿

卷之十九

夫

抑也仲尼德優舜文而無興王之運天不賚英媛以弼之雖至聖之德終不能化刑于內不王之兆鳳德之衰也由此言之婦之賢否成於天性非德所移矣德尚不可化况可以威制耶且首褒妣滅周妲已傾商猶未足言也粵若呂后移漢武氏革唐咸偃然中天下而制令當此之時四海豈無英傑之士哉顧畏而臣事之由此言之女子之黠者亦不下丈夫之雄毅矣惡可云易制耶昔五胡之亂天下崩蕩王丞相佐瑯

琊以耿焉江左存七廟之祀可謂壯矣然制于內不能庇其愛妾至持麈尾擲牛以救之為朝士所譏陋謝太傳出東山應蒼生之望符堅以百萬之衆投鞭濟江談笑自若盡殲之于淝水之上可謂強矣然困於劉夫人委曲斬冀終不得見一妓桓大司馬雄視中原權制人主出師討僭幾一寰宇可謂武矣及伐蜀得美姬密置之別所其妻持刀往將取之溫不能禦夫此數子者世所謂豪賢之士也力非不得制其婦而

素園存稿

卷之十九

二十九

猶首尾若此况僕之么眇不及數子者子又何深嘗之耶傳曰身不行道不行於妻子言刑家有道也此廼虛語耳若使道可化妻則孟子何為欲黜婦耶且客所聞誚僕者亦過甚僕雖懦縮未至如客所陳也昔唐太宗英武之姿也而見屈于小夷蕭頗勇略之士也而自抑於儔類若僕閨帷之事雖或有之亦將以紓一時之計也子何深異焉且夫不觀呂梁者不可與言雲濤之惡不經太行者不可與言道路之險子未

逢悍婦固宜其大言而偃蹇也客曰昔馮衍嘗  
得悍婦矣卒能去之以寧家室由僕觀之婦何  
不可制之有哉西郭子曰噫嘻客可謂負木強  
之氣知道則未也且吾聞之自知者英自勝者  
雄未聞以制婦爲武勝女爲功夫數有一定命  
不可易不達於數不安於命者名之曰逆逆天  
者殃必及之孔明擇婦而終得醜女者其數惡  
也馮衍去婦而再取愈悍者其命薄也數不得  
美婦雖擇百女猶醜矣命不得賢媛雖百易妻

素園存稿

卷之十九

三十一

猶悍矣由此言之苟未能獨立棄家者又焉可  
云何也意客未悉悍婦之狀故輕咎僕將以所  
遇爲子略數可乎客曰諾西郭子曰若迺輕裾  
出趨佳人稱燕迴盼動價移步生蓮媚能傾國  
飄若游僊色則生愛雖悍而不足云也至若帝  
乙之妹齊侯之子洵美且異下于寒士心恃華  
族志輕夫氏貴不期驕又宜悍而不足訾也乃  
如僕婦則異乎是其爲狀也獐類鬼母顰異里  
婦撫鏡自妍諸醜咸具面額橫慶口目迫聚耳

若張行能禹步復愛不潔塗抹自恣五指恒  
縹變眸多淚傳粉則疑塑施朱則似醉赤若楓  
葉初凋白若霜林欲霽且徒言其若斯亦足以  
駭心懾視矣爾其資稟駸鈍驕懣鮮比度日不  
粧卓午懶起心知愛眠不開紅織素不念慮惟  
嗜飲食既醉既飽迺寢寢并白寧操中饋不  
理出自小家寧顧大體何鳳何鴟何朱何紫無  
論是非自作好惡色未嘗豫顧寧有泚夫其頑  
若此矣乃造物所予焉可告語耶然此特恒態

素園存稿

卷之十九

三十二

耳猶未有忤也若乃宿醒未解午夢正熟爰有  
上客來自遠路應門報賓如值仇毒寒溫既畢  
獻酬靡具客語方深未解言去我馬云瘖主人  
屢顧中堂忽開大搥童僕何得痴客坐不俟速  
客愕問故主人太惡撫膺太息噤不能復家人  
惴惴若在刑獄至或逢其卒怒氣如山坳擲案  
大吼雷霆乍起聲自閨中聞于閭里南山白額  
豈足喻河東獅子寧可擬當此之時孔墨無所  
施其智責育無所庸其力雖迫屈幾窮猶不但

已也而客猶病我且使客得茲婦將言畏乎言不畏乎客瞿然曰向徒病子不能正室誠不悉其故今聞君婦之悍僕尚震怖安敢輕訕子矣

### 諭里

嚴鎮三四五六七十等畝約里敬白吾鎮俗稱醇厚嘉靖中年以前人耻非禮雖富不及各鄉而貧者亦不至甚由俗尚儉約量入爲出故也邇年以來頗效都會侈靡之習虛而爲盈亡而爲有室或屢空而賓筵未減市鮮藏貨而閭閻

素園存稿

卷之十九

三

孔華如人貌充然而脉已索良醫所爲望而走也富者不及十一貧者不止十九道上歌呼閨中愁嘆安得含哺鼓腹復如曩時哉卽如東嶽賽會每歲所費不訾幸際濟南崔使君務先教化毅然嚴禁今廿有八年矣歷年所省何啻千百此吾鎮百世之澤也似聞好事者復欲簫鼓兩市謂官府必不禁春臺可爲例有識者老相與憂之夫迎春古禮也一邑之事也百里一日猶以爲艱而區區已貧之

村欲過欲及犯明禁而故厲階是可爲乎約里菲薄曷能匡救里有達者必且任之近告郡邑遠白院道諒不縱兒戲作無益壞我已正之良規也夫目未見可欲則心不亂妄念不作則過寡矣約里過計是以先事而預告也

### 戒戕生文

子鈞而不綱孟氏言王政數罟不入洿池君子之愛物用之有節也今之戕生者莫甚於藥魚渴澤而漁無子遺矣且飲其下流者或傷人爲

素園存稿

卷之十九

三

政者所宜禁也抱朴子曰靈鳳值孟戲而返冊穴記謂孟戲人首鳥身爲虞駟百禽則近誣夔何以掩之爲擊拊功益何用掌火者三年哉謂後世食卵而鳳去之則幾是路溫舒言之矣夫卵之戕甚於罟之數也今產子者其奉客必以卵已喜育而戕生且不管千萬何弗思也余與里中約自今生子之家請以壽桃易爲之易壽吉名也卵不祥也去不祥而從吉且全生千萬何不爲耶藥魚者里中共止之不聽則以告

於官司而禁焉今之言放生池者迂矣欲魚之  
生則江湖可放也池中之畜不有校人者乎募  
人放魚莫若止人藥魚也

素園存稿

卷之十九

三十四

素園存稿卷之二十

譜畧

新安方弘靜著

譜序

歛以山谷爲州也其險阻四塞幾類蜀之劔閣  
矣而僻在一隅用武者莫之顧中世以來兵燹  
鮮經焉以故故家舊牒多有存者昔者神農氏  
沒黃帝氏作而帝榆罔之子雷封於方山遂以  
國氏蓋寓內特惟六姓而方氏其一焉遐哉其  
言之也廼歛之有方則自河南固始漢大司馬  
長史曰紘避新莽渡江始居歛之東鄉東鄉者  
今嚴淳安也長史之孫太常卿黈侯曰儲孝章  
時以賢良方正對策第一其墓在邑治之東子  
孫世猶守之由此言之譜系雖遠其足徵矣哉  
萬曆丁亥固始人南祠部郎中端以莆鄣之譜  
示余其序曰莆自歛鄣自莆也其爲滁爲信爲  
南海爲饒爲諸暨爲淳安者皆源於歛蓋莆之  
始遷知有歛未知淳安故歛也夫君子之澤五

素園存稿

卷之二十

一  
吳郡芝刊

世過此而服窮親親之殺寢以疎矣况數十世乎夫惟厚德者追遠篤親者睦族雖百世有河海之感焉故先源孔子曰吾猶及史之闕文也文之闕也君子存而不論蓋慎之也有其傳之惡能泯之傳信焉傳疑焉其史之義歟蓋自念五公之居環山也於余凡十有九世掃墓而拜者凡二十派此二十派者昭穆以序慶弔相及其可繼者也秋宇公以來譜凡七修矣咸自環山始余小子恪遵舊章惡能贊一由前則存之

素園存稿

卷之二十

二

不敢論也不敢泯也由後則續所未及寧質而俚也母文而溢也斯其先大夫通議府君之志也夫蓋先大夫之志於譜也其亟也先元兄中川先生幾冠則命之矣然畧而未備先仲兄教諭府君時加訂焉將統諸宗而修之未竟也余小子昔在垂髫侍側聞訓長而有事四方曾無述焉逾老望耄始得請歸田衰甚矣廼兢兢是役語曰老而學其猶秉燭之光乎先大夫之命幾何不墜是余之罪也于時宗之彥諸文學士

寔交相余及二兒以蒙以異竝與有事云

譜論

余觀建炎景泰之譜而知譜之難也建炎之譜輯之者愚公年九十三矣景泰之譜纂之者仕衡公年八十餘矣余小子垂髫而聞父兄之訓雖老且耄惡敢以衰爲解夫譜之難也無論述作者之難即欲氏姻亞地死徙非其才子孫無從識之况於聞其風而知其德乎昔者夫子以得見君子之難也有子曰君子務本夫不知有

素園存稿

卷之二十

三

本惡能尊祖不知有祖惡能睦族若是又奚有於譜故譜之難君子之難也昔郊子能述其祖春秋稱之有能志於譜而不墜者其君子之徒也與

譜系自始封至欽世次相承何其遙遙也及觀莆之譜符合不忝欽與莆相去遠矣非有據惡能爾耶蓋五胡之亂衣冠南渡于時競尚譜學而方氏自漢已遷奕葉不替有十里西山路十門總是方之詠莆之始遷在唐之季設有舛誤

其非近世屬僞可知也是以存之而不論焉

先世自河南遷丹陽寔欽之東鄉也今爲淳安淳安之諺云自古淳安無二方其在徽欽無不自淳安者則郡中之方不二明矣然其人蕃衍弗可系也其有冒溷弗可稽也雖念五公之後寧非近屬而散處無聞者多矣余於斯蓋有深慨哉仕衡公之譜歷舉其賢者而未嘗敘君三無議焉乃以爲鄙謬失實此由讀之不審而失之固非仕衡公之失也觀譜者苟無一本之思

素園存稿

卷之二十

四

難與言譜矣

夫譜猶史也而其義有異焉彰善癉惡史之義也隱惡揚善譜之義也親親之道也爲其親也而隱之直在其中矣然而美之弗可以虛也是謂實錄則其異者不害其爲同也是故無取於飾焉苟有奇節固不一書如人品足稱行事未見則一言足以盡美矣昔司馬子長之稱壺遂揚子雲之書嚴君平韓退之之志李觀皆數語耳而其名遂重於後世豈若買葉翁之求益乎

採其質刪其繁闕其所不知余竊取之矣

譜之重重文獻也以其足徵也苟不足徵不徵不信矣重焉故夫錄之必慎也譜之序其文非盡可觀也必謹錄之重修譜者之志也莆鄞譜之序附錄之重一本也地之相去也世之相去也若是其遠也而本則一焉况近而丘里同者乎况近而昭穆序者乎况近而祖免以內者乎故觀於譜而孝弟之心其油然而生矣

素園存稿

卷之二十

五

方氏之望河南自昔記之而有稱丹陽者蓋由河南遷欽欽故丹陽郡也聞方氏有議姻於商文毅公者公疑之舅氏曰非以丹陽乎自古淳安無二方也何疑焉公廼許

先世之譜咸以念五公始遷而有云自希道公始者人皆疑之夫遷匪易哉蓋希道公基之惟中公繼之至念五公則業益振寔始定居焉可以釋疑矣譜凡七修弗可紊也謹率舊章念五公爲第一世

仕衡公之譜云希道公惟中公俱葬茆亭嶺正



統譜也而環山之譜又云希道公葬胡充山惟  
中公葬沙亭塘成化譜也彥昭公楚賢公永樂  
之譜未嘗言二公有墓則正統成化之譜似不  
足據矣蓋嘗攷之昔太常公以軍師公衣冠葬  
于邁山觀之公裔孫廷範公以閩令占籍莆田  
而葬其祖父衣冠於常泰里之烏齊山以寓松  
楸之恩然則希道公惟中公之墓亦類是歟衣  
冠之藏後世所忽無惑乎二譜之有誤也

舊譜既以念五公第一世諸譜所同也或又云

素園存稿

卷之二十

六

希道公始居環山已近誤矣乃又云與兄弟同  
遷則念五公之祖考伯仲宜繁有人何以畧無  
可稽耶此修譜者之未審可知也夫能潛心於  
譜者亦寡矣無尤焉

氏族之論其來尚矣左傳遷記已見其端漢有  
鄧氏官譜應邵有氏族篇又有潁川太守聊氏  
萬姓譜魏立九品中正州郡各有簿狀晉宋齊  
梁因之晉有知撰譜事之官王僧孺徐勉等各  
有百家譜宋有姓苑後魏有河南官氏志迨唐

尤盛有氏族志姓系錄衣冠譜開元譜宋泰譜  
韻譜姓解甲族譜郡氏譜郡望族譜等書何其  
繁也蓋自漢元成間始以閥閱用人魏晉以氏  
族論選舉論婚姻則強扳贅附勢所必有故氏  
族之家其言多誕而難據今固不能一一左證  
然亦未必鑿空杜撰也吾宗自西漢之末避莽  
渡江世有聞人其視流離中原與晚而避地者  
其譜之可據宜有間矣

晚世風習不淳形骸易隔間有隘而不公取憎

素園存稿

卷之二十

七

多口者無遽主成心適滋其過其務以損僉協  
之母相猶矣如相猶也相去不能以寸

先通議府君之惇族也蓋先徵者云顯徵揚陋  
君子之志也古之進人者自遠者下者始所以  
示不遺也嘗憶仲兄畢姻宴客客集矣服窮之  
屬有及門者府君敬肅之入衣肘見矣貌復不  
揚府君告客曰族叔也請祭酒主席而已侍側  
焉客相顧竊愕其不知者以斯人爲昧於禮也  
不速而來何施施也其知者以府君爲篤於禮



也必慎於微孰可忽也故觀於此而一本之思  
諒焉興矣於乎斯所謂後世爲楷者與

君子之澤五世畢門圭寶自昔不免乃其顛沛  
不振無能濟之已與有辜矣今也以爲玷我而  
務屏之避之則薄亦甚哉薄其宗是忘其本也  
其何所不薄願我宗彥重以爲戒乘軒戴笠相  
逢下揖異姓猶然况一體而分者乎

念五公廣公之墓經亂失業已久蓋自先大夫  
暨族中之彥經營數十年費鉅矣至隆慶戊辰  
素園存稿 卷之二十

始得其真封域宛然未有纖毫侵損殆神相之  
也若希道公惟中公之墓同在一山而一存一  
失斯可疑矣未敢以爲據也姑闕焉以俟論定  
念五公孺人程氏之墓在瓦窰坦世業未失無  
可疑者乃或有別處族則大疑此亦當辨其真  
否耳蓋念五公繼室孺人閔氏生子厚厚公之  
派失傳而譜多未詳往往不知有二孺人者若  
其墓真也則閔孺人之墓也

八公建公葬大栢塢兌山卯向加乙今所異議

者未必有成心也公之孫子節公行亦八譜不  
稱八公乎而其後無聞安知不以兩八公誤也  
今第虛心審其真而已其與圖合者則悠久公  
墓也其不合者則子節公墓也

### 譜例

一世系前編惟仍其舊余既論之矣其有疑也  
猶其有闕也惡從削

一舊譜多書行行多同者必註名字乃可知也  
譜所失者不可得而稽矣則闕之近或名而  
不行註其字闕所不知其生卒娶葬則傳書  
之

一第六世上書某公子子多者書第幾子以後  
如之

一舊譜先世俱稱公司馬子長稱其父太史公  
空同之於父稱吏隱公公之稱非自今也謹  
遵而不易焉其非尊行非高年與見存者止  
書名

一世系各派始遷者註遷某處以後不書書於

各門。

一凡立後者書繼為人後者書出繼無後者書止其有憾於天道者於傳見之

一婚姻重門第禮也娶而非偶者書娶某氏不書姓以示譏也夫志於利而辱其先者有人哉

一世傳前編有間出逸書如謝承後漢書范曄

漢書註白氏六帖譜既有述不厭重出其足徵也蓋重之也如顧野王任昉所記別無所

素園存稿

卷之二十

十一

見仍註其下蓋慎之也其非本枝而世所習聞者不載不勝載也

一女之再適者不書人道之大防也不敢不謹也女子之嫁也而非偶其辱已甚者不書詩所謂不可道也者惡可書

一世傳中行事宜表出者輒有論述俾後世以爲楷語曰聞人之善不可忘也而兄吾先世平余耄而有遺多矣群從之文學士其務廣之從舊例加某曰字以別焉

譜傳述論

念五公

環山之遷希道公肇基焉貽厥孫謀是以娶于槐塘氏也夫念五公則光大矣實始與厥居到于今稱焉子孫徙者不可紀可紀者數千人蕃矣非累世積慶惡能然乎

彥昇公

孔子語子夏色難又曰孟莊子之孝難能夫孩提之童知愛其親達之天下而賢者顧難之何

素園存稿

卷之二十

十二

也豈非其愛慕有所移哉孝子非有深愛借曰能養不足以當大事也自盡者必也親喪乎余每過高段其長老猶能言彥昇公所廬墓處若目前事雖世亂不及聞于時其遺風蓋足以感動者其後墩上和同公以廬墓久廢其業勿恤則有司者旌之矣

顯卿公

顯卿公之遷鎮東也其後一徙羅田一徙澄塘一實京師一戍永定而其處者七門猶稱半街

焉蕃矣夫七門者其始分在三世內耳于時鎮中之產幾於金埒不易廣也乃所據咸勝地言堪輿者以爲合經焉語曰上宅可以觀智此可名豪舉偉人者哉

### 細二孺人閔氏

先世每值不造則賴母德云其著者細二公之卒年二十五邦祥公之卒年二十六二孺人咸壽考有賢行二孤皆克立勿替有光母節子孝宗黨述焉乃若德乙公楚賢公二世稱天勝汪氏非有出而侍二孺人撫其幼孤終身無二心則又簡策所罕載者也子孫附祀不忌宜矣

### 宗善公

色映之山爰自天都金筮蜿蜒曲折貳百里許乃盡於橋西豐頴之水合焉里中最稱勝地者也宗善公之卜居蓋得擇處之智矣宗善公創之孝廉公承之德潤公續之色映山來龍也竹林碓收水也南山竹園朝山也皆吾家世業非止一姓蒙其休焉蓋先世之所薰翼者厚矣引

之勿替其惟慎德乎

### 孝廉公

孝廉公之英偉也始仕而值世亂不得試試之于鄉人人信其行至於今有聲稱焉使得時而行其著勛名於竹帛豈有既哉子孫七八葉猶食舊德啓佑罔替賢者承焉不賢者庶幾哉足徵積善餘慶矣

### 德乙公

仲弓爲季氏宰孔子告以先有司夫宰家臣耳

素園存稿

卷之二十

十三

猶不能以一手足之烈爲治故惟簡可以御煩推其道乃可使南面也余家自正甫公至德乙公世爲都長蓋宋之季及明之初云都長者總一都之賦而輸之官官簡而民便政之善者也今以長或不任而總之於令令事煩矣惡能不擾夫長而擾令糾之易耳令而擾不易糾也語曰政在近民又曰害莫若輕長之視令近矣虞其擾輕矣德乙公沒且二百年人猶稱都長家未有尤之者也可謂終事用情不越者哉

侍御彥昭公

彥昭公以曾監爲御史巡按山西回乃調州同知耳人多疑之余閱楚紀洪武永樂中監生爲御史御史爲州同知者有數人官卑而任之重不敢不執法歸誠於上于時州縣佐貳多用進士士人務兢兢修其職耳惡敢擇官也夫以政學者古猶非之况未嘗操刃而使代大匠斲乎如欲寓內和平黎民受福觀於此思過半矣

侍御貴文公

素園存稿

卷之二十

十四

初德興言堪輿者董德彰氏有名徽饒間以爲賴布衣之儔也寓忠堂爲卜地云當顯貴而貴文公以甲科爲行人御史顯矣未幾遽卒未能有所樹立又百年而京兆公興仲子一敬以春秋魁順天鄉試子姓以文學鳴者數人人曰其食董氏之德青烏之經有諸蓋比戶談之矣余過德興問董氏之後無聞焉豈其術可以爲人不可以自爲與

秋字公

省元公之舉于鄉也蓋與曹弘齋先生同年余嘗見其題左傳卷尾云其書秋字所贈年家子也秋字公菊坡公皆聞人有事於譜又五世而仕衡公始克成編然僅詳其本枝耳其他或有系無傳或闕其系蓋有望於後之人焉甚矣譜之難也

仕衡公

余嘗從光祿第所覽仕衡公所管宅圖其規爲遠矣自省元公不試于時秋字公菊坡公至公皆聞人也夫以布衣居閭右中世享素封一鄉稱善此可謂得全全昌者哉

楚賢公

孟子曰不孝有三無後爲大夫天道不可必知也善人有不育者曷爲罪之蓋宗法立天下未有不有後者也世之降也婦言是用不子兄弟之子先世之祀忽諸此之爲不孝大矣楚賢公之子九人以其二出繼五世而昌宗黨有稱焉若德慶公子張氏之子而不克延其自餒也夫

求誠公

孟子曰君子之澤五世乃其積之厚者其數則過未可以世限也余家自避新莽渡江以來世未嘗替乃環山之遷希道公經始之三世而念五公寔定基焉十一世而宗善公遷於鎮西十四世而孝廉公丕承之十七世而末誠公以孤子當室乃僅食舊德十八世而德潤公寔丕幹之余曾大父也大父贈都憲公又大克家矣而弗末先大夫生未見大父也弱而立長而誨以素園存稿

卷之二十

六

兢兢先世之緒至余小子廿有一世由本枝邇之則庶幾克續哉乃群屬之所弗振者則自末誠公時藐焉諸孤莫有植也乃寢以降矣先大夫亟憂之無能力云語曰中也養不中才也養不才如其養也而中也才也則何替之有君子是以疚於內省也

司務公

余聞司務公當官舉其職有名其黜也則以望墩太史太史早達才高一時時多嫉之而公爲

姻家嫉太史者遂及公云夫太史非獨以文學名世其行誼重于月旦無間也且交親者何尤哉甚哉讒人之無所畀必也仁人不與同國乎乃自昔患之矣

教諭肯堂公

肯堂公之司訓湖學也門人吳御史巡按浙中御史行部謁廟畢詣司訓齋執弟子禮如受業時時豪家行重賄求脫罪公怒斥之何以是宛我我可爲人師哉二公者其事足以風世兩得素園存稿

卷之二十

十七

德潤公

余聞長老言成弘間閭里多醇厚長者迺若德潤公不失色於人人人信其篤行出於衷誠有施予而無伎求三子長爲贈都憲公與少廷肅公殖生於外中子廷王公未有子常屈侍行者無德色處者無億心門庭之中雍雍旣翕至今

言善富者稱焉卽當盛明之隆稽古者猶難之矣今風習日漓苟能不忘不愆率由先範庶幾有餘慶哉善積之澤未艾孰與其徒怨且尤而求之於不可求也

### 茂進公

傳曰君子不輕去其鄉爲其相友相助有鄰而不孤也蓋有擇地而棲國不足而嫁者矣吾聞遷于喬木者未聞入于幽谷者今也得妾以其子懷其安遂忘其宗若襄陽氏東交氏非以樂素園存稿 卷之十 大

郊也乃不得其傳矣

### 敬同孺人孫氏

夫婦道豈不貴順哉坤至柔也而德方家人之繫曰利女貞而戒其嘻嘻則謂有嚴君焉正位乎內外一也孫氏孺人不諧于夫至不明其志散其資無以爲生而矢死不貳士固有踽踽涼涼不爲閭然而媚也者君子猶取之彼非遊於聖人之門有所取裁者耶君子不可小知奚獨女也夫從一之義天之經也寧若交友然務相

報施不可則止乎哉

### 贈都憲廷舒公

從大父廷廣公年九十餘時余從問先世事爲余言大父廷舒公英達長者也遊青齊間冠紳之會必推公祭酒急人之急沒而有祀之者于時人鮮侈心不求挾重寶也歲入卽什伍則以買田田乃數十金一畝畝之收無幾也今田之價日落不得十一累金至鉅萬猶未厭爲治者言抑末不其然乎

素園存稿 卷之十

十九

### 贈夫人鮑氏

余少也及侍大母贈夫人鮑也是時年幾九十矣日諄諄述先世之訓曰母尚大大則贊速其若原泉乎漸而不溢盈科而不舍有本哉言哉至言嗟後之人其可不兢兢念之也乃其淡泊寧一光復之堂郡伯題之無妄而勿藥蓋與道符矣

### 廷廣公

廷廣公余少也見之年九十矣猶著履登高櫓

鹿胎無校言無矯行蓋與道符者歟其子庠生子鍾公余嘗聞其言衛生經也非謾語年亦八十餘不能及廷廣公廷廣公則未嘗知老氏學也余數侍園卿伯時公公篤意攝生若謂神仙自可力致叔夜之論不應得道故也公壽八十四高矣其弟庠生伯安公亦言養生未若伯時公之篤壽乃八十八由是言之聖人言死生有命信夫夭壽不貳修身以俟之則莫善於寡欲矣

素園存稿

卷之三

三

齊東公

余先元兄有異材而不達時以爲古文語固難入時目也乃齊東公與余仲兄則守繩尺不越試輒冠諸生謂甲魁可掇竟不舉于鄉則何以故哉齊東公文場既不偶其爲邑上官稱之矣卒亦齟齬以去何非命也然自別駕公至于公之孫七葉書香矣豈必漢貂乃足貴哉

良賓公

良賓公余先大夫雅言其正直善人也市中群

兒戲或問輒問曰方氏兒耶輒訶之不已則批之其父母聞而往謝幸愛吾兒訓之也今也不然兒與人競或語之兒不直則以爲憎我兒則怨且詈之矣具曰予智曾不虞其長而作孽自覆無與夫人也諺曰人莫知其子世之降固然哉當此時雖良賓公且如之何何能若是忍乃曰閉戶焉可也

仕義公

素園存稿

卷之三

三

孔子曰以約失之者鮮寧儉而固故大林放之問以救時也今時靡靡極矣仕義公名過平儉者一帽數十年簞夫或不屑乃其才識卓爾不易及談議疊疊足聽聞也非徒知守瓶罍之智者焉子五安爽邁有意氣乃大務豪侈替其業矣

國用公

國用公性坦易軒然有豪士槩不爲不善也徒以侈費不節傾其業爲吏文無害其之官則與所善俞叟往叟病公自扶視之與俱歿亦足以

明其篤厚於交友矣

顯貴公

顯貴公有子三人孫二人皆強有力者也生平非有大過以屠牛爲生其絕嗣蓋鬼神所害哉吾於邑里中所見屠牛之家未有不屢敗者夫勤力者何不可殖而爲此戕忍業乎故夫擇術不可不慎也

仕忠公

仕忠公未達公其爲人恹恹者也乃二孺人皆

素園存稿

卷之二十

三

有才識能持門戶權其子母貲益起明棄取人不能欺所收債無負之者蓋其時風習醇厚閭里有耻有司持三尺畫一無敢高下民是以懷刑畏法匹夫爲不善可得而稽也及其後上下相與爲市恣意而棄法奸民習機械自以雄桀雖有智慧無所措手足况婦人乎

通議公

古之哲人所以大過人者無他以無一事不可對人言也乃通議公之於州里蓋不俟言而信

卽賈販小豎待價而沽子之值輒受去不視知公不欺也鄉鄰有鬪片言而釋者不可縷數矣嘗有以苞苴餽者公大忤曰我豈有擅行哉此物奚宜至於乎後之人無論在邦在家何可不兢兢爲楷也

贈夫人胡氏

語曰女惟一德夫德一而百行畢矣先夫人之正內也言動不過乎則中表稱焉女宗哉乃其績緝之紅實祀之禮襁抱之懷無弗勤也又何其行之備也元兄之記遺訓蓋續息時矣語咸藥石世世爲楷不可誼者非體道不貳近聖之質曷能從容有中乎

仕禮公

仕禮公自號伴閑以世皆壤壤也曰孰真能閑者吾願與遊故云夫仕義公希達公咸才智者也一先之一後之故能閑世之降人惟知有已則德色於同室曰是惟吾之力不則曰是其漁我也卒乃廢其手足而胥溺於諛我者不以爲

素園存稿

卷之二十

三



賊乃至終身營營無所與立一有霧露之疾弔影逆旅誰能恤之在原之詩惡可不三復也

### 希達公

希達公好行其德也數有所施予予一人爰之學於中川先生亦既斐然矣而不壽孤惟謙始入歲其群從有弱之而利其貲者賴吳孺人有明智持門戶不替宗黨稱焉語云健婦勝丈夫其然哉蓋先世餘慶希達公之德足以延其胤也余仲兄教諭公寔翼之矣

素園存稿

卷之二十

壬酉

### 良弼公

良弼公貌魁梧望之嶽立而和易可親偉丈夫也良王公秀雅不群賈維揚第總大綱耳日與縉紳大夫遊坐無方君不樂良材公伉直無忤心蓋長者也兄弟三人同心奮發咸有過人者使遇其時何不可建哉乃以起高貴甲乙間里中其所施隘矣

### 文鐸公

余讀哀婦志悲之然觀過可以觀世焉文錠公

非讒者也蓋由不察也古之愚也文鐸公不以婦寃而尤其弟文信公則爽邁者焉兄弟友愛白首無間於今爲難故曰可以觀世矣

### 順卿公

橋西自宗一公以下分爲六門後併爲四歲時之會儉而數也豈不過六觴八九行耳席中長者言先世事或近所聞見以爲勸戒非若近日徒以酒食相勞勉也余宦遊過里諸父惟順卿公無恙數侍焉其言動衣冠猶有先世風範公猶喜述往事則慨嘆於風習之日靡富欲過貧欲及不相若則相鄙也同室群從乃或間歲不集會矣

### 希文公

希文公所謂疆直者哉其行於州里也兩造在庭有司或終歲不決公以片言居間往往願解是平無私好我也者奈何不聽夫民可以意氣感動屈於理不盡其辭其猶古之遺也今無論鄉曲指視計得必遂具曰予智法言則懟異言

素園存稿

卷之二十

壬酉

則悔可得而諭乎乃希文公末年則戶庭不出矣

### 惟望公

惟望公喜自負嘗思有所表見也嘉靖乙卯倭賊五十人走歙歙久不見兵革城閉郊野人不得入則竄山谷無賴子因而行劫司捕者不知所爲公奮曰潰賊五十何能爲乃自亂也急使人止竄者各復其所諭里中健士今耀兵爲聲勢又爲守禦備示無恐於是各村保亦稍團結

素園存稿

卷之二十

王

### 叔瞻公

余少從中川先生遊葛塢葛塢叔瞻公別業也先生記之命余賦今六十五年矣每過之則若西州路蓋有憾於天道云叔瞻公與其子敬善公皆好文與士大夫遊所貽詩文輒藏珍之不啻盈金也其後業稍替人或尤之曰夫治生者

賴拾叩取趨時若驚安得從容杯酒日周旋函丈間乎其文滿車胡所用之也嗟夫士固有所志耳彼儻然而來去者信可拾取若持左契不負哉聖人固言富不可求從所好也乃叔瞻公父子所好不汗矣

### 天原公

天原公爲人勤敏任事先大夫悅之先世丘墓經亂後有失業者則以屬焉公旣經理其封域明矣又善爲辭雖難與言者未嘗有怨惡也先大夫嘗曰吾所重者本也所輕者末也彼所欲利也寧與之何至煩官司乎然天原公尤耐勞不爲衆費日行山谷中百里特二草履耳此後世所宜率由毋忘者哉

素園存稿

卷之二十

二十七

### 君用公

念五公子二人其一無聞焉三世又失其一今所譜者用寬公用弘公二枝也用寬公子四人譜者二失者二用弘公子四人譜者一失者三夫此皆吾本枝近屬非盡微無傳也譜不修昭

穆不序五世而斬則相視塗之人耳寢遠寢忘何可復稽耶余先大夫之慨嘆於是也于時敦上門和同公講書門仲大公蒲陶門申之公敬道公咸有亢宗睦族之志其後仲兄教諭公與羅田門君用公石川門司訓子誠孜孜講求其於族也盡心焉耳矣悠悠者惟知有已問其祖父或不知其字焉知族哉

### 京兆公

余聞京兆公爲水部郎時舉人某氏子以所業

素園存稿

卷之二十

壬

贊公亟稱之其後某氏子爲給事有寵於江陵公之轉京兆未蒞任某氏子遣賀於家所望不啻十倍家人不知也報之無異某氏子怒及公至三日而彈章上矣江陵又深知公者其不終留亦以有望云

### 圍卿伯時公

圍卿公歸里余數侍焉其居既隘客坐穿者半衣冠敝不復改爲非矯也棲心物外不以家人然其念一子早喪囊無物可貽厥孫者身

沒未幾先人之廬不能保蓋清白之效乃爾其臺端風采又至今凜凜也鄉先生祀於社者舍此何誰君子是以耻之

### 中川先生

古之所憾短命者顏氏之子其後文考元賓之流皆以雋異稱不知其仁也中川先生之克已卽其酒量過人先夫人臨終一言遂終身不近杯勺蓋幾於不貳過者哉其所嚮往孜孜尚友古之人論其世非徒以其文也乃其論文必西

素園存稿

卷之二十

壬

漢以上而曰昌黎氏固買馬儔也原道粹矣大鄣之風洋洋也先生寔倡之余小子步趨未能何言韓氏

先生嘗批余課云吾爲韓會無疑遂成語識

### 儒士清之公

清之公弱不勝衣矯哉強也見不善若堯寧能身親爲之哉其中狹所爲拂亂不能堅忍無妄之疾弗可藥矣大而無嗣余著之無使泯無稱焉

### 貞義公

貞義公之稱稱情也哉瘞居數十年挾重貲于  
維揚間日與靡麗適而不改其操可謂難也已  
語曰人不婚宦情欲減半士為高者則能不娶  
然不孝為大罪也君子無取焉乃貞義公貳子  
伯令宜黃以治行徵仲有善聲於月旦諸孫振  
振矣偶可以無續庶幾合於中行非狷者流也  
教諭敬之公

吳司訓瑞穀教諭公入室門人也其狀文可謂  
實錄汪司馬伯玉數稱公釋褐可以登壇非苟

素園存稿

卷之二十

三

言之者然衆或未信夫世能見已然者耳此固  
非所早辯者也然公嘗小試於南豐李按察所  
叙固心悅之矣

子益

子益吾宗所推善士也見義而勇宗祠之建余  
寔倚之工人求木自浙及里門而人始覺可謂  
沉重不苟矣蓋嘗有所牴牾者余不忍亟姑徐  
徐以俟其定于益夙夜不怠願獨任之蓋曰為  
義不終耻也嗟乎耻之於人大矣三代之民所

以可封惟其有耻也彼無所用其耻者焉從驅  
而之善哉

子立

世之降人鮮能成人之美也已不為義見義者  
曰此為名耳不則曰彼有巨貲即拔一毛無難  
迹其所為則一毛猶四體也子立早有遠志其  
為義舉所散不啻千金然其時貲未大起也乃  
後日益昌諸子能承之淮揚間稱甲乙矣夫善  
富者非徒以纖嗇哉彼見義不為者雖百萬若  
素園存稿

卷之二十

三

寔惡可以名驅也

光祿伯賢

光祿伯賢之沒其櫬歸非特弔者傷也乃行道  
者莫不揮淚曰善人善人胡亡即其行足徵矣  
侍御君之狀可謂實錄余不復論

司訓子誠

子誠為博士弟子有名內閣許公同舍生也每  
試名相亞兩人相得甚驩申以婚姻其後許公  
在政府而子誠以貢為司訓人謂王貢彈冠此

一時矣不幾司訓以內艱歸服闋詣選遽卒雖政府也無能引一友李令伯官無中人之謚其有所憾也無亦可釋哉

### 司訓子賢

講書公之後二百年而子賢以文學起起爲司訓遽卒乃其子姓兢爽環山道上遂爲文苑云蓋子賢之會大父仲大公余先大夫亟稱其賢也有志於亢宗哉子孫承其志孝友靡間司訓之觀歸其從兄子警撫之慟嘔血而卒人琴俱

素園存稿

卷之二十

三

亡昔也王氏今見之篤也夫

### 文學子仁

子仁受易余仲兄讀古文日吾伊不輟也頗厭舉之繩尺再試不偶遂棄之乃其質直不苟可以爲士矣子用和業舉子義七篇充贍以爲可入彀也者與其庠生試嘗冠之矣亦再不偶夫士之志於學固不必可知哉

### 宜黃尹

余聞宜黃苦心宜民也齋中漏濕甚則施傘布

席以遲簪耳終不以居求安而爲民費其以高等召入一力疾過部卽臺察矣寧失時不欲速也夫長民者其民宜之斯無疚於志一官之內外夫何有况其不盈晉者乎

### 文學君在

君在爲博士弟子厭經生詔從汪司馬遊司馬稱之侍御德清房公宰邑時讀其所試論云爲之歛衽名起矣才而不求自昔憾之其婦余甥女也亦稱能婦

素園存稿

卷之二十

三

### 文學君式

昔元兄之不幸宗之老傷心焉今且七十年未忘也乃復哭君式君式之才之志匪惟足以張吾宗蓋王國之楨哉乃其甫沒而家遂有無妄之訟費不訾矣里閭中咸爲惜之曰夫人在無是也而可贖乎

### 貞烈

大江之南言閨範者則稱吾郡蓋山谷中淳風未漓人多知耻不獨士也余所睹記女婦以節

烈者者不一矣鮑氏女未歸方也然自經輿中  
爲萬氏死譜局可道哉若壽董公之孺人許氏  
德壽公之孺人汪氏朴之婦汪氏滄之婦仇氏  
皆以弱年寡居貞白無間近者士國之婦汪氏  
先夫未絕而死年僅二十此皆 令甲所宜旌  
者顧自閭右達於九重奚啻萬里乃其闡幽風  
世將有任其責者哉君子之德風也風之興不  
惟女德士其有立焉故節操者國之維也不可  
不張也

素園存稿

卷之三

三

文學良用公續

孟子曰中也養不中苟能有誠而明鮮不動者  
斯至矣其次容之其次忍之母至於離離則不  
祥君子是以三自反也夫有庠之封尚矣叔射  
牛曰爲脯不亦可則者哉若良用公之友于終  
其身怡怡如也雖夫舉一節一節謂士焉子一鳴  
斐然有聲所以云和以致祥其在斯乎

子敬

子敬少也愿而夭也婦章氏年廿有四耳撫其

孤傷辛壬癸甲者也業之未替也則由未祈同  
室之爲政者有則矣是仲大公之澤三世也儒  
也有雋才以節且頌天人之相爲定也夫死而  
不亾天者壽矣

靜之

靜之余恒念其才識也時未與耳而何其篤於  
親也瓶之粟且罄必奉其兄雖室中啼饑罔恤  
以已猶能辦憂兄弱耳此其志可與于斯倉而  
靳半菽者道哉去歲丁酉之暮余送仲兄教諭

素園存稿

卷之三

三

府君殞止于環山宗氏天雨雪徑滑靜之勤勤  
先後余與客語能誦余文乃五十年前者也靜  
之時年七十矣日持拈有亡不暇給而強記若  
此察其貌粹然也余六期之踰月獻衣聞其疾  
遂不起時乎竟不與其弟黃太史子第不  
必仕達可貧也書于子第乃靜之父子  
公博士弟也子第善名殷起庠序間矣彼其  
記誦不心所昇靈秀將有所發之也夫

素園存藁十八卷

浙江巡撫  
採進本

明方宏靜撰宏靜字定之歙縣人嘉靖庚戌進士  
朱彝尊明詩綜載其官至南京戶部右侍郎千頃  
堂書目亦同江南通志則載其奉使入浙擊水寨  
寇論功當叙中蜚語歸卒贈工部尚書據集內山  
中藁小序稱自撫浙待命凡十載自留京歸田經  
廿載葉向高序亦云然是宏靜實自南京罷歸通  
志所記偶誤也是集目錄祇十六卷而書實十八  
卷其目錄之次序前後參互亦與卷內不合皆校  
刊之疎漏又千頃堂書目載是集作二十卷殆初  
刻十六卷後增至十八卷又增至二十卷而目則  
未改歟

雲山堂集六卷

〔明〕魏裳撰

浙江圖書館藏明萬曆七年魏文可刻本

附《四庫全書總目·雲山堂集

六卷》提要

魏順甫雲山堂稿序

嘉靖中濟南李于鱗吳郡王元美先後為郎比鄰同舍友善各習古文詞為藝士嚆矢卒亡有應之者至庚戌舉進士順甫魏先生吳明卿自楚宗子相自廣陵徐子與自吳興梁公實自嶺南余德甫自豫章不佞佳胤自雲山堂集序

蜀始左右二子講業燕中甚盛其時當分宜濁亂之朝諸曹郎爭健好去為美官而側目吾黨益急尋相繼散黜殆盡惟先生以樸茂長者得需次請郡去顧不佞無不交驩諸子獨與先生遇甚左當庚戌而同釋褐也不佞即令白馬矣又三年入郎司農先



生憂歸矣迨先生兄喪還不佞敗居  
宛丘矣相避之巧若或使之曾未嘗  
與先生授簡須臾嗚呼異哉後先生  
罷按察歸不佞稍稍起迫欲從楚使  
起居亡恙而內問奄至嗚呼哀哉先  
生平生著有雲山堂稿六卷長公文  
可來丞敘郡授梓成帙介使山中以  
雲山堂集序  
問序於不佞不佞率業一過而歎曰  
語云長策屈於短造胡忍於先生見  
之哉始先生抗俗自厲嚶然尊古而  
卑今直將虞帝登壇禹臯就列后夔  
擊石相與陳謨賡歌而後先生嗜古  
之心始快故先生於古書無所不窺  
文非左國兩司馬詩非建安上曆則

不以寓目有所屬辭寧玉而瑕毋石  
而璠寧寂寥而合毋奇肆而離不獵  
境以困才不鑿空以掩學辭因乎意  
之所止篇束乎法之所裁專詣為工  
匠心獨苦元美評先生文精刻削法  
森森立不以藻競詩如黃梅坐上人  
談上乘不失門宗然則吾黨之有先  
生猶漢將中之有長樂衛尉者乎不  
佞少先生八歲顛毛種種聞先生髮  
甚鬢神氣充然如少壯人而日手一  
編若不自得於千古之業必求詣乎  
大化之境而竟已矣豈非為短造所  
屈哉元美吊先生文曰新蔡之鋒芒  
銅梁之膏乳立以豫章之骨君後叅

而謂四甫又曰子相白骨于鱗黃土  
三甫之外明卿子與所謂甫者不佞  
其一也不佞何敢望先生堂廡乃元  
美沾沾不置哉今先生往矣子與近  
復捐館舍而生者越在吳楚間不佞  
寥寥無與為質猶幸得序先生之集  
以吐平日欲盡者假令先生而有知  
雲山堂集序  
四

萬曆  
甲午

御史  
中丞

魏順甫先生詩文敘

嗚呼亡友蒲圻順甫魏先生集也梓  
徒為曾使君齋閣中自茲愛以傳焉  
普矣使君有神交哉先生性沉介篤  
信好古在諸生時即已博雅高等屹  
稱作者既釋褐余蓋與同試吏天官  
時天官督諸試吏者治律先生屬屬  
雲山堂集序  
一

日治律不踰月律具精乃督者校法  
比諸夥然摹代者先生獨自置辭即  
平亭撫撫文輒中雖老吏傍盡懾同  
座者間譚他執即至雄辨遞相詡下  
先生貼坐聽終不一語其沉沉卒業  
第在律也蓋先生所事專精類若  
此矣無何拜刑部主事主事出曩所

治律用輒當即何更有事署中乃與  
同舍者治詩若文是時歷下李于鱗  
吳中王元美方主盟執壇先生與二  
子最深時余移疾去與先生別乃聞  
先生苦心覃思即衡間馬首不輟豈  
亦杜陵老有癖耽也今其詩婉縟而  
巖文簡拔而逸間稍犇放則紫電遊

雲山堂集序

二

龍汗漫迅發讀者茫自失大都矩矱  
漢魏搏掩造化然矣先生譔有楚志  
若干卷存笥中元美氏大雅不輕肯  
游揚人董于先生力稱良史才其語  
在所為傳中乃終當與馬遷班固書  
並流天地則豈謂先生此集不千萬  
世哉今人率論吾庚戌榜中不任貴

震第獨多詞人乃楚中茲更多先生  
既雄長又下雉吳明卿京山高伯宗  
馮上陳憲卿相鼎立雲夢間高視一  
時先生却又又有文可長公能嗣其業  
陳若吳俱蒸蒸起今于獨京山獨零  
至盡也余蓋題先生集重有存沒之  
感焉

雲山堂集序

三

萬曆七年中秋日巴西友人陳安履  
于韶甫頓首譔

中憲  
大夫

同榜  
呂弟

魏順甫傳

魏順甫者名裳世為蒲圻人大父濬隣水令以治稱去而其人祠之學宮有三子伯正時有隱德仲正初為襄長史季正蒙曰中憲君順甫父也以順甫貴封如其官順甫之從長史遊太學則已讀周禮左氏國語及唐李杜名家言矣居恒謂生當以三尺素蒙於古人間安能吾伊學官語耶十六試諸生高等是時廖學士鳴吾家順甫傳

居觴諸生而學士雅自負博而辨又貴倨也所引說經史連拄諸生口獨順甫避席奏對不窮又所請益時時出其表學士自失曰何物少年乃爾延三冬耶諸生亦大喜謂阿游胡渠使五鹿少府角折也蓋又十餘年而舉鄉試又四年而成進士授刑部山西司主事喪其嬖劉恭人請急歸復守故官始與予及李于鱗輩遊而好為古文詞順甫自以材不稱諸子益自刻苦晝

從曾中治司空城旦小間即開卷非夜分弗釋也而會母李恭人疾順甫廢寢食而侍者月餘博穎顓天者無數以是亦羸困而李恭人竟下順甫痛哭不欲生一夕亦絕旦而蘇時同年李師孟吳明卿視之順甫張目曰得從先恭人地下無恨以後事累二子二子曰咄嗟不有而翁在耶順甫乃稍稍就粥飲杖而起然當其委頓時已為李恭人屬草謁余銘矣服除當補官三順甫傳

月餘不報人或謂順甫不當有所造請耶順甫笑曰我一款段馬不數步而僵且歸矣亦不知何門可造請父之復補山西司順甫凡三為其司主事同舍郎皆後進據其上而其於推案文法無害咸拱手矣已稍遷貢外郎郎中最後為濟南知府時于鱗已棄官里居一切謝客順甫三及門而不見以一蒼頭報謝人或謂曰與若部民胡倨也順甫益往候之于鱗不自得乃出

飲談詩甚懽順甫性高簡亡所過從所過從必于鱗即司于鱗亦無他客也以是竟其任時或謂順甫文章士心易之然其為刑部甫蒞事而寬大同參議獄爭於其長及執政莫能難也決大獄江左譽其情稍有間者即為讞語著於牘以授御史故于守濟南益敏練有聲是時寇蜂起齊魯間順甫畫策誘誅其渠率數人而散其黨使歸耕曰汝第為善不汝曩也所屬邑獨章

順甫傳

○

三

丘腴而其人最苦徭賦則皆為豪所侵順甫奮身往悉逮豪寘之理於是伏田盡出而小户大要得足食亡困徭矣於是順甫以最滿封中憲公如其官遷為山西按察司副使分巡冀南道順甫為濟南三歲所得臺史薦凡六最後一不當其意竟以指撻去副使歸是時中憲公尚無恙順甫自意曰吾今乃得稱人子矣所以共奉娛悅百端念其二庶弟弱悉出橐中裝置上座

三百分子之又為置良人室曰及吾父而俾之立也已教授里中諸生成彬彬北面稱弟子父之中憲公卒順甫艾矣而其毀加於哭李恭人時汪伯玉填楚念欲構楚史不就亡能當之者以聘順甫及豫章余德甫德甫有它故不就順甫既服除乃即家開局集諸郡邑博士掌故手裁定之而先上其草伯玉伯玉讀敏傳雜論而喜曰班荀傳也歲癸酉九月余起家為楚按察

順甫傳

○

四

使以書報順甫順甫來武昌而余有嶺南遷且發順甫追及之夜飲於漢陽之晴川閣順甫視二江環流挾月如璧意懽甚謂余曰自吾登天門視日出而于鱗寔偕併是樂為再哉弗可三矣余少於順甫七歲而鬚髮強半白順甫甚異氣充然若少年子余謂大匠匠楚材殆遍將無及于耶笑弗荅蓋別之八閱月而順甫卒矣順甫所為楚史凡七十六卷數十萬言而是時楚人

何亦亦為楚史成俱上之臺或言二史當合者  
順甫意不懌曰五色有可合也者而淄白不可  
合也毋已則寧懷吾史乎蓋順甫疾所繇心血  
耗則以楚史故既屬續謂其次子彬如曰數盡  
矣夫吾詩與文孰傳哉其屬之元美遂瞑得年  
五十六順甫為人溫溫長者而性特介於取予  
辨毫髮不苟所善如于鱗明卿及吳興徐子與  
順甫皆兄事之所最莊事于鱗亦且于鱗故推

順甫傳

○

五

東郡謝生一日謝生恨于鱗數其郡不法事衆  
默然順甫獨前質曰為先生見之耶抑聞之人  
耶生遽曰亦聞之人耳順甫曰于鱗之善先生  
天下莫不聞先生宜得之矣今以人言而遂信  
之則不明有所聞而不以告于鱗則不忠不以  
告于鱗而告之士大夫顯者則不厚蒙請改事  
矣遂拂衣去謝生譖乃敗順甫所習自經典子  
史諸天官卜筮龜策地理家言靡不精究其詩

最善近體沈鬱勁壯有河朔風於文尤精刻削  
法森森立不以藻競夫治飾澹辭侈靡為市門  
粧者見順甫可愧死已順甫有四丈夫子樸如  
為衛輝同知彬如累如皆邑諸生有文彩樂如  
尚幼

贊曰夫以順甫之便吏治不苟取予又溫溫長  
者其才行足蔽官而竟不達何也或謂順甫死  
已耳不死將有所為士固未可知以順甫之為

順甫傳

○

六

楚史而天假之日又不使猥管雜之既成而不  
得獨奏又寧獨官也雖然以順甫而不得竟循  
吏良史詣則可將不得稱循吏良史也哉友人  
吳郡王世貞誤

雲山堂集卷一

詩目

雪後朝天宮習儀

上陵二首

徐子與上陵風雨

大司寇顧公還山歌

尚侍御金山寺留別得舟字

吞海亭得聲字

雲山堂集卷一

冬夜飲高伯宗宅喜令弟叔崇至得花字

西山晴雪

蜡日集况吉夫宅

白雲樓同伯宗晚眺兼別王元簡

送梁公實還南海

九日同伯宗登白雲樓二首

月下歸舟別尚侍御限韻

春夜集張助甫宅

元夕助甫宅賦得火樹銀花合

人日同王元美過子與懷明卿

北園晚眺兼別尚侍御

草亭夜集再別尚侍御

李太常山居簡寄

春日過明卿懷元美

簡吳明卿

過李于鱗懷明卿

雲山堂集卷一

別李伯承

送劉駕部省覲二首

贈王侍御二首

詠橫崖隱君二首

為元美贈楊生

送劉子成僉憲貴陽

春日寄元美

雪夜懷元美

送子與之汝南

雪夜集尚侍御

正月十六夜于鱗子與元美見過得才字

晚春同子與元美游姚園得飛字

尚侍御宴金山寺賦得殘字一聯見示足

成簡別

三月三日同子與元美宴茂秦姚園得尊

字

雲山堂集卷一

三一

高伯宗况吉夫汪正叔李伯承席上分韻

二物限秋字

月夜竹林別尚侍御

懷子與

送鄉人之宣府幕

上已姚園二首

登毘盧閣

送少宰孫師之南大宗伯

送吳子修按滇中

上已常園別友人

春日集戴金吾宅

伯宗署中盆荷盛開

子修按滇中便道窺觀

喜元美至

從軍行

夏日諸寮招飲徐園得渾字

雲山堂集卷二

四

送李宗器別駕還鄴

送萬比部兵憲雲南

送伯宗奔母喪還楚

送人使琉球二首

子與至京師得守汝南

送陳即中之隴右督學

李比部加恩大母

冬夜同伯宗過李伯承飲大醉各賦長句



白雲亭為正叔賦

金山行同尚侍御賦

為子與贈吳生

黎惟敬宅別子與

開元寺觀為亭為秦憲伯賦

尊賢祠

送何中丞赴江右

送陸子韶守豫章

雲山堂集卷一

五

恩榮雙壽為李師孟賦二首

張氏竹園別子畏去蜀

送郭給事伯兄之廉州理

寄子成

送于鱗之順德

寒夜同元美過子與得于鱗書

秋夜同子與過子成待月懷于鱗

諸省寮見過賦得七賢障子

徐給事歸省

武進士井陘省觀

寄元美

雲山堂集卷一

六

雲山堂集卷一

楚藩圻魏蒙顧甫著

雪後朝天宮習儀

東風初上萬年枝  
霽雪光搖赤羽旗  
雲淨蓬萊通御氣  
天開元會盛朝儀  
千山曙色浮金掌

三殿春暉動玉墀  
聞道祈年勞

聖主甘泉誰繼子  
雲詞

上陵二首

雲山堂集卷一

七

諸陵佳氣鬱重重  
玉殿高寒俯萬峯  
華表月明空伴鶴  
橋山雲起自從龍  
庭階露色三珠樹  
輦道寒聲五鬣松  
委佩秋園芳草歇  
遺弓寂寞悵仙蹤

其二

玉衣飛去自何年  
古柏蒼蒼入暮烟  
紫殿秋陰千嶂外  
瑤臺風雨百靈前  
旌旗縹緲雲霄動  
燈火依稀樹杪懸  
應有芝生甘露殿  
漢臣先擬上

陵篇

徐子與上陵風雨

白日風雷碣石來  
祠官初出建章臺  
振衣萬樹寒聲落  
躍馬千山暝色開  
漢室諸陵天子氣  
文園異代長卿才  
洗兵况復黃花雨  
一夕攪搖已盡摧

大司寇顧公還山歌

君不見陳昭公當年賜綬明光宮  
又不見鄭仲

雲山堂集卷一

八

虞一朝謝病乞江湖  
英雄出處貴自我  
通人大觀無不可  
眼前懣前何足疑  
陸沉自與聲名左  
憶昔召見黃金臺  
碣石萬里浮雲開  
睥睨壯心俯蒼昊  
縱橫逸氣行風雷  
竭來執法入承明  
天子星辰聽履聲  
紫劍雄峯驚八座  
金莖秋色相崢嶸  
鵬鵬變化誰能測  
垂天忽奮圖南翼  
西北山河戰角悲  
東南氛祲拂軍麾  
乾坤瀕洞莽迴互  
溫蠖寧容世態為  
嗟哉末路黃金劇  
孤懷

慘淡成餘跡炯炯寸心君自丹茫茫世眼翻能  
白天目高連太湖開浮雲長自署中來烏程之  
酒差快意千古寤愁安在哉

尚侍御金山寺留別得舟字

莫道離筵劇還因古寺留江山浮遠樹樓閣枕  
寒流一濯中冷水如乘雪夜舟平生期五嶽今  
與尚平遊

吞海亭得聲字

雲山堂集卷一一〇

九

高閣還吞海登臨獨有情開簾來野色倚杖度  
鐘聲鷗鷺尋前落星河雨後明滄洲吾暫許何  
計謝塵纓

冬夜飲高伯宗宅喜令弟叔崇至得花字

禁苑鐘聲散晚鴉芳筵列炬興偏賒郢人共和  
尊前雪漢使初回海上槎把袂劍光搖斗宿開  
簾月色遍天涯德星此夕驩相聚況對君家常  
棣花

西山晴雲

剡苑春回雪未殘西山積素失青巒先搖三殿  
晴雲合色照千門曉日寒瓊島忽移天闕近  
玉峯遙倚帝城看梁園此夕還堪賦况復鄒  
枚興未闌

蜡日集况吉夫宅

令節芳筵集上賓天涯歲暮轉相親聲名豈羨  
郎官草詞賦還傳郢雪春燕市放歌非縱酒文

雲山堂集卷一一〇

十

園多病實藏身近臣此夕應承寵醉捧銀罍下  
紫宸

白雲樓同伯宗晚眺兼別王元簡

賦客風塵感滯留白雲天地此登樓簾前夕照  
浮仙閣檻外城陰落御溝彩筆憑陵開暝色清  
尊長嘯坐高秋仲宣不用悲離索到處招尋足  
勝遊

送梁公實還南海

執戟丹霄近含香粉署清西曹新起草南海舊  
知名作賦唯王粲憂時獨質生抽簪辭鳳闕  
采藥入羊城傲吏孤懷遠狂生萬事輕秋帆乘  
月下畫錦傍花明醉裏青山興歌餘白雪聲東  
山寧臥久題柱軫群情

九日同伯宗登白雲樓二首

鷗宮風塵鬢欲絲高樓秋色自堪悲黃花對酒  
開何晚白鴈銜寒度亦遲令節已傳驛客賦芳

雲山堂集卷一〇

十一

楚不顧尚書期百年此會誰能數長嘯青天重  
所思

其二

白雲樓閣倚天開落日秋陰樹杪來倦客登臨  
羞短髮孤懷潦倒付深盃峰烟未散飛秋色詞  
賦堪憐戲馬才遙憶甘泉清宴罷近臣多佩紫  
萸回

月下歸舟別尚侍御限韻

江上別筵開波搖海月未共登青雀舫遙望白  
雲臺招隱空乘興銷魂總愛才萍踪何日定天  
地此銜盃

春夜集張助甫宅

萬象新茲日蕭條尚朔風年華雙鬢改客思一  
尊同雪色金莖上春聲玉漏中青陽應有曲早

達建章宮

元夕助甫宅賦得火樹銀花合

雲山堂集卷二〇

十二

玉樹迎春早瓊英照雪飄莖疑仙掌動先是燭  
龍搖剪綵寧堪並催花未足驕相逢明醉眼更  
擬脫金貂

人日同王允美過子與懷明卿

去年徐幹同吳質嘯侶風塵日相睚狂來擊筑  
歌所驚白雪歌聲四座失迹時湖海多烽烟南  
北東西散何卒萬象春回鄒衍律黃金世路餘  
蕭瑟詞臣謝病賦長楊

聖主祈靈祠太乙俯仰乾坤思轉孤胡為不促  
高陽滕

壯固晚眺兼別尚侍御

崔嵬山寺俯江干雨後登臨躡屐難鐘磬漫催  
黃葉下樓臺高枕白雲寒烟迷楊子潮聲落日  
速扶桑海氣殘勝地相逢還惜別天風蕭瑟酒  
盃寬

草亭夜集再別尚侍御

雲山堂集卷一

十一

乾坤誅蕩此孤亭簾捲高雲入翠屏執戟一經  
寧尚白步兵雙眼更難青經年渴病還仙露萬  
里風烟自客星漂泊不須論去住由來踪跡是  
浮萍

李太常山居簡寄

十載明珠重所投海天寥廓暮雲浮醉來萬事  
無青眼老去孤吟有白頭龍劍精光寒北斗  
珠夜色照高秋栢梁宴罷詩名在蕭瑟那堪桂

樹留

春夜過明卿懷元美

同袍春草薊門深留滯王孫桂樹吟袖裏不忘  
三歲字琴中自有百年心客星伴我多寒色雪  
夜懷人獨雅音共道天南高紫氣蒼龍臥康樂  
招尋

簡吳明卿

騷人握手又長安回首風塵道路難萬事悲離  
雲山堂集卷一

十四

仍擊筑齊名天地豈彈冠杯傳白雪春聲滿坐  
倚青萍夜色寒無那長卿仍卧病金莖猶作舊  
時看

過李于鱗懷明卿

論交遲暮轉相親回首烟雲感慨頻十載江湖  
能傲吏中原岳牧半詞臣歌前把劍風雷動雨  
後登樓海嶽新落日灌園君有意年來白眼倦  
看人

別李伯承

雙劍一朝別孤蓬千里征  
驪歌送寒色燕筑動離聲  
客久情偏劇時危氣未平  
相思還遠道夜夜使呈明

送劉駕部省覲二首

寶發開南極金泥照北堂  
春花王母宴畫錦尚書郎  
把酒潘園賦趨庭漢署香  
還朝應計日起草侍明光

雲山堂集卷一

十五

其二

倦遊燕市客賜告 漢皇恩  
春色萊衣動時名 郵雪存  
離筵寒雨歇歸騎朔雲繁  
庭草萋萋日遙知慰倚門

贈王侍御二首

悵別金門日烟花滿 帝畿  
劍回南斗色旌捲朔雲飛  
烏府鳴騶迫燕河過鴈稀  
雨化臺上月遙望兩依依

其二

漢庭驄馬使秋日鳳凰臺  
名藉張綱疏詩傳謝眺才  
石城明月滿江浦暮雲開  
長嘯新亭下何人對酒盃

詠橫崖隱君二首

羨爾烟霞侶幽居遠世塵  
臺中探秘訣河上契天真  
步月青藜杖臨風烏角巾  
北牕還醉臥知是上皇人

雲山堂集卷一

十六

其二

築室橫崖下遙占處士星  
高歌傳白雪逸興寄黃庭  
江海容疎放乾坤任醉醒  
洞雲深鎖處不愧北山靈

為元美贈楊生

藉甚少年場五陵輕鈔客  
俠氣凌虹霓雄心結朱刺  
託身白刃露肝膽呼盧百萬快  
一擲趨捷慶忌勇專諸  
駭騰裂眦秋雲白吳越  
夷夷大充

斤殺人如麻海水赤撫劍揮戈俯東極天地黯  
慘無顏色有時叱咤倒崑崙材官健兒皆辟易  
直斬鯨鯢翻海雪將軍樹下爭獻馘功成自編  
壯士籍散髮扁舟從所適王生為子歌都護大  
海茫茫起烟霧君不見孟公槐里稱獨步

送劉子成愈憲貴陽

送君孟酒剡門夕握手乾坤一蕭瑟河梁日照  
劍光寒易水歌流羽聲疾憶昔同登紀郢城視

雲山堂集卷一

七

融峒嶺回崢嶸黃鶴飛樓掛北斗酒酣大嘯長  
風生邇來共賦燕京行劉生似自安東平西曹  
心事馬官知時危更惜縉雲司登樓明月天驕  
絕揮羽東風走月文明光殿前新樓櫓千雉從  
今壯三輔

天子應論保障才多君更接樊侯武澤門之哲  
邑中點報國深知二子心自把青萍當紫氣誰  
憐白雪盡黃金五陵溪接夜郎西萬里烽烟動

鼓鼙赤海陰陰大鯨出滄波漠漠貼為低嗚呼  
羅施豈絕域氛擾胡為未全熄君驅壯士挽天  
河洗淨銅標鎮南極

春日寄元美

燕臺遊客競黃金搖落孤臣去上林招隱江南  
春草色懷人天際暮鴻音度刀自擬功名薄耶  
雪還看意氣深醉倚青萍君把贈幾迴風雨作  
龍吟

雲山堂集卷一

七

雪夜懷元美

惠文冠着

主恩深畏路悠悠白髮侵傲吏一尊開北海笑  
人千里憶南金論心往事天難問搔首浮名陸  
易沉獨對春盤歌夜雪幾時乘興復山陰

送子與之汝南

鳴珂曉散未央鐘濁酒燕關春色濃馬度黃河  
芳草合鴻飛碣石暮雲重揮毫露白金人掌卧

問天開玉女峯莫向秋風輕綠綺知音自古  
難逢

雪夜集尚侍御

朔風吹雪滿霜臺歲晏相逢數舉盃  
受簡更成梁苑賦談經還羨子雲才  
燈前疎影連飛藻笛裏寒聲送落梅  
典劇不辭良夜醉江城鼓角重相催

正月十六夜于鱗子與元美見過得才字

雲山堂集卷一

九

金吾仍罷青霄禁玉樹同傾嘯侶杯  
天地春殘歌裏雪關山寒落笛中梅  
晴雲北斗闌干度華月西城睥睨來  
火樹歲華堪醉眼露莖消渴自仙才  
未央漏盡千燈亂長樂鐘疎萬戶開

聖主宵衣還待旦祠官太乙曙光廻

晚春同子與元美游姚園得飛字

此日仍三益芳亭對夕暉開尊黃鳥下  
投簡白雲飛吏隱名兼得寤寐忘  
違尚書期敢負吾

自宦情微

尚侍御宴金山寺賦得殘字一聯見示足

成簡

吳門雪後倚闌干把袂須臾對酒難  
白首交情憐聚散黃金世路動悲歡  
江拖足鍊潮聲壯霞繞千峯曙色殘  
雙劍乍分應更合歸來長向斗牛看

三月三日同子與元美宴茂秦姚園得尋

雲山堂集卷一

〇

十

字

同遊俱傲吏高會復名園春色桃花  
水風源竹葉尊異鄉佳節換多難故  
人存慷慨玄暉賦幽懷此共論

高伯宗况吉夫汪正叔李伯承席上分韻

二物限秋字其一橘

佳橘生南國文園思獨幽烟含千樹  
色霜老萬山秋名藉靈均重才因子  
建收江陵自樂上無



意義封侯

其二 楓

漢陸名偏重吳江賦自幽不隨芳草歇獨立萬  
山秋鑽火寒先動含霜赤色流招菟還楚客千  
里入春愁

月夜竹林別尚侍御

遙夜高風吹竹林攬衣促膝短長吟聲催鼓角  
驚寒早翠拂樓臺隱霧深遠俗乍疑三益還愁

雲山堂集卷一一〇

主

時獨抱七賢心江天漠漠孤鴻遠何日加餐慰  
好音

懷子與

頻年烽火近長安關塞蕭條行路難亂後客心  
愁裏折別來書札夢中看玄經草罷時名左白  
石歌成夜色寒明月五湖堪歇滿懷人千里正  
凭闌

送鄉人之宣府幕

說劍并州日彈冠楚客逢朔風吹盡角霜月  
瑯弓白羽徵兵急黃金募士雄雲中邊氣合谷  
上戍烟通入幕千夫勇封侯萬里功還將黃石  
畧早破黑山戎

上已姚園二首

疎放應吾黨浮沉豈世情蘭荷驅病色山水薄  
浮名得句千人廢街孟萬事輕風塵餘杜曲驩  
賞遲狂生

雲山堂集卷一一〇

主

其二

休沐逢

明主疎狂自野夫地偏吾黨聚天闕此亭孤  
馳蕩來春色悲歌狎酒徒相期崇令德日月任馳  
驅

登昆廬閣

登高非淺興送遠對朝氛塔影懸青嶂鐘聲散  
白雲杯從雙樹把歌自九天聞一別緣須合何

時把紫芬

送少宰孫師之南大宗伯

仙掌高寒曙色開尚書曳履下蓬萊望懸北斗  
時名重地入金陵王氣迴獻納久傳三駁疏風  
流真羨兩都才已知門下侯芭遠問字何人載  
酒來

送吳子修按滇中

輜車迢遞餐長安霜簡憑陵白晝寒萬里星辰

雲山堂集卷一

三

占入部幾年書札慰加餐雪天瘴海桐花出秋  
色寒江木葉丹明到瑤鷄應駐馬肯賢詞賦共  
誰看

上已韋園別友人

官樹催行色佳辰集遠坳白雲還杜曲綠醕即  
蘭亭馬度千山雨歌回萬木青同遊俱醉眼別  
後更誰醒

春日集戴金吾宅

旅食淹京國春杯撥歲年日華仙掌上寒色成  
關前綠綺吾相得黃金客自偏天涯頻握手鄉  
思總依然

伯宗署中盆荷盛開

芳庭把酒夏雲降曾事還拚爾百休忽憶來蓮  
清曲好尋前還少來蘭舟

子修按滇中便道省親

西南柱史一星懸假吏還瞻攬轡前入部驚看

雲山堂集卷一

三

驄馬使平夷擬就白狼篇聲名憐望浮標日詞  
賦相如擁傳年此去趨庭春色滿編衣兼錄更  
翻翻

喜元美至

使節翩翩到漢京雨中秋色對金莖寒腸白眼  
真違俗執戟玄心肯近名寥落文章千古恨悲  
歌天地故交情烽烟此際堪招隱共憶山中桂  
樹生

從軍行

夜夜擊刀斗何年  
便得休將軍屯霸上  
不日又封侯

夏日諸寮招飲徐園得渾字

夏木陰黃鳥喧招携賦客  
此名園長安日夕  
還車馬河朔風流共酒尊  
綵筆已隨仙吏合白雲  
還傍省郎繁幽懷到處堪  
派憇還勝何煩更陸渾

雲山堂集卷一

〇

二十五

送李宗器別駕還鄉

上國簪初盍西園典復豪  
交情燕市筑行色呂  
虔刀玉樹春光滿金莖露氣高  
寒星催去節芳草照征袍  
名豈齊竿蓋歌仍郢雪操  
何時青玉案一寄白雲曹

送萬比部兵憲雲南

仙郎擁傳出燕關  
開府西南控百蠻  
萬里烟濤青雀舫  
千秋詞賦瑤鷄山

主恩題柱雲霄上  
時難論兵天地間  
春到昆明懷漢苑  
幾回鳴玉共朝班

送伯宗奔母喪還楚

文園多病轉相親  
搖落秋風白髮新  
寂寞潘輿傷往賦  
淒涼郢調倦游人  
雨聲萬壑懸江樹  
暝色孤帆落漢濱  
此去烽烟開北極  
側身天地更沾巾

送人使琉球二首

雲山堂集卷一

二十六

鳳衛仙詔下彤庭  
萬里仙槎自客星

漢主恩波春浩浩  
海天雨色晝冥冥  
匡衡心事元焚草  
陸賈聲名獨汗青  
莫以路岐悲去住  
雙龍南斗正先榮

其二

抗疏聲名在漢庭

主恩持節下高冥  
歌前把劍雲陰慘  
天畔題詩海色青  
鳳詔春暉頒紫極  
麟袍曙日照滄溟  
仙

從萬里歸來日回首扶桑已勒銘

子與至京師得守汝南

薊門楊柳又同攀  
詔下移官汝水間  
傲吏風塵常白眼  
哀時詞賦擲朱顏  
燕關夜色雙龍動  
梁苑春暉五馬還  
回首莫論天闕遠  
五雲長望紫宸班

送陳郎中之隴右督學

清時草奏出明光  
春色銜恩下建章  
此去蒼

雲山堂集卷一

三

梧收左氏向來京  
兆簡田郎山迴日  
月雙輪合水繞湘  
離一派長回首謾  
論霄漢遠征鴻千  
里暮雲翔

李比部加恩大母

仙郎一蹕未央前  
闕下爭傳李密篇  
心事獨憐持硯日  
思片長憶澤中年  
郊原寂寞來秋色  
草樹蕭疎入曉烟

聖代祗今新寵渥  
懷清不獨古人傳

冬夜同伯宗過李伯承飲大醉各賦長句

燕山冬夜月如霜  
朔風颯颯吹長楊  
騷人獨抱凌雲氣  
欲騎星駟趨河梁  
相逢且和陽春曲  
置酒高堂秉蘭燭  
如渑百斛吸長鯨  
縱倒玉山歡未足  
酣歌據地眼復醒  
赤手還把蒼龍精  
攪撈太白不敢動  
憑陵大叫北斗傾  
高城亂柝聲更苦  
中夜聽鷄還起舞  
未央寒漏滴千門  
長樂疎鐘開萬戶  
漢家天子明光宮  
太乙祠官曙色中

雲山堂集卷一

三

白雲亭為正叔賦

山川悠遠白雲飛  
亭上露晞澹夕暉  
寒廓總看低玉樹  
氤氳猶恐濕仙衣  
蒼梧晝暝雙龍起  
汾水秋風獨鴈歸  
若到蓬萊成五色  
大人賦筆有光輝

金山行同尚侍御賦

君不見金山翠律三江口古木啼猿無不有  
前作賦感蕭晨洞裏何人探小酉振袂秋風萬  
里寒偶同驄馬卸征鞍波濤自藉霜臺色搖落  
難開楚客顏白雲寥廓迷天地曹郎杜史雄相  
視一時詞翰起交驩千載登臨稱傲吏痛哭空  
停阮籍車剡溪夜雪興何如那能便謝金門籍  
歸向此中聊著書

雲山堂集卷一

无

為子與贈吳生

吳生本自餐霞人壯遊萬里來幽并珠袍錦帶  
縵胡纓吳鉤拂霜遠花明風塵意氣何跌宕千  
金然諾山海傾上客扶風四座驚甲中年少惜  
高名呼盧壯心驚一擲酒酣長嘯秋雲生不彈  
馮驩鉞寧割華歆席捫蝨睥睨無侯王屠羊輕  
揖二千石一朝擊筑和徐卿燕市看君自高格  
海內明珠遂爾投頓令逆旅來詞客君不見侯

生把臂交公子盧門千古名猶籍

移惟敬宅別子與

越客銜金薊苑春黃金世路轉相親功名荏助  
應能薄心事揚雲好共論把袂德星占太史離  
楚郢雪和驢人漫從牌樓看離合千里加餐到  
馬頻

開元寺觀壽亭為秦憲伯賦

風塵玉羽淨松林懷古于今意獨深悟休定知

雲山堂集卷一

三十一

宜惠遠揮毫豈遽失山陰鳴城晝暝生寒色驚  
嶺天空送好音辭倚芳亭貪佛日白雲寥廓短  
長吟

尊賢祠

崧岳高才衆所憑西州風雨颯淒其草青遠憶  
樂公杜雲白應疑石相祠創去斗牛多異氣琴  
仁山水動長思遙知伏臘追趨地定有招魂續  
楚詞

送何中丞赴江右

元戎建節下雄藩 北極親承寵渥恩  
推轂大名傾上苑 佩刀秋色照中原  
愁時問俗心逾劇 舊地傳經道益尊  
漢帝虎符應重發 風塵知己淨乾坤

送陸子韶守豫章

陸機名重豫章行 竹使新符出漢京  
自是淮南須汲黯 非關嚴助厭承明  
銜盆滕閣來秋色 握管燕關到鴈聲  
莫謂雲山堂集卷一〇 三十一

君門千萬里 五雲回首是金莖

恩榮雙壽為李師孟賦二首

翩翩青鳥自明光 到日南山獻壽觴  
郢里加恩還水部 漢宮題柱有田郎  
璽書雙拜金泥重 帝澤重滋玉樹芳  
此去趨庭春色滿 萊衣況是握蘭香

其二

趨庭畫錦尚書郎 獻賦聲名在柏梁  
天上彩飛紫詰山中神 雀報金章恩霑湛  
露雙莖滿春到高雲五色翔 舉案白頭還對酒  
不知裘褐有輝光

張氏竹園別子畏去蜀

芳園共喜辟疆偏 明月還開送別筵  
搖落萬山秋色遠 江湖千里客星懸  
論心漫擬思玄賦 報主應傳諭蜀篇  
此夜更憐看竹意 幾時長嘯復尊前

雲山堂集卷一〇

三十一

送郭給事伯兄之廉州理

新承天寵下蓬萊 濟世還推郭隗才  
說劍雲陰生海嶠 離筵秋色滿燕臺  
平反慰母時名重 節操承家舊業培  
開府即今臨合浦 月明應見夜珠回

寄子成

燕市狂歌託

望朝朝雲寒色慘蕭蕭  
鸞鴛遣使炎天盡白羽  
三兵救氣遙客和陽春  
纔宋玉主恩華髮自班  
超愁人桂樹淹留日長  
憶王孫作賦招

送于鱗之順德

故人天上惜離群  
遙指青山一送君  
官蹟風塵堪汲黯  
詞林秋雨憶揚雲  
雙龍夜色歌前動  
五馬寒聲醉後聞  
知爾愁時多白眼  
松琴何日對斜曛

雲山堂集卷二

三十三

寒夜同元美過子與得于鱗書

薊門風色莽蕭蕭  
擊筑高歌恨未銷  
傲吏遙從東海卧  
尺書重憶小山招  
百年心事堪杯酒  
異代勲名豈市朝  
南望美人烟樹隔  
側身還擬報瓊瑤

秋夜同子與過子成待月懷于鱗

上客西園作賦才  
青天問月此徘徊  
關山寂寞桓伊笛  
河朔風流袁紹杯  
五長樂露華金狄掌  
單

于秋色白登臺懷人開府逢搖落何日高雲過  
鴈來

諸省寮見過賦得七賢障子

余本楚狂生藏身金殿間  
蘭省何曾非吏隱  
竹林底事相追攀  
巨源未起河陽日  
七賢共促尊前膝  
世變黃金自鬼神  
清操忍使時名失  
寒影蕭蕭聲撼撼  
臨風忽似回鸞翮  
堂上休噴青眼人  
坐中盡是白雲客

雲山堂集卷二

三十四

徐給事歸省

甘泉賜對

主恩深抱病年來自越音  
休沐暫辭溫室樹  
閑居長動板輿吟  
白華春色趨庭日  
玄草風烟倦客心  
况復王孫歸來晚  
山中叢桂幾招尋

武進士井陘省觀

漢京上客已公車  
一疏明光且故廬  
夜雨淒涼黃鵠詠  
春花飛動紫泥書  
懷清臺上

君恩重滿令園中客賦初別後薊門芳草色不堪回首意躊躇

寄元美

湖海交遊散各天風塵白眼竟茫然齊東爾結田文客郢上誰歌宋玉篇心事已拚投轄醉聲名不假佩刀傳匣中龍劍雌雄在遙夜精光燭斗邊

雲山堂集卷一

○

三五

雲山堂集卷二

詩目

送陳比部督學山西

曹卽中父母封壽

曾以三席上別京邑友人

種蘭為戴金吾伯常賦

送明卿還武昌

奉使江南別京邑同好

雲山堂集卷二

○

得于鱗書

東于鱗

懷明卿

子夜歌簡子與四首

看花

子夜

林邦陽督學越中

苦熱行

對月別張子畏

對菊別子畏

秋日即事

九日省中

夜雪

送李宗器別駕還鄴



琴泉堂為伯宗乃翁賦

崙山為嶺南歐生題

送譚別駕之漢州

薛荔園為子與賦

寄伯承  
為謝山人贈顧生還吳

午夜集伯承宅

送元簡使歸省觀

廬墓加恩卷  
玉河隄留別正叔

雲山堂集卷二

別元簡  
陸文學哀贈大理評事

張令尹祠堂  
秋夜問砧

送孫衛幕  
伯承初度

瑞室  
送西溪陳山人

送莫尉還桂林

送元美使江南

陶母加恩卷  
子與見過

送譙比部還蜀

寄于鱗母

送翟二守奏最

于鱗山樓避暑二首

別張轉運伯貞

伯貞之河南枉詩荅贈

招于鱗遊龍洞阻雨過于鱗

春夜同于鱗宿龍洞山寺二首

洞中簡于鱗二首

雲山堂集卷二

潘王九日招飲

潘王枉詩賜菊賦謝

于鱗浮海遂往嵩山雲中過訪不遇

還郡留別諸山人

過順德懷故守于鱗

過鄴得謝茂秦書

茂秦之衛道中值余即返

寄元美  
邵中荅元美見寄

甲子除夕過于鱗

得子與書簡寄

于鱗初度病起之鮑山莊過訪不遇

白雪樓留別于鱗

太山上父壽

子與擢守汀州

問子與病

送十八弟哭母南還二首

白雪樓為于鱗賦

雲山堂集卷二

四

登泰山簡于鱗二首

送陳郡伯謝邑政

熊大母貞德源光卷

至日九華山二首

送張中書河南冊封

送汪幕之南昌

重陽前一日

九日宿雲峯寺二首

風雨舟中留別劉中丞

中丞西園四首 病起得元美書

月夜別友人

熊憲使見訪

憲韓雨中見過

春日憶諸友

吳志道過訪得子與書

送吳少尹之武清

立夏日雨過元相談玄

秋日登雪峰寺二首

顧山人過王子山墅

雲山堂集卷二

五

鄧汝嘉池上放舟

人日憶池上簡汝嘉兄弟

雙鳳朝陽圖

雙池

同元相避暑山中風雨大作

成仁卿見過

送李文學奔父喪還蜀

寄劉文學

謝子與銘先子墓二首

送鄧尉赴大司農幕

送戴司鎮發母還金陵

呈顧蕭伯

荅子與見贈

呈何憲伯

荅子成

王山人過訪賦贈

雪夜曾日者過訪

水漲示十八弟 水漲簡元相

夏日故鳳山書堂納涼二首

九日登王子山 題雲臺卷

毛明府左還 元相鄉飲

雲山堂集卷二

六一

黃鶴樓成呈憲使子與二首

沈斷事辭邑政還省

葉明府謝病還吳

胡仲陽宅紅牡丹

吳嘉魚出示九日鳳凰山詩

冬至吳來鳳移酌舟中

張助甫見過 哀王中丞

永高伯宗

謝司馬父母榮壽卷

陳二守鳴仲還山

送張僉憲之山東

竹塢圖

顧山人季狂六十初度歌

遣興簡子與 憶泰山美人

丁卯守歲 張憲使對雨限韻

送林文學校士京畿四首

登王子山 同元相登雪峰寺

雲山堂集卷二

七一

子與元旦省中 寄子與山中

雨後放舟過吳來鳳山堂

李長史六十 赤壁懷古

五行寮龔生 寄陳明府

問元相馬病 秋日遊鳳凰山

曹子樓成 子與揮滇南

重陽前二日二首

明卿至有感 紫峯為王參軍題

壽星圖

送宋舍官之晉

秋日宴饒使君限松八韻

邵郡伯枉教奉寄

人日簡友人

元相携翠偕往吳寶夫至河無舟

春日登雲峰寺

寄元美

雲山堂集卷二

二〇

八一

雲山堂集卷二

楚蒲圻魏裳順甫著

送陳比部督學山西

清時龍劍別長安紫氣宵從北斗看諫草舊傳

青鎖闥

主恩新着惠文冠談經三晉春雲動攬轡千山

朔雪寒知爾梁園詞賦客相思還擬報琅玕

曹卽中父母封壽

雲山堂集卷二

二〇

九一

題柱聲名在紫宸江湖遠憶白頭人彤雲

北極銜恩重綠酒南山獻壽頻衆榻百年新雨

露斑斕千里離風塵遙知稽首免天日坐樹

庭階萬象春

曾以三席上別友人

交親意氣重詞林客舍其如芳草心午夜重投

青玉案丁年還擬白頭吟東方卧閣迴春色北

馬加餐聽好音宦跡低今仍五馬可能乘興似

山陰

種蘭為戴金吾伯常賦

美人卜簪

帝城東種樹葳蕤九畹中人谷擬傳宣父操盤  
臺還起大玉風采芳春色燕關蕭作賦幽懷楚  
客同此日漢官仍舞握情芬早達建章宮

避吳明卿還武昌

和敬燕市日相仍鄧調淒涼此中興苑直暫辭  
雲山堂集卷二二〇 十一

溫室樹 官恩曾賜玉壺冰寒星擁傳還司馬

秋色銜盃自季鷹却憶故山明月夜南樓清興  
共誰乘

奉使江南別京邑同好

頻年依玉樹多病渴金壺豈有大人賦還多傲  
吏清寒星隨使節飄草促王程何日逢雙鯉加  
餐慰友生

得于鱗書言南北兵事

世亂無南北書來有甲兵畏途堪賦筆散地見  
交情既眼人前白潘毛病裏生中原多舊好誰  
請漢庭纓

東于鱗

南山雲氣白北山雲氣黑獨有海東雲朝朝常  
五色

懷明卿

日出海東頭月出海西頭晝夜一般明東西不  
雲山堂集卷二二〇 十一

自由

子夜歌簡子與四首

桑葉餒春蠶有絲儼自織絲子無盡時殘機不  
成疋

其二

何處結同心梧桐秋葉裏後夜月明時起坐見  
梧子

其三

三年杳不見黃蘗長成林  
鬱鬱向誰語思歎只苦心

其四

月明天歌曙曉頭送郎去  
溝水向東流何時復西注

看花

忽有看花興閒過薊苑東  
縱然春色好不在故園中

雲山堂集卷二

十一

子夜

自從歡去久黃蘗滿山阿  
今宵共蘭燭照見苦心多

林邦陽督學越中

儒雅推華省聲光照上臺  
東南元勝地竹箭本多才  
授簡文星聚傳經憲府開  
子雲非寂寞春色自天來

苦熱行同高比部李符卿况膳部高進士

汪水部得書字

大火升南陸旱雲慘未舒  
烈氣熾如燬炎風煽洪爐  
祝融肆驕蹇蘊隆赫寢區  
金石鑠歎源草木成焦枯  
征夫遠行邁煩溽苦歎痛  
赤地多毒淫田野劇號呼  
我亦憚暑人畏路難為趨  
箕踞聊所適禮法噤能拘  
擊筑燕市旁袒跣事朱盧  
甘從河朔游安能顧尚書  
歎陟閤風顛道阻不可驅  
縱有金莖露消渴難蠲除  
聊為白雪歌與

雲山堂集卷二

十一

爾同歡娛

對月別張子畏

孤鴻碣石度秋陰明月高懸萬戶砧  
投贈已多青玉案滯留室有白頭吟  
歌前一劍生寒色別後雙魚寄客心  
莫向西風悲去住故人金馬信浮沉

對菊別子畏

搖落頻驚霜鳥催方遑今見菊花開  
最憐晚節

人同賞獨有寒香客自來醉眼乍疑陶令宅愁  
時况別長卿才錦城他日多詞賦誰對秋光共  
舉杯

秋日即事

燕臺春暮結交深秋色蕭條去上林自是黃金  
能散客不關人事有浮沉

九日省中

庭前雨後醉黃花何似柴桑處士家歌枕故園

雲山堂集卷二

古

秋色裏醒時不信是官衙

夜雪

萬年枝上散瓊花積素還看九陌賒此夜北風  
吹不盡春光長在郢人家

送李宗器別駕還鄴

市相逢共濁醪關山雨雪動旌旄十年心事  
空長缺千里聲名有佩刀虎賁雲陰還駐馬  
室春色重揮毫即看寵渥承 三殿莫向風

吳二毛

珠泉堂為伯宗乃翁賦

賦客堂開背郭偏靈湫心賞獨冷然駝龍春氣  
千巖動明月寒光萬壑懸山送白雲生藻翰風  
傳流水入朱絃庭前况復三珠樹老鶴飛來不  
記年

崑崙山為嶺南歐生題

崑崙萬丈阻躋攀不道羊城有此山天柱忽看  
雲山堂集卷二

五

移海上仙宮何意在人間揮毫夜色開珠浦說  
劍雲陰暗玉關最是騷人多遠興登高長嘯絕  
塵寰

送譚別駕之漢州

銜杯喜共騷人賦捧檄遙看蜀道行書記翩翩  
還阮鵲風塵落落自虞卿天臨劍閣來秋色路  
轉峴關苦鴈聲到郡試尋司馬宅江山應見古  
人情

薛荔園為子與賦

含香早罷 紫宸班薛荔園開雨色間  
秋落終憐成白首蕭條自解駐朱顏  
莊生萬事垂綸盡漢叟孤懷抱甕閒  
知爾卜居詞賦客悲哉秋氣颯千山

寄伯承

長安春色散鳴珂搖落看君獨嘯歌  
仙掌月華秋露冷客槎江上暮雲多  
秘琴豈有知音在野雲山堂集卷二

○

七

雪其如和者何回首陸沉金馬日  
好從尊酒慰蹉跎

為謝山人贈顧生還吳

磊落王門客艱危國士恩  
八分傳漢隸一嘯失蘇門  
辯已雕龍著篇仍說劍存秋懷生桂樹  
春雨憶桃源貧病才難盡疎狂道亦尊  
故園芳草色誰與賦王孫

午夜集伯承宅得名字

時序天涯倦客驚陸沉方朔尚虛名  
綵絲勝事空鄉國濁酒孤懷慰友生  
座上風光浮玉樹歌前露氣滿金莖  
沅江此日滄波闊芳芷幽蘭怨屈平

送元簡使歸省親

仙郎秋思動庭幃落日天涯擁傳歸  
雨露自懸溫室樹風塵今見老萊衣  
潘園詞賦才堪並漢吏平反顧不違  
况復紫泥天寵遲北堂萱色藉雲山堂集卷二

○

七

春暉

廬墓加恩卷為陸封君賦

天書秋色下高冥王哀聲名重  
帝庭白兔已看馴拄杖蓼莪猶泣罷  
談經即今地下非長夜自昔人間是  
歲星千古懷親遺響在凄其風雨不堪聽

玉河堤留別正叔

即官載酒別同袍落日離筵思轉豪  
獨有聲名



傾水部向無書札到山濤歌前睥睨還雙眼客  
裏淹留已二毛忽動寒星催使節驚人秋色滿  
揮毫

別元簡

王粲高樓坐月明漢宮仙露綴金莖離筵共悵  
青萍色倦客猶多白雪聲碣石雲陰雙旆遠江  
門夜雨片帆輕鄉關到日桓伊笛變切梅花見  
別情

雲山堂集卷二

上

陸文學承贈大理評事

于公何日自高門廷尉新承漢主恩却憶吳  
天難報德堪憐宿草未招魂危往蹟名偏重  
寂寞遺經道益尊精氣祗今猶凜凜莫將逝水  
向人論

張令尹祠堂

清時拔宦見才賢况復思玄賦已傳千古音微  
還日月百年事業幾風烟山城寂寞流黃夜天

地陰霾太白年遺愛祗今懷父老寒雲秋草正  
凄然

秋夜聞砧同伯宗伯承賦

入暮砧聲急當尊客思同涼生清漏裏動綠  
雲中已徹昭陽殿還流碣石宮晴河高過鴈芳  
草罷鳴蛩曲度斑姬緩詩裁謝眺工關山變月  
笛搖落韻秋風鄉夢殘欹枕歸心刷遠空流黃  
添夜色太白轉蒼穹

雲山堂集卷二

九

送孫衛幕

黃金碣石正崔嵬聞道荆人抱璞來入幕共推  
孫楚望違時堪羨阮生才孫懷說劍秋陰慘俠  
氣揮戈暝色開旅食才名淹白首河東賦罷幾  
徘徊

伯承初度

初度逢今夕悠悠倦客情綏鱗思往歲指樹憶  
浮生孤矢當年事文章千古名醉扶靈壽杖東

海暮雲平

瑞室為薛子熙賦

河東薛氏世稱賢卜築棲遲大海邊事業已微  
飛火日音徽還似反風年庭階春色芝蘭滿戶  
牖湖光日月懸自是真人多上瑞鍾噤千古頌  
應傳

送西溪陳山人

好客頻投轄藏名懶問津羈愁生夜雨浪跡倦  
雲山堂集卷二 〇 二十一

風塵酒憶宜城月歌懷郢里春玄心遺世事滄  
海自為人得意垂綸日忘機抱甕晨乾坤吾悅  
仰姓字未沉淪

送莫尉還桂林

把酒都亭暎色催翩翩劍騎出城隈薄遊堪羨  
神仙尉多難應憐幕府村道路窮時聊免哭田  
園荒蕪且歸來書空徒事何須問惟抱還依桂  
樹開

送元美使江南

浪跡仍縶市論交自仲宣忽奉丹鳳詔龍草  
白雲篇劍佩星辰動旌旗日月懸壯君遠行邁  
還瞻鏡朝鞭

陶母加恩卷

吹簫人去速運甕子稱賢漢詔加恩日潘輿  
作賦年花明青鳥使歌勳白雲篇湖海兵戈滿  
萊衣樂事偏

雲山堂集卷二 〇 二十一

子與見過

芳草春暉送玉珂河梁落日意如何黃金畏路  
逢人少白雲同聲紀臂多病起一尊仍潦倒歌  
前雙髻慰離愁楊雲寂莫君頃見阿字還應載  
酒過

送蕭比部叔通還蜀

西曹同卧白雲深病渴相如去上林日暮河梁  
頻握手天涯岐路更論心薊門芳草生寒色劍

秋鴻度好音醉裏吳鈎還把贈滿天風雨  
龍吟

簡于鱗

賦客明光罷子虛分符喜近美人居憐君抱病  
仍丘壑愧我浮名尚簡書醉倚青萍堪睨狂  
吟白雪轉蕭疎春風重憶揚雲字載酒還應過  
舊廬

壽于鱗母

雲山堂集卷二

五

仙郎起草重明光早歲天書下建章青鳥重  
來滄海色萊衣猶着漢宮香平反京兆心常在  
燕喜藩園日漸長歌放瑤池春正遠白雲飛送  
紫霞觴

送翟二守奏最

漢臣奏最入長安紫氣稜稜北斗看海岱論心  
同卧閣交遊握手重彈冠詩篇還對金莖色懷  
抱常依玉樹寒新寵定承三殿渥

君恩猶恐蒼稱難

于鱗山樓避暑二首

濁酒高樓暑自清凌雲詞筆意崢嶸星辰倒掛  
青萍色山水涼生綠綺聲賦入甘泉通御氣人  
傳河朔見交情知君庾亮多幽興與長嘯胡床坐  
月明

其二

飛樓縹緲控高岑百尺遙吞海色深梁父天迴  
雲山堂集卷二

五

青玉案鮑山雲起白頭吟倦遊詞伯非吾土留  
滯王孫自客心不是故人多郢雪誰能薄暑一  
登臨

別張轉運伯貞

平子交遊意轉濃吟成梁父慰相從非關政事  
能鹽筴已有文章著岱宗世路悠悠聊五馬星  
辰炯炯忽雙龍瑤琴此去堪知己流水高山幾  
度逢

伯貞之河南枉詩荅贈

使君千騎忽臨岐，別去還傳幼婦詞。  
彭蠡鴻聲來卧閣，廬山雨色到褰帷。  
薄遊歲月頻搔首，病起蒼黃好察眉。  
把酒不須論聚散，加餐遠道慰相思。

招于鱗遊龍洞阻雨過于鱗

尺牘招賓夕，雙龍失斗星。  
飛騰風雨後，會合酒盃前。  
吏隱滄洲遠，窮愁白髮偏。  
驪珠如未得，且

雲山堂集卷二

五

和郢中篇

春夜同于鱗宿龍洞山寺二首

梵宇相從秉燭遊，闌干北斗掛山樓。  
錦屏暗度松杉色，丹壑寒生薜荔幽。  
縱酒留連青桂侶，吟詩寥廓白雲秋。  
知君自有明珠在，醉眼看人不

易投

其二

握手千山意獨親，飛揚不似在風塵。  
彩毫自照

蠟珠色綠酒還傾，郢雪春芝草舊傳。  
安漢客桃花猶識避秦人，途窮且莫悲車轍。  
一醉能令萬

家新

洞中簡于鱗二首

石壁丹巖樹杪攀，登臨賦客俯塵寰。  
乍驚眼底堪為谷，不信人間有此山。  
鳥道迂迴通一逕，龍門險絕控重關。  
采芳如得金光草，衰白還應駐好顏。

雲山堂集卷二

五

其二

蛟竊古洞白雲端，石甕遙從乳竇看。  
畏路逢人堪磬折，談天隨處且盤桓。  
題詩曉破桃源色，把袂春生玉樹寒。  
不見蒼龍雙出匣，蕭蕭風雨別離難。

潘王九日招飲

寒花歲暮轉堪憐，佳節還當玳瑁筵。  
桂樹芳連青玉案，梧臺秋動白雲篇。  
銜盃共憶餐英客，

管寧論戲馬年醉眼相看仍促膝不妨古調向人傳

潘王枉詩賜菊賦謝

西園把酒興偏豪奇卉新裁楚客騷不數風流  
驚落帽堪憐秋色照揮毫香分青桂淮南重色  
借黃金碣石高况復瑤編傳爛熳清芬重襲醉  
時袍

于鱗浮海遂往嵩山雪中過訪不遇

雲山堂集卷二

三

聞道仙槎海上浮忽傳車馬駐嵩丘四愁舊擬  
張衡賦五岳今同尚子遊紫氣鬱蔥還曙斗白  
雲寥廓自高秋懷君此夕堪招隱不謂虛理訪  
戴舟

還郡留別諸山人同曾以三黎惟敬賦

漢宮春色萬年枝送別聊為郢客詞羈宦復從  
東海卧論文漫擬北山移扁舟此去堪招隱載  
酒何人更問奇莫以萍踪憐聚散雙魚千里慰

相思

過順德懷故守于鱗

滯客風塵鬢欲皤簡書秋色下漳河時名自許  
銜孟薄吏蹟誰從受簡多千騎飛騰天外遠雙  
龍寂莫雨中過故人一去甘棠在蔽節還堪對  
酒歌

過鄴得謝生茂秦書

賦客愁時白髮催風塵猶此傍三臺別來心事

雲山堂集卷二

三

驚相問病起詩篇強自裁紫氣已占南斗近素  
書還倚朔雲開行邊草色漳河滿落日逢君一  
舉盃

茂秦之衛道中值余即返

書劍翩翩衛水濱逢君老去更情親回車漫擬  
途窮日返棹元非與畫人重把清尊同夜色高  
歌古調獨陽春即今舊侶多搖落回首中原感  
慨頻

寄元美

詞賦千秋自有真不妨吳市且沉淪浮名獨對  
清尊薄交誼翻疑白首新但有孤懷酬  
聖主好將雙眼睨時人向來樂廣應難識一出  
東山道已伸

郡中答元美見寄

詞客清時早倦游懷人招飲豁窮愁歲星天上  
元方朔雲夜山中獨子猷世事那堪回白首吏  
雲山堂集卷二  
○  
元  
情應自遠滄洲多君此日瑤華贈縱有明珠不  
可酬

甲子除夕濟南郡中同仲父汝由山人元

相子樓如過于鱗于鱗命子駒行酒

詞客風塵且濁醪龍門今喜聚吾曹竭來令節  
新椒頌籍甚芳名屬鳳毛楚澤春聲鴻鴈少歲  
星寒色海天高論交忽憶荀家事乘興還將郢  
雪操

得子與書簡寄

垂綸江上客星懸猶憶明光共被年真氣雙龍  
高北斗秋聲一鴈到南天朱絃操雪知音少綵  
筆凌雲得意偏明月幾乘招隱興不知虛放子  
猷船

于鱗初度病起之鮑山莊過訪不遇

龍門曉色移千騎南極寒光見一星最喜歌成  
高白雪翻憐病起怯青萍扁舟浪有山陰興斗  
雲山堂集卷二  
○  
元  
酒寧為澤畔醒顏駟莫嗟違漢主麗眉皓首慰  
漂零

白雪樓留別于鱗

白雪高樓萬里心竟非吾土戀登臨尊前五馬  
聊為繫匣裏雙龍已自吟世路總疑和氏璧交  
情堪斷鮑山金但逢桂樹多春色莫使加餐滯  
好音

泰山上父壽

倚杖天門喜氣濃從游賦客贈飛龍添籌此日  
仍滄海獻壽于今有公宗魯酒乍傾仙掌露萊  
水還整丈人峯東封玉帛應承寵回首雲霄拜  
舞重

子與使江南擢守汀洲

五雲縹緲去彤庭寒色滄洲滯使星詩賦暫為  
秋浦客旌麾還向武夷亭褰帷大海連天白卧  
閣群山入雨青越石蒼蒼雲霧裏知君千古破  
雲山堂集卷二 〇 三十

沉寔

問子與病

金掌雙擎露色寒漢宮長奉萬年驪故人未解  
相如渴不是凌雲賦筆難

送十八弟哭母南還二首

惠連幽興動滄洲木落瀟湘未穩流詩句乍迴  
春草色海天忽起暮雲愁夢我讀罷誰青眼枯  
樵看時已白頭珍重客身歸去日夢蘭親舍曙

光浮

其二

霜後秋山萬木丹楚天雨色正漫漫板輿忽罷  
安仁賦衣郢還依屈子蘭茝鶴淒其霄漢下孤  
帆遙掛海雲寒懷清臺上堪回首歸去何妨道  
路難

白雲樓為子與賦

郢調淒涼思轉幽卜居還倚鮑山丘乍疑海氣  
雲山堂集卷二 〇 三十

子

能為屋不道仙人獨有樓乘興好看明月上登  
高長嘯白雲秋琴心自在誰堪識且聽巴人下  
里謳

登泰山簡于鱗二首

清時倚杖白雲層俯首山河幾廢興地重由來  
天子幸名高元緒聖人登寒聲碣石秋鴻近曙  
色扶桑海日升却憶舊遊金馬客側身詞賦已  
飛騰

其二

天門佳氣正氤氲，殿層霄萬象分。  
杖底清鐘懸海日，尊前大鳥到山雲。  
石碑莫辨秦皇刻，玉檢誰探漢代文。  
醉裏朱絃開曉色，高歌不使衆人聞。

送陳郡伯謝邑政還典國

捧檄何年下紫宸，清時拙宦自安仁。  
別離客有銷魂語，蕭瑟君仍報

雲山堂集卷二

○

三

主身列宿星文占太史，甘棠詩句續騷人。  
盛名似爾應能副，寵運看君嶺闕新。

熊大母貞德晚光卷

素節瑩其白髮，侵何年弔鶴自天臨。  
澤中長抱劉旂痛，闕下空懸李密心。  
黃鸝歌前秋色慘，懷清臺畔暮雲深。  
傳家况復慈孫異，執硯曾看涕滿襟。

至日九華山寺二首

青天寒削九芙蓉，令節登臨紫氣重。  
清梵靈懸千澗瀑，白雲高度萬林鐘。  
征衣暫拂菩提樹，飛蓋還凌鷲鷲峰。  
日暮驪珠仍自握，恐驚風雨出蛟龍。

其二

晴峰突兀俯江關，濁酒歌前動客顏。  
弱線已傳添白日，回車猶恐失青山。  
滿天鴻鴈歸雲裏，連水帆檣返照間。  
獨立蒼茫更揮手，不知身世在雲山。

雲山堂集卷二

○

三

塵家

送張中書河南冊封

親持金冊下雄藩，白馬翩翩照薊門。  
秋色使星瞻北極，月明飛蓋在西園。  
韓宣清譽傾嘉樹，庾信旅懷慰紫繁。  
此去中州燕問俗，陳詩還擬答君恩。

送汪幕之南昌王府兼訊李國史

清時幕府重才賢，千里飛帆雪色前。  
客裏一尊



傾北海別來孤劍倚南天  
枚生意氣觀濤日子  
建才名託乘年羈宦故人勞  
訊問郢中高調向誰傳

重陽前一日

九日明朝是黃花  
今夕攀扶筇惟鳥道  
載酒亦龍山  
滯客驚秋晚  
騷人惜鬢班  
探奇吾欲盡日  
暮不知還

九日宿雪峯寺別顧山人二首

雲山堂集卷二

五

尋幽躋雪嶺  
乘興倒秋缸  
望遠疑無樹  
登高忽有江  
踈燈燃夜雨  
一榻下寒窓  
龍劍明朝別  
中天紫氣雙

其二

兵甲滿天地  
憐君復遠征  
已傳招隱賦  
不盡倦遊情  
貧自甘原憲  
名應傍補衡  
離筵一尊酒  
風雨颯秋聲

風雨舟中留別劉中丞陳郡伯劉揮使

雙龍秋色照江干  
神物誰將俗眼看  
祖席斗牛開異氣  
仙舟風雨作狂瀾  
論心共許千秋壯  
會面應憐一別難  
把酒忽驚山谷蹊  
詩篇猶帶洞雲寒

中丞西園限韻四首

何意中丞府  
還看上苑花  
莖疑擎露掌  
香自挹天葩  
染翰來秋色  
衡盃動物華  
同游矜玉樹  
得醉且為家

雲山堂集卷二

○

五

其二

藝苑名偏重  
園公樂有餘  
休亭小天地  
四壁滿圖書  
賦似長卿渴  
情疑傲吏踈  
風塵歸去日  
祗爲愛吾廬

其三

羨爾機能息  
耽幽意獨存  
書多鴻寶苑  
金匱給休園  
玄圃心偏遠  
於陵道自尊  
風流王子敬  
千載更誰論

其四

水自沅陽得山因結石名春光迴筆綵古調出  
琴聲室有芝蘭氣人多薛荔情謝安高卧久詔  
起為蒼生

病起得元羹書

帶客還山挂懷人在漢京甘泉應有賦細柳竟  
誰營病起滄洲色秋高白鴈聲匣中龍劍在還  
似別時鳴

雲山堂集卷二

三

月夜別友人

月色當空淨清尊復此同明宵如見月各在酒  
盃中

熊憲使憲韓枉詩見訪遂顧草堂

起草明光已十年江湖此夜使星懸桂叢不忘  
淹留客尺素先傳暮和篇雙劍雲霄還自合綵  
袍歲月轉相憐若教門外多車轍那得蓬蒿滿  
目前

憲韓雨中見過

一卧滄洲杜若生蕭條三逕幾逢迎仙槎河漢  
來今兩秋水江湖見客情抱病新栽堪起色含  
香舊日總虛名多君乘興元非淺濁酒高樓待  
月明

春日憶諸友

清時受簡盡才賢千古陽春郢上傳狗監豈遠  
司馬賦兔園還有大夫篇塵埃白壁終非楚霄  
雲山堂集卷二

三

漢黃金久在燕回首一經風雨夜可無人記子  
雲玄

吳志道過訪得子與書

江城濁酒罄交驩落落何妨俗眼看塵館暫開  
高士榻尺書喜得故人餐歌聲夜墮關山月劍  
氣秋凌木葉寒聞道瀨魚堪巨釣歸來海上好  
投竿

送吳少尹之武清

漁陽金鼓震秋山胡騎曾聞任往還入部陽春  
生黍谷談兵雨色爭榆關異鄉楚調龍立引落  
日燕歌稚子班

聖代豈無登列岳昔賢清白幾人攀

立夏日雨過元相談玄

暑日南風送雨聲山中初服聽殘鶯心從袁紹  
衡盃盡客有王符驪履迎浪迹嫌推偏吏隱白  
雲天地見交情玄經却憶為郎日千古宜搜萬  
雲山堂集卷二

象鸞

秋日登雪峰寺二首

招提遙指白雲飛詞客登臨醉不歸杖倚諸天  
非浪迹歌傳佛日自忘機簾前秋色餘芳草檻  
外鴻聲送夕暉戎馬側身還四望關山搖落故  
人稀

其二

馬上頻望雲山高秋拄杖夕陽間尊前縹緲

孤雲度鴻外陰晴列嶂環野曠千家懸樹杪天  
迴一水抱村灣桃源不信迷歸路直北遙知是  
漢關

顧山人過王子山墅

風塵裘馬鬣毛斑把酒相逢落木間綠綺愁時  
多古調黃花病後駐芳顏兵戈不厭攀愁遠詞  
賦應同訪戴逵長嘯竹林秋月夜白雲寒色滿  
關山

雲山堂集卷二

鄧汝嘉池上放舟

蓬池幽賞白雲隈雨色扁舟自往來傲吏豈違  
秋水賦使君元是濟川才棹移山嶽當歌席簾  
捲星辰入酒盃取醉已多長嘯侶清宵不似剡  
溪回

人日憶池上簡汝嘉兄弟

瑤池風雨晝冥冥桂棹輕移不暫停華髮慙憐  
人共日滄洲浪起客為星雲陰遙指歌前白草

色猶疑夢裏青為問常安春正好何人載酒  
似都亭名池

雙鳳朝陽圖為謝叔象兄弟賦

浴海大輪駕六龍丹宮靈鳥自相從鳴借律呂  
和聲滿舞動斑斕彩色重天寵並傳崔御伯時  
名雙美謝超宗 清朝正喜來儀日我羽常依

玉樹港

雙池

雲山堂集卷二

早

瑶池寒雨淨芙蓉秀色雙眉落萬峯雲捲中天  
浮日月雷轟異地起蛟龍珠疑合浦精光滿劍  
憶延津紫氣重賦就卜居懷兩阮清狂千古躡  
芳蹤

同元相避暑山中風雨大作

河朔幽懷此日同早雲詞賦賈生雄江山忽闊  
蛟龍兩天地長鳴草木風百萬呼盧傾劇孟十  
千沽酒憶新豐醒時白眼還真態擊節高段興

不寐

成仁仰見過同元相及諸子姪小集

握手今同楚澤蘭銜盃還憶在長安德星已卜  
賢人聚郢雪誰論和者難別後綈袍多范叔歸  
來長鉸見馮驩酒闌共賦金盞色猶似文園病  
裏看

送李文學奔父喪還蜀

大星早向楚天懸萬里風雲叱馭前門自于公

雲山堂集卷二

早

高駟馬經傳揚震兆三鱣趨庭忽罷萊衣舞  
軫還懷郢雪絃問字諸生空悵望別來堪磨  
我篇

寄劉文學時有御史薦疏

才華禁鬱俗相看門客侯芭載酒離古調已傳  
清角操時名還藉惠文冠設經氣挾嘯聲壯握  
管光搖海色寒身在青雲堪報  
主東南竹箭滿長安

謝子與銘先子墓二首

江湖秋雨正漂零  
詞客招魂破杳冥  
玉樹寒摧雲夢澤  
彩毫光動少微星  
天開白日滕公室  
人勸清時季子銘  
最是才名推幼婦  
偏留編簡萬年青

其二

生死交情獨異常  
瑤編千古藉輝光  
薄遊尚憶東山屐  
清興猶傳北海觴

先子登東嶺道法佳南曾辱交驩云

雲山堂集卷二

聖

傳久甘違太史名  
深恐愧中郎亦知地下非  
長夜稽首何能有報章

送鄧尉赴大司農幕

離筵秋雨淨芳塵  
寒色維舟漢水濱  
壯志願為清白吏  
丁年豈作倦遊人  
遙知到處逢青眼  
況復移官近紫宸  
千載莫誇梅福事  
迹名不是報

君身

送戴司鎮哭母還金陵

清時捧檄意方濃  
賦罷閒居涕泗從  
雙鬢昔年高士行  
生芻此地別林宗  
瀟湘落木寒聲滿  
江浦飛帆暝色重  
歸思已憐千彩筆  
何須文若更為容

呈顧藩伯

使星此夕照關河  
司馬浮湘興若何  
龍起日瞻天子氣  
調高誰和郢人歌  
時名倚玉交情重  
畏

雲山堂集卷二

聖

路投珠夜色多  
為問松琴千古意  
可能命駕一相遇

荅子與見贈

一卧東山意轉慵  
加餐千里故人封  
聲名已悟遼東豕  
變化疑為柱下龍  
白首壯懷非小草  
滄江秋興且芙蓉  
瑤華此日多君贈  
岳色新看千萬重

呈何憲伯

憶昔

先皇握

帝符鳴珂曾共紫宸趨卿雲五色瞻常近仙露  
雙莖渴未蘇偃蹇孤懷計幃被浮沉萬事足江  
湖亦知龍劍遙相憶紫氣天南定有無

吾子成

山城雪色問加餐散地交情古道難玉樹不忘  
春自倚金莖猶憶病同看雙龍天上神相合孤

雲山堂集卷二

留

棹溪頭興未闌頌橘秣今吾黨在側身還擬報  
琅玕

王山人子明自子成過訪席間聽琴賦贈  
蓬蒿三逕暮雲深秋色逢君對酒吟俠氣獨凌  
歌底缺壯遊不問索中金依劉久抱江樓典訪  
戴應憐雪夜心見說尋師來海上誰傳千古伯  
牙琴

雪夜曾日者過訪

歲暮逢君共濁醪江天雪色照揮毫非關世眼  
疑和璧自有孤懷在楚騷客夢暫依高士榻春  
暉猶著故人袍酒闌一問十年事郵曲于今不  
浪操

水漲示十八弟

雨聲傳晝夜谷口颿江湖遠樹無天湧群峯逐  
浪趨蝸廬堪把釣鮫室好求珠愛弟今何在襄  
陵操有無

雲山堂集卷二

留

水漲簡元伯

雷電千山雨江城五月秋舟航行樹杪未黍沒  
沙頭無計來烏鵲誰能辨馬牛望洋阻詞伯何  
以慰深愁

夏日偕元相故鳳山書堂納涼二首

暑氣深山薄登高興不違情同河朔飲坐息漠  
陰機問字人猶在傳經地已非交親重握手惆  
悵暮雲歸

其二

憶昔論交地來遊對夕暉  
碑殘青藜合樹古白雲飛  
貧病孤懷壯疎狂萬事違  
斯文天未喪作賦有光輝

九日登王子山

共羨重陽節還尋落帽驪  
側身行樹杪倚杖出雲端  
石壁晴堪憑泉流秀可餐  
登高一舒嘯落木萬山寒

雲山堂集卷二

吳

題雲臺卷

結構嶒嶸俯萬峯南天屏  
巖若為容臺疑離鶴青霄  
近雲似從龍紫氣重神女  
一朝騷客賦南宮千古漢  
皇封李九勒石今如在健  
筆誰摧落苑峯

毛明府左遷

風塵脫穎聲交驩送別仍  
歌行路難共道洛陽推稚  
子翻疑內史殿兒寬聲名  
豈為書空損意

氣還從倚劍看莫以陸沉論官跡

主恩猶戴客星寒

元相鄉飲

江干一釣久忘機天上星辰動少微  
榮似逍遙承紫誥醉同方朔倚彤帟  
鹿鳴喜得嘉賓賦鳩杖看扶大老歸  
垂白

主恩何以報五雲翹首帝城飛

黃鶴樓成呈憲使子與二首

雲山堂集卷二

吳

黃鶴翩翩上玉京樓臺千載借高名  
簾前曉掛群峰色樹杪秋懸萬壑聲  
懷古浪傳歌太液觀奇底事訪蓬瀛  
驚人詞賦雲霄滿似是當年大鳥鳴

其二

結構崔嵬控瑤岑大夫此日快登臨  
凌霄獨看雄飛翼歌雪應傳子和聲  
鸚鵡堪憐芳草合建寧遙望五雲深  
樓頭紫氣今宵滿天上雙龍好

重尋

送沈斷事辭邑政還省

司馬能兼令尹才離楚共擬禁公回論交我恨  
知何晚送別人歌挽不來暇日鳴琴音自古愁  
時說劍氣難摧河梁試握文通筆落木蕭蕭萬  
壑哀

葉明府謝病還吳

征帆秋色掛江天風雨凄其賦客前抱病不關  
雲山堂集卷二

哭

明主棄論才偏得故人憐尊靈幽典還今日  
鹿孤懷自往年行李只看龍劍在寒光後夜斗  
牛邊

胡仲陽宅紅牡丹

名園花發倚闌干萬卉孤紅衆所驩殊品先傳  
青玉案駐顏不藉紫金丹英華自有玄心在磊  
落偏宜醉眼看為問洛陽春爛熳何如楚澤屈  
平蘭

吳嘉魚出示九日鳳凰山詩期予再登四  
雨

搖落孤亭秋色開大夫乘興此徘徊已傳白雪  
高歌滿猶憶黃花舊賞迴朝野頻年堪對酒江  
湖何地不登臺山靈豈悟憎詞賦風雨蕭蕭萬  
木哀

冬至吳來風移酌舟中遲元相不至

河上清風李郭舟一尊還為故人留感時乍見  
雲山堂集卷二

哭

殺灰動來興堪同雪夜遊把釣雲陰生巨壑題  
詩明月湧寒派嗣宗車轍知何在寂寞江天入  
暮愁

張助甫見過二首

搖落江潭白髮新瀟瀟夜雨到騷人清尊不為  
陳遵倒雙眼誰當阮籍真世路投珠還自惜交  
情倚玉轉相親但看澤畔青山色莫道風流減  
逐臣



其二

天迴紫氣抱江關千里征車此夕攀濁酒不須  
論北海孤懷肯使失東山歲星落莫多寒色芳  
草歲時駐好顏不是屈平哀郢日誰傳招隱在  
人間

哀王中丞

見說轅門隕將星招魂萬里意沉寔登壇一日  
餘精采賜劍千秋荷寵臨報

雲山堂集卷二

○ 辛

主應同甘茂篋論功不是冠軍銘沙塲生氣今  
如在不向東風草自青

哀高伯宗

長沙賈傅獨稱賢鵬賦驚人衆所憐烟烟斯文  
應未喪寥寥大雅竟誰傳交予神物能千古休  
爾浮生未百年遙夜光風猶轉蕙魂歸還擬大  
招篇

謝司馬父母榮壽卷

謝傳才名重 紫宸金泥雙錫白頭人花明北  
海開尊日歌動南山獻壽辰玉樹光搖仙關曙  
綠衣色照鹿門春清時籍籍傳忠孝鵲印還看  
送喜頻

陳貳守鳴仲還山

傲吏愁時鬢髮新高秋搖落遠風塵潘興已就  
閒居賦郢調堪憐寡和人二酉白雲低倚杖五  
溪明月傍垂綸寒星莫悵雙龍別紫氣遙瞻北  
雲山堂集卷二

○ 壬

斗頻

送張僉憲之山東

檐帷此日去長安秋氣千山木葉丹勲業禁中  
傳舊草風流柱後著新冠銜五溪苑秋雲白倚  
劍天門海色寒東望側身梁父遠何年雙鯉慰  
加餐

竹塢圖

高人卜築何蕭疎白雲長護竹林居披圖颯然

多奇狀渭水淇園總不如下疑叔夜姚幽獨復  
似元卿棲巖谷清風忽然生匹練驚鳳歆下驚  
尺牘七賢避世吾何有二仲時時共尊酒千秋  
誰抱歲寒心要使丹青傳不朽燁燁群芳世所  
趨春來秋去易榮枯山中遲暮持高節知爾何  
能一日無

顧山人李狂六十初度歌

良辰展高宴聽我歌且娛丈夫志千古踟躕何  
雲山堂集卷二

五

能拘美人矯矯來東吳揖余燕關舊酒徒提携  
如意擊唾壺狂來歌筑聲鳴鳴手握大海夜明  
珠炯炯精光奪太虛揮毫落紙烟雲鋪神化所  
至人間無敵步崑崙嶺金公王母難周旋歡遡  
滄海流馮夷羨門空悠悠九州四海任吾驅何  
如卜築長生廬長生廬庭幽蘭戶瓊枝葯房桂  
棟辛夷楣道遠容與萬年居

遣興簡憲使子與

白髮元非病青山不是貧呼童傾斗酒誰作和  
歌人

憶泰山美人

險絕羊腸路天門不可攀願隨今夜月飛上敖  
來山

丁卯守歲

丁年還此日子夜忽明春但有盈尊酒無憎白  
髮新

雲山堂集卷二

五

張憲使對雨限韻

自握驪珠意不九深盃此日為君銜那知醉後  
多風雨遮莫雙龍已出函

送林文學啟夫校士京畿四首

河梁把酒罄交驩怪底雙龍白日寒黃鶴樓前  
秋色滿懷人不似昔時看

其二

瀟瀟風雨動離憂載酒還登江上樓不見萬山

搖落盡揮毫何處不悲秋

其三

長安車馬日紛紛此去題才近五雲縱使黃金  
來上客定知詞賦不如君

其四

當年作賦謝長楊此日逢君入帝鄉雲漢忽看  
成五色應知染翰近君王

登王子山

雲山堂集卷二

○

五雷

躡屐登雲嶠尋芳度武溪紫芝簪未摘綠酒醉  
新携賦憶曾攀桂行扶舊策惹桃花如可見不  
似昔人迷

同元相登雪峰寺

古寺藤蘿外登臨紫翠重雲中萬井出樹杪一  
僧逢白日光間梵諸天午後鐘興來還郢雪相  
對數群峯

子與元旦省中

罷草明光殿析靈太乙祠椒盤驚節換柏酒惜  
年衰西省官能拙東亭會豈遲如何休休夕猶  
顧尚書期

寄子與山中

春色滿天地寒雲卧群蘿才非  
明主棄詩自故人多豈有浮名在其如怪事何  
風塵雙白眼濁酒慰蹉跎

兩後放舟過吳來鳳山堂

雲山堂集卷二

○

五五

背郭堂開溪水濱高懷招隱出風塵獨醒最是  
江潭客乘興堪同雲夜人起色共看枚叔筆清  
芳還憶李膺尊雙龍離舍元無定風雨飛來豈  
有神

李長史六十

歲華玉樹久相依十載論交在  
帝畿上客西園餘寵渥尚書北斗藉音徽功成  
自見平津晚化後寧論伯玉非共道耆願人易

得名無吏隱似君稀

赤壁懷古

蘇子瞻守黃賦赤壁後人非之今嘉魚縣石頭口赤壁烏林皆

在其地則實則非古明矣

峯嶺風雨一冠臨落木蕭蕭萬壑陰賦裏不須  
疑赤壁尊前應自見烏林東風共羨回天力西  
蜀堪憐報主心忠武芳名垂宇宙將星千古未  
沉淪

送五行家龔生

雲山堂集卷二

五

丁年技癢抱歸藏荏苒風塵鬢欲蒼共見山頭  
飛白鶴還從天上撥青囊名家更喜逢龔使辨  
訟何須待漢皇千里只今誰縮地知君神爽獨  
飛颺

寄陳明府

一卧東山愧謝安向來樂廣鑿交驩致書萬里  
誰能達作賦千秋祗自看美錦獨函江漢色雙  
龍猶望斗牛寒曲高定有知音在可望當年和

解

問元相馬病

天駒何年賦謝莊淒其此夕問玄黃千金莫謂  
懸燕市束帛還看贖子方縱有迷途堪用智如  
逢知己定稱良飛騰萬里龍為友不獨歌前仰  
秣狂

秋日遊鳳凰山寺聽饒象賢琴

讀書臺倚鳳凰東搖落高秋握手同愁裏舊懷

雲山堂集卷二

五

青玉案歌前上客紫芝翁謾論雙眼座中白食  
數諸天覺後空一曲陽春聊進酒萬山林木起  
悲風

曹子樓成賦贈

飛樓縹緲漢江濱登眺今看萬象新綠綺自開  
青眼客彩衣還舞白頭親捲簾霄漢傳詩句俯  
檻星辰動釣綸況復天南多紫氣應龍回首出  
風塵

子與權滇南

綸音早下楚江濱  
擁傳相如寵渥新  
黃鶴一朝辭僊客  
瑤鷄千里遶騷人  
路通筇笻匡時策  
天盡西南報

主身不是憐恩寵  
父老聲名何以冠群倫

重陽前二日汪符卿移酌北風亭二首

移尊舊處豈獨醒  
論心不愧北山靈  
斗因雙劍還飛紫  
天為孤亭遠送青  
南望美人稀和雪  
東

雲山堂集卷二

○

壬午

行太史豫占星  
揮毫欲待黃花節  
縹緲烟雲已

翠屏

其二

騷人清興劇登臺  
不待黃花九日開  
徒倚憑欄  
半斗近嘯歌  
疑有鳳凰來  
未經落帽  
詞筆預  
擬餐英對酒杯  
佳節長卿遠  
伏枕審騰一札五  
雲裁

明卿至有感

名自群猜得身從大海來  
扁舟招隱賦明月故人  
孟世態三朝異交情萬事哀  
非君能命駕懷抱幾時開

紫峯為玉參軍題

雲霄紫氣望重重  
結在江南第一峯  
華表月明常對鶴  
函關人過昔猶龍  
情同岵嶠瞻依迥  
思入楸梧涕泗從  
共道佳城開白日  
簪纓長襲漢皇封

雲山堂集卷二

○

壬午

壽星圖為謝丈人賦

縹緲真人在九天  
英姿颯爽衆堪憐  
千秋預見丹青裏  
萬里應同咫尺前  
鹿遇陶公元自偶  
桃知方朔豈論年  
圖傳南極星光滿  
歲歲長開玊瑁筵

送宋倉官之晉

中興漢帝御明光  
詔遣能官靖朔方  
天寵忽加清白吏  
地曹還授度支章  
歸吳不是張翰棹

報主元非庾城舍自肯鄴侯稱給餉聲名千古  
重邊疆

秋日宴饒使君限杜八韻東子成

隔歲書來征鴈北孤枕秋掛大河濱黃花對酒  
歌前放紫氣騰空雨後新十載江湖星自客千  
秋詞賦雪驕人共尋靈運登臺事一洗中原  
馬塵

邵郡伯枉教奉寄

雲山堂集卷二

辛

高秋落木正淒涼白馬翩翩到夕陽意氣雙龍  
開夜色才名八斗擅詞場交游自惜荆卿晚期  
會何如刺史忙此去南樓明月滿知君清興在  
胡牀

人日簡友人

佳麗逢人日蕭疎自客星愁予雙鵝白遲爾萬  
山青行處金花勝歌前五樹春如逢漁父問不  
忍獨為醒

元相携翠偕往吳實夫至河無舟

綠綺相如典青山李重家盈盈隔溪水脉脉  
晴沙綠暗過牆竹紅疎出檻花誰能航一葦且  
自操兼葭

春日登雪峰寺

楚客頻年賦舊山春風步馬一躋攀林丘雪色  
堪乘興桃李春暉好駐顏歲月已憐支遁老登  
臨暫許謝安閒諸天只在藤蘿外日暮題詩未

雲山堂集卷二

空

擬還

寄元美

朱絃一絕少知音白雪難醅國士心腰下青萍  
君所贈至今風雨作龍吟

雲山堂集卷三

詩目

張中丞擇廷尉二首

為元美題藏經閣

離齊園

題李任楚遊卷無訊元美兄弟

李任見過同元相賦

送孫山人兆孺遠遊

雲山堂集卷三

乙

春草亭為謝生題

湯藩伯入賀 萬壽使道歸省

呈吳郡伯

荆泉洞同顧黃二山人限韻四首

出荆泉洞別顧山人

胡仲陽祠白石有先人身後之感

顧山人見過 答李粹卿

登高次汪符卿韻

汪明府出示蜀中詩賦答

登金城觀東王明府子孝

陳使君移酌金城觀樓

嘉魚鳳凰山宴子與

蔡憲使 上壽賦呈

雲中慰王汝憲後中子

汪二尹祠 攝成從陳明府遊宴

蔡憲使入賀 登極

雲山堂集卷三

二

題艾堪輿卷 題胡醫扇

月夜過王都蘭廟間值雨賦贈

蔡憲使登南嶽 題吳文學野里廬歌卷

林文學南遊還喜而賦此

冬夜宴陳明府 龐玉相三畏堂

東林文學 宴陳明府

成仁卿過山中

胡仲陽宅詠紅牡丹限冬字

登城東山

東山同元相得魚字

賀中丞府落成

汪伯玉拜少司馬還朝

送吳山人還新安

送桑使君上京

寄林學憲邦陽

中秋前夕雨中集元相別孫兆孺

中秋夜同明卿賦

仲父汝孝客郢中寄詩迎之

送仲父汝由之尉氏學

雲山堂集卷三

三

寄陳憲卿

送曾日者之貴陽

秋夜飲林文學

送李日者

王克訏宅閱鳳山別賦

卷二首

汪伯玉招飲尚讌殿下邸園賦謝

觀寒芙蓉池二首

九日任孝廉兆慶招飲山寺同林文學諸

生對雨

重陽後一日登鳳凰山遇雨集黃山人宅

同林文學賦得燈字

席上雨止再用燈字

壽李封君

黃梟幕如京師

秋夜偕李左史集乃甥王茂才宅諸子姪侍

題五嶽行踪卷

秋夜酌林文學同胡仲暘及諸子姪二首

九日同七兄十八弟登王子山二首

冬夜元相見過小集諸子姪侍

雲山堂集卷三

四

元旦後一日集林文學署中賦梅花

人日山中簡友人

春日懷子與

春日登祥雲眺望為亡母卜宅

春夜孫兆孺見過

春雪霽同友人登王子山

清明登雪峯寺限韻二首

登洪山寺同周封君詹孝廉及子樸如款

寺後山

三月晦日雨憇過真宮



登大嶽天柱峯

太和宮

玉虛巖二首

紫金城五色雲見次李狂韻

南巖宮偕李狂及子樸如賦

五龍風雨東李狂

玉虛宮

幽蘭亭憶元相

齋罷過紫雲亭對雨

讀太和山銘東征伯玉

雲山堂集卷三

五

桃源洞

滄浪亭

落帽峯

萬松亭

萬丈峯

凌雲巖

青羊澗

太子巖

天柱峯

習家池遲顧山人

林文學自楚反將如鼎州

乘傳舟行謝盧憲使

子與如京師枉詩言懷賦答

題王日者遠遊 黃元靖元相見過

雨中元相枉詩賦答

送琴師龔處士

暑日柳雲菴同李狂鄧廷鳴小憇時僧歸

自廬山

九峯寺

題松洲菴

海天遙祝二首

送方中丞之宣大鎮

送林文學校士京畿

雲山堂集卷三

六

吳求叔見過

曾公子見過枉詩

送陳明府之休寧

元美招飲晴川閣分韻得川字

晴川閣飲衆遠曙用前韻為別

大別山對月遲元美

再飲晴川閣分賦二首

舟中別元美因題程孟孺菴五首

晴川閣別元美二首

張助甫避水山寺移尊往問二首

兩後書懷呈助甫限韻二首

得武義劉文學詩翁賦答

成仁卿至對雪 寄于鱗二首

題鄧王相引子朝天圖

九日東山同元相限韻

寄鄉人戍邊 寄遠

中秋元相同石元鳴過訪命酒對月

雲山堂集卷三〇 七

月山 望遠

留別李狂 哭十八弟

黃進士拱辰至同元相求叔賦環字

春日同拱辰過元相得鷺字東元相

東拱辰 哭于鱗四首

江上小舟 從軍行二首

明妃曲三首 感興

放歌 采桑吟

米芝吟 燕

杜鵑 螢

採桑度二首 班婕妤

紫騮馬 妾薄命

隴頭水 有所思

折楊柳 將進酒

劉生 芳樹

長門怨 梅花落

雲山堂集卷三一〇 八

關山月 驄馬驅

巫山高 塞下曲

雲山堂集卷三

楚蒲圻魏裳順甫著

張中丞擢廷尉二首

江漢風濤攬鬱澄壯懷天地獨騫騰金堪躍冶  
祥誰識玉到豐年價轉增

帝自三臺頌寵渥人從列棘見威棱  
復多張湛白馬還看闕下乘

其二

雲山堂集卷三

九一

探得驪珠衆所珍只今寒色尚嶙峋時平自見  
羔羊節

主聖還為社稷臣駟馬重看門下客陽春偏向  
郢中人雙龍何日暮前合紫氣天南入望頻

為元美題藏經閣

何年天竺送經來飛閣凌空此日開自有泥珠  
明濁水還如淨土絕氛埃看書夜色青藤枕作  
賦風流白杜才况復群生元有覺莫將心鏡辨

非臺

離薺園

上苑才名衆所推芳園秋色揔堪悲有興與自  
正生發抱甕心惟漢吏知愁客風流依玉樹春  
宮詞賦折瓊枝共憐孤憤江皋日煇節何妨畧  
女額

題季狂楚遊卷兼訊元美兄弟

湖海交情老不疎秋風蕭瑟慰離居養生已悟

雲山堂集卷三

十一

珠璣雀作客虛傳綉為魚別賦共看裁薜荔芳  
遊還擬報瓊瑤歸來二陸聲名籍把臂應同入  
洛初

季狂見過同元相賦

秋風來賦客夜雨到扁舟名以潛夫重心同看  
士遊交情驚白首吾道足滄洲寒色雙龍合明  
珠豈易投

送孫山人兆孺遠遊

清世耽為汗漫遊孤懷秋色在滄洲  
尊對客聊青眼婚嫁過時已白頭  
岐路不須論萬里才名應自見千秋  
美人天地身還側獨有詩篇慰四愁

春草亭為謝生題

春草孤亭萬卉新君家玉樹自相親  
西堂定有能詩客南浦誰為作賦人  
最喜芝蘭堪入室由來蕭艾不同倫  
姜姜王孫日攀桂還須問雲山堂集卷三  
十一

隱淪

湯藩伯入賀萬壽使道歸省

賦政明時重漢皇鳴珂此去倍輝光  
雍容擬撰王褒頌稽首還陳召虎章  
三祝

聖顏瞻有喜萬年天保卜無疆  
寧親况是耆願日萊綵綢緼九殿香

呈吳郡伯

清時拙宦積薪同五薦曾聞達帝宮  
江漢祗

今稱召父聲名從此藉吳公  
天驅雙鹿隨車下人擬三龍入望中  
莫道郢歌知己少由來寡和見才雄

荆泉洞同顧黃二山人限韻四首

勝絕人稀到來遊客豈九天  
光窺乳竇石溜掛層巖谷暗清流出  
山空紫氣函揮毫燈火盡還

其二

雲山堂集卷三

十一

登高天漸近入谷路還幽  
鳥道何須畏驪珠獨可求  
奇形疑削玉清響似鳴球  
賦筆驚山鬼風雲護壯遊

其三

玉柱鰲頭立冰盤鼎足承  
崎嶇堪磬折突兀見觚稜  
列炬分還合懸崖下復登  
論才甘詬屈發興獨騫騰

其四

洞古千奇得山深一徑懸雲飛頻觸石龍起尚  
為田畏路筇堪指迷途火再燃同遊忘帝力  
不是避秦年

出荆泉洞別顧山人

一出桃源不可攀獨留佳句在名山蛟龍歌奮  
雲長護車轍難窮客自還吟罷白頭開暝色坐  
深紫氣擁江關離筵不作銷魂語投贈琅玕好  
駐顏

雲山堂集卷三

十三

胡仲暘祠白石有先人身後之感

蕭蕭風雨淨芳塵古廟凄其薦白蘋長路獨憐  
驅馬意思成還是賽牛人招魂疑在粉榆社報  
主難忘社稷臣却恨簡編收不盡讀君詩句總  
傷神

顧山人見過

丁年遺草澤白首足滄洲名豈玄龍煥才推黃  
雀優交情傾濁酒寒色歛清流風雨蛟虬夜明

珠好自求

答李粹卿

問我家人產絨書昨日来共疑分鹿夢獨有詠  
蓮材讓畔情相得忘機酒乍開是非今日定天  
意信悠哉

登高次汪符卿韻

奇峯峯律掛晴嵐上客揮毫興所耽天送孤鴻  
還自北尊開大鳥正圖南春聲綠綺偏成調寒

雲山堂集卷三

古

色青萍定出函遲莫

主恩知不負無論叔夜七難堪

汪明府出示蜀中詩賦答

秋風步馬出蘭皋握手逢君對濁醪天上星辰  
低倚劍山中雲霧散揮毫宦遊夔子懷偏壯吟  
向巴人調轉高共羨詩名無吏隱清時擬立冠  
群豪

登金城觀東王明府子孝

宇宙何年闢此山幽人結構俯塵寰凭闌忽在  
層霄上握管遙臨大澤間共道白雲開鄂渚翻  
疑紫氣擁函關扶疎况有三珠樹老鶴翩翩自  
往還

陳使君移酌金城觀樓

登樓四望正徘徊驚坐陳公載酒來卅就九還

疑闕苑雲飛五色是蓬萊天開此日賢人里地

關當年太史臺山有黃太史讀書臺獨立崔嵬新萬象即

雲山堂集卷三

○

十五

乘秋氣豈悲哉

嘉魚鳳凰山宴子與

晴空飛閣暮雲開搖落高風數舉杯染翰篇從

秋水得捲簾天送大江來千年勝事多吾黨萬

里交情劇此臺興動月明元不淺扁舟不似昔

人迴

蔡憲使 上壽賦呈

外臺司政冠群倫喜有聲名動 紫宸上壽南

來清詔使 明堂北面奉觴臣歌同江漢稱

天子心似華封祝

聖人况是子淵能獻頌垂衣長戴萬年春

雲中慰王汝憲喪中子

把袂相看雪色時山中不負故人期愁懷鬱鬱

清尊少往事悠悠白髮知有子已傳文考賦還

臺莫起茂弘悲蒼天此日君須問再見探環慰

所思

雲山堂集卷三

○

十六

汪二尹祠

孤臣死事漢江皋詞客嗟其為反騷鸚鵡洲邊

芳草合鳳凰山上白雲高峰烟倚劍浮名失滄

海飛帆轉餉勞落日祠官聊桂酒蕭蕭風色起

蓬蒿

橋成從陳明府遊宴

三柱當年折水隈使君結構獨雄哉穹窿不假

龍龜力霄漢虛傳鳥鵲來賦筆千秋題柱客聲

華萬里濟川才春風載酒高臺上與劇何須杜  
預杯

蔡憲使入賀 登極

清詔同推漢使賢秋風鳴玉未央前柏梁重賦  
金莖色郢里先傳白雪編獻納侍臣當七月雍  
容

聖主自元年遙知問俗

天顏喜新渥還頒采菽篇

雲山堂集卷三

十七

題父堪輿卷

天作滕公室陰雲白日開喜看真氣聚况有異  
人來名在非長夜身藏豈却及千秋能不朽知  
是屈平才

題胡醫扇

羨爾蘇耽術文園起長卿折肱元有意采藥更  
多情鴻寶天曾授丹砂晚自成東山高卧日遠  
志亦叨名

月夜過王都閭席間值雨賦贈

把袂星辰動開尊風雨來揮毫神獨壯說劍氣  
難摧萬里班超志千秋卻殺才 清朝知不負  
天寵下蓬萊

蔡憲使登南嶽

詞客名山餐輿偏丹梯萬丈掛蒼煙龍湫暮送  
歌前兩鳥道遙窺樹秒天四望美人青玉案九  
疑秋色白雲篇頻年楚澤堪長嘯金簡何當夢

雲山堂集卷三

六

襄傳

題吳文學郢里賡歌卷

才名久重子雲亭綸綍新聞下  
帝廷異地門生仍問字 兩朝天寵在傳經五  
羊城古雲陰白三鱣堂高崑嶽青不羨驪珠來  
海色文星夜夜照南溟

林文學南遊還喜而賦此

騷客南遊興不孤尊前春色藝雕虞回車阮籍

非狂態握管相如自壯圖擁傳天開雲夢澤登樓月滿洞庭湖莫論詩賦尋常事千古名山幾大夫

冬夜宴陳明府

清時藝苑大名齊淶醕今宵喜共携上客歌聲迴白雪華編夜色到青藜龍光遠合雲霄上蟾影斜翻睥睨西況復美人能製錦相逢那惜醉如泥

雲山堂集卷三

十九

雍王相三畏堂

何年開第向康莊金榜新題荷寵光浩蕩主恩懸日月昭回藻翰重琳琅許身自比蒹臺客報德堪裁郢里章三復千秋尼父訓丹心炯炯對穹蒼

東林文學

高樓長倚白雲齊極目河山檻外低我似管寧居郡北君其楊震在關西謾論交態狂能作自

許詩篇醉歎題詠落不須評吏事逍遙應自見天倪

宴陳明府

文彩翩翩濯錦鮮過逢受簡對芳筵江干獨釣星為客關下雙鳬令是仙一合自知和璧異千秋誰讓郢歌先多君大海驪珠色投贈于今照楚天

成仁卿過山中

雲山堂集卷三

二十一

故人常道路此日重招尋三歲懷中字千秋賦裏心浮名高自薄交誼別逾深但盡盃中物無聽澤畔吟

胡仲陽宅詠紅牡丹限冬字

永嘉堪避俗水竹共嚴冬對酒先群卉開簾出冶容春迴朱李賦色映紫泥封憶爾河陽日芳菲繞檻重

登城東山



天風吹賦客險絕快山行瀑布空中落烟霞杖底生諸峯時隱見萬壑自陰晴不盡窮幽興何如阮步兵

東山同元相得魚字

佳節賦何如曾傳魏帝書風流元不減禮法自能疎縱飲非關酒狂歌豈為魚閒居多遠興有客况同車

賀中丞府落成

雲山堂集卷三

王

中丞開府向南天保障功高萬古傳鵲尾星光懸柱石龍門春色變山川烏衣坐處時名重白雪歌成客興偏此日使臣瞻北極崔嵬宮闕五雲聯

汪伯玉拜少司馬還朝

卿雲五色抱宸居憲府春回問俗車南園甘棠周召伯西京麗藻漢相如

主恩綠鬢看文劍曹事清時罷羽書和客秣今

誰謂知君握管意躊躇

送吳山人還新安

江皋容與世情疎季重論交把袂初千戶名齊司馬傳三孟才擬伯英書暫從北海為佳客還憶南山有舊廬最是別情牽綵筆河梁秋色重躊躇

送桑使君上京

磨折風塵髮易斑十年名在是非間登樓不住雲山堂集卷三

王

騷人興倚劍還開壯士顏闕下已聞高驥足幕中猶自逐驚班山城此日回車轍已見平陵百姓攀

寄林學憲邦陽

玉陛新承寵渥偏才名禁衛世稱賢同聲郢里千秋事共披明光二十年諸子問奇時載酒懷人招隱夜迴船向來把贈吳鉤在極目天南紫氣懸

中秋前夕雨中集元相別孫兆孺

宿宿伊人不可留蕭蕭風色強登樓茅容濡滯  
非關兩宋玉悲歌豈為秋把酒漫裁南浦賦揮  
毫先作廣陵遊嬋娟此夕何須問明日難禁別  
後愁

中秋夜同明卿賦

淒其世路莽多岐搔首江潭髣髴易絲千里忽來  
中散駕十年重問子雲奇人從南極新詞賦此夜

雲山堂集卷三

三

老人月向中天送酒卮幾度登樓驚夜色不知

神物已相期

仲父汝孝客鄧中寄詩迎之

兒病新聞七發瘳清尊好向竹林遊鄧歌客裏  
誰高調周易林頭幾破愁漠漠雲陰開夢澤萋  
萋草色遍滄洲登臨到處非吾土作賦何如故

園樓

送仲父汝由之尉氏學

清朝綸綍自天來別去梁園講席開握管已吞  
雲夢澤傳經遂擬尚書臺何年三鯉青霄下此  
日雙龍紫氣迴莫以儒官論薄宦千秋名重子  
雲才

寄陳憲卿

十年鴻鴈不輕鳴秋日驚聞送遠聲為問薊門  
逢嘯侶何如畫省罄交情歌從寡和稱高調才  
自違時有大名莫道陸沉人不識江天夜夜歲

雲山堂集卷三

三

星明

送曾日者之貴陽

為客風流不世情驅車還向夜郎城劍光萬里  
雲霄色詩句千山鴻鴈聲懸綬爾甘遠

聖主著書誰擬問名卿清朝知己揚雲在縱得

玄經莫易評

秋夜飲林文學

技癢龍門晚興過相從刻燭夜如何共驚秋氣

筆不是春聲減客歌移席暫看明月近街  
盃還對德星多但將白璧酬知己莫向荆臺泣  
卞和

送李日者

江臯漫擬卜居成有客談天笑語傾為問賈生  
逢季主何如揚子重君平出關行李青萍色把  
酒倚蘭綠綺聲投謁不須憑綵筆驚人詞賦亦  
虛名

雲山堂集卷三

五

王克訐宅閣鳳山別賦卷二首

千山水葉正蕭疎祖道還攀萬里車治行已徵  
河北虎民歌猶記釜中魚歸來海上珠光滿別  
去天南劍氣餘投贈瑤華照尊酒不須岐路更  
躊躇

其二

無端風雨颯蘭臯楚客還將綠綺操垂興共傾  
河朔酒放歌擬對鄴中桃十年心事憐投轄千

里交情解佩刀莫道吟魂銷綵筆山川春色滿  
揮毫

汪伯玉飲尚謙邸園賦謝

邸園春暮駐心臺落日關門紫氣迴明月已從  
騷客賦雄風猶自楚宮來樽帷暫借山川色廊  
廟還歸柱石才爛熳瑤華驚醉眼不妨投轄重  
徘徊

觀察署芙蓉池二首

雲山堂集卷三

六

秋卉芳疑歇芙蓉衆所歡寒生京兆劍色照惠  
文冠池以騷人重盃從嘯侶寬金莖雙露掌不  
忘漢宮看

其二

紫葍催吟興清尊對水濱香非秋後減色自句  
中新世態看花盡風流把袂頻即論王儉府不  
比社中人

九日任兆慶招飲山寺同林文學諸生對

兩

重陽風色強登臺草烟柳樓在苑開法雨忽看  
塵界呼彌天還送夜珠來黃花向裏騷人和白  
杜燈前弟子迴地僻自應吾黨重年秋不數孟  
嘉才

重陽後一日登鳳凰山遇雨集黃山人宅

同林文學賦得燈字

九日餘秋色明朝與復華長逢身共倚卷石坐

雲山堂集卷三

二十七

相仍兩阻高山後還離半夜燈鳳凰不可見客

賦獨騫騰

席上雨止再用燈字

舊賞違風雨名山此日登杯迎黃菊色杖倚白  
雲層星象賢人聚文章作者稱龍光照千里不  
藉九華燈

壽李封君

白髮滄州爾獨醒龍門到客眼偏青大官已辦

河東酒太史遙占處士星獻壽共看南極近移  
文豈愧北山靈鳳毛清世才名將定有金泥下  
帝廷

黃憲幕如京師

千里征車下楚山詞林秋色喜同攀廣陵漫擬  
明朝賦剡水何妨此夜還對酒重投青玉案趨  
朝仍接紫宸班相逢不淺南樓與月色中天  
為駐顏

雲山堂集卷三

二十八

秋夜偕李左史集乃甥王茂才宅諸子姪

侍

山城月色與飛騰懷抱于今對李膺宅相當年  
人共許龍門此地客同登盞簪歌和陽春曲移  
席還挑午夜燈况是德星天上見陳荀千古事  
相仍

題五嶽行踪卷

平子風塵願已酬名山天地足夷猶綈袍忽動

雙龍色綠筆還收萬木秋  
郢雪尊前分舊侶客  
星江上帶孤舟看君到處非形役似是當年若  
士遊

秋夜酌林文學同胡仲賜及諸子姪賦二  
首

多士才華迥不群  
梅檀高閣此論文  
絃歌共喜逢張禹  
尊酒頻看過子雲  
奎璧中天懸夜色  
芝蘭滿地挹清芬  
千秋大樂知能辨  
不似佗人里

雲山堂集卷三

○

二十九

耳聞

其二

闌干北斗掛山堂  
清興同傾五夜觴  
勝事爭誇荀氏里  
時名虛擬鄭公鄉  
青藜自惜韋編色  
綠綺還操郢雪章  
况復同聲林博士  
何妨刻燭引  
盃長

九日同七兄十八弟登王子山二首

此日高陽侶扶筇  
上翠微力稀頻卧石  
心遠獨

忘機古洞迷丹竈  
孤村走白衣  
墳荒清吹裏木  
落萬山飛

其二

搖落驚秋晚  
登臨發興餘  
山中無竹葉  
洞口失桃花  
踈放還陶令  
風流亦孟嘉  
歸來日之夕  
得句足生涯

冬夜元相見過小集諸子姪侍

偃蹇才難盡  
窮愁日漸長  
將同司馬倦  
歌自接

雲山堂集卷三

○

三十一

興狂賦欲凌  
鸚鵡裘應解  
鵬鵬德星天上見  
此里是高陽

元旦後一日集林文學者中賦梅花

為愛寒梅對酒庭  
為舟忽向雨中停  
清芬好續椒花頌  
素質堪凌郢雪詞  
東閣早乘佳客興  
江南遙慰故人思  
共看此夕春光滿  
不似關山笛裏吹

人日山中簡友人

佳麗逢人日蕭疎自客星愁予雙鬢白遲爾萬  
山青行處金花勝歌前玉樹馨如逢漁父問不  
忍獨為醒

春日懷子與

寒色同燕市春暉向汝南雙龍天上合五馬雲  
中驂潦倒才難盡疎狂性所耽尺書猶未達濁  
酒不成酣

春日登祥雲山眺望為亡母卜宅

雲山堂集卷三

三十一

卜築塵氛淨論心丘壑偏白雲開鳥道紫氣出  
龍泉曙色千崖變春光萬木懸山靈如有待吾  
已見牛眠

春夜孫兆孺見過

雙龍月色照荆門霄漢遙瞻紫氣存寡和已傳  
傾郢雪相逢忽漫對離尊黃金世路愁偏劇白  
眼風塵思轉繁醉裏共投青玉案江流萬里瀉  
詞源

春雪齋同友人登王子山

畏路誰能到幽懷我獨偏谷中惟見日樹杪忽  
聞泉得句青山色樹盃白雪篇交遊還舊侶風  
景又新年

清明登雪峯寺限韻二首

楚客乘春興登臨獨倚欄村花明蹴鞠楓火照  
漁竿遠樹隨波上孤雲帶雨寒給園聊避俗落  
日野人餐

雲山堂集卷三

三十二

其二

入谷山疑盡捫蘿路轉難雨添泉脉湧雲漏日  
光殘人自丹梯上天從乳竇看不須遊五岳此  
地足盤桓

登洪山寺同周封君詹孝廉及子樸如飲

寺後山

何年梵刹起中天岑律峯頭棟宇懸塔影倒垂  
千樹合鐘聲遙落萬山傳慈雲縹緲催詞筆佛

日光華照客筵暝色上方同眺望酒盃還對德  
星前

三月晦雨愁遇真宮

春光元不減天遣異人來白雪同聲壯青萍  
暝色開地疑三島近詩向五雲裁暫憩玄關榻  
明朝上帝臺

登大嶽天柱峯

駘蕩春光興自饒致身此日在雲霄萬峯舉  
棹

雲山堂集卷三

三十三

低天柱一氣氤氲酌斗杓賦擬大人違帝寵  
將同君士向誰驕玄關信宿元非偶跡放江潭  
托聖朝

太和宮

名山春色淨芙蓉委佩齋宮拜舞重上帝垂旒  
金作闕群仙柱笏玉為峯歌前露滴三珠樹祠  
罷雲成五色龍最是函關多異氣千年長護紫  
泥封

玉虛巖二首

何年作天險此日助文雄一逕穿林入群山鑿  
石通珠宮懸樹杪金殿出雲中落日回車轍元  
非阮籍窮

其二

倚杖凌丹壑捫蘿上玉虛山疑連棧續石似補  
天餘鳥道心還竦熊經氣暫舒坐看雲物異握  
管獨躊躇

雲山堂集卷三

三十四

紫金城五色雲見次李狂韻

蒲伏稜層上九重雲飛五色壯芙蓉翠華旭日  
擎雙鳳法駕中天馭六龍密坐暫依瑤草席高  
歌遙度赤城鐘凌雲不似相如筆安得詞林萬  
古宗

南巖宮借李狂及子樸如賦

群山迴合抱孤峯上有仙人結構重賦筆凌雲  
兒似犬關門望氣客猶龍空中彩送千家炬樹

妙聲懸萬壑鐘聲與此游真汗漫不須五嶽遍  
行蹤

五龍宮風雨東季狂

一罷齋居對酒尊璇宮星斗亂堪捫驪珠共握  
寒光動神劍雙懸紫氣繁風伯驅雲迷大麓玄  
冥送雨颯中原山河舉目須臾異似是蛟龍過  
禹門

玉虛宮

雲山堂集卷三

三五

巍巍宮闕控仙關天啓清朝闢此山

帝降絳綸多寵渥客來詩賦豈人間龍光萬丈  
無朝暮御氣千秋自往還搔首玉虛聊聘望何  
由振羽一躋攀

幽蘭亭憶元相

獨立崔嵬爽氣新孟亭落日放歌頻非關白髮  
違

明主自是青山狎故人寺入幽蘭悲異地巖登

梁父慰同春天南神物終須合遠道于今且側  
身

齋罷過紫雲亭對雨

紫雲高覆此亭孤回首仙宮颯有無人向北辰  
歌

帝社天開南極壯皇都驅車已度王陽道把  
酒寧愁阮籍途堂意法龍驚彩筆蕭蕭雨色暗  
平蕪

雲山堂集卷三

三十六

讀太和山銘東汪伯玉

石壁崢嶸見勒銘千秋還重此山靈揮毫春色  
文昌殿倚劍寒光執法星上帝遺臨心自赤中  
原轉盼眼逾青來游忽解相如渴不識虛名在  
漢庭

桃源洞

天風吹我上丹梯杖底烟雲萬界迷古洞桃花  
驚醉眼醒來不見武陵溪



滄浪亭

清江一曲抱高岡，有客芳亭共舉觴。  
只恐塵纓沾盡濯，空令孺子說滄浪。

落帽峰

高峰落帽似龍山，不識真人卧此間。  
聞道五城環帝闕，丹梯千仞總難攀。

萬松亭

萬丈峰頭立古松，人傳七載似飛龍。  
何當一夜雲山集，卷三二〇。

三十一

來風雨帶得明珠上九重。

萬丈峰

萬丈峰頭客至難，五雲遙指帝城看。  
到頭畏路何須避，已上天門十八盤。

凌雲巖

高風吹落步虛聲，聞道仙人在五城。  
乘興欲排闥闥去，空山獨夜月華明。

青羊澗

一去瑤臺路渺茫，何年復此會青羊。  
化人豈有前身在，寂寞千秋拱聖皇。

太子巖

石屋高懸太子宮，翩翩飛蓋彩雲中。  
金童玉女遙相待，一劍長看掛瑤空。

天柱峯

七十二峯拱帝闕，層霄獨讓一峯尊。  
雙懸日月中天在，不似人間曉更昏。

雲山堂集卷三二〇。

三十八

習家池遲顧山人山人五遊此矣

太守高名自習池，歌聲遠憶郢中兒。  
車因遲客停風雨，賦得懷人倦酒危。  
登眺地緣吾黨重，輝光天惜此亭私。  
明珠莫惜重相贈，報爾瓊瑤又一時。

林文學自楚反將如鼎州

白眼風塵氣未降，客星寒色照滄江。  
萍踪到處元無定，神物中天本自雙。  
勝事已歌金作縷，交

情還藉玉為缸春光乘興應難盡不似山陰雪後纓

乘傳舟行謝盧憲使

賦客還航杜若洲巨川喜惜大夫舟傳同司馬  
遊偏壯驛似長安與歌流彩鷁遙吞江水色仙  
槎疑泛客星秋誰云到處非吾土濁酒狂歌任  
去留

子與如京師在詩言懷賦答

雲山堂集卷三

○

三十九

病色起金莖文園復長卿誰能測賢者而亦念  
蒼生賦有凌雲氣書多愛日情向來甘拙宦不  
為惜浮名

題王日者遠遊卷

爾抱君平術能為汗漫遊寒星長伴客朔雪幾  
隨舟跡落誰青眼萍蹤易白頭向來忠孝語不  
與世人傳

黃元靖元相見過

連壁重過豈厭頻白頭吟罷轉相親德星已卜  
天邊聚池草猶疑夢裏春湖海談交驚坐客風  
塵浪跡問津人銜盃共有清狂興况復中天月  
色新

雨中元相在詩賦答

紅塵車馬往來輕搖落悲我白髮生自是騷人  
耽寂寞何妨郡吏損功名清朝豈有中山篋濁  
酒還深北海情不惜瑤華將尺素蕭蕭風雨風

雲山堂集卷三

○

四十一

秋聲

送琴師龔處士

詔使曾聞重帝庭頻年書劍尚飄零關門忽見  
真人氣霄漢還高處士星古調獨操頭易白孤  
懷相對眼偏青薊門喜有孫登嘯歸去山中莫  
倦聽

暑日柳雲菴同李狂鄧廷鳴小憇時僧歸

自廬山

一入禪關暑氣微紅塵車馬向來稀門開萬柳  
僧無色榻下孤雲與欲飛把酒暫為河朔飭論  
心還息漢陰機千秋擬結陶潛社已見廬山惠  
遠歸

九峯寺寺初自國朝僧世受恩

清朝梵宇開荆榛稽首雲霄寵渥頻金殿崔嵬  
懸斗極珠宮錯落離風塵千秋北闕稱

天子萬里西方說聖人客賦豈無蓮社興誰同

雲山堂集卷三

四二

惠遠結交親

題松洲卷

徂徠樹色滿長安屹立芳洲衆所難搖落萬山  
秋自遠蕭條三逕好誰看高枝獨掛青霄上偃  
蓋能令白日寒自是虬龍多變化大陰雷雨忽  
雲端

海天遙祝二首

疎放乾坤鶴髮清尊長嘯竹林中籌添滄海

流光遠春入南山獻壽同心事幾年題客含官  
情千里托秋風知君自有長生訣不獨丹砂羨  
葛洪

其二

華髮朱顏爾獨殊此身元未辱泥塗一官枳棘  
棲何穩千里尊鱸興不孤南極星臨鄉國動白  
雲秋望海天隅湘江遊子過鴻鴈百拜遙將絳  
縣圖

雲山堂集卷二

四二

送方中丞之宣大鎮

方叔何年簡

帝廷朔方猶此藉威靈虎符重振將軍樹文劍  
還凌執法星策本和戎空鴈塞恩因市馬控龍  
庭知君顯允聲名久回首燕山又勒銘

送林文學校士京畿

郭隗臺前曙色開知君登眺獨徘徊門生豈為  
黃金重和客誰歌白雪來南斗文星還拱極中

興

聖主正掄才  
栢梁况復頒新詔  
上坐先沾寵  
回

吳求叔見過

頻年幽意在蘭皋  
求仲相遇意氣豪  
萬象春光新綵筆  
雙龍曙色照綈袍  
交遊慘淡情非薄  
和客淒涼調自高  
莫道驪珠人易得  
披鱗天地幾吾曹

雲山堂集卷三

四三

曾公子見過枉詩

春城柳色照揮毫  
握手交遊且濁醪  
香異已憐鴻鵠志  
論才應有鳳凰毛  
未遊五嶽心常許  
漫擬三都價自高  
歟落秣今吾道在  
滄洲白首亦稱豪

送陳明府之休寧

雙龍風雨別江城  
紫氣重瞻海國生  
帝詔兩朝名益重  
郎官異地宿還明  
交遊受簡

采秋色父老攀轅戀舊情  
仙關即看飛鳥下  
王喬千古續芳聲

元美招飲晴川閣分韻得川字

江皋秋色白雲篇  
不向風塵受衆憐  
神物自天重合日  
斯文賴汝中興年  
浮名已見開尊裏  
交誼還深命駕前  
况是詞林多應接  
何妨到處有山川

晴川閣飲幾達曙用前韻為別

雲山堂集卷三

四四

結構何年控大川  
禹功危石至今懸  
地名禹功樓其上  
千秋地重騷人賦  
五夜天臨上客筵  
落落晨星樓閣外  
滔滔江漢酒尊前  
已知握手難為別  
一曲關山意轉憐

大別山對月遲元美

漢陽秋樹擁晴暉  
載酒高臺坐翠微  
此興登臨元不淺  
故人期會忽相違  
清尊對月殊懷遠  
白眼看人萬事非  
只有吳鉤能變化  
須臾風雨向

君飛

再飲晴川閣分韻二首

維舟當大別把臂慰平生  
長嘯江流駛深杯樹色晴  
交情稱散地詩句薄浮名  
十載星為客偏從此夜明

其二

連袂還茲夕仙舟在漢陽  
共論機事少且聞客身強  
歌自銜杯壯人仍懷彼狂  
萍踪何所定此

雲山堂集卷三

四十五

地獨飛揚

舟中別元美因題程孟孺卷五首

此夜雙龍別楚天多君握管對芳筵  
飛帆明日三千里寒色長留郢雪編

其二

彩筆那堪賦別離風塵雙眼醉如癡  
逃名白首何須問只許詞林弟子知

其三

尊前白眼漢江天回首京華二十年  
此夕醉中誰草聖交情不盡彩雲箋

其四

命駕當年意不群一尊還白萬山雲  
典閣縱迂王猷棹神物長看存楚分

其五

滔滔江漢暮雲平濁酒還過問字生  
乞得玄經如尚白千秋誰重子雲名

雲山堂集卷三

四十六

晴川閣別元美二首

渡江人已着鞭先追到中流且繫船  
對酒共談秋水色不知何處有支川

其二

中興無策獻君王搖落江潭鬢欲霜  
君去若逢齊漢侶莫將卧處比南陽

張憲使助甫避水山寺移尊往問二首

懷山何太慘祗樹此相親智已窮  
河伯愁堪問

水濱花仍天外雨歌自郢中春為有襄陵操移  
尊近故人

其二

移席彌天近揮毫暮雨來河清還可待砥柱不  
須猜病起觀濤賦情深避暑盃豈能問道百甘  
老添園才

雨後書懷呈助甫二首

明月不可得白雲空自流篇仍秋水重轄為故

雲山堂集卷三

○

四

人投畏路論心少交情抵掌休瑤琴多古調此  
夕意綢繆

其二

瓢落才難盡萍離意不殊愁時堪楚壁結社耻  
齊竿官豈論詩拙名非縱酒汚浮生如有適何  
必問蓬壺

武義劉文學貽詩扇賦答

風塵清嘯一銜盃南望烟雲醉眼開五字忽傳

三子扇六詩還見孝威才翩翩海色來秋鴈炯  
炯龍光照上台忽憶明珠難媚世因君投贈意  
徘徊

成仁卿至對雪

豈期杯重把况有雪同歌寂寞玄心在疎狂白  
眼多綈袍寒自若投轄夜如何不是山陰棹塵  
傳訪戴逵

寄于鱗二首

雲山堂集卷三

○

四

北極登

新主東山起舊臣竟能依日月元不混風塵倚  
伏初難識文章自有真尊前多遠興應寄楚狂  
人

其二

河清今始見雪白向誰歌鴈蕩新題蒲龍門上  
客過醒堪漁父獨病憶馬卿多駘蕩春光裏懷  
人意若何

題鄧王相引子朝天圖

江魚翻巨浪引子上天門已奮雲霄翼還多雷雨思貪非東海餌怪似北溟鯢羨爾為龍去明珠萬古存

九日東山同元相限韻

能馳靈運屐不迓嗣宗車杖底秋雲白歌前木葉疎黃花今夕酒鵲屬故人書忽憶長安客朝天正佩魚

雲山堂集卷三

四九

寄鄉人戍邊

胡塵低鴈塞羌笛起龍沙記得江南曲三年不在家

寄遠

長風吹月色千里別君前妾有心難到君看月自憐

中秋元相同石元鳴過訪命酒對月

此夜南樓與風光轉覺新秋臺瞻白兔寒影淨

紅塵玉樹桃源客金波竹葉春胡床三弄笛悽切更愁人

月山

長嘯蘇門暝色開纖阿揚彩重徘徊千秋抱璞人難識一夕吹笙鶴自來玉鏡懸空林影淨白雲出岫夜光迴江城笛起關山月飛送涼聲入酒盃

望遠

雲山堂集卷三

五十一

樹杪雲初盡天高鴈不停當尊長自見只有萬山青

留別李狂

何年一榻下南州將去還為汗漫遊雪色連乘招隱與風塵獨抱著書愁論才自許心難別入洛遙知春不泮莫向尊前悲去住客星長湧漢江流

哭十八弟

玉樹推何早悲風滿故廬歸期空毋望手澤罷  
兒書頓覺麈尾聲歇還悽鴈影疎西堂千古詠憶  
汝夢魂初

黃進士拱辰至同元相求叔賦環宇

擁傳清時出漢關滄江留滯擲朱顏雄文縱似  
無推轂仙詔虛聞有賜環懷抱獨開愁病裏聲  
名遂起是非間風流玉樹堪相倚寒色于今喜  
重攀

雲山堂集卷三

○

五十一

春日同拱辰過元相得鷺字東元相

駘蕩春光掛薜蘿驂人握手與如何家貧但有  
侯芭酒書罷誰將送少鷺拊軫謾論青眼少揮  
毫還喜白雲多如君抱璞非干主不向荆山擬  
卞和

東拱辰

春花爛熳匝庭柯天遣詞林二仲過倦客獨憐  
佳節換新詩還為故人多共酣士行墻頭酒不

吳文通闕下鵲況是東山高卧日蒼生其復奈  
卿何

哭于鱗四首

大海茫茫日月昏重泉歸去掩龍門琴亡客自  
千秋恨道在君仍萬古尊漢關舊遊多故事湘  
江長夜幾招魂當年不奉東山詔安得崇班戴  
主恩

其二

雲山堂集卷三

○

五十二

世路悠悠萬事輕含香畫省竟虛名門生不復  
誇容接坐客何因見典刑不記醒時還似夢寧  
知死後孰如生翩翩詩賦名山上獨有昌言惜  
未成

其三

陵替長嗟宇宙賢如君此夕轉堪憐珠落落  
人間世握管悠悠地下年不分樓臺空白雪翻  
疑山水斷朱絃若非後死知音在那得斯文萬



古傳

其四

懷人海上月明詩豈意江南鴈到遲作賦已淒  
聞笛日報章竟後夢極時風摧玉樹天難問病  
絕金莖爾自知佩我龍泉今尚在哀鳴還使萬  
人悲

江上小舟

風波常作惡巨艦幾遲回畏路無人避還操解

雲山堂集卷三

辛三

艇來

從軍行二首

邊月胡霜自鐵衣黃榆白草黑雲飛轅門只有  
將軍令不斬樓蘭首不歸

其二

大漢塵沙暗玉關祈連烽火接陰山漢皇起刻  
封侯印只待嫖姚奏凱還

明妃曲三首

琵琶多怨別秋色轉愁懷單于空自喜不是畫  
來容

其二

自矜顏色好不結單于親誰知天子詔不是色  
衰人

其三

妾命由來薄君恩本自深長門誰有怨傳語到  
于今

雲山堂集卷三

○

辛四

感興

獻玉輕干主投珠誤識人何似任公釣期年得  
巨鱗

放歌

無絃音自雅有雪調彌高為問陶潛興何如宋  
玉豪

采桑吟

東隣日采桑西隣日采桑桑枯蠶未老采采不

盤筐

采芝吟

東家人未歸西家人未歸爭尋三秀草不為欲  
療饑

燕

羽毛常自惜霜雪不相親但得棲身處茅次亦  
主人

杜鵑

雲山堂集卷三

五

望帝何年化呼名未息機春聲徒自苦客子不  
曾歸

螢

燭火何時熄明珠似暗投丹心長耿耿一夜即

千秋

採桑度二首

採桑河水綠日落河邊宿何處冶遊即來聽當

春曲

其二

三月蠶生時攀條上桑樹粉黛不為容憐歡從  
此去

班婕妤以下樂府五言唐詩

風吹玉階樹搖落總堪悲綠綺誰能抱朱顏不  
自持恩深辭輦日腸斷製絃時獨有昭陽月流  
光照履綦

紫駟馬

雲山堂集卷三

五

天馬來西極駿騰獨有名千金堪報主萬里不  
留行落日長城震高秋細柳營祗愁流血盡關  
塞未休兵

妻壽命

團扇秋風動離宮夜月悲君情如覆水妻命信  
遊絲帶憶同心結枝有連理垂相思不可見空

自怨蛾眉

龍頭水

朔塞悲風起秦川高浪生笳吹流水曲柝送斷  
腸聲頓覺胡天黑還看漢月明匈奴猶未滅飲  
馬過長城

有所思

一自同心別青樓損玉顏榆關風落木鴈塞雪  
連山不見烏頭白空聞雉子斑寄書何日到惆  
悵暮雲間

折楊柳

雲山堂集卷三

五七

春色頻看折新枝更可憐柔條牽夢遠密葉綴  
情偏淡墮金城月愁飛玉塞烟將軍也細柳共  
道立功年

將進酒

烽火斷居延鬣頭落漢天九邊傳露布萬里達  
甘泉寵渥蓬萊宴工歌狀杜篇江山百戰後驩  
賞太平年

劉生

劉生何飢辭走馬去長安彈劍青天白揮戈亦  
日寒留宿還置驛結客好探丸轉戰皋蘭北寧  
辭道路難

芳樹

芳樹春輝滿新葩匝故枝當歌紅爛熳對酒綠  
葳蕤楊柳難同折梅花不共吹玉關如可種寒  
色總堪憑

長門怨

雲山堂集卷三

五八

長門曉夜色永巷閉秋陰無復還金屋空勞望  
玉音恩緣斷寵奪怨以舊情慄不有相如賦何  
由見妾心

梅花落

檻外梅花發東風妬轉深自無桃李色祗有歲  
寒心影度金河鴈春殘玉笛音漢宮粧欲罷對  
汝白頭吟

關山月

明月照金徽天涯客未歸刀環開夜色弓影控  
寒眸不逐關榆望還隨塞鴈飛此時薄命妾獨  
掩白雲扉

驄馬驛

蹀躞橫門道相傳青海驄霜蹄削寒玉朱汗落  
秋風慣以涓人重行因御史工障泥空自惜驤  
首意無窮

巫山高

雲山堂集卷三

五九

巫山倚天外地險控荆門鳥道青蘿暗棲聲落  
日繁陰晴千壑變雲雨二儀昏寂寞高唐夢空  
傳宋玉言

塞下曲

月照陰山夕霜嚴塞草凋寒聲金柝慘殺氣王  
關送漢使難逢鴈胡兒慣射鵰大風思猛士誰  
是霍嫖姚

雲山堂集卷四

文目

送憲使戡公按部序

白雪樓詩序

相公呂老先生上壽序

送郡伯吳近泉上績序

送永州王郡伯入計序

賀鄧汝珍新居序

雲山堂集卷四

十一

題林文學藝苑別言卷引

送林文學敬夫京畿選士序

龔氏族譜序

綸恩寵錫詩卷序

送劉巨塘先生之宜春令序

劍江清隱序

遺愛卷引

送陳舜源還武昌郡學序

黃山人詩集後序

賀嘉魚劉邑侯堤成獎勵序

送沈太峰攝政還楚序

題楚士明經錄

送陳大夫之休寧序

送長興顧大夫入計序

送李于鱗守順德序

送劉少尹入覲序

雲山堂集卷四

○

二

賀謝封君命服序

送羅少尹上計京師序

羅少尹禱雨卷引

壽中憲大夫黃墩江序

壽毛邑侯序

送羅少尹還鄉序

題中丞方公撫夷卷引

壽張母余安人六十序

壽叔祖魯菴公九十序

邑劉二尹新浮橋序

送奚子司屯王國序

送陳橋東擢秦大叅序代作

送張澄齋擢蜀叅議序代作

送張東川擢秦戎司序代作

冢宰楊公疏稿序代作

雲山堂集卷四

○

三

雲山堂集卷四

楚蒲圻魏紫順甫著

送憲使戢公按部序

觀察大夫戢公按部入邑不佞辱交大夫驩悵相知晚已大夫言天下事慷慨有大志其在諫垣平尚書奏事劾去貪墨賦欲平而刑罰欲其清孳孳焉務得人心之和茲奉

璽書吾楚詰奸禦盜以其道施之於治兵友人

雲山堂集卷四

一

吳來鳳氏雅游大夫則過予言曰予知大夫蓋自其父母之國云始大夫服儒衣冠游黌序富有文藝言動必稱先王大都授時予嘗常視之矣督學姜公韓公試其文高等已薦其行奇之今成名登第大有裨於邦家則二公知人有足多焉大夫起家進士侍

天子惓惓抗言時政不久留鎖闥中或謂大夫得無不媮快於中乎大夫廓然亡他會不以細

原缺第二葉

臣何讓焉夫人臣戴主之德而荷其寵光亡不思媚左右格共朝夕若不能一日于外者被命四方而亡以平賦安民潛消禍本將何以稱上意乎大夫為言官畫大司農經賦大當

天子心則其能安楚國化魁為良必也傳不云乎法令滋章盜賊多有漏網於吞舟之魚烝烝吏治不致於奸黎民乂安使部刺史以下循守條職重煩百姓大夫垂拱蒙成臻刑措治理之

雲山堂集卷四

三

效而兵亦無所事矣古所稱若天子寧王心者何以加哉吳子曰璉哉言乎遂書以質諸大夫

白雲樓詩序

余為卽時與屋下李于鱗同舍于鱗雅好為詩  
詩不為近代語古所稱作者非邪于鱗詩雖多  
重示人懷瑾握瑜尤不可秘卽其意不欲傳于  
時海內兄弟同聲相應蓋洋洋盈耳矣諸曹卽  
欲得其詩多不獲余與二三兄弟得其一二和  
而歌之相樂也于鱗厭承明早與余相失者十  
年餘不謂今日驪復得為疇昔舍中語也于鱗  
雲山堂集卷四一〇  
四一  
歸自關中結樓鮑山鮑山故管鮑論交地于鱗  
樓居俯海岱之勝美人西方側身遙望為白雲  
之歌念二三兄弟何嘗一日置哉余以尊酒過  
從和歌樓上相得驪甚亡厭乃名樓白雲并索  
其全詩刻之題曰白雲樓詩集詩凡若干首分  
體為卷其所以傳則自有知音者在

相公呂老先生上壽序

天子御極之明年詔冢宰大計群吏粵西陽子  
光宇令嘉魚制不得趨

闕庭則請于其鄉先生呂公曰宇竊祿二年際  
中興之盛治制不獲觀

天子私心豈愉快邪公曰若能勤吏職治民百  
姓安之卽不覲福祿申之必矣亡何陽子使人  
言蒙曰宇於呂氏通家視公猶父公以二月十

雲山堂集卷四一〇

五一

八日初度願得一言以祝蒙謝曰公恩德加海  
宇公卿百執事大言祝者衆矣予言豈重公邪  
陽子固請乃稽首而言曰竊聞周梓過層論者  
以為成王基之然非獨

主德茂也蓋亦有老臣焉夫天予良弼賢君必  
錫純嘏使與君壽相為無疆庶幾上下勤恤以  
小民受天永命斯稱上壽已召公言壽者曰稽  
古人之德曰稽謀自天非其所身有者乎呂公

起家甲第事

先皇至

今天子心誠實為國家陳謀詰曰丕能誠于小民歷年勿替臣敢不祗承休命以故保乂有功躋天下于仁壽之域則公之自壽信有道矣今成王位在德元周召為輔皇天眷命月恒日升公之壽豈以歲月計耶周公語君與曰天壽平格保乂有殷今汝永念則有固命誠有味乎其言也可以卜公壽矣言既陽子再拜起曰燉哉壽也非仁人孰能言之請書以質吾公

雲山堂集卷四

○

六

送郡伯吳近泉上績序

吳大夫在吾父母之邦治行著即漢傳所稱河南潁川守何以加哉大夫性廉介不能得之於時為南北尚書郎更為郡守州牧陸沉中外間若無所知名者已為吾郡人莫不偉視焉初兩臺廉其賢疏

上踰年不調亡何且報政故事大夫見

天子上其政事稽首

雲山堂集卷四

○

七

闕廷親承

寵渥乃中丞趙公侍御舒公賢大夫重其去疏留之使人入其書則

寵渥之加必焉固世之所共榮也予觀漢吳黃二公治有異等之效帝以重書獎勵增秩賜金吳公當文帝時謹身帥先不嚴而民從化次公長於治民務在成就全安之宣帝稱為賢人君子大夫所居輒效上當



天子心何以異此竊觀河南之政史稱能用賈誼佗亡論著彼當文帝垂拱時故能以化治稱非有剴繁治劇抗言危行以身當其難者次公始察舉郡中繼舉賢良高第八年而後政成亦非急功嗜進而易為之者此所以垂名帝庭流德子孫聲施后世無疆已大夫所臻治效歷有歲年皆自歉歎焉困不得志者為之其視漢吳公尤難

雲山堂集卷四

○

八

天子中興下恩澤詔書能宣布命令使民咸知上意至務耕桑節用精力推行則所稱股肱之良亡待八年矣夫遇難於吳公而治效敏於黃霸大夫之所為豈庸衆人所能識哉蓋其識高故其所就不苟其材器大故不以細故蕙蒨于衆而竟用其所未足世之君子不見其大急於祿利之途一不當意感慨拂衣以去非能逃其名也計畫無復之耳向使大夫於其不當意時

即薄之而不為則今之治行何至如古人所稱述哉

聖天子登崇俊良待以不次之位大夫其日譴力焉邑令陳君履多大夫事屬蒙言蒙雅游大夫且習其政是以詳著于篇

雲山堂集卷四

○

九

送永州王郡伯入計序

聖天子御極之明年負帑而朝諸侯郡國計吏咸在

闕廷若州邑長吏丞尉以下守皆以臧否聞夫守先群吏治民重矣至臧否群吏進退貶升分明尤重初

先帝時議可以佐百姓者惟良二千石求難其人已得王大夫蓋與良哉始為良官知有整薦雲山堂集卷四一〇  
十  
紳間嘗盡兵劇督府帑恆饒賦屬委庸公亡不知能大夫者至以序遷求或失之大夫顧沾沾喜曰人臣立功名惟

上所命佗何足計邪既治和臻化理效郡中耆老子弟賢士大夫亡不人人德之也其言曰吾力罷征歛大夫時其盈縮使輸輸亡奇羨入故多觸罪大夫明制律使讀法訟必親聽之亡冤郡多奸宄甚者闌出財物不勝捕大夫法其尤

使亡蔓又郡多才大夫親賢豪問辨博有功於治甚大尤重諸生文藝給糈養使成名高第者衆嗟哉大夫治行即漢召信臣唐常宙何以加哉余觀漢守相治有異等則重書勉勵增秩賜金

明天子大計吏治蓋屢行今中丞大夫當

先帝時在郡中有異等之擢受

恩既渥輝映無疆大夫其進於是乎余又聞元

雲山堂集卷四一〇

十一

結陽城故治道州比自有殊績至觀史傳則臧上費拙催科孽孽焉得民心耳然結繯符牒蓋當其難而城署考自下彼其心在百姓追恤其他斯二子卓越之觀也大夫課郡邑諸吏毋亦拊循是先以無忘

天子佐百姓之意乎予多大夫才且知其得民心是以論著之如此若不次之位則天子業已表之矣

賀鄧汝珍新居序

鄧子汝珍新宮成。魏子觴之。弟子執爵而立。鄧子曰。竊有先人敝廬。兄弟朝夕聚於斯。今自為佖。適耶已舉。疇曰吾兄以大夫之祿。歸養。儒等怡怡庭闈間。惟兄是賴。環堵之居。兄命耳。乃時則顧子曰。願先生一言以重斯室。可乎。裳曰。予言豈足以重哉。乃先生有以自重矣。獻文子室成。曰。吾全要領。以從先大夫於九京。孟獻子雲山堂集卷四二〇

士

美其室曰。吾兄為之。不可有間。故君子善其頌。稱稱友于之誼。不棄若汝珍。嗜豈不庶幾。二氏邪封君地。官大夫。懷獨行君子之德。成諸子德。業過人。

天寵優崇。心常有以自下。所以遺其孫子者。大矣。汝嘉勵作求之志。無忝於先。即同居奕世。不能得之於時。而墳麓共譽。澤解乎其威。豈以形迹異哉。汝珍居是室也。思其先大夫愛敬其兄。

宜於弟子宗族。而又假道。託宿於仁義。以游消。這之虛立。不貸之地。即莊周所稱至人。不是過也。其所以重斯室者。寧有既乎。言既弟子乃歌。斯干之二章曰。似續妣祖。築室百堵。鄧子曰。吾烏乎孝。再歌首章曰。兄及弟矣。式相好矣。鄧子曰。吾烏乎弟。雖然。聞先生之言。何敢讓焉。

雲山堂集卷四

二〇

士

題林文學藝苑別言卷引

文學林君為文去就近世何遠哉君名世以文  
文則古昔以故人稱作者先是明府胡子昱山  
人黃子宗榮與吾黨結伍從君君蓋張赤幟焉  
已君業史事於余甚驩即所稱莫逆交不是過  
也夫交深於文藝千古不爽去住目前豈足為  
意乎乃吾黨之心不能一日去君也余惟錢輔  
故蘇碣石官昭王下士得一郭生重已今

雲山堂集卷四

十四

天子以文治海內翕然嚮風士成名高第蒸蒸  
效用爛焉與伊傳周召爭烈樂毅劇辛諸子何  
足道哉茲行也邦國之先大矣余不佞遂書于  
河梁以別

送林文學敬夫京畿選士序

文學林君敬夫經術高大有聲吾邑君才雅可  
大受不薄文學官所用其未足者蓋有待云予  
與諸君交敬夫之驩街杯劇談多所受益君不  
自見其長心嘗有以自下至相從受簡才藻英  
發飄飄凌雲之氣即洞庭君祝融帝之語有神  
化所至不似人間來者奇哉敬夫校士京畿蓋  
天子教化先被之國豈不大新士習示化四方  
雲山堂集卷四

十五

哉予觀世儒以文相命言必追作者左丘明司  
馬子長諸家言亡不人人誦之士誦法孔孟非  
其道不言即丘明子長豈其異邪乃刻意相矜  
不自引於繩墨多其才識工為閎大之語然其  
去道遠矣使自引於繩墨不詭于道言經則孔  
孟傳則左氏司馬乃其所得豈淺哉敬夫以  
文選士是以論著之如此若篤行君子脩明先  
聖之業則敬夫自得之余何言

龔氏族譜序

余讀龔氏家乘曰嗟乎天地之氣流行萬古而不見其終窮人之氣豈與天地異哉始天子賜姓時一人之身耳生生不已至不可終窮雖奕葉蕃盛歲久遠而一人之身所鍾天地之氣長在宗祖之與子孫豈其遠乎古公侯卿大夫世其家國史紀之昨若後世家自為傳也自宗子法廢史失其紀宋儒朔為家傳如廬陵眉山二雲山堂集卷四一〇 六

氏雖有遠胄之議而追遠篤親君子勉之吾邑故多著姓人罹兵燹不多世其家子孫弗知本始者衆問有知者則以家乘存也然其繁世之傳其有關於宗祖一人之身所得天地之氣者豈小乎龔氏古自堅勝著名宋稱參軍伯一父子明興尤多賢詰汝觀所撰誦中豈不彰明顯著哉夫人受天地之氣以生必有天地之心而后可以自立且傳之子孫未艾也故耕田共

子職者為良民其立身揚名光顯父母則以其道行之於君耳忠孝之心人孰無之而汨於習者不少矣予觀龔氏傳中令士農章訓戒以祖宗所力行者範其子孫即布衣敝衣恩有負賸之缺既金紫輝煌恩光衣被先人不世之澤已自

天子沛之乎子孫世有忠孝之心則天地之氣存而邦家永孚于休矣汝觀曰至哉斯言請書

雲山堂集卷四

〇

十七

以示吾裔

綸恩寵錫詩卷序

高珠泉先生以文學教蜀士去之二十年所子伯宗侂比部尚書郎考最例封先生如其官諸大夫有習於高子者贈之言蓋章

天寵云或曰先生故薄文學不為即尚書郎豈其好哉魏子曰尚書郎固其子之官

天子賜封先生顧不重耶萬石君以大夫祿歸老子建慶有聲于官論者多其家行不言而化

雲山堂集卷四一〇

六

顏士遜文義名世為官盡心補益父延之卒受侯封夫萬石君顧延之世所稱賢者彼其資弗逢世論議不著於廊廟昨子之賢焉能竟其志乎先生博物洽聞通古今之誼其才何所不可雅志倦游不究用當世乃伯宗瑩聲即署錫之嘉名以封即萬石君顧延之何以加焉漢治尚書郎直建禮門奏事明允嚴慎遵職事以憂勞其身章服位號與居位任職者無異

天子以子之賢推恩先生曰而子官不重與其父先生拜而受之不敢有辭于

天子且曰幸哉有子如此即隱居巖穴聲施天下後世誦義亡窮者安歸乎先生之為郎蓋不可謂不重矣傳稱萬石君以嚴見憚疎之為諸侯相則感慨含位非其志也顧延之好聲矜賢莫能容世自多其子至德色上前不少下豈能居成功哉先生早歲薄游不留富貴之樂固非

雲山堂集卷四一〇

九

有徵而為如萬石君者伯宗兄弟振駟詞林大有聲縉紳間先生冲然以居退焉如不及豈顧延之所可庶幾者乎余多先生逸行且善承天寵也是以論著之乃名位之榮則有諸大夫賦焉

送劉戶塘先生之宜林令序

巨塘劉子拜宜春令問政於魏子魏子曰吾子富有文藝飭功尋年脩之家素矣矧才宜世用甚大茲柄一邑政耳又何需吾言劉子曰民可畏不可易令於民為最親緩之則不張急之則不能不怨吾方惴惴耳豈其易之哉魏子曰夫今上大夫之選賢才處之古之君子經宰縣者得入為臺郎所以期之者甚重昨直上之人重

雲山堂集卷四

辛

之令亦知自重焉官非其任不處祿非其功不受竭志畢誠効忠宣力以便國家利舉為務仁以綏邇柔遠義以執勇禮讓以博化惠澤下流浸浥沂溢兢兢焉業乎其官東道而行不失諸已今之君子或挾咫尺之藝落落於世謂不若迂身僻俗沉浮取容以就功名之為快也倍力投時好襲空名卑疵越拘文牽俗而莫克自振亦有知自好者愛持高節砥礪名號不肯留

富貴之樂委而去之若務光涓子然惟恐爵祿之及已若人也民奚賴之子產治鄭與誦翁然張潭令和寧民愛之如父母故子產為惠人而張潭以慈聞於世之二子者寧蹈俗之累哉夫惠與慈不可以虛辭借也感於心和於行懷携附衆靡施弗留思之也不望其報刑罰之也不顧其怨誠見民之若子一體視之不以官為威不以法為機故民之心亦與令為一而父母之

雲山堂集卷四

壬

戴周後功加當時慶重後裔不亦遠乎吾子抱奇奮珍際時自奮將以其大者用之天下宜春一令固未足以域子茲初試官時貞志定慮必以古人自期待不至為今之君子則善已若夫補偏救敝通變宜民吾子籌之熟矣

劍江清隱序

王子治博士家言二十年所居畏約不竟學已而博觀外家語心竊嚮慕之始學書劍及為古文詩有名乃修伯陽景純之術又得長桑君禁方試之咸有驗精良之四方與賢豪長者相結過予予客之王子山中握手劇談極數知變而不詭俗古稱名世之士風流可知不虛矣一日出劍江清隱詩藁笥中予得而讀之曰君子德雲山堂集卷四  
○  
王  
名為幾豈其隱乎世之隱者居止草澤間食其技藝焦神極能以獵聲譽若張仲曲成侯季主郭玉之徒未可更僕數也然流宕過誕何知長者之道王子雖游於技乎不好立名稱其所有重予人即知其人報予之莫不快其意之所欲得衆庶榮其聲迹靡靡乎德誼長者之風豈不庶幾德名者哉余名重王子知其實是以論著其顯者如此乃其蟬蛻汙濁不蒙世溫燬輕富

貴而驕王公者則何用余言

雲山堂集卷四  
○

王



遺愛卷引

黃君攝吾邑多佳政士民愛敬之語在龔汝觀  
氏祖道篇中先是余登大岳道鄂城當道賢君  
者衆或以事屬君如京師余請為吾邑且留已  
大岳還則君謝邑政矣河界載酒默然魂消君  
授余詩數章多寡和之由予觀君政豈不庶幾  
哉章茂楊震之烈耶其文藝尤有足多者蓋  
文章始行無著也世人多文士私心少其治民  
雲山堂集卷四 ○ 五

此與耳食何異傳云言之無文行之不遠則文  
之裨于行豈不信然乎諸士大夫謂余言知君  
遂書于遺愛卷首

送陳舜源還武昌郡學序

乙卯冬天下計吏如京師郡邑事以他攝焉吾  
邑浩穰不比前時然有聲劇也當路者悉民隱  
畀之惟其人于時陳君超詎自郡學來浚邑事  
陳君故薄上虞也借其名於吾邑吾邑得君之  
重卧而治之豈不韞哉夫世之儒者抱咫尺之  
誼卑疵纖趨亦或有以自售乃才氣超卓則簿  
刑名案牘不為上之人求官類能錢穀兵甲律  
雲山堂集卷四 ○ 五

令法家耳即有文章德誼終其身陸沉而不獲  
以自見以故不為刑名案牘者則乞郡國文學  
循功令以業其官私心在彼以為能拙足矣及  
錢穀兵甲律令法家則群猜而指之曰非文學  
能也嗚呼有是哉漢儒轅固生兒寬明經教授  
郡國粥粥若無能耳既以經術飾吏治目攝平  
津守正不撓大獄創起一以古法亭之當世老  
臣鮮有其儷此昨能拙之明效耶陳君為人廉

化不修小節曲意至尤厲守高屹乎不可撓  
即轉固生兒寬何以加哉初游京師與四方賢  
豪長者相結四方賢豪長者莫不與驩焉已公  
卿相造請未嘗為謝也嘗曰吾雖經藝脩明先  
王之道曷至迂身僻俗為居上虞事弘大體庶  
幾廉潔德誼之風矣會有不得意事幾投憤也  
街君者欲去君莫可為地亡何君來所自去乃  
得今郡學焉生平心事不可槩見耶君於吾邑  
雲山堂集卷四  
○  
云  
堂不上虞若哉惟政三月吏畏民孺吾邑人之  
心未知比上虞乎否也君知所以去上虞者與  
吾邑所以德君之心天下事可從而理矣君於  
余辱同袍之與家學官弟子尤不貳德君之去  
也余烏得而已於言

黃山人詩集後序

魏子曰世言唐人以詩自銜也太過夫詩豈祿  
利之路然乎漢人云春秋之後學詩之士逸在  
山林其言不無過激乃所傳三百一十四篇林  
蒼川冲獨妙間曠洋洋乎風雅之音焉吾友黃  
元相山人故窮愁也以詩聞里中母兄老遂游  
齊魯之郊浮江踰河至于岱宗感物造端其言  
尤燦歷下李先生于鱗讀其詩曰此鄆歌之遺  
雲山堂集卷四  
○  
云  
響乎予觀夏侯湛示潘岳詩謂此文非徒純雅  
乃別見孝友之性山人少孤孝於母友于伯兄  
故其所得如此刻之以傳豈徒以其文哉

賀嘉魚劉邑侯堤成獎勵序

劉君為嘉魚之明年堤成百姓享其利大中丞  
劉公侍御雷公檄異之曰惟令賢能予民興利  
即古稱金堤何以加哉劉君則語人曰茲役也  
當路主之邑大夫士民力也元相何敢有其功  
諸大夫士民聞之亡不賢劉君君有濟世才性  
長者尤慷慨負奇氣邑當孔道舟輿輦互不絕  
人疲傳遽君悉心區畫事治民安邑饑大中丞

雲山堂集卷四

一

令發倉穀予民賤收其直他邑多以文應君蒞  
之人有實惠故事惟梓嚴里胥以私量漁民且  
多主守盜君至下令曰弊不剔利何能興耶收  
名獨人法之諸奸震懾又均徭賦恤民疾苦  
時施藥餌邑中多所全活即所受知當路者隄  
蓋其一事云君始為隄時言當路曰江水自巴  
蜀瀟湘下嘉魚蒲圻江夏咸寧皆受江流之任  
歲春夏水溢害諸田甚退則晝夜分寸數月而

後田亡論重耕植樨後時不登嘉靖庚申以名  
任一吏吏以文報至委數千金水土間未有能  
建長策利斯民亡窮者也今四邑害均當急嘉  
魚嘉魚急焉鞍山至蔡家洪其他則三邑任之  
繕完故隄相宜增創必有成功而用財力寡當  
路以君習民事遂屬君君乃觀地形商功利事  
諸浮食之民空居行役借為之作捐俸為之先  
諸大夫士民翕然佐之恐後以故不三月而隄

雲山堂集卷四

一

三

成甯聞正德間大中丞吳公治隄言

天子至費數萬緡君以一邑之力承當路之意  
不發官帑不煩百姓不煩天子命而大功速成  
非有濟川舟楫之具者能之乎昔西門豹為令  
有令名魏王為群臣祝而吏起少之以彼政事  
多良而所少者惟不用漳水一事甚哉水之利  
民也所關治理豈不大哉

明天子得君可以為群臣祝矣

送沈太峰攝政還楚序

沈君攝吾邑政數月大有聲去之日士人德之吾邑士禮讓人重為邪為政亡難所由來遠矣通言吏治之難蓋吠聲然也令君缺兩臺欲攝政得賢吏當路廉饒君可遂以君來攝政嘗讀世家至魯司寇攝相事曰甚哉兼治之難也非聖人其孰能之及觀傳稱沈諸梁以左司馬攝令君兼二事則賢者之行蓋亦庶幾焉令君位

雲山堂集卷四

○

三十一

相之下而權不輕職專而事甚劇居其任者非德化積久使民漸被深則不能以有成故攝政者視他政為難夫百里之命寄之月日之間亡論下吏疏政也即名稱能吏者急簿書期會巧獵而陰漁之於民疾痛不為念至其獲上則歸與馬具共帳纖趨磨折以無失其懽心上之人亦或不察其治民與否至同聲以賢之嗟乎不能治民獲上則何以哉沈君博物洽聞明通當

世之務牧民和衆其才畧具也觀所以治吾邑豈不稱忱恂君子哉夫裘敝則負荷莫伸澤先竭其後漁者何利焉使非更為之製而加意以息之未有能臻其效者此豈日月之間所能為者哉君不謂其難而殫心以任之簡易循理不求赫赫之譽曰裘敝吾且綴之魚則聽其自息耳或請君嚴捷庶幾易其故者君曰勢不可亟反吾亦任吾所長耳豈強為以暴前人之過耶

雲山堂集卷四

○

三十一

乃捐俸補庫金若干及修治案牘如故其他政去其太甚宜人民解倒懸亡不舉手加額然則攝政之難而君能易之若此君嘗稱吾邑易治蓋卓有見矣且君為戎府理故能明司寇之刑者其在吾邑無積久之功而臻政平訟理之效則於葉公之聞蓋亡忝焉遂書之以志去後之懷

題楚士明經錄

國家進天下以文士能文蓋本業也李君以文教士士化之先是

世宗時文盛弟子各習其師辭日有枝葉

穆宗詔崇本實海內士翕然向風焉李君以文

應詔有聲舉進士乞為學官教士至則厲賢材

使誦先王言為文必師古昔亡詭於道即成名

高第能遠到不數夫士之於文雖其天性乎然

雲山堂集卷四

三

黜邪歸正之路則君導之矣錄成題曰壁海懸黎余讀之多君能玉諸上成是以論著于篇

送陳大夫之休寧序

陳大夫為吾邑拊循百姓以愛利為行少尹羅君與幕杜君習大夫政事蓋相倚為重已亡何大夫換休寧以去乃謁余言送之先是邑耆老子第重大夫去將上書

闕下乃白兩臺不可於是耆老子第心若失慈父母然君重去大夫蓋亦民之情焉昔焦貢令小黃當遷三老上書請留制為增秩天水包留

雲山堂集卷四

三

魯定詔書褒美古郡邑長吏去留何嘗不聽民哉

國家軫念元元懷魏故事數倣而行之遠方編戶之民不能言

上則中丞御史大夫以請必得

命而後已長吏去否民情休戚繫焉蓋其重也

嘉靖中天官言

天子為民擇官郡邑不能治者以進士往已官

稱其職治民有餘乃遷不問其治行而遽更之  
豈習聞乎尹賞之在粟毋丘儉之在豫皆臻治  
理效以去大夫去吾邑古人之風遠矣余觀賞  
舉茂才以武健嚴酷勝任儉從事兵革間膏澤  
未下於民大夫治吾邑數月務德化人人親附  
亡論大夫士庶人莫不重其去或粟豫之所未  
有也余以羅君言審其得人和如此乃所稱賢  
君于他邑則余跋而望之

雲山堂集卷四

○

圭

送長與顧大夫入計序

長與顧大夫治行蓋從仲父故敬知之仲父習  
大夫數月多其才曰大夫當世偉人也性剛直  
好惡無徇衷誠實亡他腸余方試官不習吏竊  
視大夫成事豈不大愉快哉先是從弟桂遊太  
學與四方賢豪長者相結奇大夫獨人廣衆中  
恨相知晚也已辱交驩經術高多所受益至論  
天下事鑒鑒焉中肯綮私心實嚮慕之仲父家  
雲山堂集卷四 ○ 圭  
食時業已知大夫及觀其治行名實相應則沾  
沾自喜如錫百朋然夫長與東南一大都會也  
地重吳王夫驥故也兵及孫吳未治封在焉  
國家郡邑其地蓋底定兵革中為萬世安已島  
夷入寇邑不被兵非以其形勢固耶且人力穡  
重為邪梁陳仲舉唐權逢吉以愛利為行臻化  
理之效至于今民猶受其賜矣大夫當  
明天子時加惠元元布維新之政文事武備蓋

其無之所謂當世偉人豈不信邪余又聞子臧治單父身不下堂而治觀其政則得賢者五人明治之之術孔子曰欲其大者乃在於此邑故多材大夫問賢豪資辯博於其大者先之豈不庶幾乎孔子所稱者哉友人徐子與氏與余確嘗言其大者如此大夫行且觀余故論著之若福祿之姬則發之自

天子矣

雲山堂集卷四

○

主

送李于鱗守順德序

省即李君出守順德順蓋

天子股肱郡非其人不授也李君為人慷慨有奇氣言論及當世事敢於人無難也嘗謂余曰竊聞得時無忌士君子資適逢世度有以自見若徒持梁蠶肥懷金躍馬而不行已志卒蒙世溫蠲耳焉能以愉快乎余獨偉視李君無何順德之

雲山堂集卷四

○

主

命下或曰李君始居約時抱璞匿瑜義不苟合當世愛古傳書多所裨觀外家語慕季次原憲之為人孤立行一意耳即一郡吏寧足多乎余曰不然漢大夫有言曰居者不知負戴之勞從旁議者與當局者異憂古昔賢人君子方其達累而行豈自知附驥之尾垂名帝廷德流子孫我巳而授之政雖一郡邑必效其官以故勲庸烜赫留金石于不朽嚴助出為郡守有聲景秋

純請治東郡卒有令名夫助豈厭承明之廬而  
純亦何愛一郡哉君子懷奇蓄能用必效於當  
世即得典郡國賦事行刑資於故實則於古訓  
亦庶幾哉躬行君子矣漢武帝時公卿大夫斌  
斌多文學之士而董仲舒兒寬張敖為一時稱  
首至論其行事皆以明經飾吏治多所裨益李  
君經術文雅足以謀王體斷國是即仲舒寬何  
以加哉曩嘗於舍中為余言法家學深中隱厚  
雲山堂集卷四 ○ 壬  
鑒鑒焉中肯綮至亭疑法傳爰書論華以文無  
害豈所謂武健嚴酷快意勝任者邪則於治郡  
何有夫順德漳河間一都會也北通常山有趙  
代之風古稱邢州鉅鹿多君子若張禹路溫舒  
皆彬彬質有其文武焉民俗力稼穡勤佃作而  
重為邪冠帶衣履駸駸德義之習蓋亦賢於它  
郡哉然邊陲多警羽檄飛動輸輓無寧已時財  
力殫詎長民者無保障撫字之能則民受其病

若重煩百姓不急籌善期會則國家不賴其利  
緩與急皆難理也李君以名字典郡庶其有長  
畫乎余聞之涕膏棘軸不能運方穿弓膠音棘  
不能傳合瓠罍言行不可以文經而法令難以  
比衆也今天下多故郡縣長吏一切以重法繩  
之其勢必至於不振得文學吏如李君展采錯  
事黎民又安天下國家其永賴之哉



送劉少尹入覲序

天子登極之二年劉君來佐邑政有聲先是部院諸臣奏明詔察廉官賢否大小臣工罔不恪共職事劉君惟吾邑治農簡兵修溝洫之利職亡不舉當路賢之乃使漕粟如京師故事多濫主守錢為道里費君下令不收主守錢人德之已漕事辦大司農劉公中丞游公及地官卽程公咸下檄曰賢哉丞也可不勞異以風庶官耶

雲山堂集卷四

四

僅隨既將邑人咸慶魏子曰劉君獲上易耳若等知其難乎夫今遂事亡制丞佐今給民必得子今乃賢否則名實並於上聞欲其亡陸沉不可得已故丞事今如子之於父然身親勞異亡自功之色即豪者不羈才固守絕墨不以賢智相高居常交驩亦未嘗敢均首伏今乃賢之丞之獲上何嘗不由於今哉君往事今恭敬而心實憚今任威凌其上兩賢相厄亡同實協恭意

歲旱君誠禱而雨或謂昨已權奪之治則賢君者非令而君獲上之難彰彰矣予聞君侍太夫人疾君力疾進湯藥剖股肉以起之鄉黨蓋稱孝焉部院公廉君之素而謂無忝於丞則所稱賢者乃其所獨照而心察耳君所受知豈微小耶

天子以道治天下未嘗不於孝子之門求賢良也君能移孝為忠豈不庶幾為

雲山堂集卷四

四

天子獎哉諸大夫士以君亟承勞勩且上計天朝將膺異等之擢乃為不佞以言遂書以贈君

送謝封君命服序

予聞他郡邑故事子舉進士釋褐父即日衣冠  
北面稽首以謝有司贊其成觴之如禮往年京  
山李師孟氏與予同舉進士藩臬諸大夫謁其  
父即以命服衣之余里中獨不然即手父不釋  
褐衣也謝君于庭氏子叔蒙登進士今始命服  
以此叔蒙為東昌理治繼平大有聲齊魯間君  
侍太夫人不得就養官舍叔蒙請方伯施公曰

雲山堂集卷四

四

啓父侍大母養不得來官舍其服也鄉願得攝  
儒衣冠稱觴太夫人庶幾老榮之娛可乎公微  
之如禮叔蒙乃為冠袍帶舄使人獻封君曰吾  
學未博而儒衣冠可乎邑大夫甘君文學程君  
曾君往觴封君既揖而入召邑之賢豪長者與  
飲相得甚驩予惟少司馬君起家進士又四十  
五年叔蒙兄弟嗣之豈不奇哉始司馬君為祠  
部郎中封父如其官父當春秋歲時尊榮罕比

叔蒙光大父之烈父尊榮又當春秋歲時豈不  
為尤難哉予多叔蒙愛親之心不專在章服也  
是以論著之如此若他日治行著聞膺異等之  
擢則錫光于庭大矣又何需吾言

雲山堂集卷四

四

送羅少尹上計京師序

今上登極二年負帛而朝諸侯諸郡邑長吏上計如

制故事長吏缺則少尹代之邑少尹羅君行士大夫重其去相與詩歌送之黯然而銷魂已魏子裳釋之曰吾黨誠重君去顧君騏驥才一日千里吾邑豈得而私之邪且丞故難也於吾邑尤難君始與故令共事清濁相去遠以故不得

雲山堂集卷四

四

容及交賢令驩甚無厭令換邑士民私相語曰子我必君也矣已而非君也蓋鞅鞅焉君於令尹之政豈其難哉且世言吏治惟令親民若丞簿尉則下之令寄百里之命一切便宜得自為丞嚴事長吏事必請事治功歸長吏不則遇歸已蓋其難哉羅君始為羅田簿得民民尸而視之已徃吾邑多賢長吏之政邑民市軍戶田戶雖軍田共邑賦軍倚田為奸君曰籍定矣民困

方隸奈何取非其有哉禁弗予故事送亡軍戍所役亡辜數千里民甚病焉君曰彼自亡何至苦他姓邪白上官令亡者家自送民不困邑京漕歲不下五千石往多後事得過大司農又舟行險遠道路多所糜費民至破產以償君清廉無后時民不為厲歲旱君白衣冠徒跣從父老行烈日中稽首百拜越三日兩大降時乃有秋迹君所為多奪長吏之權長吏垂拱蒙成不嫌

雲山堂集卷四

四

四

侵已且事治而百姓安則人之所難者君蓋易易耳君行述其職于廷天子廡君治理之效恩寵之加豈其微哉即吾邑去留不足為君輕重也言既諸士大夫舉酒而歌侖酌之詩曰豈弟君子民之攸暨載歌采芣曰樂只君子天子葵之裳不佞遂書以贈

羅少尹楊雨卷引

歲旱余儕顧天里中如束菅然邑少尹羅君禱  
決旬雨如往先是君禱山川不雨暴巫又不雨  
君乃白衣冠暴露于郊天乃雨余觀昔齊景公  
祠靈山河伯晏子止之避殿出郊兩魯穆公暴  
庭巫孫子止之徙市乃雨君于二公豈其異哉  
君攝邑政兩月減刑歛寬租役拊循百姓孳孳  
焉咸得其驩心君子曰君之禱父矣天之雨也  
雲山堂集卷四一〇 聖一

固宜於是父老歌曰甘雨降兮自天萬民喜兮  
如醴泉吁嗟我公兮繁祉綿綿予躬再歌曰我  
悉兮以育我稷兮以繁吁嗟我公兮長生諸大  
夫士乃賓載歌如千篇

壽中憲大夫黃墩江序

余驢黃墩江先生蓋自為比部卽云嘉靖甲子  
令子燕石君來守吾郡大有聲三年報政  
天子故事諸大夫報政如京師得歸省  
先皇用言官議大夫使人報政不得如京師著  
為令墩江先生初為觀察道使以大夫祿歸老  
於家

先皇可之燕石君在郡時先生春秋高亡恙數  
雲山堂集卷四二〇 聖一

聞郡政則大喜曰成吾志者子也是年秋七月  
某日先生初度之辰燕石君欲歸白當道報政  
尋以令甲不得歸心不自安也先生則使人言  
曰吾子拊循江郡濟元元於壽域吾志適矣其  
勿歸郡國縣道中人聞之莫不賢先生云於是  
諸大夫長吏某等言其事余作而嘆曰燕石君  
不得觴而翁乃所稱先生壽豈非耶漢宣帝嘗  
言太守吏民之本不欲數變易當時良二千石

皆久其任以安庶民於田里黃次公召翁卿諸  
君子豈不卓有吏蹟哉然治行著不易遷為百  
姓且留諸君子亦心常在百姓不欲去是以能  
恪共職事與長遠之利而壽國家命脉於無窮  
至抱公優義不顧其家即親心安焉不欲以已  
居食奪賢子之治然石君在郡有治理効乃為  
百姓且留當遷不遷也君心愛百姓如子惟恐  
傷之庶幾觀其成功以究先生欲為之志即如

雲山堂集卷四

○

哭

古良二千石治有異等之擢入為卿相亡難蓋  
所壽先生者莫大焉先生豈不愉快已哉先生  
為人謹廉愛持高節陸沉即署者十年至讞獄  
多平反所全活者甚衆已而出為郡牧所居見  
稱述去後有赫赫名所謂壽可為者蓋如此豈  
世俗所貴乎年者哉余屏跡山中荷燕石君誼  
至高又故習敬江先生也是以有言

壽毛邑侯序

侯為邑三年宦成矣宦成易怠侯日以謹力庶  
幾躋斯民於壽域哉仲春某日侯初度也侯于  
邑蓋三舉壽觥云始吾子弟請祝侯謝不可曰  
重煩爾也已而父老請焉侯又謝不可曰業已  
謝而子弟若其無以筋力為於是諸大夫進曰  
侯子民恩德甚厚豈不吾父母心哉父母於子  
情非不至也然禮之為壽殺者亦安焉而不辭  
雲山堂集卷四

○

哭

子則稽首於天曰天苟有庇於余使吾親上壽  
彼其祝頌之誠於中非以虛詞借也父老子弟  
之請侯何讓焉  
天子作民元后設子民之官監司守令咸祗若  
休以父母其民守以上尊而不親生養鞠育之  
恩唯令是寄侯之來令也視邑如其家視邑之  
政如其家之事視邑之庶民如其家之弟子父  
老子弟戴德而欲報之寧有已耶陽問伊尹曰

壽可為乎尹曰欲之則可為也桓公語齊之吏  
以其壽祝寡人邦人觴之稱其至德媿哉侯之  
德也不有為其所欲者哉言既諸大夫奉觴再  
拜乃歌洞酌之章曰豈第君子民之父母載歌  
南山有臺之章曰樂只君子遐不作壽諸父老  
子弟聞之奉觴再拜歌鴈鳴之章曰正是國人  
胡不萬年侯乃酌曰敢不拜教

送羅少尹還鄉序

少尹羅君行邑大夫其君文學程君曾君言魏  
子魏子曰羅君去堂直三君重邪君始為羅田  
簿共其賦事國用給民亡困去之日人立碑以  
思語在羅田邑志中其蒞吾邑則兼軍政水利  
不共賦事當路者廉其才命之君辨治如羅田  
時邑漕京師歲有定額民疲額外之征昨一日  
矣君言中丞御史臺祛其弊使民饗其利軍市

民田戶雖軍田則民耳軍民交訟官各私其所  
部君又言兩臺曰軍田輸也糧民共兩稅察之  
豈不易邪請禁民不得助軍著為令其他清戎  
伍均水利興民興利除害何可更僕數也夫丞  
以佐今亡逐事雖有長亦何以自見哉君起家  
儒術陸沉丞簿之間思欲用其所未足也即所  
言政事益多奪長吏之權云亡何以飛言中丞  
堂竟不得直于大廷以去君則愉愉然曰君子

得其時則駕不得其時則蓬累而行於吾心豈  
不適邪邑大夫士聞之曰媿哉羅君之政吾黨  
既浚彼之矣今胡為去我哉相與載酒河梁賦  
詩數章以別三君聞之曰博哉仁人之言可以  
送君矣遂書以為序

題中丞方公撫夷卷引

漢大將軍衛青從帝栢梁臺其詩曰和撫四夷  
不易哉青在當時有鉅功位至尊重史稱七  
乞奴斬捕首虜五萬餘級則所多青者非奢  
功邪其詩云然誠有味其言也然蘇建嘗謂其  
毋稱賢大夫豈以其故迹羊豕間乎方君起家  
進士有聲藝林中為令為郎為守褒然四海之  
表至和撫北夷信威萬里佐中興

帝業之盛堂青同年語邪勿

先皇置大司馬位待君君衛恩予何嘗一日忘  
也今重譯來賓庶幾成周太平之治則君之所  
自效豈其微哉行之日諸大夫士為詩歌送之  
屬余言棠不佞謹書于首簡

壽張母徐安人六十序

張母徐安人壽介六十蓋自失夫君十年餘矣夫君始為比部郎與予同舍訃鞠多所平反天官願其才可與禮樂乃言

天子改祠部郎君為人篤厚外和內剛薦紳先生無不人人常視焉安人婉嫕不忒女行修整使君無內顧逮事尊章孝敬宗黨無間言夫君早世二子森然玉立季子猶繼祿中安人則使

雲山堂集卷四

辛酉

伯子入太學已而命佐家政縱仲季子力學藝聲藝苑即三子能讀父書乃安人成之者大矣安人初度之辰三子觴於堂下綠衣而前安人則舉酒酌君曰吾不從君地下以三子耳三子故以老萊娛我也顧我何足娛哉三子跪而請曰謨等愛日之心即先人慰矣觴再進安人竟寵酒厥友羅生言魏子繩子曰安人事君最約時君豈不為山濤語也安人貞慎清淑不以榮

貴動其心況君地下耶安人才行高秀成三子學貽夫君今名不棄則歸所未逮也安人女士哉山濤與私阮籍韓愈之謂其壽於常交予最游非君亦安人所當也遂書以祝安人

雲山堂集卷四

壬子



叔祖魯菴公九十榮壽序

叔祖魯菴公壽登九十秋七月廿日其誕辰云先是壬戌之歲公年八十有司以公年高德茂舉鄉飲公攝衣冠坐上坐升降揖遜如少壯時里中人大奇之又十年壬申公壽益加暇食健裳稽首曰茲非古當授几者耶吾大父行唯公一人公壽奇哉乃言于方伯大夫施公大夫曰古三老五更天子以二千石祿養終其身而宗雲山堂集卷四一〇 手六

有若人可不尊事耶遂檄有司禮之錫章服公由是益知名諸父語蒙曰吾家世多壽然大都七十八十無如公者公且頽汝而樂不甚幸我吾方率弟子壽公願一言為酌者先蒙惟世所稱吉祥善事大者壽考次榮顯令名急焉三者備乃稱純嘏彼朝菌者亡論已即有不才之木歷春秋山澤間終乃天年而人莫知之君子奚取焉公春秋至高貌不逾中人乃其居貧而樂

飲酒奕棋亡倦有榮啓期鹿裘帶索之風壽考令名實兼之况榮顯有今日乎古者嚴事老更九十則天子使人存焉如有欲問就其家以珍從

今上繼統修古帝王之治憲老乞言宜先公也公勉旃仰承休德矣

雲山堂集卷四一〇

手七

邑劉二尹新脩浮橋序

劉君源泉新橋北河河水源自三山絡東南數  
百里來遶吾郡折而北之猶建饒也河故有橋  
矧自宣德嗣後興廢長吏賢否可考而知也正  
德辛未天台蔡霞山公新之規制大備四十年  
來非其故已長興者權以津人舟之衆衆舟弗  
給輿徒亟弛載負甚者相競而魚可割也劉君  
以舟楫之才筮仕吾邑深惟為政之首則扼腕

雲山堂集卷四

壬九

嘆曰嗟乎道弗可行川不果政其陳我遂發  
公帑歛市廛及募民奇美得金若干以治財不  
傷力不因不三月而事集君曰茲民事之重也  
吾敢易耶乃詠吉落成下令邑門尹除門宗祝  
執祝停刑弛征毋擾旦請諸大夫登焉列舟三  
十卧棚扶闌翼之如故長為丈者四十廣為尺  
者十有二左右缺繩約之各六十低昂踈落輕  
重應入行者利焉已張幕河次置酒高會富平

慢亭之勝何以逾茲諸大夫競為詩歌爛然卷  
帙街盈孔放懽然志適也余久倦遊不遂將有  
事四方適觴劉君河濱至則語諸大夫皆罷酒  
去乃賦河梁之章為劉君贈因以嗣響諸君云

雲山堂集卷四

○

壬九

送奚子司屯王國序

余居山中一夕夢之楚王所為文贈王寤而語其家人莫知其微他日友人黃某過予曰奚子為王用國人榮之將有以送之其唯仁者之言向者之夢其微乎請勿讓奚子余祖姑子結廬江游不好立名稱顧儀衛者其尊人與先子驥袁揮使雍典簿又驩余子諸君廉奚子能言王王試之事亡不當乃心今年春王莊屯政難其雲山堂集卷四〇

人王謂諸大夫曰奚某可乃下令旨賜牌二并書光啓二字額其門奚子曰茲命之重也何敢當之魏子曰奚子不易王命必思有以副之矣昔馮護收租于薛餘彰主之德以圖人心尹鐸為趙晉陽保障有功聲名施于後世之二子者當齊趙之敝猶欲有以振之況大國賢王入且歸功誦德耶奚子夙夜靖共祗若王命使國無通事而人安其業則王有無疆之佐奚子亦有

無窮之聞言既乃觴奚子酒三行為賦烝民之詩曰肅肅王命仲山甫將之奚子曰某不敏敢不拜教

雲山堂集卷四〇

空

送陳橋東擢秦藩大叅序代作

予觀天下之勢輕重豈有常哉勢之重非獨上之人重之當其任者蓋亦知所重云陳君叅政之秦友人謂曰陳君始翰苑學不留侍常帷又不久居即署至陞沉藩臬間今督餉西秦萬里豈其所厭心邪君曰人臣事君豈以外內輕重哉

國家事何常上之所急則重耳

雲山堂集卷四

六十一

天子軫念邊陲側席俊乂肅肅王命豈其易將之人臣忠盡於君廢終身有所樹立否則雖帷幄即署何以自見焉聞者莫不賢君君為人介且懇面折不能容人過人多嫉之為庶吉士有文章不予談兵司馬又不予先年北虜入寇決策定計甚奇同舍郎又不予胸臆約結庶幾用其所未足也先年為楚臬分部武昌論佗政即聞氏豪猾與諸名禍吏為奸更數二千石莫

判問遺請寄法多所縱舍君往按其姦賊邪

中股栗焉嘗從侍御公讞獄以太夫人病不竟讞侍御公銜之莫可為地明年大計群吏以飛語中君雖廷論直君者衆竟以故事調矣

天子登極之年君又被擢楚臬司傳遽之事言兩臺曰絃不改則瑟不調刺不百則法不更損益因革劑量調停非取聽觀要書畫一已為條教行之百姓利賴人莫不偉視焉君名由是益

雲山堂集卷四

六十二

賢矣夫名益實則位愈尊而責愈重位愈尊則人之望日切責愈重則上之付託尤專以君之才而當西秦重寄不有大對人心而篤國家之枯耶愚又以為財匱於兵非食之者衆也柄出納之權者用之既已不費主帥偏裨又日漁士卒之食亡嬰兒室子念靈弊愈滋轉輸告急郡國虛其倉廩不足以贍

天子至出御府禁錢以給之君如慎出納稽其

統指寬輔法而行宵旰西顧之憂不其釋  
予與君驩波道之以忠告如此

送張澄齋擢蜀藩叅議序代作

張君居楚按部有異政三年報上遷君蜀藩叅  
議人或謂君治楚有異等之效遷以次又遠且  
劇君得無少之乎張君曰政舉其常耳寧異哉  
君子策名

清時得效尺寸則遽邇劇易何擇焉或以告某  
某曰傳不云乎有非常之人然後有非常之事  
有非常之事然後有非常之功夫非常者固庸

衆人之所異然非矜世駭俗之行也張君蒞楚  
奉職循理無求異之心究其事功亡不人人稱  
異即治蜀何有夫熊湘零陵諸國故扶氏居也  
梅山餘孽不庭自漢黔巫之難唐帝出銅獸符  
兵之宋雍熙紹興蠻獠竊發猶厘征討迄我  
明而始靖雖

上神聖諸臣力豈少耶

天子任藩臬重而責分部尤專故諸按部大夫

皆博選明經術精吏政有急難之才者為之非  
徒治兵振旅收萬全之效也方境內安寧時保  
綏撫字輯和億萬之衆寬徭薄征政平訟理使  
奸宄不生寇賊遠遁即為非常之功若變至而  
後彌之禍釁佐而始為之防則為計晚矣世人  
但知烽舉燧燔獻馘奏凱者為異功不知早見  
預待潛消默化之功尤異也若張君者豈不謂  
非常者乎且四方多故亡虞惟蜀耳茲往也豈  
雲山堂集卷四〇

李六

以晏然不為意外計哉亡論諸國中也烏蒙烏  
撒黎州東川諸甸非故牂牁都南詔地耶漢  
置牂牛青衣部分中外安攘無遺矣司馬相  
如擁傳巴蜀朱繡刺史益州皆宣諭漢皇威德  
雖一時底定未有垂于久遠者  
明天子踐祚封疆之內咸獲嘉祉遼絕異黨罔  
不歸心君經營于外宣颺上德無疆非常事功  
豈不臻厥成哉張君曰政舉其常吾職也乃所

而吳則吾何與焉

雲山堂集卷四〇

李七

送張東川擢秦戎司序代作

予往見張君

天子殿下戎衣冠甚整不愆于儀稠人廣衆中心竊異之已而知君遂握手論交云君以江北督漕有聲擢楚戎司予亦被

命楚臬相得甚驩恨相知晚已君有奇材富甲兵之畧雖登于武士乎而文藝蔚然可觀往者治兵督屯大有功懷慶間至中衛轉輸自持清

雲山堂集卷四

○

卒八

介饋遺請託亡所受兩臺廉君賢章七上

天子蓋顯用之居楚一年西秦柄戎司難其人司馬以君名驟

制曰可君遂自楚之秦予惟

國家自邊警以來即賈誼終生亡不人人言兵况武夫干城之將素閑勦畧心忠實為國者我議者欲於文墨之外求跡地之才曰毋拘文法矜細行遂使輕浮嗜進者借名豪宕不羈儲虛

文以求媚獵尊榮貴倨以私其身衆者接踵而

趨矣後進者不覺其非視節介廉謹為細故故

竊賞賚之名以泥沙錢穀甚至刈人命若草菅

然操用舍之權者則又以私意託之曰用勇去

詐用仁去貪為御將之奇術嗟哉負俗之累亦

至此乎君文事武畧著于兩臺之疏章章如是

其不為世俗之累者何疑哉昔趙充國屯田金

城控制剋虜郭子儀節度鄜州有功保障二子

雲山堂集卷四

○

卒九

經畫之策天下至今頌之君以武勇顯臨受知

天子即二子何足多讓哉諸大夫以予於君雅

游屬言于予是以論著于篇

冢宰楊公疏稿序代作

楊公爲夏官

天子任之比衆祗事職舉已會虜騎馳驟大同  
稼穡入深人人自危上以公習兵命之往公殫  
慮宣力以其事請制曰可已而行之德威奮厲  
遁邊鄙寧上以司馬職久閒乃召公公入告皆  
已試之效

天子下褒嘉言錫之寵渥公名由是大著公於

栗山堂集卷四

○

七十

中朝豈不稱良翰哉乃所論著重予人人不得  
而知也公以冢宰東人傳其疏京師屬序於予  
予曰文中子云議盡天下之心心有不盡何議  
爲三代而下鞭笞北虜者惟漢一時言兵如鼙  
錯終軍不可謂不盡其心矣然皆遙度萬里外  
非其身自爲之至大將軍冠軍雖以將立功論  
著亡聞已營平侯盡其心以議金城方畧鑿鑿  
可行觀其留屯武備因田致穀罷騎兵以省大

後從以戒不虞豈徒言者乎公以

國之心著之於頌修屯田具牛種繕亭障勵士  
卒振儉省費吊死問孤非營平之策耶營平當  
建武時行權合變與貳師共事公奮擊逆竊大  
信

天子之威則營平所未有也且後將軍數畫軍  
冊初難其是久方屈服雖魏相號知兵至終始  
任其計豈若公言

栗山堂集卷四

七十

天子亟賜施行而論道諸臣群推得策繫必然  
萬全之效哉公以重臣出鎮邊圉至今利之一  
時制馭之規可垂萬世則茲集也豈不信然乎  
集凡四卷二十二章蓋行之自上公不敢自有  
其功者乃其事亡制朝發夕效誠未可更僕數  
云公以某月某日鎮大同

天子召之則某月某日也謹序



雲山堂集卷五

文目

壽謝母甘夫人六十序

賀鄧廷鳴新居序

送藩幕桑君攝政還楚序

賀嘉魚孫文學獎勵序

壽王母陳孺人六十序

壽黃元相六十序

雲山堂集卷五

壽長史李白山六十序

送石栢泉之六涼幕序

壽中憲大夫林方渠序

送吳文學之萬州序

送吳文學遷萬州學序代作

二峯胡公遺文後序

壽贊甫兄六十序

李蓮峯冠服序

送傅醫官序

通山縣重脩明倫堂記

重脩忠烈祠記

重脩金沙州橋記

咸寧劉邑侯脩學碑頌

先中憲順貞府君狀

劉母馮孺人行狀代作

汪忠愍公傳

雲山堂集卷五

少司馬象岑謝公墓碑

河南奉國公劉先生祠記代作

雲山堂集卷五

楚蒲圻魏家鎮甫著

壽謝母甘夫人六十序

謝太夫人年六十孫師啓叔蒙師彥叔美以其父言將謁大父行知名士尊其行以加之太夫人曰汝大父策名當世休光奕于寰宇乃所交驩盡天下知名士吾事汝大父幾四十年受性疎頑蒙其餘寵

雲山堂集卷五

聖恩優及

紫誥並輝今以孫子之故不借君子地下何足以辱諸士言羅生承榮聞之與友人揭紳之書龔春甫茶則過魏子曰謝太夫人言不得之他吾黨其可已乎乃屬不佞言以壽余惟太夫人性敏惠幼閱典訓母師父司訓君不予凡兒笄歸司馬公公貴倨矣太夫人夙夜劬心執勸婦道事封君宜人如禮尤潔齊酒食以供宗祖

本賓客持久亡倦微美益章亡論女誠脩也司馬公在諫垣時危言見忤待罪遊方太夫人心恐負辱

清朝身自寡約即一膏沐不以煩官家攻苦茹淡若將終其身焉已而

天子薨司馬公亡佗稍遷峻秩爲郡爲臬爲藩爲臺如月恒日升而不已太夫人不以貴富加人心常有以自下即占稱馬倫少君之賢不是

雲山堂集卷五

過也司馬公以上大夫祿歸老于家子孫斑衣而前子三錫君命與子姝等祇受訓誠凜然柳直清仲塗之風太夫人字其子孫何嘗一日忘德音也今子孫至立惇崇先訓爲世聞人太夫人之所以自老者不已厚乎予觀傳所紀列女何限哉大抵多其所難才行高秀者乃實爲之論著至所居坦夷即高年尊貴亡論焉間有一二著名則以其子孫有聞並傳於後范虞二母

光映史冊天下至今稱之然喬以文章顯而大  
母名益賢輝以忠義立身而母耄耄金紫則賸  
以爲壽者豈徒以其身哉太夫人食德之報既  
尊貴且年高矣子孫方藉藉有賢聲自致通顯  
以貽令名無彊燬哉壽也其有既乎羅生等攝  
水而起曰謝太夫人得君言求先彤管矣

賀鄧廷鳴新居序

新橋鄧翁家於江漢之許門不容車欲更諸夷  
塋者屢矣一日召其子謀諸子曰吾親容焉兒  
不足以嗣之邪居亡何江水漸溢勢且沉窳翁  
乃市宅城中然亦董董容膝耳時翁視諸子業  
已樹立欲令各自爲室以居適長君宦遊季子  
以明經外出無他營王相廷鳴承翁志爲之日  
以謹力繕脩崇大蓋視疇昔異觀矣即漢于公  
雲山堂集卷五  
○  
四  
容駟馬車者何以加哉予觀王相爲人習父兄  
之訓沈恂雅飭凜凜德誼之風又秉純實亡佞  
愛持高節不蒙世溫燬邑中少年有相執者王  
相居間爲之言從容曉譬得其心而後已其賢  
豪長者必傾身與相待急則損已之有以資之  
脫人於厄者三四人或齎金帛以謝則曰吾未  
能表正於鄉自負深矣敢望報耶自是里中人  
知與不知莫不延頸交王相之驩而王相倒屣

諸賢亦亡不人人宜也歲早飢經營伊始詳度  
費務事諸浮食亡業者皆得自食其力以故後  
財不匱而能使人誦誼亡已夫時誦舉羸即中  
人之產難之王相家故四壁立又不能得之於  
時作其宿構於棄動不踰矩矱克臻茲成之日  
吾子彬如往賀則使人以幣先矣吾子請曰君  
子之送人也以言王相雅重文詞佗昨其好也  
願得美言以加之予惟築室以居今之侈輪奐  
雲山堂集卷五  
五  
者何限王相知翁所欲為而身力為之得莫尤  
第得以脩其職業無家人生產作業之念且使  
諸挾藝者人不降於食天性孝友仁義尤有出  
於堂構之外者予又觀于公高大其門閭其子  
孫多貴顯為前世之光乃王相所為居未知高  
大視于公何如庶幾躬行德誼以古人自期待  
則異日必有駟馬車出入如定國者矣是不亦  
逾可嘉尚乎言既吾子拜命曰茲可為王相賀

以升之

雲山堂集卷五

○

木

送藩幕桑君攝政還楚序

桑君攝邑還楚邑大夫士送以言夫邑於民甚近澤易究攝亡難已世情傳舍視其官不求治民之術知所求矣猶局於其小而不思所以用其大何政為君始過憲幕黃君如子賤之於陽晝也至則問賢豪師辨博蓋有以用其大焉初下令百姓言不便者什之五逾月什之三右皆言今便凡四月而政平今尹陳君至君言邑事

雲山堂集卷五

○

七

甚便蓋亦耳目習之非以虛詞借也或謂君得民難君子曰民心不易得耳西門豹治鄴文侯語之曰人始入官如入晦室久而愈明齊桓公欲使愚夫愚婦皆言善管仲難之故明不可驟至衆不可戶說善為政者必辯治此矣君故晉令有聲全功布義不能得之於時其在吾邑數月乃彰彰如是蓋爵不得志而氣常伸才偶達時而終欲用其所未足所謂昭然如日月明乃

治且行者不在是耶若政未舉其大而先於附民則孔子於子賤少之矣君豈其然乎子辱交君之驩重其去為大夫士言如此

雲山堂集卷五

○

八

賀嘉魚孫文學獎勵序

嘗觀漢帝功令學官異等者高其位有不次之  
擢曰學官之重如此及觀張叔等與賢屬才有  
功西京翕然推重則為學官者蓋亦不輕自待  
云後世官郡邑學者繡其筆悅以求著顯於時  
非不斌然有文也然未能作人才以燉風俗上  
之人謂其亡補於職事遂從而易之雖長於文  
學典故陸沉下位胸臆約結亡所自見其奇其  
雲山堂集卷五 〇 九

現偉卓犖之才則薄學官於不為曰是非常時  
之所重也吾豈媿快哉

國家重文學之選諸生經明行修者用之蓋盡  
其才學憲大夫試之大宗伯又試之天子試其  
才乃使為郡邑學官其不為學官者必使入太  
學習事禁閭閻省中數年乃使治民

世宗用銓曹議郡邑學官有聲即不由太學擢  
以治民蓋曠典也

聖天子踐祚詔天下新士習歲使御史察學官  
異等疏用之官未久則先勞異以庶幾其他日  
御史庶孫君賢移檄勞之蓋自崇邑學還官纔  
一年所耳孫君試官于崇以文行著遷嘉學聲  
光褒然其不輕于自待既得於人心素矣則所  
受知他日而膺異等之擢者不可豫知乎且學  
官聲自宋初由幕職選差則中書門下熙寧後  
乃自天子命矣當時所稱賢者固守繩墨日傳

雲山堂集卷五 〇 十

教令諸生以無失其職事足矣即有跖弛之才  
將何以自效邪孫君當

天子重學官時而以其自重者副之他日且治  
民日躋華要實大聲宏豈不赫然稱盛哉諸生  
等聞予言進曰是可以告吾師矣遂書以授之

壽王母陳孺人六十序

王氏以家行聞郡邑中自其大父然矣然非徒君子外行飭也蓋亦有內助焉陳孺人者子厚母也子厚父栢陵君令萬載有聲已而與劉孺人表褐山中從以孺人甚驩也孺人侍栢陵君巾櫛婉孌弗忒多當君子心亡論君子賢之即劉孺人與居同志已孺人賦栢舟篇內行嚴整亡異相君子時不庶幾女士哉劉孺人子子器雲山堂集卷五 〇 十一

經明行修治郡有佳政難為兄矣子厚富有文藝顯名當世所謂季方者昨耶子厚幼有華人志長能讀父書孺人教以義方躬自儉約推布操作亡怠縱子一意力學行經師精至脫簪珥給焉嘗戒子厚父事伯兄篤友于之愛即子厚因心交其兄然孺人之教有足多者豈不稱賢母哉孺人春秋高今年六卜令德壽豈里中人莫不習之

今天子冊立中宮詔天下女士高年及貞行者下有司訪求褒異復其家其他賜帛粟有差孺人懿行亡論表表者足風也乃其字孤守義以求念其君子不諉且子厚森然玉立貽之令名不朽矣

天子恩庶子推恩所生界之新渥則子厚所壽孺人者宜有旣乎子雅游子器二十年於子厚以聲名交乃所知孺人者若此龔汝效焉李生言辭不獲遂書之為孺人壽

雲山堂集卷五 〇

十一

壽黃元相六十序

黃子元相行年六十自壯至六十慕父母不衰是有以自老矣先是已已督學胡公重鄉飲之典令邑擇高年行修者賓之邑父老賢多耄耋之年不能以筋力為禮是時黃子年五十有九文學吳君語諸弟子曰予聞黃宗榮賢可乎或曰年未六十吳君曰即加數年非賢可乎諸弟子以其言告邑令毛君毛君曰吾嘗竒黃子詩雲山堂集卷五  
○  
三

又鄉黨稱孝友是舉也其勿失此人哉乃言胡公并當路顧公徐公僉曰可遂賓黃子黃子今年六十鄉飲又賓之黃子謝曰國家盛典可使匪人久與耶遂謝不出於是毛君吳君愈益賢黃子乃夏六月十一日適其初度之辰友人門生相與觴之魏子曰黃子之年與行邑大夫文學諸君亦既言之矣余聞君子之行與其名浮於人也宜浮於實畢公元老克勤小物衛武公

耄耋朝夕不忘儆戒黃子誦其詩讀其書尚友其人素夫子何言哉



壽長史李白山六十序

予驢李君蓋自諸生云李君才萬之於衆始為諸生督學大夫試其文高等即翎翔霄漢已難已

世宗錄翁大司馬功使君卒業太學學成用之故事大司馬子得為郡守君還王門不得為郡守人或少之君曰股肱王室吾懼不勝耳敢佗慕耶出相益王三年教共朝夕王賢之請上賜

雲山堂集卷五二〇

十五

冠服俸祿加一等亡何

上用大宗伯言改授諸王官職事君乃謝王門以歸君心自倦遊乎好修奇服危難辟芷江漢間于子然達已乃今冬十一月某日壽六十吾黨辱交君驢者咸詩歌以祝之曰天錫純嘏壽考且室魏子曰嫩我壽也豈人所易及耶昔蓬伯玉年六十君子曰未知今之所謂是之昨五十九之非也得非六十以前尚未化耶平津侯

對策漢主待詔金馬門則當其未遇時鴻漸之翼猶困於燕雀耳君先二子之年成其德業已屹乎萬夫之望矣豈不大愉快乎且伯玉當衛獻公時見其幾而後退視君際

聖明揜瑜懷瑾不蒙世溫蠖者孰多耶平津發盛滿不知其足論者少之豈若君早年自達不顛冥乎富貴之地耶君年方六十而所得多於二子若是繼自今令德日崇未錫難老芝蘭玉樹輝映堦庭執昨吉祥可願之事哉予雅游於君以文字相命知君之所以求其年者有在也遂書以為贈

雲山堂集卷五二〇

十六

送石栢泉之六涼幕序

京師爲天下首御四方看身與臂指然故言治者曰如身使臂臂使指一指之微若不足輕重疾痛痾瘻舉切吾身未可以意外之也今宸宇之勢北燕晉南梁楚閩廣吳越東齊魯西秦蜀而須介蜀隴際黔巫邁吐蕃自京師視爲最遠然寔非身外也壬子春滇六涼幕難其人銓曹祇受

雲山堂集卷五

十七

明命遴選賢能以界之石栢泉乃得如六涼佐郡事六涼古牂牁地與靡莫牂牁捷筏舟馳勢相聯屬周以前未郡有其地秦時賴通五尺道始置吏焉漢興罷之武帝中司馬長卿畧定西夷關洙若道零關梁孫原併郡牂牁地雖沿革代異稱號世殊地至今存也夫以封疆之遐孤懸絕域風之所被群生樹濡豈可以身外視哉予聞其俗魁結皮服力耕邑聚號稱富饒利之

所覺民固常心內之干義教紀外之則邪說橫作至其觸白刃狎狐矢爭閭相高義不反顧又非法制之所能禁也子躬以先之論以道德使恩博惠源蹟遐不聞民悅其有窮哉且幕視守爲卑秩亦以惟民蓋責任均也世之君子或自小之及有政則委曰守職耳吾何敢與焉甚者於民肥瘠視若秦越然不加之意則又自恕曰民不獲所昨予之辜夫以職之不專自委而秦

雲山堂集卷五

十八

越吾民顧以自恕則於幕也奚職乎吾子不以身外視民誠推心置腹焉庶幾幕之職而亦有裨於其守矣臂指相使身其用康元首其有賴哉

壽中憲大夫林方渠序

中憲君林方渠往有聲薦紳間予嚮慕久矣仲子文學君滄洲及其季子翺翺藝苑中蓋躬立云壬申春中憲君初度之辰季子斑衣膝前仲子試官吾邑不得偕則焚香祝曰天若有庇於林使吾親上壽僚友陳君恭君帥諸生羅承榮等言魏子魏子曰予未習中憲君第以聲名交耳何能言陳君曰漢石慶醇謹有聞人賢其父

雲山堂集卷五

十九

曰非奮不生此子王戎奇秘紹綱人中曰未見其父萬石君秘康當世之偉人也賢之者皆以其子故若與林氏子驩又聲交其父所為中憲君壽者可已乎魏子乃言曰林氏於閩世其家多賢詰位公卿之顯滄洲君富才藝翩翩詞賦稱雄中憲君使為儒官雖成名高第可他日乃於目前則跼矣中憲君豈無意乎始中憲君居官任職不好立名稱為令為帥為守持清介

他曰為之自我者當如是至使文學君官則曰凡通經術修行先聖之道何至小禮曲意以希世干名為予觀世所稱賢卑疵纖趨與時浮沉者多矣其違衆獨立者則輒然笑之謂其胸臆約結止所自見故非篤行君子之德鮮有不負世俗之累而中自移者文學君受中憲君言日以謹力明經飭行為諸弟子先不以一藝近名迂身僻俗即慶紹之顯其親何以加哉予竊以為慶宅台聯顯其名於王室而匡濟之功君子少之紹起家秘書燕濟物理乃其所承先志則猶有未純焉文學君邁志不群博通古今之誼功烈所就必有加於二氏者所貽中憲君令名宜有既耶余多中憲君家行且賢其子乃著其所以壽者如此

雲山堂集卷五

二十

送吳文學之萬州序

吳君來教吾邑蓋自長沙遷也君始仕東平學有聲起為長沙成就弟子衆乃遷吾邑君為人沈炯重然諾廉然德誼長者之風吾黨賦多文章之士蓋其漸然也君三仕為學官嘗吾邑久始遷遷復為萬州學雖自重之素不急功者進孰能有此夫文教之重國運之隆盛係焉史稱漢帝重師儒多屬年而著效章君今之為其雲山堂集卷五二〇

主

者負俗之累而輕於自待甚至傳之而不為豈非上負

天子哉

世宗用天官言諸學官有聲遷為令

聖天子登極詔銓曹亡以資限才異等者不次擢之詔下人或謂君當有以自衛君則曰國家論才豈間入操利之門邪奉職居官亡佗勉卒功業人不誰何者久之無蒂前也君經明行修

有素絲羔羊之節邑令貽君金不得辭為諸生市田給糈養又捐其俸錢多所振給邑中賢豪長者皆注意高仰之為條教諸生成其德器不欲以文章近名嘗曰文章與氣運相為古今今之不可為古固天地之氣然必有名世之才變其氣化則文乃不與世而皆令君上稽古人力行其所學故所得於中者如此豈以虛辭借乎吾邑之與鄰邑頗陽之視渠耳君攝政數月皆雲山堂集卷五二〇

主

治即其文之用世何所不適耶且萬州者國家好學興化之鄉故稱殊產地也夷獫之於文教豈其異性哉儻耳樂母之間固有待君而興者若以真無教者奉麾之他日異等之擢可知也則所報效於明時者豈其微乎予多君能自重且大有裨於國家是以論著之如此

送吳文學遷萬州學序代作

文學吳君自吾邑遷萬州察案程君蔡君過予  
欲一言以耀之程君有習於君蔡君則傾蓋始  
也程君言君筮仕東平學作人有功蔚乎其文  
浩乎其氣動慎清介有歐和伯嚴公子之風在  
長沙聞望尤著至遷蒲邑如王良造父之技輕  
車熟道不失其馳也嘉鳳辱交驩二年知君經  
誼高不卑疵纖趨以徇世俗之好諸士風之成  
雲山堂集卷五

三

名高第日衆矣蔡君言震過隣邑聞君攝令事  
若孔子子產之於魯鄭然邑故孔道罷供億甚  
君躬自儉約一意拊循久之乃得人和若二君  
者誠有味其言也夫經學之於治行豈其異哉  
漢張子儁周子稱傳所稱儒林賢也子儁明經  
著名治民多惠政子稱經術飾治志操清白以  
節介氣勇自行二君所奇吳君豈不庶幾乎此  
凡且儒所稱賢者守先聖之道使士子習之終

身而不失其正漢經術唐詞賦宋理學亡不力  
行其道焉後世說說之學各競夫時弟子能習  
其師蓋寡矣夫士與時趨咸以其長自銜居常  
推第以好古相高即董賈韓陸濂洛關閩諸君  
子不多讓焉至施于有政悖于所師者衆則以  
身教之不立而空言之亡效也吳君修行先聖  
之道以其身有者為諸士先其在吾邑章章矣  
用之嶺南何有哉二君曰噫我言乎請書以告  
之

雲山堂集卷五

五

二峯胡公遺文後序

嘗讀史至周條侯匡國難李將軍擊匈奴曰嗟乎非烈丈夫能之乎然亞夫足已廣良家子未學君子少之夫節義文學世之所共賢也而燕之難先生以經術起家恂恂博士弟子耳

毅皇時乃能殲逆濠誅不庭猛爛然與漢臣爭烈豈不難哉方其抗節致忠先國家之急不以文學見奇遺書若干篇今乃著嗚呼先生篤行雲山堂集卷五

五

君子即亡文足多矣况其燕之乎是以論著于末簡

壽贊甫兄六十序

兄贊甫年六十丌壻鄭子懌言第積願得一言以壽公以言余余聞之父兄不為子弟媒况子弟於父兄執余家起自畏約世丌德人臻壽考多且至情無文也余於兄何言伯祖祥雲君故有聲樂安令貽子孫清白以有今日伯父汝興以行誼著里中兄振自孱弱好行古道即鄉黨中丌不備視之矣伯父遺兄中產兄脩業而息雲山堂集卷五

五

之弱冠時克成父母志已字弟聚如子庭內翕然孝友之行蓋其天性然乎又身衣食與馬纔具妻孥內困歲飢鄉人多所振貸趨人之急甚已之私某子甲適官楮將粥其妻孥兄振之不果鬻其佗表正鄉閭字孤寡之多此類云夫子弟譽之不若昨其子弟者也子其謝鄭子鄭子聞之曰遽伯玉行年六十而六十化莊子猶曰未知今之所謂是之非五十九之昨也則未

十以前欲寡其過難矣夫子之所嚴事得非其  
能化之日邪以余觀翁豈不庶幾古之人哉熒  
我仁人之言可以祝翁壽矣言既子壻以下若  
千人稱觴堂下祝百歲壽各如禮而退

李蓮峯冠服序

先大夫往游栢菴先生過從其家歸為余言長  
君蓮峯氏賢先生懷握瑾瑜富好行其德人稱  
長者居嘗語長君乃公資不逢世無以逾人若  
多才能文章如騏驎少壯一日千里乃公所將  
以羨魏君家恭謹有萬石君之風若急之無失  
乃公驪以故蓮峯氏於子兄弟至今稱世好云  
先是蓮峯氏雅志向學有司試其藝高等庶幾  
雲山堂集卷五  
○  
壬子

成名登第亡何先生捐館舍喟然嘆曰嗟乎士  
貴適志第從林藪中得沾一命之榮適矣即弗  
能用其所未足何憾邪會

先皇帝登極加恩罷邑士諸明經修行用不得  
志於有司者得章服從薦紳先生後維時蓮峯  
氏乃拜命焉里中賢豪長者亡不人人備視之  
矣予觀漢儒林所傳皆當世偉人西漢設科傳  
策勅以官祿多士風之皆其功令所使耳東京

子所趨如往子王任定祖諸賢豈皆祿利之  
路乎士修於家不得用於天子之庭即隱居巖  
穴行誼高名馳四海其所得非淺歟矣蓮峯氏  
一意適志好修嘉遯不蒙世溫蠖上視兩漢諸  
君子何多讓焉斯稱一日千里也哉余嘉其能  
成乃公志也是以論著之

送傅醫官序

西江傅子以醫著名家崇陽問其醫業內經素  
問書即黃帝岐伯俞跗問答旨悉之矣又能太  
素脉知人壽夭決嫌疑定可治亡與江漢及閩  
廣滇貴間隨俗為變所全活者甚衆故咸以若  
能生死人一日出所撰書數卷究其方皆有驗  
精良書本上下經脉五診奇咳揆度陰陽大當  
至古傳方尤多所發明夫傅子之書得無誕之  
乎而其術有聲能生死人則非徒言之者往然  
子病大腹它醫不治若診之曰腸癰也剖腹發  
膿數升愈涂氏婦病背癰若言可瘳也已刀割  
之愈汪氏婦產難七日藥塗臍而下之尹少府  
足痺搔之不勝若曰此厥陰候也令搔兩脅遂  
已它所診期決衆疑及所治已病衆多此其尤  
著云傅子名玉振受師叔祖及其身三世矣古  
稱國工者何以加哉



通山縣重修明倫堂記

譙大夫為通山逾年治行有聲百姓饗其利至  
庠序之事尤如意焉學官弟子亡不人人德之  
乃言魏子裳曰邑學自宋慶曆至今五百餘歲  
勝國興廢亡論已

高皇帝詔郡邑立學及明倫堂如制故今革之  
者數何能計長遠哉乃譙大夫治民無傷事急  
先務易其材而新之垂久遠願得一言以彰令

雲山堂集卷五

三十一

名余惟 孔子道在萬世諸生誦法無窮何嘗  
不以倫為重哉明乎此則小民親為禹稷契皋  
陶伯益亡難其義在孟氏告滕文公語中然非  
孟氏始也書言明德慎微易乾坤家人詩三百  
篇春秋禮樂皆是孔子告哀公達道則彰明較  
著焉孟子書學孔子明其意使天下後世則古  
昔稱先王所謂有功聖門者非耶故曰入孝出  
弟守先王之道以待後學則明倫急也宋儒朱

子輯為二篇皆古聖賢之言曰以訓蒙上嗟乎  
豈蒙士所能乎然聖功在此矣淳熙中朱子書  
堂額于閩士人多所興起已而薛舉巖榜于黔  
陽沱郡邑風之今朱子書幾徧天下矣士升其  
堂豈違其訓哉先王之教篤行為上講習次之  
世之學者幼童受經白首而終自蔽非講習難  
也語聖則談天尊王則功令譁衆取寵則事功  
其於斯義豈非躬行而未之有得乎大夫政先

雲山堂集卷五

三十二

學學先明倫所得非淺歟已諸士習于古訓豈  
無庶幾乎此哉堂成因釋其義于石大夫名田  
龍蜀中人蓋繼文翁而作者與

重修忠烈祠記

邑南十五里忠烈祠祀唐顏真卿杲卿季卿二兄忠臣弟孝子語在泰和蕭鑑記中學士廖道南楚紀則云真卿荆南節度春卿司馬杲卿湖南判官亡季卿名及考唐書傳三公雖功德盛乎未嘗私被吾邑季卿亡考君子尚論古人史無徵豈不庶幾邑人稱之耶竊觀三公祠由來遠多鄉人祀耳縣官祠自正統丞王斌至今為雲山堂集卷五二〇

三

烈則茲祠之重豈不有信哉慶壬申邑大夫士人修其殿宇逾年成故韓城令胡昱言魏子震曰顏公力匡唐祚有功血食斯地久先大夫光元當世宗皇帝時俘宸際誅岑猛以身死國於顏奚忝耶昱思先哲之忠動念千古君其有以紀之耆老黃宗榮曰顏氏忠胡子言之矣予先子譚侍父母疾椅祠教已榮為母禱效如之榮聞顏

氏忠臣且孝子也若其有言籠靈曷既鄉老李桓聞二子言則曰顏氏忠孝上矣桓家近祠歲時伏臘何敢不虔且邑多忠孝偉人過廟肅然起敬一有叩焉受命如響三公雖千載上至今稟有生氣非大夫何以揚休烈信後世哉棠拜稽首曰若三公者寧以予言重耶夫臣子之於忠孝豈非天性乎然自失其初者衆矣三公奮乎百世之上聞者莫不興起嗟乎非烈丈夫孰能當之哉此可以風萬世矣

雲山堂集卷五二〇

三

重修金沙洲橋記

武昌郡城西南門外逾河為金沙洲洲距江夏  
金口九十里江水自塗口南建瓴下至是支流  
為河河壩跳起沙上地崇墮人室廬其間遂成  
聚落人力農畜工虞商賈有奇羨洲南倚江多  
編戶之民飯稻羹魚火耕水耨非力所出不衣  
食塗口南則荆襄巴蜀孔道焉夫洲亦江漢之  
間一都會也河受江流之任水居其中歲際水  
雲山堂集卷五

三五

所從來者高人病涉即早留水深不能戒損其  
害往言便宜者衆亡計長遠比舟為橋自郡守  
甯公已而葺之則郡守王公正德丁丑方伯周  
公為舟十有七艘歲久敝亡葺之者嘉靖中興  
廢靡常比年水溢為害甚於故今中丞劉公侍  
御雷公拊循百姓思有以援之觀察大夫徐公  
至則蹇然曰昔漢彭城不梁豈徒薛惠過我使  
人視河商度功事時郡丞胥君攝江夏政郡守

游君咸欲為之力徵商汪早等聞之乃屬太學  
生蕭子恭請曰大夫加意民瘼早等願輸五百  
金大夫重煩百姓不許然商業已飭材鳩工先  
大夫今矣大夫乃從游君胥君行河觀地形使  
五準河廣狹橋可十舟舟廣若干維以鉄繩視  
河漲落伸縮自其宜也遂出金若干校方畧與  
人徒為之逾月而成子恭請橋名大夫大夫曰  
吾聞茲橋甯守作始名甯公橋王守葺乃更曰  
雲山堂集卷五

三五

王惠橋人亡常名蓋地之通屬不佞為金沙洲  
橋記魏子襄曰橋何足以重大夫我乃大夫實  
是為斯橋重矣余嘗入郡中至其處見人立赤  
日中百數舟子人索錢濟之又利人衆多錢也  
趣之前人五日中午中久亡不爭先以趣中流舟覆  
人多溺以死大夫為橋豈直活一日百數人哉  
夫河橋自有周以來聖人作也後世習之晉杜  
預橋富平武帝橋之曰非君此橋不立唐貞觀

為浮梁太宗賦詩云從官修功德之盛彼其以  
造舟自天子制則告成之日萬乘臨焉

明天子軫念元元諸能急人之困者得為之亡  
禁大夫遵古聖人之法興久遠無窮之利即  
天子無臨幸其仰承神聖之德登斯人於壽  
域非淺歟矣為茲橋重者寧有既耶是役也大  
夫成之蓋自中丞侍御公裁焉而郡邑諸君咸  
有其勞也大夫以子恭等富好行其德及之見

雲山堂集卷五

○

三十一

始終成功之著云

咸寧劉邑侯脩學碑頌

天子以孔子之道師天下使郡邑立學世所稱  
賢公卿大夫何嘗不尊孔子之業耶傳言郡邑  
長吏崇化以厲賢材治行著者若於庠序之事未  
皇亦淺之乎其治矣漢教褒修起學宮布文明  
之化晉范甯興學勸士後世多其作人當時必  
府用度躬自省約崇儒抑俗潔已先之非身自  
有之者然乎劉大夫為咸寧拊循百姓治成文

雲山堂集卷五

○

三十二

教興即漢晉二子止讓已一日進學官弟子曰  
國家功令多士習之吾所職者豈特校文藝給  
稱養邪孔子之廟不飾謂有司何乃命工程材  
新棟宇門地及學官弟子舍皆治始壬申冬至  
今夏卓有成功文學畢君則使趙生鶴屬余言  
竊以褒甯有聲晉漢間其所用者大也乃所臻  
治理之效則自作人致之予觀大夫治行豈不  
庶幾古昔哉再稽往牒咸自宋慶曆始為學人

才盛馮京陳未道世當世所謂賢人亡論其成  
名高第也京入政府危言抗節忤安石惠卿求  
道不屈邦昌至拒劉忠以死精忠偉烈天下至  
今高之豈非學之效乎大夫仲官作士子衣冠  
俎豆其中由聖人以垂令名不朽大夫名由是  
益賢已乃為頌曰皇帝御宇文治中興魯侯穆  
穆明命祗承鞠躬履方既令儀德居今行古標  
棣其則惟民康人多士作乎昭聞華燭人易其  
雲山堂集卷五  
三五

趙豫章榮陽名不虛立佐王龍靈君師無教豈  
第君子邦家之光何以紀之泮水之章

先中憲顧貞府君狀

先君諱正蒙字汝開鄂蒲圻人六世祖福二自  
沔陽州徙蒲孝第力田不應辟舉福二子必貴  
必貴子諸生恒恒子湯塘處士碧碧子滋浚濬  
滋舉成化丙午為江西樂安令有賢聲浚博學  
不仕敦孝行有司舉鄉飲溶為先君父字文盛  
號質菴蓋彬彬君子也正德丁卯舉郡中為四  
川隣水令卒于官令多惠政民有去後之思祀  
雲山堂集卷五  
四十一

名宦語在順慶武昌郡邑志及楚紀中娶袁瑞  
人生子三伯正時仲正初舉嘉靖戊子歷官易  
州蓬州知州襄府長史季先君先君性剛方秉  
和易亡佗行脩飭宗黨亡論賢不肖亡一人忤  
者少從二兄學富經術蔚有文藝尤長於諸史  
及小學諸書取其言行嘉者行之教子孫亡倦  
先達李中玉璞謂其能聖功字之曰顧貞人以  
是稱顧貞先生語在顧貞草堂卷中先君兒時

懷負進隣水公戒之曰博一人敵耳子其敵下  
萬人邪乃止尤好工書始為顏魯公書得王羲  
之書又好之以故正書宗顏而草書近王子人  
又牘人榮之輒藏去隣水公書抵故人皆先君  
代為之書凡百餘封筆翰如流親疎各有其意  
隣水公曰吾兒富才藝佗日可需世用先君日  
以自力隣水公居官廉亡美衣食舍具几案置  
土碗竹筒其上出入則香燭稽首曰貧乏不能  
雲山堂集卷五二〇

四十一

存此好消息先賢確論吾豈敢違哉人或謂公  
矯先君斥之曰茅茨土階古聖人昨耶先君雖  
從宦乎與先母李恭人攻苦茹澹若將終其身  
隣水公如成都衣孺人病先君從先母侍湯藥  
衣不解帶卧不歸寢者逾月衣孺人卒哭之哀  
隣水公曰有父在兒豈戚性耶先君乃節哀如  
禮然數死矣甲申喪隣水公喪還盡出俸貲界  
二兄以襄大事一錢尺帛不畜也父母沒從二

兄居食三十年事兄如父事嫂如母兄即誚讓  
亡幾微見言色一日與兄讀三國志至桃園事  
曰義兄弟且然况同胞乎兄弟執書以泣不知  
涕之從出也客或過兄竊命先母為飲食比兄  
留客業已辦治矣年三十與仲兄讀書葦廬執  
門生弟子禮甚恭已登邑雪峰山及會城洪山  
寺讀常過夜分不寢兄疾親嘗湯藥以進酒肉  
不御仲兄既舉戊子先君曰兄才過人四十始  
雲山堂集卷五二〇

四十二

登第况吾才不逮邪學遂輟初仲兄生子天裳  
年十歲先君以裳請曰兄子吾子兄曰諾兄南  
遊大學先君謂李恭人曰兄以吾子南使之學  
庶幾有佗日先母然之乃使裳從仲兄南明年  
嫂揭氏產卒先君以兄子晚又亡嫂客中乃市  
乳婦親往曰兄幸有子失其母弟乳之歸吾兒  
依兄且留兄不可裳乃從父歸明年仲兄至家  
裳旦暮膝前仲兄嘗授裳杜少陵詩及古文章

或謂學非所先仲兄曰兒他日有凌雲之氣豈以一經獵青紫耶蓋里中舉子學無授古詩書者先君聞仲兄言令棠竟讀甲午棠補弟子員督學者試其文高等里中諸父老嘆曰魏先生輟學有子哉乃仲兄之教不足多耶丙午棠舉郡中已酉北遊太學大司成孫公見棠文曰魏生文不為近代語蓋其難哉庚戌登進士第為比部尚書即使人迎先君不至會妻劉卒乞歸

雲山堂集卷五

四

先君聞之曰兒初試官當靖共國家勤職業而翁亡恙其勿念棠心常在先君願得休休以省遂以妻卒故事疏上得歸蓋自戊申從世父易州還先君三年矣歸迎先君京師養亡行意李恭人曰吾往字諸孫敢留媵以奉巾櫛毋乃御版與與棠俱來長安里棠雅游歷下李于鱗吳興徐子與吳郡王元美京山高伯宗崇陽劉子成興國吳明卿間以好古相命李恭人具酒炙

縱棠交諸子之驩蓋亦陶母之風焉甲寅李恭人卒元美銘其墓子與子成明卿為詞以哀之李恭人地下亡憾已先君見其文讀之曰汝母客死辱諸名士言微美顯章所得于諸君子重矣何以報之丁巳棠如京師官仍比部即明年戊午報政

天子先君拜封承德郎刑部山西清吏司主事如蒙官贈先母安人棠乃為冠袍帶烏使人奉

雲山堂集卷五

四

先君是年四月先君初度辰也高伯宗與諸薦紳先生咸錫以嘉言至則先君大喜曰吾子不負清朝

聖恩猥及重辱諸大夫言何德以堪是年秋棠克江南使者獻諸郡獄過里門先君曰兒歸耶依奉簡書諸郡國獄當獄日夜望使者至可以若夫後事代棠趣獄竣事疏上便省先君則後母方孺人病革逾月卒辛酉棠子樸如舉郡中

以方猶人喪巖賓客酒先君曰所辱諸君甚厚兒不與吾其理之先君年六十有四耳目聰明筋力強健拜跪起伏如禮裳還京師以壬戌泰山守濟南癸亥四月迎先君次濟寧州裳以公事適至道中謁先君從登泰山丈人峰裳與從父女由弟表子驥如前為壽濟南郡貳安陽翟君壽武昌陳君驥夾人黃君宗榮鄧子鴻酌酒賦詩甚懽懽曰吾黨聚于斯即僕陳荀之會

雲山堂集卷五

聖

何以逾焉遂識其地曰德星巖為文勒石以垂不朽李于鱗及諸士大夫聞之書其事為賦盛宗奇祝詩亡何歸德蹟臨邑諸守令各使人餽金道中先君曰吾不以暮夜金傷賢子名聲之已示裳曰父東閣子賢州邑使人餽金吾謝不受子其識之即城否州邑史此亦一事耳乙丑裳上計京師且報政上封先君中憲大夫山東濟南府知府贈先母恭人蓋裳治郡三年得薦

疏六章荷恩尤渥是年五月擢山西按察司副使奉勅路安兵備分巡冀南便道歸省先君曰臣之事君猶子之事父也不忠於君即不孝於父也兒受國恩當急趨君命叩父膝下豈得為孝乎未陝旬裳趣西至則虜寇大同兵事嚴矣裳事以言官論歸先君曰出為忠臣處為孝子兒其自適我裳山居侍先君養者五年欲報之德昊天罔極而先君遽考終矣傷我痛我時隆

雲山堂集卷五

聖

慶己巳冬十二月二十一日也先君以家行開里中即萬石君無以加焉二兄沒哀痛不自勝君喪父然子兄之子不異已子二十餘年如一日友人劉德孚早卒歲時憐其妻子賑之談裕中故貧也病且劇不能喪先君亟治木為衣衾遺之柩中垂絕語人曰魏公此事可傳千古李信玉者先母兄也死而無子二女未歸先君恤其家裝送二女甚具其趨人之急多類此而未



嘗有德色里中賢豪長者若故大司馬謝公郡  
守馬公大尹饒公但公皆先君執友每置酒高  
會則杖屨相從主賓于于適也今皆修文地下  
矣先君家自父兄約身雖微章服心嘗有以自  
下與鄉人由由然無爭也嘗戒家人曰古人有  
云門高則驕心易生奢侈則危亡立至吾子弟  
學宜加勤行宜加勵以無墮先業諸子弟亡不  
人人祇奉教令今邑人家行稱吾家蓋自先君  
雲山堂集卷五  
○  
聖主  
數云先是先君年六十六有司以年高行脩舉  
鄉飲先君固謝不往已又請于當道舉之微至  
而先君逝矣某哀且疚一搥管則泣數行下嗚  
呼尚忍言哉尚忍言哉無次唯大君子採  
而觀之錫以佳言雲不勝哀懇之至先君生於  
弘治戊午四月十七日亥時及卒年七十有二  
子三棠李恭人出家震發出女二孫男四僕如  
彬如果如樂如曾孫五

劉母馮孺人行狀代作

劉母馮孺人者襄陽侍御劉存義之母也父曰  
馮某蒼梧郡經歷母某氏以成化二十二年六  
月十八日生孺人孺人生額敏早閱女事纖絳  
組紉甚嘗母心年未幾孺人君口誦孝經周南  
詩能記亦晚大義孺人君某孺人君之曰贈非  
男子也里中新鄭主簿劉君孺人張氏生子慶  
士公某難其配考功郎鹿門鄭君主簿君某連  
雲山堂集卷五  
○  
四女  
也嘗過經歷君書其女被稱中乃言主簿君曰  
室而子莫如馮氏室孺人生十有四年乃歸慶  
士公方孺人歸孺人早世遠事繼孺人林氏  
唯謹林氏卒繼孺人丁氏丁氏卒繼孺人劉氏  
劉氏卒繼孺人歐氏孺人歷事四姑生事死喪  
如禮主簿君疾革孺人從慶士公視藥膳未嘗  
頃刻去寢所蓬首垢面不解衣帶者旬月及卒  
孺人佐慶士公以喪無違禮也主簿君傳餘兄

伯多有之處士君安焉孺人無幾微見言色鄉  
黨賢之處士公輟舉子業蓋存義兄弟稚年也  
孺人曰身不成名可使子無聞耶乃使二子就  
經師里中孺人脫簪珥資焉主簿君薄產處士  
君半之董董足饒粥孺人攻苦茹淡以身家政  
即躬舛辭統亡憚日夕篝燈習女事課諸子孫  
讀古人書夜分乃寢嘉靖歲丁酉存義試有司  
為第子員外郎試明經省中不第孺人曰吾望  
雲山堂集卷五二〇 四九

兒科第今若此恐吾老不及見他日存義益勵  
學無怠丙午舉明經計偕如京師蓋孺人生之  
年也孺人曰吾老矣兒若不舉進士可不一命  
及吾耶丁未射策乙科官當文學矣已存義不  
受歸孺人喜曰為人師豈易哉子更學三年未  
晚也庚戌乃學官涿州迎孺人養焉癸丑舉進  
士授平湖尹平湖越劇邑倭寇且竊發聲畏人  
甚孺人曰縣官固易稱寇且至兒其毋易哉守

城池安百姓此上計也存義為官日謹力邑治  
稱最焉居無何存義被召如京師授浙江道御  
史孺人竟襄陽老矣嗚呼痛哉孺人言笑不苟  
無美衣鮮食之好先後宛君怡怡如也尤東心  
和厚於宗黨多兩字孤寡老即臧獲得過不易  
讓呵恭儉惠順蓋其天性然哉卒之日丁巳四  
月十八日也距其生之年七十有二子二長存  
仁次存義女二孫男五孫女一

雲山堂集卷五二〇

五十一

某子某曰余嘗從里中聞孺人德曜聲也乃其  
子官遊於越人為侍御史貽之令名也宜有既  
乎遂受簡存義次其言動于左云

汪忠愍公傳

汪公一中字正叔歙潛川人也其先唐封越國公者家績溪至宋叔敖徙歙叔敖子若泉若虛若思若容及從子若海紹興間咸舉進上有聲明興曰彥仁汝珍以行誼著里中里中人莫不偉視焉汝珍子存道娶方氏是生正叔存道封文林郎河南開封府推官贈奉直大夫工部郎中方氏封孺人加封宜人皆以正叔貴存道家雲山堂集卷五

○

手一

自大父買子孫修業而息之積累贏利日有所起乃存道思以儒起家授正叔古人書讀之孳孳亡倦有篤行之志蓋自為諸生時已毅然稱髦士矣已而入為博士弟子所游知交多四方知名士以故博物洽聞明通當世之務薦紳大夫游其聲者日衆故事博士弟子得為京兆舉人正叔乃應京兆舉中選時

今上之十六年丁酉也二十三年甲辰登進士

第八人謂薦紳大夫游之耳已蕪其亡他議乃定正叔名由是益賢始仕為開封推官洞達政理恢廓有大度亡苛察其好法者一亡所縱舍河南杜氏殺人當抵罪故吏欲出之杜氏知正叔必譴死乃行寶玉存道所存道叱之曰若賂我乎必真殺人耳天道甚明可欺耶正叔聞之實于法嘗微知鄆亭老人陰殺亡辜欲按之亡狀會行郡老人伏謁正叔目攝之屬有訟老人他罪者正叔厲聲曰老人有重罪願不訟耶轉之遂得赦人狀老人伏辜餘皆股栗郡中人愈益賢正叔二十八年已酉遷刑部廣西司主事正叔業已報政去郡聞父喪道中歸後三年如京師乃補前官余始辱交驩焉曹事且簡請尚書郎得偕事文藝是時山東李于鱗李伯承吳興徐子與姑蘇王元美番禺梁公實楊州宗子相瑞州况吉夫楚人高伯宗劉子成咸以文章相

○

手三

命正叔摘詞古雅不作近代語蓋斌斌然稱于藝林矣

上城京師改正叔工部主事俾董其役明計算商功利工速就而財用省

上嘉之三十二年癸丑遷員外郎尋遷郎中瀝溝礮水溢決河堤害居民也尤甚

上命正叔治之至則水乃大溢幾及溺抱橈桶民居三日以免已乃繕完故堤增早倍薄財役

雲山堂集卷五

五

用節人不告勞其付託之效類如此云三十七年戊午遷江西按察司副使海寇起吳越閩廣間旦暮且及正叔議練土著兵備之會廣賊劫掠部中遂議出兵或謂我兵未合願少須臾也正叔慨然曰賊烏合耳我兵怯令益張至不可撲今歛衆自固計得矣如民何吾不忍也乃督兵出戰賊覘知兵少不習戰以其衆至不可支中軍請左次正叔斥之曰食國之祿而不克其

難豈忠臣乎乃躬自格鬪矢中二賊一賊前復拔刀斬之以死遂遇害妻宜人程氏聞正叔死自投於中家人援之出不食者數日或曰夫喪不待昨禮也乃強聽食喪歸六日不食以死事聞

詔贈公光祿寺卿謚忠愍廕子居敬為錦水衛百戶程氏贈淑人並賜塋祭立祠初正叔讀莊周南華篇誠有味其言也曰丈夫之所為者當

雲山堂集卷五

五

如是乃今以忠義死誠知所處矣宜人感慨不食赴死如歸雖古烈士夫何以加我子居敬居功居業居朝皆能讀父書世其家

少司馬象岑謝公墓碑

少司馬謝公癸亥十一月十八日考終正寢子君命三錫等既襄事乃使人來晉曰先大父問字而大父相愛先君尤驩而翁錫又室而女第知先君者宜莫如順甫願得一言墓石以永休問余謝弗能明年余歸自晉君命則過言曰先君治命也孫不敢忘唯順甫其有言余不得辭乃取崇陽劉子成氏言次為篇公姓謝氏諱存雲山堂集卷五二〇

五五

儒字懋珍家世蒲圻人四祖逢聖田源為業生德全德全生桂俱標茂長者桂生封奉政大夫禮部祠祭司郎中允勝公其仲子也封君結髮事師從余大父文林郎文盛受毛詩有俊才天性醇樸亡習俗之好配崔氏封宜人以弘治丁巳七月二十七日生公公兒時屹有鉅人志讀書一過目輒終其身不忘為文章溫厚馴雅敏若宿構封君曰成吾志者子也乃輟學治家人

產崇從公明經亡佗公始事胡參政廷獻問詩又從廖學士鳴吾問焉以故為學最諸子江員外克永好相人見公形貌奇之曰是兒貴貴當以經術進公年十四學憲蔡公讀其文異之進為邑諸生時僉憲左公按部貌其非九兒手摩頭骨異語曰謝生佗日貴顯無比公一日過江員外江夜夢神人語曰明日謝都憲來至則公也是年省試弗就歸鄉里夜迷失道有神人持

雲山堂集卷五二〇

五六

炬導抵家蓋自為諸生時異矣正德己卯省試高第明年遊太學撰神勇賦謁東橋顧公公甚奇其才嘉靖丙戌舉進士試政天官故事諸進士奉使得便道省親公以祭塋洛陽劉公遂歸省封君宜人戊子授行人司行人奉

天子賜澧州王策勳遵矩度亡爽王心賢之為貺孔厚公郤之辛卯選工科給事中條陳急政天子下褒嘉言言有裨益國家非浮華談說之

此衡之會言許祭酒失職狀謫蜀州判官  
且僻里中豪多為姦利公置之法不少貸訟  
平民以無冤乃興學勸農心為之計久遠當  
道庶其能佗郡獄多屬訊鞠焉大中丞宋公侍  
御鄒公疏其賢聞望益著乙未六月擢廣東廣  
州府同知平人攀泣以送亡論素德公也即所  
治里中豪在焉廣首諸郡務孔劇公勤勞肅慎

雲山堂集卷五

五十一

有聲潮州鹽政多張空簿難其理公往覈計利  
害甚悉論者以為識時務云戊戌擢南京禮部  
祠祭司郎中

獻后梓官南供具急火宗伯霍公召諸曹郎議  
難之公奮然曰今日之事君事也敢後耶遂屬  
公已而禮成共張辦如法亡何擢江西南昌府  
知府以其能治劇也公精於職事以廉敏為下  
寮先尉薦待遇殷勤甚備諸長吏以下能之可

宜盡力與否皆知之姦邪罪名郡有名籍發則  
召其長吏諭以主名起居按問亡冤郡大治庚  
子上計

京師却察屬饋遺不受曰毋重困民也比還郡  
大雨如注時郡久旱公至兩人以為厚德所感  
郡中語曰前有遜轡後有象岑蓋公別號象岑  
與遜轡李公皆以楚材著名云辛丑擢雲南按  
察司副使

雲山堂集卷五

五十二

勅理屯田至則攝司事兼學政諸道積牒精力  
裁決之頒條教諸郡務在指寬輔法而行毋徒  
尚武健操下急誘進學官弟子課其異等者為  
高第論者多其能知人甲辰如

京師不持一錢僅以圖籍行公卿相造請不行  
報謝公名由是益賢已擢本省布政司右叅政  
聞崔宜人喪哭之哀歸踰年又哭封君支牀鷄  
骨耳已酉服闋叅政陝西以糧儲蕪關內守地

故解陸海今財利析秋豪不足以奉職士富商  
大賈操其奇贏悉借權之息含望曰民亡蓋藏  
多求作而直為此廉耶撤諸郡墾田積貯邊餉  
不匿乃繕甲兵具車乘修城堡國威大振民不  
告擾明年擢為按察使又明年為右布政使今  
嚴威信著秦人至今誦之辛亥八月陞山東左  
布政山東歲漕穀一百七十餘萬

京師邊圉莫不取贖焉公以年歲不登各價翔  
雲山堂集卷五

責令民無餒以輸者漕過中又以時黜閑軌役  
財驕盛豪民侵凌分田劫假乃視人田上下多  
寡賦役有差東土賴以保靈功真每已壬子三  
月河南巡撫缺足議公

詔曰可乃權都察院右副都御史巡撫河南阿  
南古中州無周陳魏趙宋諸國圖一其俗公檄  
諸郡曰南陽好商賈乃父富以本業顧川爭訟  
分異黃韓以篤厚化之因地而官要在得民心

耳鈞州歲辦陶器運費不貲民苦之公疏請折  
價

天子曰可鈞人立石頌焉即

上至仁聖公蓋能盡言也祥符歲有炬火多繇  
役費公盡革去以其費資軍食河南當孔道傳  
遞累甚役者多宗室人歲得餘役錢不為役急  
之則怨緩則法弛民玩公曰事有益於民怨則  
任之佗非所計也虜騎馳驟畿甸稼穡驚動

雲山堂集卷五

六

京師公提重鑾磁州堅壁固守虜不敢南牧黃  
河決公言

上上使公典刑部侍郎吳公大中丞曾公桂使  
人徒塞之亡功公曰大禹導河不與水爭乃令  
水工隄高下開河上領河始亡害甲寅權南京  
兵部右侍郎坐師尚詔事罷歸師尚詔者河北  
亡命也杖棘矜以為暴漲河洛齊魯之間賊殺  
不辜甚衆公欲請兵諸道使者謂邳沂州兵未

罷毋輕嘗賊莫如因而撫之不挫一卒之鋒足  
事親附為百姓安危久遠計公從之已侍御霍  
公論公養寇為患聲聞言官又論之

天子詔械繫公京師獄上已佗放為編氓云公  
既歸以山水娛故意自恣不少下於人交驩余  
父及諸君子每大飲輒關門投轄有將元卿陳  
孟公之風非公事不至公門務絕知交請託孤  
立行一意而已天性坦夷中獲動好為言笑動

雲山堂集卷五

六

必由矩度官中外二十余年澹如也治家嚴而  
有法事封君宜人孝教死事盡思歲時忌日則  
悲泣不御酒肉伯兄懋成存憲早世享其孤備  
已子大慰嫂心嫂竟以節

聞旌其門二弟懋行存恕懋一存節事公如父  
公友愛篤至出入偕飲食必召二弟雖有急不  
敢違命公詩文多亡傳即諫垣草焚矣其不近  
名如此至功德在四方去后皆有赫赫名卒之

年六十有七

魏蒙曰公體周召之德不營晏而休其意固已  
遠矣已天下事多故一遭齟齬不為蒼生起宣  
尼不云乎用則行舍則藏豈不善始善終哉

雲山堂集卷五

六



河南奉國公劉先生祠記代作

嘉靖丙寅冬中尉西亭君思其先人之行請祠焉

世宗褒之賜名崇孝先是河南兩臺廉奉國公孝言

天子詔旌異語在周王疏中竊以人子於親蓋其天性然也生事盡忠死事盡思即古聖賢人之行何以加焉乃所稱奉國公就養無方至嘗

雲山堂集卷五

本三

糞封股寢不內室孝思可知也為人所不能為自天降祥千馬來集豈不為異哉庾黔婁楊慶皆古之聞人也先儒少之豈以其非庸行邪人子愛親之心凡可以自盡者何所不至即嘗糞封股能愈其親之疾痛苦何辭奉國公情發自天行成於獨真無愧于子道矣予聞漢東平王曹子建皆以孝名然東平樂相為善議禮諫獵中心誠愛國家子建懷親之賦蔚乎有文而股

必屏翰之功至今為烈奉國公忠誠體國之心何異於古人哉子孫作求世德席其餘佳即西亭遜產一事和氣充于宮庭非所謂一孝立而百行從之者邪詩曰孝子不匱永錫爾類西亭之謂矣西亭祠奉國公於開封郡之右包孝肅于肅愍二公祠左右之蓋奉國公忠孝無忝云

雲山堂集卷五

本四

雲山堂集卷六

文目

奉政大夫三湖馬公墓表

中奉大夫二峯胡公墓誌銘

鄧母湯太夫人墓誌銘

大母袁孺人墓誌銘

伯祖母葛孺人墓誌銘

孟父處士寅齋遷葬墓誌銘

雲山堂集卷六

仲父奉議大夫三峯墓誌銘

亡妻劉恭人墓誌銘

贈工部尚書鮑先生墓誌銘代作

祭余母

祭吳中書夫人

祭劉侍御太夫人

祭劉太夫人

祭劉中丞封君

祭封君

祭黃羅湖代父

哭延甫十八弟

祭彭處士

雲山堂集卷六

二

雲山堂集卷六

楚蒲圻順甫魏裳著

奉政大夫三湖馬公墓表

歲己巳

天子詔天下有司問高年馬公年七十有八行至高令尹毛君彬造焉

恩至渥也亡何公卒明年乃襄大事裳表其墓曰嗚呼此大夫馬公之墓公諱練字元素家邑

雲山堂集卷六

一

之官田里里有三湖公樂之是稱三湖先生曾祖駿登永樂戊子鄉試仕終崖州同知有聲娶胡氏生順中順中娶何氏生奉政君文獻奉政君娶黃宜人以弘治壬子八月九日生公奉政君初娶龍宜人生子綱繼已娶黃宜人生綬繼及公公蓋白眉也奉政君為諸生時夢生子試場中下第歸則公生日兒生使我不第意者其天乎奉政君竟以歲貢為彭山學司訓父喪畢

復為瑞州郡學非其好也公性穎異幼有鉅人

志奉政君授詩公學詩已授易公又學易弱冠

即明化經多所博觀外家語正德中為諸生有

文章名已外御史毛公伯溫試其文予食廩公

曰吾豈重一糈哉乃讓友人徐應元食其廩公

果登鄉試高第公試南宮數年不舉進士或謂

公卒業太學公自鏡鬚眉曰豈有狀貌如吾不

成大名當世哉嘉靖己丑舉進士令嘉定嘉定

雲山堂集卷六

二

蘇劇邑多豪豪賂猾棍吏為姦公法之其下戶

羸弱雖文致法必加意輕平焉御史某子少孤

奴私於母得其產諸大夫貴人多為奴地公寔

奴於法孤立行一意亡憚邑故有渠塞不治十

年公濬之溉田可千萬頃百姓饗其利王老四

者販私鹽海上勢甚盛二千石莫能制公召而

諭之化為良民邑學湫隘公更諸爽塏為教令

習諸生試其文高等給糈食除更絲諸生皆成

就有名邑故名浩穰費不貲公折節為儉不燃  
官燭諸察化之公名由是益賢甲午陞南京戶  
部主事歷陞員外郎中監稅揚州以清謹見稱  
己亥遷河南府知府河南伊王封地王暴繼府中  
人白晝攫人金亡論奪人妻女即游閑公子比  
之得金乃還舉人某入境使人奪其善馬公以  
法繩之人皆股栗王敬憚焉公初娶曹宜人卒  
更娶張宜人南都或抵聞宗伯淵誣公千金買  
雲山堂集卷六

三

妾遂免歸公為諸生邑人岳池尹但偉夢曰公  
出身如忠甫止官於文淵時忤忠甫輸舉進士  
人謂公必有佗日文淵為先伯大父滋莫知其  
徵公起家進士為郎以聞淵免不偶哉先是嘉  
靖丁酉公以主事三年封承德郎贈文獻如其  
官母妻皆安人至即中報政

誥封奉政大夫贈文獻亦如之母妻皆宜人公  
焚香稽首謝曰練奉職亡狀不足以報

國恩唯願

聖天子萬壽聞者謂公忠愛如此公自河南歸  
即亡爵祿之念非公事不入公門與邑中賢豪  
長者相結多投轄之風先君中憲大夫蓋兄事  
公云公性孝友行誼高心常有以自下亡論長  
少疎戚亡忤家自父兄約賓祭如禮鄉人粥產  
直恒倍貸息錢多所焚券性好讀書老而不倦  
年七十作細書甚莊寸帛片楮藏以待乏曰陶

雲山堂集卷六

四

士行之意也植花卉庭前曰吾心不移於佗譬  
諸草木生意耳治生養性之功人多取法焉及  
卒知與不知莫不流涕先期戒諸子曰吾壯年  
及八非喜則憂六十八病今七十八矣汝其識  
之七月二十日遂卒明年十一月八日塋于羊  
樓之黃家山子四之麟之龍之驥曹宜人出之  
麟之驥邑庠生之龍太學生先公卒之倪張宜  
人出嘉靖甲子舉人女一適謝少司馬子三策

芳十舍舍倉介介企令龠龠龠孫女四孟適  
吾兒樸如次適舉人任文定

魏子裳曰孔子不云乎良農能稼而不能為穡  
良工能冶而不能為順公卿大夫尊顯者豈不  
當世榮哉沒則已焉先生以高誼著里中為即  
為守赫然令聞子孫皆篤厚有文世其家榮名  
豈有既乎

中奉大夫二峯胡公墓誌銘

公諱堯元字廷獻邑南塘鄉人晉徐州刺史武  
僑居宿遷劉宋太子左衛將軍藩錫土豫章乃  
家新吳以功封山陽縣男謚壯侯趙宋高安令  
用錫徙家龍口至元海徙橫江

明興慶一避元兵卜居邑南塘鄉蓋自新吳遷  
始世其家公父魯亭君慶一六世孫也為人剛  
毅愛讀古人書起家成都學官娶石氏生子四

人公其仲子也性莊敏人望之甚畏數兒時遊  
白石山謁顏真卿祠嘆曰大丈夫死國血食斯  
土榮名豈有既乎為詩歌心慨然自許忠義蓋  
其性云正德庚午省試登第辛未舉進士授戶  
部山西司主事督賦通州逆閹劉瑾專政天下  
言利事析秋豪具而屬歲侵舉羸公白大司農  
減費語侵光祿將作諸監事中貴人銜之明年  
督金盞馬房近諸閹人各大用者瑾黨也嘗以

門客屬公公沮辱之大司徒王瓊以各言責公  
公曰官至尚書倚若為水山耶瓊大恚亟謀去  
公臨清州監督主事代疏公往臨清為漕孔道  
諸隨共事者十有一人公居其間清潔自守無  
一語及私與人交面折不能容其過然心誠實  
無他腸人諒之居亡何漕事辦闕亭園署中日  
以文籍自娛倦則習弓馬以射亡遂也天官楊  
一清雅知公賢以王司徒言薄譴之故事諸曹

雲山堂集卷六

七

即不能劇者更州貳乃上言謫公高郵州同知  
州運河故邪溝也水自諸湖入河承下流兼三  
十六湖之任歲春秋湖水羨溢河不能洩害諸  
田甚夏冬水涸不可田民苦之公請倣古人溝  
洫之法方一里為溝深一丈六尺廣二尺至興  
化而止河東故有涵洞石埭如法脩之以時啓  
閉旱潦不能災民甚賴焉州民好淫祀士女祠  
東嶽亡忌公毀之更為文游臺祀蘇東坡黃山

谷孫華老秦淮海四賢群諸生其中辨其文藝  
高等以俸錢給之惠通河諸驛煩費不貲公往  
覈歲省數千金徐州諸生王某貧亡妻公試其  
文藝高等為之聘生果壬午登第吳某客死公  
為棺欽買舟資以歸秋大水大中丞葉蘭督治  
河夫錢急公曰歲且飢重困百姓吾何忍哉遂  
條其不可狀以請省夫銀五千餘兩亡何攝江  
都邑事至則廣謀議求民莫好古教化表孝弟

雲山堂集卷六

八

力田有行予民興其利江都治丁丑

上詔指揮侯妻馬氏入官言官諫不聽公上疏  
畧曰漢選后官家人子入侍唐納壽王妃緩和  
天寶職為亂階臣不忍天下後世非

聖為漢帝唐宗

上不納諫其忠不罪閹人史某督制

御服還京所過郡邑賊殺亡辜甚衆賢應令林  
穀咎四十宿遷簿孫立聞風自縊以死他郡邑

多以金兌公抗疏條其姦賊乞詔法司訊鞠梟  
史某首都門以謝百姓復斬臣首以謝史某天  
下幸甚疏上事竟寢公之出位言也人人危之  
上寬仁亡譴人莫不賢知公戎寅冬迂江西瑞  
州府通判高郵人思之毅公游臺增為五賢祠  
語在給舍王元凱冬官孫峻記中江都人思其  
遺愛立祠公至郡之明年督餉吳城六月宸濠  
反大中丞孫燧副使許遠死之公自吳城聞變

雲山堂集卷六

九

微服徒步夜行旦伏聞遣五百里還郡時郡守  
宋以方被禽寮屬亡去公攝郡事召士民泣諭  
之死守無二遂請兵大中丞王守仁即日具疏  
上上召所使人榻前勞問賜食詔權公為守偽  
駙馬李蕃掠城公急集城中兵謂妻黃淑人曰  
吾與城俱亡汝善為計淑人泣曰君其盡忠毋  
以妾為念公出淑人懷印抱女顧季子宣及家  
人胡永曰事若不測妾當投井以死宣歔生待

父耳公乃簡壯士盛官儀詐稱迎蕃伏兵石鼓  
潭擒之斬首九十四級溺死者不計其數報至  
王守仁曰微胡通判瑞其不免乎下檄獎資公  
謝不受曰國難未靖敢拜檄耶守仁遂屬公兵  
使備賊亡西公曰濠無西意第恐東下為憂耳  
乃使人聲言瑞兵十萬且至夜城西隅忽墮城  
中鼓譟謂瑞兵至矣濠懼脩戰守之具甚備七  
月望帥兵趣南京抵安慶守仁合諸郡兵攻南  
昌屬公攻漳江門公入擒偽太監萬銳并賊倪  
慶周壁傳令諸將曰生擒賊者受上賞殺傷人  
抵罪城完人無傷者濠聞失南昌自安慶還救  
守仁發兵迎戰公勵壯士前戰于黃家渡偽都  
督吳十一馳馬向公公佯却發一矢射死之擒  
賊周瑞追戰于八字腦擒賊二百七人師次鄱  
陽湖天南風公曰賊衆難卒平乘風縱火可得  
志或謂風亡常難恃公曰討逆自天何疑哉乃

雲山堂集卷六

十

與吉安太守忤文定部分將士縱火賊舟遂俘  
濠公追餘賊樵舍擒吳十九等一百一十五人  
轉戰吳城擒徐錦鸞等八十二人賊平公還郡  
淑人曰吾與君得生天祐社稷耳公以郡承師  
旅之後務在拊循為條教下諸州邑訪故老咨  
諏民利病清獄市輕徭薄賦郊行勸課農桑賑  
貧恤死醫藥療疾疫嘗裁郡中徭費三千餘金  
諸郡風之俗故健訟行苞苴公廉其人置之法

雲山堂集卷六

○

士

仍大書榜其門奸訟衰止郡多盜公得其渠魁  
誅之餘縱歸田野亡窮治盜多化為良民歲苦  
旱公禱即雨大得人心脩治學宮選開敏有才  
者親自訓飭建筠陽書院程諸生文藝歲給官  
錢士咸感奮刊孝經家禮小學諸書頒塾師弟  
表忠義飭祭祀孔子廟庭祭器樂舞甚備嘗集  
歷代史循良吏一編師其政事治行稱異語在  
天官劉文光所為遺愛碑記中嘉靖壬午

詔以江西功擢按察使會按察使亡閒暫授廣  
西布政司右叅政俸級正三品公再疏辭

上不允乃就任總督糧儲巡察邊務恪共職事  
浴客邑為賊陷幾廢公復之建桂林書院買田  
百畝給筆札膏燭選學官明經者為師使諸生  
各以其經受業焉語在春官鄭婉記中士首岑  
猛守田州以兵力自多凌轢佗郡甚劉召者猛  
逆黨也誘執都指揮孫震曰必復土目退官兵  
雲山堂集卷六  
○  
士  
乃還震耳或謂震輕嘗賊請釋召公曰震固易  
敵田州土酋得無陰使召耶土目復官兵退召  
必擁震而入思恩計之脫矣乃條土酋罪狀白  
當道督責諸帥雖之不從已和召召果以震去  
思恩如公言大中丞盛應期屬公曰諸師違若  
言敗若深知兵其盡力公辭不獲己酉三月進  
兵擒賊將李隆禮陸利廣脫其縛結以恩信使  
執召以免已執召當道欲殲其衆公乃分而田



里之者萬五千人蓋自召叛至今十有九年矣  
公乃架入東蘭那地原占金城諸絕域經畫理  
理宣布

朝廷威德奏凱而還事聞

詔賜白金二十兩紵絲二表裏是年冬大中丞  
姚謨疏請征猛

天子可之詔下謨問曰計將安出公曰岑施王  
達為猛敗失其職守怨猛深今若許其立功還

雲山堂集卷六

三

故職則二人樂為用又使人聲言兵若干萬取  
田川猛必專意泗城乃使思恩南寧武緣各整  
兵旅待湖兵至夾攻之三面受敵猛亡能為也  
若餘兵四掠以右江兵出賓州左江兵與南寧  
武緣合思恩兵從後擊之賊將奔哭無地歸順  
者猛之南屏也猛親戚在焉猛急必道歸順趣  
交趾若陰使人結其所親以成拒吮之功乃萬  
全策耳謨奇之遂屬公入鎮南寧湖兵至檄公

雲山堂集卷六

四

為監軍督都指揮沈希儀張經李璋張伯程鑾  
等伍將軍帥兵八萬分道進令曰擒猛者賜千  
金爵一級畀其地黨惡者移兵誅之猛懼謀不  
知所出裂帛書寃狀抵謨謨不聽六月一日公  
帥兵進攻賊將陸綬號萬人敵猛男邦彥素曉  
勇公曰此難以短兵接也選精騎馳射之綬五  
易其馬公追之殺七十四騎而後授首邦彥逃  
猛果謀出奔猛婦翁歸順知州岑璋以其女失  
愛於猛憾之欲得猛為功先是公令沈希儀等  
察千戶趙臣雅善璋遣臣抵璋所得與猛相擊  
狀說璋擒猛自效邦彥守要害璋佯以姻故遣  
千人助之實為間邦彥納之及兵擊邦彥璋子  
人為內應竟斬邦彥猛奔璋招之曰事急矣願  
主君走歸順三四夕可至交趾猛從之公策猛  
已至璋所遂以萬人檣歸順璋遣人持牛酒犒  
師見公謝曰猛欲走安南璋擊之亡去幸緩五

日當縛至轅門公許之璋乃詒猛曰天兵已退當為君奏白寃狀遂為疏令猛出印印之璋知猛印所置酒賀猛持醪酒一盃進曰天兵索君急不能庇請自為計猛遂飲酒以死璋斬其首并佩印遣使至軍門上之所分兵復斬賊將王琳等事聞

詔賜白金二十兩紵絲四表裏初公聞邦彥授首恐非真進隴容巢窟驗之冒瘴死復蘇猶口

雲山堂集卷六

五

授諸將兵事一十三條疾遂篤與至橫州卒時嘉靖五年九月二十九日距其生成化十九年十一月十四日年四十三歲將錢溥知州陳堯恩視公行李唯夏衣數襲圖書盈篋遂發公帑歛觀焉初公事曾亭君孝敬死盡哀喪葬如禮與弟克凱學以聖賢為師里中人咸偉視之田二十七畝有奇公大父貽也乃授其宗人共田之以共祭祀又別市田五十二畝為宗人養余

某被誣當死公白當道得脫余以金謝公拒之曰當道釋汝我何與焉一夕夢宴于大庭覺如醉心異之越七日端人以劉文光碑文來祠成則夢之夕也公博物洽聞尤精究曆數僉憲申惠嘗問曰君壽幾何公曰數在兩戊申曰然如之何公曰命也焉可逃乎以丙戌年卒月戊戌不偶哉士民哀如喪考妣請立祠大中丞石金疏公死國事乞贈官立祠以祭

雲山堂集卷六

六

詔曰胡克元實死國事贈中奉大夫右布政使祠桂林武昌郡及邑志互載其事公丈夫子三長旦仲昱乙酉舉人陝西韓城邑令季宣早喪女二長適嘉魚兵部尚書蕪太保李承勛子教益郡長史次適宋儒珍丁酉舉人孫男二景仁景猷俱庠生公以己丑十二月二十九日塋于江夏金口鐵山之陽昱以桂林門生則使白潛狀屬子銘魏順甫蒙曰士平居言事不見長

至當事變則首鼠然若胡公者可以哉可少

哉劉養正言帝星明江漢不識

真主宜其及也公才能輔世當

聖人興不及佐太平業以死惜哉嗟乎非烈士

夫孰能當此者乎

雲山堂集卷六

七

鄧母湯太夫人墓誌銘

鄧太安人卒蓋後封君栢居二十有三年矣其子汝嘉廷猷等使孫士達屬余銘余與汝嘉同舉郡中又士達余子婿也乃銘太安人邑處士湯義女性貞惠父母不予凡兒乃擇裘褐之人行可與俱者歸焉封君友信幼有志操處士君高其行遂室太安人太安人歸封君年纔十七謙讓恭謹執勤婦道事舅姑孝敬端操以奉君子封君家世豐產好施予能賑人之急表正鄉閭有陳仲子王彥方之風使諸子讀古人書服儒衣冠言行稱先王不惟使其成名高等耳太安人佐之不違其志以故成諸子德業過人嘉靖丙午廷猷舉郡國明經高第明年封君卒家僮嘗收債里中貸錢者不入太安人曰往貸之錢為人之無者以為本業也貧不入何患責之耶悉取其券焚之初太安人業已抱子復為封

雲山堂集卷六

七

君置勝曰但使多男豈必皆吾姪哉已而勝子  
太安人子之如已子今五丈夫子稱難兄弟人  
以是賢太安人 先皇時廷猷舉進士官民部  
心常在太安人乃乞監稅江西便道以省廷猷  
以太安人且留太安人曰吾性疏頑訓誨無素  
恒恐汝負辱清朝增地下之羞若欲貽父母令  
名當盡忠報國無他念廷猷報政

天子下褒嘉言贈封君如廷猷官太安人如例

雲山堂集卷六

九

太安人貴不以加於鄉人宗族聲名由是益賢  
嘗從廷猷建昌郡中亡美衣鮮食之好朝夕戒  
曰為民父母當愛民如子民窮財盡勿輕刑罰  
故廷猷任職居官稱清謹云太安人在郡以兵  
寇思歸謂廷猷曰汝竭心力國家勿以老母為  
念泣數行下君不能須臾者亡何言官以寇事  
指摘廷猷竟奉太安人歸歸且八年往來諸子  
家就其糈養心所欲而更亡恒期也居嘗語廷

猷曰居官為忠臣在家則為孝子吾死瞑目矣  
乃以隆慶三年十一月二十九日考終正寢年  
七十有一子五長廷猷嘉靖癸丑進士戶部主  
事歷陞員外郎中由江西建昌府知府廷雲南  
大理府次廷佩廩生三子廷儒滕襲氏出楚府  
引禮四子廷訓五子廷弼增生孫男五長士彬  
庠生廷佩出次士望庠生士達隆慶庚午舉人  
廷猷出餘幼未者太安人以卒之明年正月初

雲山堂集卷六

十

十日卜塋于邑蒲首山銘曰

賢哉母傳所稱焉倫湛氏何以加哉諸子襄  
瑾握瑜晚光浹世長發其祥與天壤俱況佳  
城舊舊哉

大母袁孺人墓誌銘

大父文林郎質菴君大母袁夫人卒于蜀袁夫人先質菴君三年蓋嘉靖元年壬午也故塋未有銘二十有九年庚戌裳登進士第明年辛亥婦劉氏卒京師故事妻卒得偕紉子還故里乃請告

天子歸歸而謂質菴君墓已謁袁夫人墓父泣謂曰汝知大父母德乎不有以識之安所傳不

雲山堂集卷六

六

三

朽也裳唯唯一日父示所為袁夫人狀曰此吾寢苦筆也裳讀之即如見袁夫人者手之京師求大父行有名士知袁夫人者亡得焉三十四年乙卯裳哭母京師以喪歸世父長史公正初出南充母廷評德純為質菴君銘以示袁夫人未有銘如故以命裳裳蓋聞之父曰夫人諱世英字敬微處士袁文廣之女文廣家世力穡重為邪以計然積蓄之理致之饒益傳所謂素封

者非耶嘉魚李氏世清貴多文廣才遂以女

之是生我袁夫人夫人婉嫕淑慎閑儀訓甚當李氏心逮嬪我質菴君躬持清素縞衣推布操作亡勸夫人嘗夜與家貧婦會績數以餘光振之至他子婦綺麗則目攝之耳湯塘居士君謂件孺人曰有婦如此吾何憂質菴君受經生下帷里中非其好也夫人治閭內縱之學一時知名士多驩質菴君夫人旦佐質菴君投轄夕篝

雲山堂集卷六

六

三

燈課諸子讀古人書躬麻枲泮泮純亡憚質菴君破萬卷未寢夫人不先也正德丙寅質菴君治第王子山中會郡守以縣志屬夫人率世父處士公正時屬功亡不當質菴君意者質菴君才豪志矻矻不人下丁卯舉郡中高第越十有五年之隣水尹砥礪名行夫人攻苦茹淡以約資庶雖一膏沐不以煩縣官質菴君官一年大有聲夫人佐之也質菴君如成都夫人疾輟攝

休旬餘矣已疾革心惛然恐不及須臾見君君  
還而夫人已在棺痛不及見已哭之曰予久畏  
約微夫人賢曷至是嗟哉天喪予初質菴君游  
南雍留夫人舅姑所夫人事舅姑如質菴君事  
父母已而昏處士長史公及進長史公鄉學則  
夫人躬之耳壬申湯塘君疾適質菴君鄂城夫  
人侍湯藥旦夕寢不去卒佐兄伯以喪又如質  
菴君喪也夫人性嚴而有度治內慎約有共父

雲山堂集卷六

○

重一

文伯崔玄暉母之風至生事死喪舅姑又多男  
子事天不永年謂之何哉夫人生以天順丁亥  
六月二十六日卒以嘉靖壬午三月二十一日  
年五十六生男子三長正時娶唐氏繼娶雷氏  
仲正初登嘉靖戊子科歷官知易州遂州事陞  
襄府長史娶王氏繼娶揭氏陳氏季正蒙娶李  
氏女二孫男九曰衣生員次裳曰表曰泰生員  
曰裁曰杓曰槐孫女四曾孫男十二僕如彬如

如炳如俱奉生餘未名孫女四元孫男六夫  
人卒之年塋王子山之原首戌趾辰銘曰  
夫人懿德今靜嘉相夫君兮名邦家年不百  
子登遐坎而封者子耶迫而銘者孫耶珠沉  
子明耶玉蘊子輝耶

雲山堂集卷六

○

壽

伯祖母葛孺人墓誌銘

有孺人者文林郎樂安令祥雲公繼室也公家行吏蹟語在家孫表所為誌中公隱約時娶唐孺人再娶汪孺人又娶汪孺人俱早世弗偕公以老公以弘治丙午嘗試正德戊辰拜樂安令里中人多欲女之公並絕不要聞孺人著女士名遂聘之孺人家世有謹厚風父景春業儒好脩邑人稱為長者孺人天性溫惠端莊美志行雲山堂集卷六二〇

三

能為丈夫事歸公逮事件太孺人作太孺人者公役母也孺人事之執婦道惟謹意稍不豫必愉色而前期得其懽心公令樂安八月解甲綬歸產不及中人囊無系帛錢刀之蓄家猶蕭然四壁立也孺人佐君生產作業身裁績歷寒暑無倦居常節儉不事華靡至賓客過從則出酒饌甚具未嘗以畜鞠失賢者公兄弟十六人咸手足視之孺人蓋贊公成友愛之名鄉黨有貧

之公周之公卒人以子錢償孺人曰若利子錢非公相恤之意也卻之自是里中無不賢孺人者先是唐孺人汪孺人各先後舉子女孺人視之不異已出嫁嫁幣聘多自孺人操作給也孺人生子三公捐館舍二子垂髫少子尚在襁褓孺人撫而哭之徒以形影弔耳嘗自嘆曰未亡人豈重捐生吾將撫諸孤以報公地下已而課諸子讀父書稍長教以敦業樂群無匪人是比雲山堂集卷六二〇

三

二子既壯莫不恂恂然有父風焉孺人率諸婦孝教字諸子孫亡昵馭戚獲必笞撻曰此亦人子也家子弟力學亡論疏戚必善遇之貧則給饘粥或遺膏佐夜讀亡吝裳猶記共孺人子輩研時孺人以教子者教之經師費多取給焉嘗語衆曰汝必有他日庶幾無怠裳竊有浮名而孺人及見之不虛言哉孺人子且玉立諸孫皆驥驥才日可千里方期以大報懿德而孺人

不逮痛哉孺人生於弘治甲辰三月二十一日  
卒以嘉靖甲子正月七日享年八十有一是年  
十一月三日啓公墓合葬時裳守濟南弗視襄  
事孺人子以裳知孺人也使人命之誌乃署所  
見聞使後世子孫知焉前孺人子五正中唐氏  
出正賓正冠正綱正吉再娶汪氏出孺人子三  
正祭正恭皆貢士正慕庠生孫男十二表舉人  
祇皆正中子襄聚正賓子製爆襲提檐正冠子  
雲山堂集卷六二〇

三

泰庠生棧榮皆正綱子橫科皆庠生正參子桂  
恩貢生袂稠皆庠生正恭子女二孫女八曾孫  
翼如太學生表子登如泰如皆庠生襄子諸曾  
元孫幼未名銘曰  
嗟哉孺人恒德貞兮克勤克儉孝且敬兮富  
壽康寧多男子兮天錫純嘏貽休未艾兮

孟父處士寅齋遷葬墓誌銘

孟父處士寅齋公嘉靖乙巳六月十三日卒既  
塋未有銘塋九年所子襄聚以堪輿家言欲徙  
之難其地會仲父長史三峰公卒將附表夫人  
墓側夫人處士長史母處士亦欲附夫人夫人  
墓之山故屬長史也乃請於長史陳孺人孺人  
許諾遂發處士故墓視其棺如塋時徙之以十  
二月十六日同長史公附表夫人墓以塋公諱

雲山堂集卷六二〇

三

正時字汝行號寅齋蓋取義夏正也父文林郎  
曾菴君母表夫人生男子三長則公仲則長史  
公正初季則裳父願貞正蒙也表夫人以成化  
戊申五月二十二日辰時生公公為人任俠有  
氣節面折不能容人之過疾惡若讐讐然秉純  
實仁他腸人或至盛氣中懣面不能一語而背  
反德之性好施予兒時即能解衣推食衣食人  
長乞飯儻不羈慕魯朱家原巨先之為人也身



服御車馬纔具妻子內困趣人之急甚己之私  
多所字孤粟之及衣棺死者又才能治劇料事  
多奇中質菴君約時治第也公時左右之竹頭  
木屑盡必當用事亡不治治亡不當質菴君質  
菴君雖未厭家政而公之幹蠱業已試之矣質  
菴君哀夫人之官以家屬焉公日以盡力亡論  
事鉅細必親力使臧獲咸中能無厲息家朝夕  
饘粥足數十口矣哀夫人先質菴君卒以喪還

雲山堂集卷六

元

公執喪哀戚甚悼動遵禮法已卜葬矣夫人或  
指某子甲地可計獲也公曰吾安母地下求亡  
愧於心耳何利之取圖乃卜質菴君故有地以  
葬至今堪輿家無不人人稱善也質菴君尹隣  
水廉卒之日僅以其身及圖籍歸公喪之亡廢  
禮隣水人奉喪來者遺之厚人或謂公侈公曰  
若不忘父德千里馳驅吾寧忘君共質菴君哀  
夫人往矣公繼長史公力學時棠父未習事公

乃獨任家政亡勸力繕治生繕屋廬益田畜什  
一息之亡使浮羨一錢尺帛不已有也公兄弟  
居食且三十餘年曾不以慈削見顏色中素無  
間言從子棠輩數人子之如己子伏臘經師之  
資及身衣食莫不畢給長史君生男子載未數  
月亡其母公妾嘗文也不舉即以其乳乳之曰  
吾弟父商瞿憂抱子始今日吾何愛一女哉宗  
姓人嘗貸子錢約償公與之至期弗償也他日

雲山堂集卷六

三

又貸子錢典之如初又弗償也久之公則焚券  
不索一錢矣其天性篤厚可察見云公平生嗜  
學晚益篤少讀書過目即悟博觀外家傳語古  
文義多所剖析至為人誦之如出作者之口未  
嘗一字訥也棠習見公年五十五手卷不釋或  
被酒卧矣即夜起舉燭披誦意得則放歌長吟  
聲如金石他日夜亦如之公之於文學亦其性  
我公娶唐孺人卒繼雷孺人男子四衣裘褫

衣衾雷氏出俱庠生妻妾鄧氏出視妾張氏出  
女二孫男四煥如炳如俱庠生皆衾子煥如衾  
子之為後餘幼未名銘曰

佳城鬱鬱兮母氏同千秋萬禩兮瑞氣葱吁  
嗟公兮德之崇

仲父奉議大夫三峰墓誌銘

公諱正初字汝復號一貞子少讀書一過目即  
以一貞子印識焉已登邑雪峰寺寺巍然山之岡  
俯河山目中坳樓耳更號三峰人以是稱三峰  
先生夫吾魏於邑姓著哉始祖處士君福二力  
田畜折節為儉非田畜出不衣食以為里中率  
福二至公九六世家自父兄子孫約人業農多  
樸茂長者而其穎者儒福二生處士君必貴必  
雲山堂集卷六  
貴生志常恒茂才異等授經子孫乃鶴亭公珉  
司訓歸德湯塘居士碧生文林即祥雲公滋東  
嶺居士公浚興公父文林即質菴君溶質菴君  
起家隣水令大有聲於官以卒蜀祠之名宦語  
在順慶郡志中君娶袁夫人生男子三長則寅  
齋公正時仲剛公季則棠父願貞正蒙也公兒  
時有巨人志口詩書穎敏過人甚質菴君曰嗣  
吾經者此子也長沉深好書書好春秋左傳

語雖騷經戰國策韓柳歐蘇家言及唐名家詩  
古文與義多所自解不難字過也人或謂公即  
應舉今文字易耳古書多矣為公曰吾豈徒博  
哉欲得古人用心處耳故所為文章詩大追作  
者焉正德己巳游邑庫韓令宗堯奇之會顧愈  
憲其校文又奇之明年舉不第英曰蛟龍得雲  
雨豈池中物耶幸已質菴君之隣水漿父從公  
猶弟子貴也賓齋公柄家政炊薪米泉事大小  
雲山堂集卷二  
三

人然與四方賢豪長者相結破萬卷矣間以惡  
懷輟文字削茂齒歆然也後十二年戊申知易  
州事蒞公廉不燃官燭諸寮風之歲損百金  
易民不田三年一繇老稚口無遺算公曰十五  
成丁六十免吾豈令甲悖哉乃復老穉之不算  
百有奇已而招集流徙千餘以裨老穉之不其  
者父之當路知公政平復以茂山保定衛諸軍  
繇屬焉與頌翕然矣北虜乘秋熟以疾騎馳蹂  
雲山堂集卷六  
五

稼穡大司馬翁公言于  
天子城白羊禦之公悉心區畫得奇兵二千為  
諸郡先司馬薦其能曰行不刳方郡人益信公  
之賢而多司馬能知人也又易多宦官且中貴  
人力能私中公問遺請寄亡所容中貴人心  
疾之莫可為地竟亦恭敬亡他居有間大中丞  
某以八月十日來紫荊蓋  
今天子萬壽日也易距紫荊九十里公留賀會

竟後時某街之故事州郡官不能劇者更之僻  
遂言公公明年二月乃往知蓬州事州祀曰土  
主者歲春秋祠羊豕已祠則官入之公曰此豈  
小德出入哉以校宰夫俾歲具祠已剛昇之如  
故又故有人馬迎送往來諸使人或不人馬欲  
得償即不百里一夫三錢馬四之謂之短夫馬  
也百里外則給長夫馬倍短諸使人索重賞數  
倍公為程而日之夫日八分馬倍之民以是亡

雲山堂集卷六

五

厲公所臨為官推赤心置人腹性不好立名稱  
人不誰何者三年會 襄王府右長史去太宰  
李公新吏事校沉滯乃奏擢公往 王素敬賢  
得公充自下君臣唯諾愉愉如也亡何公疾作  
乞歸 王驚曰魏先生去我耶弗俞予告一月  
公又乞歸 王固留公度王意堅更乞假携妻  
子 王許之令給驛馬歸跡移疾 王曰賢相  
不來耶乃許致事時五月六日也而公以是日

不起矣嗚呼公官七年坎壈不得志竟以大天  
歸老于家不能為子孫田負郭以卒其于質  
君亡云云公卒蒙父哭之慟蓋自質君往公  
與寅齋公及蒙父兄弟居喪者數十年一日也  
乙巳哭寅齋公矣今又失公哭公曷時已耶公  
為人馴行孝謹篤好古道不趨時喜好嘗定墓  
祭禮儀率家子弟行之罔不懼然化也又中豈  
弟甚與人為善唯恐弗及邑中人士多所從游

雲山堂集卷六

五

焉家子弟列橫藝登薦紳皆受經門下而蒙充  
恩云公生以弘治庚戌二月二十五日卒以嘉  
靖乙卯五月六日年六十有六公娶王孺人繼  
揭孺人生男子裁繼陳孺人生男子衿女一適  
謝三錫光祿寺監事公嘗憂二子嗣及裁衿舉  
子而公不克見矣嗚呼痛哉卒之年十二月十  
五日葬于袁夫人墓之左銘曰  
天啓而袁胡祚不先天翼而躬胡命不延以

原靈母氏之原百千萬禩潛德光焉

雲山堂集

卷十

七

亡妻劉恭人墓誌銘

夫人劉氏之塋也哀夫刑部主事蘭川子為之銘或曰夫銘有諸曰於古有之昔唐柳子誌楊氏墓宋劉子銘陶氏壙天下至今誦之而二氏亦未有聞於世蓋情親則行可悉知稔則言有微也乃援筆泣書云劉氏望族也世居鄂蒲公安里曾祖諱鐸武昌衛指揮同知

誥封明威將軍祖諱滋以武功授試百戶未仕

雲山堂集卷十

七

篤好古道文雅不群非介冑伍父諱木伯采果俱補邑庠生德誼表著鄉評推重父娶於同邑鄉進士魏願之女是生夫人夫人性溫良尤明敏父母愛且篤甫五齡洞達女事言笑不苟訓以禮則習而安之歲家慶祖令稱觴上壽拜跪起伏幼穉弗堪夫人帥之若天性然祖曰是女不類凡見他日貴顯罕儔嘉靖庚寅子年十有三于父以宗桃之重難其配戚友余曰莫如劉

氏宜一日從父武泉詒父曰劉氏德門克崇爨  
典若女夙閑家訓德可配室而子宜莫如劉氏  
女卜既協吉文定厥祥未幾母魏氏卒夫人侍  
父唯謹父曰使吾有男如女吾復何憾哉歲戊  
戌歸予所事所言動遵儀矩事予父母克孝敬  
予父母與伯父母同居爨夫人祗率婦道無少  
違怠時予遊邑庠治經史夫人恪脩宮事深有  
助焉丙午予領鄉薦戊申伯父三峰守易州予

雲山堂集卷六

三

奉伯母蒞任以夫人從居易年餘執婦道不渝  
厥初庚戌予忝甲科乃迎如京師是年冬予受  
官刑部明年正月而夫人以產疾卒嗚呼以夫  
人之賢事予十有三年服勤饋食艱苦萬狀予  
方筮仕而夫人遽殞痛哉夫人生男子二模如  
彬如可冀成立女一生纔逾月竟累夫人壽悼  
痛之懷何維其已夫人之北行也議以子從夫  
人曰舅姑之子行矣晉吾子以怡吾舅姑不亦

可乎故維以次子往而長獨晉焉遂使哭不及  
襲歛不憑棺終天之痛尚忍言哉夫人教子嚴  
詞色不少假借聞讀小學書至婦人夫人曰我  
當佩服也至男子則曰汝曹勉之一夕述柳開  
仲塗語曰世間有此惡婦須要男子剛腸吾兒  
記此不可忘也其他切要語每聞必加戒飭義  
方之訓大率若是夫人生於正德十二年丁丑  
以嘉靖三十年辛亥正月十五日終於正寢哀

雲山堂集卷六

四

夫既於

朝扶輿而歸是年十月十六日塋於祥雲山之  
原銘曰

公安劉氏世稱德門有女來歸維德之行正  
德丁丑設帨之辰嘉靖辛亥鳴飛于冥相我  
中間十三寒暑內治爾雍未垂芳譽天弗憖  
遺相我不終德豐壽嗇我心恫恫祥雲之原  
風氣攸萃夫人宅茲百千萬億

贈工部尚書鮑先生墓誌銘代作

兵部左侍郎鮑先生卒

天子悼之贈工部尚書賜祭葬葬未有銘孫獻  
旌以余與先生同舉進士相愛共事司馬曹又  
相愛屬銘於余曰父治命也請無辭按邑人方  
伯江君珍次先生行及郡人中丞汪君某論其  
軼事詳乃銘先生姓鮑氏諱象賢字復之歛入  
也其先妣姓周以邑氏晉護軍中尉仲家新安  
雲山堂集卷六

四十一

宋處士榮從欽崇機世其家明興曰慶雲榮八  
世孫慶雲生時明時明生萬善萬善生邦榮邦  
榮生先祖世以行誼著里中時明性孝母病吮  
疽愈事聞褒異先祖先生父賢而隱邦榮先祖  
後皆以先生官贈通議大夫兵部右侍郎妻皆  
贈淑人先生自幼不群讀書堂芝生人異之鼠  
嘗噬書先生為文夜告神若傳爰書訊鞠狀旦  
則多鼠伏堂下以死人異曰此公輔兆也已為

學官弟子學憲莆陽林公某試其文高等曰鮑

生奇佗日所就不小正德丁卯舉于鄉嘉靖己  
丑登進士第授四川道御史數言政事便宜忤  
宰相張公某及中丞汪公某東閣李公某曰鮑  
生顛為御史能恐有所不宜癸巳出為湖廣按  
察司僉事部荆岳友人曰李公嘗言鮑生今果  
然矣人或讓先生先生曰忠臣能其官豈擇位  
耶先生以荆岳多盜咎在守令不循守條職申

雲山堂集卷六

四十二

勅諸郡邑長吏貶退稱進能否分明乃擇郡中  
豪為爪牙把其佗罪使督盜若盜首實及得佗  
盜者宥以故守令寡其過失人皆股弁盜多化  
為良民歛人吳賢賈興國嘗與州人爭州人尋  
以病卒吏法賢逮繫十年先生知賢冤脫之或  
謂賢鄉人先生曰法不死何嫌為楚王九日宴  
一姬不與姬兄某為具抵姬相向而泣王手刃  
姬又誣其兄姦致于法人憚王亡與質者先生

脫其桎梏亡憚佗日宗人負王子母錢督責嚴  
先生言王曰王富貴

太祖貽也以王之有貽

太祖子孫王何愛焉且宗人安則王長有富貴  
否則王何賴之王感悟止收其母錢中丞顧公  
某疏曰鮑象賢止盜明刑職事舉乃其贊直仁  
私不媚尊貴臣獨重之戊戌遷雲南按察司副  
使備兵臨安初

雲山堂集卷六

四十三

世宗改元詔諭安南道不通亡何莫登庸遣使  
入貢登庸故篡主自立廣西守臣舉國王姓者  
非故拒不納久之

天子怒安南不廷將兵之制下廣西雲南諸臣  
議或請命將出師動搖百姓先生曰夷狄相攻  
中國之利何至興兵罷民為上竟許交人降如  
先生言

詔賜先生諸臣銀幣滇人稽首曰吾等生鮑君

之賜也肖像祀焉尋以父喪去三年為陝西按  
察司副使至則拊循士卒修戰守之備人樂為  
用花馬池之役中丞張公某專閫外張公某鎮  
榆林李公某鎮寧夏先生與言邊曰上策在復  
河套其次城守榆林近虜堡堅迤綏險亡虞甘  
肅遠虜不常至河冰合當守蘭靖今散臺疎薄  
無所用武戌卒露居難責以死力善待教者先  
已善治外者先內其同心計之遂上其議

雲山堂集卷六

四十四

制曰可乃夾花馬壯樓為臺二左連橫城右達  
定邊臺八十步定邊南六十里因險為壘廬數  
百自是戌卒安居聲勢聯絡屹乎天險矣定邊  
卒當踐更或以變制失軍心幾為亂先生誨諭  
帖服是歲虜遁朔方無王庭已遷雲南布政  
司右布政以母喪去三年叅政山東已酉遷山  
東按察司按察使庚戌上計京師諸大臣考覈  
長吏某先生稱其才諸大臣曰御史議罷先生



曰御史臧否一事耳不知其佗抗言不屈竟留  
諸大臣相謂曰鮑象賢分明一邊方都御史也  
亡何遷江西布政司右布政公廉不發私書絕  
知友賓客之請人亡對是年秋遷陝西左布政  
既被命

天子以匈奴入寇簡重臣鎮之乃遷都察院右  
副都御史先生疾騎往募謀精覈動中機宜虜  
至斬首多獲夷器馬阮亡算

雲山堂集卷六

○

四十五

詔賜銀幣者二辛丑巡撫雲南沅江那鑑殺兄  
子奪其印綬布政某以身嘗賊墜馬死滇人震  
恐事聞天官李公某曰鮑象賢在滇主安南議  
人德之今以往可不煩兵下先生奉璽書往曰  
夷自爭立耳鑑豈叛者耶第今死重臣法當坐  
鑑乃諭鑑以法鑑懼欲自殺衆止之曰汝首禍  
宜及我等何辜鑑曰鮑君能活人我死若等生  
矣遂飲藥以死後止論黨惡數人餘罔治先是

滇人聞難佐曰鮑君在何至有今日事及聞代  
曰此一路福星也勲臣沐臣輔卒其妻子佗人  
子輔弟朝弼爭立先生曰此沐氏家事有母在  
可決矣使問之母果是朝弼人曰母得無私乎  
先生曰即私朝弼猶沐氏子也輔妻子他人夫  
甚衆語遂塞先生能決疑大獄類如此癸丑遷  
刑部右侍郎尋改兵部右侍郎兼都察院右僉  
都御史提督兩廣軍務時嶺海撫臣久缺徭獍

雲山堂集卷六

○

四十六

出沒道塞不通劇賊徐鉦等誘倭夷海上勢猖  
獗山則陳文伯等為亂先生至則飭將吏覈戎  
實申明賞罰竟斬賊首一千六百有奇

詔賜銀幣廢一子尋改南京兵部右侍郎或以  
佗事言先生

詔賜仕沐屏居十餘年薦剡騰起先生自守泊  
如亡希世微榮意癸亥上召先生太僕卿遼青  
齊鄒兗諸郡旱饑盜賊多前撫張公某墾荒田

均廉右下戶賦不得行其志乃擢先生戶部右侍郎兼都察院右副都御史總營田之務先生至東人喜曰是嘗按察我者先生曰吾政興革自俗習而安者聽之下令田賦如故山東歲漕米數十萬民罷舟車先生言大司農入償民樂其惠長吏或有受取先生陰得其罪贓乃手自牒書曰民條言爾如牒不忍相暴章故使人平醵令庶幾有改長吏愧悟逾年遷官其以寬輔

雲山堂集卷六二〇

四十七

法如乙丑以年至乞骸骨歸弗許尋遷兵部右侍郎再疏又弗許會先生子孝友曾孫孟英相繼卒憂憤成疾又疏乞骸骨歸以老上許之歸一年卒時隆慶戊辰正月三十日也詔贈先生工部尚書先生為人剛毅著中實坦夷面折人過不少容人莫不愛敬之官中外三十餘年所至有赫赫名去後常見思家行脩敦孝友亡息伯兄某從家奴買錢且索奴逃匿京

師餽先生千金先生曰吾貴汝豈受餽耶遣歸伯兄釋之他日同賈人索伯兄逋金三千亡以償父罪伯兄甚先生出俸錢給之從弟某卒貲巨萬人以其子幼私心在焉先生計其貲牒書封識且密長畀之如故先生名由是益賢先生愛讀書不耽著述曰古訓是式吾志也乃撮所讀書語為蓄德集示獻旌病革猶口誦不置正容貌整衣冠以卒先生生于弘治丙辰二月十

雲山堂集卷六二〇

四十八

六日卒之日年七十有三配伍氏封淑人子男一孝友太學生卒女二長適萬安主簿許應簡次適鴻臚署丞吳某孝友娶黃氏生孫男獻旌太學生娶吳氏孫女一適舉人程道充曾孫男一孟英卒曾孫女二長聘許翰榆子次未聘是年十一月二十七日葬先生三公園之原銘曰嗟我先生天植其德秉忠竭勞恪共劇職為世吏師邦之司直澤被寰區功貽社稷

帝老臣殊恩同極長夜如歸我心孔惻三公  
之阡畢如以息於萬斯年葆光幽域

雲山堂集卷六  
○四十九年

祭余母

嗟孺人之淑範兮紉蘭灌之清芬脩奇服於早  
歲兮辯溫惠以惟貞昭不忒於縞素兮曰蒙山  
其克紹折疏麻以願神兮羗伯鸞之雅操相夫  
君而婉孌兮森玉樹於庭階穀孫子以永貺兮  
肆相羊以徘徊悲寶婺之夙隕兮顧栢棣而曾  
惻歎緒風之震撼兮紛佗傖而結縉纓婚媾之  
締盟兮景孺人之徽音卷大事之不佑兮載營  
雲山堂集卷六  
○五十一  
魄以遐征嗟余臆兮旁皇蒸惠有兮桂漿惟明  
靈兮泮泮乘玄雲兮來嘗

祭吳中書夫人

昭哉令族誕茲女士婉嫕其儀淑慎其止爰自  
待年四典克從亦既有行肅肅雍雍敦悅憲章  
師心率已內治適脩動不踰矩衿纓晨夕疊疊  
忘劬庭闈菽水祇罄驩娛仰奉先姑禮脩遠尚  
終始弗渝聞德斯諒居室有慶宴昵弗留呂榮  
紹執相戒盤遊四壁徒存寥寥負郭以儉為榮  
躬持清約入登絲枲出懋蘋蘩契濶中饋展從  
雲山堂集卷六〇  
五十三  
碩媛芳徽風邁百行不忒允迪前猷胎之嬪則  
謂庸介祉肇慶發祥云胡早歲精爽悻傷胤嗣  
凋零尊章即世伶聘偏孤堂構隕瘁遭時奇薄  
街恤在疚宵蒼芒芒莫我肯顧良人出否振校  
汙泥晚中奏渚通籍金閨偕老是盟方期翟服  
歲月幾何殲茲賢淑嗚呼哀哉蘭芬易摧玉顏  
斯折世履冲華百憂縕結僚幽長畢絕緒莫承  
惻惻湮微長慟撫膺總帳空陳穀觴虛列寂寂

庭遙瑤琴哀咽嗚呼哀哉德公歸隱孰共鹿門  
安人作賦空擬招魂白雲慘晨長風悲節是非  
何皇棲棲梁月嗚呼哀哉神歸太素流芳未歇  
彤管清暉於昭日月飛旒翩翩同袍共戚潛隧  
有期幽明異域哀詞千里慰爾長歸聊陳奠饋  
顧望歔歔

祭劉侍御太夫人

嗟哉孺人之德其克配德公而成其子之令名者與且生於其里足多也夫君孫光立堅齋然塵世外孺人與偕至樂已乃先夫君以死可不為痛哭耶令子種德續文范陽故邑兩縣典聲簡命西臺開望益著印綬秩及孺人壽且繁矣孺人乃不待以死何耶嗚呼夫君情名虎門並稱令子之與黃門子又後先相望孺人幸有夫與子而未其名於後世也乃令嗟天年終後何系於冥冥其等與孺人之子同舉於鄉同官於朝情均兄弟視孺人猶母也况解佩裁髮之誼尤有永懷者耶千里招魂生芻一束惟靈有知鑒此哀曲

雲山堂集卷六

五十四

祭劉太夫人

嗟哉孺人內行誠莊儀且婉惡不忒余往未之知也乃夫君紉蘭辟芷好脩奇服伯鸞高節難乎其儷使非賢淑內也其何以稱焉令子富文藝振翮詞林所臨為官勵志勤力不隨世倪仰即士行非凡器而內訓之懿可少耶嗟哉孺人名齊德曜亦湛母稱成夫子之令德藉朝野之徽音栢府聲華

雲山堂集卷六

五十五

恩恥有待逾年歲之不與豈天命之難忱耶某等桑梓同鄉異鄉爵官知孺人之夫又知孺人之子孺人之逝也烏得不酌之以酒而哀之以詞

祭封君

嗟先生之好脩兮，幸神明之惟熙。彌融煥以潛珍兮，允貞一之無虧。海棲遲以娛志兮，絕塵邈而弗替。葆立整之清暉兮，通翩翾其高逝。紹孤蹤於南郭兮，儼隨夷以相羊。紉秋蘭之馥郁兮，扈辟正之幽芳。宅虛靜以恬愉兮，超無欲而自適。才涇澣而靡施兮，邁音徽於籍籍。森玉樹於庭階兮，乃發祥於嗣子。介景福之未艾兮，方祇雲山堂集卷六。○ 五十六

承乎帝社歲月忽其不淹兮，乘虛無而上征。戴營魄以反其貞兮，超氛埃而邇紫清。追赤松與遊翔兮，聊逍遙以担簦。慕韓衆之得一兮，躡卿雲之縹緲。哀冢子之羈旅兮，曰摧魂於異鄉。懷祿養之弗逮兮，情寃結而中傷。感同胞之雅素兮，我心其惻。臨陳辭而莫獨醺兮，庶來歆於玄默。

祭黃羅湖代父

嗚呼公之夫人，吾之女弟也。先大夫祥雲質菴君與而翁游，深相契結。祥雲君奇公重髫之年，以夫人室。公通家厚誼，世講弗替。蒙等與公握手稱兄，第者數十年。里社論心，朝夕過從，多剖心析肝語。古所稱莫逆交者，復何加哉！公才如騏驎，一日千里。蓋從諸生時，文章爾雅，通古今之誼，里中人咸備視之。已而從博士弟子，尚友雲山堂集卷六。○ 五十七

天下知名士而公之聞望益著，公猶欲用其所未足也。養晦丘園，飭躬勵行，凜乎德誼長者之風。方符以其素所蓄積者，效用於時，乃今實志以沒，豈不深可惜哉！嗚呼公之先世惠政在民，疏芳仕版，即公之身懷瑾握瑜，不克用之當世。然世德深厚，長發其祥，其所施於子孫者亦既遠且大矣。公雖地下，不亦愉快於心耶？青烏告吉，就寔有期。未亡人率諸孤而哭之，蒙等蓋不

勝永訣之情也且羹臠酒敬酌几筵公其知之  
否耶

雲山堂集卷六

五十九

哭延甫十八弟

隆慶六年十月己未弟延甫就寢於大塘山先  
三日丁巳兄順甫為文率弟裁衿子撰如筆真  
之嗟乎吾兄弟之情至矣焉用文之顧弟雅好  
文詞今雖死豈不猶生哉父伯遠大父母養相  
依為命者數十年吾與弟輩怡膝前起居食  
息無旦暮之遠吾母視弟猶子弟亦母之吾兄  
弟情義藹然宗族鄉黨多所稱慕即古稱難為  
雲山堂集卷六

五十九

者不是過也弟學問知義理口如鄧艾然心通  
百物若有神靈落焉方期效用當世不謂終身  
一布衣也吾宦遊東方弟侍父來將赤日長途  
不以為勤登泰山躡靈巖父子兄弟聚觀名勝  
陳荀之會至今銘之德星岩矣頻年山中飲食  
言笑不異兒時年未安仁髯先白顏童齒豁  
莫知其由詎意天年竟止斯耶初聞弟病寄問  
寒暄不二日而聞病革蒲伏至則已蓋棺矣傷

我痛我老母在堂子孫稚幼地下或未瞑目視  
母猶母字子如兒弟身後所托靈必知之知之  
則何憾耶傷我痛我詞不盈幅有淚如泉第其  
聽之

雲山堂集卷六

○

六十一

祭劉中丞封君

嗟哉先生世賢令子得非王潯仲之清賞秘延  
祖之出群邪漢康之在當時超利祿之路無足  
多者先生懷瑾握瑜鴻冥風舉非弋人所及所  
由高行視古何啻逕廷哉令子富文藝振翮詞  
林為郎為大夫為中丞有光大之烈平倭北番  
恩威並茂豈材能者可庶幾耶彼扶節西征不  
知盛滿令子之明哲全身則又遠過之矣嗟哉  
雲山堂集卷六  
○  
六十二  
先生種德既豐考終壽命無疆之休延其孫子  
即今地下無憾矣蒙自西曹辱交令子二十年  
間知先生行誼甚著客秋一造道廬未聆警款  
好修嫗節則里中人人誦之值馬長逝千里悲  
風薄莫弗親靈其鑒只



祭彭屬士

嗟先生之純懿兮廓抱景而孤居苑玄文以宅  
幽兮紹南郭之音微直躬指而信內兮承厥考  
之妙儀縷杜若之馥馥兮帶素霓之逶迤扈離  
正於江湄兮寧宿莽於長洲昭梁燧於嘉橘兮  
繫小山之淹留若芳澤其難釋兮繫衷情於紐  
帛曰紛愠以宜脩兮抗鹿門之高節儘年歲之  
已晏兮耀靈迫而西征豈韓衆之共愉兮抑桑  
雲山堂集卷六  
戶之反貞孤子吟而拉淚兮哀吳寧其罔極思  
桂結而靡薄兮中蹇產而焉釋荃貞人之作德  
兮鬱川嶽之清暉紛薦蘿之長蔓兮瞻慶季之  
依依豆吾羞兮蘭藉尊吾醑兮椒馨跪陳辭兮飈  
靈庶冥漠兮居歆

雲山堂集六卷終

雲山堂集六卷 浙江孫仰曾家藏本

明魏震撰震字順甫蒲圻人嘉靖庚戌進士官至  
濟南府知府明史文苑傳附載王世貞傳中是集  
前三卷皆詩後三卷爲雜文當嘉隆之際李攀龍  
王世貞方負盛名而震與南昌余曰德德甫銅梁  
張佳允肖甫新蔡張九一助甫賈左右之當時稱  
爲四甫震才地稍弱尤爲墨守不變集首佳允序  
謂其文非左國兩司馬詩非建安大厯則不以寓  
目此卽其力持王李餘論之證故世貞藝苑卮言  
亦稱其不失門宗云

# 大雅堂摘稿二卷

〔明〕況叔祺撰

北京大學圖書館藏民國二十五年高安藍

壽堃排印本

附《四庫全書總目·大雅堂摘

稿無卷數》提要

## 大雅堂摘稿序

古今爲文者衆矣能而名於世者百不能一而傳於後則益難其人或謂文之不能必傳



未極其至者也昌黎韓子唐之聖於文者傳矣迄於宋初遂以不顯歐陽文忠出而表異之始得大行於世則又非文之不足以傳矣吾謂文之所賴以傳者有三如歐陽子之於昌黎深知而篤好之而爲傳之所謂後世子雲者也是則未易言其或鄉之人有力而好事者搜輯先賢遺著而彙刻之或後嗣之賢者尊重先集因刊而流布之如是者則亦傳吾讀邑志新輯藝文類所錄歷代文集亦數十百家今皆罕存矣而大雅堂集實居其一集爲况丹湖先生所著先生名叔祺明嘉靖間進士以部郎出爲貴州提學副使引疾歸余初不知有是大雅堂摘稿序

集讀朱氏錦江勝記見其數詩體格與明七子類心好之尋於吾師彭伯丹先生家見所錄大雅堂摘稿二冊文一詩一讀其詩知先生官京師與王弇州李于鱗宗子相諸名輩相唱和故其詩體格特肖之文尤典雅有識議可誦法足以傳後矣然此摘稿者乃其族裔孫敬存所輯錄讀之則皆其守官時作歸田以後一字不存則非先生之全矣蓋全集成書未久厄於火遂未續刊顧摘稿刊行矣亦絕不見傳本何歟吾惜先生集可傳而竟佚意後之子孫如錄摘稿者竟不可復得而鄉之人亦未有起而搜求之者豈此數百年間固無好事其人者歟抑有之而力所未逮歟又或所錄數十百家者悉就湮滅求之一不可得歟噫昔人心神精力之所注寶惜而存留之固後死者責也因命門人家孟輿錄出

一本謀付排印是稿行雖未得見先生之全而可以存其概矣昭陽作噩嘉平邑人藍鈺謹序

大雅堂摘稿

序

大雅堂摘稿序終

大雅堂摘稿上卷

高安兄叔祺丹湖著

曾姪孫敬存

同邑後學藍鈺謹印

七言古詩

燕京四時歌

春

草如輕霧柳如絲淑氣晴光滿御堤五陵豪貴羅衫薄  
松陰夾道爭聯絡燕臺麗景足淹留春深不見桃花落

夏

綠樹陰濃覆禁城樓臺北望夏雲生玉門關外連朝雨  
平地亂流成野渡胡馬不敢近邊陲瑯弓遠掛天山樹

秋

天街葉落報秋深千門萬戶理清砧不爲遠人寄征戍

大雅堂摘稿

卷上

冬

朔雪飛花風怒號到處墮頭酒價高金鞍年少青樓坐  
妙舞嬌歌清夜過意氣歸來鳴玉鞭那聞道上多僵臥

挽王蒼野錢鶴洲

鯨鯢揚巨浪震蕩東海東萬家斷機杼千里煙火空哭  
沼日流血鬼哭慘蒼穹杳杳孤城外野烏啼江楓羽撒  
召諸道魏縣總元戎亦有當時彥自負多豪雄如何肉  
食鄙誰自激丹衷壯哉二令尹提劍矢微躬一死重綱  
常意氣豈滿蓬昔聞燕荆卿慷慨立奇功復聞楚屈氏  
離憂寫孤忠二子應有靈千載得相逢我欲爲君作燕  
歌易水天寒子心恫我欲爲君續楚辭遠遊之魂渺茫  
中悵望吳門芳草路黃雲白日生悲風

集觀順甫賦得竹林七賢障子

省郎退食白雲司堂上蕭颯清風起誰人寫此青琅玕  
稜稜直節層霄倚其中乃有玩世人睥睨今古真豪士  
岸橫箕踞意態殊竹林之賢無乃是風流豈乏經世才  
字內浮名達者恥指點乾坤一瞬間勞生役役胡爲爾  
吾曹亦是沉冥者相攜出入金門裏對此千載有餘情  
停杯悵然懷七子主人招我碧玉傍四座共對長春美  
玄夜歡樂殊未央出門一笑長安市

豫章行送汪正叔

往日長安我待君年年芳草醉斜曛今日長安君別我  
西山白雪隨寒雲寒雲欲度西江水一去燕關千萬里  
本朝詞賦號中興弘治以來推何李嗣是作者競握瑜  
大雅復追憐數子君才自是岑嘉州風骨異代真堪擬

大雅堂稿編

卷上

二

文章往往步西京近代卑論君所取我本南州達世人  
匹馬蕭蕭來燕市與君相逢即生平乾坤意氣許相似  
十年水部尙書郎鳴珂出入金門裏朝回無地不飛觴  
社中把臂論知己御溝春水倚闌干登樓感慨秋風起  
一朝持節出都門江山迢遞望征軒雨捲雲飛共彩筆  
鄱湖廬阜對清尊寂寂門巷經過少家居獨有茂陵存  
安得袖簪從此去相送河梁欲愴魂

冬至李伯承席上觀梁思伯畫

我聞嶺南多豪士翰墨場中稱絕技翩翩更羨梁公子  
擅能藝苑世莫比一臥江門幾十秋聲價隱隱人間起  
竭來謁帝承明廬立馬相逢長安市長安在客盛詞華  
呼酒山東李白家堂上忽見齊執素咫尺江山起煙霧  
杳杳石室來清風壁立嶺涯蟠老樹今古誰作畫中仙

前有王維後鄭虔梁生下筆有神助含情萬里思通玄  
別有羅浮之峯三十二遠勢突兀生眼前對此渾疑插  
羽翰悠然欲往恣攀緣長生服食倘不誣從君拂衣躡  
洞天

五言近體

賦得夏雲多奇峯用雲字

共坐中庭久開樽出暮雲悠然千嶂列高入九天分夏  
景吟陶令陽臺夢楚君有無山色裏萬籟若爲聞

隴西水

如何隴西水流不到儂家遠塞風霜別空山雲樹遮烽  
煙隨處所音信隔年華獨有邊城月閨中望不賒

送張瑞泉給事擢山東僉憲二首

何事張平子獨爲梁父吟六年湘水闊幾夜掖垣深玉

大雅堂稿編

卷上

三

珮連朝謁金門自陸沉遙遙離別思不盡故人心

其二

西江同籍客北關幾人留世路堪長嘯君才豈薄遊論  
兵京國日持檄海山秋禁闥如天上中郎願莫酬

送滁陽王文學元祥

盛世崇儒服滁人已得師廣文官舍景刺史郡齋詩桃  
李千門樹江淮二水涯宦遊應不薄山色鏡簾時

送趙客曹擢四川僉事

鄭莊門下客漢署復同官禁漏鵲行散江花豸錦看煙  
籠春草細月滿夜郎寒長劍輕千里誰云蜀道難

爲汪秀才題少蓮卷

水國傍庭闌幽花興不違色看朝雨過香送晚風微玉  
井華峯出天書太乙歸芙蓉通小苑未擬製儒衣

冬夜朱客曹吳比部宗司動見過得方字

朔雲生暮色門逕枉求羊不盡中宵興其如此夜長琴  
樽殘歲月天地滿風霜並馬能同賦淹留且異方

分體送陳于韶赴浙東僉憲

漢室論詞賦如君調可憐麟經門下士鵷列省中仙白  
簡吟邊地蒼生戰後天離情渺何許湖水自風煙

趙進士宰太平

雄才多百粵送爾獨南征勳業看銅柱雲霞度赤城閑  
庭稀簿領畏路有戈兵滄海煙波淨絃歌薦治平

王進士宰固始

王喬飛舄處嵩洛暮雲平仗劍辭燕國栽花近楚城寒  
星隨客騎流水寄琴聲此日秋將盡蕭蕭送遠行

李進士宰清豐

翩翩三晉彥飛鳥白雲過秋落蒲城酒天清瓠子河四  
郊靜雞犬萬戶擁絃歌迢遞長安道西風送玉珂

謝生赴潯江郡幕

宦遊應萬里相送出燕臺桂嶺雲中樹河陽幕下才春  
暉官舍戀秋水客帆開勾漏丹砂近何年問爾來

八月十四夜高伯宗兄弟李伯承汪正叔張助甫

見過對月同賦

聯騎來詞客空庭月色浮塵襟清入夜幽興愜逢秋玉  
露荷裳濕金尊桂魄流何須問三五此夕足淹留

泛揚子江望金山

掛席下真州長江盡日游煙波迷遠岸簫鼓疊中流揚  
子天邊落金山水面浮壯懷吟未就風色暮潮收

傅進士宰安邑

送客黃花逕悠悠晉水深商霖自巖野漢賦勒汾陰禾  
黍秋風動絃歌夜月沉千家多難後搖落且關心

署中晚出馬上望西山

清署歸來晚西山馬首迎夕陽青嶂隔秋色白雲輕散  
帙爲官計寒蛩入戶聲潛行時避客天路少塵纓

八月既望風雨驟寒

秋光纔過半風雨送新寒浙瀝衣裳冷離披木葉丹門  
無車馬閑座有簡編殘此日幽棲穩何知道路難

立冬夜高伯宗宅遲汪方二子不至得人字

淥酒招仙吏相過不厭頻秋光將盡夜暮色未歸人三  
逕雲容度千山月魄新合并真不易隨地有風塵

夏日雨後集李伯承新構精廬得雲字

芸閣初開勝端居思不羣賓朋花逕集書劍篆煙薰高  
大雅堂摘稿 卷上 五

詠驅雷雨深林落暮雲衝泥甯惜險愛爾坐清芬

秋夜卽席對月留別同社諸子

秉燭重論別愁顏對酒紅長歌待明月揮袂向秋風匹  
馬千山外寒花落照中夜郎天不極何日晤言同

七言近體

徐南野少參西巡有詩見寄除夕韻奉答

天涯歲月幾蹉跎謾學莊生一放歌四海交遊歡會少  
十年心事夢魂多殊方風景催華髮故園煙霞負綠蓑

苦憶南州徐孺子青春載酒許頻過

春日留別羅兩華憲長

紫微曾送使君行此日重逢多錦明鄉里衣冠陪語笑  
天涯歲暮見平生幾年游子春暉念殊域孤臣江漢情

郭外青山尊酒盡并州相望白雲橫

飲望周樓荷池次白山

六月香風入菱荷竹林高會興偏多水光瀲灩浮杯竿  
月影輝輝落慢坡揚子肯辭人載酒唐家不燒里鳴珂  
洞庭秋色來何處木葉蕭蕭起白波

乙丑元旦雪中有懷

一冬暖氣似春和每到春來寒更多除日碧雲圍野色  
曙暉白雪滿山阿幾年天遠懷金闕五夜風高想玉珂  
却喜村中酬令節家家壽酒醉顏酡

江上草堂爲此下擬有脫字

拂衣聊向楚江頭三徑初開散遠愁彭澤千年仍白雪  
杜陵一去有滄洲捲簾山色來天地倚杖龍光徹斗牛  
不厭相過同賦客每乘秋水孤舟

丙寅春居勝錦亭二首

大雅堂摘稿

卷上

六

倦游世路得車停二十年來隱歲星湖海尙懸雙白眼  
乾坤依舊一玄亭江頭濯錦仙人過檻外裁詩漁父聽  
獨羨羣鷗相厚意晴明日日到沙汀

其二

勝景亭前樹色新行藏盡付錦江濱彩虹初霽雙橋臥  
碧落輕陰萬戶春尊酒興濃開夜雨菱荷衣製息風塵  
寥寥門巷侯芭遠問字何人訪隱淪

五月四日席上觀龍舟

新蒲細柳晚青青草閣邀賓對醖醅楚俗少年誇錦幟  
湘纍千載弔英靈蘭橈急峽蛟龍鬬畫鼓晴空日月停  
爲報江濱漁父道清時何忍獨爲醒

寄李于麟提學

幾年燕市識荊州吾道滄洲豈倦游把酒秋風開海嶽

閉門春草反離憂章縫喜附青雲士詞賦爭傳白雪樓  
欲擬四愁懷遠道側身東望泰山頭

寄南都黎員外

七載風塵會面稀故人春夜款柴扉陌頭柳色驪駒促  
臺上江聲鳳鳥飛煙雨三山供麗藻秦淮片月戀音徽  
天涯同賦堪垂淚司馬尊前更濕衣

訪匡南王孫不遇

每懷高誼訪平原書在空堂鶴在門草色未歸公子苑  
竹林自問主人園寒塘慣與鳬鷗狎近市獨無車馬喧  
最是朔風催去棹何時一榻對芳尊

冬日同用晦集德甫宅同賦

江頭日日足風沙蘭棹重來感物華四海交遊官盡拙  
六年離索路仍賒偶逢芳草王孫苑共對清尊孺子家

大雅堂摘稿

卷上

七

京洛故人如夢裏不堪零落寄梅花

同余德甫集用晦宅

盡日淹留興轉豪只今天地有吾曹千年詞賦梁園勝  
一代風流鄴下高塵市獨無冠蓋擾尊醪應遣姓名逃  
清時偏性沉淪者不向江邊詠楚騷

德甫用晦攜酌出訪放舟章江

聯鑣郭外更相逢情興何如山色濃長銑歸來同二妙  
芳尊倒盡屬三冬寒雲樓閣開江樹落照風濤起暮鐘  
歌舞于今邀帝子不妨倚棹坐從容

三月既望徐祠部邀飲劉氏水樓

仙郎作伴好尋芳擁騎翩翩問辟疆馬上三春塵土夢  
尊前一曲水雲鄉帝城簫鼓鈞天外官柳樓臺太液傍  
不解邊愁頻北望燕山風色暮蒼茫

送郭給事使琉球

都門楊柳繫離情，漢使乘槎天外行。  
冠冕已通荒服迤，旌旄遙映海波清。  
十洲煙霧孤帆影，萬里星河一日程。  
人世勝遊應不負，欲將遠意問君平。

憶宗子相

去歲淮南烽火愁，孤帆憶爾下揚州。  
塞鴻阻隔聞天路，金馬浮沉漢苑秋。  
把酒三山開瘴癘，側身四賦寫離憂。  
故人京洛今餘幾，春草年年似舊遊。

送胡鍊溪大理移疾南還

春風浩蕩送星槎，春日初飛上苑花。  
歸夢尚懸青瑣闥，相逢猶憶赤城霞。  
漢京廷尉還高第，玉笥仙人即舊家。  
一別十年燕市酒，白頭雙鍊又天涯。

送何吉陽中丞巡撫江西

談經幾夜共淹留，又見旌麾出斗牛。  
萬里軍儲吳楚計，百年吾道漢江流。  
春風合問名賢洞，暮雨還登帝子樓。  
獨上燕臺頻轉望，悠然一榻憶南州。

送朱鎮山參汴藩

玄冬暖氣似西川，微祿猶能剩酒錢。  
海內交遊同此夕，天涯風俗度華年。  
客懷偏覺青燈夢，官拙那須白眼憐。  
坐向陽春聊共飲，遙聞官漏出甘泉。

冬夜飲高伯宗喜令弟叔崇至得安字

紫宸環佩滿長安，誰似君家有二難。  
燕市相過開夕議，楚臣竝擬握春蘭。  
秋來江漢鵲音遠，夢入池塘草色寒。  
立馬金門同夜月，高吟白雪鄂中看。

送曹員外權四川水利僉事

淮南新喜賜環時，又向都門詠別離。  
兩世同登金馬籍，

幾年相倚白雲司。帝杏治水文翁郡，人羨承家子建辭。  
豸錦風霜應萬里，思君明月上裁眉。

張園錢別子畏得時字

旅館新寒雙劍知，遊人相對夕陽遲。  
新詩白社論文日，落木青山憶別時。  
孤棹秋雲開錦水，一尊江月上裁眉。  
飛鴻應隔巴江路，塞北天南有所思。

贈韓進士推廬州府

三晉才華重帝州，明時佐郡楚城遊。  
林開月色千門曉，天入淮流兩岸秋。  
虞世理官遺廟在，廬江小吏有詩留。  
匣中寶劍須頻拭，莫遣龍光蔽斗牛。

送黃霖原司徒赴南郡

秋風曳履出長楊，雲樹三山路渺茫。  
茫長者舊稱京兆尹，上卿新領度支章。  
軍儲萬里來江漢，王氣千年遶鳳凰。  
大雅堂摘稿 卷上 九

會握春蘭人已遠，月明猶自散幽香。

九日署中齋居

西山晴景照城隅，蘭署齋居對紫黃。  
九日空懷彭澤宰，一官聊隱步兵廚。  
側身天地烏棲拙，散吏庭階鶴影孤。  
欲上高臺愁轉劇，風塵何處不馳驅。

南還省親玩詩意題擬有脫字

十年華省憶斑衣，環佩西風出紫微。  
麗日花容明畫錦，芳洲草色滿春暉。  
暉聲遠浦三秋夢，劍氣寒星幾夜輝。  
獨念江鄉歸未得，白雲深處望庭闈。

送陳比部使江南封歸其親擬有脫誤

憶昨同官玉署班，西風環佩出燕關。  
江南木葉秋霜下，海畔庭闈畫錦還。  
北關封章傳帝命，東山春酒駐仙顏。  
漢京擾擾青雲客，千里鄉園入夢間。

送徐南川分教毘陵

帝里煙花送客舟，關河渺渺入吳洲。  
江城月滿潮聲斷，震澤雲連海氣浮。  
此日儒紳通上國，少年才思羨南州。  
秣陵秋色傳燕鴈，萬里西風獨倚樓。

上已集汪水部宅，再別子相于韶得春字

輕寒初散賣花晨，勝事相逢是暮春。  
曲水輕煙浮草樹，遠山佳氣隔城闌。  
更從陌上看遊子，未擬江頭賦麗人。  
風物淹留迷去騎，燈前莫厭酒傾頻。

席上送宗子相參議之閩，陳于韶僉憲之浙

錯落春星散草堂，朝聞詞客出明光。  
幾年漢署幽蘭結，三月燕京細柳芳。  
天竺暮煙樓獨倚，武夷秋色棹相將。  
從今雙鍊雲霄遠，風雨牀頭起夜涼。

宗子相席上分韻送朱客曹還金陵

大雅堂稿 卷上

十

銀燭金尊夜不空，送君朝發建章宮。  
關河初度千門雪，湖海長吹萬里風。  
寒落梅花殘菊北，春回草色過江東。  
天涯欲寄相思曲，月下潮來淮水中。

冬夜朱子价同吳峻伯飲宗司勳宅，得年字

莫厭頻頻坐夕筵，青萍浪跡自堪憐。  
乾坤知己懸雙眼，湖海逢人易百年。  
至日風塵同作客，寒宵燈火共談天。  
山公漫引芳洲興，煙水茫茫憶釣船。

董比部尊翁海觀先生壽五十

海上煙霞淨遠天，行藏頻倚白雲邊。  
不緣衣馬驅塵世，自愛尊鱸傍釣船。  
曙色三山開壽酒，梅花一曲度歌筵。  
承家節操中朝貴，漢吏人稱董少年。

冬夜問馬孟河病居兼索詩卷

禁城深鎖碧雲寒，日暮天風度藥欄。  
楊子守玄常寂寞，

馬卿臥病獨長安，金門避世青燈伴。  
玉樹懷人白雪殘，最是山陰多逸興。  
黃庭書罷若爲看。

馬孟河見過

曾訪三茅洞裏迴，十年高臥碧山隈。  
北門仙子人間世，東閣郎君花外來。  
燕市酣歌新拂劍，漢京詞賦舊憐才。  
千家月色生寒夜，幾度清吹對落梅。

爲王比部題南澧先大夫卷

西臺諫草舊知名，東海經管有頌聲。  
南渡帆檣開極浦，北來輪輓念神京。  
新祠已効蘋蘩薦，故里猶聞月旦評。  
惆悵夕陽人不見，齊雲秦樹遠含情。

沙河城和李伯承

丹鳳城陰接大荒，水清沙白鴈歸忙。  
雲迷粉堞山河麗，秋暗離宮草樹長。  
原廟北瞻通玉輦，胡天東控隱金湯。

大雅堂稿 卷上

十一

三年此地勤趨走，歲月空悲漢署郎。

秋夜李伯承宗子相見過，分賦得齊字

擁騎相過御苑西，風流今古羨名齊。  
秋光半落清尊冷，月色平臨碧樹低。  
幾度關山雲外調，百年天地醉中題。  
浮生未許孤良夜，明日長安散馬蹄。

馬進士推松江府

才名自識庾開府，遠涉應憐馬伏波。  
睥睨暮雲寒郡舍，樓船秋水度夷歌。  
中原百戰材官盡，東海三年孝婦多。  
獨有庖刀今可贈，時從劇孟一相過。

贈楊啟元行人使汴南還

共學金陵感歲華，珂聲同散上林花。  
幾年宦滯楊雄宅，八月河流博望槎。  
天際涼雲浮五嶽，洛陽秋色動千家。  
離懷况復逢搖落，愁聽城頭奏暮笳。



八月十四夜張氏園亭同諸子對月明卿以病先歸

昨暮西園雨色寒石門幽散漢衣冠茂陵病秋無賴  
燕市長歌夜未闌天倒河流浮玉屏月翻松影上欄干  
人生容易中年過莫向清光滿處看

贈李龍洲判六安

獨騎驄馬出幽燕相送河梁起暮煙紫陌新陰桃李下  
青萍舊價斗牛邊支離南國三千里惆悵西風十二年  
漫向春明論別思微書遙望楚雲天

寄萬茂原備兵曲靖

擁旄持節古黔中重鎮誰當濟世雄萬里星河橫劍氣  
幾年羽檄靖戎戎還看巴徼通周道不向昆明數漢功  
欲寄相思同署客雲山無奈隔冥鴻

大雅堂詩集

卷上

十二

贈謝東厓赴潯州幕

刺桐花下郡城開入幕賓僚衆所推壯志半生成汗漫  
長途千里獨徘徊山連銅柱蠻烟淨江入蒼梧瘴雨回  
宦跡天涯非久滯黃金燕國有高臺

送徐華原督學秦中

翩翩驄馬向西遊騰樹晴川五月秋門下諸陵豪傑客  
關中千載帝王州經藏石壁風雲護虜入河山烽火愁  
此日漢家須國士秦轅相贈路悠悠

送張儀曾督學楚中

南宮幾載得相從曉日鳴珂出九重平子遺懷湘水賦  
叔孫新作漢儒宗入郊雨過看春樹問法人來扣暮鐘  
不向金門求宦達于今海內重章綬

上元觀燈應制

皇都瑞靄散春晴元夕金門夜色明萬井煙花浮紫禁  
九天闔闔啓瑤京星河隱隱輝人世燈火重重上帝城  
歌罷落梅歡不極年年獻頌答昇平

昌平宿瑞光寺對月

去歲燕關烽火明中宵羽檄走山城寒花兩度風塵隔  
落葉千峯節序驚禪榻蕭條眠夜月祇林楓沓坐秋聲  
年來庾信多愁思欲賦江南白髮生

七夕雨

想傳佳節渡黃姑風雨中宵響碧梧怨別經年多涕淚  
幽期一夕阻歡娛河梁渺渺愁烏鵲秋水盈盈望白榆  
誰道人間常燕會長門終歲隔江湖

贈崔月潭僉憲往岳陽

漢家仙吏忽離羣此日旌旄下五雲鳴珮霜風來夢澤  
登樓秋色坐江濱幾年白鶴歸嶺嶺三尺青蛇淨楚氛  
惆悵故人千里月何時同謁洞庭君

大雅堂詩集

卷上

十二

端午集伯承家以杜詩宮衣亦有名分韻得端字

侍臣休沐出朝端五月五日開水盤招我共彈燕市劍  
逢人同握楚江蘭榴花近酒紅光灑草樹屯雲白晝寒  
漫擬菱荷新製服官衣應得醉中看

和李嵩渚自壽

早從世路覓林泉高隱夷門七十年嵩嶽烟霞長夕對  
梁園詞賦古今傳牙籤萬軸青藜畔尊酒三春白髮前  
聞道才名還似舊洛陽紙價出新篇

送王少村赴揚州郡幕

都門楊柳綠垂條新命衣冠下九霄入幕賓依淮海郡  
乘槎風送廣陵潮迷樓烟雨籠芳樹明月笙簫隱畫橋

此地宦遊良獨慰舊家江左望非遙

宸章遠錫爲荷侍御尊翁作

聖代于今重老臣恩波不隔萬山春鶴書應有紅顏駐  
牙錦還看白髮新曉日萊衣周柱下秋風桂樹蜀江濱  
庭闈勝事誰能竝洛社堯年獻壽頻

冬夜諸君子相過與汪正叔話別得輕字

寂寞京華仗友生相過尊酒度鐘聲百年風雅青燈伴  
四海交遊白髮情落日愁看雙鉞遠朔雲遙掛一帆輕  
獨憐寒色隨燕鴈又逐春光到楚城

雨後諸子夜過喜張省甫至得城字

詞客何年別帝城風烟去住總關情青萍浪迹江湖隔  
白首浮名歲月驚雨過山光開綠樹夜闌寒色度金莖  
春來漫興多塵土此夕逢君一笑生

大雅堂摘稿

卷上

十四

夏日同省寮遊鄭氏水亭遲蔡白石落伯

鳴雨中宵花外聞朝來出郭淨塵氛池邊萬樹啼黃鳥  
馬上千山起白雲錦纈牙樁開北海青蒲綠柳動南薰  
脩然鄭谷期佳客彷彿珂聲到水濱

蔡白石同遊得君字

城南臺榭傍烟雲馬足車聲靜不聞遠岫輕陰浮樹色  
寒塘新雨長波紋中郎海內多裁賦帝子樓頭獨憶君  
一嘯風塵驚八載芳尊莫厭坐斜曛

仲夏徐刑部復邀劉氏水樓用徐韻

水邊別館足清幽雨度相逢竟日留暗逐光陰同過鳥  
慣看賓客狎浮鷗柳搖臺榭千門晚草遍池塘五月秋  
何用驅車尋郭外眼中風物自消愁

送蔡駕部赴廣西參議

秘閣浮沈歲月多征南一去意如何金門麗藻推司馬  
銅柱勳名憶伏波驛路三秋催木葉樓船萬里下牂牁  
年來端笏陪鵷列獨向西風送玉珂

送鄒近台分教句容

尊酒河梁送遠天論交江國憶華年燕臺夜雨留賓館  
吳地秋風上客氈二水洲分蘭棹發三茅洞對綺牕連  
傳經尙有青雲路羨爾高門未乏賢

送劉雙泉分教番禺

當年遊宦重儒紳更羨君家世有名禮樂舊陳雙鳳闕  
衣冠新拜五羊城東京傳業多劉駿南越論才自陸生  
秋日送行天獨遠西風江上一帆輕

送胡侍讀省親

聲華羨爾玉堂仙澤國風煙夢遠天漢苑暫辭供奉直  
曲江還聽扣歌舫倚門白髮人偕老入座青山酒共傳  
獨有少年回籍客河梁相望轉依然

大雅堂摘稿

卷上

十五

秋夜集高伯宗憶令弟叔崇時歸楚分得臺字

西堂文藻集鄒枚清夜懷人自舉杯煙雨千山迷楚望  
楊花四月別燕臺鶴飛時有寒雲度雁影遙將秋色回  
何事梁園芳草綠應憐公子未歸來

新尙寶邀遊甘露登眺三山

試登甘露最高臺楚客浮槎霄漢回北固雲霞當坐起  
南朝樓閣自天開傾尊江海潮聲落俯檻金焦暮色來  
不有侍臣爲地主青山那得共徘徊

重遊龍山庵中

不到名山十二年春來春去落花前洞門輕洒千峯雨  
樹杪高飛百尺泉鳥道青天無錫度龍蟠白晝有珠懸

重遊風景還依舊欲向深林早結緣

郭山兄遺賞劍池新荷

水邊別館故園東長夏偕臨興未窮  
康樂思深池草夢山濤名隱竹林風  
新荷夕露沾衣上綠樹寒雲墮酒中  
剩有壯懷堪作賦諸峯忽送雨濛濛

過桃源洞

桃源深處碧嵯峨客路正逢秋色多  
洞裏依依秦歲月眼前歷歷漢山河  
白雲流水還村落青嶂幽亭掛薜蘿  
何事漁郎迷去徑王程車馬日經過

午憩月潭寺飛雲洞二首

盡日緣山不暫閒偶逢幽洞一躋攀  
白雲青靄闌干外萬壑千峯咫尺間  
石勢懸空潭欲墮秋聲滿樹似相關  
征途亦有登臨興那識萍踪到百蠻

大雅堂摘稿

卷上

十六

其二

石門曲徑倚崔巍月滿寒潭霧滿扉  
絕壁九天芳樹偃危欄四顧碧山圍  
鐘聲亭午客初到洞口秋深雲未歸  
獨有飛泉晴亦雨西風吹上漢官衣

送黃雪峯參議致仕歸閩

鄉夢頻頻入遠汀年來烽火報滄溟  
江南作賦心猶壯天畔懸車鬢未星  
一笑世途多白眼半生宦跡有青萍  
相逢貴竹秋深夜月落清尊酒莫停

過盤江

兩岸凌霄跨碧波盤江西下古牂牁  
蠻方象馬何年入漢帝樓船自蜀過  
把酒雲山開瘴癘褰帷道路慰蹉跎  
壯遊到處添詩景日日憑高發興多

李舍人奉使楚藩便歸展墓

西風吹雨泥紅塵天語遙傳出紫宸  
楚澤生波木葉下越江瞻隴鶴書新  
春暉寸草思公子秋日皇華慰使臣  
莫遣白雲淹故國燕山高處有靈椿

陸使君守南昌

長安陌上拂楊花離思交情感歲華  
空對夕陽迷客騎應憐春色到隣家  
陳蕃高誼洪州重陸賈風流漢署誇  
日下徵書輝郡舍春明相望路非賒

上巳直省中睡起聞鳩

畫省高眠寒氣侵啼鳩聲裏覺春深  
眼中紅紫經年隔塞外風雲盡日陰  
鳥韻猶憐花寂寂馬蹄虛逐草森森  
杜陵偏有憐芳興不惜江頭載酒尋

贈尹道與宰滇南

一官且莫嘆遐方天地悠悠是爾鄉  
百粵新看還揖讓三吳舊已試循良  
幾回暮館論心細萬里秋山入夢長  
盛世憐才非遠謫欲將吾道重南荒

大雅堂摘稿

卷上

十七

署院五月種竹方秋生筍夜直偶興  
新移碧玉種幽軒長夏晴雲護短垣  
夜月幾時成伴侶秋風此日長兒孫  
嬋娟淨影窺人立天地清心共爾論  
莫詠名花傷歲暮青青獨對坐黃昏

周比部尊翁八十加恩

吳門風暖薊門寒八十年來行處看  
綸綍獨承雙闕下杖藜常過五雲端  
磻溪皓首沾周典角里龐眉聳漢冠  
此日仙郎爲壽酒十分春色滿長安

贈舒景仁建甯兵備

武夷萬里羨奇遊擲外旌旄簇綵驄  
兩地白雲仙署夢一尊寒雨越江秋  
烽傳寇盜充南國節擁風霜屬上游

舊業猶存雷氏劍夜來光徹海邊樓

常進士宰吉水

帝鄉羨爾青雲客萬里春風振羽翰三傳麟經千載會  
雙飛鳬鳥九霄看天連文水秋江穩月映玄潭草閣寒  
明到陳章類問訊山城夜雨長芝蘭

賀進士宰章邱

二月鶯花滿禁城黃金臺上試青萍洛陽才思傳經學  
單父風流羨治平雲斷天門觀日出雨收烟隴省春耕  
齊南魯北俱荒徑聞道絃歌似有聲

張進士宰義烏

盤錯初逢設自嗟道途處處足風沙五雲溪落秋天淨  
列宿光生寶婺華地隔海門閉鼓角春深山郭遍桑麻  
黃花陌上猶堪折相贈東遊日未斜

大雅堂集

卷上

十八

九日陪祀山陵

霜林積翠散晴空路繞千官謁漢宮天馬青霄來王氣  
山蟬黃葉引秋風五陵雲樹登高興九日衣冠作賦雄  
暮色漸生幽澗冷娟娟片月上梧桐

黃獨人七十壽章

西山佳氣護門閭壽酒東風傍起居仙女雙成霄漢外  
婺星幾夜斗牛墟中朝冠冕過青鳥遠水煙波饌白魚  
回首郎君遙祝頌天邊春色到庭除

送祠部田郎中赴廣東參議

自羨田郎漢署仙風流早已聽臚傳百年禮樂興儒雅  
幾夜衣袍帶御烟夢入紫微迷嶺樹香飄丹笏到江天  
東南財賦堪懸涕漫道樓船淨海邊

張園餞別朱于价分得仙字

長劍星霜入漢年芳尊常對白雲篇揚雄西蜀論文似  
班史東京繼世賢明月獨歸天外客清宵同賦飲中仙  
欲尋後會江湖隔繫馬燈前悵別筵

送李進士宰長治

花裏看君度錦幘才名京國十年傳片辭保障承新邑  
一脈明經自廣川西望雄圖兼赤狄北來形勢巨青天  
河橋此日東風便爲送鶯聲到管絃

送方民部赴金陵

憶昔鶯花共倚闌長楊偏得聖顏看驕懷落落風塵久  
宦跡悠悠道路難柳色掛帆春雨細江聲入棹晚潮寒  
鳳凰佳麗堪乘興莫嘆周南滯漢官

爲徐秀才題靜觀卷

高齋突兀小橋邊獨坐蕭然一洞天萬點落花春自寂  
數聲啼鳥夢相牽人間青眼悲朝市席上玄經有歲年  
他日千家看雨色白雲片片出山川

大雅堂集

卷上

十九

送吳峻伯督學山東

風雅清朝共一樽河橋芳草送征軒漢廷詞客誇封禪  
魯國諸生盛討論東壁圖書傳海內西風洞壑度天門  
白雲到處堪乘興飛夢時能遶帝閭

南山晚趣爲趙太僕題

官橋烟景足樓連帝子先朝世澤垂陶令徑開山色晚  
丈人園灌漢陰時荷裳日夕蒙青霽雲壑秋風潤紫芝  
天上鶴書應有待仙郎玉珮近形輝

贈馬孟河太史使魯南還

奕世論交意氣真又看金馬出風塵魯廷命使觀周禮  
梁苑多才重漢臣草色河橋秋更綠棹聲烟雨晚來頻

暮雲不隔江東樹，獨上燕臺望故人。

王太安人恩封八秩

夜雨年年遶鳳臺，空閨燈火映寒梅。南邇痛哭乾坤淚，東望驅馳歲月催。青鳥仙人天外度，綵衣使者日邊回。瑤章象服君恩重，澤國風光獻壽杯。

挽李于鱗四首

樓上飛飛白雪花，樓前鬱鬱發參差。千家斗間氣色留天地，身後文章自泰華。賈傅未須悲鵬鳥，鄭元早已夢龍蛇。眼中多少曹蜍輩，人世厭厭未可誇。

其二

乘風歸去白雲鄉，世路寧須論短長。張翰猶堪彈數曲，麗姬無復淚千行。黃金大藥欺仙境，白玉高樓倚帝旁。悵望九原何日起，招魂欲擬問巫陽。

大雅堂集 卷上

二十

其三

百年擾擾總塵寰，何處逢人問九還。東海大風遺魯國，西行真氣散函關。尾箕騎入雲霄上，詞賦憑陵宇宙間。楚客從來多感慨，不堪墮淚向牛山。

其四

文苑當年數慶陽，山東李白更飛揚。代興得爾推齊霸，榮翰同予侍玉皇。岱嶽煙雲秋黯淡，鮑山風雨夜蒼涼。南州亦有生芻束，極目中原路渺茫。

贈王近齋憲副還嶺南

去年芳草對離亭，羽錦飛霜路幾經。謁帝冠裳重戀闕，同官天地嘆浮萍。一尊風雨留仙佩，萬里烟波擁使星。此別南雲懷舊侶，梅花嶺外寄餘馨。

李符臺席上對月再送子畏得人字

日日長安送遠臣，千門月色淨無塵。青燈湖海憐吾輩，寶劍風霜伴爾身。詞賦幾年傾漢署，旌麾萬里望巴人。天涯此會良非易，莫惜中宵進酒頻。

送胡明府赴程鄉

臘月流澌送遠遊，關山風雪一貂裘。半生共榻湖邊雨，萬里分杯海上秋。潘令花間裁賦麗，韓公嶺外勒碑留。仙郎欲問還丹訣，三十二峯天際頭。

高文學珠泉翁受封

賦就歸來楚澤長，時過漁父問行藏。漢家博士傳經盛，梁苑仙郎麗藻揚。紫誥獨承新雨露，白頭仍戀舊冠裳。明堂此日須耆碩，早晚安車出帝鄉。

三代褒封爲王近齋賦

西曹幾載識郎君，南海高門自昔聞。晉代才名推逸少，大雅堂集 卷上

二十一

王家庭戶配參軍，衣冠錦里逢三代。寵命金函下五雲，試向夜分傳太史。德星早已動天文。

再送郭給事使琉球

中朝博望獨憐才，渺渺征帆帶月開。青瑣侍臣持漢節，黃金國士下燕臺。新傳天語夷王拜，遠泛星槎海宇來。萬里壯遊非汗漫，飄然乘興訪蓬萊。

珠泉草堂爲伯宗尊翁賦得詩字

一派珠泉楚澤湄，渚亭斜日浸寒漪。山中白晝蛟龍闕，檻外滄波烟雨遲。萬點落星浮水面，半簾明月漾天涯。幽人老去無塵事，獨對潺湲自詠詩。

姜對陽至話舊

武林新酒醉江樓，一笑天涯十二秋。詞賦少年多俊逸，風塵類歲有淹留。錦城夜雨懷人遠，玉署春雲謁帝遊。

官拙獨憐同舍客論交誰肯婉應劉

汪氏先塋鳳山白雲亭

天畔孤亭掛夕陽幽人猶在白雲鄉新安自古名山水  
佳氣于今遶鳳凰霜露園林秋淡蕩松楸烟月暮蒼涼  
萬家何似淮陰地漢苑高車拜墓傍

汪水部招飲玉河西隄兼餞順甫得塵字

橋頭車騎日頻頻暫向清漪學隱淪萬木晝陰閒過馬  
一溝秋水趁游鱗澹雲半入天街夜疎雨輕飄客路塵  
佳興正逢幽草綠那堪作賦送征人

再送順甫使江南歸武昌

去歲重來上國遊棹歌誰促楚江秋不緣漢水增離思  
應惜梁園自寡儔黃鶴仙人高閣在白雲使者片帆收  
天風好爲驅湘邑遙寄長安散客愁

大雅堂摘稿

卷上

二十二

贈樓八岩擢四川憲副

把酒西風岐路傍新看紫綬結金章卜居共隱長安市  
結轡同沾上苑霜十載郎官稱部署三巴父老望帷裳  
陽臺巫峽堪乘興羽檄年來淨漢疆

九日海岱樓登眺得前字

高樓城上倚青天朝罷登臨思渺然北望晴雲浮殿閣  
西來山色抱幽燕壯懷睥睨秋風裏尊酒衣冠落照前  
乘興忽忘歸路晚賣花人已散皇川

送况兼山別駕還鳳陽

幾年離索對京華擁雪屏星去路除朝謁應懸金鑑錄  
宦遊獨近帝王家風流別駕稱司馬藻思寒塘夢永嘉  
策騎黃河春已到郡齋消息寄梅花

余德甫擢閩中副使

三月燕京芳草生春光兩度送君行白雲詞賦揮毫逸  
青海樓船壓浪平曉日飛霜明鑰斧江山隨地起戈兵  
一尊爲解吳鉤贈試過延津風雨鳴

夏至北郊陪祀

北望靈祇玉宇寬城頭擊柝夜漫漫風傳仙籟聞周樂  
水繞瑤臺集漢官立馬疎林當月落散鴉列炬亂星殘  
翠華遙憶天街迥欲擬河東賦更難

春日韓使君邀飲碧落山堂

使君高誼集章縫碧落堂中山色濃天上笙簫飄綺席  
城頭烟火動歌鐘春深洞口開千樹雨過尊前出萬峯  
不爲白雲同署客清宵那得坐從容

分韻得歡字留別社中諸君子

相從染翰共朝端秋夕尊前話別難世路艱危憐我拙  
大雅堂摘稿

卷上

二十三

清朝儒雅對君歡關河南雁冥冥去木葉西風陣陣寒  
虛擬謫仙來遠道五溪相望路漫漫

元宵東巖洞

古洞幽深俯石淙山城佳節正相逢半天簫鼓開春酒  
一曲梨園起暮鐘烟列千巖星燦燦燈張萬戶月溶溶  
蠻方風景殊非惡中夜尊前興更濃

春夜宿東陵

楚天纔過偏橋路馬足衝泥夜未休一枕江湖懸北斗  
半床風雨下西樓十年心事燈前夢萬壑松聲洞口幽  
春到山中無信息寒爐猶自擁重裘

贈成仁卿秀才歸公安

楚中自昔多才俊愛爾新詩興轉豪翰墨半生惟白雪  
江湖十載尚青袍碧鷄春色山花繞獨馬寒雲驛路高

一別天涯須努力洞庭相望起秋濤

五月五日張山人招遊龍山道院二首用龍山韻  
黔中自古此高峯纔遇幽人一寄蹤俯檻半江新雨過  
傾尊萬壑夕陽春畫長石逕聞啼鳥雲隱山泉有臥龍  
天地吾廬何處是不妨談笑坐從容

其二

昔年同署白雲閒萬里相逢到百蠻爲慰羈懷呼淥酒  
好餐仙藥駐紅顏浮名不謂人間世長劍欲懸天外山  
擊筑悲歌心自壯孤城日暮未應還

送常礪山赴金山參戎

當年勳業羨開平節操成家更有名江漢風流三楚鎮  
疆隅談笑百蠻清建牙已動憂時念染翰難忘對客情  
厭蜀思吳成勝事樓船此日海邊行

大雅堂摘稿

卷上

二十四

七言絕句

白鶴吟

長生殿裏思通玄太乙壇中藹瑞烟青鳥雙成雲外度  
秋風不數漢庭仙

春夜飲胡內翰宅得金字

長安春夜勝千金高館寒燈聽楚音忽憶數年身是客  
梅花零落故園心

成山第送陳于韶得梅字

紫陌征車柳外催尊前月色浸燕臺送君此日天涯去  
何處關山盡落梅

庭中對月別宗子相同用明字

玉露銀河入夜清青青柳色滿春城美人一去江湖隔  
天北天南共月明

昆盧閣送張內山赴楚次徐祠部韻

高閣中天度碧岑楊花減酒上衣襟洞簫吹落燕雲暮  
飛入瀟湘春水深

大雅堂摘稿

卷上

二十五

大雅堂摘稿卷上終

大雅堂摘稿下卷

高安况叔祺丹湖著

會姪孫敬存原編

同邑後學藍壽莖校印

序類

送御史大夫高公歸楚序

貴陽古西南夷地後分隸川湖滇粵四省永樂中始置藩臬諸司謂其地去京師遠甚漢夷雜處易與爲亂非得重臣往不可適置銅填開府會城於是御史大夫高公由貴藩左使遷今秩七年矣夫通仕籍者悉重內地薄遠游其有落茲土者往往留滯還轉視他省獨後此其意寧有爲邊微慎更代耶然貴雖荒僻其難治數倍他省地皆竄少產山箐巖巖居十九亡奇羨之積官府奉給衛士糧餉亡慮億計地之所取僅僅不足以更費大雅堂摘稿 卷下

比因銅平調兵每歲徵輸不足以奉戰士大半仰給楚蜀當事者兢兢乎難哉又其地鮮編氓諸苗部落居十八文墨之吏守法律介胃之士習征戰以此兩者槩施要服是膠柱刻舟爾非得文武才略烏能勝其任而愉快也公之撫貴陽獨持大體不事煩苛加意拊循恩威並著大都當民情土俗以故貴人知有生之樂室家安堵髮白歡呼未報安業夷獠輻輳恬之風駸駸乎與中土相埒往歲楊四屯養鵠諸寨亡命依山峒負彊弩攻剽推埋群帥捕格不勝莫敢誰何公一授方略渠魁李昂王阿聽輩就擒曷嘗勳羽徽費鐫根此公經略之妙諸將自以爲不及也頃因明堂購異材部使者督責旁午諸道疲於奔命獨貴陽晏然如平日民不告勞財不至匱此公區畫之周百姓陰受其福而不知也故事

諸司謁兩院惟具文案視意指唯唯漫不可否事公每接諸司未嘗不虛心延訪揚榷時政事無不論論無不盡即當公意者必有味乎其言以故人人吐情實期以自效此何愧大臣休休之量矣今歲公楚江動念引年乞休疏且具蕭介行有日會天子念中丞老不令久處邊陲賜休沐里舍公聞命喜動顏色即日就道乃諸司暨貴之士民有不釋然者其君子依依如失師保其小人喁喁如赤子脫慈母之懷號于中野夫睽攜之際乃見真情垂去之思益徵令聞今之據善地攬華要一歲數遷驟致榮耀者何限未必能樹尺寸有所表見即去位人之視之若過雲飄風安所係戀群情公之處世踴躍敦行古道湛恩在貴陽獨厚思慕在民心獨深語云百年樹德百世樹名公雖解組遺榮優游林麓豈不俊偉光明大丈夫哉某等觀公儀型佩服有年其薰行盛節未易悉論論次其大較如此云

賀督府蔡峯黃公擢少司空序

夫古之明亮庶績樹立鴻業以垂久遠者曷嘗不重服勞宣力之臣哉崇伯子作司空以乘標刊木敷載周家營治其經理卜宅至形播諸何其勤也國朝冬官之設視諸虞廷今明堂聿新比洛邑爲益麗矣往黃公撫蜀百度振作西陲甯謐迺督責諸司購求異材巨筏蔽江而下三殿梁棟之需大都西蜀產也庚申特進少司馬持御史大夫節總督三省開府于沅沅爲諸省要樞百蠻羣寨環列其外非大臣負威望者曷能壓服之也公至下令軍中諸將用命傳檄諸路吏治政觀文教武略彬彬盛矣會工部右侍郎缺上特簡命公往補乃貴陽



諸寮屬感佩則之在望親旌麾之載揚有不能釋然者  
况生誕言于衆曰茲盛世臣工一體天下一家之義也  
譬之一身京師者腹心也沅其咽喉蜀其四肢也腹心  
安運之周身皆安矣譬之一家京師者堂室也沅其藩  
籬蜀其外戶也與其使藩籬外戶安孰若堂室之安爲  
得居重馭輕之制乎矧公歟歷藩服二十餘年厥有成  
績茲入掌邦土弼贊雍熙又古者出入均勞之意虞周  
用人之微權也西南三省不得而淹之矣祺不佞因次  
第其語以爲賀

贈觀察使徐君陟廣東右方伯序

三衢徐君自束髮從陽明王氏游已有志性命道德之  
學及爲博士弟子員輒棄科舉業卻病習靜山中者十  
年所風骨清癯鶴立雲臥望之者知其異人也比壯稍

大雅堂詩集

卷下

三

持銘槩即取進士高等起家謙垣督學中州品藻當人  
心率士類敦古義不徇勢要請託及參湖藩政以督本  
終歲入山訪采真之侶尋桃源之踪自辭青瑣以來匪  
直訊問之使不通於上國雖世情倏仰宦途變遷之態  
曾不入其耳而矍其念歲己未擢貴陽觀察使貴陽地瘠  
薄無積聚苗夷雜處習紛華者不能一日樂其地甘寂  
寞者汲汲恐去之不速君怡然曰美不美地也何清於  
真紛寂遇也何改於性即使游陟華要其朝餐夕餐無  
殊此也即使長往林園其寒暑晦明之常又豈與此殊  
也故君之所居無往非樂始至察獄無巨細必用情殊  
死以下時其衣履厚其園囿其諸論鬼薪罰金久遠貧  
甚者白于兩院即爲除免其視罪人之罹于辟如瘁疴  
疾病之切體而其視官司之事真如其家及暮且再人

謂君日暮且遷去乃益勤如初至方於公署南拓地鳩  
工構怡如堂時時吟哦其中或對賓寮觴詠此其胸次  
何如也以予觀世之談玄理者多闊略於時務其詳於  
法律者或鮮惇龐之體君邃於理學又能吏事既法家  
精明而惻怛之意恆存庶乎古有道之士也會南越藩  
右使缺員遂以按察往補夫藩司昔之行省去鼎鉉不  
遠方岳之秩燁然崇矣今海濱島夷充斥象犀翡翠之  
貢道路爲梗越中財賦重地君至必經畫轉輸餉道不  
絕助樓船將軍出大海淨鯨鯢之波莫安東南有望也  
某自入貴陽君不以其疎拙尊酒論文每進諸同心之  
益茲行也固爲東南慶幸而典刑日遠又不能無悵然  
矣遂因諸大夫之命而敬述所知以爲贈

送張榕洲太參致政歸閩序

大雅堂詩集

卷下

四

嘉靖庚申貴陽藩臬大夫以疾引去者三桐城戴君蒲  
陽黃君張君三君皆盛年無恙相繼乞休皆予所未解  
張君始爲名御史按中州有聲繼參粵藩典試事首薦  
袁生爲海內奇士都下競傳其文有西京風格張君真  
知人哉頃張君遷貴陽未入舍督餉湖湘中途上書曰  
臣竊祿二十年邇來不幸沾霜露之疾臣母老矣貴竹  
山路險遠不能與俱來臣念此病轉劇願賜骸骨歸養  
老母上許之於是藩臬諸公惻惻無計留君則相與問  
疾張君曰予抱病斯世而肌膚未疾不與焉今之齒貴  
游者高貲易顯寒素退伏是謂元氣病便媚驥進恬嘿  
留滯是謂士氣病用人等於積薪遷秩類於傳舍是病  
在官廢削刻於骨髓征求竭於鑄錢是病在民賈生所  
以有廢黜之悲楚人所以有桓侯之語也非有術以起

之屏焉之軀誰能一日安其位閩海之濱何適非願貞之所乎於是諸公爽然自失作歌以贈之歌曰貴竹之山今崎仄峭寒高入青雲兮長路漫漫大行非險兮蜀道非難蛟龍遁迹兮虎豹盤桓高車駟馬兮悵望自嘆幽人遠逝兮青鬢掛冠春草綠兮荔子丹故園樂兮海天寬張季鷹兮尊鱸安鴻溟溟兮物外看迺屬况生驥槩其語以爲贈

### 賀勅封太安人趙母李氏七十壽敘

嘉靖己未秋九月廿七日趙母李太安人壽七十叔祺諡於衆曰夫士之明經效用非獨其所自樹立蓋必有師授焉而其顯名當時列于不朽之林非獨其秉躬之茂亦必有母德焉嘗讀漢列傳董仲舒雋不疑皆治春秋二氏事種種多奇不疑經術重漢庭每行縣錄囚還

大雅堂摘稿

卷下

五

其母輒問有所平反爲之飲食以克成京兆令譽仲舒在漢位不踰膠西弟子通者至命大夫爲郎謁者掌故者以百數國家有大議論必引經誼對而其子及孫皆以學至大官語傳經至二氏盛矣南特先生起家名進士於書靡所不究撰述爲一代辭宗獨行古道不能嬖網於世故仕止二千石嘗閱春秋之傳漸遠失真迺發明胡氏鑣析疑義刊落陳言若挹秋陽之光華對松栢之風韻而與之上下其議論自春秋列學官以來蔚焉鮮儷始先生家食時講學武夷閩士藉以成者凡幾繼教授袁郡江右之士藉以成者凡幾繼教太學官南曹海內之士藉以成者又凡幾叔祺結髮慕先生高誼二十從游于袁三十從游于白下受知遇於先生最深自通仕籍來闕然觀止者十年所諸弟子出入金門益

彬彬矣黃錢生爲度支郎建王生爲中翰黃生以進士宰常熟蘇吳生以文學徵筠况生爲禮官大夫先生長子適以鄉掄襲然爲舉首歌鹿鳴而來諸弟子往勞苦

問訊大人起居乃聞太安人無恙年且七十食眠不衰步履強健則人人大喜先是太安人以先生民部考績拜封比先生守滇南以廉名歸途篋笥蕭然爲之驕甚太安人之賢不愧雋母今初度翟冠錦被春暉融融先生緋服腰金稱觴上食愉愉如也夫世之結佩齒貴游者非少其親往往睽離不及昕夕聚即聚未必能享遐齡保令名以先生所遇簪綬之榮未足喻其樂也雖退處故廬弟子各以經術事今上皇帝其或問錢穀度支以歲計對問文墨中翰以書法對問茂材孝廉文學以人才對問政事常熟以述職對問禮樂禮官以古今沿革對各引師說決國家大議張大先生之教而胤子恂恂雅訓將躋大官與董氏等先生居家之日又何殊在位之年也魯頌之詩曰匪怒伊教曰天錫公純嘏又繼之魯侯燕喜令妻壽母夫樂其教願其純嘏而必欲其親之壽詩人忠愛之情何其殷也吾儕得附青雲實由先生先生永有聲聞實由太安人諸弟子祝頌之誠烏可後於魯人乎於是屬小子操觚誠使者馳數千里爲母壽

大雅堂摘稿

卷下

六

### 刻春秋雅義敘

國朝以經義取士春秋獨宗胡氏若比類屬題自劉伯溫明經始業是經者或于姓繼世敬承家法或生徒受學恪守師說義惟得於面授文多出於傳寫舉業之書肆罕矣歲丙辰會試天下士子得與侍讀昆湖瞿公

同校春秋拔其尤者二十四人咸極一時之選未始不自慶得士之良且爲諸士遭際明時慶也後耿生定向輩各出所爲文相與析疑義斬印可諦觀之見其博極三傳而折衷胡氏發揮藻思而悉繇矩矱經學彬彬自列學官以來於茲爲盛信其文之雅可傳也乃爲之彙次以被之梓第聞古之明經者非誦習綴辭已也悉意精通洞制作之原故國家有大議論必令傳經義以對漢儒學春秋者三家他無論已董生賈生乃能達天人陳治安卓然稱儒雅以經學顯史氏傳儒林者猶列其師授世次迄今藝苑傳譽茲諸士對於明廷服官中外熙載亮工方重始進矣必內之克振雅音鳴國家之盛外之經術飾治致昇平之隆俾宇內之士蒸蒸嚮風誦其文想見其爲人則雅義之出將傳於永世子之藉榮

大雅堂摘稿

卷下

七

聞不既多乎

### 貴州鄉試錄後序

維辛酉貴州貢士典成至是舉行者九夫貴昔嘗附滇省薦書今則特設科矣貴昔預選者二十五人今則特增解額爲三十人矣是唐虞野無遺賢成周不忘遠之心也貴雖遐荒視諸省獨遠其感被湛恩而願效忠視諸省當獨深也方今龍飛四十春所取多士固生長泰平之世涵濡聖化有得者茲於其始進敬申一言答鹿鳴之賔嘗讀孔氏春秋知人才在霄壤間氣運有時推移疆域非所限隔夫荆楚吳越春秋嘗比諸夷有能自通上國倦倦接引所謂來則嘉其慕義而接之以禮也夫湖湘三吳兩浙非故荆楚吳越之區乎今文獻冠裳甲於海內山川風物視往時何如也貴陽自昔不通中

華太史公傳諸西南夷入國朝始列藩服置衛興學自丁酉開科以來文學彬彬與中土埒矣當聖人久道化成之候雖卉服椎髻猶嚮嚮嚮風矧爾章縫之士沐文明之化誦仁義之說而不思自效於明時以樹尺寸是殊類之不逮也且以貴之所產丹砂出萬山上品光明中品白馬牙下品紫金是三品在窮崖幽谷舟車所不通然工人得而獻之可以備九鼎之烹煉煖九還之大藥疇能以遠方之物鄙之也使採購者不得其真而取瓦礫與沙石無適於用矣士之品亦有三上焉者立德中焉者立功下焉者立言匪是則今之所取蠟言爾人將沙礫視之矣爾諸生自待將爲丹砂乎將爲沙礫乎典文者日兢兢焉而不容釋也諸生其勗之哉

### 貴州辛酉同年錄序

大雅堂摘稿

卷下

八

夫士舉于鄉有賢書紀其姓名及其文之可獻者乃式謄之後又有錄以序齒及其家世嗣息所以敦信修睦垂久遠示不忘也貴陽諸士東西南北之人隸籍于斯皆以鴻漸之翼通名仕版其遭逢則同也亦嘗聞同之義乎仁人以萬物爲一體凡寓形寓內並生其時雖四海九州均之有同氣之誼矧爾諸士集西南之邦蓬際會之隆乎夫居常交遊談笑抵掌酒食相徵召貌言相推讓而衷鮮金蘭之契及事關利害僅如毛髮不惟背負平生又排擠之谷風所以興悲於小雅翻雲所以感嘆於杜陵也其或比嘯相援懷私植黨脂韋求容無體國之忱亦非所以語同也故矜踔獨立不以爲異一心一德斯爲大同必也秉躬以氣節同立朝以忠貞同居鄉以信義同菴民以仁慈同處患難以死生相許諾同

斯盛節令聞傳於永世同年之會庶可勝薄俗光前修矣然是會也自唐以來有之劉夢得云古人以借受學爲同門友今人以借升名爲同年友其與子厚論交教行古道流離之際真情懇切以柳易播士林頌爲美談然藉其時彼此相藉惟以字至李杜之稱直名之甫與白也雖子思稱夫子亦惟曰仲尼今之同年又諱字爲號似厚矣察其中實罕同心之益揚子所謂面朋也夫號之稱非古也起於宋儒推尊其師之過今論交不務藉古而其所藉乃欲踰於孔門之尊師何謂也故於諸士之始進特申周行之示焉

貴州辛酉同年錄後序

辛酉秋貴士以鄉論者敘年陳世需言於予予閱其文蔚然富也問其年脩然少也期其究竟均東序之球壁

大雅堂集

卷下

九

清廟之絲竹也然藉之往籍每科所舉策名天府者僅僅數人其他英妙沉鬱下寮者爲不少何也貴在遐陬舟車不達於上國士貧者十九芻米僕賃之資爲難或一再却於南宮卽乞郡邑博士以去是豈志存樹勳事專報主也諸士居常稱誦先王謂嘆一飽之無時者不足爲其志定也今一筮仕而所用非所志耶孟子曰人之患在好爲人師夫士有謙受之衷而後造聖修之域有堅忍之操而後成遠大之業彼士爲貧者在七國時士各私其學人各私其主有道者不獲自試而姑爲祿爾今賓寓一統懷奇者進抱道者顯諸士習仁義道德無曰明時之見棄矣往予丙辰校文春闈晝夜兢兢圖得真才以獻有甚於士之求知也猶工師求大木用之也今之視學西南猶場師之養木既知所以用之而不

以告爾多士使其自卑自小是終梧擢止于拱葉而不登于明堂是予之罪也夫是予之罪也夫

賀大中丞三峽公陟大理卿序

夫人臣係國之重望外則輔翼邊疆內則培植元氣此實秉中和之應關世運之隆而非負才用智者可辦也大中丞鮑公起家諫垣敷歷中外二十四年海內稱長者乃自京兆尹填撫貴陽始至百務從節省加意拊循視一民一卒之未安若痒疴之切身而其任真處分有如其家頃者容山土酋倡亂寇施秉公慘然曰困憊之域承平猶難之重遭戎務其誰能堪乃區畫財賦供濟餉道不絕徵土州兵論以大義檄總戎督發人人感奮殊死戰又設奇懸購未幾逆豎就俘雖將士用命其間委曲保全悉公潛思運用有他人所不及知某等獨與

大雅堂集

卷下

十

聞者迨露布至諸寮屬入賀公曰予不樂有功唯四郊無事與民休息爲樂爾此其宅心何如也公之接諸司中吐情實外從簡易屏去一切繁文敦尙古道或人有一節必見采擇施行夫今之以所長自表見者未必能窺其蘊奧而凡感公之虛心和氣靡不慶遭際之盛思以自獻自效也會南大理卿缺上令中丞往補夫公之昔爲滇藩左使例宜轉滇撫也而猶爲京兆以留都根本重地非得重臣牧之不可也今爲御史大夫例宜轉六曹也而猶爲大理以民生國之命脈非得仁人理之不可也嘗讀漢史吏治蓋蒸蒸焉在夫諸臣才華卓犖者何限然朝著所稱惟張釋之于定國二氏皆長者獨爲天下之平公之仁厚何殊二氏議獄平反不特江左無冤而寰宇之民自以不冤矣在貴陽則邊境輯寧在

廷理則元氣培植是古之大臣爲盛世倚重而恃力也  
彼急公旦夕灼灼炫耀者可同日語哉昔班景倩入爲  
大理僉者猶謂其登僊恨不得爲騶駟重之也若金陵  
佳麗棘寺當湖山之勝公之仙游又不啻如當時之杏  
嗟羨慕也某等瞻望行塵敬申一言以識係戀之私爾  
若公之懿行盛節豈操觚者所能悉數哉

賀勅封太安人朱母張氏八十壽序

夫孝子之於親侍膳問安斑衣上壽跬步不離豈非大  
願哉迺若憑軾結駟宦遊四方跡有涉於喉嚨志匪紆  
於合併此春暉祈報於臨岐白雲興嗟於停驂也昔劉  
夢得當謫播州其友人謂無母子俱往理今川貴播州  
之墟將母爲難自古而然矣太安人張氏者少參朱君  
母也安人自歸二峯大夫即能奉養孀姑得其歡心以

大雅堂稿

卷下

十一

恭儉相夫子家計益裕大夫性豁達好大義獨篤愛同  
氣不以斗粟尺帛自私又以門戶事什九居外安人內  
助益力親督諸郎課舉子業嘉靖庚戌少參君舉進士  
筮仕清江安人就養官舍清江公餘之暇必稱觴上食  
爲歡已清江召爲水部郎三年秩滿奉制封母爲太安  
人未幾水部補西蜀僉憲壬戌晉貴陽藩參秩駸駸顯  
矣然蜀道嶮巇夜郎遐荒不獲迎養安人今歲臘月朔  
安人壽八十初度之辰於是兩省藩臬諸大夫會謀所  
以壽母者少參君曰某不穀通仕籍十三載昔之令清  
江職微祿薄未沾恩命然而常悅則以太安人就養也  
今之參貴藩位上大夫佩金紫且沾恩命然而常不悅  
則以太安人遠在萬里也吾烏乎爲情哉况生曰夫孝  
惟巨細無倫適有一時之孝者一也之孝者有焉

孝彼甘旨是圖朝歡夕聚以悅其親者一時之孝也策  
名天府沾被恩命光大其門閭一世之孝也樹德樹名  
其不朽於霄壤俾後代稱爲賢智百世之孝也少參君  
既以盛典顯其親壽之日翟冠象服輝映龍章椒花梅  
蕊爭獻壽觴太安人固樂也君且茂樹自立歐歷中外  
思貽令名雖未能朝夕尊前太安人益樂也聞之孝子  
慕親隔天涯若庭闈忠臣慕君隔海隅若闕下如必以  
舞綵者善而叱馭者否是猶以仕不踰國門者爲忠而  
服勞邊陲懸思江湖者爲非是拘方之論非達觀於恆  
情之外也諸大夫慨然曰斯言不獨以慶朱君且以慰  
遠臣矣因命書之馳歸閩中以爲壽

古今原始敘

况生曰作事者其必有初乎夫懿聖創制往哲畫法雖  
大雅堂稿

卷下

十一

意態軌度人人殊科職否理亂各有肇端故固習而襲  
成者編氓之守也撥華而遺根者曲士之見也自非造  
大雅之堂窺制作之蘊烏能究極今古洞見其初也中  
丞杜野趙公博雅精擇游心太始閱於著述要歸大道  
爲海內文儒之宗嘗悲末學溺於靡麗爲工而忘其初  
又疾夫作法者類藉口慕古而罔所辨也作原始原始  
者推始作也一事自爲一始上自天皇上至當代大白  
六經微至百家窮蒐博采宇宙內事無論鉅細必載厥  
始附以己說匪徒以資探索亦從古得失之林所以自  
鏡也染翰之士得是書覽觀豈直曰發錦囊登武庫如  
衣裳之有冠冕水木之有本源其於適道幾矣昔揚子  
雲草太玄桓譚謂必傳後左太冲著三都賦洛陽紙價  
頓高彼後天法學也誠哉

始度越楊左矣殺青甫竟愛而傳者必廣又何待久而後重於世耶

### 考古辭宗序

夫文之取裁三代秦漢詩之取裁漢魏晉唐猶鐵錦之必資蜀縷構室之必藉楚材雖杆抽繩墨人人殊製而尺絲寸木咸適於用也往吳中梓修辭指南不及文選稽古者猶有闕焉予續取蘇易簡氏所輯文選雙字類要附載之臚分類別上自三代下至晉唐其人立言之精華綴辭之要妙粲粲具陳而近代卑論不與焉匪徒以便蒐索中流一壺實操觚之玄珠也歷觀類書如集事淵海事文類聚合璧事類亦云浩瀚惟存故實雜以俗儒俚語多不雅馴非藝苑所珍昔人云記事者必提其要纂言者必鉤其玄有味乎言之也侍御廣德巫公大雅堂摘編 卷下 十三

### 古詩上乘敘

自昔能言者發抒性靈潤色羣動無論郊廟閭巷王公輿隸曷嘗廢詩哉自三百篇後一變爲騷再變爲選又再變爲近體歌行絕句談藝之家評騭互異近代獨許嚴滄浪之論取喻禪關爲得其轍有味乎其言之也予昔官春署多暇縱觀古作者自謂漢魏之古選樂府盛唐之近體李杜之歌行中唐之絕句均禪家之上乘藝苑之正派也古今采詩者若昭明之選詩左克明之古

樂府劉履之補註黃勉之之詩言龍鳳集至嚴矣而不及唐輯唐詩者若英靈極玄唐音三體鼓吹品彙正聲至詳矣而不及漢魏爰博采精擇編摩成帙諸家諸體具備用以羽翼雅頌媲美楚騷且是編刪去繁蕪獨留粹美正謂驅龍之珠已得無取鱗甲矣中丞善安蔣公撫滇出貴相過論文子曰文之靡久矣先朝弘治正德以來學士大夫類知詩當宗唐獨文之取法秦漢選之取裁漢魏信者尙鮮予嘗取遷固特筆爲二史會編與古詩上乘藏之篋笥用以自鏡非敢以示人人也公謂二種當廣其傳迺攜入滇併刻之昔韓起觀書魯太史氏見易象與魯春秋曰周禮盡在魯今二書並傳中原文獻盡在滇矣公雅志嗜古興起多士西南之域自是文學彬彬他日有名世者出無忘中丞公之功哉大雅堂摘編 卷下 十四

### 梧岡先生文集序

夫文難言哉今操觚之士靡不自謂家藏和璧戶握隋珠也然談玄理者援濂洛之糟粕染翰墨者步曾黃之後塵匪難賞音實鮮傳世予自束髮遊梧岡陳公時聞其論文若飲江河仰山斗莫之究竟也公自爲尙書郎約諸同志結社長安朝罷輒挾策相過賦詩談藝以爲娛及分符赤城視權長蘆總憲貴陽三歷專藩必載圖書往每放衙之餘吏人散去即焚香攜帙披閱或花下吟詠或燈前探索遇佳山水邀賓寮游覽未嘗以事免蓋公平生現世途榮寵若浮雲之蒼白曾不足擾其懷而其嗜古今載籍往哲論撰真如日暮之菽粟冬夏之裘葛未嘗一日廢閣也今爲御史大夫開府于蜀逾年西人樂業臺中甚閒暇乃檢篋笥得舊所著作積成卷

帙寄予讀之雖因人應酬撫景抽思悉沉浸六經出入  
先秦兩漢不爲近代之卑論播諸西土匪直與蜀錦爭  
輝雖岷峽不足喻其高巫峽不足喻其奇丞相之柏漢  
隸之碑不足喻其古斐然大雅列于不朽之林矣公維  
揚人也維揚湖江都會英靈攸鍾公秉天地之正氣而  
又力追古作者故發之若是盛也往予友朱子价宗子  
相皆廣陵產以能詩稱至論文章名家未嘗不推轂公  
卽諸詞客咸自以爲莫及也公聲望重漢夷勳業垂竹  
帛別有紀述茲不論論次其爲文大較如此云

九夷古事跋

中丞趙公問俗貴陽之暇迺進百蠻之長推髻裹毡之  
徒詢其夷風治其不平人人各遂所願大歡而去於是  
公盡得其言語嗜欲土俗之宜嘆曰無懷葛天標枝野  
鹿昔聞斯語未造滋僞乃獸乃禽匪游貴竹烏識世有  
茲人哉其人不立文字不繁禮數刻木爲約誓不貳戴  
主而事死不畔種種有太古遺風漢人或未之逮也爰  
哀其數事梓之名九夷古事非特補西南夷傳所未備  
亦傷今思古之意也

大雅堂摘稿

卷下

十五

雜著

省觀

在甲令廷臣離家六載而上得以省觀告於是右通政  
某上書曰臣奉職無狀自備位郎署歷今官闕然定省  
者十年臣母又老日夜思見臣願陛下恤臣私俾謁歸  
廬舍盡烏鳥之情上許之予惟今之憑軾結駟遊闕下  
者非少往往留滯官舍親衰暮不及觀卽觀未必能致  
尊顯大門閭此曾氏有南遊之戚馮唐有爲郎之嗟也  
先是君官考功時計天下羣吏斥其不孝者凡幾而人  
無怨言及典銓曹拔其賢者又凡幾而已無德色持衡  
欄平士譽藉甚裴楷清通山公鑒別方諸古今量同斯  
揆茲晉門下省列九卿秩秩乎公輔之望矣往歲太孺  
人壽七十君瞻雲祝頌搢紳先生之徒侈爲聲詩效松  
柏之詠稽瑤池之懿君命兒子馳千里歸以獻太孺人  
披圖聽之亦何殊吹竹彈絲而敲金戛玉也今之弭節  
桑梓稱彼兕觥春暉之戀曷維其已第聞之汲汲求甘  
旨朝惟夕愉者匹夫之孝也汲汲求仁義百年樹德百  
世樹名以期顯揚者卿大夫之孝也即使君依依庭闈  
不忍舍去太孺人雖無離憂然其心弗樂矣使君出入  
金門樹有令聞太孺人雖無繼見然其心樂矣君之孝  
思固在此而不在彼北征之期方日望之也君行之日  
諸大夫咸有咏歌爲贈謂予同籍知君最深命操牘序  
之

雜說

淵明爲彭澤令官至微也三旬九餐十年一冠家至貧  
也然令名至今諸陶姓者以榮桑真派爲榮唐之林甫

大雅堂摘稿

卷下

十六

宋之逆槍當時身為宰輔氣焰蓋世其後子姓族黨無敢認其宗支以此觀人之不朽於天地間誠不以官之顯榮也彼殫力窮年以營營者何為哉

### 紀壽

嘉靖戊午仲春五日瞿母秦太孺人年七十先是母以其子侍讀君貴封太孺人就養京邸朝夕愉愉雖老眠食無衰起居惟適健於壯婦焉初度之辰諸瞿君門下客儼然造况生請曰夫飲江河者究源泉探珠玉者識淵谷諸士遊公門有年矣請所以為母壽者生曰客東西南北人也其陳物士之珍極視聽之娛託詩人比興之義以侈祝頌將有擇焉吳客曰松江之魚細骨銀鱗笠澤之鱸膾玉霜及饌以龐女調以莘臣可以壽乎生曰川澤之味尚矣楚客曰篠簜未數蟄雷在地箇籥未

大雅堂摘錄

卷下

十七

成籥龍初起青青竹笋以供滌瀹可以壽乎生曰山林之實充矣趙客曰太行之山其勢逶迤岡陵是祝以作壽杯瀛海之水其深瀟瀟川至是詠春酒醴醕可以壽乎生曰水陸之奇觀備矣越客曰秦望之外滄溟之區金宮銀闕雲霞室盧玉妃金母青鳥麻姑姑射之神羨門之姝或拾瑤草或佩瓊琚倚洞天而獻頌望丹丘而駕車可以壽乎生曰宇宙之靈境迥矣予則稽諸理夫天啟昇平之運非獨出名世之臣必錫其親以純嘏焉彼窮經不萬乘不得沾一命或貴遊矣而不得其親之壽親壽矣而衰白不得就祿養豈非命之制而天之所不厚乎瞿君起家詞垣當熙洽之世閱金匱石室十有五年出則宣昭明聖盛德述文臣世家賢大夫之業數校藝苑顯巖穴之士入則必以其所紀載告于太孺人

太孺人為之色喜益加餐飯瞿君稱觴上壽見太孺人之健為之驩甚即人世之樂蔑以加矣世稱陶士行歐陽公勳業文章謂得湛嫺鄭孺為之母今太孺人之賢不愧二母瞿君懷獨行君子之德卓然名世又豈殊二氏也予雅善瞿君因客之請而次第其語以為母壽

### 蜀泉

夫仕通籍垂紳期振振樹立以表見于時世顧輕外重內微藉容庇蕲不踰國門坐致顯達此何以謂焉趙君舉進士於予同座主初試政得仁和令以行仁和為三吳都會東南孔道案牘煩劇視他邑數倍請謁將迎之勞十倍之得民理者或以禮文闊略招尤狗士譽者或以職守廢弛負累難之乎為令也趙君令茲適當島夷充斥徵發益急迺獨能其官甚得民心而薦紳冠蓋相

大雅堂摘錄

卷下

十八

屬又稱仁和之賢藉藉也及為春曹郎旬歲且再予游之數矣規其恂恂雅飭惻惻樸忠不能嫌嫺媚俗有長者之風無何竟擢四川僉事夫僉事之視令蜀之視浙不可同日語矣趙君能於彼豈難蜀道輕車熟路爾監司持紀法以風郡國類非脂韋巧合者所宜君以所自持者往何所不可表見即使不出都門歷卿寺踴躍嚙嚙豈其所厭心耶人謂趙君非薄蜀泉第斯此月不得一命為親榮乃闕典爾予曰不然夫孝惟細大論始終廷臣仰奉給三載徽惠主上加恩其親則人人能乃飭躬修政詒厥令名兢兢乎弗易哉昔君為令能是名能子為郎賢是名賢子今之為大夫又才不名子之才乎是古人之所以榮其親大非恆情比雖燁燁龍章煌煌冠服恐未可以此易彼也矧繼是登臨壯懷勸庸且



得推恩累封不獨謂今已也於是趙君聞之大悅遂驅車而西

### 參藩

往予遊宗伯歐陽公開桂林宋君賢也後遷春部於君爲同舍朝夕論交驩甚益加嚮慕不數月君有湖南參議之命初君舉於鄉爲第一年脩然少也明年舉進士官行人以限年不入臺諫任爲膳部膳部稽宴享食羞賓客委積出納職務視他曹爲稍簡宋君蓋先後爲郎幾十載乃擢藩參人謂宋君才美始之不得臺諫繼之不得劇曹爲未足展其蘊也然禮始諸飲食達諸財貨百物故周禮膳夫掌王膳羞太宰九賦歛財賄均之屬天官明邦治夫謂膳羞有國之細故財賄經世之粗迹得乎宋君以端凝之器敏達之識諸曹郎咸雅重之以

大雅堂摘錄

卷下

十九

爲莫及茲而釋禮文之司任財賦之職是亦足見諸行矣視所轄衡永在九疑三湘間地廣人稀歲征實繁緩之則國計無賴急之則民不堪命或入谿洞作巧姦治或藏湖澤相隨推理理財者則謂之何聞之理者禮也禮以菴之民不窮而賦自足地弗擾而國攸利宋君亦何有藩司哉異蛇之威自古爲病永州江山風物今不殊昔柳儀曹之文千載常新固有俟夫觀民風者宋君嘗貳儀曹今又歷其地覽其文必有犁然當於衷矣予何言之足贈

### 論詩

古詩有賦比興今之歌行直指其事抑揚鋪敘有賦之體今之選詩婉轉託興即此詠彼如詠婦女以喻君臣詠古人以見己志有興之體今之律絕兼比興一體或

借物爲喻或觸景起興其義不一要之歌行忌卑弱選詩忌直率律絕忌淺露能深於此可與語三百篇之義矣

### 論畫

吳有博古生好古畫有得之者不惜數百金購之况子聞之曰子有太古之畫一而生未之見也或曰趙松雪之釋像蘇長公文與可之竹乎曰非古也或曰韓幹之馬摩詰之山水乎曰非古也或曰唐畫之傳於今者絕少而猶不足爲古然則先秦兩漢之物乎曰古則古矣而非至也匡廬之山彭蠡之湖自開闢以來天造地設有此奇觀或結草廬或放孤艇終身玩之不窮世間之畫有勝此者乎

大雅堂摘錄

卷下

二十

記類

貴州提學道題名記

國朝稽古建官尤重文學之臣在兩都命司成掌其事在諸路命憲臣奉璽書乘傳往得非隆官師求茂材異等光輔中興之業乎歲己未予自禮官大夫督學貴陽既至閱公署舊無題名夫今之守一官者無論中外巨細其所居必紀名而貴之督學獨闕焉曷以昭懿矩垂將來爰慨文獻之莫徵悼先哲之易泯搜求往牒咨詢故老得上元沈君而下凡二十四人以予耳目所親記其人皆卓犖靜韜光匿美類能列于不朽之塗視他省爲獨盛何以哉夫味道腴者甘澹泊薄寵利者樂疎邀巨材隱於深菁丹砂伏於幽巖足跡所不履採購所不逮故得全其天真珍奇錦繡列於通衢朝過而夕驚

大雅堂摘錄

卷下

二十一

二者較其遲速不可同日語矣貴陽僻壤寂寞之態等於野戍荒村溺紛華者不居焉然貴雖殊俗雜處章縫之士皆能習孔氏之說誦仁義之文其質淳樸愿慤循雅馴以予振鐸其間甚易相信又其地冬無嚴寒夏無酷暑四時如春得陰陽之和彼煌煌要津炎炎通都或未必勝此也予見宦遊者多薄貴陽故識之以告夫後之蒞茲土者

重脩畢節衛儒學記

畢節學舊在衛城中後改遷東門外兵憲零陵蔣君詰戎之暇加意營校謂新學風氣峭露不利於博士弟子員宜遷故地便乃請于兩院捐金購材爰飭百工廟堂齋廡因其舊制門祠碑亭增造維新葺月而工告成諸生將蔣君命需言于予予告之曰諸生知遷學之意乎

今之學非創制改作廟貌如故俎豆具陳復其初而已吾人之性亦有初也仁義之藹至精至粹其初人人同具乃紛華奪志習染移性引之而遷者不少矣有能惕然悟瞿然改思復其故吾本來面目卽此可見諸生知圖其舊以居業而不知求其初以進德非善學也彼明珠在懷逐逐然求諸途之人惑也家有千金百務取諸官中而足乃沿門持鉢求之人以爲病在矣諸生尙思復其初乎且畢節東西川貴諸夷雜處昔孔子欲居九夷匪直傷時亦以夷之人顛蒙未鑿可因化而入於善所謂在夷狄則進之諸生羣習其中勉強學問復其真性文教寔昌俾聖人之道如日中天諸夷將忻慕嚮風望宮牆而來矣不然徒相率以入于夷也吾爲此懼焉

大雅堂摘錄

卷下

二十二

傳類

劉成穆傳

劉成穆字玄倩蜀之崇慶人也其先出新淦劉氏商于蜀從外氏爲杜三世至杜朝紳正德甲戌正月甲寅夜夢有鶴書於庭遂生成穆仍復劉姓穆生七歲知詩文十歲博識今古十五遍經史然非秦漢之書不讀文章恥爲近代語詩賦未嘗刻意操觚立就無塵土氣談玄論兵珠貫川絡其於世紛澹如也朝紳爲戶部郎攜穆居京數載走馬燕趙之墟感慨吟詠慕豪俠之風嘉靖辛卯朝紳督餉江右攜歸省親時汴中張鉅視學西蜀力振風雅聞成穆名微有司赴試試嘉禾賦其辭曰維皇帝之十祀兮臻靡隆於亭嘯思至禮之渙兮竊嘉衡於浸微三靈離而弗叶兮醇浸閱其弗彌乃啓衷以大雅堂摘稿 卷下 二十二

扞訓兮亮粗詰於玄祉張旂颺其既暢兮龍轡輟以倏下豐靈鬱以連曉兮蒼虬馳以潛駕擗蘇溟以旁及兮駸薄施於就纖兆茲嘉禾之穰移兮寔至澤而駢蕃蒼葦藉以榮殖兮蔓扶蘇之若雲奚馮翼於雕廟兮益工妙於大鈞坳翕勃之淵令兮遡神以拾機斂濂沈之泝泆兮鐸坤輪而超之玉莖矯其濯濯兮珠英擢其形晞泥玄露以滋麗兮涵素沉以奉起豈人力之劬焉兮就冥則以昭示遺祈祈以明錫兮垂茂祉於物象介景祇以重暉兮襲無言以宣暢覽隕休而輯之兮莅動息使微意微瑞符於鑑局兮罔問於默喻爰旁綴其芳藹兮無蕙艾以汙亂願俟時以成實兮觀淑賢以授燦將薦之上帝兮備柔盛於璜璫潔羞於王公兮固不遺於蘋芷亦稽揆於往述兮羌珍崇以燭曜衆人願願以終

歲兮紆綢綬以相喜故命之曰天兮實吾民之所倚昔詰王之峻登兮擢馨韓以爲寶皇猷焯其猶襄兮豈直布夫龐畝離沫之沃野兮又蠶鳧之故都民混噩而詮朴兮唯耘耨以含哺圻狡獪而弗營兮愚將忘於垌野雖芒昧其莫知兮亦騷歎以疇樂玉壘岑嶽而磻阿兮固緒硯之林也岷江澄澹而千仞兮亦多鮪犀之壩也碧鷄金馬之鑲錯兮祇足以爲奇誇也編鉤璫珠之瑛煌兮幾固不可以餐也惟茲禾之由奠兮固天之錫於余也乃拊耜而歌曰朱蘼茨兮約芳紫梁纓兮琳光獻丹圖兮瓊霞燦湘沅之梧兮赤瑤瓊采嘉禾兮盈筐祝皇仁兮無疆文庭秩兮絡珪璋臣夢龍兮君機皇海隅照兮殫萬邦甄陽垠兮壽且昌鯤讀之嘆曰開元迷津詞賦絕響爲日久矣吾子嘯在弱齡握璫摘藻不染流俗務剽瑕璣筆厥蓀芷嘉禾豐篇倚馬以獻自今觀之顧已揖讓揚馬出入屈宋矣奇才奇才海內渺儻將來底績僕不能量誠願少自珍秘罔跡踈華苑藝場佇望獨步強入試院以明春秋經鄉舉第三明年上春官不第遂卒卒年十九著作頗多其所傳玄倩集纔十之二三爾贊曰文者霄壤之精華文士多不永世豈造物亦忌之耶使成穆未死其所就于莫之究竟矣聞之蜀人言己丑之歲夢入五雲仙洞二道士迎於門臨別以詩有重龍望子回之句竟以壬辰三月卒嗟乎李長吉未及壯年夢有緋衣之召然錦囊麗句至今稱頌成穆所得灼灼可傳未爲夭矣彼泯泯無聞竟白首陸沒也亦何以生哉

大雅堂摘稿 卷下

二十四

檄類

喻貴陽諸士檄

本職疎拙濫列春署通承簡命提督貴陽學政照得風化以禮教爲先典學以敦本爲務皇上重禮官之遣往西南之邦以督學之事委紀法之司崇儒作人意甚厚也往丙辰之歲嘗奉命校文春闈兢兢焉圖得真才效用茲者復膺重委造士一方益深祗懼夫模範罔稱問學寡昧無以宣主上德意本職之咎也而舊習是安不能更相濯磨爲盛世通儒亦諸士之恥也仰惟聖謨昭垂具載勅諭儼然師訓無事他求今稍加衍繹列爲科條誠願與諸士體驗率由登于大道勿飾虛文必期實效爲此合行刊布俾各遵照舉行

論類

修己以安百姓

聖人之視萬物一體也故能聯屬天下以成其治夫人之相生於天地肖形而不相遠以其同一氣也故凡羣然而居嬉然而游其血氣心知之欲不學而能去危卽安之念不謀而合聖人欲使之舉安不必人人而悅之事事而求之惟敬以修其在我則彼此之際流通無間一氣相孚分願各足有不足以胥天下而安之乎孔子敬之爲言君子之能事已畢于路疑其未盡而復進之以安百姓聖賢分量之大小亦可見矣且五方之民言語不通嗜欲不同雖重寄譯以達之猶懼其達也胡貉之人其性耐寒楊粵之人其性耐暑雖置命吏以治之猶懼其梗也而聖人者乃不出戶庭而得輯寧之術不動聲色而措斯民於磐石之安何脩而致此或者曰衆人熙熙皆爲利來天下攘攘皆爲利往安百姓者以利導之爾然利之所施有窮非久安長治之策也或者曰千金在前猛虎在後越澗谷如康莊安百姓者以刑賞驅之爾然刑賞之所制有限非至誠感物之具也蓋聖人之安百姓天之道也天之生物唯人得其秀而最靈人之並生其間皆同胞也皆同得中和之氣也孰爲彼乎孰爲我乎惟私其身者適己自便百骸九竅六藏賊而存焉吾親而悅之微軀之外遂成秦越對待之形遂隔藩籬此其推之一家之人尙有慚德十室之邑尙有室礙何論四海之廣兆民之衆哉故拘方而畫界者曲士之見也疏觀而遠覽者達人之度也南郭子綦隱几嗒焉謂吾喪我是能忘己者也釋氏謂無我相無人相

無衆生相是能忘己忘人者也是二氏修己之心雖與聖人同而其經綸之妙用則與聖人異蓋聖人以天地萬物本吾一體夫人好惡其性非與我殊故其視匹夫匹婦之未安真若疴痒疾痛之切吾身而其使百姓之底以治真若慈母之於赤子陽春之於羣卉其欲盡扶持全安之曷嘗一日忘于衷哉故不求之法制禁令之粗而求之精神心術之微不飾之聲音笑貌之末而圖之端本澄源之地隨時而戒謹恐懼隨處而慎獨其喜怒哀樂隱而未發四時之氣已備其發而中節陽舒陰慘之以時則敬之在己無不修帝天之錫我以中和者無不致由是一念之善景星卿雲以見太和元氣流行於宇宙之間海隅蒼生並受其平康之福夫豈私智小術以得之哉蓋上下一理也萬物一氣也中和之致雖

大雅堂摘稿

卷下

二十七

天得之以清地得之以寧精誠所格雖夢或以之退舍落日以之駐景矧於安人乎又矧於安百姓乎若此者亦非君子專事於身心而略於紀綱政令也蓋敬也者無衆寡無小大無敢慢合內外之道成始成終之學也有關雖麟趾之意敬於其心也行周官之法度量地興學修禮明教養老恤孤謹權審量讀法平價如成周所以致太平者敬於其事也此君子之道非倚於一偏而天下稱善治也稽之於古百姓昭明者其惟允恭乎百姓安之者其惟溫恭乎堯舜之允恭溫恭即夫子之修己以敬也子路樞衣門牆亦有年矣其於一體之義猶未能深明篤信若此必如曾子所謂明德親民于思所謂篤恭而天下平孟子所謂大人正己而物正然後足以發聖人之蘊教萬世無窮也

策問類

詩學

問聖人教人學詩爲先今觀三百篇多出於閭巷童稚閨門婦女其人鮮知學問啓口發聲皆合於道至有極力摹擬如補白華華黍不得其近似何歟蘇李倡和開關房庭建安父子著作於兵革間得之乃學士大夫操觚窮年尚未窺作者之奧豈詩固有不學而能者耶抑有學之而未能也嗣是有作或流連光景或鋪敘議論或發明理趣或競靡詞林不知果合於風雅之旨否也今之策士雖罷詩賦科然至檢才讀中秘莫能外之諸士幸揚摧以觀稽古之學

仁義節制之兵

問兵貴仁義其次節制然稽之往事不誠不成列胡以致殲而馬陵設伏乃以成功仁義果可恃歟提步卒不滿五千胡以降虜而請兵六十萬乃以滅楚節制果可信歟軍中利器有烏號有繁弱有金僕姑有鈎戟長鑱有革筈木薦孰爲我之長技乎列國猛士有飲飛有材官有武卒有車騎樓船有努手劍客果何地所宜用乎今南北多壘戎事爲先武備之修當事者所欲垂聞其數言之以觀爾志

大雅堂摘稿

卷下

二十八

老墨漢儒之辨

問儒者品題人物必中持衡非徒隨聲附和也試舉一二與諸士商之老氏墨氏世以爲異端也漢代諸儒世以爲未聞道也然孔子問禮至稱其爲龍韓愈又以孔墨並稱此何謂也漢人傳經史氏列諸儒林至宋儒註書每援引以取信此又何也今二氏之書兩漢之文十

三經之疏具在其有背於聖言者歟夫不察其操心立言之極而肆爲臧否此與觀場捫燭之見何殊諸士博覽載籍願昌言之因以自鏡焉

#### 貴州兵食之議

問兵食經世急務貴陽僻在遐陬漢夷雜處以兵則諸衛戍籍十無一存以食則地鮮田賦仰給川湖比因銅平增兵防禦至借官軍額派以資餽餉即邊境晏然一歲之入尙不足支一歲之用或變起不意計將安出也頃者容山土酋踐守備寇施秉窺鎮遠聞我兵與則鼠竄兵散則不突或謂宜合三省兵力搗其巢穴或謂衛司兼制徵調爲難川湖頻年逋負不出謂當割四土司四邊衛以隸責不知果可行歟諸士生長是邦籌之預矣幸悉心正議無隱焉

大雅堂摘稿

卷下

二十九

#### 貴州軍民之弊

問貴陽初列衛戍每衛多者萬人少者數千而糧餉常足今之隸籍者不及十之一二而倉儲時時告匱官軍嗷嗷待哺其故何歟土司之兵樂於自相攻伐或因先世積忿或因田土界限勾夷讎殺頻年不解至公家調發討賊或未必奏功而居民先被其擾害其何以制之茲欲使衛士額數不減糧餉不缺使士民勇於公戰怯於私鬪將何術而可

#### 問老氏墨氏漢儒之辨

夫學者博覽載籍權衡往哲必攷其平生大較與其論著可述於後者鑿鑿有當於衷設以吾身處其地而安也設起其人于九京評騭之而服也而後爲公是公非矣若不究其操心之實而妄置喙不窺其制作之閤而

遽彈射之是猶借聽於塗之人郢書而燕說之也則謂之何當疑夫老氏墨氏漢世諸儒皆以一代之英而冒不韙之譏也且老子嫉世之攘奪於智力非至人之養身故著道德以諷諭之觀其所謂知止不殆即益之謙受益也所謂其政悶悶即舜之恭己無爲也所謂天地得一以清寧即易之大哉乾元至哉坤元也至其再傳而蓋公授曹參以成相業豈專以頤真也又再傳而河上公授漢文以成帝業豈專以存神也故孔子問禮於老子而謂其猶龍也墨子悲世之私便其身圖非仁人之用心故率天下而盡愛之觀其所謂尚同即孔之居是邦不非其大夫也所謂兼愛即孔之汎愛衆博施濟衆爲仁也所謂尚賢明鬼即孔之好賢如縑衣我祭則受福也至其里名朝歌爲之回車守己之節非同流合

大雅堂摘稿

卷下

三十

汚也工於守城敵不知攻濟世之才非空言無當也故韓愈謂孔子必用墨子不相用不足爲孔墨也然豈惟老氏莊生俯視宇宙眇小塵寰何其達也胸次之高殆列禦寇關尹子之流乎豈惟墨氏楊朱獨潔其身簡易不煩何其介也廉靜之操其荷蕢接輿之徒乎是數子者制行不同其必欲爲善之心真切無僞與聖人之心一也特其爲教或傷於矯枉或病於過高其流之弊不能無少差殊視中正之道或以爲少異爾豈薰蕕懸絕也若漢儒傳詩書與易者各四家傳禮與春秋者各三家是數家者或子孫相傳守其世業或生徒傳授守其師說講求於秦灰之餘論次於殘缺之後良工用心亦已勤矣故太史公列諸儒林也由今而觀董子之醇正賈生之通達申公之持重夏侯勝之力學鄭康成之博

治匡衡之經濟京房之占候孔安國之注疏伏生之強識劉子駿之著作皆卓然爲當時之名家六籍之羽翼也蓋兩漢去古未遠其心胸渾厚非涼德薄識者之可倫其經學專門非掇拾糟粕者之可比假使當時無漢之諸儒則祖龍以降學之傳於今者刑名之習卜筮種樹之說爾宋儒雖有表章之功亦何所考據以取衷也世之人乃謂其不學無術此何異渡江河而忘其楫悅虎豹之文而去其皮也然漢人之可傳者獨經術已哉語史學司馬氏史記良史之宗也語詩學蘇李枚乘古風之祖也語政事龔黃韓趙吏治蓋蒸蒸焉語詞賦相如子雲文學蓋彬彬焉語邊功衛霍在西北虜庭至今稱漢也語奉使陸賈張騫在西南荒徼至今歸一統也試使末世論議之儒與漢材比氣量力較藝程能豈可得同日語哉大抵論人於三代之下老莊楊墨一世之高士也漢代諸儒百世之豪士也諄諄者不察其心毛比繩引其蔽豈直無星之稱無寸之尺已哉

大雅堂摘錄

卷下

三十一

大雅堂摘稿卷下終

大雅堂摘錄

無卷數 江西  
題據探進本

明況叔祺撰叔祺有考古詞綜已著錄是集千頃堂書目不載江西通志亦稱是時王李之學盛行有後五子廚五子等目而不及叔祺大雅堂集世亦罕有傳者則明代已不行於世矣此本題云摘藥則尙非叔祺之全集詩止近體無古體叔祺尤不應若是之陋或選錄者不諳古體惟取其所能解耶

天目先生集二十卷附錄一

卷

〔明〕徐中行撰

山西大學圖書館藏明刻本

附《四庫全書總目·天目山堂

集二十卷附錄一卷》提要

徐天目先生者故江西左使中行也家居天目山之陽因自號天目山人云先生卒豫章時其遺稿多散佚而吾弟敬美走治喪事鳩之僅得十之六以屬其門人郭造卿蓋三載而始致自造卿所張司馬肖甫時鎮浙為梓行之先生之從子詠輩謂知先生母若不佞宜有序不佞固已倦筆研且聞之策諸生者云天下蓋有文章之士呻吻而談先秦櫛韻而卑大曆一操染則謂千古盛事一語稍合則謂靈均以來此秘未

觀意味偶同則曉曉然而謂努力中原鞭弭當世始而倡之者一二人既而和者數十人又其後人人能矣其言人人能者安然竟以是獲時趣人以諛不佞若豈其一二人人耶不佞老忽忘前語于鱗或有之然此一二人自于鱗外不先生當亦不佞于鱗沒先生今又沒而不佞復序先生集無論即不能為先生重世用是見訾詆即序之而疇信之詠輩曰不然微夫人而知家先生者不加益也微夫人而不知家先生者



亦不如益也無論家先生倡第吾子倡而家先生和誰曰不可且吾子之善家先生天下莫不知奈何以一時嫌而避棄其生平不佞無以應乃謂詠輩何俟余言子之家先生推文辭而表者無過何信陽碑其大略曰鄙人之言何知文士往往鮮行遂以槩天下賢者謂不得與節義齒則投管歎之士之經緯兩儀彌綸三極其次恢展鴻猷潤色駿業又次閔時政得失主文譎諫勸戒所由昭焉節義其一支耳何言不得齒

二

也則彼所稱士之能文譬之農服耜工之貿易其本業者抑何重輕懸殊也夫先生雖要於重文事至乃高自矜矜謝黨同伐異相持撫而不能相下如彼所稱斷斷乎無之不佞與先生友三十年生平無移市色不作仰天眼卑異自牧汎愛容衆親仁煦煦其所邁苟一能操染即傾心事之不必均行也得一當心語即激賞而進之不必盡同調也已有所結撰出而合乎古即歎然曰吾尚未敢當執鞭進而古人所未經道更

自疑曰得無離乎亟繩之二子以故先生於文章有實勝而無名高令其集具在諸詩咸發情止性喻象比意或清而和或沈而雄緩態促節變化種種然以引於左準右繩無弗合也持論之文辨而不激敘事之文峭而能潔發意之文暢而歸典不知於西京何如東京而下當無復有賢於先生者且夫靈均不為近體而先生與于鱗不為騷則終始不相覩已何言未也夫鉅飭古文奇字期駢目詞心而止以此苛責于鱗

三

或有之先生集具在藉令坦腹而受彈射焉在中的嗟乎如此而又何難倡焉先生為文名家餘三十年然天下信其人不以忌故而廢其稱長者歿之日不能調棺殮其鄉人哭於鄉所後先治吏民哭於其地客被一顧盼者趨而赴哭於喪咸若一則文士鮮行所三歎於信陽氏者先生深旨哉語有之與媿為闕孰知其故今夫驟貴者有所踴躍示舍而傳絳灌之模以自植趣好者爭增樹牙頰肆言而挫相形之敵以示

親此故也夫安能不一辨雖然先生之茲集行  
天下後世要必有皎然者道並行而不相悖何  
為乎言哉余贊矣余乃贊矣吳郡王世貞序

四

天目先生集目錄卷之一

五言古詩

題西園雅集卷

離黃園二首

得于鱗書

五游詩贈郭山人

贈極愚子章羽士二首

懷李于鱗

懷王元美

天目先生集目錄

一

懷吳明卿

春暮將赴汝南廣川舟中寄懷京邑游好

三首

答郭次甫

題萬言卿西原精舍二首

題沈比部藥湖書堂

送吳生遊楚

得滇南除目戲為

卷之二

七言古詩

贈戴金岳伯常

贈湯邑博

送李于鱗守順德

送吳舍人明卿還楚

神樓篇為大司寇劉公賦

送張中丞還山曲五首

捕虎詞二首

高陽行送沈嘉則入閩

天目先生集目錄

二

滇南送陳方伯歸錢塘

與答侍御李公

大將軍戚公歌

過秦郵與袁明府文較飲甌社湖因憶吾

友宗子相當豪飲于此屈指二十年所

矣袁是子相通家子也感而賦贈

此君操

風木卷為慚吾烏李君題

安期行題畫壽慚烏李翁八十

卷之三

五言絕句

活水池

詠顧汝和舍人種桃

題顧汝和石鼎寮

邛竹杖

次劉明府宴二大參松雲庵韻二首

送陳明府之任慈谿

七言絕句

天目先生集目錄

三

送元美

寄謝茂秦

書萬都閭鹿園卷留闕方士處二首

送宗子相還廣陵二首

燕臺感舊

和子相石牛驛聞笛見懷之作

停舟溪上懷子相

登霹靂巖逢子相雷雨驟作

秋日建溪懷明卿二首

哭光祿汝所二首

爽臺送別朱生

梁園送青州馮公督學浙江二首

送子相還

送于鱗之邢州三首

送許趙州兼訊李邢州

送元美二首

同明卿惟敬登太白樓

送于鱗還郡

天目先生集目錄

四

吳門送周水部謫楚二首

俞郎中德甫使越時余在吳寄此懷之三

首

感舊

懷于鱗

征南鏡歌二首

送明卿出汝南城三十里風雨驟至夜

飲村店同賦

于鱗謝病濟南寄訊

送張尚璽助甫左遷別駕四首

寄答汝南諸明府

寄贈侍御潘子良督學畿中二首

贈總制汝南喻公破胡鏡歌二首

戲詠盆中品字蓮二首

寄張亮卿林彥仲游明仲趙以忠四子

懷于鱗

出囊中古劍吳筆寄贈明卿系以口號二

首

天目先生集目錄

五

懷明卿

寄在明

寄齊相許殿卿時于鱗病免濟上

送丁參軍之楚幕二首

奉和黃公金溪詠四首

芙蓉峰

文筆峰

錦屏峰

曲溪

贈蘇進士歌者新春

華陽明月曲二首

送吳明卿

奉懷灌甫公子

廣陵史德初訪余山中

崑山周胤昌自金華郡丞進守故治賦寄

此詩

挽中丞王公三首

送司馬蔡公赴京四首

天目先生集目錄

六

寄黎惟敬二首

包護軍中丞汪公幕下士嘗受詩于明卿

余贈之于宜城四首

楊林驛遇賈孝廉出長興顧中丞大字西

蜀楊用修詩札留贈二絕

九月六日穆水部逸登蕪湖吉祥寺

張生從梁舍人游嶺南攜李舟中和贈三

首

攜李遇梁思伯夜飲舟中

延平王良材以畫梅見遺賦贈

送謝公子往豫章

寄答匡南王孫

中丞劉公平海寇短歌

歲除得宋大參書卻寄

哭醉石山人朱邦憲四絕句

送馬公子用昭赴試北畿并示國博歐楨

伯太學郭建初

席上送夏將軍專閩廣右

天目先生集目錄

七

李文仲自山陰來視余閩中將為五嶽之

游席上賦贈

寄答吳允兆見懷四首

謝王孫貞吉以銅章五嶽圖見遺二首

贈郭建初南還二首

六言詩

宜城贈包護軍

再贈包護軍二首

壽憲副陳憲卿年兄七秩二首

卷之四

五言律詩

人日同謝茂秦李于鱗梁公實王元美集

宗子相宅

十四夜同茂秦于鱗公實子相元美集靈

濟宮

三日同茂秦順甫元美游姚園分韻

送吳隆吉郡丞赴廣州

南溪放舟

天目先生集目錄

八

苦雨

送郭侍御左遷永安令二首

席上贈別吳明卿同諸子賦得心字

春日同順甫元美游姚園

春夜席上懷茂秦同于鱗子相公實元美

賦二首

過顧汝和所遞黎惟敬不至得寒字

祀陵二首

章行人景南署中送謝山人

送譚僉憲光世之楚

于鱗元美同日發偕吳宗二生送之分賦

吳給事謫豫章四首

卧病簡于鱗明卿二首

問于相疾

秋日二首

哀商中丞

同吳明卿集楊園得文字

同明卿飲胡司農山亭

天目先生集目錄

九

贈壺關李山人二首

初出京邑寄于相

子相出補閩藩寄此二首

力疾訪余仲蔚夜酌

廬陶邑會于鱗

寄子相時于鱗游泰元美按晉明卿謫楚

郭黎梁三生再過客邸

得字汀州報二首

入桐江二首

順昌舟行

出守後寄舊游

過桃源鋪

征廣寇凱還軍中作二首

別子相入覲劍浦舟中作

和顏觀察七夕作

山居得明卿再謫報

壬戌除夕對雪邀郭次甫同賦而余病忽

作次甫遂去元日投詩見懷奉答并訂

天目先生集目錄

十

後會云

將赴汝南留別李伯承黎惟敬顧汝和汝

所楊邦彥進士郭次甫山人得臺字

郭次甫顧汝和兄弟攜酒韋寺園亭敘別

三首

衡河留別盛少尹

別明卿後淮揚水漲維舟金山登望寄憶

寄梁公智

寄陸無從

到郡得雨輿中作

汝寧郡署坐嘯亭讀書作

蚤發確山懷錢子才張德華諸君子

暮登滁陽

罷郡喜歸五首

歸過吳門會元美敬美仲蔚孔嘉淳父公

瑕魯望叔載幼于載酒舟中四首

卧病錢子良李德華顧幼禮過問枕上口

占二首謝之

天目先生集目錄

十一

舊有火魚寄養于德華齋中歸後見還繁

衍數倍色態異常喜而賦謝

卷之五

五言律詩

汝南罷歸山中作

閒居

山房讀書作

蘇君樞過飲青蘿館中席上賦此二首

卧病山中遇金陵趙君急菊飲余賦此遺

之

張子嘉過訪山中

病甚復起簡王元美兄弟暨俞仲蔚并申

修楔之約六首

贈別鄭山人

奉答李于鱗二首

答周真陽

答明卿二首

燕山除夕

天目先生集目錄

十一

汝南解郡入京飲戴錦衣園亭獻春吳邵

武嘗過此得東字

同袁魯望文壽承飲顧汝和雪舫得涼字

夏日同魯望楨伯汝伯和汝所道楨集國

博文壽承齋得涼字

立秋日重過魯望客舍得車字

即事志喜寄王元美兄弟

秋日署中二首

初度感懷

明卿守邵武五年不調忽有左遷賦此慰之  
之三首

贈四明董生善古篆隸印章

與元美方舟北上四首

過慎侍御子正山亭

挽太保劉文安公

客舍秋懷

寄題灌息軒

送御史大夫王公歸蜀二首

天目先生集目錄

十二

譙黃鶴樓賦得彌衡二首贈吳生虎臣

初入滇關二首

關索嶺二首

盤江雨霽

分水嶺遇雨

集武昌分司園亭同吳明卿余自分司遷

滇藩二首

將赴閩淮陽陳太守玉叔邀餞江上留別

饒賓州太守葉化甫還羅浮同顧季狂郭



建初分韻得花字

萬曆改元中行詣濟南祭于鱗墓學憲袁

魯望出餞于郊大計魯望被論留中而

魯望竟挂冠還里踰月訃聞閨中哭之

六首

五日約李文仲泛舟闔城西湖雨甚不果

小酌林亭同賦

和王敬美贈姚弘道詩二首

哭于鱗墓甫三載謝茂秦死于趙而諸子

天目先生集目錄

十四

生計甚微乃出橐中裝遺之

歐廣文楨伯方奉常允治李京兆于美寄

懷賦答各一首

春日過觀察劉仲修園話舊見其從子進

士思徵

王亮卿汪惟一過集李德華雪月樓余有

別阻不與賦此

祭于鱗墓六首

懷滇南戴王二明府兼挽段君

歐楨伯邀黎惟敬方允治李于美及余集

僧舍得文字

清朗閣為歐子耕賦

山中葬母為朱邦肅賦

道家山為程無過賦

賦得南海雙明月贈歐經李並呈楨伯

題餐霞樓

題王芝田卷

董體仁送余至固節旗亭飲別賦此貽之

天目先生集目錄

十五

過郝封君故園二首

同歐楨伯黎惟敬送門人郭建初南還賦

夏日東貞吉宗侯

對酒懷貞吉

問李德華疾二首

除夕

卷之六

五言排律

正月十六夜同諸子過順甫宅得鐙字

周翁受封京師便還吳中其子濟叔索贈

送劉客部擢永天少參

送黃侍御按滇南

送宗姪雲卿任靈璧縣簿

出越劍示王亮卿席上口占

送大梁李公轉東藩左轄八韻代作

同張肖甫送迺兄山人還蜀

題劉司空顧司寇張銀臺諸公湖南雅社

卷

天目先生集目錄

十六

杪夏從瑞金山行輿中作兼寄明卿

清溪洞

游靈岩寺二首

奉挽少師楊公詩十韻

卷之七

七言律詩

除夕示元美

九月八日登天津城樓遲謝山人李比部

賦

山陵道中風雨二首

卧病簡萬郎中章甫

北郊卧病不赴齋宿屬元美諸人並移病

因賦

答孫侍御秦中見懷之作

游荆溪張公洞

送元美出塞

哭梁公實四首

喜于鱗至

天目先生集目錄

十七

送于鱗還郡

送曹明府之義烏兼簡東陽吳尹俱楚人

呈少司寇何公

壽少司馬王公

李伯承諸子見過

韋園同于鱗子相元美席上賦二首

秋日登白雲樓懷于鱗元美

送范生還越

送周憲副復任滇南

射陽湖逢子相北上醉別

京口小飲江樓懷元美

采石登太白樓

寄贈李于鱗督學關中時余使吳

送元美兵備山東

奉寄大司寇箬溪顧公八十

送吳峻伯督學山東兼簡王元美

寄贈吳明卿之建安明卿先調南康

早春雪中胡伯賢歐楨伯北上見過登臺

天目先生集目錄

十八

分韻得絲字

玉女潭

黃臺泛舟懷子相

除夕登樓懷吳明卿

秋日同宗少參子相游朝斗巖作

寄題李于鱗白雪樓二首

表臺同諸僚友燕集

同諸子登表臺作

送兵憲李公量移還豫章余亦被播歸吳

興

彼調南還曾子澄都護還余春和驛席間

賦別因憶子相關中之會感愴今昔贈

此

諸僚及固始劉尹餞余朱皋鎮野寺賦此

汝南罷歸過光州游劉公玄湖作

飲固始中丞張公別墅作

寄許右史殿卿時為子鱗辭王官矣

別郡中諸鄉先生

天目先生集目錄

十九

寄明卿

虎邱餞袁魯望張伯起北上春官分韻得

吳字

再送袁魯望

送柳州曹文學之任瓊山

寄答廣陵歐文學楨伯

題門生汪惟一筠邱卷

長至陳達甫攜從子仲魚過集得旁字

解郡後寄懷李于鱗時先余乞歸七十矣

解郡後明卿還守樵川貽詩見訊兼有卜

居吳興之約賦此答之二首

吊孫太初墓

寄張孝廉幼子

答濟南魏使君順甫寄訊山中之作

和李子鱗重贈二美詩

內弟李德華與余比隣意得甚未嘗須臾

相失也頃以少司馬胡公聘修省志祇

役延陵就薛方山先生館局別忽三月

天目先生集目錄

二十

纔一會晤又棹舟泛五湖去矣言念睽

攜益增懷戀抽毫投贈情見乎辭

寄懷張中丞時余解郡還里

冬日訪王元美兄弟偶過吳門喜而賦此

答朱邦憲

萊蕪令王君以註誤還山元老招之北上

過訪山居席間賦贈

寄嶺南李僉憲

寄廣東馮大參

送莫廷尉之任南都

魏濟南順甫數候于鱗意甚篤至因傾示

詩草即為刻播日久未寄賦此索之

同年陳憲使自臨海枉訊

承元美同弟出金裝索貽書促余北上賦

此謝之

周貞陽明府同歐廣陵文學餞余于張掖

門時貞陽亦以候調至

題戴衛尉講堂侍直卷

天目先生集目錄

二十一

同元美兄弟夜飲許伯雲給事

都門送魏鴻臚還吳

贈梁伯龍

長蘆署中獨酌奉懷王元美兄弟俞仲蔚

及吳門舊游

寄贈太常楊公遷銀臺昔督學楚中

九日登蘆臺懷于鱗元美同弟明卿諸君

子二首

九日懷仲蔚

王仲房過訪將有十嶽之游賦贈

山居故將軍曾子澄夜過談及邊事遂北

上賦贈

歲暮大梁道中寄懷京邑舊好

涇溪王使君見過投詩賦答

題俞德卿江上小堂

邀鄭順甫避暑薛荔園有感舊游

贈葉順甫

贈顧中翰汝和奉使祭告德衡三藩并祠

天目先生集目錄

三

沂山東海已事訪予于鱗山中

都門送門生顏日莊令博羅

慎子正侍御初度寄贈子正以漳浦令高

第徵拜南臺抗論要人旋中以令事解

職

卷之八

七言律詩

寄懷張肖甫少參廣西

夜泊秦郵風雨感懷子相

元日簡黎惟敬

夏日臨汀門人鄧景范過訪賦贈

沈嘉則沈惟賢過訪分韻

寄徐使君督學楚中

寄汝南張助甫

吳志道往謁劉中丞于崇陽

送大中丞楊公之湖廣

寄答王元美

答敬美

天目先生集目錄

三

夏夜同汪惟一吳志道西湖對月

寄贈陸茂時吳志道寓其廡下

西湖送別黃子秀茂才還豫章子秀乃長

興舊明府之子

寄答黃子芳即子秀之弟

登峴山懷俞德甫卧病

奉答豫章王孫子晦并簡同年余德卿

送姚惟貞方伯候調之京

喜于鱗起家浙憲二首

于鱗書徵元美及余為文會于吳山意氣  
豪甚賦二詩壯之

呈大中丞周公

有諷于鱗不宜起者輒為解嘲二首

暮春汪惟一王世華孫從周夜集得紅字  
春日同吳太僕周給事高刺史沈山人陪

李觀察西湖燕集得山字

陸郎中汝成讞獄閩中脫柯盧二子囚遂

遷蜀憲副

天目先生集目錄

二十四

南昌謝侍御屬同僚費君索贈為賦

都門感舊

都門會于鱗

燕市送薛生薊鎮謁戚開府

飲酒濟南沈太史宅

同陳玉叔李元甫集李本寧宅時余將入

楚得之字

玉叔寧楚人  
元甫蜀人

出關遇雪有懷元美

贈劉開府

追于鱗不及道遇元美賦此

同元美渡江喜霽

過歐廣文首宿齋同元美賦

答元美戲為一首

秋日諸君餞焦山作

渡淮大風簡元美

戚希仲楊伯章二禮部攜酒夜過同于鱗

賦

九日抵京于鱗過飲懷元美魏郡

天目先生集目錄

二十五

九日洪山寺登高懷于鱗明卿元美兄弟

汪伯玉中丞起撫鄖陽志喜二首

寄谷中丞開府浙江二首

曹大參有卿自桂林入賀過燕赤壁同賦

時已三棒表矣

王敬美自陪京禮部分司遷員外郎還朝

武昌聞曹有卿自浙粵西擢浙臬寄贈其

先公當自御史分巡越中

李方伯黃憲使入賀

寄題芙蓉園

客部楊伯章擢大梁學憲寄贈二首

何汝肅年兄越拜閩省中丞賦贈

邱宗伯邀顧大參王侍御及余雪後登赤壁作

贈楊仲甫擢武關第一

年家陳玉叔廷評方子及刺史李元甫李

本寧二吉士方景武秀才過集得年字

訪于鱗至平原道中大風雪戲呈二首

天目先生集目錄

二十六

贈舒城李少尹孫并序

黃鶴樓新成

壽崇陽劉封君二首

鄭臺中丞汪公讌集

涪州夏時育嘗尉余邑還寧武簿乞歸十

載余赴滇道會其姪岳州倅民望附寄

此詩

晚登玄嶽天柱峯四首

謁宋玉墓

謁薛文清公祠公使楚奏罷采金之役

題周象賢太霞卷

嶺南陳公叅政關中

送長沙張少叅之蜀便道還吳

齊安雪中得仲晦王孫德甫觀察書并詩

卻寄二首

歲晏懷元美

春晴登鎮遠樓

歲除胡盛二省長貽書見懷人日卻寄

天目先生集目錄

二十七

十六夜中丞阮公招讌值雷雨

貴陽蔡侍御元夕還余讌集信宿賦謝

盤江驛舍阻雨寄汪惟一

觀察郭公餞別貴陽西關郭滇南人

過關索嶺醉後解嘲

夜集秦年兄署看月作

滇南聞于鱗訃哭之四首

大理送蘇進士之任騰縣侍御李公館甥

也

懷學憲尚公

卷之九

七言律詩

曲靖道中大風簡胡督學

初入金馬關總歸化寺

春日同三署諸公登太華山望昆明池

送按察張公還吳

程學憲還貴陽大參從蜀道歸省贈別

大中丞汪玉卿自鄭臺移鎮武昌寄呈二

天目先生集目錄

元

首

恭賀楚王殿下駢生二子

已蜀董太守守雲南三年奉法不阿夙負

清疆之譽計後凡四登除目不報竟擢

河東轉運使詩以慰之

夏日送鄱陽羅大參汝符自滇南先期入

賀萬壽二首

送莫大參子明自滇南還閩憲兼呈何汝

肅中丞二首子明弟為侍御

送賂給事購書還越

奉賀大中丞阮公平南詩二章

大理李公邀同周陳二憲使撫三塔寺梅

花園中

雨中同陳僉憲看道旁奇石

劉郡丞陳情乞歸

牂牁邵僉憲戶曹伯仲蔣禮部招游碧雲

洞

立秋前一日林憲副邀登玄通寺高頂

天目先生集目錄

元

登岳陽樓

九月六日穆水部邀登蕪湖吉祥寺作

登善權洞

得史少尹錢塘書卻寄

奉寄少師徐公

潘中丞漕河東歸賦二首

登涿州浮屠瞻望京邑有懷黎惟敬

奉答立春日黎惟敬見懷之作

登岱二首



送觀察鄒公入覲時長公進士佐試北畿

仲子計偕

呈司寇晉江黃公二首公初令長興余從

諸生受易門下

奉答范中丞敬夫九日見懷兼憶燕市舊

游諸君二首

送王鴻臚使閩還朝其先君按閩多得士

贈常德於太守二首

送叅知宋公調山東督漕一首時有海壇

天目先生集目錄

三十

之捷

明卿連大梁余聞省俱叅藩除目同日下

賦寄時明卿在夜郎而余頃亦自昆明

內徙

寄題匡南宗侯來爽臺

寄壽許諫議二首

輓太醫令周一之

紫雲館為史元象題

送康裕卿還永嘉

答李京兆于美

送黃太史冊封唐藩

輓故臨淮侯盱山李公

題宋封君勅誥重輝卷

答沈純甫比部

贈滇西王丈

道工送程太學還歙兼呈汪司馬

送梁右史之任荆藩

壽大司徒馬公詩二首

天目先生集目錄

三十一

七夕寄懷滇南李侍御先生

黃別駕同李德華姚弘道兩生過看牡丹

分韻得神字

庚申秋望王亮卿偕宣允則孫從周逕往

顧渚山拜余先公之墓乘舟便還而李

德華乃為下榻多瑞軒中則錢子良顧

幼禮在焉因憶徂冬于德華雪月樓嘗

一撫集養馬于懷遂各分韻賦七言律

一首余得樓字

秋日同王元美兄弟游顧司寇西郊別墅

分得山吹二字是日招宴城居

冬日大司寇顧菴翁招譙大雅堂賦行詩

見示輒此奉和

雪中陳庚老孫從周見訪即席賦此

卷之十

七言律詩

送張中丞肖甫還蜀

奉賀少師徐公元孫登第二首

天目先生集目錄

三

萬曆三年春正五日司寇葵峯七十初度

敬賦二首

客冬明卿自夜郎入梁賦寄

明卿入梁奉寄灌甫宗正

同宋大參邀方戶曹年兄靈山亭小集

李生瑞徵石谷少尹之孫也其父既物遠

謁閩省賦此送之

陸憲副內弟吳生通軒岐家言余嘗館其

家茲為憲副送家至閩過別賦贈

為嶺南周朝亮朝案二明府壽其貞母勞

孺人

僉憲石公以平南功進少參寄賀

讀宋參知題甘觀察江樓十六景詩病未

及和先賦此寄之

九曲泛舟二首

崇安朱明府邀宿天游

自廣川夜飲別道函垂二十年矣辱以不

佞覽揆枉問感謝

天目先生集目錄

三

寄答明卿

王元美聞府鄭襄五十初度

席上送李文仲還吳興

寄答元美

元美自鄭臺拜留京廷尉賦贈

答敬美壽余之作

敬美以尚寶使關中遂擢豫章少參賦寄

奉題中丞潘子良毗山讀書堂

贈陳廷器有序

再泛九曲遂登天游峯

送參知楊公調大梁并簡吳明卿楊吳俱  
謁宗子相祠

九日登松風樓感懷宗子相

賀中丞劉公平海寇詩二首

漆僉憲以中秘士授御史旋擢閩憲入賀

萬壽時有海壇呂宋兩捷

四明李太僕孝甫南游武夷便訪開府劉  
公還朝賦贈

天目先生集目錄

三

萬曆三年連江黃先生蓋九十二歲矣三

月六日其初度也中行自髫年從游邑

膠垂老再謁梓里敬賦進觴云

送臨安守昌公致政還閩有序

壽曾少參陽白

送都督俞公赴召京師

豫章蔡比部數枉騎相過惠示佳什意甚

勤厚賦此謝之

沈純甫自嶺南令見寄至是賦答之

春日歐楨伯同劉仲修沈純甫劉子大史

元秉康裕卿朱汝修邀黎惟敬及余集  
李惟寅宅得袍字

春日方允治李于美招余同歐楨伯黎惟  
敬集城西廣慧寺得無字

上巳惟敬送余南還因憶壬戌是日諸君  
韋園賦詩送余守汝南迄今二紀星散

且盡懽然興懷口占呈之

入計會秘書黎惟敬自南海至

天目先生集目錄

三五

次都門戲簡歐楨伯

元日入朝邂逅歐楨伯

楨伯惟敬月夜過飲

雪中方允治歐楨伯李于美載酒郊餞賦

別

過維揚周年兄邀余泛舟南郭登覽

計後南還詣崑會元美廷尉旋赴豫章賦

別

將赴豫章江上逢胡太史

吳明卿自梁罷歸賦寄

丁丑入都門適戚將軍餉酒歐楨伯郭建

初在堂

七言排律

黃河道中別吳生

賦得貞古石贈雲間吳比部十一韻

奉送太宰楊公西還十九韻

奉寄清源鄭山人十韻

卷之十一

天目先生集目錄

三六

序

送劉大夫秉卿守常德序

送比部萬章甫先生擢雲南兵備副使序

送左使陳公乞歸錢塘序

送鄧公恭南越藩政序

送梁大夫恭議貴州序

贈閩藩左伯合溪萬公滿秩序

壽左司馬新都汪公序

壽參知斗山樊公六十序

奉賀白川劉公擢南都大司空序

卷之十二

序

賀制府晴川楊公五十壽序

奉壽大司寇尊師葵翁黃老先生序

奉贈左伯節齋劉公致政序

奉賀都御史潘公拜少司寇序

奉賀大中丞新原江公拜少司徒督漕序

壽特進大將軍戚公序

天目先生集目錄

三七

奉壽畫溪姚公七十序

壽張母太宜人八十序

奉壽旌表節孝郭母盧碩人序

卷之十三

序

陳山人達甫集序

黔南類編序

瑣聞管見序

旅燕集序

閩中十子詩序

沈純甫詩序

姚江邵公去思卷序

太宰李公羣玉樓稿序

重刻李滄溟先生集序

史記百家評林序

臨汀志序

古文雋序 代

閩中郭子長集序

天目先生集目錄

三

中流一壺序

卷之十四

記

巡視北城監察御史題名記 代

何大復碑記 代

創建漢黃徵君祠堂記并銘

賢節堂記

長興縣新建講德書院記

長興縣修學記

昆明橫山水洞記

新修西南岳鎮堂記

汀州忠愛祠田記 代

卷之十五

狀 碑 墓表

明故資善大夫南京刑部尚書贈太子少

保箬溪顧公行狀

明太常卿贈正議大夫資治尹禮部右侍

郎恭簡魏公墓碑

天目先生集目錄

三

明故通議大夫通政使汪公神道碑

明故湖州府通判謝先生墓表

大明福建建寧府推官贈文林郎兩溪高

公墓表

明山西布政使司大叅王公祠堂碑 代

方伯陳公澍江祠碑

卷之十六

墓志銘

明通議大夫都察院右副都御史贈兵部

左侍郎熊公墓志銘

明故中憲大夫福建按察使司副使雨樓

陸公墓志銘

明封中憲大夫山東濟南府知府頤貞魏

先生墓志銘

明故封君北岡余先生墓志銘

配安人沈氏合葬墓志銘

劉太安人墓志銘

卷之十七

天目先生集目錄

四十一

傳

篁溪鄭先生傳

杜季子傳

擢園公傳

馬夫人傳

僕生傳

卷之十八

祭文

祭宗子相文

祭南陽嵇公文

祭少司寇涇川衛公文

祭大廷尉葛公文

祭司寇顧著翁文

祭臧茗泉文

祭郡伯姚石林文

祭陳獅岡方伯文

祭漸烏李公暨楊碩人文

祭方聽泉年文

天目先生集目錄

四十二

祭潘中丞令兄文

祭顏給舍父文

祭臧一齋封君文

兩院祭封君太師張公文代

祭雨樓陸年文

又

祭誥封張宜人文

祭范母陸太宜人文

祭劉中丞太夫人文

卷之十九

雜著

贈張季公小序

敘邵長孺詩

尚白篇引

玉華石聯句跋

五君紀容跋

王勃滕王閣序跋代

韓愈重修滕王閣序跋代

天目先生集目錄

四十三

古文雋跋

壽字跋代

福字跋代

元通神應贊有序

龍巖俞先生贊

觀歸祭祖文

祭白溪山后土文

歲除祭司土神文

紀夢示諸生代

宗公案牘

卷之二十

書

奉王元美

又

奉張肖甫中丞

又

奉吳霽寰

奉張助甫

天目先生集目錄

四十三

又

奉中丞北川陸公

奉劉嵩陽

奉林聯峯年丈

答王太史

奉俞仲蔚

奉總制喻公

奉萬西原

奉大司寇黃尊師

奉督學嶺山陳公

奉薛方山先生

奉明厓翁

奉王敬美

奉戚南塘

奉汪司馬玉伯

奉潘印川年丈

奉宋陽山

卷之二十一

天目先生集目錄

四十四

附錄

天目先生集目錄終 己巳九月二十四日

天目先生集卷之一

五言古詩

題西園雅集卷

西園美清夜置酒臨高樓涼颼散暄濁飛蓋聊  
行游芙蓉被幽渚好鳥鳴河洲皓皓鄴城月蕩  
漾清漳流衆星粲以繁冠佩列應劉玉盤贈神  
魚艷曲奏瑟僕賢王重片善磬折恒相求文雅  
鬱繼橫賓主紛勸酬慶雲布優渥何言澤不周  
俯視銅雀臺零落成荒丘觴至不盡歡良景逝  
不留載歌露未晞嘉會垂千秋

離黃園二首

鳳覽超世氛龍德寡諧俗大節自怡蕩世路傷  
局促故鄉有縣圖乃在崑山曲日月出其中雲  
霞蕩其麓五城十二樓照耀扶桑旭游戲安期  
生汎濫南華錄鵬鷁固異適薰蕕詎同欲嗟彼  
楚楚資判然豈予服時無陵陽侯疇能證荆王  
三復迷陽篇聊以衛吾足

吳興徐子

問田

桐城



二

茱萸亦有芳何如蘭與蕙惡木豈無陰何如松  
與桂俗士尚和光奄然媚於世至人貴知希塵  
埃自蟬蛻爲圓擬漆園偃仰寄高睨清秋爽氣  
鮮六合一澄霽神飈起天末明霞照海溼俛視  
游魚出居然契莊惠仰睇孤鴻翔冥冥向天際  
嗟彼蓁與葑徒令自蕪穢

得于鱗書

伊予河梁別楊柳方依依分手幾何時蟋蟀鳴

未留先生集

卷之二

二

三

庭幃商飈幸已厲白露沾人衣感時懷同袍中  
心愴以摧不惜故人遠但傷知音稀長歎謝流  
俗高臥掩重闌忽逢雲中翼開緘見音徽殷勤  
骨肉言夙昔歲寒期臨風再三讀慰我長渴饑  
喜極復垂涕願隨黃鵠飛

五游詩贈郭山人

郭生抱靈異本自煙霞姿束髮愛遠游所得皆  
經奇夙昔上太山爰值暮春時五藥皆翕施三  
芝亦歲蕤排虛登日觀流覽臨四垂鷄鳴海色

赭靈耀浴咸池滄溟僅一勺黃河細於絲縹緲  
三神山雲濤相蔽虧極睇金銀臺凌風欲從之  
道逢魯兩生時會于鱗殿卿太山下示以東游詩杖策往  
勞山果得逢其師從此謝塵侶倏然駕雲螭

二

余昔夢太華飈馭何泠然一舉歷千仞倏忽升  
雲煙松下有異人彷彿呼子先指余金天精名  
署玉帝前一朝挂塵網霞想未及宣我友歷下  
生逸氣臨高天躡足超滉漭竦身坐其巔千載  
天目先生集

卷之二

三

四

三

衡嶽何蜿蜒秀出楚雲重崔嵬赤帝宅合沓祝  
融峯璇臺倚空曲上與冥宿通朱陵闕日月紫  
蓋垂芙蓉禹時金玉檢石室今猶封仙宇紛星  
羅羽客往往逢緬惟蔡使君坐嘯清霞中彩毫  
灑絕壁白晝飛長虹綿邈經廿載君復振玄風

靈文授鳥字真氣開鴻濛安得從子去竝起雙飛龍

四

蝻蛭坎井居斥鷃枋榆息不騁無涯觀安知九州窄君偶燕市逢已躡恒山屐眷予汗漫期滯爾扶搖翮夙駕今復行上下將安適誓登玄嶽顛極眺海天色絕頂摩層霄玉衡手堪摘俛視黃河流倒趨崑崙石始悟太玄泉可以鍊金液緬昔昌容仙蟬蛻幾千億齋心倘逢之服食駐精魄獨往當自茲毋令濛汜迫

天目先生集

卷之一

四

五

五

維嵩鎮中天壯哉稱神嶽二室闕陰陽三臺倚寥廓松柏翳叢霄金壁蘊丘壑榮光晻象緯絳氣互縈薄巖竇多神芝仙靈此栖託燦燦三花樹玄冬靡凋落石髓可代餐銅鈔有遺藥平生慕王喬結念在伊洛君從大梁來申以嵩高作詎意剖符地果遂凌雲諾伊余方外期寧戀區中樂乘風倘再過遲爾緱山鶴

贈極愚子章羽士二首

黃帝登崑丘遺珠赤水側明智競索之乃爲象罔得大道恒若昧良賈深自匿至哉老氏言盛德有愚色識覽率已除游心在玄默皎皎類易汗悟者守其黑所以極愚士含意疇能測

二

王屋摩青天太行高不極北叟九十餘誓欲夷其塞上帝感精誠夸娥借其力朔東與雍南雙峙鴻濛色當其荷擔時舉世笑其惑一夕山爲移其愚復誰及俗士營目前朝耕暮期食至人遺其身億代爲曠息翩翩夸毗徒奄忽互傾側技殫神亦銷智者竟焉得

懷李千鱗

寥寥獻吉後作者日以邈海內操觚家人人抱荆璆夫子一高視青天出華嶽遂令二三子廣路齊文轂鄴人豈無斤妙在輪扁斲不有師涓悟寧聞鈞天樂自君歸泰山浮雲滿河朔亦有燕丹酒誰聆漸離筑神馬戀蛟龍奇禽宗鸞鷟

天目先生集

卷之一

五

況我同心侶分義踰骨肉引領一悲歌絃斷不可續誓當理初衣從君臥空谷

### 懷王元美

朔風吹薊門玄雲暗四野嚴霜白日冷哀鴻唳  
長夜起坐懷昔游荏苒半凋謝宗梁既長逝海  
內傷大雅王生雖僅存其憂甚死者慈母哭堂  
上弱弟哭堂下寧論嵇紹孤已見蓼莪罷豈不  
願速朽骨肉誰相藉且留如綫身隴上樹粉檟  
賴有楊馬才詞場足凌跨萬變渺端倪千秋獨  
悲咤我欲問巫咸何從借雲駕

天目先生集

卷之二

六

### 懷吳明卿

倚倚孤生桐托根南嶽趾幸蒙風雲會移植承  
華裏霜霰忽見侵摧頽心半死豈無清廟音疇  
爲製綠綺陽春徧八埏胡爲獨遺此感念懷密  
親躑躑向燕市斗酒味寧薄沉懣滯不起獨攜  
郢中歌徘徊向誰理坐聽失羣鴈嗷嗷慕儔侶  
宛轉不能寐空庭復徙倚朔風中夜吹浮雲日  
千里歲暮黃河冰何由寄雙鯉

春暮將赴汝南廣川舟中寄懷京邑游好

### 三首

昔來嚴霜零春陽忽已暮盛年不再逢嘉會豈  
常遇何況凌雲才秋苑振高步眷余失羣羽不  
吝千金顧留連曲水游感慨河梁賦嫵婉能幾  
時俛仰卽岐路車馬盈道旁孰測心所慕冀闕  
何岩薨浮雲日馳驚歛轡臨長河徘徊不能度

### 二

浩浩黃河流冉冉白日晚驅車渺何之南游洛

天目先生集

卷之二

七

三頁全

與宛五馬道踟躕十步一顧返言念同懷人亮  
節不可諉談天碣石宮置酒華陽館高文敷瓊  
瑤清歌命簫管攜手遠追隨思情一何婉居者  
弗克俱行者日以遠春暮無歸鴻何由寄情款

### 三

黃河多悲風白日廣川陰驚沙蔽天地方舟猶  
滯淫躑躑將安適曳履援鳴琴一爲清商曲灌  
木俱悲吟知音一以隔離思故難任在近多遺  
遠日月易浮沉伊余歲寒契莫忘初別心願言

馮高羽千載垂詞林瑤華倘可嗣引領伊川尋

答郭次甫

論文誠獨難知已良不易流俗多混淆物理失  
真偽世無郢匠斤焉知斲輪秘余昔二三子幸  
遘風雲會和歌燕市中俠氣振天地經時倏星  
散斯文遂陵替筴馬余比來耳目日以異緬想  
西園游悽惻山陽涕連枝旣以摧碩果亮終棄  
詎意餐霞人夙有凌雲契獨往慕鴻冥遠遊學  
蟬蛻託興詞翰場四海一高晚跂余竭石宮途  
未自先生集 卷之一 八 三五五

題萬言卿西原精舍二首

矯矯豫章材瑋識一何朗蚤歲升富塗明堂振  
清響輝赫冠蓋間而獨秉高尚依依箕穎情寤  
寐發遐想九江湧坐隅匡廬出諸掌魚鳥宛來

親煙霞日排蕩曾是青瑣居泠然白雲賞道勝  
貴陸沈天游謝塵網所以賢達人金門寄偃仰

二

伊昔讀書園藹藹章江郭高齋俛江流崇臺回  
廬嶠佳氣何鬱盤川原莽迴薄丹霞射疎牖白  
雲蕩虛幕灑翰激神飈披襟坐遼廓卽今冠朝  
列故鄉日以邈長安十二衢飛甍麗朱樓含意  
益沈冥每飯在丘壑混跡豈殊衆忘筌會有託  
咄嗟曲士心精微疇能度

天目先生集

卷之一

九

題况比部藥湖書堂

子牟戀魏闕王生臥伊洛世無蒙莊子安知濠  
梁樂茲湖信清曠鴻濛巧䟽鑿巖岨既環迴川  
渚亦綺錯水碧間芙蓉石華被蘭薄日蕩絳蜺  
鮮飈激紅泉落伊昔餐霞人於焉鍊靈藥倏忽  
凌紫氛神理疇能度子固清廟珍藻翰麗丹牕  
蟬冕亦云華胡然慕丘壑服食倘不誣將子翔  
寥廓

送吳生遊楚

江介多悲風庭草率已萎貧士久失職抱影西山陞負薪豈不苦披裘有良規落吳季子風稱東箭奇論文得吾黨金石誓不移送子涉遠道言訪瀟湘湄三楚富奇節眇睠成心知平生國士膽慷慨得所施楓林已搖落江水何逶迤清深氣逾烈贈以猛虎詞雖非季布諾聊用惠前綏

得滇南除目戲爲

余昔四十時秩已忝金紫棄捐垂十年僅乃復  
天目先生集 卷之十  
其始故壁則猶是馬齒加長矣頃失會不憂今來亦何喜未能免俗緣栖栖聊復爾終當拂衣去相從鷗夷子

天目先生集卷之一 終

天目先生集卷之二

吳興徐中行子與 著

七言古詩

贈戴金吾伯常

漢家貴幸執金吾威凌勃率傾皇都錦衣鵠冠珠勒馬飄風疾電同馳驅橫行司隸不敢問依倚雲霄何事無得意失意由反掌紅塵白日天模糊戴生亦是期門客廿載長安仍四壁揚鞭不問平津館載酒每過楊雄宅吾黨原稱落魄人  
天目先生集 卷之三  
人過逢但展高陽席日照雕盤駛高風吹玉椀葡萄碧酣歌北斗忽掉地起視東戶扶桑赤吁嗟俗士蟲處輝豈謂流光駒過隙丈夫要有千古名不爾聲華竟虛擲君不見西京七貴何匆匆白首枉殺黃金陌

贈湯邑博

君不見魯申公受詩浮丘號儒宗抗直仍辭楚王傳杜門教授蓬蒿中豈謂明堂待高議安車駟馬來山東又不見匡說詩微言纚纚解人頤

公車屢上不稱意遠方隨牒猶低眉翕然經術  
動三輔一語尊爲帝者師湯君蘊藉亦如此牢  
落風塵難獨窺九重上書未得見兩都作賦空  
稱奇去年掄材向三蜀司馬王楊盡有之問奇  
且醉子雲酒抱膝自歌梁父詩祇今清聲漸籍  
籍羣公交口惠前綏薦賢會入山公啓摘藻應  
逢秘監知有道自諳龍蠖理雲霄九萬未云遲

送李于鱗守順德

去春從君燕市游眼中諸子同盃酒今春送君

天目先生集

卷之三

二

三

濠梁上爾我躊躇自攜手大雅沉淪况已久吾  
黨相逢信非偶乾坤反覆賢豪至百年麟鳳生  
郊藪孝宗作者李與何力挽江河始東走君  
也蚤得哲匠心玄夜昭回開北斗睥睨堪凌異  
代人招攜復得同心友竭來陸沉郎署中玉石  
蒼茫竟誰剖王生披覩自青年謝客陰森回白  
首余之同袍梁與宗感會風雲成不朽嘯侶頻  
過碣石宮善謔清驪何不有席上揮毫煙霧飛  
燈前擊劒風雷吼喑嘍雄辯謝雕龍等閒世事

同芻狗嗟哉此意人知否世路風塵莽荊棘相  
知歲月違南北舉帷君遂守扶風執戟余猶滯  
京國酒殘日落君當行且復斯須岐路側纏綿  
奇樹本連枝宛變鴝雛分比翼龍劒精靈雖共  
存瑤琴神理終誰識平生知己自君盡別後何  
人寫胸臆趙地曾誇三輔豪意氣瓌奇自疇昔  
士慕平原有處囊子懷鉅鹿無終食臥閣春風  
鼓瑟聲行軒明月連城色秋日如逢壁使來報  
書慰我長相憶

天目先生集

卷之三

三

三

送吳舍人明卿還楚

楚詞何者振芳躅前有屈平後宋玉眼底吳生  
亦崛起蚤歲天衢策高足結交羞問聲利場染  
翰愁看顰顰俗夙昔逢予盡省中握手殷勤賞  
清曲心知此物識者稀意氣飛揚自相勗倏忽  
赤水探玄珠淩厲青霄起黃鵠江河百折獨往  
心富貴浮雲非所欲逶迤洪響滿雲臺載酒依  
依坐天祿自許東方暫陸沉豈如左史徒能讀  
俠氣還爭山嶽高壯心不爲軒裳東海內賢豪

幸一時過逢但坐邀擊筑碣石談天盡古今華  
陽置酒窮曠旭淹留復似小山招跌蕩爭爲大  
言賦劇飲惟愁白日過窮交不畏黃金如蚤覺  
吳生肝膽露倚劒茫茫紛四顧仰天爲我歌楚  
歌千里煙雲低不度登臺朔漠來秋色七陵潏  
蒼開煙霧乾坤此會真有神世路艱危轉自親  
朝廷若可無楊馬符瑞寧須待鳳麟片言自昔  
重山嶽九錫徒爾輕埃塵卿不見章華冠蓋委  
草莽郢中詞賦懸星辰卿今乘槎漢水濱鄂渚  
涼風萬里新愁入湘沅飛暮雨氣生雲夢起峨  
岷鸚鵡洲荒悲處士懷沙地古吊詞臣詞臣自  
昔擅陽春含意千秋鬱未申宋玉祇今逢和者  
靈均莫歎國無人

神樓篇爲大司寇劉公賦

斥鷃游枋榆逍遙在尋丈醯雞生甕中何由覩  
天壤曲士勞勞一世間白首風塵空偃仰明公  
託宿自神樓傲睨浮雲轉高敞九州不足步四  
溟不入眼脫略小區寰局促悲世網寓意神樓

天目先生集

卷之三

四

三

十二重振衣千仞懷獨往太虛爲宇天爲梯上  
逼鴻濛下塊泚照室宵懸罔象珠排虛日射金  
銀榜黃鶴南度嘯月明紫氣東來開天象乘霧  
壺中汗漫游御風方外冷然賞玄覽還同弘景  
登金丹况遇安期餉吞腥啄腐笑世人冲棲福  
地何瀟爽公昔芳年叩帝闈一旦雲臺振洪響  
揮翰高凌楊馬前許身直擬夔龍上世路喜浮  
沈中懷轉跌蕩經綸未究蚤拂衣身也可退道  
難枉祇今大隱八十春瀕洞乾坤幾反掌公也  
風神益高朗上乘真窺鴻寶書後車久謝鷹揚  
訪羨門王喬可等期芝草琅玕日夜長念我曾  
蒙國士知從公擬稅塵塗鞅介壽慚無雜佩貽  
回首神樓發遐想

送張中丞還山曲五首

風雷一夜摧西嶽千里塵飛渭河濁但臥南山  
自堪樂笑殺漢代飛將軍猶把封侯問王朔  
四旬已稅長安轂萬事不問君平卜且醉山中  
酒千斛不見君家漢子房朝封留侯暮辟穀

天目先生集

卷之三

五

三



岷峨積雪常陰陰洞中瑤冊松間琴霞巖石髓  
任自斟笑呼山中謗書者賞以募士千黃金  
長劒重淵斬巨鼇樓船萬里截風濤兵權脫手  
如鴻毛王濬無功何足問叔子歸第何其高  
憶昔張華淮海旁立談贈我雙干將三年萬里  
隨行裝聞君別離忽躍去星斗錯落無晶光

捕虎詞二首

拍天濁浪愁鯨鯢橫行惡少弄鼓鼙太山之婦  
恒夜啼里中三害一時盡千秋誰似周征西  
湖邊野人何太武赤手山中搏兩虎卞莊之術  
何足數安得一騎疾如風鼓行而西擊胡虜

高陽行送沈嘉則入閩

自從酒人散燕市予亦拂衣歸五湖四明沈生  
忽相過投謁自稱高陽徒夙昔辭塲騁高步里  
耳紛紛曾不顧玉簡真探禹穴書金聲未數天  
台賦平生所得皆經奇歷落釜嵒少見知夷門  
一顧仍寂寞肝膽熒熒好向誰千金自詫屠龍  
技刪緘不掩干霄氣琴心欲締千秋賞劒術曾

天目先生集

卷之二

六

高陽

令萬夫廢獻春一走姑蘇道王家兄弟盡傾倒  
酒酣贈爾游閩篇矯矯雙虹破秋昊武夷之山  
昔所經海日照耀千峯青瑤流九曲挂南斗巖  
壑往往藏仙靈中有賢豪稱大度客但南游豁  
雲霧中丞折節魏信陵飛將干城漢都護任俠  
從來未可輕伏軾旋收七十城劇孟隱然一強  
國酈其自許非狂生袖中悲漫一敵刺留向明  
卿結知已十口甘從吾黨貧寸心忍向風塵死  
九歌倘就堪招魂百鍊誰將化繞指高陽徒沈  
夫子擊筑送君萬山紫盧敖杖王喬履贈君五  
游從此始

滇南送陳方伯歸錢塘

先生文章足經國擁帳僅歷炎荒域先生謹論  
足救時寂寞不爲人所知屈指青雲三十年同  
時故舊半貂蟬起家方岳非不貴羈身萬里今  
人憐雖然鍾鼎非其意所至思興千載利借箸  
曾銷跋扈魂采金議雪窮簷涕卽今荷鋪鑿山  
泉灌溉荒塍萬頃旧家秉鋤鉏戶絃誦坐令六

天目先生集

卷之二

七

高陽



詔無烽烟斷鰲獨立溟海極鍊石足補西南天興  
來忽夢西湖色一日明馳上國陳乞骸骨意已  
堅廷議欲留留不得山中日月不易老世路風波  
誰自保達士縣車豈問年但得桂冠無不好君家  
住傍釣臺高余亦思從范蠡逃拂衣且上五湖棹  
載酒同觀八月濤

與蔡侍御李公

弘嘉之間論大雅二李西京二司馬益州崛起碧  
雞才一日才名振華夏金簡宵探秘省中柏梁曉

天目先生集

卷二

八

賦彤庭下是時 天子憂七閩暫輟辭臣稱使者  
虎竹仍頒帝子卿張樂釣天洞庭野玄覽超然本  
負奇爭傳水鏡映當時已從遺牘收名士更自中  
年識 帝師鴻才自合風雲起龍性終非世俗宜中  
歲挂冠歸栗里強半齋居在僧寺色相由來金粟身  
文章舊號青蓮體束髮懷君經歲時垂白南荒結心  
知君似斗間逢博望余如海上遇安期天連三竺非  
人世雪淨梅花映酒卮游從幾日當迴轂把袂旗亭  
盡絲裴徊公子夷門騎蒼蒼河梁都尉詩開篋看時

還自解銜盃無處不相思

大將軍戚公歌

攬槍墮海成鯨鯢平地驅濤撼閩越妖侵憑陵  
日月迷幅員幾向東南裂將軍方監臨安兵訓  
練諸將勇且精飛檄轅門白虹起揚旌海嶠雄  
風生將軍桓桓具文武海內賢豪稱大度不忘  
挾纊及輿臺但得賜金陳廊廡越王山頭旗鼓  
高海若陽侯慘不驕彫戈忽駐扶桑日彊弩仍  
平萬里潮直以偏師當八面東突西馳疾雷電

天目先生集

卷之二

九

大小身經百戰多旋復名城與赤縣是時拊髀  
思元勳細柳軍容儼不羣部曲猶嚴假司馬天  
子亦謝真將軍建節漁陽稱總理十道元戎聽  
指使天塹金城高接天戰場化作新豐市欵關  
業已臣單于瀚海烽煙一日無 聖主垂衣千  
萬歲虎臣世世執金吾

過秦郵與袁明府文毅飲甓社湖因憶吾  
友宗子相嘗豪飲于此屈指二十年所矣  
袁是子相通家子也感而賦贈

宗君一往二十年江左風流尚宛然袁郎崛起  
亦不晚遺調曾傳廣陵散恍如楊子逢桓譚安  
得中郎遇元歎作客况在黃巖山臥起雲壑非  
人間訟堂一揮百牘盡坐聽流水心常閒興來  
筆底興煙霧華頂霞標照豪素海嶠曾賡康樂  
詩天台未數與公賦夢寐惟思燕市盟白雪一  
字千金輕但逢吾黨便絕倒三公九錫非其情  
頃者甘泉計羣吏冠蓋紛紛向朝市翩翩鳬舄  
人不知獨夜燕關叩蕭寺入門一揖卽稱詩  
夫目先生集卷之二  
十

崎磊落心奇之飲罷諸天明月墮復似西江夜  
詠詩爲歡幾日忽分手艤棹秦郵遲余久娛以  
千金秦女簫飲我十日平原酒驪珠忽浮甓社  
湖酒酣興劇仍狂呼風雷半夜驚濤起應是當年  
舊酒徒

此君操

豫章朱貞吉先邦君性愛竹取號竹隱  
結亭竹中至貞吉萎而復榮予友余德  
甫榜其亭曰竹在志孝思也於是詠歌

其下援琴而鼓之

爽池修竹何檀樂朝鳴鳳今夕栖鸞王孫游兮  
悄不還令二女兮涕洟瀾諸公子兮玉筍班復  
爲此君生羽翰采葉釀酒皮爲冠託君鳴琴歌  
末歎倚嗟武公名不刊

風木卷爲慚烏李君題

北風撼樹樹欲枯破巢失母號慈烏樹更怒號  
風更急中宵啞啞哀遺雛餘音應山山鬼泣斷  
雲凍月同寒孤君方有親不待養獨夜聽此清  
夫目先生集卷之三  
十一

安期行題畫壽慚烏李翁八十

海上樓臺十二城云誰居者安期生笑指神龍  
化爲鹿白日蜿蜒雲中行雲中行何所止長城  
來訪慚烏子南極星垂震澤黃高天氣壓吳關

紫杖頭一函鳥字書中藏千古鴻濛理慚鳥李  
翁有仙骨姓名早籍長生紀聖世優游八十春  
拾穗行歌萬山裏授翁神丹翁莫疑美門王喬  
可等期從來至道自天授項領紛紛那得知

天目先生集卷之三

吳興徐中行子與 著

五言絕句

活水池

池分襄漢水岍夾武陵花但得高陽侶寧須問  
習家

詠顧汝和舍人種桃

不言溫室樹却種武陵花豈是金門客偷桃出  
漢家

題顧汝和石鼎寮

雲英烹石鼎月色照冰壺何必金莖露能令肺  
病蘇

叩竹杖

仙人方竹杖遠道出臨叩挂壁風雲動還應欲  
化龍

次劉明府宴二大叅松雲菴韻二首

樹古苔痕厚山秋黛色增穿雲鍾報客坐石鳥  
窺僧

雙星天目來九月雲林宿禪房秋興多題詩偏  
青竹

送陳明府之任慈谿

清秋臨鏡水明月過桐廬興發枚乘賦奇探禹  
穴書

七言絕句

送元美

翩翩使節向蘇臺南望吳雲萬里開銀漢仙槎  
來月下金陵秋色度江來

天目先生集

卷之三

二

二百三

寄謝茂秦

王門賓客枚生老鄴下交游季重存聞說擔簦  
來趙地幾回虛左候夷門

書萬都閫鹿園卷留闕方士處二首

時危意氣獨橫行屢突重圍破海鯨夜擁鹿車  
明月裏仍從支遁問無生

曾揮羽扇掃胡沙江左奇勳勝永嘉功遂不教  
麟閣畫遺容却赴赤松家

送宗子相還廣陵二首

黃金臺下白榆秋葉落淖沱急暝流南望大江  
明月裏片帆千里下揚州

燕臺感舊

北來鴻鴈已南飛滿眼風塵舊侶非欲向月明  
歌郢曲不禁霜露濕人衣

和子相石牛驛聞笛見懷之作

醉時明月滿山城別後秋雲萬里生獨夜高樓

天目先生集

卷之三

三

二百六

自吹笛誰知淚濕楚臣纓

停舟溪上懷子相

夜闌星斗挂千峯吹笛江樓思萬重曲罷美人  
猶不見空懸明月照芙蓉

登霹靂巖遲子相雷雨驟作

白日天開霹靂巖千山飛瀑挂松杉馮陵却喜  
東風急吹盡浮雲見客帆

秋日建溪懷明卿二首

九江秋色滿漁舫江上芙蓉照客袍不分楚人

能放逐青山白日著離騷

倚棹秋風問幔亭滄江落日萬山青獨看廬嶽

雲千疊豈是狂生醉未醒

哭光祿汝所二首

十載曾同洛下游惠連年少更風流諸兄縱有

池塘夢玉樹蕭蕭祇自愁

美人今已不同時開篋重看贈我詩若道江南

無舊好豈應天上有新知

爽臺送別朱生

天目先生集

卷之三

四

三首

湖門俠客馭風來十日狂歌醉爽臺歸去武夷

秋正好萬山明月片帆開

梁園送青州馮公督學浙江二首

文韜朝發孝王臺錦席秋臨南斗開齊雅向聞

吳季子泱泱今覩大風來

五花爲馬繡爲袍攬轡江南興轉豪滄海濤聲

迴坐嘯赤城霞色起揮毫

送子相還

妙高峰上試登臨月色潮聲盡古今辭客豈須

愁病肺中冷泉水更清心

送于鱗之邢州三首

趙地山河擁上京于今保障有長城停車襄子

宮前問猶說當年國士名

東平俠客有劉生寶劒千金舊署名忽道明朝

脫相贈夜深風雨匣中鳴

十年西省尚書郎此日新攜刺史章明月一尊

開北海春風千騎下東方

送許趙州兼訊李邢州

天目先生集

卷之三

五

青春五馬下燕京自喜分符近李生雙壁千秋

重入趙共看明月照連城

送元美二首

高秋獨上白登臺西北浮雲晝不開忽見千秋

飛雪下驚傳漢使自天來

醉攜長劒倚高秋忽見黃河天外流莫更臨風

歌出塞九邊寒色不禁愁

同明卿惟敬登太白樓

醉攜仙客上雲梯睥睨煙霄萬象低便欲乘風

登日觀蒼茫海色使人迷

送于鱗還郡

風塵幾日到燕關千里檐帷雨雪還把酒郡齋  
秋色滿知君不厭太行山

吳門送周水部謫楚二首

客歲曾開薊北書知君秋興在鱸魚銜恩却向  
湘沅去明月滄洲滿謫居

綠鬢仙郎白玉羈春風曾醉習家池停車試聽  
襄陽曲半是當年水部詩

夫目先生集

卷之三

木

俞郎中德甫使越時余在吳寄此懷之三

首

吹笛西湖明月高萬山秋色照綈袍向誇瀑布

三千丈何似錢塘八月濤

松溪麻水拉仙家月裏揚帆采石華把酒天台  
定相憶因風遙寄赤城霞

三日華陽臥翠微醉攜一片白雲歸因風遠寄  
同心客裁作山中隱士衣

感舊

自別燕臺白日徂華陽碣石總荒蕪獨留一片

西山月猶照當年舊酒壚

懷于鱗

黃河萬里接崑崙太華天開西極尊一自凌雲  
來賦客未論紫氣滿關門

征南鏡歌二首

誓師親上越王臺東望扶桑海色開鉦鼓三江  
殷地起艤艫萬里蹴天來

橫海樓船大出師青山千里列旌旗會稽擬作

夫目先生集

卷之三

七

三

燕然石震澤今爲飲馬池

送明卿出汝南城南三十里風雨驟至夜

飲村店同賦

城南白日起風雷狂客悲歌且未迴豈爲高秋  
嗟遠道且將寒雨送深盃

蒼茫汝海關雷霆五馬中天此暫停已遣河山  
留俠客誰教風雨妬文星

于鱗謝病濟南寄訊

白雲湖上萬山青日月茅堂醉復醒不是楊雄

耽寂寞千秋誰見太玄經

送張尚軍助甫左遷別駕四首

十年無信到山濤  
謫後相逢解佩刀  
從此青雲知己盡  
平生白雪向誰操

洛陽誰似賈生賢  
議事承明獨少年  
最幸主恩深漢帝  
左遷猶在五雲邊

邯鄲一騎走風塵  
誰信甘泉侍從臣  
倘過呂祠何必問  
升沉俱是夢中人

攬轡漳河秋色開  
悲歌應上古叢臺  
若非按劍

天目先生集

卷之三

八

三

長安客白壁何緣入趙來

寄答汝南諸明府

景夷臺上白雲秋  
縣瓠城邊汝水流  
却憶諸君明月夜  
臨風清嘯滿南樓

寄贈侍御潘子良督學畿中二首

地雄燕趙舊多才  
賢俊爭看日下來  
剪拂盡堪成駿馬  
黃金何用築高臺

蹀躞花驄走北平  
鬱蔥佳氣傍神京  
龍門復見三千士  
虎旅曾監十二營

贈總制汝南喻公破胡鏡歌二首

驃騎乘秋出武威  
經旬三見捷書飛  
侍臣上壽歌朱鷺  
諸將承恩拜錦衣

邊聲動地陣雲黃  
萬騎憑陵蹴大荒  
落日忽聞鐃吹入  
轅門生致兩賢王

戲詠盆中品字蓮二首

花開品字競妖嬈  
竝倚金塘舞翠翹  
惆悵忽思三婦豔  
風流不數六郎嬌

笑看齒苗出盆池  
竝帶三花宛宛垂  
却似太真初浴罷  
雙攜秦鏡中窺

天目先生集

卷之三

九

三

初浴罷雙攜秦鏡中窺

寄張亮卿林彥仲游明仲趙以忠四子

升堂門客總應劉  
托乘西園幾度游  
飛蓋祇今明月夜  
芙蓉還似去年秋

懷子鱗

青天太華倚嶺岼  
白日黃河萬里看  
一自著書西度後  
關門紫氣至今寒

出囊中古劍吳筆寄  
贈明卿系以口號二首

十年寥落倚崆峒贈爾豐城起白虹醉後莫將  
盧嶽舞恐令雙劍失雌雄

春雲夜直建章高曾向江淹贈彩毫縱臥山中  
休擲筆清秋堪賦九江濤

懷明卿

萬仞匡廬散錦屏千尋瀑布挂青冥自從騎鹿  
雲中去何處逢人問歲星

寄在明

一自悲歌易水旁故人風雨散瀟湘從今莫灑

夫見先生集

卷之三

十

三百四

千秋淚只恐重飛六月霜

寄齊相許殿卿時于鱗病免濟上

投荒猶得賜環恩授簡王門道亦尊更值相如  
初病免論文數過茂陵園

送丁叅軍之楚幕二首

幕府高臨七澤開叅軍爭喜孟嘉來時清久罷  
征蠻檄秋至重登落帽臺

武昌楊柳颯高秋楚練如霜映上游聞道庾公  
今在鎮好乘明月嘯南樓

奉和黃公金溪詠四首

芙蓉峰

霞標秀出海雲重空曲煙浮翡翠濃最愛金溪  
秋月夜天開明鏡浸芙蓉

文筆峰

秀拔瓊林迴不羣千尋霜穎插青雲午風吹破  
江淹夢散作雲霞五色文

錦屏峰

魔沓匡廬九疊屏天風吹度九江青朝來忽挂

夫見先生集

卷之三

十一

三百五

飛霞色却似羣仙會幔亭

曲溪

曲曲清流隱竹林逶迤更比武陵深春來岸岸  
花相似縱有漁郎何處尋

贈蘇進士歌者新春

春雲輕度鬱輪袍雪淨花宮玉樹高更道掌中  
能妙舞曾經醉殺五陵豪

華陽明月曲二首

玄都仙露湛金莖琪樹千章散月明無限采雲



寒不度樓前吹落洞簫聲

笑呼明月下高峯秋滿瓊樓十二重咫尺太清  
殊可問茅君爲我借飛龍

送吳明卿

天外音書久不聞眼前朋好又離羣今宵斗酒  
還燕市明日孤帆是楚雲

奉懷灌甫公子

罷歸已謝潁川金寥落空餘國士心當世憐才  
知不少窮交誰似信陵深

宋先生集

卷之三

三

重

廣陵史德初訪余山中

漂零誰識史王孫曾散千金報主恩此日到余  
茗水上白雲秋色可堪論

崑山周胤昌自金華郡丞進守故治賦寄

此詩

十年飄泊蒼俱蒼帶眼頻移似沈郎詞客有緣

山水郡事城猶得臥東陽

挽中丞王公三首

三握兵符漢重臣蒼茫無復畫麒麟風雷不見

將軍樹愁殺延陵挂劍人

烽火甘泉獨請纓君王親問亞夫名榆關自失  
單于壘一夜霜凋細柳營

頻年力盡成桑乾帷幄紛紜日轉難一自縞衣  
過易水瀟湘風色至今寒

送司馬蔡公赴京四首

漢家閭闔倚天開劒履乘秋入上台托乘諸侯  
千騎出前驅中岳萬靈來

萬騎憑陵走朔風千旗肅穆建章宮寄聲胡馬  
未嘗先生集

卷之三

三

重

休南向頗牧千今在禁中

樓船天上出黃河南指燕山氣色多漢月九關  
飛羽檄卿雲三殿進鏡歌

十八終軍誓請纓蹉跎華髮入承明誇胡已著

長楊賦衛漢重開細柳營

寄黎惟敬二首

六月維揚亂後過故人雙淚滿干戈一從歸臥

羊城月海上浮雲奈爾何

高秋期爾石頭城貰酒吳姬賦月明不道我來

君已去滿江風雨送濤聲

包護軍中丞汪公幕下士嘗受詩于明卿  
余贈之于宜城四首

孤臣歲晚發江潭客有長纓且駐驂寥落怪君  
經癖在當年曾事杜征南

歲闌雨雪峴山西盃酒孤城日漸低此日袁生  
休弄笛故人猶在武陵溪時明卿在高州

頻年瘴癘滯炎州裘馬蕭然客鬢秋聞說同時  
諸校尉雲臺次第拜通侯

未見先生集

卷之三

十四

言笑

紛紜屠販盡麒麟力盡戎旃未致身但遇吾曹  
官自拙始知詞賦善窮人

楊林驛遇賈孝廉出長興顧中丞大字西  
蜀楊用修詩札留贈二絕

遙聞高士臥青冥落日軒車爲爾停曾是楊雄  
門下客白頭仍守太玄經

楊雲奇字虎頭書前輩風流總未如徼外復從  
遺老見斐然雙壁照行車

九月六日穆水部邀登蕪湖吉祥寺

上方樓閣倚江開萬里帆檣破浪來正擬青山  
留對酒况逢黃菊好登臺

張生從梁舍人游嶺南檣李舟中和贈三  
首

相逢秋色滿江湖攜手羅浮興不孤試問舍人  
春殿柳還如張緒少年無

翩翩裘馬壯遊心畫手仍高子墨林但得向平  
尋五岳寧論陸賈贈千金

海中樓閣盡仙家明月遙隨使者槎若道炎方  
未見先生集

卷之三

五

三

無過鴈好從庾嶺寄梅花

檣李遇梁思伯夜飲舟中

相逢盃酒大江隈十載愁心一夕開垂老更知  
何地合雙帆將發重徘徊

延平王良材以畫梅見遺賦贈

夢回仙佩尙珊珊一片羅浮匹練間怪爾毫端  
清似水茅齋近傍玉華山

送謝公子往豫章

千山煙雨暗吳關春水連天一棹寒便欲乘風

從爾去笑攜尊酒看廬山

寄答匡南王孫

尺素平興十二秋風煙轉覺小山幽相看此夜  
同明月飛蓋誰堪鄴下游

中丞劉公平海寇短歌

戈船萬里出王師大海今成飲馬池露布正當  
稱壽日饒歌併上萬年巵

歲除得宋大叅書却寄

青春白髮共相催客裏何人共舉盃海上碧雲

未見先生集

卷之三

七

三百四十一

看欲盡相思聊寄一枝梅

哭醉石山人朱邦憲四絕句

文似相如竟不收素封聊作醉鄉侯如何天上  
知名姓一夕徵君記玉樓

誓將七尺報相知一諾南山坐可移不信但看  
墳上草青青長自傍要離

平生酒伴是高陽度曲猶能繞畫梁解道諸兒  
分一絕不知第幾得君狂

越女曾題黃絹碑吳姬爭唱竹枝詞曲中自失

周郎顧挾瑟江南好向誰

送馬公子用昭赴試北畿并示國博歐楨

伯太學郭建初

登樓曾向斗牛看劍浦精靈白日寒自爾分櫓  
獻明主氤氲紫氣滿長安

名駒本自渥洼來一顧旋空萬里材此去天閑  
應竝入郭生今已上金臺

建陽新酒瀉春濤過飲夷門意氣豪共道五陵  
冠蓋滿還從燕市問荆高

未見先生集

卷之三

七

席上送夏將軍專閩廣右

詞場蚤冠楚諸生較射長楊更有名推轂將軍  
天上出據鞍露布手中成

瞳子分明白起風驍騰誰似美髯公虎頭自是  
封侯相抵掌爭看萬里功

金馬當年擁傳過看君千騎下牂牁樓船一出  
闔天埒更遣長纓繫尉陀

銅標遙望嶺雲長上將承恩出帝鄉試問登壇  
三楚士兼才誰似杜當陽

李文仲自山陰來視余閩中將爲五岳之

游席上賦贈

到處雲霞解送迎知君原是太湖精試看九曲  
溪中渡何似山陰道上行

別余遙逐向平游不盡名山興未休避暑寒生  
飛瀑布乘風秋度岳陽樓

寄答吳允兆見懷四首

錦字翩翩到七閩朱絃白雪一時新論才爭道  
中原盡誰信菰蘆更有人

夫月先生集

卷之三

六

王郎故有外家風曾向鬢年識孔融總是西州  
門下士一時文彩照江東

散帶青山絕世情閉門玄草讓先成饒他驃騎  
雲臺盡自愛何郎第五名

臧刺經年不易逢驅車一日暮登龍臨書莫怪  
中郎歎眼底何人似顧雍

謝王孫貞吉以銅章五岳圖見遺二首

公子翩翩俠丈夫可因晉鄙奪兵符開絨飛出  
煙霞色紫綺囊盛五岳圖

金鑿商家款識文人間奇事總輸君他年佩入

深山去天目峯頭印白雲

贈郭建初南還二首

聖代編摩秘閣開幾人載筆上蘭臺看君六館  
諸生裏獨有西京良史才

懷璧仍爲衣褐行關門小吏莫相輕他年一入  
圭璋選依舊償君十五城

六言詩

宜城贈包護軍

夫月先生集

卷之三

十九

自敘信陵國士曾事田光先生擊劒兼工長短  
讀書獨喜縱橫千金結客垂盡百戰封侯未成  
羽獵休誇雲夢商歌且醉宜城

再贈包護軍二首

海外爭誇超距行間獨自浮沉肝膽皎如白日  
功名羞問黃金

說劒雄風忽起銜盃俠氣逾振賭命聊憑一擲  
學敵寧止萬人

壽憲副陳憲卿年兄七秩二首

萬里笑捐侯印三朝喜遂閒身濯纓滄浪漁父  
抱甕漢陰丈人白首玄經已就青雲玉樹方新  
望氣遙瞻汝穎德星正聚荀陳

聖主寧忘息壤達人自喜歸田雲夢已吞八九  
宜城何論十千宋玉雄風滿座莫愁緩舞當筵  
况是南陽耆老長歌天保萬年

天目先生集

卷之三

干

天目先生集卷之三 終

天目先生集卷之四

五言律詩

吳興徐君

集

人日同謝茂秦李于鱗梁公實王元美集  
宗子相宅

淑氣動初旬階蓂七葉新天涯星是客歲首日  
爲人白雪慙同調青尊喜共論莫辭歡達曙明  
日又風塵

十四夜同茂秦于鱗公實子相元美集靈

天目先生集

卷之四

濟宮

爲淹清夜賞同過赤松家天外金莖直風前火  
樹斜詞華垂列宿仙醴出流霞太乙明宵祀齋  
居隱翠華

三日同茂秦順甫元美游姚園分韻

春疑溱洧地人似永和年往事名賢得清狂我  
輩偏水邊尊竝綠竹下語同玄此日王夷甫寧  
將樂令傳

送吳隆吉郡丞赴廣州

北闕趨南海官塗兩月程行春叅虎節訪道入  
羊城山近枕榔合庭空翡翠明隱之泉尚在藉  
爾嗣芳聲

南溪放舟

晚山青似越春酒綠如澠中聖還徐邈登仙愧  
李膺高歌傳上國爽氣度西陵却憶耶溪上蓮  
舟月裏乘

苦雨

幾年烽火急三伏鬱重陰日夜疑天漏樓臺訝  
陸沉未能超苦海空欲賦愁霖窮巷何人在冷  
然金石音

送郭侍御左遷求安今二首

何意乘驄客蒼茫出禁廬名高折檻後恩重賜  
環餘白日少公事青山把道書從來慢亭上時  
有謫仙居

悲秋予更劇謫宦爾何之赤縣須君輩蒼生異  
昔時主恩無遠近國事有安危惆悵延平路  
應裁古劍詩

席上贈別吳明卿同諸子賦得心字

新知爭受簡舊侶奈抽簪自古騷人賦于今國  
士心仙舟江月上客夢楚雲深搖落秋相憶中  
宵鴻鴈音

春日同順甫元美游姚園

落魄憐吾黨流光憶去年狂歌消白日醉眼望  
青天詞賦非時好漁樵自舊緣試看芸閣吏何  
似竹林賢

春夜席上懷茂秦同于鱗子相公實元美

賦二首

嘯侶當春夜懷君鬱未開談天鄒衍去蹈海魯  
連回把袂頻燕市傳書斷雀臺西園明月在應  
憶建安才

共羨小山隱寧知大雅存春雲開太室夜月賦  
西園仙署人同憶王門客自尊乾坤吾輩在朝  
野未須論

過顧汝和所遲黎惟敬不至得寒字

朝市幾人在風塵一晤難郢歌逢客少燕月到

春寒露氣高金掌花陰轉玉盤不知清漏盡猶  
向碧雲看

祀陵二首

風雨從西極河山自北辰林喧萬馬夕花暗七  
陵春慘淡弓刀泣趨陪劍履新文園卽此地誰  
復漢詞臣

展祀逢寒食登臨起莫愁陰霾屯虎豹春雨濕  
松楸燭影千官靜泉聲萬壑幽行宮雲縹緲應  
爲翠華留

天目先生集

卷之四

四

三

章行人景南署中送謝山人

閒署生寒早騷人入夜過砧聲風處急客思雨  
中多別曲歌楊柳初衣製薜蘿明宵如見月相  
望隔漳河

送惲僉憲光世之楚

開府今羊祜浮湘自馬遷山陵通王氣江漢接  
人煙月滿沱潛渚花明雪夢田蘭臺千載賦郢  
調幾時傳

于鱗元美同日發偕吳宗二生送之分賦

萬里知難駐千秋豈更親劍分留紫氣杯盡失  
青春三署傾詩客中原散酒人勿令歌變徵風  
雨易傷神

吳給事謫豫章四首

乾坤震蕩後雨雪豫章行與世安微綠投荒就  
大名青山飛瀑色白日走江聲若過柴桑里堪  
從漉酒生

此日何天問當年已陸沉罪寧懷白壁權合讓  
黃金縱改滄桑色難摧海嶽心湘纍靈尚在千

天目先生集

卷之四

五

三

載見知音

淮陽漢揖客澤畔楚詞臣霄漢寧容汝江湖且  
寄身寒濤千里雪落日九江春試掃匡廬石青  
天賦隱淪

綠髮三湘客青楓八月濤未須傷積羽總不廢  
持螯把劍星文動攤書嶽色高非君能放逐不  
復見離騷

臥病簡于鱗明卿二首

伏枕余偏穩攤書日漸多浮生閒處得薄宦病

中過引領懷優詔論心阻嘯歌題詩問朋好秋色近如何

交游歸欲盡滄海意仍違豈美鱸魚膾長懷薛荔衣人應嗤宦拙我已貴知希起看西山雪悠然憶翠微

問子相疾

燕臺秋色滿越客思何勝予欲歸滄海君方臥茂陵恩違金掌露賦憶王壺冰擬共西山賞還憐病未能

天目先生集

卷之四

六

故國同千里新愁總二毛豈綠微祿累應爲太玄勞雲月清瑤瑟風塵暗寶刀知君有起色堪賦廣陵濤

秋日二首

迢遞懷親舍棲遲念此身百年當自得孤憤竟誰陳白首存知己黃金閱世人扁舟定早晚湖上一垂綸

風霜物候改歲月客心驚高臥仍違俗深藏轉畏名滄洲連夕夢白髮迫秋生不是同懷者誰

憐留滯情

哀商中丞

將相未交驪烽煙漫築壇至今憂左衽柯遠失南冠雨泣蒼梧晚風吹易水寒惟餘龍劍氣長向嶽中看

同吳明卿集楊園得文字

竹深留避暑亭僻坐論文帆落黃河雨尊開太嶽雲客情泉石遠野色薜蘿分日夕狂歌歇蟬聲萬樹春

天目先生集

卷之四

七

同明卿飲胡司農山亭

仙署藏丘壑空亭挂薜蘿捲簾松露滴岸幘竹風多河朔他時酒高唐此日歌還同漆園吏芳樹倚婆娑

贈壺關李山人二首

箕穎逢高士山川未寂寥河流迴上黨秋色近中條綠綺幽蘭操青尊叢桂招更聞秦女在雲外坐吹簫

何處堪高臥秋雲萬壑中初衣裁薜荔古榻覆



梧桐招隱淮南子懷仙河上公冥鴻宿昔意寧  
復世人同

初出京邑寄子相

招提賦別日駟馬竝躊躇回首山河圻驚心日  
月孤片帆開雨雪雙淚滿江湖爾縱過燕市從  
誰問酒徒

子相出補閩藩寄此二首

朋知行已盡孤尚轉難安幸爾辭羅網翻哉縱  
羽翰振衣秋色遠挂席海天寬九曲飛流處從

天目先生集

卷之四

八

君載酒看

意氣原吾黨浮沉暫爾曹向來愁側目此去任  
持螯列戟青山色登臺大海濤酒酣聊北望碣  
石渺鴻毛

力疾讀余仲蔚夜酌

滄海交初定清尊病不辭烽煙誰下榻天地此  
論詩解帶南風入開簾北斗垂向來五嶽意今  
與向平期

廬陶邑會于鱗

高齋淹下榻雨色暗荒城濁酒千秋事綈袍一  
日情側身看世態握手失時名從此三江上悠  
悠好濯纓

寄子相時于鱗游秦元美按晉明卿謫楚  
歲晏華陽館水霜見苦顏索居冠蓋裏避世網  
羅間楚曲愁難和燕歌去未還當年斗間色中  
夜照西山

郭黎梁三生再過客邸

白社疎狂客青門雨雪天邀歡忘歲晚得句覺  
春偏別易成今古交難論後先高陽卽此地莫  
問酒壚邊

得守汀州報

頃已甘三黜何緣對一麾俸餘堪貰酒郡僻未  
妨詩秘壑藏瑤草空庭實荔枝淮陽吾豈薄况  
有慢亭期  
汀州稱小郡幽曠似中林不廢春秋癖逾增丘  
壑心褰帷青嶂合臥閣白雲深回首章臺路衣  
冠總陸沉

入桐江二首

煙嵐行欲盡天地豁然開江湧青山出濤驅明月來瀨聲喧倚枕樹影落行杯忽自聞漁笛寒星莽釣臺

奔流千折下峭壁兩崖分樵徑衝江雨漁舟宿嶺雲布帆林杪見水碓月中聞獨有披裘客千秋不可羣

順昌舟行

遠放扁舟去青山亦自隨林光搖翡翠水色淨

天目先生集

卷之四

十

三百五

玻璃欹枕雲霞入推蓬蒨荔垂不妨灘石險安穩有篙師

出守後寄舊游

白雪吾何有青雲向未爭祇銜國士意遂被黨人名星斗紛搖落山川亦震驚因思河朔飲一語未堪輕

過桃源舖

日日空山路褰帷無限秋千崖青欲滴萬瀑雪爭流絕壑通雲磴縣厓倚石樓桃源如此地乘

月弄漁舟

征廣寇凱還軍中作二首

亦自焚舟出寧知奏凱還揮戈迴白日列幟蔽青山滄海須臾淨黃金次第頒歸來醉相顧戰血滿刀環

雨雪千旗卷風煙萬弩齊今嚴愁虎豹陣黑走虹霓勢若從天下強堪壓隴西笑看三尺劍何用一丸泥

別子相入覲劍浦舟中作

天目先生集

卷之四

十一

三百七

把袂賦河梁揚舲大海旁雙龍尚南斗五馬又東方爲客年華盡懷人涕淚長章臺春縱好誰爲薦長楊

和顏觀察七夕作

牛女邀懽夕羊何竝賦詩鵲橋雲外度鷁舫月中移河影沉榆樹星華落桂枝自憐一水隔無處寄相思

山居得明卿再謫報

去國猶三黜懷沙更九歌賜環知爾在按劍奈

人何朋舊飄零盡年華涕淚過倘憐愁病者一  
爲訪煙蘿

壬戌除夕對雪邀郭次甫同賦而余病忽  
作次甫遂去元日投詩見懷奉答并訂後  
會云

燕市逢春雪梁園憶惠連南州原下榻剡水竟  
迴船詩草懷同病梅花照獨眠還期攀玉樹共  
賦郢中篇

將赴汝南留別李伯承黎惟敬顧汝和汝

天目先生集

卷之四

七

三

所楊邦彥進士郭次甫山人得臺字

薊門芳草徧惜別更登臺河嶽天中路衣冠鄴  
下才白雲停攬轡黃鳥送行杯况是銷魂處燕  
歌且莫催

郭次甫顧汝和兄弟攜酒常寺園亭叙別

三首

偶攜梁苑客同訪給園春鳥下窺征蓋僧來問  
故人驚心楊柳亂刺眼杏花新盤石青谿上曾  
經把釣綸

華髮重游日青春欲別時池閒鷗鷺浴亭古薜  
蘿垂試暖衣初換尋芳席更移蒼苔片石在猶  
見昔年詩

聽法曾蕭寺投簪復漢關花驚新白髮酒憶舊  
青山萬態胡僧老孤亭野鶴閒獨憐河曲侶雲  
散幾時還

衛河留別盛少尹

不斷風沙色扁舟且未迴送余臨汝水念爾滯  
燕臺把臂春陰合開尊莫雨來慚非孔北海誰  
薦孝章才

天目先生集

卷之四

七

別明卿後淮揚水漲維舟金山登望寄憶  
萬仞黃河水飛流下呂梁風波一失所南北總  
迷方濯足星辰上維舟日月傍金山一柱在遲  
爾閱滄桑

旦暮只冥冥蓬萊接洞庭陸沉霾日月天圻闢  
雷霆風雨驕仍急蛟龍怒未醒忽令河漢沒猶  
得望雙星

寄梁公智

惠連情不淺南國並琅玕神劍中原坼明珠大海寒烽煙萬里隔生死一書難縱有羊何賦知君不忍看

寄陸無從

廣陵人已沒絕調爾能傳氣壓觀濤賦名高入洛年投珠滄海曲擁褐大江邊倘憶山陰客還乘雪夜船

到郡得雨輿中作

撤蓋齋心後褰裳問疾初偶同星入部敢謂雨

天目先生集

卷之四

古

言上

隨車雲起黃塵裏波生赤地餘笑迎諸父老沾濕蒲衣裾

汝寧郡署坐嘯亭讀書作

徑僻青蘿合亭空白日長癖難忘左氏狂頗似東方身漸風塵老名差案牘強平生喜坐嘯不是學南陽

蚤發確山懷錢子才張德華諸君子

攬裘乘夜起征蓋帶星歸泱泱煙平野蒼涼白上衣雲開山漸吐露滴鳥初飛却憶滄洲侶高

眠晝掩扉

暮發滁陽

荒城一騎出落日萬峰西澗水流人影松陰散馬蹄縣崖青欲滴芳草綠堪迷洵美非吾土翻然憶故溪

罷郡喜歸五首

鷹隼辭韞日魚龍脫網時人應嗟放逐余自戴恩私萬事莊生夢千秋楚客詞倘能齊物理翻怪罷官遲

天目先生集

卷之四

五

言上

故人俱蹈海孤客竟歸田碩果久知盡寒灰寧復然掩關天目雨把釣五湖煙慎惜雙龍劍休教犯斗邊

臥閣身仍病抽簪氣始豪雄飛吾不忝鏃翮爾徒勞揮翰千秋失開尊五嶽高此時嵇叔夜真自感山濤

頃已厭承明今歸遂耦耕鴻冥幽客意徂喜衆人情簿領工何補文章老未成拂衣從此去日月任縱橫

十載思丘壑今朝得杖藜挂冠嵩嶽頂鼓柝五  
湖西芳草春將徧桃花路不迷吳興清遠地不  
讓武陵谿

歸過吳門會元美敬美仲蔚孔嘉淳父公

瑕魯望叔載幼于載酒舟中四首

青門纔解組白社便投簪竹帛功名薄江湖意  
氣深浮雲停坐嘯秋水照披襟何似執珪者空  
勞越客吟

歲月空招隱乾坤此定居裁衣新薜荔結伴舊

天目先生集

卷之四

六

言天

樵漁節俠要離傳風流逸少書高秋倘乘興莫  
惜醉吾廬

同心稱二季俠氣滿三吳總為窮愁客重攜舊

酒徒時名從逐鹿生計且呼盧不學鴟夷子功

成泛五湖

丘壑久成癖衣冠轉不堪罷官辭洛下賦客滿

江南朱紱誰亡恙青山且縱酣詎同哀郢者焦

悴向江潭

臥病錢子良李德華顧幼禮過問枕上口

古二首謝之

覽向文園臥頻勞二仲過清尊愁總廢白髮病  
逾多秋事過黃菊雲陰淨碧蘿忽思豪俠地擊  
筑向誰歌

自失青雲侶相思白日寒幸逢吾黨士猶似酒  
人看多病慚鬢髮窮愁惜羽翰空餘流水曲何  
日共君彈

舊有火魚寄養于德華齋中歸後見還繁  
行數倍色態異常喜而賦謝

天目先生集

卷之四

十七

言天

斗水君如惜羣生得至今朱鱗射赤日火鬣走  
黃金雷電時寧測江湖歲自深隣居無惠子誰  
解漆園心

天目先生集卷之四終

天目先生集卷之五

吳興徐中行子與 著

五言律詩

汝南罷歸山中

作是歲春仲汝南西平縣產麒麟于農家被杖死

官聯下鳳郡身退獲麟年  
夕稅汝南騎朝耕箬  
下田溪深藏日月地僻謝風煙  
閑戶還何事焚  
香草太玄

閒居

千時羞白髮招隱慙青山  
久負冥鴻意非緣倦

天目先生集

卷之五

言三

鳥還挂冠全傲骨戲彩悵慈顏  
詎似侯嬴輩栖  
栖老抱關

山房讀書作

任俠黃金盡文章白髮侵仕非無寸祿老自惜  
分陰萬卷成高臥千秋見苦心寄言鍾鼎客且  
莫笑山林

蘇君楫過飲青蘿館中席上賦此二首

秋已過籬菊人誰到  
薜蘿倒衣逢上客把酒卽  
高歌狂態窮逾甚新詩病轉多  
始知寒廓士不

厭住巖阿

碣石歸來後談天爾亦雄  
短衣方射虎長劍忽  
流虹杯酒交非晚時名論欲空  
當年燕市月今夜照梧桐

臥病山中遇金陵趙君烹菊飲余賦此遺之

茂陵消渴後經歲隔金莖  
忽遇長桑客能食落  
菊英香烹石鼎細寒泛玉壺清  
始信靈均賦超然貽世情

天目先生集

卷之五

二

一百八

張子嘉過訪山中

四壁相如在扁舟張翰來愁深詩總廢客至酒  
還開竹色清書幌桐陰覆石臺登高應有賦蕭  
瑟正悲哉

病甚復起簡王元美兄弟暨俞仲蔚并申

修楔之約六首

夢破釣天後心蘇岱岳初飛騰新日月偃息舊  
邊廬向苦聲名累今知色相虛無生如可學寧  
復厭樵漁

去國千秋事傷春一病人青山幾送老丹竈幸  
全身黥淡辭山鬼清虛養谷神垂堂昔有戒感  
歎欲書紳

未死真天幸同生半陸沉世情回首盡物理折  
肱深履遠青山色琴間白雪心掩關無一事祇  
自憶知音

自擬孤生竹誰憐半死桐間居成偃蹇高臥任  
鴻濛病劇名逾薄途窮賦較工卽看雙膝健從  
爾陟華嵩

天目先生集

卷之五

三

三

自分山林老那禁瘴癘侵百年重起骨萬事已  
灰心日月烏程酒雲霞綠綺琴吳歌君更好一  
醉五湖陰

江山投老地風雨妬花天藥裏題將徧蓀床坐  
欲穿青春杯久負白髮鏡相憐力疾還脩楔誰  
能讓昔賢

贈別鄭山人

不辭三顧數仍向五湖來孤棹風濤湧清尊雨  
雪開山川成我病詞賦見君才爲說中原侶乾

坤更可哀

奉荅李千鱗二首

軒冕終違性滄洲自夙心病原宜偃蹇老益厭  
浮沉削跡天逾遠懷賢日轉深蓬蒿三徑裏高  
駕幾時尋

閉戶春將暮開書病欲瘳片言誰可就五鼎黨自  
相求海嶽窮何礙文章老未休何時載尊酒重  
上李膺舟

荅周貞陽

天目先生集

卷之五

四

二百廿五

半年三遣使茂宰念何深敝帚文章事綈袍故  
舊心世情原變幻吾道豈浮沉一任朝玄草桓  
譚自賞音

荅明卿二首

燕市驚重見悲歌白日陰乾坤名轉大烽火病  
逾深萬事猶存舌千秋未圻心豈應吾黨外別  
自有知音

旅館銜杯日詞場問鼎年昔游曾後乘一別竟  
先鞭身豈風塵失盟應游岳縣當時有長劍依

舊倚胡天

燕山除夕

舊游曾此地除夕况堪悲棄置天難問文章老  
自知中原纔一遇吾道竟羣疑正有山陽感誰  
教玉蓬吹

汝南解郡入京飲戴錦衣園亭獻春吳邵  
武嘗過此得東字

傳書二室後把袂五陵東不問官何拙翻奇賦  
轉工空亭原却暑喬木自生風却憶懷沙客燕

未見先生集

卷之五

五

五

歌恨未同

同表魯望文壽承飲顧汝和雪舫得涼字  
雪舫塵俱絕冰盤夏轉涼樹交連理密花送合  
歡香寥落新知少參差故態狂河山寧復問且  
醉酒人傍

夏日同魯望植伯汝伯和汝所道楨集國  
博文壽承齋得涼字

賓遙是河朔酒伴復高陽水色侵紈扇雲陰度  
羽觴首盤秋欲動枕市午逾涼落日催歸騎蟬

聲滿建章

立秋日重過魯望客舍得車字

雨後過燕市秋先到客居驚心一葉下搔首二  
毛初綠酒寧辭數青雲已自踈如何漢方朔猶  
復待公車

卽事志喜寄王元美兄弟

向欲俱浮海今堪獨戴天據關無虎豹閱世有  
桑田三尺寧阿貴千金不駐年應思齧人日曾  
是避豪賢

未見先生集

卷之五

六

三首

秋日署中二首

下車無一事臥閣但經時故態持螯見何曹問  
馬知海雲深坐嘯秋色滿題詩安得淮南侶同  
扳青桂枝  
有地容高枕無才愧抱關秋風吹渤海客夢滿  
青山垂老身何往浮生計總閑尊鱸今正好不  
及季鷹還

初度感懷

客裏生虛度山中願已違江湖鄉夢遠風雨宦



情微衰髮驅塵事浮名負薜衣平生多酒過不敢謂知非

明卿守邵武五年不調忽有左遷賦此慰之  
之三首

頗惟除書晚翻歸謫籍中龍淵誰爲賞魚服竟相蒙引晦人猶忌逢時路轉窮沉冥本自意宦術總難工

客屢驚投杼官猶共典籤一嫌叔夜傲誰問伯夷廉執苑何奇進塵塗今久淹夔龍與屈宋今

天目先生集

卷之五

七

三

古幾人兼

聖主方前席孤臣復左遷疑生不調後妬自入朝年白雪終歸楚黃金莫問燕山堂舊時楊蚤已爲君縣

贈四明董生善古篆隸印章

系出廣川後書探禹穴中字鐫蟻泣鬼斤運忽成風繁露原家學雕蟲總國工問奇空爾意予豈似楊雄

與元美方舟北上四首

昔游非不數此遇更相親千里俱秋色扁舟但故人時時狂態出夜夜月華新何似平原客過逢僅一句

擊楫將安適方舟且滯淫千山窺染翰片月照披襟衰髮連壁窮交喜斷金試看車馬地何物抵知音

長河雙繫纜落日萬垂楊白髮諳予病清尊益爾狂橐鞬欣再遇旗鼓敢相當坐覺雙鉤色縱橫北斗傍

天目先生集

卷之五

八

三

不盡同舟興居然御李心仙才曾不異酒態向予深月送秋濤色雲生大海陰乞休君倘遂吾意亦抽簪

過慎侍御子正山亭

一丘藏野興萬竹閟秋陰不入逃虛境安知出世心開尊芳杜滿高枕白雲深除却求羊輩遂蒿未易尋

挽太保劉文安公

更生推諫疏公幹擅詞雄一旦遺書出千秋汗

簡同河山猶晉問郊廟自唐風復有懷君處  
翩翻草工

客舍秋懷

昔賢何落落而我尚棲棲老大羞牛後支離笑  
馬蹄軒裳徒自苦杯酒定誰攜秋至仍多病那  
能待執圭

寄題灌息軒

滄洲原少事白日自深居夢破遽廬後春迴抱  
甕餘江雲窺隱几山鳥過繡書除却草玄外焚

天目先生集

卷之五

九

二首

香只晏如

送御史大夫王公歸蜀二首

羣公俱請老國事好誰憑豈不高賢達其如失  
股肱白雲開劍閣春水映嘉陵斂息扶搖羽蒲  
輪會早徵

蜀道八千里斯人可易逢留侯方辟穀公輿又  
明農名世非衰鳳清時可臥龍峨嵋山月好嬌  
首最高峰

譙黃鶴樓賦得禰衡二首贈吳生虎臣

每懷鸚鵡賦千古氣難平江漲洲長沒春來草  
不生時才驚跋扈酒態喜縱橫餘子中原在誰  
堪吊禰衡

俠客千秋至浮雲一日開氣如吞夢澤風忽起  
蘭臺大別爲詩案長江作酒杯笑呼禰豎子狂  
簡未知裁

初入滇關二首

蒼然平楚望云是古滇疆白日開南徼青天豁  
大荒河山猶內地花木自殊方吹盡浮雲色雄

天目先生集

卷之五

十

八

風萬里長

一出夜郎道纔看曉日生風聲連海壯地勢入  
滇平氣色開金馬煙花蒲石城寄言張博望此  
去可橫行

關索嶺二首

索嶺看如此黔中路可知石梁凌壑險天塹入  
雲危推輓車垂敝驅馳馬漸疲騎衝昔有戒叱  
御爾何爲

服車曾九折縮轂更千盤已自空皮骨從誰借

羽翰溪愁爲點熱泉喜馬跑寒試問今朝路何如蜀道難

盤江雨霽

亂雲飛索嶺片雨散盤江天擁金城百星搖寶劍雙山橫青玉案水漾碧油幢喻蜀高文在雄心未可降

分水嶺遇雨

峯帷分水嶺雨色晝冥冥馬飲溪流碧煙浮樹杪青深林迷棧道絕壁隱旗亭莫弄衣生笛羈

天目先生集

卷之五

十一

五

人未可聽

集武昌分司園亭同吳明卿余自分司遷

滇藩二首

南征二隔歲花木遂成林池亂芙蓉影庭交薜荔陰暮雲停授簡秋水淨披襟不是蒙莊子安知做吏心

從他沉案牘那可廢登臨垂釣猶濠上爲園卽漢陰會心逾曠遠成趣轉幽深此日尊前賦寧同澤畔吟

將赴閩淮陽陳太守玉叔邀餞江上留別

春雲停漢節曉色渡淮鐘濤賦高枚叟玄談狎仲容星槎落牛斗雪唱起魚龍招隱心猶在青桂樹重

餞賓州太守葉化甫還羅浮同顧季任郭建初分韻得花字

以我一尊酒停君萬里槎仙才推白雪歸計豈丹砂海國星初聚山城日欲斜羅浮殊只尺莫不寄梅花

天目先生集

卷之五

十三

萬曆改元中行詣濟南祭于鱗墓學憲袁

魯望出餞于郊大計魯望被論留中而魯

望竟挂冠還里踰月計聞閩中哭之六首

哭罷濟南墓逢君一解願寧知挂劍處仍是絕絃時日月空詞苑河山邈酒卮故交行欲盡何自寄相思

不怪流言枉翻嫌脫冕遙遠臣宜色舉聖主自心知白日縣孤塚千秋定一辭從來節俠士死不受人疑

逸才稱上國佳賦有東征德並醇醪美官仍水  
鏡清束芻徐孺子種樹魯諸生一片延陵石還  
齊季札名

奕世重儒宗詞林豈易逢我猶慙半豹客已擅  
登龍表昂有水鑑被接者蕭登龍門一椽才寧盡羣疑道不容  
挽歌行路處轉自憶山松

江左論知已相親更有君抱衾鐘阜月下榻岱  
宗雲星自燕臺聚天從魯道分縱成懷舊賦鄰  
笛豈堪聞

天目先生集

卷之五

十三

雪中行路斷還似臥袁安偃蹇逢通籍艱危早  
挂冠詠傳牛渚遠劍失虎丘寒匹練吳門色應  
將過隙看

五日約李文仲泛舟闔城西湖雨甚不果

小酌林亭同賦

競渡終何意清齋晚自宜披襟來舊雨照夜出  
新詩酒氣浮昌歆庭陰覆荔枝同心看汝在蘭  
佩更攜誰

和王敬美贈姚弘道詩二首

塵世終難料青山且放歌千秋堪自見一第定  
誰多缺陷從天地生涯付薜蘿客朝何用解  
藉有羊何

試問佯狂者何如張長公計寧金注拙才向陸  
沉雄枉殺屠龍技翻同失馬翁匣中孤劍在依  
舊倚崆峒

哭于鱗墓甫三載謝茂秦死于趙而諸子  
生計甚微乃出橐中裝遺之

濟南泣不盡那更爲君揮交豈浮雲變書綠萬  
里稀游燕辭賦定客趙子孫微大有聊城感翻  
如丁令威

歐廣文楨伯方奉常允治李京兆于美寄  
懷賦荅

狂歌故所見寧足抵君醪無乃懷人久因之發  
興英雄心燕市酒寒色廣陵濤何必山陰道千  
山夜雪高

右楨伯

自忝違羣顧深知曠世懷豈緣下里曲能破太

常齋一聚星臨穎相思月映淮誰言投壁晚古  
道世難諧

右允治

曾共南樓嘯風流久不忘忽聞賡白雪還似對  
滄浪莊叟更情傲嚴陵客態狂定知相見日一  
醉酒人旁

右于美

春日過觀察劉仲脩園話舊見其從子進  
士恩徵

天目先生集

卷之五

十五

章臺春走馬同看曲江花一別年俱晚相留日  
已斜詩傳公幹草園種邵平瓜玉樹何璀璨風  
流本謝家

王亮卿汪惟一過集李德華雪月樓余有  
別阻不與賦此

何意軒車過翻違賦別筵登樓俱有作下榻獨  
無緣脉脉雪仍在依依月故圓誰知興未盡愁  
殺子猷船

祭于鱗墓六首

展墓忽今日登樓異昔時三春宿草積萬里素  
車遲古調鐘期盡窮交鮑叔知肩摩與轂擊空  
自隘臨淄

詞賦千秋壯山河一日空悲歌紛泣雨俠氣忽  
成虹南國走徐穉中原失孔融文星何處所長  
傍素王宮

再過西州路關河倍黯然碣齊華不注樹暎汶  
陽田有道寧長夜無涯自大年忽驚雷雨過千  
騎泰山顛

天目先生集

卷之五

十六

當年未種檟此地數班荆轉盼成今古論交到  
死生門人悲負土閨婦哭崩城獨有昆明客猶  
慙范巨卿

露積新蒿里風流舊竹林文章身後事巖穴向  
來心千古堪陵勁孤生竟陸沈此時承睫淚寧  
俟雍門琴

嶽降關人代神游傍帝居祇今埋玉地仍是泣  
麟墟萬里滇南夢三年歷下書一哀風雨至駟  
馬重踟躇

懷滇南戴王二明府兼挽段君

相違成曠世何自耐離居飛動百年意艱難萬里書楊林煙黯淡龍洞雨何如况有山陽感恩君淚滿裾

歐楨伯邀黎惟敬方允治李于美及余集僧舍得文字

不識招提境言從鄭廣文青氈寒映雪彩筆氣凌雲凍合春猶淺談深夜欲分故交寥落盡何意得諸君

天目先生集

卷之五

七

三

清朗閣爲歐子耕賦

小閣傍高丘平臨大海流濤飛千丈雪榆白萬山秋自得逍遙意真成汗漫游羅浮知亦好猶憶在楊州

山中荅母爲朱邦肅賦

形影孤誰傍冰霜毋獨操雲寒黃鵠遠風急白楊號隧道泉何及升丘碣竝高比隣哀爾意康伯在銓曹

道家山爲程無過賦

南岳懷真隱中林得避喧青山藏王笈紫氣護玄言桃李蹊仍在蓬蒿道益尊天都鸞鶴近旦暮過黃軒

賦得南海雙明月贈歐經季并呈楨伯

南海雙明月寒光夜夜浮自從還合浦因得報隋侯萬乘猶輕遇連城未易酬知君珍重意好向漢宮投

題霞霞樓

朱陵有真氣攬結遂成樓滄海浮天盡丹霞抱日流壺中探道術方外采真游不是安期輩茫茫未易求

題王芝田卷

豈無平子賦不種邵平瓜秀自銅池出歌兼寶鼎誇氣蒸滄海日色映幔亭霞試看蘭將玉同時滿謝家

董體仁送余至固節旗亭飲別賦此貽之

自古銷魂地經過復此亭布衣交自重尊酒眼偏青柳色春堪惜驪歌老倦聽因君懷舊侶落

落歎晨星

過郝封君故園二首

藜杖登臨地軒車故所經  
瓊花分別觀玉樹滿中庭  
臘醪杯浮雪春筵客聚星  
山人獨不見桂樹自青青

瞰此八公里重停萬里槎  
山連隱士桂園接故侯瓜  
別後江濤冷尊前海日斜  
殘紅浮暗水疑是武陵花

同歐楨伯黎惟敬送門人郭建初南還賦

天目先生集

卷之五

七

三百十八

待對薊門城天涯計吏情  
洛陽推賈誼北海重王生  
構思三都就傳經六館  
傾倚問歸思切不少和歌聲

夏日東貞吉宗侯

清世佳公子翛然水王姿  
小山叢桂樹明月美蓉池  
懶上通親表長吟招隱詩  
偉長慚自許良會憶南皮

對酒懷貞吉

不淺夷門顧何如鄴下游  
投詩來琬琰對酒憶

風流蓋滿飛明月鈎寒射斗牛  
高齋一榻在端為此淹留

問李德華疾二首

茂陵予尚病藥裹爾何如  
自與千秋契誰能一日踈  
掩關深碧草罷酒過紅蕖  
漫擬枚生發因之問起居

誰言塵世病也到謫仙人好  
賦翻憎命耽書或損神據梧  
應自嘯下榻更誰親安得翩  
然起狂呼醉十旬

天目先生集

卷之五

二十

原注

除夕

隱几當除夕聞鍾悟息機  
草玄雙彩筆垂白幾斑衣  
丘壑心難改風塵事總非  
何如一杯酒歲歲奉慈闈

天目先生集卷之五

天目先生集卷之六

吳興徐中行子與 著

五言排律

正月十六夜同諸子過順甫宅得燈字

火樹連三市星橋映五陵  
鄴中七子賦漢苑九  
華燈桂暈光疑滅蓮  
壺漏漸增寒餘金堂  
露春上至河水浮白  
能中聖談玄得上乘  
越吟悲自遣燕石笑  
相矜御氣通丹禁邊  
烽斷白登更聞祠太  
乙鐘鼓夜相仍

天目先生集

卷之六

頁全三

周翁受封京師便還吳中其子濟叔索贈

舊憶吳中士今從闕下逢  
關門來氣色海岳駐  
形容垂老紆朱紱平生  
薄素封冠仍裁竹籜服  
更製芙蓉海日高欹枕  
風泉落倚筇壯山猿鶴  
在應不諳周顒

送劉客部擢承天少參

今上龍飛處中興王氣新  
爲存湯沐邑親簡被  
垣臣使節趨朱邱仙班  
輟紫宸西陵煩守衛南  
紀藉經綸禮樂推劉向  
蕃宣得寇恂大風方幸

沛七月載歌幽象闕瞻星遠  
熊旂問俗類獵誇雲夢澤  
珠憶漢江濱白雪稱同調  
青尊送故人好將郢里曲  
散作石城春

送黃侍御按滇南

親持天子詔徑度夜郎山  
地盡金沙界名高玉笋班  
清霜吹馬首紫電照刀環  
日月開三楚風煙淨百蠻  
樓船開海上銅柱臥雲間  
却笑尋源使空稱畧地還

送宗姪雲卿任靈璧縣簿

天目先生集

卷之六

二

頁全三

弱冠入燕京長歌俠客行  
金羈千里駿錦席五侯  
鯖顧我頻投轄逢時欲  
請纓一官紆左尉三月  
賦東征王氣開原廟青  
山匝潁城試過淝水問  
小謝至今名

出越劍示王亮卿席上口占

兩夜蓮花匣床頭忽自鳴  
扣門逢俠客問姓卽荆  
卿倏忽雙龍出蒼茫四  
座驚白虹天外落紫氣  
酒邊生裘馬心逾壯烽  
煙事未平臨岐欲把贈  
吾意在橫行



送大梁李公轉東藩左轄八韻 代作

賦別復梁園高秋鼓吹喧張旌臨北海馮軾下  
中原賜履東秦壯登封太嶽尊河山開日觀星  
斗挂天門闕里風堪問明堂跡尚存齊名慚李  
固對榻戀陳蕃湖月邀仙舫峯雲落酒尊誰憐  
虛左地長憶信陵恩

同張肖甫送通兄山人還蜀

兄弟金臺別依依玉樹柯鳴琴懷蜀調把酒醉  
燕歌曉騎停楊柳春衣換薜蘿回車赤岸近臥  
天目先生集 卷之六 三 頁全三  
關白雲多月度峨眉夜花飛錦水波著書藏小  
酉種藥滿中阿風物三巴盡蓬蒿二仲過他時  
登海嶠莫惜示羊何

題劉司空顧司寇張銀臺諸公湖南雅社卷

天外羣星聚昭回破寂寥陸沈曾道路雲臥此  
山椒閱世滄桑盡迹名海嶽遙一丘堪白首萬  
事有清朝地古煙霞老亭空薜荔騎采芝從綺  
李斯藥問松喬枕裏藏鴻寶樓前度碧簫人齊

大羅隱賦竝小山招長嘯驚天目高風失斗杓  
却慚黃綬累猶負赤松邀

杪夏從瑞金山行輿中作兼寄明卿

火方逢六月靈晷歷千盤久徑難容憶縣崖欲  
墜輟人家藏洞壑鳥道出噴岈寂寂長松嶺漕  
漕亂石灘古楂通岸險飛瀑濺雲寒野薜懷初  
服荒榛謝午食歲時過薄秩山水笑微官石爛  
悲仍在河清俟轉難時違杯倦把老至鏡羞看  
浮世從推轂深謀在挂冠爾曹稱獨往吾意有  
天目先生集 卷之六 四 頁全

清溪洞

何意靈仙窟翻從絕域開磬懸虛地肺標起插  
天台紺碧空中相金銀海上臺橋新通碧磻佛  
古繡蒼苔有客尋真氣無僧辨劫灰霞扉朝日  
月雲壑闕風雷東炬羣靈出銜杯萬象迴休食  
應此地車騎漫相催

游靈岩寺二首

息駕逢初地揮毫及早春鐵圍藏窈窕銀壁削  
嶙峋秀自分東岱開應得化人蓮奇仍類嶽松  
古似經秦壑悟移丹異泉知卓錫神笑叅金粟  
佛敢謂是前身

列岫圖丹壑諸天出翠微雲霞明客路薜荔暗  
禪扉御墨金爲榜神僧鐵作衣塔窺清漢上鐘  
裊白雲飛揮塵探玄理忘筌悟息機乍如逢慧  
遠日暮澹忘歸

奉挽少師楊公詩十韻

未自先生集 卷之六  
忽報中天折乾坤思鬱然累朝懷舊德四海失  
高賢運際變龍會身兼將相權調元三握斗扈  
聖再開天遺老彈冠日疆胡款塞年題才深報  
國借箸數籌邊膂力疆場盡精神日月縣望堪  
標砥柱冢合象祈連曾入山公啓猶虛太尉篇  
共知心許在千里挂龍泉

天目先生集卷之六 終

天目先生集卷之七

七言律詩

除夕示元美

春生薊苑雪仍飛日逐荆卿醉不歸朋舊星疎  
長自惜天涯歲暮轉相依論文總抱千秋恨薄  
宦頻驚萬事非舊業五湖君最近可能携手賦  
漁磯

九月八日登天津城樓遲謝山人李比部

賦

搖落千山客思哀城樓面面海雲開漁陽秋色  
三邊盡碣石悲風萬里來南北烽煙聊對酒古  
今懷抱此登臺明朝更有龍山約羌笛胡笳莫  
漫催

山陵道中風雨二首

春日幽州黯不開蒼茫寒色徧燕臺乍驚芒碭  
蛟龍過復似嶠函風雨來地坼黃河愁震蕩天  
迴青嶂鬱崔嵬憑陵却憶狂胡日烽火高秋鼓

角哀

鼎湖曉散千峰雨  
黍谷春開萬壑水  
閣道陰森盤樹杪  
宮牆繞繚隔雲層  
東來海色迷玄菟  
西望烽煙暗白登  
忽憶高皇歌猛士  
大風蕭瑟起諸陵

臥病簡萬郎中章甫

朝回伏枕望金莖  
中夜懷人玉漏清  
已分楊雄疲執戟  
如何嚴助厭承明  
艱危世路青尊盡  
搖落風塵白髮生  
不調未須嗟宦拙  
漢臣郎署自

天目先生集

卷之七

二

五

垂名

北郊臥病不赴齋宿屬元美諸人並移病

因賦

仙臺玉漏霽沉沉  
遙望金莖祇自吟  
司馬文園長病肺  
漢王宣室正齋心  
高城過雨疑秋蚤  
閒館焚香坐夜深  
何事故人俱伏枕  
虛傳載筆賦汾陰

答孫侍御秦中見懷之作

千里緘書報漢曹  
新傳使節在臨洮  
西通大宛

飛黃入北上蕭關  
太白高沙苑春深  
饒首藉柏臺秋晚  
醉葡萄誰知侍從  
回中後更有詞臣  
賦綵毫

游荆溪張公洞

迢遙複岫倚高天  
百折危梯入紫煙  
赤日洞門吹積雪  
青雲樹杪挂飛泉  
潮生壑底三江應  
霞起壺中五嶽懸  
一自張仙冲舉後  
黃金大藥有誰傳

送元美出塞

天目先生集

卷之七

三

三

柳色春深五鳳城  
明光使者授長纓  
風雲六傳從天下  
鼓角千山出塞行  
豐劍畫摧恒嶽色  
郢歌秋折大河聲  
何人爲掃燕然石  
萬古寧留爾輦名

哭梁公實四首

瀟瀟風色暗燕關  
易水東流不復還  
一自文園移疾後  
遂令玄草出人間  
瘴深銅柱空懸涕  
日短丹砂未駐顏  
獨有梁鴻舊時月  
清秋長照灞陵山

五嶺高秋王樹殘尺書猶自問加餐虛傳滄海  
窺鴻寶豈謂青山妬鵷冠劍失中原高斗沒詩  
留南岳白雲寒懷中錦字何曾滅風雨燈前不  
忍看

三秋別思薊門深南望蒼梧起夕陰尚擬郢中  
爭白雪那知方外誤黃金縱橫未盡垂天翼生  
死難灰蹈海心便欲登牀尋子敬不禁雙涕掩  
鳴琴

時命曾傳鵬鳥篇河山莫問酒壚邊風雲自鬱

未見先生集

卷之七

四

五

千秋色星斗常寒百粵天何日松楸懸寶劍異  
時山水罷朱絃眼中舊侶相看盡聞笛山陽倍  
可憐

### 喜于鱗至

咫尺關門紫氣層滹沱千騎踏寒冰塞帷雪色  
迴雙闕擊筑春星動五陵肝膽詎從詞賦見聲  
名或藉璽書增亦知元禮龍門迴却怪當年醉  
裏登

### 送于鱗還郡

計吏雄才寵漢官還驚五馬出長安爐頭春入  
燕山色七首風生易水寒三輔黃金明主問  
千秋白雪世人看太行不厭高齋客橫笛休吹  
行路難

送曹明府之義烏兼簡東陽吳尹俱楚人  
仙令雙鳬日下飛都門賦別有光輝帆懸片月  
臨滄海簾捲千山坐翠微霞起金華開石室雲  
生玉樹映春衣郢中二妙今同宦白雪誰云和  
者稀

未見先生集

卷之七

五

五

### 呈少司寇何公

江左衣冠自昔傳兩朝出入未央前謝安名重  
臨戎日蕭相功高轉餉年黃髮中台卿月迥白  
雲華省法星懸中興況際羣龍會長奉天顏  
北斗邊

### 壽少司馬王公

千山羽騎肅秋陰五月漁陽塞上吟開府東西  
軍令遠推輪前後主恩深風雲不斷旌旗色日  
月常懸保障心更道趨朝仍黑髮頻看佐酒賜

黃金

李伯承諸子見過

病客都門臥寂寥群公何意問綈袍風塵賴汝  
開雙眼湖海憐予改二毛落日五陵寒擊筑浮  
雲萬里過持螯酒闌共指談天處北斗遙連碣  
石高

常園同于鱗子相元美席上賦二首

鶯聲歷亂柳花飛載酒名園興不違時序祇今  
嗟鬢髮天涯且復戀芳菲風生杜若香浮席雨  
天目先生集 卷之七 六 一 三

過松蘿翠滴衣休沐更期旬日醉他時或恐舊  
游非

青蘿白石擁崔嵬芳草寒泉檻外迴四海交游  
頻對酒千秋詞賦此登臺雷鳴忽訝蛟龍過日  
落重驚風雨催南北烽煙堪涕淚漢庭誰是請  
纓才

秋日登白雲樓懷于鱗元美

朱樓高倚白雲層羈客愁常落日登獵獵悲風  
連九塞蒼蒼秋色徧諸陵中原詞賦懷王粲滄

海仙舟憶李膺徙倚忽驚南下鴈湖天千里思  
何勝

送范生還越

少年結客空燕市晏歲思家自越吟湖海幾人  
懷白壁風塵何處問黃金鴈飛吳會江天迴馬  
度關河雨雪深歸去謾將名姓變扁舟湖上好  
相尋

送周憲副復任滇南

文翁蜀地舊推賢馬援勳名華髮年憲府秋開  
天目先生集 卷之七 七 二  
千徼月樓船南盡百蠻天碧溪雲度滇池上聽  
馬霜飛瘴海邊意氣知君輕萬里幾人談笑贈  
龍泉

射陽湖逢子相北上醉別

邂逅長安舊酒徒張燈夜醉射陽湖斗間劍氣  
雙龍合江上濤聲萬馬趨病起適逢枚叔作狂  
來重入步兵厨明朝桂席還南北回首長淮月  
色孤

京口小飲江樓懷元美

新亭杯酒暫留離故國山川亂後看飛檄大江  
愁王氣談兵幕府笑儒冠天迴睥睨孤舟出潮  
起魚龍六月寒飄泊正思王粲賦浮雲何處望  
長安

采石登太白樓

乘風獨上謫仙樓檻外蒼茫散九州揮手雲霄  
辭萬乘銜杯天地失千秋詩留大嶽星辰折氣  
壓寒濤日夜流便欲呼君醉明月蕭條異代不  
勝愁

天目先生集

卷之七

八

三

寄贈李于鱗督學關中時余使吳

攬轡當年出漢庭解頤匡鼎此傳經崑崙水落  
三秦黑仙掌雲開二華青揮翰柏梁驚異代燃  
藜天祿走羣靈更聞牛女昆池裏幾向秋風問  
使星

送元美兵備山東

漢庭詞客領元戎十二東秦指掌中一上岱宗  
歌郢調遂令海表失齊風舉帷曉日開雲壑校  
獵春花滿雪宮虛席倘詢天下士郡人誰與魯

連同

奉寄大司寇箬溪顧公八十

法從仙班壓漢貂承明劍履歷三朝乞身黑髮  
元強健招隱青山未寂寥玉樹兩京推定國銅  
標萬里謝班超淦霞況得宸中秘不用天台訪  
石橋

送吳峻伯督學山東兼簡王元美

使君憑軾下東藩碣石風高大旆翻日擁樓臺  
滄海關天迴星斗泰山尊青徐十二連開府鄉

天目先生集

卷之七

九

魯三千盡在門把手王生應氣色並驅鞭弭向  
中原

寄送吳明卿之建安明卿先調南康

聞爾移官向武夷浮雲慘淡又南馳謾愁青髮  
年年改却喜名山處處隨落日采霞橫臥閣高  
天飛瀑對題詩請看九曲清秋月何似匡廬載  
酒時

早春雪中胡伯賢歐楨伯北上見過登臺  
分韻得絲字

登臺二妙豈相期春雪千山照賦詩獻歲恰逢  
星入部旅游全仗酒爲師儘教月色留談麈莫  
怪梅花笑鬢絲此地從來好投轄風流還似鄭  
當時

王文潭

仙臺千尺玉爲容寒照瓊樓十二重石鏡月華  
流桂樹錦屏秋色散芙蓉碧簫縹緲春雲度絳  
雪威蕤白日逢更喜洗頭盆尚在便應晞髮臥  
高峰

天目先生集

卷之七

十

黃臺泛舟懷子相

峭壁雙開白石灘煙霞百里鏡中看青天瀑挂  
千秋色滄海雲垂萬樹寒倚棹芙蓉生暮渚開  
尊鷗鷺過風湍愁來却憶維揚客潮落江空賦  
采蘭

除夕登樓懷吳明卿

側身南斗見匡廬孤客千愁起歲除北極衣冠  
星散盡中原日月陸沉餘詩成自醉九江雪亂  
後稍傳五嶽書坐待海天春色曙便應披髮逐

樵漁

秋日同宗少參子相游朝斗岩作

仙掌蒼蒼倚寂寥群峰高擁萬靈朝泉飛南斗  
青天濕地拔中原紫氣驕秋到白雲留作賦客  
來明月坐吹簫相逢已在崆峒上何用緱山問  
子喬

寄題李于鱗白雪樓二首

寥廓誰論碣石宮千秋作者此樓中自非海嶽  
開天造安得文章有國工撫軫陽春迴黠淡揮

蒼甫先生集

卷之七

十一

毫寒色散鴻濛杜門莫怪常高臥郢調人間未  
易同

駘蕩深知宋王才層樓高倚岱宗開月含雙掌  
雲邊出濤擁三山海上來梁苑賦成誰授簡郢  
中歌罷自銜杯側身東望飛揚甚乘興焉能信  
宿迴

表臺同諸僚友燕集

表臺高出頽儒林叅佐乘春此盍簪自得范滂  
唯畫諾不妨羊祜數登臨嵩山近接真人氣汝

水深知傲吏心倒着接離從客笑使君今已二毛侵

同諸子登表臺作

測景中天出表臺乘春四望曉雲開城臨縣瓠黃河落簾捲高高紫氣來寥廓星辰搖汝穎昭回辭賦列郗枚風流莫問襄陽碣潦倒聊傾北海杯

送兵憲李公量移還豫章余亦被播歸吳興

未見先生集

卷之七

十二

向愁華髮願多違何幸青山遂拂衣一榻畫縣徐禪去扁舟春送李膺歸垂綸震澤歌明月載酒廬山賦采薇爲報海鷗休浪訝風塵回首又忘機

被調南還曾子澄都護遲予春和驛席間

賦別因憶子相聞中之會感愴今昔贈此

謾嗟仙客散梁園月滿春河且晤言望氣久勞關令尹論文寧負趙平原停杯擬就將歸賦倚劍猶銜未報恩隣笛忽聞吹折柳舊游淪落倍

銷魂

諸僚及固始劉尹餞予朱臯鎮野寺賦此

羣僚供帳日雲從餞別重聽古寺鐘病後長卿游已倦客中卽今禮逾恭閒居翻喜堪羅雀名世何勞擬臥龍莫怪片帆歸去急嚴耕猶得及春農

汝南罷歸過光州游劉公玄湖作

南去懷沙一逐臣相逢披髮醉經旬鄴中文藻劉公幹洛下豪華石季倫霄漢雲開臺榭迴林

天目先生集

卷之七

十三

宣王

塘風度管絃新江東豈乏登臨地能賦蘭亭更幾人

飲固始中丞張公別墅作

含香共憶白雲垣受簡重過修竹園雨後莓苔侵步履春深芳藥照開尊居東益重蒼生望虛左仍慙國士恩却喜張華雙劍在還期他日過中原

寄許右史殿卿時爲于鱗辭王官矣

曾衝冰雪送予行雙兔橫梢獵騎輕總爲窮交



辭趙相何妨任俠逐荆卿和歌梁父秋雲過踞  
坐天門海日生跨鹿便期周五嶽狂夫今亦謝  
浮名

別郡中諸鄉先生

汝南車騎滿河梁折柳重停五驥驕星聚暫能  
陪父老月評終自負循良開尊何處逢三益挂  
席明朝是兩鄉念我好游同叔子莫將遺愛比  
襄陽

寄明卿

天目先生集 卷之七 十四 三百四十二  
忽傳燕使到平輿不是除書是謗書杯酒片言  
終不解雲霄累薦竟成虛卽看吾黨俱漂泊安  
得狂生獨晏如坐待秋風吹九曲便乘明月問  
三間

虎丘餞袁魯望張伯起北上春官分韻得  
吳字

雕盤賭采競呼盧蘭若仍携舊酒徒檻外寒雲  
開震澤尊前俠氣動勾吳中原竝起飛龍轡上  
界雙投明月珠楊馬同時原不偶况逢羽獵正

誇胡

再送袁魯望

匹馬蕭蕭向帝州北風吹雪滿貂裘棄繻自許  
終逢主抱壁何妨晚拜侯夜月銜杯燕市裏春  
雲載筆鳳池頭相思南望靡蕪綠定有鴻書問  
舊游

送柳州曹文學之任瓊山

天目先生集 卷之七 十五 三百四十四  
炎州六月片帆孤楚客離歌颯五湖鄴下才名  
推大雅關西經術起文儒天連滄海風濤壯地  
隔中原氣候殊報主卽今多國士充庭寧用薦  
明珠

寄荅廣陵歐文學楨伯 南海人

蕪城客夢滿江皋千里懷人尺素勞篋裡夜光  
南海月賦中秋色廣陵濤談天寧復如燕市翫  
世何妨似馬曹念爾最憐中散調知音寥落好  
誰操

題門生汪惟一筠丘卷

便娟修竹滿靈丘竹裏煙霞淡不流總爲七賢

留對酒非關千畝擬封侯月明嶰谷清音度風  
起瀟湘白日秋贈爾慚無枚叟賦兔園雪色未  
應愁

長至陳達甫携從子仲魚過集得旁字

漢宮仙律動初陽吳市悲歌入醉鄉憶昔雲霄  
曾獻履于今風雨各沾裳交游漸與青山厚詞  
賦頻驚白髮長明發臺頭望雲物德星猶聚五  
湖旁

解郡後寄懷李于鱗時先予乞歸七十矣

天目先生集

卷之七

十六

三

東山高臥已多時念我新貽招隱詩白首第應  
知己惜青雲盡免衆人疑縱橫詞翰千秋事汗  
漫江湖五嶽期從此泛舟雖未晚拂衣終日愧  
鳴夷

解郡後明卿遷守樵川貽詩見訊兼有上

居吳興之約賦此答之

臥閣烽煙客夢勞緘書雨雪問綈袍蒼茫劍浦  
雙龍氣寥落詞林一鳳毛誰向畏塗論歲月且  
期偕隱向蓬蒿微名削盡閑何事轉見千秋郢

曲高

遷客春回臥五湖故人亂後始分符擔簦謾惜  
虞卿老托乘翻憐李重孤病後形容滄海駐狂  
來詩句白雲扶懷予賸有尊鱸興已向烏程覓  
酒壚

吊孫太初墓

江南誰復賦招魂湖上千秋片石存忽自關中  
來紫氣曾從柱下聽玄言還丹壯歲方仍誤擁  
褐滄洲道亦尊落日振衣風驟起依然清嘯滿  
蘇門

天目先生集

卷之七

十七

三

寄張孝廉幼于

吳門張季翁節俠士也其仲子幼于交  
多名家哀輓盈篋及廬墓側再開寒暑  
惻然念之便欲往看先寄此詩

歲晚烏啼茂苑荒千年寒擁孝廉牀交多宋玉  
哀詞滿冢竝要離俠骨香欹枕松杉鳴夜雨帶  
經麋鹿過斜陽相思便欲携琴造青眼偏憐叔  
夜狂

答濟南魏使君順甫寄訊山中之作

自向秋風賦采蘭經年無夢到長安故山病起  
青春暮楚客詩投白雪寒堅臥祇緣天性頗量  
移原識主恩寬匣中劍氣飄淪盡怪爾猶從泰  
嶽看

和李于鱗重贈二美詩

王生海內幾人同愛弟縱橫技亦工關內季心  
俱任俠鄴中曹植竝詞雄和成郢曲飛春雪舞  
罷吳鉤起朔風况是龍門經品第千秋二美擅

天目先生集

卷之七

七

江東

內弟李德華與余比隣意得甚未嘗須臾  
相失也頃以少司馬胡公聘修省誌祇役  
延陵就薛方山先生館局別忽三月纔一  
會晤又棹舟泛五湖往矣言念睽携益增  
懷戀抽毫投贈情見乎辭

昨去延陵逼歲除歸來芳草滿華裾乘風又泛  
鴟夷棹載筆重修絕書旅館鄉心隨海燕行  
厨春味薦江魚比隣杯酒還誰在莫忘音徽謝

索居

寄懷張中丞時余解郡還里

閒居鸞鶴久爲群薄宦金魚也自焚飄泊共成  
浮海客艱危猶憶伏波軍論心明月蘇臺冷翹  
首青天益部分誰信東山高臥後至今西北有  
浮雲

冬日訪王元美兄弟偶遇吳門喜而賦此

一夕菰城落葉分經年明月悵離羣正愁孤棹  
迴殘雪恰喜雙鴻下暮雲把酒便須旬日醉和  
歌寧遣衆人聞相逢亦是尋常事紫氣何勞映  
斗文

天目先生集

卷之七

七

三

答朱邦憲

當年持節下長安裘馬逢君意氣看濟水春雲  
頻倚棹酒樓斜日共憑欄朱絃歲月相知少華  
髮江湖一會難誰道子猷乘興後菰城雪色至  
今寒

萊蕪令王君以註誤還山元老招之北上

過訪山居席間賦贈

高天何意落雙鳬爲問閒居到五湖主聖會應  
封卽墨官貧且莫笑萊蕪塵埃氣色存龍劍丘  
壑襟期對玉壺聞道平津開閣待肯容滄海著  
潛夫

寄嶺南李僉憲

一別承明阻舊歡乘驄君復出長安天南氣色  
高銅柱日下聲名壯鐵冠霜肅炎荒春瘴盡月  
明滄海夜珠寒共嗟嶺外翔鴻少欲寄琅玕道  
路難

天目先生集

卷之七

七

百五

寄廣東馮大參

向傳繡斧渡瀟湘重綰銀章擁大荒開府蒼梧  
推馬援論兵漢署憶馮唐荔枝入夏連薇省翡  
翠乘春貢越裳共道撫綏多遠畧遙看兵氣淨  
扶桑

送莫廷尉之任南都

繡斧風塵十載勞寵行新賜漢宮袍廣陵濤白  
仙帆遠建業山青法署高氣色兩都桓典馬功  
名萬里呂虔刀六朝芳草猶堪賦翰苑爭傳舊

綵毫

魏濟南順甫數候于鱗意甚篤至因傾示  
詩草卽爲刺播日久未寄賦此索之

梅花千樹照江臯春到何人共濁醪擁雪西河  
名轉大振衣東嶽興逾豪玄經總爲桓譚出白  
雪偏宜楚客操業已殺青猶未寄洛陽紙價故  
應高

同年陳憲使自臨海枉訊

曾勞尺素問懷沙病起茅堂感歲華驄馬乍迴  
滄海日彩毫猶帶赤城霞天中嶽色浮公署湖  
上波光滿客槎自昔陳徐共游好春風幾醉上  
林花

承元美兄弟出金裝橐貽書促余北上賦  
此謝之

故人藻翰頻相促傲吏金魚竟罷焚已道窮交  
惟鮑叔寧知資用有蘇君馬牽匹練吳門色劍  
贈雙鈎北斗文三獻倘能明白壁千秋不忝附  
青雲

天目先生集

卷之七

七

百五

周貞陽明府同歐廣陵文學餞余于張掖

門時貞陽亦以候調至

遷客驅車出帝鄉幾人携酒上河梁名齊李杜  
寧辭黨飲逐荆高不厭狂秋色似應憐去住浮  
雲何自識行藏風流莫謂飄零盡紫氣猶寒北  
斗旁

題戴衛尉講堂侍直卷

崇賢新闢旁楓宸調護仍分宿衛臣在昔虎賁  
稱學術于今鶴禁綴儒紳聽經東觀花陰靜托  
乘西園月色新更道從龍來郢里好因授簡和  
陽春

同元美兄弟夜飲許伯雲給事

愛客陳遵不厭勞閒居猶自重吾曹歲寒投轄  
情殊好夜半呼盧興轉豪白破梅花吹雪色綠  
浮桑落瀉春濤厭厭未竟烏樓曲却怪東方海  
日高

都門送魏鴻臚還吳

乍看通籍在蓬萊拂袖仍辭駿馬臺秋色自高

張翰興一官誰盡魏舒才銜杯茂苑青山出挂

席維揚明月來回首五湖情不淺悔將書劍老  
塵埃

贈梁伯龍

春夜曾同醉習池歲寒何意慰心期竹林早識  
青雲器茂苑爭傳白苧詞寶劍暫沉猶射斗名  
駒未老定逢時低回欲結淮南社同賦山中叢  
桂枝

長蘆署中獨酌奉懷王元美兄弟俞仲蔚

及吳門舊游

蕭齋無事日垂簾飄泊何知吏隱兼猶憶主  
恩分虎竹敢辭宦跡混魚鹽南皮詞客堪誰向  
北海青尊只自拈舊社五湖秋正好未歸空復  
羨陶潛

寄贈大常楊公遷銀臺昔督學楚中

向朝寂寞子雲居今見銀臺傍禁廬出納舊傳  
周內史風流不數晉中書四方計吏趨金馬三  
楚門生在石渠更道身親雲夢事可知詞賦似

相如

九日登蘆臺懷于鱗元美兄弟明卿諸君

子二首

秋高葭菼大河迴病起層樓雨色開滄海白雲  
陪下榻中原落日見停杯一官已負陶潛興九  
辨誰憐宋王才因憶吾儕燕市裏每逢佳節便  
登臺

孤城搖落氣悲哉斥鹵黃花也自開萬里鄉心  
隨去鴈九河秋色起登臺自憐蓬鬢風塵老猶

天目先生集

卷之七

廿四

三

憶萸囊漢署來此日銜杯誰不念飄零天地轉  
堪哀

九日懷仲蔚

黃花秋發映綈袍鴻鴈天迴首重搔搖落三江  
空望遠風煙萬里獨登高悔將薄宦驅衰髮判  
取流年付濁醪却笑兼葭官舍滿何如仲蔚臥  
蓬蒿

王仲房過訪將有十嶽之游賦贈

抱病滄洲總陸沉掩關朱夏謝招尋雄風忽擁

談天客大暑寧侵出世心翠篠影含冰簟冷青  
蓮香貯玉壺深振衣從此周名嶽誰道襟期負  
向禽

山居故將軍曾子澄夜過談及邊事遂北  
上賦贈

歲闌廷尉日張羅夜半將軍叱騎過別後幾人  
論白雪興來千里渡黃河燈前看劍驚風雨石  
上開尊醉薜蘿此去長纓如繫虜相思遙望寄  
鏡歌

天目先生集

卷之七

廿五

三

歲暮大梁道中寄懷京邑舊好

寒色瀟條汝水濱檐帷猶復走風塵梁園賦雪  
逢多病碣石談天更幾人二室采花今已暮五  
陵芳草又將春近來憔悴君休問華髮于今祇  
自新

涇溪王使君見過投詩賦荅

雲霄侍從憶仙班湖海飄零又賜環執戟頻年  
仍綠鬢褰帷到處有青山風塵萬事悲歌裏杯  
酒千秋睥睨間更羨郢中曾扈蹕祇今白雪滿

江關

題俞德卿江上小堂

寂寂茅堂傍水開，青青芳杜繞簷迴。  
白鴛白雪堪遺世，寧論青雲未盡才。  
萬里冥鴻過伏枕，九江秋色對銜杯。  
懷予定下南州榻，安得扁舟一夕來。

邀鄭順甫避暑薜荔園有感舊游

華髮談經有鄭公，也從奇字識楊雄。  
林深載酒消長夏，天敞登臺賦大風。  
移席清陰生薜荔，挂

天目先生集

卷之七

共

三百三

衣明月滿梧桐，因思河朔曾吾黨。  
日日飛觴碣石宮。

贈葉順甫

五湖秋晚忽相尋，猶有陵陽淚滿襟。  
躍馬向嗤唐舉相，好龍猶負葉公心。  
銜杯一日窮愁盡，擊筑千秋俠氣深。  
便欲贈君燕七首，不禁風色起蕭森。

贈顧中翰汝和奉使祭告德衡三藩兼祠

沂山東海已事訪李于鱗山中

三齊帶礪壯皇居，六傳飛揚薄孟諸。  
滄海觀風吳季札，詞臣奉使漢相如。  
金銀忽動蓬萊色，科斗親窺魯殿書。  
鳳沼倘逢兄弟問，龍門曾御李膺車。

都門送門生顏日莊令博羅

雪晴銀漢出仙槎，天轉羅浮萬里賒。  
候我西來占紫氣，送君南去問丹砂。  
彩毫却勝機中錦，霞色爭如縣裡花。  
自許延津龍劍在，相知應不負張華。

天目先生集

卷之七

共

三百三

慎子正侍御初度寄贈子正以漳浦令高第徵拜南臺抗論要人旋中以令事解職挂冠寥廓一沉冥，歌枕雲霞照獨醒。  
疆項縱堪蒙漢法，批鱗終自重朝廷。  
殿中疏草含霜色，海上桃花識歲星。  
笑看滄桑更欲盡，森森臺柏至今青。

天目先生集卷之七終

天目先生集卷之八

吳興徐中行子與 著

七言律詩

寄懷張肖甫少叅廣西

中原一自起彈冠南徙仍從萬里看  
地擁銅標新岳牧天迴金馬舊祠官  
紫薇王樹春相媚白雪明珠夜並寒  
虛道四愁君更切那無一字報琅玕

夜泊秦郵風雨感懷子相

天目先生集

卷之八

二百廿二

驩呼當日共登臺風雨寧知此日哀  
雪涕乍裁懷舊賦驚濤驟逐故人來  
千秋日月空淮海何處文章更楚材  
相憶詎須重挂劍斗間龍氣自徘徊

元日簡黎惟敬

天涯回首跡俱陳雲物長安歲月新  
託興梁園惟我在倚歌燕市更誰親  
風塵一病生華髮劍佩連朝隔紫宸  
吾黨漂零君自見相逢寧惜賦陽春

夏日臨汀門人鄧景范過訪賦贈

冒暑南來路幾千談經只自感當年  
天涯一別過垂白門下誰爲守太玄  
懸橐故知廉吏後着鞭寧許衆人先  
賈生十載猶縫掖肯信吳公解薦賢

沈嘉則沈惟賢過訪分韻

日上蕭齋破積陰寧開爽氣散青林  
文章不盡孤臣淚天地誰憐俠客心  
興至片言飛白雪交深千古失黃金  
祇今薜荔堪雲臥却悔衣冠久陸沉

天目先生集

卷之八

二

三百五十八

寄徐使君督學楚中

五花驄馬氣何豪三楚青山照錦袍  
羽獵向誇雲夢大文章今並郢中高  
旋收和璧登清廟肯使隋珠隱漢臯  
聖主賜環恩不淺門生慎勿賦離騷

寄汝南張助甫

薇省遙臨衡嶽開漢京重起洛陽才  
洞庭雨過君山出郢里天高王氣來  
羽獵秋驕雲夢澤旂



常春遠集靈臺况逢今 上飛龍處平子三都賦好裁

吳志道往謁劉中丞於崇陽

樓船組練照中原王節金貂荷主恩一自流言歸馬援至今清嘯憶劉琨陣圖落日空魚腹耕鑿清山滿鹿門聞道杖藜招隱士還應倒履見王孫

送大中丞楊公之湖廣

誰借夔龍出漢宮與都根本兩京同提封萬井

天目先生集

卷之八

三

開雲夢王氣千山護郢中擁帳向曾傳白雪論

兵忽自起雄風太平禪草須公筆 聖主齋居

問祝融

寄荅王元美

春風揮涕鬢俱蒼別路相看一水長念我秋來逾黯淡知君病後轉飛揚畏人不復題鸚鵡好客猶堪典鸛鷀已辦小舟同泛濫五湖煙月漫相將

荅敬美

自爾春歸薜荔深菰城秋臥晝陰陰書來姜被差無恙夢破潘輿轉不禁多病漸銷浮白態窮愁猶負草玄心蕭條四壁堪誰問但得君家三仲尋

夏夜同汪惟一吳志道西湖對月

千山雨後片雲無一棹風前興不孤入座詞人高北斗開尊明月滿西湖光依玉樹秋相媚寒照冰心病欲蘇此地夜游經幾度未知何客得驪珠

天目先生集

卷之八

四

三

寄贈陸茂時吳志道寓其廡下

披襟曾共賦雄風酒後縱橫思轉工洛下名流推小陸舍中高士得梁鴻西湖日月狂歌裏北海交游醉眼中爭道張華能識汝卽看雙劍氣成虹

西湖送別黃子秀茂才還豫章子秀乃長興舊明府之子

落日河山萬里空扁舟尊酒故人同久從知己懷任昉忽自通家見孔融賦別西湖三伏雨還

鄉秋色九江楓思親誰與黃香似贈爾齊統扇  
晚風

寄答黃子芳即子秀之弟

君家小謝興何豪春盡池塘夢轉勞千里忽傳  
鴻鴈字九霄如見鳳凰毛江雲飄泊隨孤棹湖  
月徘徊照濁醪龍劍十年猶未合豐城紫氣爲  
誰高

登峴山懷俞德音以病

登臨忽自悵離羣猶幸山陽笛可聞已爲倦游

天目先生集

卷之八

五

百里

辭武騎那堪多病擁文君停杯日落菰城雨伏  
枕春過震澤雲賴有觀濤能起汝還期握管待  
秋分

奉答豫章王孫子晦并簡同年余德卿

文采翩翩帝子鄉獨憐多病罷游梁湘潭誰薦  
騷人賦蘭佩遙投大國香萬里青楓秋自孤  
城紫氣夜相望因君更憶淮南侶愁見山中桂  
樹長

送姚惟貞方伯候調之京

紫閣經年夢卜頻東山一臥轉逡巡九衢避馬  
風霜舊三殿飛龍日月新星自江湖臨帝座班  
仍方岳觀王春祗今國是清如水汲黯終爲社  
稷臣

喜于鱗起家浙憲二首

青門祖帳故賢哉丹詔新從海岱開闔闔萬年  
真主出風雲一日臥龍來中興堪借文章色漢  
柱曾題侍從才最幸探奇司馬後逢君重上禹  
王臺

天目先生集

卷之八

六

衣冠朝散未央鐘鞭弭中原豈易逢忽自東方  
驅駟馬遂令南北合雙龍霞標欲避天台賦紫  
氣仍來日觀風何但故人忻御李風流誰不慕  
詞宗

于鱗書徵元美及余爲文會于吳山意氣  
豪甚輒賦二詩壯之

龍門高倚浙江邊海內賢豪大會年詞賦有盟  
歸掌握橐隄何地不周旋縱橫南紀星辰動氣  
色中興日月縣萬態盡銷吾黨在狂歌還似薊

門前

禹壇文會遠相同不讓談天碣石宮授簡中原  
高白雪披襟大海起雄風重來五嶽神逾王老  
去千秋計轉工却笑未和修楔者虛將翰墨擅  
江東

呈大中丞周公

再起中原屬望新投簪曾復負平津風雲未盡  
文章色日月仍扶社稷身虛左至今慚國士居  
東誰不念孤臣典來欲泛山陰棹修楔于今正

天目先生集

卷之八

七

暮春

有諷于鱗不宜起者輒爲解嘲二首

詔書三聘舊儒臣端委清朝表縉紳帝座客星  
高自若天門紫氣望逾新已知詞賦關當世何  
必行藏異古人金馬陸沉君自見仙才終不混  
風塵

巖居歲月避人深無奈功名動上林班馬故應  
增漢色巢山原未達堯心崢嶸白雪仍天地舒  
卷浮雲自古今楚客未須歌鳳德一朝千仞竟

難尋

暮春汪惟一王世華孫從周夜集得紅字  
春星乍聚霽溪東氣色何如碣石宮風雨故人  
經歲隔湖山今夜一尊同煙中叢桂新浮綠燈  
外殘花欲墜紅自是諸君耽寂寞敢云詞賦似  
楊雄

春日同吳太僕周給事高刺史沈山人陪  
李觀察西湖燕集得山字

千秋曼倩在人間十日平原未擬還授簡江南

天目先生集

卷之八

八

傳白雪聞尊雨後出青山舊知鄉里詞華客半  
是雲霄供奉班望氣異時緣太史文星今夜滿  
吳關

陸郎中汝成獄閩中脫柯盧二子囚遂

遷蜀憲副

漢節初持郎署年青鸞遙憶寵行邊憐才義釋  
雲中守叱馭風生劍外天西望使星巫峽轉秋  
開憲府錦城連烽煙謾草征蠻檄父老還傳諭  
蜀篇

南昌謝侍御屬同僚費君索贈爲賦

客有雲霄意氣看邀予相贈碧琅玕何須下榻  
知徐穉已自圍棋識謝安驄馬曉從三殿出虬  
峯秋映九江寒嶂巖各有如龍劍咫尺猶憐會  
合難

都門感舊

自去吳山賦采薇重來魏闕淚沾衣握蘭晝省  
如何歲種柳金城已十圍朝下鳴珂新月滿市  
中擎筑舊游非因思侍從甘泉日幾度花前竝  
馬歸

天目先生集

卷之八

九

二百四十七

都門會于麟

相將沮溺老田間携手那知竝賜環銅狄似猶  
諳歲月酒壚終不邈河山關門方軌來真氣帝  
座雙星照客顏 當宁倘尋東觀事敢云揚馬  
在朝班

燕市送薛生薊鎮謁戚開府

笑傾杯酒辭燕市遠逐轅門問虎牙魏幕正收  
飛檄士薛公猶隱實漿家一毛池上元稱鳳五

色毫端并作花會見勒勲遼海上未論秦代有  
瑯琊

飲酒濟南沈太史宅

詞林競和郢中歌此日招携坐薜蘿碣石嶂巖  
邹衍在華陽寥落慶卿過銜杯海月窺金馬染  
翰宮雲駐玉珂醉後試論千古事黃金白雪定  
誰多

同陳王叔李元甫集李本寧宅時余將入

楚得之字

王叔本寧楚  
人元甫蜀人

天目先生集

卷之八

十

二百四十八

十載詞場又一時單車晏歲復何之通家就我  
能同調名世從他各有師楚客竝裁鴛鴦賦錦  
江誰擅碧鷄詞預愁入郢知音隔莫訝臨期駟  
馬遲

出關遇雪有懷元美

孤臣建節指瀟湘瑞雪隨雲出 帝鄉色動連  
城疑入楚光含照乘憶游梁二毛銀艾寒相媚  
雙掌金莖夜自望極目扶風三百里興來誰見  
子猷狂

贈劉開府

威名一起渡瀘年每戰常當士卒先坐嘯清風  
劉越石縱橫南徼馬文淵樓船再爭三江色幕  
府高臨百越天聞道君王方北顧倭將名姓勒  
燕然

追于鱗不及道遇元美賦此

同舟向自期元禮乘興還能逐于猷萬事易從  
交臂失千秋難得比肩游倚歌霄漢雙星動悵  
望關門紫氣浮倘過平原俱會合何妨十日爲

天目先生集

卷之八

十一

淹留

同元美渡江喜霽

新秋霽色滿江關容與方舟杜若間擊楫自憐  
過白首開尊猶喜對青山海中樓閣晴堪畫水  
面鷗鳬晚更閒親友亦知前路穩中流分手醉  
歌還

過歐廣文苜蓿齋同元美賦

苜蓿齋清海月縣桂枝新發早秋天小山自喜  
留詞客微綠猶堪給酒錢雙劍竝緣歐冶出孤

琴曾是廣陵傳相逢片語能蠲疾不俟觀濤已  
霍然

荅元美戲爲一首

龍性由來不易馴更魚服混風塵彈冠海內  
誰吾黨結襪庭中自故人名在未妨嘲小草年  
過寧復問前薪縱饒邊幅稱桃梗敢向詞林作  
主臣

秋日諸君餞焦山作

破浪扁舟興轉饒馮虛杯酒坐煙霄秋陰曉散  
千帆雨海色晴連萬里潮半壁樓船藏窅窅中  
天日月避嵒嵒青山况有焦君宅白杜他年可  
待招

渡淮大風簡元美

蕭條無處可登臺試取寒濤對酒杯嗟氣何勞  
驚日月排空忽自壯風雷乍疑神劍延津出復  
似飛雲芒碭來解道浮淮俱有賦千秋誰竝仲  
宣來

戚希仲楊伯章二禮部携酒夜過同于鱗

天目先生集

卷之八

十二

三

賦

三謁承明且未迴十年詩社此新開携尊黃菊  
重陽後並馬青雲二妙來潦倒繆曾題漢柱文  
章終似起燕臺省郎星聚元非客太史明朝莫  
漫猜

九日抵京于鱗過飲懷元美魏郡

秋風幾日到長楊濁酒新開漢苑旁燕市十年  
還二子龍山何處更重陽佩萸遙憶先朝賜落  
帽深諳故態狂躍馬獨憐三輔客登高頻望白  
雲鄉

天目先生集

卷之八

十三

二百五十七

九日洪山寺登高懷于鱗明鄉元美兄弟

寶地黃花已自開倦游詞客此登臺秋高落木  
千江下天濶寒雲七澤來入楚漸成莊舄病浮  
湘虛愧馬遷才遙知兄弟持螯處念我還停濁  
酒杯

汪伯玉中丞起撫鄖陽志喜二首

歸來推轂動巖廊六傳依然鎮帝鄉記室半傾  
天下士戈船曾繫日南王登樓明月三湘滿倚

劍雄風萬里長開府試論文與武祇今誰似杜  
當陽

有客西來擁萬靈蒼茫七澤避文星共知白雪  
雄江漢誰見鈞天震洞庭結佩幾經春草綠寒  
帷依舊峴山青自憐幕下詞盟在不向長沙賦  
獨醒

寄谷中丞開府浙江二首

含香畫省已同時白晢紅顏照王墀烽火三持  
滄海節聲名一起縉雲司江濤驟湧枚生筆海  
月閒窺謝傳砮念我湘潭尚留滯虛傳龍劍有  
雄雌

天目先生集

卷之八

十四

二百五十八

請纓年少漢終軍直諫名高谷子雲綬帶九邊  
無勁敵折衝千里有奇勲公卿盡許屯田奏父  
老爭傳諭蜀文每念兩朝恩遇厚誓將重譯報  
明君

曹大參有卿自桂林入賀過燕赤壁同賦  
時已三捧表矣

楚國江山此鬱盤故人杯酒借交驩停雲遙帶

蒼梧色賦雪高臨赤壁寒戀關肝腸三表上驚  
心客鬢兩朝看爭誇獻壽重光曲才子何人似  
建安

王敬美自陪京禮部分司遷員外郎還朝  
六朝詞賦起揮毫八月仙帆揭海濤王氏才名  
推小令漢家禮樂屬東曹搏風雲路雙鴻影就  
日天池一鳳毛爾去代興燕市裏酒人誰復似  
荆高

武昌聞曹有卿自粵西擢浙臬寄贈其先

宋目先生集

卷之六

十五

三百四十三

公嘗自御史分巡越中

袞帷忽自九疑來憲府遙臨禹穴開銅柱至今  
望海嶠霞標依舊挿天台江南盡識青驄步鄴  
下誰當繡虎才笑問吳興登峴首何如山簡習  
池迴

李方伯黃憲使入賀

橫江彩鷁照芙蓉魏闕千山望裏重獻歲明堂  
開萬國青雲方岳起雙龍中興爭效東封頌舊  
侶仍聞長樂鐘不佞周南尚留滯心隨漢水一

朝宗

寄題芙蓉園

芙蓉南國舊名池公子西園又一時不獨朱華  
同鄴下更兼麗藻似陳思青天露湛金莖掌綠  
水風含玉樹枝遙憶清秋明月夜幾人飛蓋共  
追隨

客部楊伯章擢大梁學憲寄贈二首

尊公太宰嘗督學山東許殿卿方任周

長史而不佞亦嘗守汝南故篇中竝及之

宋目先生集

卷之六

十六

三百四十三

仙班暫輟建章宮寵命新乘碧玉驄家學千年  
楊伯起朝儀一代叔孫通書探太室浮真氣詩  
采成周播國風更道平臺枚叟在梁園授簡可  
能同

趨庭近憶泰山東寥廓談天碣石宮世業向傳  
楊氏雀風流誰似鮑家驄褰帷少室三花上飛  
蓋西園明月中汝穎向稱星聚處賢材應與士  
鄉同

何汝肅年兄越拜閩省中丞賦贈

廿年馳馬外臺臣一日非熊入夢新肅駕雄風  
迴七澤褰帷紫氣動延津人從去後思何武帝  
爲南中借寇恂自許折衝吾黨事知君不慕畫  
麒麟

丘宗伯邀顧大參王侍御及余雪後登赤  
壁作

鳴珂舊接五雲班驪酒平臨七澤間霞落高天  
銜赤壁雪晴隔岬出青山狂來意氣堪橫槊老  
去風塵更賜環不是蘇公能放逐誰將二賦壯

江關

贈楊仲甫擢武關第一

關西世業遠相同上將桓桓出上公龍種一鳴  
空冀北鳳毛連起照河東論兵細柳旌旗肅奏  
賦長楊羽獵工共喜蟬連霄漢裡屏風隔坐建  
章宮

年家陳王叔廷評方子及刺史李元甫李  
本寧二吉士方景武秀才過集得年字

天涯病起復游燕歲晚通家意氣偏上苑星從

今夜聚西山月爲故人圓彈冠白首慚先達載  
筆青雲羨少年屈指秋曹踰一紀詞林猶說郢  
中篇

訪于鱗至平原道中大風雪戲呈二首

褰帷落日望齊東笑指袁安晏臥中興劇非關  
乘夜雪神揚忽自起雄風雲低泰岳龍門迴天  
入中原郢調工試問南樓搖落後當壚杯酒好  
誰同

傲吏深居萬壑中誰從霄漢報飛鴻臨關未有

浮真氣邀客何勞起大風賦雪梁園新漢節談  
天碣石舊齊宮停車一就平原飲坐覺人間萬  
事空

贈舒城李少尹孫并序

舒城李少尹廉吏也往任長興與余善  
比過舒城訪之少尹墓木已拱而其子  
若孫並寄食婦翁家族人不收也余徧  
索得其孫元吉乃解橐中敝緋貽之

楚尹荒阡空復春王孫寄食向風塵負薪我自



高廉吏分宅誰堪報故人物色已隨江水盡世  
情旋逐歲華新綈袍敢儼千金贈無奈水囊也  
自貧

黃鶴樓新成

飛觀新從郭渚開高標仍得竝蘭臺白雲忽自  
三湘起黃鶴依然萬里回不斷雄風催作賦長  
留明月照銜杯芳洲春草年年綠千古何人解  
愛才

壽崇陽劉封君

天目先生集

卷之八

十九

二百四十五

江陵非復素封看幸沛曾沾擊筑驩七澤雄風  
吹嬰鏢三秋湘色與盤桓劉家道術傳鴻寶楚  
客生涯寄鸛冠更喜賜金堪佐酒仙郎淮海舊  
登壇

竟陵佳氣竝神京江漢人高處士名白首豈無  
驄馬貴青山自喜鹿門耕亦知仲舉能懸榻無  
奈龐公懶入城衣繡况逢稱壽日題詩不盡式  
廬情

耶臺中丞汪公讌集

雪中憑軾叩耶關劇飲平原十日還郢里衙官  
無屈宋詞林宗匠有輪般登樓坐嘯因明月開  
府遨遊爲峴山何似論文成勝會風流千古好  
誰攀

涪州夏時育嘗尉余邑遷寧武簿乞歸十  
載余赴滇道會其姪岳州倅民望附寄此  
詩

傲吏曾沉蓮幕中名家故有竹林風久從吳市  
尋梅尉始信商山得夏公問道華陽聊跨鹿鳴  
琴白日送飛鴻他時同看峨眉月把袖冷然坐  
碧空

曉登玄嶽天柱峯四首

振衣秋色散鴻濛絕頂遙看萬里空不是神山  
飛海上那教玄圃聚天中曜靈倒射黃金殿南  
斗高臨赤帝宮細數巖巒三十六朝來鰲并總  
相同

帝居天柱五雲重朝罷風清萬壑鐘山擁百城  
巢翡翠殿開千障挿芙蓉階前霧結黃金鼎檻

外星縣王女峯總道登封天子意每從雷雨見  
飛龍

峇嶺雙關鬱相望咫尺鈞天帝座旁地勢雄蟠  
吞七澤霞標高揭俯三湘蒼茫日上中原盡寥  
廓風吹萬里長七十二家封禪畢仍留靈秘獻  
君王

萬丈奇峯展翠屏千尋飛閣俯明庭金容日映  
扶桑赤仙掌雲開太華青已見祠壇封王檢堪  
從石室問丹經塵中謾道無仙骨不佞元曾署  
天目先生集 卷之八 廿一 言三

歲星

謁宋玉墓

九辯深悲宋大夫一坏猶傍楚名都風流久自  
雄南嶽詞賦誰堪竝左徒湘水招魂餘涕淚高  
唐托諫豈虛無最憐遺行當年對轉見千秋郢  
調孤

謁薛文清公祠公使楚奏罷采金之役

衡岳曾勞使節臨斐然經術滿儒林一從聖主  
容排闥長使窮邊罷采金生死三朝扶國計安

危萬里濟時心峴山片碣仍相望江漢恩波日  
轉深

題周象賢太霞卷

霞標萬里落天台洞府遙從絕域開赤水珠光  
蒸日月朱陵雲色吐樓臺總緣勾漏丹砂出曾  
見函關紫氣來不有雙鳬占太史誰知葉令是  
仙才

嶺南陳公叅政關中

載筆先朝侍從官乘驄司隸舊長安月將滄海  
珠南入天與仙人掌上看渭水晴搖清禁曙華  
山秋映紫微寒更聞飛檄曾降虜不必親登大  
將壇

送長沙張少叅之蜀便道還吳

東征且莫戀尊羹遇主長沙異賈生江月秋縣  
青翰舫使星春度錦官城天連劍閣題名駐地  
入邛邛叱馭行試問蜀中諸父老文章誰竝長  
卿名

齊安雪中得仲晦王孫德甫觀察書并詩

却寄二首

二子才名鄴下齊尺書朝發豫章西斗間龍氣  
寒相傍江上鴻音雪不迷古調雙投青玉案山  
翁一醉白銅鞮不禁此夜飛揚甚清興冷然到  
剡溪

歌成招隱雪仍飛千里絨書夢不違篋裏雙珠  
來氣色郢中連璧讓光輝青山一日詩名大華  
髮三湘宦業微久欲從君歸白社已將蘿薜製  
初衣

天目先生集

卷之八

三

三百五十五

歲晏懷元美 吳興亦有峴山

雙星竝駐大江傍一水相看衣帶長我自洞庭  
懷震澤君從峴首問襄陽驚濤八月枚生賦白  
雪千秋帝子鄉楚國芙蓉寒更好不妨歲晚集  
爲裳

春晴登鎮遠樓

東風吹雨散江臯飛閣新晴薦濁醪盡棟春浮  
千樹色錦屏天擢五雲高稜氣久自銷銅柱魑  
魅今應避彩毫解道西南開氣象匣中猶有呂

虔刀

歲除胡盛二省長貽書見懷人日却寄  
歲除春色破南濱楚客絨書過洞庭闔闔候看  
新月今炎荒幾欲盡圖經風煙萬里逢人日朋  
舊三湘問客星最是武昌酣別地垂堤楊柳倍  
青青

十六夜中丞阮公招讌值雷雨

清風本是竹林賢不淺元規坐嘯年東閣仍邀  
連夜月春雷先到百蠻天卽看銷甲歌時雨且

天目先生集

卷之八

廿四

三百六十六

復投壺奏雅篇共憶祈農勞 聖主連宵鐘鼓  
祀甘泉

貴陽蔡侍御元夕遲余燕集信宿賦謝

孤臣萬里客南荒明月連宵待舉觴不爲抱關  
虛左席誰從倒屣見中郎綈袍一借青雲色荆  
劍重迴白日光自昔交情憐絕域躊躇杯酒在  
河梁

盤江驛舍阻雨寄汪惟一

天連益部常多雨路出盤江轉毒淫春早蟄龍

蒸赤水夜深山鬼嘯青林誰憐道遠妻孥累實  
恐年衰瘴癘侵吹笛表生應好在懷余堪和武  
溪吟

觀察郭公餞別貴陽西關 郭滇南人

十年燕市結交驩萬里羈愁此日寬華髮始從  
銅柱會綠楊如在玉河看山憐祖席青相向春  
戀綈袍雨不寒到日里門堪問訊緘書長望尉  
加餐

過關索嶺醉後解嘲

天目先生集

卷之八

五

三

昆明使者漢張騫六傳仍逢武帝年萬里向期  
車轍徧千山寧厭馬蹄穿銅標日月雙橫海鍊  
石西南一補天不腆彩雲猶五色銘成應許竝  
燕然

夜集秦年兄署看月作

故人秋興滿蒹葭明月重停萬里槎賦就澄江  
逢謝眺飛來清鏡對秦嘉天涯轉覺親知好老  
去翻憐暮景斜別後并州應此地相思誰不念  
三巴

滇南聞于鱗計哭之四首

先朝藝苑定宗盟五子風流滿漢京忽爾全齊  
亡照乘茫然大楚失連城登門元禮會更字驚  
座陳遵舊借名更道童烏能世業杜門玄草已  
先成

遐荒一夜老孤臣遠道何由贖百身紫氣關門  
終不散客星帝座竟成真燕臺絕跡驚圖駿魯  
國遺書歎復麟况是五溪鳶站地肯教長笛起  
比鄰

天香先生集

卷之八

三

三

方輿新聽未央鐘回首詞盟失岱宗縱道千秋  
終附驥那能一日罷登龍百蠻天隔盤江兩萬  
里秋生日觀峯過魯不須愁挂劒後凋猶有大  
夫松

青雲誰得御龍門白首難酬國士恩帶礪共知  
盟泰嶽韃靼寧復遇中原五陵車馬看人盡一  
代文章似爾尊最是平生憐宋玉不妨萬里爲  
招魂

大理送蘇進士之任滕縣侍御李公館甥

也

寧親萬里有輝光賜履何辭百粵長王潔久知  
齊樂令風流誰復似田郎地連勾漏神仙府天  
盡蒼梧帝子鄉莫訝高才俱遠宦中興聖主  
重遐方

懷學憲尚公

憶昔雲間竝使旌相逢意氣更縱橫三江風浪  
尊前出二室煙霞賦裏生歲月異鄉難會面乾  
坤同病易關情周游五嶽當年約此日堪隨向  
春先生集卷之八  
子平

天目先生集卷之八終

天目先生集卷之九

七言律詩

曲靖道中大風簡胡督學

雄風遙自楚宮來絕域浮雲一日開西海乍驚  
神女過南溟爭覩大鵬迴金沙濤湧千江雪銅  
鼓聲喧萬壑雷授簡祇今誰可賦披襟宋玉在  
蘭臺

初入金馬關懋歸化寺

曉關高闕俯南荒兜率西來此道場天竺青浮  
金馬色山茶紅奪火珠光驅車誰解塵容老隱  
几方知佛日長縱住寰中勞物役不如微外禮  
空王

春日同三署諸公登太華山望昆明池

陰陰松柏隱香臺的的晴波萬頃迴僊掌遠從  
西嶽出神池忽似上林開鏡中斜日搖金刹天  
外飛霞送酒盃共憶樓船曾賜宴新詩不數漢  
臣才

送按察張公還吳

十旬廉訪太匆匆萬里車輪易轉蓬豈乏鄭莊  
推長者不令張翰待秋風瘴鄉自喜生還早畏  
路從教宦術工別後歸心那可奈煩君艤棹五  
湖東

程學憲遷貴陽大叅從蜀道歸省贈別

薦賢金馬滿公車賜履銅標竝客居莫訝周南  
淹太史總緣父老借相如波平巫峽堪迴棹花  
發潘園好御輿傾蓋幾時仍賦別浮雲萬里重

天目先生集

卷之九

二

言十二

躊躇

大中丞汪玉卿自郎臺移鎮武昌寄呈二

首

擁麾全楚主恩寬總爲蒼生寵謝安日月兩

朝頻賜履風雲七澤此登壇江流橫絕東南盡  
衡嶽高臨翼軫寒却憶庾樓吟嘯夜誰從叅佐

奉清驪

鈞天一震洞庭陰虎觀崢嶸白雪林雲夢火明  
秋校獵蘭臺風起晝披襟浮湘司馬才名大開

府羊公惠愛深獨有夜郎羈客在武溪煙雨自  
悲吟

恭賀楚王殿下駢生二子

大國誰從見寶符武昌明月竝懸弧秦庭不換  
連城壁梁苑空傳照乘珠帝子自應龍作友宮  
人齊唱鳳將雛合歡擬奏斯干頌郢調猶慚楚  
大夫

巴蜀董太守守雲南三年奉法不阿夙負

清彊之譽計後凡四登除目不報竟擢河

天目先生集

卷之九

三

言四

東轉運使詩以慰之

滇南計吏出長安彊項聲名異代看曾是股肱  
徵季布却因鹽鐵借桓寬帷褰益部星辰動帆  
渡黃河雨雪寒自信驂騑終遇合驅車休論太  
行難

夏日送鄱陽羅大叅汝符自滇南先期入

賀萬壽二首

五月南荒瘴癘偏雙旌冒暑入朝天樓船迴自  
三江下玉帛翻當萬國先近侍已賡玄鳥頌殊

方堪奏白狼篇誰憐傲外孤臣在遙逐滇雲到日邊

繡斧聲名八使前檐帷留滯百蠻天祇今萬里呼嵩日還似三臺抗疏年龍袞新從黃屋覩文星近傍紫薇懸爲言銅柱烽煙盡不用穿池習戰船

送莫大叅子明自滇南遷閩憲兼呈何汝肅中丞二首子明弟爲侍御

留滯昆明萬里餘除書欲盡下徵車自知拙宦天目先生集卷之九四  
飛騰晚敢謂清朝記憶疎攬轡坐開滄海色餐霞仍傍武夷居共看南斗雙龍合始信延津事不虛

丁年建節下長安蜀棧滇雲路萬盤兄弟竝工驄馬步清高偏稱惠文冠樓船秋擁風濤壯銅柱天留日月寒多少芳蘅變蕭艾歲闌松柏古今難

送駱給事購書還越

投荒暫向玉關迴惜別重登萬里臺禹穴好探

金簡去滇池寧爲碧雞來盤江明月千山出衡嶽浮雲一日開漢室祇今饒雨露長沙况是賈生才

奉賀大中丞阮公平南詩二章

公望雲霄萬里看時危一借惠文冠折衝誰似戎機速舞羽遙知聖德寬父老再逢司馬檄西南新築武侯壇旋聞銷甲緣農畝落日夷歌幾處驩

七旬來格果如期片檄強於百萬師風壤依然堯日月冠裳不改漢威儀黃金入塞克軍實白雉乘春獻壽卮自昔羊公稱鎮靜至今峴首有遺思

大理李公邀同周陳二憲使讌三塔寺梅花園中

給苑春回玉樹高開尊忽似對江臯飛花寒映蒼山雪吹笛風生洱海濤真氣偶從天外合禪心聊向醉中逃一從杖屨登三竺却悔車塵老二毛

雨中同陳僉憲看道旁奇石

道旁何意出崆峒，冒雨貪奇興復同。形類石鯨長吐霧，神如金馬欲鳴風。峯寄小有三山色，秀拔堪分五嶽雄。設使女媧當日見，千秋誰美補天功。

劉郡丞陳情乞歸

乍遠慈闈思不禁，中年滇海便抽簪。共知此日陳情疏，總是當年捧檄心。展驥府僚才不盡，攀轅父老望仍深。已聞漢詔旌賢母，節孝雙垂著

作林

天目先生集

卷之九

六

百五十五

牂牁邵僉憲戶曹伯仲蔣禮部招游碧雲洞

殊方何處有仙臺，載酒仍逢曼倩才。深壑長寒岷嶺雪，驚濤不斷海門雷。斗崖石迸蒼龍出，東壁天迎曉日開。更道雙鳬天外至，斜陽盃酒重徘徊。

立秋前一日林憲副邀登玄通寺高頂

孤城雨過鬱蒼蒼，把酒憑高盡四荒。平地山浮

青玉案，虛空塔湧白毫光。昆池落日來秋色，北極飛雲是帝鄉。去住祇今猶萬里，還如蘇李在河梁。

登岳陽樓

天敞平湖萬里臺，秋高霞色照行盃。三湘白日波間動，七澤青山鏡裏開。風靜仙人吹笛去，月明神女弄珠來。徘徊便擬休餐住，俗吏慚非曼倩才。

九月六日穆水部邀登蕪湖吉祥寺作

天目先生集

卷之九

七

百五十六

上方樓閣倚江開，萬里帆檣破浪來。正擬青山留對酒，况逢黃菊好登臺。斗間自合豐城氣，白下誰同水部才。九日未知何地醉，因君投轄重遲迴。

登善權洞

萬松深處隱招提，靈闕長開震澤西。天開吳碑埋草樹，雷書唐殿走虹霓。地中飛瀑蛟龍出，雲裏重樓日月迷。莫怪關門來紫氣，欲從石室問青泥。



得史少尹錢塘書却寄

尺書曾向碧雞開憶爾重登金馬臺客散廣陵  
無絕調賦成招隱見清才潮生北固應相憶秋  
盡西湖且未迴忽報赤城霞色動知君早晚入  
天台

奉寄少師徐公

雲間樓閣鬱岩崑靈氣巍然倚赤霄口畫鴻猷  
扶九鼎眼看全盛到三朝山中宰相名逾大海  
內神仙手可招試閱滄桑應一笑鷗鵬天外自  
夫目先生集 卷之九 八 言金

逍遙

潘中丞漕河東歸賦二首

銜恩翻喜謝波濤坐使安仁變二毛投杼總知  
非帝意負薪誰不念臣勞千秋禹績真難掩  
一日吳山轉自高余亦倦游思解紱五湖久已  
屬吾曹

平生巖壑興偏濃揮手齊東日觀峯治水鉤盤  
推禹績談天碣石讓詞宗中山謗篋寧勞問上  
國軍儲已盡供更道明君仍側席滄洲猶恐

未從容

登涿州浮屠瞻望京邑有懷黎惟敬

憑闌絕頂海天寬三輔青山掌上看寥廓浮雲  
開碣石鬱蔥佳氣滿長安向期就日瞻龍袞便  
欲凌風借羽翰獨有詞臣清禁裏濡毫長得奉  
宸驪

奉答立春日黎惟敬見懷之作

共憶綈袍驛舍寒招攜詞客賦春盤誰知天上  
雙星隔猶似滇南萬里看懸榻經年情轉劇迴  
夫目先生集 卷之九 九 言金

舟中夜興曾闌都門只尺猶如此何處平原十  
日驪

登岱

跌蕩天門日月開削成丹壁擁崔嵬河宗泰嶽  
饒西遶山拱神京自北迴黯淡春陰收碣石霏  
微佳氣接蓬萊更聞玉女三漿在願上君王萬  
壽盃

東嶽崢嶸迴不羣中峯瑞靄更氤氳天門雪盡  
河流合日觀春晴海色分風起秦松常似雨氣

蒸漢檢欲成雲千秋往事終銷歇猶說相如封  
禪文

送觀察鄒公入 覲時長公進士佐試北

畿仲子計偕

廿年燕市酒人空君去談天碣石宮世業自傳  
楊氏雀都人猶識鮑家驄明堂元會諸侯集清  
漢仙槎萬里通正值虞廷新輯瑞握中雙璧有  
誰同

呈司寇晉江黃公二首公初令長興余從

天目先生集

卷之九

十

言

諸生受易門下

幾年端委大明宮四海蒼生屬望同開府三湘  
羊叔子講堂千載漢文翁車書欲盡觀風地社  
稷長懸捧日功聞說 聖明思舊劔延津龍氣  
忽成虹

萬里春生綠野前兩朝誰似次公賢共知神武  
抽簪日猶是平津奏對年地敞仙臺卿月迴天  
迴帝座法星懸門牆最有侯芭少白首重來問  
太玄

奉答范中丞敬夫九日見懷兼憶燕市舊

游諸君二首

書來九日罷登臨望入三山動越吟少伯自高  
浮海興巨卿寧負結交心酒壚猶在河山邈隣  
笛重聞霜露深獨有鑑湖秋色好還期乘雪到  
山陰

至今閩粵羽書飛范蠡功成遂拂衣九日陶家  
秋色滿十年燕市酒人非青山遮莫酬黃菊白  
髮那堪對紫薇朋舊星稀君已見扁舟早晚季

天目先生集

卷之九

十一

言

鷹歸

送王鴻臚使闕還朝其先君按閩多得士  
公門桃李徧天涯典客新乘白鼻駒島嶼煙中  
俱屬國衣冠海上半通家影纓百粵迴兵氣授  
簡三山送彩霞更道遠游情不盡還期方外汎  
仙槎

贈常德於太守二首

挂冠神武便歸耕推轂循良有大名借寇豈無  
三伏闕報劉終自一陳情提戈忽見妖氛淨高

枕猶令楚水清經術季長元不淺曳裾南郡滿  
諸生

少年陳乞爲潘興汝穎循良總未如譽起兼城  
和氏璧功成一箭魯連書山多桂樹深招隱家  
在桃源穩卜居自信丹砂堪世出不妨垂老混  
樵漁

送叅知宋公調山東督漕一首時有海壇  
之捷

捷書纔向未央開飛輓中原急異才百粵樓船

大目先生集

卷之九

十二

言五

橫海出三江芻粟蔽天來不須壁馬投河伯且  
喚金焦送酒盃共道歌中傳瓠子狂瀾千里一  
時迴

明卿遷大梁余閩省俱叅藩除目同日下午  
賦寄時明卿在夜郎而余頃亦自昆明內  
徙

白髮薇垣改佩魚故人同日拜除書已甘鍛礪  
三朝裏敢謂雄飛萬里餘豐劒忽看騰越水隋  
珠終得照梁車相攜且赴彈冠會莫向湘沅賦

卜居

寄題匡南宗侯來爽臺

漢室王孫鄴下才匡廬高倚讀書臺雄風忽自  
披襟起爽氣遙從拄笏來池上芙蓉明染翰圍  
中脩竹覆銜盃相攜更有浮丘伯笙鶴翩翩江  
上迴

寄壽許諫議二首

丹陽許邁世仙家暫入先朝扈翠華庭下彩衣  
明玉樹雪中新酒照梅花山城落月仍投轄水

大目先生集

卷之九

十三

言五

國春生欲放槎念我曾分金掌露懷君聊寄幔  
亭霞

自歸丘壑世頻移幽抱惟應靜者知執戟金門  
隨曼倩浮舟震澤伴鴟夷三朝青瑣人安在萬  
事滄洲酒一卮我亦倦游思脫屣煩君海上報  
安期

輓太醫令周一之

綈袍已自十年分寶劒延陵擬贈君過號驟驚  
中庶子行邊獨揖大將軍神丹定自淮南得俠

氣曾從燕市聞更道遺孤能種櫟佇看經術起  
青雲

紫雲館爲史元秉題

先皇宸翰表清都潭上仙人跡有無自向煙霞  
探玉笈何如仕宦執金吾赤城天外開雙闕匹  
練窻前挂五湖從此東南來紫氣居然鍾阜接  
蓬壺

送康裕卿還永嘉

朝看紫氣出燕關黃鵠翩翩不可扳婚嫁祇今

天目先生集

卷之九

四

五

催白髮登臨何地不青山探書禹穴堪乘興采  
藥天台足駐顏知我倦游思解綬春風攜手放  
歌還

答李京兆于美

扁舟一繫漢江臯回首瀟雲萬里勞酒伴偶從  
燕市飲德星長傍帝城高風流仙令來鳬舄詞  
賦名家有鳳毛聞道鳴琴多暇日平生白雪好  
誰操

送黃太史 冊封唐藩

詞藻翩翩滿漢京青春奉使出承明遙將唐叔  
桐圭往不爲梁園雪賦行四牡都門歌別讌三  
花大室迓前旌周爰總是輶軒事好采民風慰  
聖情

輓故臨淮侯盱山李公

漢家飛將大名齊奕代風流邁隴西賜履至今  
推呂望選賢誰復似祁奚輓曹萬里來芻粟提  
劒三江靜鼓鼙何必天山高起塚路旁桃李自  
成蹊

天目先生集

卷之九

五

五

題宋封君勅誥重輝卷

四十褒封水部郎三朝三命累銀黃鹿門隱操  
齊龐德吳市清風復孟光五子遞過攜寶劒一  
經世授出青箱最驪休沐頻歸省賜有黃金佐  
壽觴

答沈純甫比部

計吏明堂集股肱儒臣朝下鬱雲蒸中原鞭弭  
看垂盡西省詞盟好代興帝座暫依星似客燕  
京高會酒如澠海南贈我雙明月轉見寒光溢

五陵

贈闡西王丈

少年曾奉武皇歡駿馬長纓意氣看典客故諳  
科斗字屬車先賜鷩鷩冠狂來郢曲青雲動老  
去吳鉤白日閒我亦拂衣乘汎宅過逢莫厭五  
湖寬

茗上送程太學還歛兼呈汪司馬

燕市相逢盃酒前茗溪重繫孝廉船稱詩比學  
無韓傳吾道東歸有鄭玄下榻清風生竹徑揮

天目先生集

卷之九

十六

二首五

毫涼雨過梅天懷人欲寄豐城劒未夜徘徊望  
斗邊

送梁右史之任荊藩

仙帆六月下瀟湘湯沐依然是帝鄉廉吏舊稱  
孫相國詞臣今傳楚襄王郢中白雪千秋見臺  
上雄風萬里長若道宗藩非得意馬卿何用客  
游梁

壽大司徒馬公詩二首

三山海色曉蒼蒼臘盡春回綠野堂六月但知

鵬善息九霄誰測鳳高翔挂冠神武陶弘景擁  
帳扶風馬季長明發遙聞占太史卿雲高望紫  
薇傍

度支軍國漢庭勞武庫才名冠六曹四海蒼生  
懷謝傳兩朝將母重山濤枕中紫氣來鴻寶庭  
下春雲起鳳毛試看青門千載後風流誰竝二  
疏高

七夕寄懷滇南李侍御先生

懷人萬里重徘徊紫氣滇關鬱未開問道前身

未目先生集

卷之九

十七

百五

金粟佛論文當代碧雞才飛觴夜讌梅花圃授  
簡朝登艷雪臺此夕乘槎吾所欲七襄安得報

章來

二塔寺有  
艷雪臺

黃別駕同李德華姚弘道兩生過看牡丹  
分韻得神字

芳園忽墮洛川神上客過逢賞讌新一覩名花  
無衆色始知絕世有佳人酡顏暈日疑酣酒仙  
佩凌風不染塵解語總然嘲白髮揮毫且自鬪  
陽春

庚申秋望王亮卿偕宣允則孫從周逕往  
顧渚山拜余先公之墓乘舟便還而李德  
華乃爲下榻多瑞軒中則錢子良顧幼禮  
在焉因憶徂冬于德華雪月樓嘗一譙集  
眷焉于懷遂各分韻賦七言律一首余得  
樓字

日落圖書四壁幽芳蘭叢桂足淹留空山何意  
酌徐劍明月還停訪戴舟露掌秋生遶伏枕彩  
毫亂後賦登樓相逢豈厭淮南社知我當年已  
倦遊

天目先生集

卷之九

六

秋日同王元美兄弟游顧司寇西郊別墅  
分得山吹二字是日招宴城居

僊臺寥廓白雲間謝傳回來此閉關斗下著書  
深紫氣窻中飛瀑滿青山薜蘿秋老堪裁服松  
柏年多好駐顏不是主人開閣待高天日落詎  
能還

城臨箬水路逶迤樓敞天風萬里吹招隱偶依  
青桂樹銜杯猶憶白雲司秋高嵐翠沾衣袂日

午松陰覆酒卮總是陳思門下客還期明月共  
追隨

冬日大司寇顧簪羽招譙大雅堂賦詩見  
示輒此奉和

中朝誰似顧長康好客頻開綠野堂節後黃花  
仍爛熳老來白雪更飛揚蚤聞滄海烽煙盡轉  
覺青山日月長從此定盟叢桂社經秋已製芟  
荷裳

雪中陳庚老孫從周見訪卽席賦此

天目先生集

卷之九

九

病起梅開忽滿枝客來飛雪劇催詩停舟剡水  
傳今日授簡梁園憶往時天遠交游空自老歲  
闌盃酒幾相知卽看動有經年別莫怪茗溪解  
纜遲

天目先生集卷之九終

天目先生集卷之十

吳興徐中行子與 著

七言律詩

送張中丞肖甫還蜀

上書綠鬢爲慈幃改席依然在舊畿漢殿豈應  
推轂少潘園翻喜奉輿歸自知吾黨青雲薄敢  
謂人間白雪稀故業五湖原不惡已將蘿薜製  
初衣

奉賀少師徐公元孫登第二首

天目先生集

卷之十

十一

二百五十五

象賢出自 帝王師遇合明良又一時似爲金  
滕思舊德爭看玉樹長新枝回天密語千秋見  
定鼎深宮九廟知不信試看公輔後雲霄誰似  
鳳毛奇

公家世業在文昌接武翩翩入建章兩見傳臚  
雲五色一逢負展日重光論功不盡河山遠食  
報堪同帶礪長倘念先朝舊師傳德星仍聚紫  
薇傍

萬曆三年春正五日司寇葵峰七十初度

敬賦二首

功成一疏臥隆中推轂頻年滿漢宮東土几几  
歌赤烏都門藹藹慕清風傳經關右逢楊震問  
政平原得蓋公弟子平生關令尹長看紫氣滿  
空同

莫開五葉歲方新桃薦三山復幾春一自素書  
傳孺子久知黃石是天人蒼生轉切爲霖望真  
宰長扶報主身况是漢庭仍好老龍門爭喜御  
蒲輪

天目先生集

卷之十

二

二百五十六

客冬明卿自夜郎入梁賦寄

一官遙自夜郎移道入黃河雨雪遲羈宦異方  
過瘴癘賜環萬里荷恩私采花少室尋仙地授  
簡梁園憶舊時鄴下祇今吳質在月明何客好  
追隨

明卿入梁奉寄灌甫宗正

當年解印去中原南徙偏銷萬里魂豈爲蒲桃  
克使者翻緣叢桂憶王孫客來菟苑題新賦士  
向夷門感舊恩鄴下故人星散盡好從季重一

開尊

同宋大叅邀方戶曹年兄靈山亭小集

廿年燕市邈山河千里誰能命駕過握手暮雲  
停睥睨開尊秋露滴松蘿倦游轉覺青山好感  
舊翻憐白髮多此日還如臨海嶠况逢和客有  
羊何

李生瑞徵石谷少尹之孫也其父既圻遠  
謁閩省賦此送之

負薪憔悴楚王孫三世通家僅爾存命駕每勞  
天目先生集 卷之十 三

窮巷顧脫驂難報故人恩松楸寒食迷江口風  
雨綈袍暗海門來往幾年耆舊盡因君分手倍  
銷魂

陸憲副內弟吳生通軒岐家言余嘗館其  
家茲爲憲副送家至閩過別賦贈

憶從舞象識吳郎回首塵塗三十霜忽擁青油  
來構李早傳丹訣自長桑歌當子夜年仍少夢  
破丁年鬢已蒼舊館荒涼那可問一尊且醉幔  
亭傍

爲嶺南周朝亮朝采二明府壽其貞母勞

孺人

北堂完壁凜冰清掌上雙珠合浦生自爾斷機  
窮萬卷居然製錦照連城五雲遞見仙鳧起列  
宿長依婺女明更問平反同雋母兩邦父老競  
逢迎

僉憲石公以平南功進少叅寄賀

崇朝五嶺淨妖氛緩帶春風自不羣銅柱祇今  
題馬援長纓何必借終軍元戎幕府行休戰

天目先生集

卷之十

四

七

天子明堂坐策勳多少登壇文武士功成談笑  
有如君

讀宋叅知題甘觀察江樓十六景詩病未  
及和先賦此寄之

挂冠東嶽歲頻移起草西曹幾故知池上一篇  
高白傳輞川諸詠敵王維滄洲明月過漁笛列  
巘飛霞對酒卮舊業五湖差不惡扁舟真愧拂  
衣遲

九曲泛舟二首



振衣秋色起嵯峨萬壑千崖一棹過峯落鏡中  
開洞府槎浮樹杪出天河境遺五嶽登封晚海  
接三山秘檢多他日挂冠如此地扣舷處處好  
高歌

扁舟載酒任逶迤路轉峯迴面面奇絕壑乍疑  
塵世隔澄潭更與暮秋宜風吹簫管千山應瀑  
挂藤蘿百尺垂十載武夷饒撫掌攀帷三過一  
題詩

崇安朱明府邀宿天游

天目先生集

卷之十

五

百五

檻外三峯列翠屏武夷絕頂此明庭溪通銀漢  
星辰濕山倚高天日月停尚有殘霞垂碧落忽  
看孤隼破青冥若非關尹占真氣誰信東方是  
歲星

自廣川夜飲別道函垂二十年矣辱以不  
佞覽揆枉問感謝

雙旌一自廣川違回首中原歲月非踰躋三朝  
顏駟老驅馳萬里仲升歸雲深太室堪高臥秋  
到東湖擬拂衣同是欲栖縵嶺鶴何年重向洛

濱飛

寄答明卿

憶自紅顏闕下逢飄零身世笑孤蹤頭顱漸逼  
陶弘景官秩仍逾邴曼容一日星辰分五嶽十  
年風雨滯雙龍吾衰久謝巖廊夢揮手浮雲萬  
事慵

王元美開府鄖襄五十初度

韶年絕學起勾吳五十班聯上大夫寡過自師  
遠伯玉匡時曾說管夷吾三臺驄馬雲霄出千  
載詞盟日月扶副在衡山藏不盡驟看紙價貴  
三都

席上送李文仲還吳興

三年臥閣少逢迎倒屣偏令四座驚海內自余  
爲傲吏里中誰復問狂生持盃立就三山賦躡  
屩遙從五嶽行握裏雙珠堪贈汝攜歸明月滿  
菰城

寄答元美

鄴下諸賢強半存曹家兄弟誼仍敦序年獨愧

荀卿老知已誰同鮑叔恩共取五湖供洛社已

開三徑傍吳門峴山詩句曾相許讓我賓筵第

一尊元美題峴山有還應四十餘年後明詩堂中第二人之句

元美自鄖臺拜留京廷尉賦贈

歲晚江南落日孤樓船千里到姑蘇殿中結機

張廷尉臺上披襟宋大夫王氣忽高玄武署鈞

天猶振洞庭湖著成萬卷才難盡賈勇斐然賦

兩都

答敬美壽余之作

香先生集

卷之十

七

三

三朝舊侶漸凋零五十羞聞起一經已道滄桑

成愴怳獨存河嶽見英靈仲升旅鬢曾無黑子

敬寒瓊尚自青不是弟兄勞問訊塵中誰識少

微星

敬美以尚寶使關中遂擢豫章少叅賦寄

絕傳星使發春明忽報江藩借大名紫氣函關

曾未別青山勝閣又相迎何妨尚璽三台出自

喜乘輶五嶽行從此雙龍堪比翼延津本自接

豐城

奉題中丞潘子良毗山讀書堂

柳惲臺高插斗墟安仁賦就興何如浮游且放

鳴夷棹疏鑿曾傳禹穴書莫怪客星辭帝座從

來仙侶好樓居明朝結社菰城畔不忝青山兩

鹿車

贈陳廷器有序

廷器名良弼閩清人也以太學生需選

公車值世廟南巡抗疏諫止下詔

獄除名以余所聞薦紳訐朝政而太學

香先生集

卷之十

八

三

生爭慕其風未聞有首倡危言者也河

西廣成東都之諫雖亦以巡幸乎然皆

天子貴近臣非諸生列也漢劉唐何蕃宋

陳東于茲而四矣余私心慕之遂贈以

賦

千官扈從漢江行展禮山陵自聖情總爲扣

關危萬乘却教止輦讓諸生精神不爲雷霆折

肝膽仍逢日月明世廟諫臣徵欲盡客星猶

復臥孤城

再泛九曲遂登天游峯

斗壁雙開澗道幽重攜賦客泛清秋  
平移鼇頂千峯立倒瀉銀河九折流  
玉女飛來霞作障仙人臥處石爲樓  
翩翩超覽天游盡更躡虹梯到上頭

送叅知楊公調大梁并簡吳明卿

楊吳俱楚人

登壇滄海已無波其奈中原借寇何  
萬里戈船歸百粵九關芻粟轉三河  
春生嵩少看花駐雪滿梁園載酒過  
舊侶祇今吳質在相逢好和郢中歌

未嘗先生集

卷之十

九

二百五十六

謁宗子相祠

一出淮陽起大名驟沉滄海氣難平  
精靈豈爲三山出詞賦寧忘五子盟  
不盡風雷藏劒浦有時煙雨夢蕪城  
平生竹素還誰託祠下年年惹草生

九日登松風樓感懷宗子相

炎徼寒遲菊未開漫因九日一銜杯  
松濤忽逐秋風起鶴鵲遙迎落照來  
海繞三山連睥睨天

空萬里見樓臺憑闌獨憶登高侶  
城角淒清轉自哀

賀中丞劉公平海寇詩二首

明堂授鉞自元年萬里身都將相權  
但見幄中談俎豆那知天上出樓船  
主恩特進三臺秩兵氣全銷百粵天  
善後更煩克國駐直從瀕海起屯田

十年閩越羽書飛兩省論兵有是非  
彊虜千羣俘馘盡將軍五道凱歌歸  
折衝秘略傳黃石借

未嘗先生集

卷之十

十

二百五十七

劒高名在瑣闥環海無波胡騎息中興  
天子坐垂衣

漆僉憲以中秘士授御史旋擢閩憲入賀

萬壽時有海壇呂宋兩捷

鬱蔥佳氣滿蓬萊留滯周南太史才  
獻壽自成金鑑錄賦詩應滿柏梁臺  
風清輦路花驄入日照天池彩鳳來  
正值樓船連奏凱鏡歌併上萬年盃

四明李太僕孝甫南游武夷便訪開府劉

公還 朝賦贈

十年曾約武夷游一夕遙乘剡水舟南國風流  
爭御李中朝老舊獨依劉開尊海月三山出飛  
檄風煙萬里收明到金臺如見訊莫言道路有  
驂騑

萬曆三年連江黃先生蓋九十二歲矣三  
月六日其初度也中行自髫年從游邑膠  
垂老再謁梓里敬賦進觴云

幔亭霞滿讀書臺猶似春風絳帳開六觀龍飛  
香先生集 卷之十 言

安帝力三逢桃熟見仙才大夫濟上傳經至令  
尹關門望氣來闕下舊分雙掌露花前併入萬  
年盃

送臨安守昌公致政還閩 有序

公自佐吳興而守滇之臨安當督府佳  
兵公獨否否輒爲所中當事者附之屬  
大計太宰持公吳興有善狀何至臨安  
云爾當事不爲白竟不得免焉余爲同  
年舊歷滇藩知臨安子民之誦其猶吳

興也且獲商瞿之喜卽歸閩足以慰藉  
矣

臥轍滇池父老情擲錢茗水至今清亦知太宰  
明難掩無奈孤臣謗易成彈射詎能汚白壁止  
戈本自爲蒼生請君試讀于公傳誰似高門駟  
馬盈

壽曾少叅陽白

懸車薇省未言遲江上蘭蓀結佩時賜有黃金  
堪佐酒里稱白雪奸裁詩朝從衡嶽看南極春  
天先生集 卷之十 言

過高陽倒接離漢詔祇今徵舊德雲霞向與鹿  
門期

送都督俞公赴召京師

封成京觀不言功持節須臾詔漢宮獵騎何曾  
嗔醉尉 聖皇先自夢非熊投鞭大海交南盡  
借箸甘泉漠北空此處營平堪獻策論兵魏相  
正居中

豫章蔡比部數枉騎相過惠示佳什意甚  
勤厚賦此謝之

三朝拙宦好誰如一日論交白首餘孺子向慚  
高士榻中郎寧少異人書客星萬里來天上劍  
氣千秋合斗墟莫怪雲霞詩卷滿君家原自傍  
匡廬

沈純甫自嶺南令見寄至是賦答之

傳書嶺海日相望握手燕臺喜欲狂自許風謠  
齊構李更聞詞賦擅長楊浮雲不改西山色紫  
氣長懸北斗傍同舍故人星散盡白頭猶說舊  
爲郎

宋目先生集

卷之十

七

三百五十六

春日歐楨伯同劉仲修沈純甫劉子大史  
元秉康裕卿朱汝修邀黎惟敬及余集李  
惟寅宅得枹字

薊門春酒瀉葡萄燕市相逢氣轉豪出入金門  
雙彩筆驅馳滄海一綈枹稱詩總是千秋事入  
計何知萬里勞東觀西秦俱舊履漢宮休訝客  
星高

春日方允治李于美招余同歐楨伯黎惟  
敬集城西廣慧寺得無字

莫訝祗園問酒壚十年萍跡限江湖辭人竝起  
盟仍在計吏重來興未孤僧飯且教供苜蓿春  
光漸喜到蘼蕪不知休沐登臨日曾憶尊前舊  
侶無

上巳惟敬送余南還因憶壬戌是日諸君  
韋園賦詩送余守汝南迄今二紀星散且  
盡憮然興懷口占呈之

馬前春色太蕭條望裏韋園勝事饒攜手河梁  
推二子倚歌燕市更三朝花開上已猶相似客  
散中原不可招回首故鄉殊不遠五湖深計有  
漁樵

入計會秘書黎惟敬自南海至

自君海上臥青山東觀風流不可攀劍氣夜看  
南斗合金門朝見歲星還中原萬里周旋地華  
髮三朝侍從班舊侶祇今歸欲盡寧辭擊筑醉  
燕關

次都門戲簡歐楨伯

都門咫尺阻交驩邸舍綈枹雪色寒下榻久知

延孺子嚴城寧爲謝儒官客星帝座如相傍明  
月高齋只自看安得元宵仍弛禁開尊燒燭坐  
更闌

元日入朝邂逅歐楨伯

奕奕天門旭日升明堂羣吏盡延登廷中入對  
慚黃霸殿上橫經讓戴憑寒色乍高金掌露春  
風初解玉河冰退朝共賦西山雪猶是江濤壓  
廣陵

楨伯惟敬月夜過飲

廿載風塵一晤難五陵意氣竟誰看偶逢燕市  
葡萄酒何似江都苜蓿盤彩筆一揮春雪色明  
珠雙照夜光寒倚歌忽憶荆高會未數平原十  
日驩

雪中方允治歐楨伯李于美載酒郊餞賦別

西山雪色照斜曛授簡離筵得數君明月乍疑  
南海至星辰忽自潁川分漢京玉樹寒相倚郢  
里陽春調不羣明到欲將雙劍報豐城紫氣坐

氤氲

過維揚周年兄邀余泛舟南郭登覽

水國清和乘興時同人載酒復如期池臺倒映  
千尋動檻榭平臨四望宜洛苑名花春後放廣  
陵豔舞雨中移吳歛自有周郎顧不恨佳人度  
曲遲

計後南還詣崑會元美廷尉旋赴豫章賦別

艤棹滄洲問卜居揚帆西下復何如故人雲臥  
三江上計吏朝回萬里餘總爲青山憐去住相  
看白髮感居諸尊前娓娓情難盡不待秋鴻數  
寄書

將赴豫章江上逢胡太史

何年供奉下蓬萊話舊嚴陵江上來望氣豐城  
余乍入探奇禹穴爾重來片言難盡山陰興六  
月真逢河朔盃湧坐天風堪共賦孤帆斜日共  
徘徊

吳明卿自梁罷歸賦寄

前席長沙定有無忽聞季布罷西都梁園頓覺  
詞人盡燕市翻驚酒伴孤海內我寧爲碩果山  
中君莫賦薜蘿江潭漁父何勞避幾度滄浪識  
左徒

丁丑入都門適戚將軍餉酒歐楨伯郭建  
初在坐

緇衣猶自戀綈袍華髮堪憐計吏勞太學先生  
分首荀元戎使者餉葡萄經傳六館才寧盡賦  
就三都興轉豪君是郭家諸故事金臺千尺爲

天目先生集

卷之十

七

誰高

七言排律

黃河道中別吳生

賦別河梁思不禁愀然斜日變春陰艱危未盡  
秦庭哭放逐仍同楚澤吟風雨北來三輔暗雲  
霞南入九江深窮塗豈礙垂天翼散地偏增玩  
世心知己千秋高白雪論交四海失黃金相期  
後會從藜杖祇恐名山也陸沈

賦得貞石贈雲間吳比部十一韻

何來片石挺孤標閱盡滄桑不動搖五嶽寰中  
爭巖嶠九峯江上讓岩巖補天已就千秋色障  
海曾回萬里潮碁置星辰分碧落鏡懸日月遞  
青霄甘嬰楚則明投璧恥受秦鞭幻作橋古冶  
自堪成鐵劒他山猶可治瓊瑤芙蓉獨秀誰爭  
麗松栢相依也後凋漱齒清風高百代觸膚霖  
雨徧崇朝論交萬變心難轉比介三公勢不撓  
承柱明堂綿玉曆支機青漢挂冰綃奇聲賦擲  
天台動王氣書探禹穴遙審樂正逢吳季札并  
將擊拊和虞韶

天目先生集

卷之十

十八

三

奉送太宰楊公西還十九韻

跌蕩天門旭日升縱橫龍變與雲蒸時才五鹿  
名虛籍世業三鱣兆有憑啓事朝濡雙掌露齋  
心寒映九河冰節宣北斗天喉舌總領文昌  
帝股肱抗議外庭推汲黯延賓東閣謝孫弘兩  
朝扈 聖趨丹禁廿世臨戎老白登魚水明良  
方遇合滄桑歲月忽因仍挂冠鄒衍飛霜市迴  
馭文王避雨陵安得箏歌明謝傳欲從劒字問

韓稜傾城供帳青霄滿入晉河山紫氣增顧命  
詎能忘玉几流言應自感金縢萬邦黎庶思重  
起九廟神靈在中興田里本非明主意風雷  
行見詔書徵卽看麟閣圖克國會向龍門御李  
膺顧盼一朝投白壁蹉跎千里附青蠅匏瓜久  
繫翻相笑碩果猶存敢自矜拂袖五噫辭漢闕  
抽毫七發愧枚乘出爲小草元無益積似前薪  
任見凌誰復黃金收駿骨且將華髮寄魚鱗

奉寄清源鄭山人十韻

天目先生集

卷之十

九

言十

聊城一別歲頻徂海北天南悵望孤入趙荀卿  
稱祭酒如邛卓氏擅當壚林中爽氣生談塵座  
上狂歌擊唾壺自度新聲調樂府偶從奇計借  
兵符他鄉尺素來千里舊業扁舟傍五湖不盡  
壯心驚老驥欲傳玄草屬童烏賈餘轉覺揮毫  
健濟勝寧煩賜杖扶寥廓久知身是客飄零惟  
與酒爲徒一官愧我同雞肋萬事輸君得鳳雛  
更道臥游情不淺因風遙寄武夷圖

天目先生集卷之十終

天目先生集卷之十一

吳興徐

序

送劉大夫秉卿守常德序

往父老云先歸安今安菴劉公之賢也旣已私  
心異之又聞其後多賢豪長者願亟見之亡繇  
也久之始得從劉大夫秉卿游司寇署中驩然  
自恨晚大夫安菴公之孫也大夫法律在司寇  
有餘而經術文雅習國家大體不欲繁苛巧詆  
蓋庶幾廩廩德禮長者之風矣以故更數司寇  
咸喜郎得人云嘉靖辛丑會當遣秋官郎按洗  
諸道獄而黔中遠尤重乃屬大夫曰獄一也然  
內地卽不當得遂達黔中荒服萬里外雖甚冤  
抑能上聞哉乃晝夜竭聰明反覆校爰書無疑  
端乃已於是侏僂椎結之衆莫不從縲桎中叩  
首

天子大恩而喁喁嚮風矣十二軍帥某亡賴捕  
盜賊徼軍功賞乃跡捕株連繫司寇獄也他曹



郎微得狀大司馬輒移書請讓於是請更曹屬  
大夫鞫則大司馬猶絮責也大夫曰法本人情  
爲也乃以微文入何易哉其首者僅論城旦餘  
竝得末減大夫爲郎垂十年更起大小之獄亡  
慮數千百章其敬慎哀矜類如此好劉君者謂  
當右秩遷矣乃今領一郡又楚遠郡大夫得無  
薄之邪余曰不然是乃所以重劉君也子不觀  
於天下之勢哉常德固武陵地左洞庭右五溪  
扼巴巫據吳會荆楚之樞而咽喉之地也其俗  
天目先生集 卷之十一 三

奉與費難繼也郵傳絡繹朝奔而夕馳抱牘踵  
告未易縷舉也而不知夫此特其標末耳乃若  
墉堅而潛深實甲庾積知任緩急矣猶未究其  
委也至於藏之閭閻之間而用之樽俎之上所  
謂脩於不見跡者又非新進銳意操切者可庶  
幾也銓曹以劉君往其意固遠哉余嘗怪史遷  
氏迷郅都張湯輩任耳目鈎距中人之陰若鬼  
神固赫然媿快也至著循吏傳獨舉孫叔敖數  
人叔敖固楚之令尹也其罷市令革庫車勸樵  
采政若拙矣而國之所賴者則在此而不在彼  
也大夫亦知仲氏致卿君之所以治樵李者乎  
島夷蠶食且盡而千里無半菽卽父母不能有  
其子矣致卿君卒然調發而子弟操爰父兄糗  
糒無不爭先爲太守出死力者非有他法行也  
君盍枉席其民而湯沐之令元氣先神采而固  
則惇龐篤厚色澤盎如前所謂標與本者無不  
隨至舉矣卽先楚相所爲亦何加焉余又聞君  
之先多起自郡縣吏卽無不尸祝者至於楚又

君之曾大父與大父兄弟之履在焉明德遠矣  
楚人固日夜望君至也君毋亦式廓先世之澤  
以未甘棠之思則余與二三君子亦藉有寵光  
哉

送比部萬章甫先生擢雲南兵備副使序  
始余爲司寇郎章甫舍中也則章甫以讞獄之  
楚矣日李于鱗與舍居輒抵掌論天下士未有  
失也至推第同舍郎則疊疊章甫云章甫初治  
他曹年甚少數更起大獄往山東寇挾左道亂

天目先生集

卷之十一

四

三

黔首輒操潢池兵徐沛間洶洶矣直指使既督  
誅酋首其黨黠者乃繫司寇獄也章甫訊之獄  
且具而中貴人啖禦人貨數危言屬章甫中貴  
人要能奇中人章甫不顧曰余不佞屬司寇乃  
縱大寇哉置諸理又親禁軍至橫厲身禽獸行  
惡其子誣以不孝坐章甫微得狀當反而大司  
寇吏衛尉請且目攝章甫竟持法不易也于鱗  
言僅此已心異之及章甫還自楚與余善若素  
間言楚中囚如衡山獄株連者蓋數十人更數

案益牽畏不得反及覆視爰書郎何異市虎而  
縣道官猶堅不欲出然竟出也則章甫楚中事  
又多類于鱗言矣章甫爲人廉辯蓋斤斤自好  
者其法律在司寇有餘而持論務大體不欲阿  
當世故當世亦莫能援芘之然愈益自奮會有  
不足意輒語余曰嗟乎士業已倍親而仕當激  
昂坐雲臺爲

主上効一二不則從傳介子班仲升立功異域  
姓名竹帛間安能鬱鬱俛仰局促事刀筆爲也

天目先生集

卷之十一

五

三

於是章甫郎司寇垂十年當遷數矣久之以雲  
南兵備副使往章甫才不中州乎乃竟炎徼外  
且萬里也雖然今而得竟如夙所語幸甚夫雲  
南古滇中地沃野蓋數千里而形勝埒中州亡  
論金錫珠璣孔翠犀象寶幪火毳之賦軫積內  
府卽山川要害內拱巴渝楚越而外控交趾吐  
蕃蓋歸然一重鎮也然蠻夷雜居習桴鼓相仇  
殺數爲邊徼難又北虜等耳昔王然于風諭滇  
王入朝而諸夷以同姓相仗不聽已而懼伏內

屬則戈船下瀨將軍力也武侯定南中乃因其  
率用之不留兵不署吏者豈智不及哉勢則然  
矣 明興

高皇帝令傳將軍擊走梁王復令沐將軍世填  
撫之役恐稍稍翫不任兵乃更設外臺臣分其  
地各取便宜從事一有沮格卽假柱後惠文彈  
治威服之意甚遠也往歲麗川沅江會剿戾敢  
桀乃亡異呂嘉蒼梧王縣道官不勝憤以兵臨  
之猶在犯侵轍雖軍鋒之冠如韓千秋者亦勇

天目先生集

卷之十一

六

三

亡所施何邪臺臣某某選更庸墨亡能先事經  
略逆折未萌復徼倖嘗敵以損國威重亦積漸  
然也彼雖侏僂蠢獷其視利害禍福明矣信能  
大畏荒裔之志而制其命何至是哉夫兵刑屬  
也漢郅都一健苛吏守鴈門匈奴終其身不敢  
近假明允如咎繇而蠻夷猾夏又何竢聽爲卽  
有以章甫郎署時事風蠻夷且喁喁然望風馳  
義矣夫傳介子班仲升借

天子威靈區區用小武奚足齒章甫也章甫其

思余言

送左使陳公乞歸錢塘序

陳公將致位客留行者言不得其職則去失時  
則去有故則去功成則去老則去公起家縣令  
爲尚書郎歷方岳諸職未嘗有所失曩者二十  
年僅循資而轉耳乃今五歲遷者五非得時者  
哉蓋嚴廊避位以儀公久矣輒有去志其故何  
也夫以公之重雖所至誦功尚未畢公卿之業  
胡爲中道而棄之矧當臨雍拜老之 朝引年

天目先生集

卷之十一

七

四

起者未艾年未六十其可稅駕乎公曰否否敬  
謝客矣雖中丞御史不能強挽之也尋自上書  
略云臣家錢塘去滇將萬里先年冒暑奔走冀  
樹尺寸功答明時萬一不幸犬馬病作奉職亡  
狀填炎荒溝壑無益故敢乞骸骨歸老書下相  
國相國公同年進士知公雅志遂所請焉去之  
日萬姓遮道而泣弟子員曰滇昔南宮登第歲  
一二人而已自公視學旣躬倡以道術其經義  
高等議論條對及書法不稱必程督之兼通乃

授之廩故爭切劘文藝比歲登者十人與中原  
埒公之教也父老輩曰公叅藩政已罕孳務民  
和去而見思不置爲左右使益單厥心米鹽靡  
密精力不遺受計出記罔不中其利病采金貢  
象之類皆所上便宜而罷夷屬咸得息肩公之  
賜多矣鄉士大夫曰公先後八年于茲禮士大  
夫廩廩如一日焉寢藩鎮之謀而匡之以禮有  
功社稷不在汲長孺下尤於要害爲保障計遷  
郡邑復將府築城郭增關砦道路置郵無不繕

天目先生集

卷之十一

八

三

治武侯相蜀不勞於此矣且也其勞莫甚水洞  
引龍泉而通橫山鑿石三十里許可溉四萬五  
千餘畝自治滇明年經始之六閱月請告不忍  
亟去者適觀厥成耳茲歷三年所垂成而去之  
如此水何願且信宿公潛然踟躕忽報水洞穿  
矣萬姓驩呼旣而復泣曰是役之艱毋論離確  
卽龍門伊闕視此何如哉賴公之誠每旦必禱  
明神恤之俾少休矣旣不能留其謀祠之橫山  
祝公加餐幸再填撫于滇焉去而得民若此有

滇所未嘗覩者也公行且留言別余而辱稱爲  
益友余豈其人也哉公弱冠掄魁典禮主客視  
學兩藩多聞可知已所與當路書譽諤有烈士  
風論交傾惻怛必效藥石言其直諒尤時所難  
云嗟夫茲公所以去而非客所知也夫和而不  
易其介柳下惠至于三黜仲山甫之補袞闕亦  
必周明哲之圖直道之難自古然矣公爲遠臣  
弗問遺于中朝故因以見罷而聞望益重

天目先生集

卷之十一

九

三

哉然進退有經惟公達其權焉爲龍爲蛇與道  
卷舒不至三黜以全

主上之恩如麟如鳳抱德遠引保于明哲以見  
治世之盛載觀于越范蠡嚴陵旣逸高風幾於  
無聞公其翩翩而興者乎余家太湖之曲去錢  
塘一水耳公歸余留難乎其別矣

### 送鄧公叅南越藩政序

閩越之有監軍蓋一紀于茲矣辛壬癸甲則有  
鄧公公出巴蜀居金陵爲郎署入彭蠡守瑞州

控長江之口備兵于太倉遵海而轉閩越今叅  
南越藩政東南便宜知至熟也客有就越人爲  
商其難易之故南人曰自趙佗并有甌駝役屬  
萬餘里興師十萬踰年乃平亡諸之屬師未至  
輒罷徙之于江淮其地爲虛兩越難易大較然  
也日者島夷入閩猖獗不過十年嶺南貪亂至  
今未弭如牛鼯髀非斧斤不解鼓刀而奏芒刃  
必頓且缺且折已事可鑑已故莫難于南越非  
鄧公孰能領此蓋主爵畫之審矣閩人曰昔閩  
人孔亟一粟之于國醫藥具而良且在腠理可  
治今則隱于血脉腸胃醫藥何有自謂亡恙加  
以不宿誠益難矣故護軍者談何容易哉夫愍  
隸久亂俟戰而蘇旣脫湯火則厭兵革官吏忼  
惕武節不張語不以治將深而彼以爲過計稍  
振之則動搖是直爲此廩廩耳其難一簡師縮  
餉而指麾于名將第臥護之何必孫武穰苴若  
非子玉而代子文非韓信而敵市人且不宿飽  
將何以戰其難二島夷犯境內如隼在墉雖去

天目先生集

卷之十

十

言

來有時善射蔑不中矣南越之寇往歲突入彭  
湖據三十六島於琉球尾閭之區逐而遠之是  
虎逸而歸之柙也其難三居于其間不兢不綖  
借箸而籌拆筮以使部署調度諸將莫不如命  
或視學而理俎豆或折獄而獻會馘蓋易易然  
惟公優之矣今之南越視昔閩疾不殊公雖未  
往如善禁方者能視垣一方人何難之有嚮公  
爲畫地所限故寇雖遁而未滅茲不聞風而散  
則詰壘而降即使負固能當一鼓哉故在閩越  
則閩越重在南越則南越重矧有會師之命公  
叅兩越之交以左右援則相仗爲重焉南人得  
公亦閩人幸也余曰固然公之習兵猶扁鵲也  
邯鄲爲婦人醫雒陽爲老人醫咸陽爲小兒醫  
各隨俗而變耳公爲郎工信度爲守賦稱平治  
兵猶尚權變閩人以此策彼非矣庖丁解牛每  
至於族見其難爲怵然爲戒視止行運動刃甚  
微豈必髀髀而以爲難乎公戰彭湖所條攻勦  
之略爲慮已甚深遠茲豈南人所知哉客謝曰

天目先生集

卷之十

十

言

越人固陋幸大夫之言如遇長桑君而飲上池之水謀然而解滿志善刀之時也余曰嗟乎有是哉惟鄧公爲然承諸大夫命爰載書以祖公行

送梁大夫叅議貴州序

大夫昔爲今當閩漳南邊境山海寇所出入最盤錯難治吳平猖獗于梅嶺佐莫府夷其巢穴又大具戰艦逐之於交趾莫府上狀詔安當閩用武之邑臣士楚甚有功能宜超遷監司大夫

天目先生集

卷之十

七

言

庶幾緩急可使制下以憂去起而居故治以司團練團練之設閩自大夫始昔監漳南司有二人焉重以大夫勢若鼎立或言令制百里得顯爲保障計毋失莫府期輒奏功不難今方面誠尊重而兵分乎各道匪長子帥師一國三公之謂何輒採失不暇何成功之敢知不佞竊覩大夫隨所試而輒効往歲林道乾寇澎湖海上騷然獨部下完蓋審畫至熟而功能益著閩中保障凡多賴焉茲當報政之期命爲貴州叅議

撫東北境蠻蓋以藩司兼兵事云或言大夫勞苦功高超遷宜如今時倘然得借閩中吾屬皆安枕矣既此以練兵著稱奈何遠撫彼夷屬爲也不佞攝護軍竊知漳南往狀大夫軍功由于能撫俾寇自擊島夷贖罪使相撓剽而圖之軍正必亟誅乃戰竟未能撲滅而去議者以撫不能戰恐以戰嘗我能戰而撫其撫必堅倘如撫計伺其便縛巨魁而安反側是虎刺于檻隼射于墉也安用老師費財乘危而驅逋逃于外域乎今當荆蜀之交爲荊要路以帶脅諸蠻而利用撫有日矣命大夫往爲善撫也不佞曾游滇貴州爲南戶頗知其故大夫問焉不佞聞古荒服惟羈縻之而已所謂羈縻止其勿逸耳施以止觸非福衡不可大夫由嶺南來茲皆名藩文物之區間所撫寇雖劇特福衡以待鼓刀者也彼則世承鬼方一稟約束亡幾視越寇可逐出竟或雉兔逃者不同矣且其刀耕火種椎結侏儻至陋孰不鄙夷之肯孳孳用撫故緩之則

天目先生集

卷之十

七

言

恣睢而使彼爲禍孽急之則嘯聚而以我爲難  
首調其緩急便宜曰撫非善羈縻之謂乎大夫  
則曰不敏未知貴州百越固所知也七閩當漢  
而虛嶺南朱崖亦棄矣唐後皆爲名藩中原其  
孰先之矧茲 聖明照臨溥海莫不尊親貴州  
自

文皇疆理儼然齒于上國雖謠俗尙雜夷風業  
已喁喁顧化敬奉君子之教子而撫之何如也  
安敢以秦而視越若風馬牛不相及邪諸大夫  
然之不佞謝曰鄙人失言幸大夫往矣

未竟先生集

卷之十一

十四

贈閩藩左伯合溪萬公滿秩序

蓋公自通籍二十八年于茲矣初爲嘉定令廉  
潔樽節平其訾筭民力饒溢百廢以興當日本  
內訌未有郭郭禦務多方四郊無壘且帥樓船  
逐之于島外途經始干垣審畫便宜長度而無  
更費未幾召爲比部郎留以竣事屹然金湯之  
固而寇適至以完其樹保障功甚大爲郎據法  
守正三年較若畫一嗣以憂去起復故職改光

祿丞秩滿遷蜀參議分部川南下道其上道有  
兵事爲漢印笮越雋故地不避瘴毒踰大渡河  
凡三閱月而安戢之其爲下道立隆昌縣時已  
遷浙副使而不遑其行尋轉叅晉藩政督賦念  
愍隸之詘爲會計必當配里區如限列轉輸則  
移以獻程按察粵西擿伏平亭風裁所屆莫不  
稱平尋轉右方伯將履畝均科甫試臨桂縣而  
遷留改永寧州度形勝而建置之乃行入閩事  
事夙夜匪懈盈縮中燠出納惟允庭無私謁帑  
有公美故百辟爲憲薦無虛歲焉矧既入 觀  
宜遷尙以滿秩而請或言其繇蓋有兩端云公  
爲令既著不乘之執簡持斧而陸沈郎署竟從  
循資出而有軍功者多由藩臬佐貳而鎮撫開  
府矣公所至誦功當南北亭徽擁節鉞其孰先  
之顧獨賢以迄于今則積薪之勢然耳公筮仕  
初分宜秉軸通速化之塗附離起者甚衆以公  
之重如稍通之何論節鎮當翺翔巖廊間矣乃  
猶猶然退讓爲高及塗漸塞而久任議行趣駕

未竟先生集

卷之十一

十五



以往其將能乎夫兩端固然而余竊概公之心焉世有負公才智經術率喜高論或爲之先談躡等以上不難公恂恂長者不欲以此先人一本之情性而因應以成務此居業之本遜志于學者深也故凡可從事急病讓夷在所不辭未嘗旣遷而亟去則積薪不爲嫌趨駕有不屑耳且令甲滿秩者以其夙夜在公有祿而不遑將能于王事靡盬則必無忝于所生因爵及其親而親之賢斯章矣公重講德務以忠孝爲經承歡祿養僅十餘年所比以光祿贈固傷親之不逮耳古有不以三公易一日之養在禮不忘君則不敢遺祖公滿三年考且廸及其祖爲親光寵幸甚誠不以三公與易矣臣子盛節孰大于是哉故惟

帝心簡在不待親見質言而嘉乃不續遙及之矣爲茲圖報曷其有極幸際元良負展三事股肱咸良倘南北有事藩臬大夫足稱任使若求天下長者可爲社稷臣贊 坤默于密勿精白

一心以承休德寧不於公引重乎旦日召至而居巖廊之上矣豈尙遲遲若兩端云爾者邪諸大夫以閩中寮佐獨余濡滯如公蓋後公通籍三年茲乃叅公鴈行每自歎亡狀安能及萬一公尙三年淹余固憮然安之今知公若此則公信不遲遲矣乃以余言爲公贈焉

壽左司馬新都汪公序

新都汪公正月稱觴于封大夫二月稱觴于太恭人爲生辰也公生在季冬其歲有又月今者如之而當稱艾諸子考卜辰則協吉閨乃餘慶其壽未有艾將從諸叔請于大父母願亦稱觴以侈我世壽云諸大夫聞之曰夫公自強仕巍然列于國卿今之經營賢勞詩謂嘉我未老者也在禮耆始壽事父母不稱老艾而壽之實惟具慶且未錫類而孝子不匱卽爲封大夫太恭人壽也蓋必得所請公敢不拜嘉況其德茂于古昔言垂于春秋而所爲壽者豈耄耋期頤之云乎將具觴旅進中行不能從焉適藹使者將



都護戚君命曰摺紳先生將于司馬門壽汪公酌者之辭蓋盈庭矣繼光武人安能爲辭第念公功高方有事軍旅幸久從行間敢竊有請焉公初爲義烏令江南久承平雖孳孳務民和業已教之知方矣遷司馬郎卽有巡功視師之役餘力且修文業而翩翩于諸郎間比守襄陽臥治而已屬討夷兵興以副使備閩中繼光自浙奉檄率義烏子弟當平其邊鄙公以所部逆軍吏子弟踊躍而平之公躬再請于浙他部所陷

未見先生集

卷之十

六

徒步游關間諜芻粟器械亭障烽燧之屬罔不中機宜制府而下咸服邊人大悅他鎮如之昌平則衛陵寢遼東則拓境土保定則增臺隍各因便宜爲保障計條上畫冊薊凡十有六他鎮有差皆善後上務也而後士馬謹騰疆圉寧謐京畿陵寢以重而奠萬世之休自開國于今皇皇乎其獨爲烈哉昔漢有高平任計營平方略而振旅唐以晉國視師沛國專制而成功繼光何知幸免于席藁實受公賜敢不爲公壽中行敬對曰如戚將軍言公于生靈社稷當食其報未艾匪直公之慶云爾也周方叔爲元老伐玁狁而威蠻荆吉甫受祉于鎬以之飲御諸友召虎錫祉于淮以之對揚王休歌于二雅洋洋乎盛哉公之壯猶如元老也久矣幸際明良軼周室而陋漢唐歸晉左司馬其爲祉也繁矣肆惟

未見先生集

卷之十

九

三百六

穆宗寔事我

皇上冲齡卜曆受命彌長如月之恒如日之升  
臣工依憑日月之光孰不祝照臨于無疆三壽  
作朋如岡如陵則飲御燕喜當俾輯熙于純嘏  
中行小臣敢藉 國家寵靈爲公壽幸語將軍  
行觴則歌周雅使者敬諾以行適對揚  
天子萬壽之期也

壽叅知斗山樊公六十序

往不佞守汀樊公適按閩首推轂及之竊感激  
心許當有贈言以酬國士知後邂逅長安樊公  
以爲請時不佞左遷長蘆未能也今

上丙子公春秋六十矣十二月十八日則覽揆  
之辰也不佞按察閩中則公寓書姻家鄭從事  
申前命惟不佞許公言垂二十年所矣舊諾未  
踐憮然爲愧今公且杖屨鄉倘修酌者之詞附  
左右爲驩甚幸惡得以不腆辭公自起家人人  
以風幹擢南臺已改而北巡北邊京輔要地多  
貴人不可問公持斧斤按漢六條振飭之吏

夫自先生集

卷之十

序

三

有望風解去者所部攝然已又改閩部吏輒相

戒謂是故嘗按比邊者也往使者行部有司具

騶從供帳甚都守令越境送迎甚夥勞費不訾

民甚苦之公先期戒郡邑一切停罷行縣僅一

單車從書史數人而已歲省費數萬緡島夷寇

瀕海諸郡汀邵赤子阻山弄兵大中丞暨諸將

率擁客兵鍵城門自守不發一鏃公慨然曰臣

奉 璽書于境外苟利社稷專之可也山海寇

方釐毒而在事者恬不爲省如元元何中丞公

聞投袂起視師諸將始厲氣決戰島夷就殲而

不佞守汀任健令徐甫宰勦撫并用境內亦清

皆公授策也公爲政精敏發擿如神然重在官

邪及豪強兼并令細民得職耳部內占僧田者

悉繩而還之寺所至墨吏輒令簿對沒贓褫職

而延邵二守要路肺腑親也延守以分宜故尤

橫然每入謁公倨不爲禮竟先後解綬去故事

南臺論列者卽無當外臺無敢違異而閩王僉

憲時槐盧晉江佃二人故清彊吏也以請託故

夫自先生集

卷之十

序

三

見嘽閩人南臺疏濫及之公發憤執奏竟得釋  
海內愈益多公而閩人自是有郤矣當是時大  
墨操國秉方以苞苴爲政諸道問遺趾錯于塗  
而公獨簡伉不修問長安中不佞二三兄弟獨  
高之然吾黨亦陸沈郎署中至泯泯矣公輒伏  
歎曰豈可以當吾世而失諸君哉乃客禮順德  
守李于鱗屬吏中王元美獻獄大名游從甚驩  
山人謝茂秦客燕旦夕造請定布衣交在閩宗  
子相始終厚遇罷市日卽檄所屬奉祠而不佞  
夫目先生集 卷之十 主 言世  
守汀當兵衝每晝便事輒報可比按汀畢語不  
佞曰世恒薄文士鮮實用乃今察諸君治行豈  
其然乎公天性倜儻豪邁疏通法律而經術有  
餘天下事無不可爲者然竟見嘽當世以常調  
序遷僅以一叅知罷海內不無少望而公由由  
然安之無悔也漢汲長孺伉厲守高咸謂責育  
莫奪及棄居郡猶嗟積薪公還天都巖居川觀  
超然遐舉夙昔事不啻蟬蛻去之四丈夫子鴈  
行儒林今且旅進舞班仙仙乎天都若殊庭焉

視長孺殆猶賢矣余再入閩日月悠邈而摺紳  
父老誦說流風遺愛奕奕若旦莫則公之所不  
朽者詎獨齡算而已邪不佞長公一歲而德薄  
才下無尺寸表見去公遠甚乃竊竊然以不腆  
之辭爲壽其何以稱國士鄭君往矣幸謝樊公  
不佞行且挂冠武夷操杖屨從游天都矣

奉賀白川劉公擢南都大司空序

今夫金陵江漢朝宗地也嘗觀之若河洛而思  
禹蹟云蓋禹治江漢作貢不但河洛爲然若其  
平有苗舞干羽政在岳牧爰及有夏萬世咸仰  
其神乃因土功而追思之則司空之未賴者而  
于今爲烈云爾

高皇帝取朝宗而都金陵其時天昧之初也萬  
雉庶府責在司空自爲留都之後則是職豈惟  
艱哉多以雅望居之以備循資而轉者耳若比  
海劉公資望重 中朝宜待 輦轂以當煩劇  
之任乃暫解薊遼昌保兵務而往留都且居司  
空奚以爲也毋乃

天子明作旦夕將續禹蹟而曰咨爾司馬膚公  
既奏四鎮千羽萬舞于庭惟茲漕運轉之江漢  
爾往圖之行且召矣某窺竊

聖意所以試公者如此適薊戚都護辱使命不  
佞以言爲公祖行而得公四鎮封事纚纚數十  
萬言皆填撫經略便宜言兵什之八九而考工  
第一二耳茲任司空且迷往揆夫薊禍慙于嘉  
靖公初爲戶郎轉轂以奇計用車免難嗣以井  
陘副使赴援知薊形制宜車撫薊則倣秦小戎

天目先生集

卷之十一

古

及漢武剛而曲盡其度乃始有輜重于全鎮且  
以堦垣不足以禦侮必設重險厚埤而表裏爲  
睥睨虜出入皆可拒戰高其臺櫓而密布之以  
居戍卒爲萬全策乃始有堅城于沿邊運道自  
通州以舟達牛欄山距密雲之開府而軍實困  
于陸轉公則爲堤以障潮白二河合流抱城躬  
放舟而試之俾漕直抵入城下軍驪騰而得十  
利總府爰始有漕運之便矣茲三者工之鉅博  
者也若夫器械之末皆盡中國長技豈但以簡

將籌兵而寒旌裘之膽乎哉昔任計者用五以  
富國而餘自用以致鉅萬材不得盡試故必見  
其所長耳公自筮仕至爲制府二十餘年凡十  
餘任以兵事聞海內而他所長未盡試

聖明簡在俾盡之于國司空用是申命而豈久  
稽于留都乎哉公往留都適 宮廟垣宇當興  
大工舉百年廢墜又上言開膠萊河可濟漕之  
所不及以戎政府召公而廷議河事俾公往試  
因慮始協濟之艱始罷工以圖再舉焉

天目先生集

卷之十一

古

上竟是其言以不爲罔功復召還戎政府某嗣  
以覲至敬修朝宗之職薊使申要前言而因問  
以河事都護竟謂是工當成則庶幾大禹之蹟  
哉然則不佞所竊窺

聖意者亦得其萬分之一乎故遲遲而言以奉  
執事財擇昔者禹工蓋非一朝一夕之故矣

天目先生集卷之十一 終

天目先生集卷之十二

吳興徐中行子與 著

序

賀制府晴川楊公五十壽序

是歲天下大計吏宰卿問吏治及時務便宜各以所聞而對其談邊務者什而六七八不佞所對獨未及此客有讓者不佞語之故夫自邊鎮而舉之若薊州昌平京師之所展 陵寢之所奠左而遼東右而保定爲之翼蔽以聯絡各鎮近馭屬夷遠控驕虜其爲形制固甚重也曩者匪茹比年爲孽今夷不敢南下而牧馬虜之王庭其北徙日遠矣蓋宣

天子威靈如古方叔召虎輩有楊公爲制府戚公爲都護云夫重鎮而得重臣若此尙煩摺紳總總者哉都護聞之于客而移書不佞曰繼光從事行間每惴惴于旦夕茲且十年所幸脫于馬革豈將帥之能及部士之力哉所賴于制府者蓋非一二矣制府之初至也而備兵於永平

天目先生集

卷之十二

三百八十一

天目先生集

卷之十二

二

三百八十二

永平綰轂山海間以于垣爲急務乃實經營之而屹然稱保障已遷巡撫居昔漁陽鼓鼙之鄉今而四境晏然釐其耗蠹而簡兵縮餉爲額冊以示經費與民休息民之樂生翕如也尋擢制府而總四鎮昌平保之 陵寢孔固 京師則有那其居遼左獻俘而奏凱薊門款塞而伏辜境內樂生者鼓舞而不變丘墟今立乎社矣茅茨今華其屋矣問巷長子孫者爲春酒稱兕觥躋公堂祝眉壽矣邊人謂 國家二百年來而疆圉敕寧未有如今日者皆享制府之賜蓋如上古大椿以八千歲爲春秋其嘉蔭之庇弘多不啻如甘棠之蔽芾所培植之下將吏各成其材幸因克成厥功而繼光尤厚幸矣乃猥辱大夫之過譽安敢以當制府之萬一哉不佞命客識之而益知楊公之美盛茲四月十有八日楊公之初度也轅門之觴者將因都護而旅進都護謂不佞知公因客請益而爲壽不佞知楊公有日矣公以關西世家昆仲甲科爲翩翩公子當

春秋鼎盛溫其如玉而汪汪如海卽初筮仕人  
器其有大臣之度嘗爲余浙守會稽及備兵于  
東道聞其已老于吏事今之數歷日久雖則五  
十而方逾壯其猶允稱元老不下于方叔矣卽  
五十壽不亦宜乎矧我

主上冲聖三壽作朋不日內召雍容 巖廊非  
社稷靈長安有應運如公者與哉故因茲而卜  
其肇成功而錫爾祉若召虎以世臣而揚王休  
稱

天目先生集

卷之十二

三

壽

天子萬壽蓋未有艾也俾以多益孰大于是宜  
爲公壽且壽公莫如都護都護同公稱五十而  
少公數月耳比而稱之爲百歲人其所建立則  
各樹千秋之業而都護輒遜于公謂不足當萬  
一則公之美盛而傳非詩樂只君子萬壽無期  
烏足以當之乎客喜而歌是雅

奉壽大司寇尊師葵翁黃老先生序

先生丁年筮仕有聞問于海內而士民頌德蓋  
自長興始中行童子時先生進而教之博士則

連江黃公郡伯則長樂陳公而督學莆田林公  
閩中有四先生獨先生兼父母師保其爲誼至  
重中行不佞實微而進取比爲閩邊守先生開  
府于蜀弗復歲時稱觥于萬里迨更藩臬三任  
四載矣三先生之廬環省中百里許咸躬起居  
爲壽搢紳以爲美事去先生十餘舍而竟羈于  
職守每當初度惟寓之歌頌將 觀畢而圖庶  
幾奉顏色爲驩乃轉江右則千里而遙矣茲過  
里中爲父老具牛酒問先生無恙則取醉而胥

天目先生集

卷之十二

四

樂子弟未嘗識者亦輒問起居狀爲其聞之長  
者先生每過黌宮而勸誘弟子員至於期會詞  
訟間亦寓意鼓舞焉故窮簷白屋今皆青衿斌  
斌然如此令長是四五十年來未覩也今子大  
夫久仕于閩何所請益亦可得聞乎中行敬語  
之曰先生自令長敷歷中外嘖嘖輿人之誦美  
盛不能悉數當楚蜀百越之士莫不稱先生藩  
臬政令比入長安黃門則稱在諫垣封事便宜  
當可否卿執則稱司寇無害一再平反丹書具

在甚得爽鳩氏法其履正奉公宜持衡以宰庶  
正業已交薦之輒請告而乞歸

莊皇帝初以耆舊起家與時相言不合未當引  
年輒致政今

上立五年言官請者數矣堅臥葵峯之下意甚  
適也杜門養重乞乞有事于著述不佞之所請  
業得說易及四書若干篇皆聖賢之蘊奧爰命  
錄人而公之海內矣諸弟子諷之孰非先生之  
教也哉父老旅進言我輩昔從長者爲先生享

香先生集

卷之十一

五

音五

堂歲時伏臘及初度婆娑而彩衣起舞今雖黃  
髮台背亦引翼如往時敢藉于大夫爲我輩頌  
之願百千歲以保我子弟無數中行敬語之曰  
不佞昔嚴事閩中四先生者其三先生年皆差  
長而連江老子二三子長樂老子二千石莆田  
以都御史蚤廢起爲南司寇先生自載輶接武  
而登耳乞休輒起雖致政歸而安車之召旦夕  
且至矣然莆田將八十長樂將九十連江將百  
歲先生甫七十有二是閩之山川於寵靈獨鍾

則壽之所卜其未可量乎昔孔子爲魯司寇未  
幾退老于洙泗明六藝以淑來世於易三致意  
焉蓋道之所否故其嗣如綫天既使與斯文而  
其消息盈虛同然也先生躬逢 明盛爲名世  
以大行若嚴氏之誅奚論少正卯乎維

帝錫命爰及任子故其奕世寢大俾緝熙于未  
艾豈非適亨泰之運而享維祺之吉者歟不佞  
觀古之爲丹書太公敬吉而昌阜其深易道者  
老聃得一而長生茲合而稱之庶幾足當先生  
矣詩不云乎維其有之是以似之先生之謂也  
父老咸悅命子弟識之中行介以不腆而敢告  
于敦史

夫見先生集

卷之十一

木

音六

### 奉贈左伯節齋劉公致政序

公昔參藩長臬于浙其莛不佞弘多乃自閩而  
江藩也不佞幸從如貫者三年矣今茲滿秩同  
寅將誦之不佞敢不拜命彼浙之興誦不敢以  
薦聞考于江右當令萬安時鄉先生所記不過  
百里之澤爾今考之閩側聞林宗伯之議矣稱



公廣而儉直而清毅然負大臣望而以便宜八  
事請羣紳多以爲難一給宗藩閩則無之茲自  
公至未嘗稱闕二裁冗兵公嘗數軍實閩之多  
衛旣釐矧是衛之寡乎三以田賦亂于姦豪貧  
民之土日荒公均其絲役所復不出里戶丁糧  
闕一不兼姦豪無以逞焉四以溝洫多廢將濬  
其支流今自城內醴渠及境上陂隄罔不以時  
繕多公之畫也五慎選利權之吏公出納必躬  
吏罔騁其私而於廉能者則不歲更以表異六  
請 中府靡費收其贏以舒紬公則姑調緩急  
雖染人將作之需罔不共厥度而節蓄乎民力  
七行和糴利彼此公月平其價而以泉布名海  
內他罔弗利可知已八征僑居之民公令僑者  
必占數蓋自閩則然而行之漳南矣公之在閩  
不佞異事其詳不得聞今所覩記者舊於江淮  
濟川而佐二衛舟人賦來討其逋四十餘年公  
力請已之元年以上勿問有佐留都馬賦其直  
視此四倍今驛置旣減一彼一此將焉用之乃

未目先生集

卷之十三

七

三百三十三

與之七留三計

上供御器及赫蹏之算當溢十三萬水旱頻仍  
長府告罄難以悉索于民請三年前者蠲之自  
是歲減四千留之以克

上供江右委積旣美則免徵一歲自是歲減不  
下五萬又蠲舊餉三十萬其膏澤之廣如此不  
寧惟是自給事中

先帝取內帑珍奇及司農積貯而上封事請止  
漕大帥賄權門論以蠹財長姦罷之慮瓜州江  
南咽喉請建水門利漕及理財諸疏孰非有裨  
于國計今稍試而考成兩臺之薦進屢矣倘以  
鼎軸召不有欲廣德意乎公乃謝曰以臣之力  
庶幾報 國輒引退固不敢獨太夫人春秋高  
念先人墓地在東海上日夜思歸乃今得考倘  
拜 璽書馳及祖父于壠上乃御太夫人歸庶  
圖報于他日會有言者得致仕公年尚未六十  
也同寅謂公之賢勞方將經營四方奈何卽歸  
不忍別焉公御太夫人而謝曰不敏往拜諸大

未目先生集

卷之十三

八

三百三十四



夫之辱得以奉老母歸藉餘力明農事母而終  
諸大夫之教皆

君之賜其勞與否臣何敢知諸大夫別矣不佞  
歎曰賢哉劉公歸且息乎而召者且至矣幸善  
飯自愛爲太夫人壽

奉賀都御史潘公拜少司寇序

蓋自公起家而出鎮江右也閱朞中行至則聞  
諸士民之言矣或曰公旦夕且行于我其信宿  
乎或曰歌九戩者二年則於袞衣信宿今公幾

天目先生集

卷之十二

九

三

何時士民其毋恐哉乃朞而半以少司寇召矣  
士民將請留諸寮則言不可留狀公昔司理九  
江以治行第一拜御史出按南海當代士民請  
留弗獲惟以生祠爲壽比以經術督學三輔士  
靡然鄉風多擢至名公卿尋察舉第一而留爲  
諸道長當考內外臣工罔不綜核中名實又留  
佐廷尉平爲治河艱其選乃拜都御史出濟寧  
歸而再往底績尋歸復起而來茲

帝意蓋歷試之矣往歲寧州有寇聞檄卽解散

遂設守備控壓以犄角豫章保障爲之孔固其  
防諸郡縣最著在保甲故吉安大盜剽白晝卽  
爲鄉兵圍獲逋魁李大鸞者亦就禽于鄉兵上  
狀嘉褒爰命海內是式今甲禁符傳他藩多  
阻格而新行泉布尤壅滯善更費獨公條驛置  
便宜蠲免編戶筭賦大半甚稱

帝意泉布則如流矣他藩多問狀而請赤仄之  
工以承式是行則罔不受公教江右本奧區其  
綱紀有成章焉稍規緒之較若畫一坐鎮之暇

天目先生集

卷之十二

十

三

載闢書院招諸生講業以潤色文明之治而  
列聖所歷試者旣章章有成效乃今簡在彌  
篤卿執則願虛席久矣故必亟召之奚待二年  
乎且公爲都御史凡一紀三任資望深而敷歷  
懋雖士民嚮德惟恐去之速薦紳論聞問則以  
爲遲遲乃今信宿豈非士民厚幸乎士民其休  
矣公可式遄其行矣羣僚徵言爲贈以公舉庚  
戌進士今同舉爲屬吏且辱同桑梓則不佞中  
行無以辭遂述與士民言因僭効芻蕘于公肆

惟 聖明在宥垂六年于茲矣百度惟貞四海  
不變而有星象告戒此天心之所仁愛也

聖躬修省諸司必飭將一切更新日貢太平之  
業故廷議徵公入佐司寇者毋乃仰體 德意  
好生而刑期無刑者乎在昔少司寇以三刑佐  
王訊四方一曰羣臣二曰羣吏三曰萬民觀朝  
士建朝之法九棘三槐公卿之位而羣臣吏民  
在其後則凡以訊者公卿耳目在也今司刑之  
屬雖廩廩三尺惟謹然多牽徂文墨而不通達  
大體寧知周三千不爲多漢三章不爲少乎要  
在得情勿喜而誅讓以禮嘉石園土間使天下  
無冤民則貫城爲空刑措之象可致洪範德三  
在司寇尤不可闕公則有之平康正直剛克不  
吐柔克不茹自司理廷尉固已稱平矣矧更內  
外臺而今之舉職何有初按行部旱禱如注多  
雨而祈輒晴甘露降于生祠治河冒風濤幾溺  
忽有樹挂舟免歸耕毗山山房產靈芝意堅高  
臥聞召力辭不允竟爲蒼生起乃今不可以答

天心乎其歷九棘三槐可嗣茲卜之實爲天下  
太平賀不佞竊窺所已試或知公萬一敢不受  
簡爲贈

奉賀大中丞新原江公拜少司徒督漕序  
公以大中丞開府贛州彈壓四省蓋三年報政  
闕下有平寇功晉少司徒仍兼都御史督漕淮  
上於是四省藩臬閫帥以下輻輳畢賀莫不沾  
沾喜公顧若不怡者久之部下吏一人進曰贛  
介三疆姦豪窟穴百數年來鄺氏黎氏陳氏張  
氏五爲倡亂厚集四省之兵乃始殲之葉酋濟  
惡五世根柢深而羽翼衆新建伯征黃鄉時楷  
之祖芳以鄉導倖免而其後遂謂莫府無奈我  
何驕悍益甚在今日則毒螫極矣公自履贛化  
誨招徠既已離其黨與而扼其要害計出萬全  
分道竝進無亡矢遺鏃之費而百年之穴崇朝  
覆之若振稿然已而建縣設官比之編氓則矧  
爽闇昧得耀于光明一何速也昔漢王然于風  
諭滇王入朝而勞深靡莫以同姓相杖不聽卒

勤戈船下瀨五將軍之師乃始慙伏然曠然持  
久勞費不少矣今公兵不血刃旬日蕩平功過  
漢遠矣乃今以少司徒治漕淮揚也御輕裘緩  
帶坐臥閣上春風自東南來遙望吳越三楚芻  
粟蔽江而浮銜鱸而集六軍無脫巾之呼而萬  
姓有含哺之嬉公方率淮陽四部守臣與司空  
七使者北鄉頓首稱萬歲爲今

上賀公何憂焉部下吏又一人進曰否若知公  
之心乎今國家運道與黃河相直河自西北來

天目先生集

卷之十二

十三

三十八

建瓴萬里并挾百川湍悍欲暴泄之甚不抵干  
海不止也自周定王時徙而南則已失九河之  
故道矣終漢之世徙者凡七雖以武帝雄才發  
卒數萬人塞瓠子羣臣從官自將軍而下皆負  
薪置決口久之始塞則天子之壁馬式靈之而  
已人力終莫可奈何然此直治河害耳國家  
借河而漕則不但治河之害而資河之利也數  
十年間遷徙靡定今自淮而北則多橫潰而成  
溢自淮而南則或漲入而多淤縣官方仰東南

粟數百萬而運道無所出蓋中外洶洶矣大氏  
順之則流壅之則決東之則疾分之則淤河性  
大氏然也故經義深河濬川而無壅塞之文引  
其所必至以濟漕之利避其所將決以遠河之  
害皆所謂因而利之之道也卽郭昌五術賈讓  
三策亦何所於施邪天下大勢譬之人身北媾  
胡南結越山澤無賴弄兵潢池之警二三百里  
水旱之災猶之四肢之疾也淮河當天下之脊  
而運道則咽喉也寧可與治寇等邪大臣圖事  
當爲後法而漕河大命利害縣絕其大者水不  
橫溢旣不傷

天目先生集

卷之十三

十四

三十九

天子昏墊之懷次者千艘從運道畢出無脊背  
咽喉之慮則大任塞矣若聽其所決而諉之無  
可奈何其漸必至坐敝謀于衆議而莫執其咎  
則其勢必不潰于成主搬運則見以泥故而無  
奇議海運則見以鑿空而無益大司農程期急  
於風火臺諫指議窘如束濕而疏濬決塞又不  
可以簡率報功旦夕取効此之爲難可知矣公

之不豫殆在斯乎中行曰公之才略猶之聖醫秦越人也邯鄲爲婦人醫雒陽爲老人醫咸陽爲小兒醫術隨俗變而病無不起公爲州郡稱治行第一爲比部聲冠諸曹郎爲監軍叅藩監司百粵中則兵餉刑名無不辨治而重以軍功受賞及爲浙左右伯兼周召屏翰之勳比平贛寇設縣邑建萬世策其功非淺渺矣庖丁解牛每至于族見其難爲怵然爲戒視止行運用力甚微豈必體髀而以爲難乎昔大禹平水土遂

未嘗先生集

卷之十二

五

三百十

總百揆而萬世永賴則平苗先之矣蕭何佐漢成帝業運籌決策功豈不多然必轉餉關中功稱第一而寵冠通侯矣

今上之所以歷試諸艱而知人善任蓋如此於是諸寮友僉曰貌言華也裏言實也君舊在方岳部中而于閩于楚兩爲屬吏習公深矣君宜以此言進乃授簡書之以行

壽特進大將軍戚公序

今海內論大將以公爲元老云雖年甫五十而

聞望三十年矣自少小多奇所居視蓬萊海上有城郭市肆人馬往來狀輒大叫曰使吾當事其令人世若此矣人呼爲狂生而公不以世胄自喜登武科入京會嘉靖庚戌虜薄郊關司馬門器之命督乘埤有方尋領戎車出薊多暇而休沐于湯泉比歸守齊魯竝海而遷至都閩當浙困日本有司皇皇莫厝公叅戎事部天台赤城則每與客登臨而談笑以平諸夷移平江右又移閩中閩中夷陷名郡矣公盪平而留填焉

天啓先生集

卷之十二

十六

三百三

民祠事之多浙數十區家俎而戶豆者達于深林窮厓間公每登海上山賦詩于瑞巖諸區南粵東西以閩既平請公兼制之命下亡幾何而召入京營旣而以薊北戶薊靖則皇都重又出而總理總理之設自此始塞虜聞而遠徙三衛藩屬惟謹公初用車營又募江南兵教習邊人長技如火器之屬虜孤矢不敢威間伺塞外者問罪卽款伏乃修邊垣爲萬世規而闢鎮城爲式其幕府奕然百廢罔不舉卽中土名城未

有鉅麗于此督府諸公觀之歎曰茲其閬苑之游乎邊鎮安能有此哉而鎮人歲治墻屋稼穡露積牛羊雲屯老者哺嘻而臥童稚不知虜狀南兵復通百貨教邊人爲市肆其往來人馬如海上蜃樓中公暇則繕湯泉鉅麗可徹華清每引詞客賦詩若貝闕珠宮中人是蓋邊關太平二百年來快觀矣公門下士布海內秉節鉞者甚衆胡君自浙從公之閩之薊而又鎮閩一遵公遺策稱爲麾下高第以公十月朔初度願請

天目先生集

卷之十二

七

壽

余言爲壽余惟公自弱冠則若老成人軍中輒爲壽願公努力乘少壯以樹膚功公敬諾勉旃至三十而有樹矣尙未有胤子大人以罷熊爲壽公敬謝曰茲敢聽命于天旣而四十庶子三四舉則願其有嫡昔歲夫人以五十舉之于人世稱奇天之命公至矣自公先世如綫享高位不過闢使耳公總兵事旣十有五年

帝錫寵靈諸將無兩而蔭其弟亦副總兵諸子樞樞皆獲功蔭人倫樂事不啻足矣故神王情

鬯治兵而及其他年力克壯如此於稱元老何有且公之生也魯橋異人預言之嘗有鍾老八百歲矣願乞爲弟子名曰長壽則壽可知已今之辭何以哉歲夏五虜闌入遼公養士十年士皆願一戰而未嫻兵事者不知收保重于首虜往往幸公再出奇以取封侯之業公亦將無願得當而賈勇以自見乎余則願邊疆長如今日無亡失而借公歷諸邊保障五十餘年營田塞下以取封侯乃請歸而從鍾老以傲游于蓬萊之上矣

天目先生集

卷之十二

八

壽

### 奉壽畫溪姚公七十序

昔公講業畫溪之濱余與臧原實兄事之原實少公七歲余又少一歲公皆忘年而友焉顧中丞善人倫賓公于其館視如千尺林堪大厦梁棟之用以余輩森然亦可列其後乃三人俱計偕以次而第進士公年三十六先余者六年余年三十四先原實者三年原實之年三十八皆翩翩而之四方矣比公需調余亦左遷歸原實

爲守陞臬副未任僅逾艾不復年惟余兩人爲  
伍亡何又之四方公則之齊余則之荆之滇公  
旣高臥而余之聞今于楚越之交皆公宦游地  
去桑梓密邇挹遺風而追雅素寧非大塊之獨  
我勞哉往歲過里舍奉問起居每歎莫非王臣  
而得蚤謝事是天與之佚其多筭可知公當鼎  
貴春秋鼎盛夫人錢氏賢而宜子壯不御膝今  
則竝壽是天立厥配其多筭可知子三皆茂才  
爲國學弟子員承歡善養孫已九人日戲庭除  
天目先生集 卷之十一 九

萬夫不易焉其秉堅守確蓋自昔然矣少同余居  
約而達不易操與同郡陸司馬以進士共僦委巷  
羸馬更出入務名節相切劘爲部使者巡行東關  
條畫便宜甚具又之關中風裁益厲存大體而勤  
小物雖貢旃刻必稱

上意旨嘉其靡鹽再借二年而校士得人多爲嚴  
重其奏卻都護金廉直之聲震朝野晉閣臬副攝  
海防有功晉闢中大叅轉江西臬長及左右皆敷  
歷有聲旦友六卿可得也乃與中執法及部使者爭

天目先生集 卷之十一 十  
是非不少讓爲所中而調居山東籍甚陞太僕寺未任  
遷京兆自起家而如轉圜政府蓋以爲德夫人言當  
往謝公以茲計吏方集宜遠避嫌疑以明政府之  
無私而亟謝奚以爲新鄭實嫌之以意示言官公  
聞卽乞歸休時年六十三耳今方七十蓋若艾年  
人也倘登三事可展四體尚未勞几杖之賜而乃  
屏居于故里冀其餘力以精彭聃之術暇則覽眺  
堪輿於以怡情適性行輩之維祺南山之保艾公其  
有之筭不知所止矣夫均是材也而松柏有心

焉其根深其理堅地力厚而天澤弘故礪砢多節而不改柯易葉且又免于匠石則自保其天年矣公之多節何以異此語以直木先伐而公則既免之謂今如松柏之茂無不爾或承者非邪余本商丘之木當以不材廢乃破于犧尊或斷于溝中實不敢知公其爲何第顧中丞以久特聞者若以大年知小年余亦後凋而可與歲寒之列則姑爲公壽且將從公游矣

壽張母太宜人八十序

夫見先生集

卷之十一

主

憲副張君子登之按閩也定奉太宜人就養舍中越二年丙子五月三日則太宜人八十初度也先是太宜人以年高思歸憲副君請入賀便道奉太宜人還汝南未行而調陝西接壤汝南便起居得從容稱觴里中殆若有天幸云於是諸大夫先期從憲副君稱觴舍中而以酌者之詞屬不佞不佞嘗守汝南習憲副君及太宜人憲副君大父以貢爲高陵丞不受錢所親從酒間微諷輒推案起曰吾寧以身爲若溝壑邪第遣其子今贈君從涇野呂太史游曰

吾兒得出呂先生門下寧顧貧哉亡何竟謝事歸詳具呂太史贈言中既歸家徒壁立贈君一弟子員讀書窮巷落落不能視生產太宜人乃椎布操作供養稍稍備不繼則脫簪珥佐之於是高陵公由由然忘其貧而贈君得一意下帷文聲烝烝起矣憲副君伯兄前母胡宜人也五歲失恃太宜人拊而教之不異已出伯兄亦不知其母胡也舉于鄉爲郟城令清介有大父風概不快意輒拂衣去是時憲副君甫弱冠贈君見背太宜人則時時稱述贈君下帷窮巷時事勗之一日憲副君從友人飲被酒夜歸太宜人泣而跽之庭嘿讓之曰唉孺子而忍墮而父之世業乎而父困數奇未及發爾兄發矣而未著天之所命在孺子矣而泄泄然沈湎是安如九原何其嚴蓋如此於是憲副君痛自刻勵鍵關謝客蓋三年成進士授揚州司理則太宜人又稱述大父推案時事曰一丞易與耳必抗節貧毋寧以清白爲兒曹地邪憲副君奉命唯唯縣



令某子甲以墨聞部史檄君薄責之某子甲匿金酒甕中餽之謝不受按法褫職去州判袁某者袁相國族也憑勢凌轢細民竟繩以法不顧當是時稱清彊吏無踰張君者主爵以大中丞御史臺薦召入復以前嫌得比部尋獻獄江西太宜人則又諭令寬大毋負

聖天子德意憲副君又奉命唯唯憲副君性固剛明乃其錄囚江西竭情致慎不遺餘力平反殆數百人孰非太宜人所遺哉余又聞太宜人以憲副君貴兩膺錫命顧折節為儉屏去紛華及施于周恤惟恐不贍則太宜人開創者弘矣余惟女史所載如魏母之慈桓少君之孝雋母之勸恕崔母之訓廉夫豈不賢然千載一見耳乃若太宜人兼總衆懿弘施不置視諸母賢矣况有憲副君紹明而恢大之乎語曰沃地深耕歲入什倍斯可喻大矣則大宜人之壽烏可量哉是時右方伯靈璧劉公迎養太夫人藩舍中年亦八十此皆人臣所希邁而兩公一時有

之非昔賢所稱有道之符而嘉祥善事邪兩公澤日益遠則母日益驩而壽日益無彊矣此之為壽豈鞠脆舞斑者等邪於是諸大夫曰善遂操牘載之為太宜人壽

### 奉壽旌表節孝郭母盧碩人序

曩閩有司請郭母旌今孟陬命下仲春上兩宮聖母徽號詔致粟帛酒肉存問旌禮之門翌月十有三日母初度乃旌而存問且觴焉母望闕拜謝適余使至起居返命是日盈門

籍籍蓋曠典之幸觀也母初將避之為有司奉君命不得已而成禮潛然與姑對泣客旅進強觴而辭之至再謂古是日思親不樂吾翁舅約婚姻既孤乃字而教食之且脫于危難俾從仕尋卒而窶甚無以報焉吾姑弗能就養尊命屬娣事之三年定省弗躬心常縣于左右比歸而旌命下為格于有司當姑存未之聞乃今視昔如何哉吾為冢婦憐林姑賢食貧而蚤寡未嘗需兄之祿給叔之少也忍飢哺之長僅糊餽



粥而以兵燹卒不能周之如願非亡人遺憾乎  
今老少先朝露惟吾尙未亡且倍夫齒過之而  
抱曾孫有年矣未相從於地下者爲視子成名  
以報耳然子踰強仕不能承父業寔未亡人之  
辜敢孑然觴乎哉噫嘻茲母自道也余聞之士  
大夫矣盧翁女多賢獨母歸儒宗翁爲諸生祭  
酒請有司旌其姑母佐壻登甲科以章其知人  
又嗣徽以旌不負其女訓且爲卜兆於右而翁  
名附以顯矣母爲婦卽佐負土葬舅卜姑兆姑  
未嘗先生集 卷之十一 五 三  
有寒疾背溫懷抱迨革而吮血獨以發喪事是  
而稱孝可謂曰難當夫櫬至車盤督郵逆閩督  
學將寘道周讓之母爲亡人故郎署 令甲得  
乘傳矧先至奚讓焉督學壯而吊之母命姑請  
姑旌因益壯之爲請姑節乃以不朽矣孝孰大  
于是寔丈夫子所難也邑令憐其無居將毀叢  
祠逆櫬母謂以喪爲利其如亡人清白何御史  
命周之族人員請僧田則亟以狀辭官乃賻之  
葬卽十二兆待叔與姊林姑歸問而亡捐壽器

爲殯夫之孝友未盡皆可以無憾焉其敬奉遺  
書凡三徙以教俾子能鉸父藁而以文行著聞  
有司因知夫者衆爲俎豆于鄉賢皆母成其令  
名而子以錫類不匱矣若里閭誦義不能以悉  
數有三人附舟北征爲壞土貢自溺母亟命僕  
援之請夫爲之曲全戚屬訪夫者卒其弟求以  
櫬附而盜其遺貨棄之於中流母竟善護之且  
卹舟人旅櫬風波屢顛沛同鄉御史危之將捐  
其兩櫬而母不忍乃俱歸焉久之寇陷城全家  
未嘗先生集 卷之十一 五 三  
以脫江上戒嚴絕舟楫遇旅櫬子而濟波及鄉  
人以百數德之食報者廣也故膺盛典莫不頌  
禱千百歲而爲世儀式刑母則堅罷之以守未  
亡人禮卽儀式刑攸在矣嗣是起居其勿觴乎  
哉長孤遇卿遠宦次孤觴余初度因請更端奉  
母歡余惟母達大節蓋有古之道焉言行可著  
春秋則其壽爲無疆奚必更端以從孺子驩造  
卿幡然拜教書之以謝觴者  
天目先生集卷之十二 終

天目先生集卷之十三

序

陳山人達甫集序

余嘗讀陳山人達甫自敘云西游三晉涉黃河登太行俛視中原卑如培塿乃始悟文章原委猶河出崑崙嶽宗泰岱也豈不稱環瑋絕識哉及扼腕知己乃託喻科斗謂蒼頡典文冀幸一遇俛仰古今有足傷心流涕者嗟乎萬人流之

天目先生集

卷之十三

三

一人援之亦已難矣况振希聲於末俗如山人者不尤難哉新安舊稱鄒魯於文學固天性然明興學士大夫猶沿習宋儒道論而憚於修辭至程太史氏以金馬俊才然亦董藻飾舊習歛稱詞宗而李獻吉崛起北地復與江南踔遠故操觚之士墨守林立莫可誰何山人一布衣爾乃力排羣疑發憤千古斯其勇但賁育哉今觀山人所爲詩文若干篇雖不能盡離津筏而體裁宛密藻績繁富識遠表鉅以開作者之塗

可謂大雅不羣者矣雖高自標植傲睨一世非過也且今山澤濡毫之士豈盡乏乎然往往視爲居著而駕說四游釣奇賈譽故業率不精山人雖好壯遊乎然爲人嶽立鵠視思深而氣沈世俗之好蔑如也日下帷窮巷雖王公大人罕見其面屹屹誦習至白首尤甚其精蓋如此其博綜邃詣要非苟然而已也余自束髮慕山人及北遊燕會江君民璞方君定之汪君伯玉竝新安名士無不推重山人於是余愈益慕山人及余使南都則首訪山人而山人顧先已心折余二三知己曰俾有守蚤邁諸君何至興歎隆古也是時山人年六十餘老矣猶自疑其平生乃懷草輕千里過箬下就余商確屬銓序云夫山人以獨身起草昧經攬超濟敢任不顧何其壯也及文成暮齒名著羣賢乃復折節新知虛懷交警又若爽然自失者余嘗病披靡之士旣不能自振及矯抗敢奮者又傷於自用故道之極軌鮮有詣者今山人之爲心如是則世所稱

難於山人者詎獨文章而已哉

黔南類編序

漢之黔中滇爲寵王初往賓之兩司馬張騫王褒爲使各嫺於辭令滇閉昆明不知漢廣大而風諭不達辭今之施亡當矣故定以兵威從其俗以長之至文齊起陂池通漑灌以墾田率勵兵馬而修障塞降集羣夷甚得其和王阜始興學校漸遷其俗僅有昆明許叔入中國授五經歸教授郡中竟未能疏述不閉習爽闇昧得耀

夫目先生集

卷之三

三

三

奏記諤諤如也雖藩鎮之彊恃其先有寵王而蕭牆之內其爲堅冰也大矣公托爲部中安攘計雖于土地水利罔不舉而兵馬障塞罔不備以先伐其謀爲禮可以已亂條畫之甚具未嘗形諸聲色其忠厚達國體如此故自公爲臣將三十載辭今之美亦旣富矣而其言信功見鑿鑿碑名實或以方諸漢臣其不在茲乎嗟夫在昔今甲方伯爲藩臣長以拊循其民間遣部使者脩慶讓或假便宜于中執法藩臣之職固相爲重也比諸司尙退讓之節至不敢與引當否其於藩鎮則謹避之是法擁格而勢日削矣顧獨于民崇大體聽守令而視其成惟出納如有司而休戚在錢穀則不屑問其故豈不博大如拊循何矧滇去京師萬餘里宦游視若投裔每自憫其爲勞人所治勞浸靡莫之屬率鄙夷之不爲理孰肯爲之諤諤者乎古方岳之臣周之仲山甫尙矣公乞歸錢塘余稱其明哲似之今所覩記則不茹矜寡不吐彊禦公亦何讓

夫目先生集

卷之三

四

三

然非古訓是式其何以有此故編之以訓有位  
凡百君子聽之哉

瑣闥管見序

許伯雲由分宜宰召給事中見罷或云其罷以  
分宜也分宜自有相國當路三十餘年宰必由  
之品隲所黜未必盡所忤所遷未必盡所悅必  
有假而掩之者耳彼一時也各猥隨其毀譽毀  
日淪棄譽日尊顯迨其敗時不問忤與否而黜  
者多錄不問悅與否而遷者多罷天下薦紳大  
夫先生集卷之十五  
氏然矣夫臣命于君安所避之命之分宜則分  
宜往然既有相國又有胄子焉云不可使得罪  
天子亦云可使怨及朋友分宜之謂也仕者畏  
之矣伯雲之才利於盤錯不吐不如以守其官  
固以分宜召非分宜其能弗召乎召輒上封事  
又非不得其言乃不久于瑣闥則有故而去可  
知已足去以分宜伯雲何與焉故其慷慨自若  
門不謝客尤與余及王元美善每斗酒相勞酒  
酣輒談時事纒纒可見諸行其瑣闥所集安足

慨之哉嗟夫彼至人者五就三黜皆所不辱如  
斯而已矣伯雲善自寬固余所知者獨怪古之  
立賢無方而鄉不以惡廢卽分宜以相國故伯  
雲何可廢與時南昌余德甫亦以胄子妻黨去  
雖有彌子瑕其奚傷乎季路故汪伯玉爲暴不  
平將使德甫有辭于後世竊以孔門之徒多仕  
爲季氏宰季氏問從政孔子各稱其所長仲弓  
以德行聞不以此廢南面求也鳴鼓而攻尚居  
政事之科今宰爲天子吏視之家臣何如而不  
問賢否輒以分宜去何邪且余與元美皆相國  
所不容者余不足道安能爲之辭卽元美善伯  
雲如故其不爲相國也明矣使其時伯雲得免  
所稱載表見當不厯厯若此故不具論其封事  
而詳其封事由罷

旅燕集序

歐楨伯將之燕訪余汝南郡中乃謁何仲默祠  
尋李獻吉河上草堂過謝茂秦于鄴下居燕吳  
明卿至與游余以待謫公車讀其旅中集將序

之未遑也其爲江都文學王元美過之有浮淮  
集而爲之序所集宗子相輩十先生則李于鱗  
過而序之比入金陵采

世宗固實有輶中集序則介紹于汪伯玉當余  
過之請曰大任不敢忘羈旅大夫毋忘公車余  
其何辭于燕夫自召伯啓封爲天府之國國風  
以召南名者率江沱之間爲什而其遺風徒雄  
于戰國說士有蔡澤之屬蘇秦鄒衍爲旅策士  
有郭隗之屬樂毅劇辛爲旅遺辭往往可觀其

夫自先生集

卷之十三

七

三原

詩固無聞也今多悲歌之士蓋自衛荊卿始然  
其所過固有目叱之者矣獨燕有處士先生善  
之他則屠狗擊筑之流與和歌市中相樂而爲  
酒人游耳其歌于易水爲變徵皆垂涕泣爲羽  
皆瞋目髮指冠此俠風也北鄙類若此矣漢僅  
有韓博士詩而淮南生受之唐後漁陽上公悉  
胡虜擊鼓之音至爲遼金元所都中原不幾絕  
響乎故雖明興由明經貢闕下游說之策  
旣絀亦垂百年乃興李何爲之倡三河齊魯及

江淮以南和之而燕乃有聞蓋旅者盛矣至于  
南海去江沱益遠當

世宗末梁公實黎惟敬以旅燕名今有楨伯沈  
深好書畫與賢豪長者相結不讓于荊卿顧鄙  
其劒術不講而所過傾蓋者衆以善聲詩講業  
于學士先生其委蛇嘯歌庶幾召南之風乎嗟  
夫今列國不貢詩旣得士如楨伯使登黃金之  
臺而居碣石之館官商協作則雅頌可興乃爲  
博士以詩友教列國竟棲棲一旅人耳其於楨

夫自先生集

卷之十三

八

三百六十五

伯何哉幸

主上明聖二三大夫方修雅頌之業而召楨伯  
者或有矣

### 閩中十子詩序

今洪永之世閩中有十子而皆以唐詩稱多元  
之遺才也夫以十子者而名詩于一郡不尠矣  
然其詩名者蓋或概見云彼龍池孤鴈林子羽  
之所爲名高乃不見於集此何以稱焉高彥恢  
品彙唐詩而得正聲庶幾近之海內翕然爲宗

其序本稱引子羽豈多所取財者乎然彥恢與  
安中景明以詩締布衣交故彥恢稱漫士安中  
稱樵者樵者漫士皆典翰林籍而漫士能作無  
聲詩是以儒師善出奇樵者六十餘老矣且試  
詩高第矍鑠哉景明累辭薦辟其讀陳搏傳云  
大明已照臨一笑歸華陰以搏同姓寓言言遜  
而中清竟結社自老士各有志如此孟敷父總  
管與鄭孟宣同幕千行省孟宣用擊劒名自亡  
命而歸折節至助教總管強詔不起引決孟敷  
未竟先生集 卷之十 三  
達節出授檢討當其與安中纂修永樂大典同  
爲解縉所引重安中無恙歸樵孟敷矯矯坐縉  
黨死其自誅何悲也時修大典稱閩中三王而  
孟敷中美克總裁中美至修撰閩志志之儒行  
其詩視二子何如哉然閩人言詩者率本之子  
羽子羽起家訓導爲膳部郎免歸使其門生二  
玄問晉陵浦舍人所爲來得詩乃見而舍之浦  
名因以籍甚不但閩中本之也周玄徵爲祠部  
郎揭天謠諸篇喜爲長吉語於師聲稍變黃玄

移家自將樂入閩中終身嚴事其師而老於訓  
導其云望闕無知已歸鄉愧不才閩其學之窮  
也豈以郎署而爲達乎同二玄及門而見姓名  
者六亡傳乃若按察副使唐亨仲少與同郡黃  
濟爲詩友濟亦不列十子間則閩詩不啻十子  
也已此十子者一以歲貢二以鄉科而進士一  
其不爲元布衣而從薦辟者五乃後閩中有三  
君集郎中鄭君繼之主事郭君子長及布衣傳  
君木虛然鄭郭以進士著傳視景明爲難彼時  
游揚者衆也而此則薦辟不及矣余初至閩中  
有三生以詩來謁袁景從馬用昭及子長之子  
建初皆與木虛游者乃知有十子集將選之未  
暇也建初就余學詩僅貢如黃生比上故屬之  
兩生稍選傳於世閩故多才諸生亦謂之概見  
者非邪景從以鄉科而未進仲亨第用昭以任  
子游太學孟敷中美之科未舉也皆翩翩然而  
鬱滯能不於十子有感乎倘薦辟之典行亦豈  
無庶幾諸子者今曠典不可復卽科貢太學生

寧不可拔一二以窺中秘者歟乃建初謝貢籍  
歸適兩生因之請序余重有感而論其世

沈純甫詩序

世有吳明卿焉司馬相如之倫也相如過臨邛  
令一坐盡傾奏琴爲鼓一再行琴心固有在令  
亡當于相如相如故于令亡稱沈純甫爲番禺  
令明卿稱其詩引郢人爲序雖無長語心獨摯  
焉嗟夫純甫或當明卿矣南越近海多犀象璠  
瑀珠璣銀銅果布之湊番禺其一都會也在尉  
佗時越中亡可與語得陸生不啻重寶矧明卿  
之過純甫乎日者彼且以音相尚梁氏擅其宗  
公實最著思立輩翊之亦有二三君子嗣徽而  
起純甫尤善倡和則可與語者不啻犀象璠瑀  
珠璣銀銅果布之湊矣奚事他求而及不佞思  
立與不佞同官言詩及純甫曰大夫于越昔善  
諭指南越者嚴助也以言楚詞薦買臣買臣安  
足當余今大夫其幸引重之乎不佞謝曰嗟哉  
助之闕于聞問將引重而竟繆辱耳彼臨邛令

敬相如相如乃以令客著犢鼻褌與庸保雜作  
滌器市中而辱臨邛尉佗當陸生報使因獻天  
子白璧翠鳥犀角紫貝桂蠹生翠孔雀未聞遣  
一使如生與俱生因獨博千金裝而去番禺令  
有梁氏及二三君子令不下堂可鳴琴治矣是  
今重公等公等亦爲令重明卿足重郢引郢人  
則爲知音不佞安能重于越而敢猥辱純甫乎  
思立喜曰是固重余令矣

姚江邵公去思卷序

漢重邊守以兵事爲職今之爲守所重主餉耳  
東南承平視民庶畚以姑息竊譽疆圉往往不  
治邊海且然何有于負山毋論兵弛雖餉日詘  
有警輒蓄之至民患孔棘乃知譽爲彼竊而毒  
則我貽也復急繭絲不遺餘力孰爲圖保障而  
任慮始之難者乎邵武思公祀于郡名宦光澤  
泰寧二邑則有特祠當流寇後聚落爲墟無城  
之邑荼毒尤甚其苦兵與寇等供億至煩瑣賴  
不擾而給四境旣受其賜稍與瘡痍休息可乃



亟于垣以公帑而佐之甫竣寇至保民之德甚  
大光澤郡西北戶當江閩之交入閩茲爲奇路  
障之則郡以固矧泰寧壁其前以扼于上游功  
在全閩不少獨二邑思之者乎余昔爲汀長汀  
附郭外非若二邑去郡而遙也聞昔將城之者  
議以閩綰波數郡不雄千艘于海上而連百雉  
之山城何爲哉議者去寇遂入非余竭力長汀  
不保將圖之以觀輟是後始克有城孰若排衆  
議而躬成之如公者嗟夫韓長公治城郭收租  
未見先生集卷之十  
三

太宰李公羣玉樓稿序

公稿序者數家大較可槩見矣余初讀之輒歛  
歔焉往余將對公車故司空劉公寓書于公公  
所最知稿之首傳坦上翁者也至則公爲少宰  
乃不以書謁當庚戌進士其題名記屬公颺言  
上德至恭慎矣而勉我多士毋曲學便身圖貽  
國患苟可奠安宗社杜遏奸萌必孜孜思自  
効與多士相激昂焉余觀公自中秘爲部郎而  
上書疏一何偉也左遷外補所至風裁每哀古  
人著節或心蹟未白而輒得奇禍或身先隕越  
而志業未竟惟揆樹立之嶢峴縱壑醢其奚歎  
也於我多士豈虛語哉比爲太宰余司比部部  
郎宗子相俄調考功不自知其故公以南畿人  
當調獨此郎無關說耳余最知子相益歎公之  
爲端人也于時受  
上特知恩數至渥當元老匪人宜有補袞闕所  
賴乾綱獨斷國鼎重若丘山亦宜重大臣之體  
而保明哲庶幾夙夜以全  
主恩也故行危於所職不敢以彊禦諉



上於表頌之言無不柔嘉以恭慎而遜于盛時  
意豈不深遠哉乃若稱引異代皆唐漢英主古  
之對君奚翅以此而無罪且褒兗策諸生乎及  
邪正之辯亦相激昂如昔所撰記未嘗不爲  
上嘉悅矣以此中奇禍則公無他可知已余當  
獄詞以天威有定當式敬以俟堅執毋敢文致  
上怒未解幸以律無文不深罪比部典司奇請  
他比而公尋斃于獄余外補且左遷彼諸公者  
其禍旋烈是

天目先生集

卷之十三

五

先帝之天定矣奈執事無敢言者故雖暴於海  
內而未卽白 聖明而疏之所陳情寧知其滿  
洗于

嗣主哉此別稿發憤而作魑魅傳敘大盜始末  
歸咎罪魁數人焉豈以委質致身不幸隕越蘊  
醢已矣猶恐有貽國患其斯以爲絕筆乎乃奸  
萌卒杜而 宗社永安九原之憤庶幾可以少  
釋而遺稿若茲亦足徵志業之不朽也後之三  
讀者猶歎歎否邪

重刻李滄溟先生集序

夫文之所盛其由來也尙矣唐虞之際如日登  
曲阿夏爲之會桑商爲之衡陽而周爲中天之  
運豈不郁郁乎哉追風雅變而日斯昃至于春  
秋文在素王爰集齊魯之士四方靡然從之用  
晦而明亦揮戈之力也第返景所照漸于下春  
縣車戰國僅如長庚秦火則薄虞淵矣漢建元  
輩爲月出之光倬彼雲漢三五其章衆星麗之  
文亦爲盛東京而魏而晉則寢明寢滅唐復霍  
然宋漸不振胡元蝕之豈曰不極然淪於蒙谷  
而拂扶桑間有啓明者出 國家斯如長庚而  
旦矣一日餘年來愈益斌斌李獻吉輩幸際其盛  
亡慮十數家軼輓近而力修古詞然其旁引經  
術尙稱說宋人若功令亦有力救其偏者而于  
修詞靡遑焉習流日波余不敢知乃有不與獻  
吉輩者知其異於宋人者寡矣

世宗壽考作人綱紀文學之士而金玉其相追  
琢其章滄溟之間李于鱗其人也雖齊魯之文

學其天性固然所以得就于大方非固縱之多聞者乎自髫年與今少保殷公輩游鄉人率日爲狂生乃輒以古人自許比講業闕下王元美與余輩推之壇坫之上聽其執言惟謹文自西京以下詩自天寶以下不齒同盟視若金匱罔渝或謂李氏之在于今豈下漢司馬者哉司馬攘臂而馳李氏亦接踵而起者也于鱗則曰擬議成變日新富有能爲獻吉輩者乃能不爲獻吉輩者少保以其詞賢獻吉且又不獨爲文士豈如其詞也者而於獻吉是賢乎元美傳之曰世能名于鱗莫能名于鱗所以有味乎言矣嗟夫自唐虞來千餘載而周以文盛變于秦乃漢來其孰如周胡元之變也甚秦豈日息于淵谷乃拙于大明繼周之文其在茲乎李氏嗣興倘後死者于今爲烈則鱗起者居多矣于鱗且願杜門加我數年如麟材具而賦可以敵相如事具而記可以追于長尋陵而上之取裁于六經其志甚壯蓋駸駸乎未知所稅駕也

天目先生集

卷之三

七

乃辱以晚成屬余敢不爰及乎故尚論千古直將旦莫遇之自漢而下千五百餘年擅不朽之業以明當日之盛孰如于鱗者所成不既多乎哉張肖甫序其集既具余爲之重鋟蓋有感于鱗應夢日之祥而生故揚摧以此然則是集也適貽右文之日不將郁郁而于斯爲盛者乎

### 史記百家評林序

今夫史者其得失之林乎百世而上評于史而史則評于百世之下史何容易哉甚矣其評之難也說者以古帝王右史記言左史記事言爲尚書事爲春秋司馬遷兼之故名曰史記而評之者亡慮數百家夫易始庖犧詩逮列國及禮樂之治神人何者非事何者非言何者非記而不謂之史故易長于史詩陳于史禮樂詔于史老聃居柱下夫子就繙十二經經藏于史尚矣第聖人所刪述者則尊之爲經寧獨尚書春秋乎哉卽以史記本之尚書而詳于春秋其亦失遷之所以作乎始以春秋言之其爲一代得失

天目先生集

卷之三

八

之林經夫子所筆無容于評矣而其所削若左傳國語乃盛述于世爲史氏之宗雖言其得者十六七而言其失亦二三要其不可廢則與春秋竝傳矣蓋其所述者列國而非一家之私也史記所采其事其文戰國以前非惟孔子所不取而傳語之所遺者皆窮搜而博訪傳之以年語之以國而論其世各得其一體遷則勒而爲五以訖于天漢固有殘缺大較其體備矣尙未盡善雖不免于有評而稱其盡美者亦不能無

天目先生集

卷之十

九

盜詞乃余之論則頗異于諸家遷之自敘遠追于二正近承乎五百而紬石室金匱紹明世正易傳繼春秋本詩書禮樂之際而自任見于言表何其狂也六藝各爲一經夫子且述而不作遷各序其所長乃獵涉其事爲三十篇成一家之言協異傳而齊雜說將盡三千年事以俟後聖君子不自掩乎闕如何其簡也若在孔氏之門其亦裁于進取之列矣乎蓋其亂臣賊子作夫子志在春秋上行天子之道以知我罪我自

任文成數萬事指數千褒貶於一字之間而游夏不能贊者其義則獨取非槩因乎舊史也故本魯國一儒而遷爲立于世家其曰雖不能至然心鄉往之其志可知已又以言六藝者必折中於夫子其義可知已乃志繼麟止則上歷於皇帝而變其編年各自以爲義前無所襲後以爲法而與左氏傳語皆爲百世不可廢非命世之才其孰能與於斯余之所與者志也義也而才非所論矣彼狂簡者其才不庶幾哉譏于鄉原而爲其所短裁于聖人則必有所長要之于儼加一等矣遷實史之狂簡而班固又其次也史記體裁既立固因之而成書不過稍變一二誠易爲力者耳其時諸儒鑽仰訓詁承爲集解至二十四家而史記解釋者少歷代之宗漢書至宋爲尤盛其宗史記者乃始盛於今之百家然二氏皆良史才而其得失靡定者蓋各因時所尚而資之近者爲言耳若夫卓然揚扆之不但論其才則余不佞竊識其大如此吳興凌叔

天目先生集

卷之十

十

際之爲評林何爲哉蓋以司馬成名史而必推  
本乎世業凌氏以史學顯著自季默有概矣加  
以伯子所錄殊致而未同歸叔際按其義以承  
先志集之若林而附于司馬之後觀乎所哀次  
其才可概見已使紬金匱石室其自成一家言  
何如哉茅順甫旣詳序之而余則與其大者矣  
顧余嘗有所評叔際未之及知乃引其大都于  
端亦以備百家之一云爾

### 臨汀志序

未竟先生集

卷之十三

主

嘉靖丁巳余爲臨汀喜其簡僻且山川甲七閩  
第繙往志文獻多闕而靈秘久闕不概余心甚  
矣有疆事尋入 觀俟歸而亟圖丁外艱不果  
閱十七載潘公爲之集八邑之成謬取裁于余  
適司藩臬鞅掌未遑也福唐郭生造卿世嫺閩  
中故實頗屬之執簡以計偕力辭命其家弟復  
暨郡黃生稍釐次之寓之于都下余從臾之爲  
其史才當海內大方毋讓可甲七閩而已乎郭  
生以未躬覽有難于踰度且乏佐史豈堪獨任

况閩之乘咸託薦紳敢猥以章縫輒承海內下  
風哉余謂百國春秋未必周流歷聘左傳南史  
之徒各能自立不朽而權干奪于諸侯非魯之  
素封者乎子何避之深竊以爲過也郭生乃諾  
更銓勒之公車旣富載籍又從學士先生游旁  
紬金匱石室而蒐輯有緒矣潘公遷幾輟季公  
嗣是舉同余入 觀速郭生就之因余轉江藩  
遂先下榻商確而告成焉夫諸名家地殊簡僻  
代治文獻其質甚具受而采之蓋易爲工耳追  
昔作者局繩墨限見聞非通義也茲視故帙言  
芟什八事倍過半其體法古而旨達今一矣最  
爾區域遙分星土幅員四表置若絕幕茲詳災  
孽尤於革運無遺變及揆形制兼乎控帶無遺  
險以之稽時籌勢目擊而掌指二矣凡尚綠飾  
者儒藝雖優吏治則爽而無裨于便宜惟茲謠  
俗化條祀戎食貨一切政教可按而舉至簿書  
伍符歸之章程典雅三矣監部以上支郡弗載  
弁髦介冑巖邑亦然茲以保界綰轂兩鎮衛所

鼎峙並策勛戮方嚮佚編錄勸勵無徵乃文武  
備則民社重四矣人倫舊貫率忌矯正或誤傳  
而專信或失考而羣疑有盜爵土以濫褒有殉  
封疆以誣貶名實之鑿莫茲爲甚乃毅然獨斷  
以定權衡五矣視之大方不以異乎他采衆長  
亦寡同科蓋博物游於上國直筆秉自專門翻  
翩奕奕其孰與京誠周行之人士象服之冠冕  
也汀其可藉重以聞於海內矣寔惟兩公賢爲  
郡圖千秋之業百爾君子始終斯美余觀厥成  
天目先生集 卷之三 三

古文雋序 代作

夫古人味於文而今味乎古之文也作者千百  
載而選者百十家矣非雋不永非永不傳自六  
藝而下至於宋之大方余錄而篋之行部頒其  
雋於澤宮咨爾多士其知雋乎今夫太羹玄酒  
賓祭陳而不享爲存其制非適口也雖厭膏粱  
者或甘薇而旨蕨語之食醫食醫否否爲克四

體而澤膚髮非佐之以殺載惟山澤之癯則然  
耳故饌人之尸饕水陸既瘁矣膚也臄也腠也  
臂也腥也漏也尾之不盈握也則具體去之而  
鼓刀負鼎不齒焉鵠鶩之胖也舒之翠也雞之  
肝也鵠之臠也鹿之胃也狼之腸也兔之尻也  
狸之脊也豚之腦也魚之乙也鼈之醜也狗之  
腎也則去其一體而鸞刀鼎鼎是節焉乃品其  
雋者博碩肥腠之咸備或稌而宜之或黍而宜  
之或稷而宜之或麥而宜之或菰而宜之四時  
之膏咸宜可以羞王公矣猶有以爲常珍而非  
適口之極也必嘗以易牙而合以君卿猩取其  
脣熊取其蹠駝取其峯豹取其胎豎象取其約  
竭九州之產羅萬選之羞是雋之雋者天下至  
味在是矣且薦之以蜃盤承之以雕簋御之以  
醇酎侑之以工歌其悅口何如而况悅心乎乃  
學士之執其何以異于是故非炮非炙以旨以  
甘蒠子取之號其說而余取之名斯文

閩中郭子長集序

余攝督閩學從福唐令請而祀郭子長於鄉先生祠司徒馬公素重爲茲幸况教云嗟夫子長傷哉貧也初授刑郎踰月而卒自含歛及蒸嘗皆吾黨存之豈非廩廩君子者哉第今舉祀者多非尊顯不與且問其後何如子長之孤藐然耳雖令不淹清議微大夫孰從之昔則不敢請今敬爲之謝焉余爲刑郎去子長一紀聞其力疾按貴人獄因以轉劇而沒賴公乃歸櫬而知其清白吏久矣又二紀至閩視有司祠狀及詳

未嘗先生集

卷之五

五

三百六

公之所爲傳而概其大都云夫漢武虛閩越而獨祀武夷君神之所通者遠矣延津何以有劍自張華補令而求之豐城者也今福唐令舉子長不佞覈再三乃祀是謂之有司慙古人遠甚敢辱明公重公竟爲再拜以子長少孤力學經術蔚爲儒宗比觀吏部政攻古文辭侍郎南海霍公郎中西蜀任公皆其舉主喜與道古乃捐而好脩輒逡巡引避所與僅吾黨數人故其撰述尙有限且棄于中道蓋深惜之矣敢語作者

之末大夫其謂何哉余謂子長體未具而篇獨至詩章爾雅庶幾晉魏大曆風文則駸駸兩漢尤嫻于史詞卽其男兒行及地方議固卓然嚮往將爲天下士雖于北地濟南不獲先後其時然視其時蚤世者當不下於吳越間譬則石函旣出華陰之土未致但拭于西山北巖其光芒亦已艷發幔亭之靈蛻固非控鶴騰空其樸檢旣領于祠官則乾魚必書於太史矣公乃屬訂其集余嘗攜之行篋比觀入都門其子貢士

未嘗先生集

卷之五

五

三百六

造卿又進福唐古史閩中文獻攸存脫藁僅十之二適歸時嚴乘傳旅次不煩應酬輟焉舟焉而藁俱焉卽所手書雖勒鍾王未就固非苟然者其於稅文篤矣蓋深傷其志因發篋訂之稍脩飾爲十卷而署閩中郭子長集爲多閩中事非固限之也品僊及武夷不爲天下奇乎論劒及延津不爲天下寶乎乃子長於閩中則視此何如哉若夫哀蘭詞之悽惋水道書之綜核及傳記諸篇率往志未具皆關大義而切世教有

功於閩中非淺鮮者矣卽請郡縣補祀狀善于  
楊圻先賢宜清議攸歸而藉重於俎豆矧有是  
集焉不益斌斌乎爰爲之銘其未脫藁歸之于  
貢士藉以報馬公夫司馬班氏俱以子成郭氏  
之子蓋有良史才焉閩之僊靈劒氣雖鍾於人  
材多矣然飄飄凌雲而徹斗牛者其在於斯乎  
毋慮其藐然也子長中道之業可畢成而益不  
朽矣

中流一壺敘

未旨先生集

卷之十

三

三百七

往余在武昌親見觀察毛公方壯疽發背屬有  
澤宮之役不蚤治以坊病悻久之桃源白博士  
士偉蜀仕族也三世病疽得禁方以起語云醫  
不三世不効豈謂是哉黔楚地故卑濕往往病  
疽而貴陽直指鄭公疽發於頸危甚徵博士治  
輒効至諸生編氓全活者以百數而大中丞阮  
公履楚旬日疽發于肩僉憲馮公亟遣博士往  
方行而問至馮公傷之乃籍其方布境內庶幾  
不脛而走四裔卽僻壤貧民猶然療治之耳夫

人之所病病疾多醫之所病病道少使聖人預  
知微能使良醫得蚤從事則何恙不已哉博士  
以精博起諸生間王公大人莫不折節下之曩  
過武陵客署談十日自兵略象緯堪輿支離覆  
逆之數靡不中窾而尤深於養生之指其言曰  
易行周流詘信反覆則氣無壅而疽自不作豈  
倉扁所謂治不疾稱聖儒者等邪若博士可謂  
近之矣余先君東臯翁喜方術急人危厄甚於  
已私設先君在布筵當不後矣乃更署其書曰  
中流一壺示急也而泫然授梓用承先志云

未旨先生集

卷之十

三

三百七

天目先生集卷之十三 終



天目先生集卷之十四

吳興徐中行子與

記

巡視北城監察御史題名記代作

在漢置御史監三輔稱監御史主舉刺非法督治長安中而宗廟之祀及朝會封拜竝得糾察焉任至重也 國初首遣御史十三輩巡行方岳而京師特設御史五各專一城得假柱後惠文彈治視漢監三輔無改焉夫京兆尹主拊循畿內都官訊刑獄衛尉城門司馬分督捕盜賊治如是足矣何假御史監邪傳所謂大都之中亡論近親不可問卽貂璫之輩蟠結轂下而陽煽陰孽以奸漢家法者何限也故燕都其民忮懃好氣任俠報仇籍於有土之富厚而橫厲恣睢以扞世之文罔者與昔無異也至北城邊胡往逆虜薄城下自郊以北幾無才遺而捍圉之戍且不知役何所也以故京師視天下尤重且難非內臺臣監之惡能愉快勝任乎夫御史於

國事無不可爲者卽郎署有界而軍國大計庶

僚臧否具得簪筆論 殿陛前至前所云壹切

糾察毋但一城事矣其大者固當振刷神采意

攝於廟堂之上而威行邊鄙逆折未萌次則正

色執憲奉公不撓令豪暴之徒斂手屏氣顧忌

不爲也是稱賢耳不然日瑣瑣管掠不問其他

一治獄吏足矣豈 國家命臺臣意哉北城設

御史蓋百餘年而余承其後自余而上稱多賢

者未嘗不私心屈然歲卒數更遂視若傳舍不

暇標識亡怪也嗚呼人生宇內卽古今旦莫何

速也第人貌榮名無旣耳况前所謂賢者嘗伏

節官下以身爲國扞蔽者邪卽未盡賢猶當以

得失相鏡所謂前事不忘後事之師也而可少

哉歲戊申秋與許南胡君志夔揆檣往牒得楊

君時太以下爵里名氏若干人業圖刻石會余

於胡君復東西去至甲寅春熙泉何君廷鈺始

爲立石且屬余記余惟奉職無狀何得似前後

諸君賢顧所不忘於昔之兢兢者敬詗來哲以



備瞻誦之義云

何大復碑記代作

先生汝南信陽人也信陽故有祠而郡久未祠祠自前守河東王子崇古始王子祠先生也則以固始許公合饗而署曰烈文蓋兩重云業已妥神立石而嗣守者謂先生不宜與許公並祀則出其主鄉賢祠中而事遂寢蓋八年而余以撫治至大梁首詢得其事慨然思振舉之矣而是時先生孫洛文中省試第一復具言前事方

天目先生集

卷之十

三

三

堂後寢竝四楹門垣周繚率如儀經始嘉靖四

十一年七月望日越八月二十日垂成會余以少司馬命迫發而徐子亟走吏請記云余往讀書山中詮論當代名家則獨推第李獻吉與先生若太山北斗云然問之交游或與或否惟同郡徐子以余言為然則又未嘗不願一至其地瞻拜祠宇為恭敬也豈謂余與徐子同宦斯地而先生之祠竟成於今日也固數也乃卜其祠既不在他所而竟與孔門高第竝峙千古也又非數哉然余獨怪鄙人之言曰文士鮮行乃槩天下賢者於是而謂文章不得與節義齒列則又未嘗不投翰興歎也嗟夫是孰知文章之關於世也固至鉅哉上之經緯兩儀彌綸三極其次恢展聖謨潤色洪業其次憫時政得失主文而譎諫著之冊而勸戒昭播之詩而美刺顯俾人紀允殖而天常不墜是則文章之為教也故比干剖心箕子不以演疇貶節季路結纓游夏不以文學損譽三仁四科其致一也豈若拘學

天目先生集

卷之十

四

三

抱咫尺之義以孤於世者邪 明興百六十餘年而文章迄無定體自先生崛起汝南始與關中李獻吉發憤詞林超覽古始乃排斥羣疑歸之大雅何其雄也即使來哲代興不無侵軼然其開先基始之功揆之義和授時神禹治水同一久遠矣矧平生風節又廩廩較著者哉方先生守中書時猶散曹也而公家之事知無不言亡論抗疏忼慨如應 詔極言番僧義子錢寧數事披鱗蹈錢朝士奪色卽如逆瑾撓吏部權則移書讓吏部會有兵事而執政乞休則又移書讓執政李獻吉與御史姜某計奏也則又移書太宰直獻吉矣其感憤時事而扶義倣儻蓋素所蓄也夫其平居敢諫若此而臨事顧不能伏節如許公爲乎何俗士見之晚也頃余會大梁縉紳長老又云先生自幼幼時謙抑溫退未嘗以才凌人及論國家當否則蹈厲憤發有萬人獨往之氣由少逮沒齒未嘗一問家產而人有緩急則又無不各厭其意道弗合者雖隆貴

天目先生集

卷之四

五

三

人忍不與見至道藝士卽貧賤衰老猶折節下之不倦也夫以彼其才而好修又若此固蔚然醇儒也獨奈何以文藝少之哉余又嘗讀先生新論十二篇上下古今天人之際至備矣假令托以不御之權則何遠不至乃賞志短折而竟以一學掾死有足傷心流涕者然先生功在斯文節在朝著行在鄉曲固萬世不朽矣而又何恨哉余悲世俗不察其意而猥以詞華之士同類而共訾之也故不著其文而獨詳其行誼大者俾後世得觀覽焉是年秋中丞安居胡公來代實克成厥終而臺察鳳翔李公學使歸安陳公咸右文敦節先後協謀於法得備書云先生名景明字仲默門人稱大復先生

創建漢黃徵君祠堂記

并銘

天目先生集

卷之四

六

三

邑當祠徵君而余適以被播去道經真陽令周君指某里謂余曰此黃叔度所產處也余愈益想見其人而不及祀矣蓋低回留之不能去云余還山數月周君以書屬余曰黃徵君祠成矣往觀府君之悒然于徵君也蓋欲不日亟成之而猶懼宦跡靡恒或不迄于成也乃購得故叅政李君別宅遂增修而祠焉爲正堂三間門樓一座樓旁空舍七間增設兩廡各三間而空舍歲得賃錢卽以供簿正奉祀矣惟府君爲記以去自先生集示永久焉余喜曰是不佞藉以補過於徵君者也又何敢辭余惟叔度稚齒窮居閭沕蓬蒿初未聞其有談天雕龍之辯驚世絕俗之行儼儼奇偉之策也然七君子見之者靡不心醉神解服膺誦義如荀季和二李之宗師也顧願爲弟子有足異者而誕節如叔鸞輒亦容歛氣罔然自失何邪郭林宗天下人倫服其雅量似已難矣而陳仲舉之不畏強禦朝士鮮雙乃亦自謂不如又何邪余嘗上觀七十子之徒智勇材

辯之術甚具而顏回獨不達如愚至仁奇也然好學之稱行藏之擬仲尼惟回是與焉雖子貢以下人人亦自以不及也蓋其仁心爲質而退然不伐其所蘊藉者深遠矣名豈虛立士豈虛附哉語曰桃李不言下自成蹊殆謂此矣余又嘗考論東漢諸賢鮮不以節義自勵而露才矜譽卒蹈危機惟叔度韜光引晦卒能龍蟠於塵埃之表而醇風玄致至今使人銷鄙吝而敦長厚范滂侯謂其及門孔氏其殆庶乎知言哉知天目先生集言哉余嘉周君崇賢風士之意蓋如此周君名紹稷字象賢雲南永昌人成都楊用修之高第也其經術治行已知名當世不具列云乃爲銘銘曰維嵩降靈篤生叔度岐嶷夙成珪璋天賦清明在躬玄解神悟會是切磋動遵矩矱倬哉先覺允矣生知靡幽弗貫靡奧弗窺甫在髫髻僉曰我師稽古項橐異世同規翹翹車乘公府交辟或拒或往行無轍迹其道猶龍其介如石遵養時晦被褐懷璧令聞彌章羣賢畢至寂寂

衡門方軌結駟待問如響靡不厭意譬彼飲河  
各滿其器澄之靡清滄之靡濁以我汪汪銷彼  
嶽嶽耆舊解頤賢豪折角如登春臺熙熙相樂  
吁嗟東京節義是力名高殃禍卒蹈荆棘於維  
徵君沉機先識鴻飛冥冥未謝畢弋周式商容  
王道聿興曹舍蓋公齊國以寧亦有魏侯祇事  
段生况也令德中和是經明明令尹高山仰止  
樹之表儀勛爾庶士是瞻是依自今伊始言勒  
貞珉用垂千禩

天目先生集

卷之四

九

三

賢節堂記

福唐鄉士大夫言郭子長之賢也余爲祀而銘  
其集矣其妻盧氏以節事姑何氏至孝義請  
旌如姑故顏賢節於堂而署其桓曰鄉崇俎豆  
曰世表門閭蓋重有道之家云次子貢士奉長  
命謁祀余惟子長學宮有祀狀及諸序傳中附  
其集可考何氏盧氏見實錄及郡縣疏志矣乃  
具其先軼行而推本賢節所繇焉郭以農居雲  
屯三傳至於定謂之七處士父鑑同產五以室

甲邑屋獨其居隘陋父命三子更圖伯仲故椎  
處士季也蹶然上之北山麓吉乃南山從兄圖  
知其金多不忍予處士妻林氏與其妻從妹也  
請于姊昏以燭往從兄重其齊德有禮許擇處  
士田十倍而易一弗及伯仲產姊謂二姒每以  
柔桑姊今獨得此地矣不可異宮居乎林氏謝  
曰夫子違同胞其如膝下何姊謂必有悔伯仲  
顧以舉詘而難庀材爲辭處士傾橐金林氏捐  
簪珥佐之及材具而築伯將移之右處士請如  
舊卜林氏知而以告有形家言舊卜不利伯易  
之於右吾世當其孤寡何如處士歎吾不知知  
之豈敢請哉遂從伯卜將落處士林氏卒地與  
金莫酬遂卽三分之處士之子無悔言卽子長  
父孔平也孔平有儒行郭之青衿自此始以毛  
詩友教年三十三卒矣何氏撫二孤伯後恣睢  
數困辱之子長發憤下帷而舉進士甫授主事  
卒年三十二盧氏撫二孤而皆名青衿貢士游  
太學諸孫亦翩翩矣里閭有云北山之伯其後

天目先生集

卷之四

十

三

孤寡少平未聞以寡撫孤則惑形家者鑿也室  
爲兵燹墟而伯後無寸土季二世後卽少夭折  
種種未有艾伯其如之何盧氏乃三遷而孤旣  
肯堂且佐仲後營先廬其寢伯氏主不與矣或  
言今可移而左孤以先世讓奈何自吾改之而  
視伯後無間焉不寧惟是子長妹采藻幼共盧  
氏食貧屢糠覈適兄歸而掩之恐其傷心廢業  
也兄故憐其賢以歸于儒家從珍塘林生貧甚  
而蚤寡事姑如嫂教業紡績甚艱辛撫孤抱孫  
矣姪請與北堂俱養見顏署而歎曰吾父母兄  
嫂其可不朽乎因潛然默感傷以疾卒于嫂牀  
嫂哭之慟解衣爲斂而爲之歸殯由堂桓而出  
里間又嗟異以其孤窮閭未能以請 旌乃於  
郭門卒亦得死所矣且郭門益以重非世有道  
而然歟

徐中行曰若卜郭氏之初則形家不盡誣然寡  
者旌于朝孤者祀于社蓋人勝之也而其天  
定矣處士不在區區捐產重於尊命養志耳且

造次不避害而因心以讓焉寧知其後有賢節  
世家及林氏隱德而因以著乎蓋里閭誦之不  
衰而藉以爲勸者衆也詩言他山之石可爲錯  
而攻玉伯之維錯用玉于成則視伯後無間斯  
善繼志者矣勗爾來許尚益懋哉

### 長興縣新建講德書院記

黃侯旣城長興五月而妖寇起鄰邑烏鎮里蔓  
及長興瀕湖數千家迫發矣邑幸以城無恐而  
侯尤善方略耳目卒然收案無一脫者狀聞總  
督胡公喜甚亟馳檄褒勞若曰徵賢今卽健卒  
數千束甲而趨之遂晏然邪然侯心顧不怡久  
之退而深惟曰此獨民過哉意者有司未能究  
宣

上德而俗薄漸靡使然耳及今不圖則來者又  
將焉賴乎於是召集丞尉博士弟子議建書院  
邑中居諸生高等俾推明 聖德而覽示四境  
庶民其有興哉僉曰善侯乃周覽城郭至西南  
隅得閒地一區侯遂詳爲區畫而以妖黨沒入

田供築作費又捐俸金易院東田若干畝給二行者令守焉院中爲講德堂蓋取王褒著論意也堂前爲東西齋齋後竝有室自堂迤東有亭翼然與北山相對曰來奕朝夕嵐翠落欄楯間亦一勝也經始於嘉靖戊午十二月二十日越今年六月九日落成落成之日邑博湯君謂是舉所繫甚鉅不可以無紀乃率諸生李炤等徵文於余余嘗誦周詩曰載戢干戈載櫜弓矢我求懿德肆於時夏允王保之夫王者武成之後未見先生集 卷之十四 言末選將詰兵以張服遠之威可也而乃求懿德爲允保之計何邪又讀泮水之詩曰明明魯侯克明其德既作泮宮淮夷攸服矯矯虎臣在泮獻馘乃知教化行則姦邪皆止純德布則軍容可匿文武雖曰竝用而拊循經略之要固不在彼在此是故南面臨民者莫不以教化爲大務教化誠明道德誠著則人懷自固之心而重爲邪雖有叫呶之夫必無響應之助矣詩人之旨固已遠哉 明興以來至今

上文武神聖超軼遠古受命穆清澤流罔極中外肅然式歌且舞固千載一時也司牧之臣乃不於此時昭宣聖德以輯和其民人而惟兵力是校非天子惠黎元意也黃侯是舉固深計遠覽而行古之道者歟然又非獨如此而已也昔司馬相如承文翁教始授七經于京師遂蔚爲詞賦稱首及奉使里中卒能宣漢德以安巴蜀王益州延子淵作頌聲聞殿陛雖天子側席稱盛德事也而汜鄉侯如何武者亦自歌詩中崛起矣未見先生集 卷之十四 言末養士之效其章著類如此今黃侯創學舍崇文儒宣布 詔書勞來不怠習君子於禮樂雍容之域而陰奪小人覬覦亡等之心逆慮周防預於國計深矣此固懷忠抱義之士憤激而先驅者也侯且不欲負吾民而諸士顧可負吾侯而不知奮哉異時吾黨之士誦周王懿德之歌傳公多士之頌以及益州樂職之詩相與乘時淬礪躍躋天衢上之翊贊 聖謨下之艾安黎庶

文則經緯洪業武則捍禦邊陲又安知不與司馬王褒何武之徒接軫巖廊之上而後先競爽哉余固曰黃侯決策靖寇以拯百姓之急者秦越人起號太子於已危者也建學崇儒以培靈長之化者秦越人治桓侯於未病者也通達國體者可以深長思矣黃侯名辰字文斷大埔人湯君名明善字汝一江陰人是時湯君方勵精經術而刊集禮要徧授諸生又與是舉相成云余故綴而列之俾諸生竝觀覽焉

天目先生集

卷之四

五

長興縣

長興縣修學記

長興縣學舊在城東門外紹興十年徙于治所之東嘉靖改元縣令桐城齊之鸞以其偏于東隅且陋而于治所之西營之不果越十年崇陽汪公視學以屬署事推官金壇王濂數月告成見姚京兆記中久之頽敝至隆慶五年縣令長洲顧其志下車謁廟歎曰余子游之鄉人也將絃歌于斯邑顧官牆有闕狀何以稱師長上匪余其誰圖之圖之必信其民乃可於是審畫便

宜勞來為先年少而敏治事立辦賈其餘以舉廢墜旬日濬城濠數里民罔告勞而信其易使矣乃益勸學興禮崇化勵賢以風四境俾遵

詔書律令本其經術數出教而會諸生口授矩矱妙簡其選士咸靡然嚮風暮年茲歌為盛春仲而修學宮屬尉嚴某董之先師廟廡啓聖諸祠齋居神庫肅肅如也明倫堂尊經閣號舍庖

天目先生集

卷之四

六

長興縣

福重門坊屏秩秩如也又塞西北汚池而樹之為林凡繚以周垣飾以丹堊綜理甚具共費學租之美百兩則尉廉而有心計故其用省功倍若此仲秋舍菜因以告成冠帶楮紳園而觀之天目居南桐洞在西東北瀝以太湖三簋晷畫流經泮宮之前官牆煥于其間雖山川蘊藉如故而其秀發于人文者心志耳目作新不倦今也之力不少故博士諸生請記焉嗟夫邑昔多材晉宋而下吳商通經術吳均擅文體及徐堅錢起之倫博雅亦有足稱迨宋慶曆初詔天下州縣立學而湖州名為天下先以安定胡公昔



之所嘗教授者也時尙辭賦獨立經義治事齋以敦實學聞詔取其法于太學爲令式故長興皆以湖州顯其後或百年而遷或三百年而遷遷之若斯之難而士必求其成者將應山川之靈以增益計偕歲課徵公卿大夫之盛爲閭里光寵焉耳業已斌斌有明效况修之有不進于是乎今天學宮不修責在有司彼責既塞所望于士者豈微哉士日孳孳而修于斯尙壞於天子之庭不修其何以語士夫子闕里布衣也自天子王侯宗之而宮牆遍天下祀典垂千萬世當陳武帝時其湯沐邑在茲僅三十餘年而亡今雖窮鄙之社不與焉故天下君王賢人衆矣當時則榮沒則已耳若公卿大夫何可勝道哉慨自立學迄今蓋將五百歲其間當有名世或聞而知者出邇大司寇亦旣先之矣繼而有聞其在於斯乎余願多士咸修夫子之業而潤色以顯於當世庶可塞望於有司苟德之不修則夫子且憂之矣他非余之所知安敢奏記于多

士之堂

昆明橫山水洞記

古梁州徼外禹疆理所不及滇國屬秦略通五尺道而已漢時且閉昆明帝于長安穿池象之以習水戰後雖爲屬郡恃其旁地肥饒多畜產之富安知流泉灌漑所以育五穀爲通溝瀆以備旱計也自成義侯造起陂池迄咸陽王輩復爲陂池及屯田求源洩水始知蠶桑明興方伯陳公乃開昆明橫山水洞洞在縣西鄉源自城西清水關外龍泉漚爲乾海子東行八里爲白石崖十五里爲橫山龍院等八邨軍民定墾田四萬五千六百餘畝其地高平比之岐峻綠崖礚石不同泉流不及早爲焦土有可用溉則沃野也嘉靖己未李文縕等開崖導山七十三曲爲水凡十三條邨橫山止于石丘隆慶己巳大旱楊應春等鑿丘爲東西洞約穿三十丈未穿者如其數四月公以右使治道過之其徒纍纍告疲公憫而省其山以請于都御史江陵陳



公御史內江劉公咸曰此功一成為萬世利乃命官興工洞高廣各三尺有咫董董容一人又身屈膝以鑄用二人通畚所鑄而出入之彌堅燬而解焉聲中中若咫尺東西竟不相直初以九旬為期又九旬公乞歸人懼弗卒業公曰噫乎泰山之霜穿石漸靡使然也人而鑿空其弗然乎以舍人袁應登視之乃用易門礦夫二十人明年三月公為左使工周歲弗給請于都御史宜興曹公御史安肅許公咸曰功既垂成費安惜乎給之如初九旬又請公謝事不以請右使長樂陳公攝之又借公帑以給礦夫馬廷弼止其西從東又明年二月八日長樂公代為左使公曰去志久矣為此水而止今未卒業幸諸大夫圖之敬諾越三日公出祖數萬人泣留遮道忽傳水洞穿驪呼若雷而神之公曰亦偶然耳且謂召公將明農倦倦告周公誠小民秦漢水工鄭國徐伯之名以傳礦夫繫之一年良苦西鄉萬夫粒食二十人汗血耳其補助之勿緩

官終事者庫副使劉俱應登雖舍人勞甚其論賞宜優為具奏記倦倦授長樂公而行凡用不滿三百兩為日六十五旬餘蓋費省勞暫利鉅而貽之休者遠也民共立祠橫山屬某記之某曰滇之廟祀自成義始亦有咸陽豈非陂池之澤乎史起論西門豹之未盡起亦徒利導之者耳奚有蜀道之難若冰之鑿離確世傳蜀江神有之乃冰精誠所至橫山不下離確公每旦必齋禱雖舍人亦然洞穿與行會偶然邪滇田號雷鳴者匪雷雨罔秋八邨之有龍泉常沛若雷雨矣允惟岳牧寔代天工以百世祀豈成義咸陽盡之乎代公治渠股引盡屬長樂公率土皆兩公者可無凶年憂矣公名善錢塘人長樂公名時範同舉嘉靖辛丑進士先後八年于滇迭為左右伯成是水功云

### 新修西南岳鎮堂記

先王方制萬區封山為鎮雍州惟西其岳曰華荊州惟南其岳曰衡梁冀其隅嶠不稱岳蓋其

鎮也徼外則荒服蠻流居焉漢改梁置益東北皆勞深靡莫夷屬其西南有滇池自戰國屬楚以名金馬碧雞之寶則聞于漢矣唐藩鎮不共失于南詔蒙氏偏據太和祠西洱漢以中岳封點蒼山如昆崙者曰西岳如崆峒者曰南岳如玉龍者曰北岳如絳雲者曰東岳僭也如此遞沒蠻方至元立省中慶梁王居之今雲南府是也其負固久矣

未齋先生集

卷之十四

三

高皇帝平天下十有四載百蠻稱臣奉貢獨此不賓躬覽輿圖得阨陁乃以三十萬衆百日而滅梁遂克太和等路蒼山洱海自昔稱雄而立諸司于此爲地尤重故也故命西平開鎮府且開進圖決

上改梁故宮爲藩司當其前折府路而旁出則帝意甚深遠矣凡鎮臣獨此世居其爲鎮最久已設巡按修監司慶讓已設巡撫總帥司軍旅稱藩攝其間則岳牧方伯之職也實爲方岳之臣相仗爲鎮也重矣堂鎮于藩舊名經濟易以

今名錢唐陳公新之也建者有記將二百年梁棟傾袤不附其榱桷腐者什之五中梁將絕而騎危衡廩廩矣南榮三間建水去地丈許眎堂益庳且將撓折焉隆慶之元圖繕不果蓋從俗以長自楚記之矣多鄙夷之不純用夏以治舉羸匪病孰能不重違俗東北神京去此萬六百餘里仕爲遠臣不樂久居率遽廬視之孰與爲理乎公自三年六月爲右使明年十月請告不得去又明年三月爲左使八月在告又明年三月歸志在亟去矣前是軍門修臺役苦歲凶奏記譽譽爲謠俗請休傷財勞民固所甚隱也乃武定嵩盟激江廣西有于垣及道盤江洞橫山遷關邑居增設置郵關堡未嘗少惜以爲民耳當右使時更南榮將畢而爲左使次月繕堂增庳加石鼓于址尺五爛焉改觀豈喜輒作余聞其語矣蓋曰臣而盡職雖之蠻夷不棄夙夜匪懈一日敢不業官矧當藩服居且三載手撫仕而家莫不美官室大閭門令容駟馬高蓋車

未齋先生集

卷之十四

三

未聞垣屋故不治令後世師儉者國不如家非  
善敢知夫高車先自相始廉遠地則堂高等威  
所辨胡可儉也始者不壯麗而令加于後後尋  
安其簡陋不知國儉則示以禮若茲藩司爰屏  
鎮府尤當翬飛鳥革左金右碧渙秩秩如也以  
渙斯可矣維嶽峻極降神牧伯以翰王室蕃宣  
四表可削廉隅而自陵替者乎故脩之便且易  
名以志之未成在告右修居舍踰月畢又左修  
理問所次年甫畢公行各自爲記屬余記此公

未見先生集

卷之四

七

七

于民米鹽罔不精商功程物之審督學修署則  
然矣故此工民若罔知用庫官劉併朱涇督之  
費帑金百二十兩木工十二人慢者三之二其  
役與臺隸屬軍夫倍木工而已成于仲冬之望  
父老外蠻頌曰是堂赫赫有茲牧伯爲民所瞻  
西南來極余并記之以繹岳鎮之所云

汀州忠愛祠田記

代作

天順中汀州守上言臣按六邑父老言故推官  
王仁宣德末以薦授郡經歷清勤公恕贊政弘

多且長治才而兼攝民事九載滿秩闔郡請留  
于巡按御史以聞復職進階居二載郡人請補  
推官從之郡事無大小守臣咨諏而行凡民言  
不平無不得所便宜歲歉乞減價糴官米二十  
萬斛風富室出粟佐之流亡因復業萬計止中  
貴橫索繩武夫悍卒以法坐誣謫戍及死囚數  
十力辯爲脫郡無冤民旁郡逆賊鄧茂七黨陳  
政景圍汀州率民兵助守將四旬乏食發倉粟  
七千石獨任其擅開罪得食而守益堅旣而大  
破賊追械政景獻俘 京師守將所俘老穉誣  
爲賊者四百餘人獲賊所籍脅從欲按而誅之  
且以搜餘孽爲名避寇將不得免焉乃爲釋誣  
焚籍禁其毋震驚山谷有德于四郊甚大復募  
萬人往援下邑寧化斬數百級降二千以隸諸  
營賊出郡境走將樂陰遣降卒誘執茂七親黨  
三十六人方擣巢疾作衆請昇歸不可呼至帳  
下密授賊計而卒民巷哭匍匐如喪考妣觀  
至郡迎者數萬返葬而送如之正統十四年也

未見先生集

卷之四

七

七

十餘年上杭賊熾父老追思愈甚赴郡言狀六七至乞 賜祠爲世勸禮部按祀法生能禦大災捍大患死血食仁沒于忠而有遺愛宜祀

制曰可額以忠愛在郡東龍山下五月二日生辰而祀蓋事之如生民今稱謝公祠云公世江西新建人本姓謝父避仇從姻家姓卒之十一年仲子文莊及第第一復姓累贈工部尚書初祠隘陋成化間重繕頗備祭田原五十七畝有奇日者郡官爲增四十畝有奇余增十畝共項餘也原田覈多二十餘畝不籍俾田者樂耕凡蠲外繇俾專祀事羸以備繕蓋罔不備矣惟我朝廷奉天子民吏能得民者天寵荐加焉公十八載于茲得民也深矣矧死王事不百世祀乎毋論文莊足闡幽光于其時來許爲盛于今未艾天之報德抑何遠乎哉高山仰止景行行止心鄉往之則低徊不能去公爲余鄉先生于社仰其遺風有日茲低徊祠下去而置田識之敢告有位凡寄一命務在施于後世寢廟有作奉

甯不絕視彼靡仕而速朽何如者邪

天目先生集卷之十五

詞譜

吳興徐中允

狀碑墓表

明故資善大夫南京刑部尚書贈太子少保箬溪顧公行狀

顧公諱應祥字惟賢號箬溪其先蘇郡長洲人也高祖壽一生伯通伯通生克升凡三世世居長洲許墅鎮然皆隱約弗著自公恬靜翁成化間挾扁倉術行游湖間悅長興山水遂占籍

未竟先生集

卷之十五

十一

吳

焉娶烏程名家楊茂公女卽公母楊淑人也自克升及恬靜翁俱以公貴贈南京兵部右侍郎恬靜翁名杲爲人修潔周慎所至焚香讀書卽閤室無惰容而性復愛人喜施卽診治輒起又輒謝不責報以故雖在布衣閭閻誦義稱長者語具劉清惠公志中公居長興數歲楊淑人夢有龍首而膚身者降其室神指曰麟也乃產公翁奇之名曰夢麟蓋成化十九年九月二十五日也及髫而嗜學絕不好弄翁愈益奇之乃躬

爲師傳而楊淑人相翁督課尤嚴以故成器獨蚤而環偉特異弘治十七年公甫弱冠就計偕明年乙丑登進士丙寅

毅皇帝卽位詔充輜軒使者纂

孝廟實錄於南畿明年戊辰事竣授江西饒州府推官饒故劇郡會守及屬邑令多乏竝攝于公衆方以少年少公及公視事迎刃竝解卽老吏吐舌驚服謂弗如也亡何姚源洞寇毒螫數百里虜樂平令汪和勢甚洶洶計無所出公據

未竟先生集

卷之十五

十二

吳

老卒御羸馬叩賊營壘賊大驚出迎公爲緩頰數語利害汪立脫而賊亦解去自是聲名大起辛未以臺諫徵至京師以年少不應格補錦衣衛經歷當是時錢寧爲衛尉方貴幸睚眦朝著間而公益以禮法自嚴鈞染之不得寧嘗屬公具疏草自免公故爲峻語風之寧非心動感公曰顧公爲我矣屬吏部公大理卿公公力辭乃得廣東僉事得嶺東道汀漳山寇起毒螫三省中丞王公伯安計之公以奇兵挫其鋒擒酋首

雷振溫火燒等千四百餘功王公奏聞命下勘報而公故辭讓功他省不報亡何金瑋韓亞颯等寇海上公既督樓船橫海覆其巢而湖廣郴桂寇又繼起公又移兵荑薙之前後獲寇級千餘僅遷俸二級半歲間三捷嶺東晏然於是公武畧遠振咸謂伏波再生矣已卯入賀

萬壽至京而江西寧廢人事起乃擢公江西副使分巡南昌道公馳傳往則罪人已得然亂後諸務廢弛庶役不平瘡痍未起訟牒蠅集公乃

天目先生集

卷之十五

三

言九

夙夜經畫內則綜理簿領外則均平徭役招集流亡民始慶更生然公一意拊循不爲傳會希合兩臺史嘆之據他事論公吏部廉知狀竟格不下然坐是不調者六載丙戌始量移陝西苑馬寺卿明年事明遂遷山東右叅政連擢按察使右布政公爲按察時疏慎謫戍戒酷刑杜株累嚴軍政四事

上悅其言著之今甲尋超拜都察院右副都御史巡撫雲南公極意經畧疏凡二千餘章其大

者如更定永昌府騰越州鳳梧所諸衛署築尋甸等府城垣添設永昌等府縣師儒頒王氏鄉約申明射禮寬軍職襲替例宦貧不能自還及旅櫬與子孫流寓者並傳送之華夷無不感悅亡何以母楊淑人喪不候代奔還觸新禁當罷旣服除與尚書蔣公瑤劉清惠公麟及諸名公結社菰城峴山蓋十有五年已有終焉之志吏部都察院數爲

上言故都御史應祥銜命萬里外乃以母喪殞

天目先生集

卷之十五

四

越徑歸於法非宜然先朝舊臣若以一青棄之似非朝廷教孝錄舊之誼報可乃就公家起再撫雲南諸父老嘗以壯時及事公者故思公而時又苦旱公輿與雨俱至父老愈益喜時元江悖不就逮衆方議用兵公持不可曰那鑑棄衆戚親直孤獸耳緩之則卽就縛矣會公遷南京兵部侍郎去而代者急公卒至敗沒失一布政故中外咸服公先見云明年庚戌陞刑部尚書公覽刑書輒推案嘆曰律未盡而定之以例

凡以平法防濫云爾如以意爲獄而當時爲是三尺安在哉乃屬郎精經術法律者吳君維嶽陸君穩更定上請求著爲例時李攀龍王世貞竝陸沉署中鮮所推與公一見其文心異之過謂中行曰海內操觚家人人能矣乃若正始之音殆在茲乎公爲尚書非久而給事中有論及公者蓋公自內入時同年分宜公持國秉凡自外入者悉歸恩政府而執禮卑卑甚於門生公自以同年耆舊不爲加禮亦絕不與黨分宜公

天目先生集

卷之十五

五

三百八

引年

上復勉留癸丑十二月以三載滿得請致仕爲人隆準廣穎厚重宏深魁然廊廟之器也然天性廉約意直不爲安祿養交坐是忤俗蒙訕而中實坦蕩無他腸至經術吏事武畧竝斤斤精至故賢士大夫翕然推重蹶而復起竟致高位

公爲兒時卽能以禮自防不爲利疚自筮仕至蓋棺公門無私言顧獨好讀書無故未嘗一日釋卷以故九流百家無所不窺然必博證精解務當於心而後已其平生最喜者九章勾股法自謂窮極造化得前代秘傳而延陵唐中丞順之同郡沈司封桐竝就學焉其著作雖不刻意求工然亦皆有矩矱社中嘗評其詩文似白少傅奏表似蘇文忠筆札似趙文敏而公顧夷然不欲以才藝自居公少嘗從陽明增城二先生游然公能自得師務在篤行實踐不欲空談性命曉曉駕說卒至畔去如若輩所爲也余嘗驗公長者行三事往嘗江西三佐省試號知人得士而貴溪公實公所舉士及貴溪通顯至相終不言公爲錦衣時同郡施御史儒爲中璫構擊詔獄禍且不測御史弟及所厚欲屬公賂衛尉求解公怒曰施公以守正嬰禍若以賄生之豈施公意哉竟叱去然陰爲排解者備至施竟得出身名俱完後以胡端敏公薦再起僉憲嶺南

天目先生集

卷之十五

六



然不令施知也新安汪太宰嘗與公同官廣東督兵捕寇而汪無功公輒推功讓汪汪竟蒙顯擢徵入至太宰然公未嘗德色焉其偉度長德又若此豈可與陽舜陰跖襲名揚已者同日語哉公既還山杜門謝外事益以著述自娛春秋良日則與同邑劉清惠公暨少叅常公商臣監丞李公丙重修社事巖居川觀歌詠太平相樂也蓋今歲乙丑九月七日以瘡卒于家距其生春秋八十有三配張氏封淑人女二長適福建天目先生集卷之十五  
布政司理問吳徵次適江西新喻縣丞潘銑子一思純縣學生娶福建布政司理問歸安嚴介女今乙丑進士汝麟之姊也夔角應試方有昂霄之望不幸年十九夭無子遺腹女一適太學生朱鳴臯公憐之以族孫嗣衍爲後今錄爲太學生娶山東青州府知府歸安施峻女生孫女一許聘仁和邵康僖公廕孫守儉女亦天公所著有人代紀惜陰錄明文集要唐詩類抄尚書纂言歸田詩選備查摘錄授時曆法測圓海

鏡弧矢筭術僧害讀易愚得藏其家嗣衍卜以丙寅十二月十六日啓張淑人墳合窆墓在靈山之麓蓋公所自擇也嗣衍以中行附肺腑之末乃屬中行敘狀中行辱公垂髫知賞附以婚姻銜戢恩遇垂三十年矣卽聲咳纖悉靡不親炙而熟習焉第不佞淺陋不能殫述敬詮次平生大都敬俟班馬名家采覽以垂不朽焉

明太常卿贈正議大夫資治尹禮部右侍郎恭簡魏公墓碑

天目先生集卷之十五  
夫古之斷斷論道者皆學士所謂有道仁人也世之君子或以此相詬病豈名不虛立士不虛附而有言者不可若是其幾耶余甚惑焉願爲有道者執鞭若魏恭簡公斯其人也夫公名校字子才少英穎絕倫讀書四行俱下弘治甲子魁應天鄉試乙丑第進士正德改元授南京刑部主事歷員外郎中訊讞必齋居夏日滌溷穢於疾病者飲食之臨刑素服事畢不御酒肉與諸郎異時奄豎劉瑾弟瑯守備留都張甚諸郎



願有謁公不往其將攜撫某富人死公不避嫌  
飢法郎卒莫能絀日集諸郎講德與鄱陽俞子  
積信州夏淳夫武城王純甫尤切劇丞丞如也  
九年改職方時嬖倖擁兵大內藩王將告變矣  
乃移病歸星溪學士大夫多造廬請益薦者無  
虛歲間承召不起藩王變定

### 武宗崩

世宗立諸嬖倖誅乃起家爲副使督廣東學政  
遵功令頒化條毀淫祠創社學專祀宋儒及名

天目先生集

卷之十五

九

三十三

吏鄉先生卓詭者且示民息訟弭盜一以敦本  
爲務士知鄉往者命禮遣而躬導之其有道術  
者不憚與之友踰年謠俗一變而奔封主事喪  
歸盡禮服闋補江西兵備力辭弗允改督河南  
學政大較如廣東而矩矱稍廓行冠禮正名稱  
毀浮屠像專祠義皇于畫卦臺以蔡仲始封國  
依太公祭爽鳩之義而以世子死社稷書于春  
秋者配信陽宰端木公賜蔡人曹公邨漆雕公  
開秦公冉爲之立經祠又援漢梅福疏請封孔

子後爲世博士守微子廟因歲時省湯陵不果  
甫三月轉大理少卿冢宰桂文襄公推轂之也  
凡封事質正多爲之削草明年轉國子祭酒例  
謁相國踞蹠隅坐公上坐自如相國蓋嫌之及  
充經筵相國滋不悅故事講章先裁於相國不  
贊一詞而愈益噤俄改太常假少卿已陞卿提  
督四夷館時

上議禮進郊社論二篇明年致政歸養太安人  
張氏甚謹撫兄諸子而教之篤其先本姓李居

天目先生集

卷之十五

十

三十三

長洲莊渠城自莊渠始祖三傳曰琳鞠于姨夫  
昆山魏家而蒙其姓琳生鍾鍾生公父珪雅意  
復姓因其先有述所出而與李氏婚迨公疏復  
不得復爲憾言必稱莊渠人多稱爲莊渠先生  
乃爲李氏統宗族屬諸祭則合族以申其義而  
于無告者有振其孝友若此薦者無虛歲雖冢  
宰聞問不答舉主費文憲公再入相期吳門不  
赴卒乃候其喪而修正大氏然也惟當有司咨  
諏則條畫吳中便宜於賑饑水利拳拳焉謂之

有道仁人非耶嘉靖癸卯卒距成化癸卯生享年六十有一訃聞贈官賜諡及祭塋于某山子紀天其子殤配淑人王氏奉公遺命以兄子續子恒嗣紀恒殤郡守命續嗣公續舉于鄉矣鉞公大學解六書解遺文若干行世今立經祠于學宮左春秋有司奉嘗焉徐中行曰余聞莊簡公引當代名公十六人爲公誄詳哉其知之也世君子或能之兩者無當于大誼乃君子弗能焉豈非苟然者耶自浮屠入中國少林達磨面壁九年傳其影也入石慧能受其衣鉢于曹溪世咸惑以爲神公督學南粵旣毀其鉢督學中州命斲其影匪直嘒嘒寔躬任之矣故其學引繩墨必軌于正義病邇來欸言者比于晉之清談則其所就豈苟然蓋可俟之不惑者矣銘曰浮屠而熾公也伊何旣毀慧能爰斲達磨乃識其大雅行孔多疇不是式有鬱其何

明故通議大夫通政使汪公神道碑

崇陽孔塘惟公

賜塋有豐碑道周余按狀爲之表汪自婺源大坂有清甫徙茲五傳藻爲封中憲大夫長子文明爲封奉直大夫娶太宜人楊氏生公名宗元字子允六歲父爲安樂教諭不樂以公就學而穎乃樂十三從父教授順慶與名士仕翰並友善十七從父知彭縣歸就張文定公試首楚儒大奇之越二年執父喪骨立傷父之志栖栖如也遂殫力于學而扃戶下帷矣祖春秋高凡家事召公携書且目之應對不爽父廉家宴幹蠱以育三弟教之二十六與仲計偕明年獨第進士授行人張文忠公復相當往迎力辭之以某子代代而改編修乃知力辭意固避也使于楚奔祖計杜門起復南京工科給事中凡大國政諸斷斷可否待一二語而決莫不倚爲重顧不輒軒輊未嘗風聞論列以叔中丞公巡撫雲南避親改武選司主事時多裁省而報功之意微顧獨從厚德之者衆改尚寶丞晉卿轉南京大僕寺修馬政以蘇戶困

廟恩進階中憲大夫爲鴻臚卿聞莊簡公自南京入冢宰首以公爲南京太僕卿修太常志與尚書韓公員外楊忠愍公考正音律樂器又取國朝奏議類其經世者爲考故事太常三載貳六卿張文毅公自南京入相以公有經世才晉副都御史理河道嚴相以不已出也銜之公修厥職其承嚴相旨者論公謫福建叅政尋轉右布政使虜患孔亟海徼多故公多攝事壹切倚辦綏懷以簡蠱騰自釐其定歲解鹽法閩永賴

天目先生集

卷之五

三

繼授開公之致仕以嚴氏嚴氏敗世宗遺詔至公及諸弟盡哀即執太宜人喪如奉直公服闋薦者章凡五上竟不起而卒隆慶庚午六月晦日也距生弘治癸亥年六十有八以次年六月葬娶顏氏贈恭人生度舉人繼周氏定州康惠公孫女封恭人生膺孫男三人謙吉泰吉度之子吉膺之子平生詳于志中表其大者如此且銘銘曰而宗奚自自于大坂爰有中憲其條則遠長公栖栖自悼偃蹇惟公昆季赫赫斯烜薦歷朝藩亦旣膺仕捐紳頌忠豈不有美乃辭納言歸其樂只將毋終養嗟哉孝矣

天目先生集

卷之五

四

帝命寵褒爛其梓里俾昌俾熾茲丘纍纍

明故潮州府通判謝先生墓表

晉謝太傅之後有千一者自江左徙瑞州至同德生孔武孔武生秀夫娶游氏生先生諱明德字明之前溪其號也幼善屬文貧而嗜學年十六補郡諸生每嘆大丈夫當如諸葛武侯及今

新建伯究天人王伯之略書名竹帛間何至樸  
簌章句如世儒者爲乎是時吉安謝蒙選善講  
新建之學先生鬻產爲資從之游而盡其所得  
辛卯舉高等明年第乙榜當署教或勸之辭曰  
吾翁老家貧寧能擇官仕哉乃署教長興晉江  
黃公爲令以邑科第鬱滯銳意作人方難于得  
師乃先生至甚驩時爲文學者尊令若嚴君先  
生視黃公莫逆黃公則甚恭敬入邑輒款飲而  
壘壘不及私故使子弟知尊師敬學其才而貧  
者先生數捐俸周之於是來肄業者衆黃公每  
過視焉則出酒炙談名理或至丙夜先生擊節  
歌風雅聲與諸生佔畢相應莫不鼓舞嚮往蓋  
彬彬多文學顯矣今京兆姚君一元憲副臧君  
繼芳及不敏中行皆先生所造士也先生雖講  
德而縱覽先秦兩漢外家語御史張公按試詩  
文奇甚大喜業以具薦疏而舊臺史先有以僞  
學中者論當左遷乃寢竟遷長泰訓導一年丁  
外艱歸摧毀備至從讀禮中講究不輟服除補

未日先生集

卷之五

五

三百五

嘉興府學訓導尋遷桐鄉教諭邇迴文學十年  
而淬礪愈嚴督學孔公延會城商確因校讐諸  
藝文而先生喜兵每從西湖望氣竊謂東南當  
有寇起究陰符諸書及批擣之術而身習弧矢  
冀一當以自効會嶺南聘主秋試甲辰上春官  
不第擢令于平和喜得所當也平和故嚴邑其  
豪跳梁崖谷編氓喜服毒報怨無已時而猾者  
又恣睢扞文罔奸治會歲饑道殣相望猛虎復  
白晝啗人先生秉廉慈除苛令議賑貸禁服毒  
捕宿惡寘諸法擒翁陳二酋肆于市於是豪猾  
屏跡而虎亦遁去隣邑詔安白葉峒自正德時  
憑險負固三省莫敢誰何先生上狀請討議者  
謂峒極險阨又多積聚卽新建善兵第且撫之  
耳先生怫然請討檄暮下而朝誓師於社分道  
深入賊驚潰擒陳劉二酋及餘黨數百人覆其  
穴於是漳汀潮贛四郡無不懽呼相慶而督撫  
臺史交薦閩中士大夫爲著平南紀績當事者  
襲蒙異擢先生僅以常調遷通判先是給事中

未日先生集

卷之五

六

三百五

奉使勘海寇事連漳守盧公先生奮身援解盧  
藉以免給事中噉之于臺史論罷先生曰長吏  
冤白余卽貶死無恨矣歸而杜門讀書如諸生  
時足跡未嘗輕至府城守令欲一見不得也中  
丞蔡公吳公以戎事虛左迎始一強出無不奇  
中及吳公爲太宰蔡公主司農欲薦則固辭之  
中行守汀汀山寇藪嘗迎先生舍正堂及歸逾  
月寇至卽以所授策禦之輒勝幕府聞狀又欲  
亟薦先生先生貽中行書吾非不欲用所未足  
未竟先生集 卷之五 七  
顧自念數奇須越五十五可出耳幸爲吾謝中  
丞踰年已未卒春秋僅五十五考諸葛武侯新  
建伯卒亦略相同則其蚤慕二公也殆有自哉  
先生歷教四邑諸生愛慕如一日而平和民念  
保障功有祠居家內行純備自筮仕至沒齒凡  
俸入悉委于弟不私一錢故沒之日僅圖書數  
卷遺其冢子應卿謂平生知我無如中行者必  
表吾墓吾目瞑矣中行不敏敬承遺令樹墓門  
嗟乎世儒講德其行多悖所聞故持論者得短

長之乃若先生居家孝謹服官廉節戰陳不避  
死排解不顧私所至士慕所去見思其忠實心  
誠信于士大夫如此乃淪斥以沒固足傷心流  
涕者然荀卿讒死蘭陵儒者至今宗焉况先生  
務正學而蔚爲儒宗可表見於後世不遇何足  
道哉

大明福建建寧府推官贈文林郎兩溪高

### 公墓表

高大夫謁曰則益大父推官公善屬文而雅詩  
歌幸攜撫遺藁稍傳十二三第於封也梓櫨可  
材豐碑未樹其何辭於後世敢藉君子表之庶  
先人之美傳焉嗟夫孝哉大夫爲先人者周矣  
讀所具狀疊疊余友王敬美旣志而銘之其大  
都敢不爲之表高氏本于池陽宋南渡徙南昌  
高城鄉曾孫巖卿教授隆興路至季孫叔昭爲  
廣信銀場大使乃徙羅舍渡而稱羅舍高氏其  
始顯者推官公也公名繼耀字用晦生而失恃  
鞠于伯母父賈恒居巢憐而攜所之公少穎發

授詩書輒曉大旨能亢其塾師矣乃不願游請  
歸而試業明經其進取與賈孰多毋徒廢學爲  
也父嘉其志遂延明師苦學不輟年二紀督學  
邵公國賢取補弟子員蔡介夫諸公輒置之高  
等李公獻吉則廩之凡一紀而舉于鄉再上春  
官不第父沒于淮扶櫬而葬者十年矣爲貧養  
繼母就教諭於乳源逾月而母卒喪之如所生  
服闋改六合是邑俗靡儒術絀則躬課之賙貧  
而懲其不力者絲是計借不乏矣應聘主廣東  
試事薦士多甲第至尊官而粵人服其明轉南  
京武學教授統袴之習操之如東濕惟腆縛其  
餽遺以寬于簿責公壹切卻之立簿而嚴督俾  
多識文義閒禮節則嚮化斌斌如也迨遷建寧  
推官讞獄明允當道器之且委以治楮故事率  
憑駟僮騫汗以是多逋負稽歲月公革宿弊而  
立之約楮若干直幾何入則與之而入者爭先  
不閱月大集美金五千有奇悉還公帑而褒其  
廉能者衆浦城簿被訐直指下其事公力爲辯

天目先生集

卷之十五

九

三

獲從寬假簿陰以賄謝切責而返之其操類如  
此告疾抵家一月而卒尚未滿考也其亦坎珂  
矣有子四人仲季同鄉薦仲歷官衡州府同知  
初以作令考績贈公文林郎孫九人仲出顯者  
長選貢次鄉薦季卽大夫舉進士爲廣西提學  
副使而方歿于廬仕他多爲弟子員曾孫已二  
十有三矣徐中行曰余讀世家言趙簡子疾夢  
之帝所告以七世之兆而書藏之府其言如左  
券人世大氏然也嘗聞公當舉監試廉訪司王  
公夢一丈夫衣冠甚偉手裂碑石遮道言曰吾  
家士子試卷取其一再再者混矣主司奈何不  
問乎王公異之再繙而舉焉裂石丈夫卽祖叔  
昭曾督司工役識名碑陰者也聞者盛傳其事  
以爲陰德之報云余觀叔昭至公已七世矣能  
示靈于有司而其德不可詳公德孝友叔母稱  
未亡從兄無種嗣俱從養而殯葬其所遺訾產  
則與從弟均之蓋遲迴仕塗殆逾一紀堅持澹  
約橐中蕭然也施及其親君子曰難高氏自公

天目先生集

卷之十五

十

三

以明經起家卽所蘊藉何有於郡理然既困博  
士而得此故有風爲子孫地者公曰吾業已爲  
之矣不觀正考父之銘鼎乎偃僂而俯于是乎  
饘粥餬口蓋其恭也後有達者至爲百世師而  
正考父以顯公之理郡不自封君子將觀其世  
焉今子孫蔚起咸習孔氏之教至于大夫則爲  
人師矣當梓欂材而豐碑樹益見公所遺者蓋  
未可量也然則顯公詎大夫云乎哉

明山西布政使司大叅王公祠堂碑

代作

未見先生集

卷之十五

王

三

余往聞之山東父老蓋亟稱巡察王公賢也公  
至山東以漕運爲憂首訊元人故道回險餘萬  
里而膠萊南北濱海地勢可穿渠渠卽成漕徑  
易可一月罷視故道功相萬也然馬家濠石堅  
數十里未易鑄廣而新河沙淤難浚議者沮之  
而公任愈益力乃手條所以利狀報可竟穿馬  
家濠及新河垂成遷山西臬功遂中罷先是膠  
萊二郡盡海墘地斥瀉故無可河渠通舟楫負  
販歲稍侵民輒坐困及河成則填淤之田得更

相灌溉而江淮之賈舳艫相屬此損曹省卒而  
裕民之大計者也卽今山以東孰不尸而祠邪  
余所聞僅此豈不稱興事臣哉及余巡陝以西  
稍益習公事及狀志所紀乃謂山東故老意更  
僕未能悉也卽他事勿論已獨不見公議禮時  
疏邪

上旣采未嘉張公議尊

先帝而廷中諸臣叫闕折檻至犯

上顏色乃赫然行咎於庭至髡鉗爲城旦士伍

未見先生集

卷之十五

王

三

卽在廷聞者蓋人人心悸也公乃一旦請湔濯  
采錄以冒

天子黨惡之怒不批鱗者哉雖疏不行而義聲  
震京師矣久之匈奴數犯鴈門代郡而并晉宗  
藩復橫厲難制至邊關財物又多闕出者乃以  
三使事屬公公辭且行會席尙書鄉人犯法麗  
大辟尙書爲代訟得免當是時尙書以議禮稱  
上意方寵用卽議獄三制使嚙莫敢正言公獨  
按章請亟斥以明漢法可謂不畏強禦矣公廉



倨孤立任氣節好直諫蓋汲汲長孺之爲人也  
然推轂士類如不及公家事無不隨至舉非徒  
取節焉已也公爲御史最久朝論益重前後條  
奏亡慮數十其大者如罷鎮守清團營慎選舉  
肅邊政竝較然昭著也余視京營適當公後至  
今親禁軍猶嚴公謂當日寵臣勛不敢均茵席  
也以故銓曹兩以右職請不報竟遷山東巡察  
使則所知謂公情跡疏逖而讒忌居

上左右卽有奇何施公愈益自奮願伏節官下

天目先生集

卷之十五

三

三百一

卽衆口噉雜弗顧矣夫汲汲長孺稱社稷臣然遷  
稍左不無少望且厭薄吏治不爲也公豈不遠  
過汲生哉余讀國朝秦中志名臣不數數僅三  
原王公苑洛韓公爲時所稱說然委任權力視  
公則易耳近日學士大夫居相語二十年間議  
禮諸大臣更先後貴而一二武臣中貴競挾威  
福快恩讐然卒以御史臺諫言得中奪不稔禍  
王公力居多卽他日太史氏錄秦名臣又焉能  
舍公矣公沒四年而余獲式公之廬蓋慨然想

見其人未幾公鄉人以公捍災功當特祀余旣  
檄有司經始矣無何代去而吉山泉侍御澄實  
終其事焉今予都事君大直與余爲寮友且謂  
余事所始也乃以碑文屬余余惟詩云雖無老  
成人尚有典刑公獨以捍禦爲祀哉余故綴其  
鉅節俾鄉之祀公者知所考焉公諱獻字惟臣  
嘉靖癸未進士其祠宇歲月則識之碑陰云

### 方伯陳公澂江祠碑

蓋方伯職旬宣今者則益尊重必藉良二千石

天目先生集

卷之十五

三

三百一

爲之宣德達情乃及州邑長吏長吏惟良窮鄙  
乃及焉鄙人何知嚮其利爲有德則以長吏二  
千石德我我于岳牧長伯何有故列藩凡數千  
里其孰爲之巡行卽居都會而味甘棠者幾何  
矧在支郡必也若召伯所說平民乃謂若父母  
貽我以嘉樹王父母寔樹之我不敢忘其休幸  
岳牧長伯惠然來爲我圖我雖鄙人奚忍忘之  
寢堂斯作伏臘而舉使城池如帶子孫如縷廟  
貌永存保我南土此滇之澂江祠祝陳公之謂



也公在滇凡八載爲副使叅政去則人士思之  
來爲右使而驩若更生公開都會城外水洞往  
巡潞江城工民幸其爲左使畢賦役而自記之  
致政之日水洞穿矣卽爲立祠屬記于余潞江  
之役以余尤知公當記嗟夫公謂良二千石奉  
兩臺諸司之畫及州邑百執之力不自有其伐  
焉民乃歸德于公公之伐益章章矣今夫潞江  
據湖山之勝 明興以來賊弗敢窺而民狂樂  
土猶寢積薪之上抱火而厝者焚如其將至曲  
突徙薪之不先灼爛上行則晚矣往者城嵩明  
于已破而于屠僇亡補武定之有新城則鳳賊  
之變尋弭必條其利害若呼寐而使之起乃與  
慮始以動大衆卜云故府不吉不遷與無城同  
爲陟北巘而觀舞鳳居金蓮玉筍之中東西各  
五六里且無水患滙以大江形勢全風氣固輒  
告以徙盤庚所難其請鹽筴佐費大司農不忍  
予而重遷者乘言不便頗衆二千石爲之罷工  
獨毅然不奪惟取備滇之餉以濟使 國計不

天目先生集

卷之五

五

失六閱月而告成民咸保有厥家伊誰之賜哉  
在昔仲山甫之齊尹吉甫爲誦召伯謝功之成  
崧高黍苗所由作往城之勞方伯職則然耳第  
今環岳而牧稍有干垣委之州邑州邑告成或  
于勞苦不問焉况炎微支郡而公也若此乎時  
武定甫畢廣西竝作咸受公之經營罔不殫心  
力而從之故其膏澤若陰雨之于黍苗民之仰  
之若高山出雲而潤四垂也父老子弟歲時以  
祀爰用樂章雅歌乎此可矣公名善字思敬錢  
塘人嘉靖辛丑進士二千石者柳州徐可久也  
大明御史大夫太倉王公武夷祠碑  
嘉靖壬子部臣爲防島夷請復遣重臣善經略  
者往公以僉都御史巡撫山東改提督而視浙  
江兼閩竝海四郡先是日本與浙互市爲亂特  
開府填撫朱公統任之以毅然鉤撫爲豪所中  
竟恚而自殺遂罷不復置豪益肆爲姦狀至是  
破浙黃巖象山諸縣亦鼓餘皇入閩檣於泉之  
白沙矣乃復開府聽公規畫尋改巡撫假便宜

天目先生集

卷之五

五

公至閩圖方略上言臣忤觀閩浙之勢而權緩  
急以爲用浙受螫而螬在閩所兼四郡福興不  
競泉漳浮漂民跳海通錢貨而種禍當破誅其  
淵藪嚴絕其根株然故臣統以此逮臣雖不敢  
懲而縱舍但閩人輕悍習水喜搏賊射利而饒  
巨木爲蒙衝最善破浪壓夷船今浙俱不競未  
聞有將可任閩故名將浙人盧鏜願自新新將  
俞大猷閩人有壯猷部下材官勇可領良家子  
駕其所習蒙衝且起故將撫亡命及微得主名

未嘗先集

卷之五

七

豪俠制奇而反試之庶幾得志海上則是戰具  
在閩而浙坐獲勝筴甚便若堅爲保障計宜無  
擇閩浙竝海二十餘縣所宜亟城無餌賊

上皆報可而閩之福清長樂惠安言言其壙賊  
不敢窺矣諸將如指授共斬獲三千餘級兩

賜金幣而閩奏捷者四爲雲中告急晉副都御  
史往轉左司馬右都御史鎮薊遼而沒閩尋罷  
兼督矣中行爲兵備攝監軍而行竝海去公督  
閩二十年間遺筴于父老父老愀然而言倘公

甲寅不去浙寇至卽殲於海外則不敢登陸而  
閩無乙卯之變變而公在遙已安能內訌破郡  
縣乎旣被禍八年所乃竭髓膏平之猶灼爛奏  
功孰若收保之爲完計也海郡之民蓋家俎而  
戶豆矣萬曆丙子冬中行入 觀道武夷當幔

亭之陽萬年宮之陰公祠落成祇謁而退問父  
老曰公督閩海負山四郡不與焉第過此謁款  
以風詠答山靈何貽父老而報之深也父老泣  
曰閩自正統征茂七天兵振旅之後日者節鎮

未嘗先集

卷之五

天

乃至惴惴奉如侯王迫公乃拊循我小人壹如  
我王父母卽所減省構祠不啻矣自公在事桴  
鼓不聞第聞召樓船從海上過師縣雖當孔道  
召募未嘗往返居此自詫爲仙都而可含哺安  
枕老死也亡何閩分開府羽檄日馳客兵月至  
而筭賦歲增不勝供億之困乃省中失馭戲下  
俄叛茲當其歸道荼毒有不忍言矣荏苒乘之  
四起山顛仙靈窟宅皆爲斥堠環壘妻孥匿其  
間多躡而爲鹵制府且未謁款供億倍于曩時

而縣令奉以生祠命我不日成之故愈益思公  
乃今自請而爲此朱令進曰父老之意良至然  
公所當祀者庚戌北虜之變爲御史而亟以聞  
京國乃有備退虜其功在社稷甚大薊遼斬  
首八百餘級視王威寧過當顧不得封侯而爲  
權臣所中至隆慶初免狀雖白僅復故爵尙有  
世廟之功未酬此勞臣所以卷舌腐心而解體  
長歎者也凡古有大功而若公死者其爲明神  
往往奉之故諫公者比岳武穆武穆今海內通  
香先生集 卷之十五 壬九  
祀豈必所至之區矧公憩爰于斯威靈愾然如  
在者乎璉故因而鼓之豈但繫父老之思哉幸  
惟大夫爲記中行受簡涕沾襟俟 覲歸而圖  
之尋轉江右朱令拜御史行旣而鍾令請曰銳  
錢塘人公故開府地也詳哉其知公矣初公至  
浙英賊驚遁必奔閩命將介粵南以伺而有表  
頭之捷賊不敢南下遂上逼江左諸郡公甫至  
閩宵征而歸亟破之蓋二歲間不遑啓居馳驅  
道路亦孔憊矣江左粵南皆非分地公懷而蔽

之乃可保我閩浙故竝海諸郡完則武夷安于  
仙都之上嗣而張公經胡公宗憲制七省益重  
視之朱公前後轍不免焉公之不免於薊遼而  
何與乎閩浙均之駐節于斯乃獨公墮淚若峴  
山則雖同爲王事死其所不死在父老也蓋功  
著邊垂浙什之二而閩幾何今此有祠矣幸來  
觀厥成敢不勒之碑前令江右新淦人也旣爲  
社稷不忘公大功大夫及銳皆浙人而仕閩其  
尤嚮利爲有德詎寧父老之弗護乎中行益潛  
香先生集 卷之十五 壬九  
然而敬謝焉烏嚙倚與賢令識其大父老識其  
小而不佞曷以加諸公之生平有 國史在茲  
爲閩勒之稍具往事于端而亂以歌貽我父老  
辭曰  
幔亭兮萬峯九曲兮仙宮避秦兮高舉漢使兮  
鑿空祀武夷兮乾魚我曾孫兮祝宗架虹橋兮  
繁會奏賓雲兮御風樂莫樂兮斯土今胡爲兮  
枹鼓蓀窟宅兮壁壘羗男女兮俘囹乃思公兮  
弗諼葺桂蘭兮爲宇朝臯鼓兮逢逢暮落成兮

百堵公昔來兮壺漿不信宿兮霜裳我涕泗兮  
延佇彼美人兮西方雲之旗兮如雨紛其佩兮  
南翔秋月仲今日旦顧曾孫兮奉嘗山木兮有  
茗羣靈兮斯飲龍團兮御苑鳳泉兮升鼎百馨  
今既集何其兮恻恻幸千秋兮毋忘我曾孫兮  
永求

天目先生集卷之十六

吳興徐中行子與

墓志銘

明通議大夫都察院右副都御史贈兵部  
左侍郎熊公墓志銘

公開府南越卒于軍

上賜祭葬以某年月葬于某山同舉嘉靖庚戌  
進士徐某按家狀志之其先山西陽曲人自宋  
季二生元轉運判萬安一傳徙武寧又一傳徙  
武昌曰世昌者生安縣令友信友信生散官鏞  
鏞生南海丞清娶萬氏三千極爲經歷杖爲千  
戶公名粹字元乘以正德丁卯正月九日生先  
有丹鳳紅日之夢幼穎敏敦龐不好弄而力學  
十六受博士詩凡二十二年乃舉七年而仕故  
其蘊藉甚深試政戶部使通州巡撫王公太倉  
州人知其材求爲州守州行田挈租重變海者  
賦如故他壑則侵于衛卒均之凡二千二百餘  
石 龍衣內官尉卒求艘橫甚治之編成者五

時日本寇嘉定上海援之累有戰功寇州巡城  
立矢石間冠中二矢三關爲寇燬擊却之而出  
操江都御史渡海城屬邑崇明寇復大至開關  
納境外民及旁邑者數萬巡城昧爽隱几忽警  
而呼燭召將士雲梯數十乘及堞矣擊却之境  
內寃且援崑山莫不多其賢勞當超遷以備兵  
操江都御史坐困太倉落職歸罪于公當御史  
逮士民泣不能留隨之逮所甚衆事白稍遷蘇  
州同知練鄉兵破寇二次賜金城福山以固郡  
天目先生集 卷之十六 二

求糧將圍御史于松公令開關不敢入就而解  
散焉陞雲南參政土官妻素儀稱兵請假以權  
攝州事而罷遷陝西按察使留平易門霑益等  
寇之陝因昔忤御史左遷山東參政備兗東  
景國過之供帳而民不擾會河塞徐沛大司空  
衡命治之築堤遏沙河衝塞牛溝以南會薛河  
薛河高其防使淫之而泥善下隆慶改元陞山  
東按察使加俸二級河功成也尋轉浙江右布  
政使是時會一本亂南越南越人都御史何公  
以公請于部乃以右僉都御史開府六月兼程  
入境一本解會城圍去以舟師討之虎頭門遂  
大破諸縣山賊而撫其餘黨一本誘日本襲破  
碣石衛甲子所逼惠州大兵持一本于潮州公  
不俟援即日往惠州適參將部下殺將反攻城  
不克投日本遂行間令日本擒會殺其黨南贛  
援至討日本于平山追至碣石并叛卒盡滅之  
賜金幣力疾入潮會閩師討一本一本曾敗閩  
師于馬甘澳茲閩稍勝輒敗諸將益懼公命縛

閩將乃死戰獲一本先是平張璉等執渠魁數人吳平逃於安南餘黨至是始平公疾革猶口授發兵給餉狀不及家事卒隆慶己巳七月二十四日也壽六十三潮昔未有開府皇皇至乃晏堵卒而奔號立祠于金山以一本功進右副都御史 賜金幣廕子入太學又以征日本功贈兵部左侍郎議諡今祀武昌郡縣鄉賢祠昔去蘇松太倉已立生祠則公之伐可不朽矣其文以號稱曰鏡湖集及撫越疏議已詳所履余勒其最著于茲夫人荆府教授陳繼芳女也子二皆廩生熾補廕煥補太學生孫十履初有初如初迪初完初熾出復初篤初慎初嗣初正初煥出補弟子員四人孫女二熾煥各一銘曰烈烈開府史不勝書大者兵旅其次河渠生榮廟宇歸宜其居嗟夫有鬱斯所蓋昭茲來許者與明故中憲大夫福建按察司副使雨樓陸公墓志銘

萬曆丙子夏公以福建按察司副使雨樓陸公

冬余以按察使入 覲丁丑轉右布政使于江西過家展墓公之孤四人奉其邑諫議嚴君狀來謁曰先大夫之喪賴明使君歸首丘故邈諸孤敢致遺命圖不朽余與公同舉而同官卒既周旋其事而于銘其曷辭公諱相儒大行其字雨樓別號也先爲吳興人出唐別駕陸伉之後國初有諱貞四者生彥祥由吳興徙嘉興彥祥生散官阜阜生儒官璧璧生封君潘配姚氏而生公公生之前夕封君夢鼓吹導金紫貴人至其家故公岐嶷有奇徵而授博士書嘉靖庚子舉于鄉己未舉進士除營繕司主事視通州廠營 皇極殿徵材孔亟督發有程疊疊給將作不乏部運吏故有例金數千而革之殆盡辛酉景府分封駕說潞河猝營 行官而民不知擾大工告成尚書雷公將上狀公當晉秩二級而自言於雷公臣無狀願滿考貤封于二親不願亟遷秩有將薦改駕部俱辭壬戌以考最封父如已官母宜人尋轉都水員外進郎中管琉璃

河塘不越月而竣改督修蘆溝橋工鉅費廣而  
董者多以墨敗公獨矚然免于訾議尚書呂公  
歎曰陸郎冰清玉潔人也癸亥有易厥之命  
厥故給內官薪炭歲課四十萬出自畿輔齊  
魯之區往往多豪右歲逋十六七主者率破產  
莫可支公行部籍豪右裁以法而定徵輸之限  
嚴逋負之禁民始息肩歲課乃登甲子陞知延  
平府北山賴中潭爲亂時議調兵勦之公力持  
撫之便而中潭面縛自首餘黨悉解公曰嗟夫  
天見生集卷之六  
盜皆吾民今民病疫如盜何上書部使者行條  
編法而下其書諸郡民稱便已乃立鄉約清驛  
傳列河兵勸士右文郡中大治鄉書禮聞視他  
科爲盛戊辰以覲考最進封父如已官母恭  
人復任者二載不以家從官舍蕭然而不以久  
淹爲念也已已陞貴州兵備副使去而延民伐  
石爲記庚午適貴陽土酋安國亨拒命官軍討  
之不克聞公至百里外釋兵櫜首願自新公尋  
以外艱去而國亨復叛明年丁內艱甲戌服闋

除福建監軍副使兼攝驛傳綜核靡密而多所  
減省會有變條編法爲所堅執不果變時閩海  
未弭公督餉簡戎擇將領飭邊防而粵盜林鳳  
不敢闕乙亥夏島夷將入犯公遣材官逆于海  
有斬獲功閩人方倚爲重而公以勞臥疾于六  
月十一日不起矣距生正德丙子二月十二日  
春秋六十有一配顧恭人先卒三十七年繼娶  
爲吳恭人子鳴臯國子生娶中書王化女繼娶  
國子生計萬全女鳴陽邑庠生娶工部郎中孫  
未見先生集卷之六  
紹女繼娶庠生周采女鳴鳳邑庠生娶國子生  
馮敏效女繼娶封主事屠孟玄女鳴世聘國子  
生沈茂完女女二一適庠生張夢得一適庠生  
張世元孫男三人墓在某山之原負某面某以  
某月日葬嗟夫公狀恂恂而若不勝衣至其持  
論守經類能必行其志蓋其質行之樹于家鄉  
者素矣當伏枕時而語家人曰我當乞骸骨而  
歸臥雨樓之上矣可白長官爲我圖之未幾大  
漸執蓮花一枝顧吳夫人曰我平生無痛人者



而清修其庶幾於是乎余遂爲殯而歸櫬去閩中民莫不哀過延津而慟者衆謂之全歸非邪故宜爲之銘銘曰

士重者廉嗟惟汝賢水部一麾厥守彌堅六年遺澤垂于延津護軍之伐昭茲七閩曷萃厥躬鞅掌之故閩中其恫延津孔慕首丘故山亦堂亦斧過者下車曰君子所

明封中憲大夫山東濟南府知府顧貞魏

先生墓志銘

天目先生集

卷之十六

八

先生諱正蒙字汝開蒲圻人也其先徙自沔陽而代有聞人至碧以處士稱二子舉鄉薦而爲邑令法爲樂安溶爲鄰水鄰水祀名宦語具楚紀稱質菴公先生父也母袁氏生子三伯正時有文學名仲正初舉鄉薦知蓬州遷長史季爲先生少從兩兄學蔚有文藝又工書得右軍法鄰水廉無美衣鮮食先生從之隱約若將終身居二親喪哀毀踰禮廬於墓次讀三國志至玄德關張恩若兄弟而歎曰友善且然况同胞乎

兄弟執書以泣不知涕之從出也蓋從兩兄居食三十年疾必躬嘗湯藥不以父母沒少衰初仲兄未舉子先生子裳方十歲遂遣從南游明年嫂氏就館卒先生乃爲輦乳婦乳之而召裳歸裳以庚戌進士爲比部尚書郎使人迎先生于邸而不往曰兒甫受事當報

主而翁無恙其勿念亡何裳有內之喪請急歸復迎先生辭如故也于是裳御母李恭人如京

師恭人留媵奉先生巾櫛而就邸舍撫諸孫就

天目先生集

卷之十六

九

三百廿六

外傳歸輒夕爲浣衣旦衣以往而裳所雅素歷下李千鱗吳郡王元美京山高伯宗武昌吳明卿及中行間以好古相命恭人輒具酒炙縱裳交諸子驩如奉先生在御有雞鳴雜佩風甲寅恭人卒裳奉喪歸丁巳補比部郎戊午報政封先生如子官 贈母太恭人是年秋裳克江南使者獻諸郡獄過里門先生曰兒胡爲乎歸邪諸國郡獄日夜望使者可以老夫後事哉裳趣獻竣事疏上便省則後母方孺人卒壬戌春



裳起家知山東濟南府事癸亥先生如濟南裳適以公事過于濟寧遂從登太山丈人峯與諸父汝出弟表子樸如前爲壽濟南邵貳翟濤輩酌酒賦詩甚驩濤曰漢陳荀之會于斯而二矣遂名其巖曰德星爲文勒石李于鱗及諸士大夫爲賦岱宗奇祝先生曰吾登山適初度辱諸大夫祝信奇哉無何歸德濱臨邑諸守令各使人餽金道中先生曰吾不可以黠賢子名謝不受乙丑裳上計京師遂報政而先生封知

天目先生集

卷之十六

十

三百一

府 贈李母太恭人裳是年夏擢山西憲副奉勅潞安兵備分巡冀南便道歸省先生曰吾每誦曾子事君不忠非孝也有味乎其言兒久膝下如 簡書何未浹旬趣裳西至則大同兵事嚴矣尋罷歸先生曰兒今豈自適哉裳意得甚色養者五年而先生卒時隆慶己巳十二月二十一日也距生弘治戊午四月十七日享年七十二先生生平篤友義里中談裕中劉德章皆故交也談死而爲之殯數賑劉之遺孤內兄李

信玉無後裝送其二女甚具其趨人之急類如此然終未嘗有德色人莫不稱長者而喜其食報于裳云子四長裳娶贈恭人劉氏續鄧氏封恭人震震媵出年未醮女二媵出適廖欽宇龔梓孫男四樸如舉鄉薦彬如邑學生次標如次樂如孫女二一適知府鄧廷猷子士達一聘咸寧趙氏曾孫三說計謚裳筮于某年某月某日奉先生柩與李恭人合葬于某山之原需銘于中行亡何而裳逝矣嗟夫恭人窀穸則王元美銘之先生歎曰辱名士言死且不朽中行不佞孰與元美第許先生之子久矣而敢負之九泉哉雖非名言其烏敢辭銘曰

天目先生集

卷之十六

十一

四百一

爲廉吏子蔬食終窶爲廉吏父餽金弗顧旣銘于岱而藏于楚矧茲恭人先歸爲伍

明故封君北岡余先生墓志銘

按由余入秦其後以余爲姓蓋散居三楚間南昌自宋邦佐顯 明興東溪有給事洪石鎮有州守麟黃山有上元令韶接坡有蒲溪令棠岡

南有閩憲副曰德宇德甫先生之伯子也滿三載當考先生貽之書曰我先世咸淳十年而三第乃遇非時今其時矣給諫公不及二千石而何幸及此我且老宜歸德甫途具休疏會有疆事弗敢上而循吏奏最當得封則歸養屬虜警停請忽中飛語罷先生所稱封君德甫三載刑部郎所考也德甫歸而跽謝曰曰德無狀不能屢封大人奈何先生歎曰昔以趨而歸我以白衣衣繡秩過于給諫公足矣矧而待我餘年乎

未目先生集 卷之十六 十三

迨中行至南昌先生沒五載而戒窰夢謁銘宗室用晦爲狀具先生頗詳不詳德甫所由罷蓋其中飛語以嚴相胄子之妻黨也新安汪伯玉嘗頗序其故然知之莫深於中行昔與德甫爲同舍郎當同出使故事辭相府而行嚴相愕然曰里人多稱余君賢何嚮者之不左顧也中行出以告司寇海鹽鄭公公賢而屢稱之既聞于羣紳間章章矣蓋爲郎七載而乃得憲副于相何與焉當相罷而從之豈非命也哉豈非命也

哉先生善言命知不當再封故趣之歸而徵之先世云其先自邦佐生必登由黃山徙武陽里五傳入國初有仕節仕節生孟紳徙岡南生子良子良生泰稱訥菴公娶閭溪羅氏生先生名敘字良倫避祖諱改字仲倫世以尚書隱居教授先生少從父學學憲北地李獻吉試高第補博士弟子未上會父爲里豪所誣椎莫能對狀乃出以代領繫三年事白業廢而產益旁落則以教授自給門下多名士武昌侍郎朱公爲

香齋先生集 卷之十六 十三

御史時聘塾其子而相友善先生言命踰五十當貴朱公然之第既罷業所貴之謂何及見德甫文而大喜曰師所以貴者在此子也德甫尋列博士弟子高第從教授者四至東脩足佐朝夕具母喪勿有悔先生無勞于拮据矣逾五十而嘉靖丙午德甫舉鄉薦庚戌成進士以言命旣徵乃愈務挹損比初受封德甫飭冠服而進一再試輒笥之曰以而顯我足矣我野服良便也時歷下李于鱗吳郡王元美爲刑部郎而倡

古聲詩德甫與武昌吳明卿廣陵宗子相南海  
梁公實蜀中張肖甫及中行爲同年友游從其  
間甚驩先生喜曰大江以西唱自北地僅得熊  
士選者稍與之同聲耳時我以家難而不登李  
君門命也今有六七君子視李君多矣兒幸與  
之游而圖不朽盛事所以顯我者其尤在斯乎  
迨德甫使治兩浙獄歸過家起居上平反狀先  
生益喜出笥中衣置酒高會父老而勞之曰漢  
于公一獄吏陰德興其後今平及數百子孫其  
未嘗先集  
卷之十六  
庶幾乎德甫至闔以其海錯絲泉爲壽先生不  
懌曰我所習者褐衣芋栗耳自是問安否不敢  
有所侑比歸先生迎而謂之曰三載之奉我未  
嘗再享今案則垂矣我不爲廉吏父乎而爲吏  
者何嫌也于是德甫安意明農于畝甘其養至  
家堂災歷八載歲久不能葺弗問向所游六七  
君子者多屏居故里時時尺牘詩什相慰存先  
生間手之曰兒得與齊名我死可無憾矣先生  
好賦詩第取適意爾於德甫詩始彈射而終激

賞之父子竊相樂而慈孝風里閭爲鄉飲貲二  
十餘不數數赴其履城市則可數也德甫侍養  
十一年矣萬曆癸酉元美爲作余翁傳稱其寬  
中少伎素供絕醴宜壽顧是年正月無恙而語  
德甫曰我氣少短殆將終矣迄三月朔疾作踰  
四日整衣冠而逝距生弘治壬子正月初九日  
蓋年八十二矣配萬氏里中處士宗元女贈太  
安人先卒三十二年繼娶蔣氏無出子二皆萬  
出也伯憲副娶進賢李氏封安人仲曰徵郡學  
生娶同邑徐氏又王氏女一嫁同邑吳一夔孫  
男八棐槃槃樂其一幼俱憲副出臬榮采俱曰  
徵出而棐榮俱博士弟子孫女二人曾孫二耀  
棐出臬出者幼曾孫女二先生所謂子孫庶幾  
當不下于公之門矣葬于新阡丁丑十一月二  
十六日也銘曰  
封君之封累累而然維崇令德加于人維考終  
命全于天維有子文獻而傳斯爲余先生之阡  
明故中順大夫青州府知府璉川施公暨

配安人沈氏合葬墓志銘

嗚呼公卒四年而葬孤以奉化令徐伯臣狀謁而余未之銘今十有二年矣每展狀歎歎而傷其有所隱也日者孤復有請而因發予之所聞當公除青州卽以京考罷罷者多名流而公與司考郎爲同年進士郎自倨其有公獨夷視之故嫌北道御史臺言南考不當狀上以制不可更而降郎調外任郎後遷浙臬憚公莊降禮公視之藐如亦未嘗與較郎竟以考罷而後死干

天目先生集

卷之六

末

公旣各有定論其視公何如公今可釋恨于郎而余斯爲之銘矣公諱峻字平叔歸安人也其先施氏著吳興唐宋多名賢元通甫生彥明彥明生士良子謙知閩永安縣祀于名宦祠永安子瑄生封刑部主事鏗娶封安人董氏生公公幼峯寄遇事敢任祖壘爲豪侵以諸生而力復之比舉于鄉卒業南雍有鄒夢鶴誥誤當司以其父總制三邊故置于法後莫敢出公每痛其莫之反也比乙未成進士授南京刑部廣西司

主事遷至郎中以曉暢典刑而掌封事科尚書聞莊簡公凡難事務平亭公剛毅自持當堅決莫敢撓京兆叅軍鄧鶚托城社而墨久矣人謂不可問公竟致干法于鄒夢鶴則必平反之旣不畏強禦又不避嫌如此凡議有不合卽欲投劾去上官第陽聽之而僚輩因將甘心矣且性少愛獨好聲詩每謂詩至唐亦千古之良也至于明經興則固失之千里乃間有爲之亦惟資之所近焉耳其於格調體裁邈哉未之講在僚

天目先生集

卷之六

十七

墓

輩間儼然以詩自重或不中程度直以意彈射之復不能容人短長每面折而多不堪其出青州蓋麾之矣不至顛擠憾未釋也公歸不與公事視里中閭閻若邑屋而不爲屈間至郡閭與會當座而短長之不屑與之往返莫不憚其莊城居樓如斗典籍敦彝甚具署之曰甲秀非莫逆不與登余與伯臣及曹僉憲子有俞檢校德音則嘗過飲之不啻五城十二樓之爲樂也城外峴山浮玉諸勝余輩則嘗從之游其別業秀

而野環城之鉅麗者皆不及其雅致每引詞客對酒多與逢掖隱淪亢禮引上座初肅入戶輒手所作而揖曰幸為不佞彈射客有請者亦然彈射訖乃飲或自歌其詩而輒酣呼逾快也蓋庶幾乎嵇阮之風矣自言詩外不問家人產於族疏屬食指雖衆而必使有所沾及置田以贍其貧產田僅給饘粥第令多種秫毋闕吾對客具客至不戒而辦莫不靜嘉各盡醉而歸沈安人之所佐也公以是優游而遂其志意安人之

香齋先生集

卷之十六

大

三百卅五

劬勞因是有聞焉公昔夢有絮之者言其不滿六尺而每笑曰吾其不杖於鄉乎生平無他病病而強半為醒耳至病革矣家人治木而竊絮之公覺而歎天年終矣卒于辛酉夏五月之閏廿有二日距生弘治乙丑正月十四日享年五十有七安人少三歲後公一年而卒子男三長邑庠生子家有雋才娶于沐陽簿曹氏及季子宙俱穎而早卒次子官娶武進楊氏今為國子生女五人長適陸京兆珩孫國子生元方次適

沈憲長宏男國子生如封次適張尚書永明男舉人天德次適布政司經歷茅良男庠生一龍次適光祿寺署丞李一夔男太學生存孫男三孫女六公既不問家人產歲時男女饘粥大率出安人居多甲子合葬清風阡公有璉川集行世以其別號而名也王元美嘗稱之以如築室器物俱完為善締構自成一家云然其間神氣逸邁則如其人之崑崙焉或病公好彈射入豈溫柔敦厚之教哉余質之雅道其何傷于公古

香齋先生集

卷之十六

九

稱惡惡如巷伯乃寺人孟子之所作而今凡百君子則皆敬而聽之彼何人斯其非伯仲如貫者乎而蘇公之斥暴未嘗刪于三百篇則得情性之正者顧惟所感焉耳豈若世靡曼而比于鄭衛之音者輒以傳于詩教然則孟子蘇公非邪余重有感焉而取諸詩以為銘銘曰

彼其之子邦之司直言旋言歸其詩孔碩我有酒食且以未日歸于其居宜其家室

劉太安人墓志銘

太安人中丞劉景韶母也中丞自鳳陽奔計歸  
崇陽卜葬不吉改卜寶山痛不及視含啓棺更  
歛如生以隆慶己巳五月六日葬焉姪通政使  
汪公宗元爲謁銘具狀按太安人名妙靜字莊  
穆父處士潭潭從兄爲封都御史三子皆貴中  
子爲廷尉太安人兄弟也卜者謂潭其後必有  
貴徵當在次女矣潭必慎所許封員外公縉配  
甘氏不宜子再儀太安人以其家而難爲詞潭  
兄之妻劉氏也因以告而許之爲公之賢當以  
子貴焉歸四年中丞生時君舅君姑咸嚴治饌  
以進或恐不宜栗栗闕隙中俟一再下箸始退  
舅姑初以其家當不能勞苦顧先平明而起乞  
乞宿夜不休以故得承歡心公得頡治業其教  
中丞幼卽令與內則合辟咄詔古典口授之成  
誦雖就外傳歸必坐之瓦側篝燈而讀或炳薪  
以繼督過之不少貸中丞嘉靖庚子舉于鄉或  
諷兒當富貴母勤其少休矣謝曰兒能得官官  
爲國耳何以家爲而俾我躬處休邪甲辰中丞

登進士拜潮陽令戒之行曰女不記兒時怨家  
竄女祖及女名文狀中平邑捕逮急夜攜女蒯  
榛中對泣不岌岌哉今慎勿枉人爲也故令稱  
平擢刑部主事有虜警守關請納避寇者萬衆  
亦不忘蒯榛中及之潮陽時母言也由是有能  
名晉兵部員外歲癸丑上功封父母太安人禮  
成惟御素所服志不忘儉焉未幾中丞出貴州  
僉事時論屈之勸其謝官太安人叱之曰男子  
生而四方何有貴州哉乃往晉參議治苗夷有  
功晉副使防江北逐島夷甫奏捷爲太安人病  
具疏乞歸養太安人走使止之曰淮海苦兵久  
矣第爲賊賊計以拯民于荼毒紆  
當宁南顧憂我斯勿藥矣疏不果上超遷按察  
使尋又以江南捷擢中丞督撫鳳陽當積苦兵  
間太安人豈不私爲子憐也乃所風勵達大體  
如此每爲羣生請命祝天蚤滅寇寇平而卒嘉  
靖辛酉三月二十三日也距生弘治辛亥一月  
十一日壽七十一與甘氏太安人處二十年無

違言事員外公四十八年公操切如束濕立辨  
應之無失脫不厭意于公者就處率無言去惟  
嚴不容人過女曹控不平莫不中肯綮一二言  
解也故稱女士成子以賢勞顯子獨中丞婦封  
安人張氏孫日孚以功授武昌衛指揮僉事世  
襲婦戴氏封恭人曾孫衡聘汪氏銘曰  
桓桓中丞南國之紀天釐女士厥有本始寶山  
之原允首巽趾寔協坤輿陰德以美

天目先生集

卷之十六

三

八

天目先生集卷之十六

天目先生集卷之十七

吳興徐中行子興著

傳

篁溪鄭先生傳

先生名廷鵠字元侍瓊州衛人也遠祖泰汴人  
紹興中以進士判湖州遂家德清其裔通者洪  
武初謫戍于瓊永樂間奉例挈諸子及孫彪等  
歸留長子在營歷三世無嗣彪子簫簫子順宗  
來代子文從之娶俞氏生先生少警敏稍長好  
偶儻時戍役旁午每感泣淬勵年十五受易于  
海先生聞其講德遂大發憤爲所奇許長女越  
六年嘉靖戊子舉于鄉娶之戊戌舉進士第三  
人服海先生知人授工部都水司主事卽上便  
宜司空蔣公奇其有經濟才居三年悉心經理  
閭閻又目不敢干以私以父艱去爲母家立後  
起復補禮部儀制司主事滿考贈封父母尋給  
事吏科轉工科以京師地震條陳黃花鎮古北  
口潮河川俱京師後門屬者設石匣營恐城孤



力薄請遣司馬門侍郎督之築關城增水壘夏  
滂庶不爲齧秋高虜亡所乘貴州地連三藩勢  
不統一總督巡撫不兩置置一控三重其權于  
法便且省費京師草場并御馬等稍入領之者  
率歲遷因以滋弊願三年爲限蘇松等郡以財  
賦雄天下乞專設叅藩董而責成之四者皆國  
大計也庚戌當大計吏疏皆手出以公正稱又  
論三塗取士及黎情諸疏無慮數十上然大都  
類此矣爲會試同考官能多得士主試相國張  
天見先生集 卷之七  
公稱之陞江西督學副使江西故劇而督學尤  
難周密章程諸生歛然宗之欲請託者輒止增  
白鹿洞學田立條貫修洞志更定儒先經祠考  
滿轉參政以母老乞終養居石湖爲娛母卒服  
闋御史大夫御史交薦之性剛介歷官屏居闕  
于謝問竟臥不起其學以正心術謹質行爲大  
致不說以要名出其門者皆畏公議慎檢押文  
以意爲主而矩矱較然也著數十種凡百有餘  
卷經則易禮春秋諸編他若都水蘭省掖垣學

臺石湖所撰瓊志修于癸亥之夏秋卒未卒業  
其辨漢史朱崖郡罷而未棄罷郡時尙有朱盧  
縣仍隸合浦郡漢詔猶存其綜核大氏然也初  
以伯之子儒爲嗣可世其家學庶子二曰化曰  
似徐中行曰先生以德清有篁溪爲號計偕三  
上南宮皆由浙西展墓蓋不忘本云余其旁邑  
後進庚戌辱爲門下士故能詳其家世入瓊者  
善醫術賙賙貧乏死無所歸殯之葬之所居至  
今稱爲鄭公福地及攜四子四孫歸蕃衍于湖  
天見先生集 卷之七  
而其一入瓊食報于先生父每示以孤棹曰汝  
知一本故乎因悟仁孝之義記之故學得其大  
者余於其庸庸不具

### 杜季子傳

杜季子者杜長公之季子也長公爲邑功曹同  
曹疫諸曹以其妾故引長公避之長公必往必  
有所與俱執火竟夕爲傳七劑而以達節稱是  
長公之行也長公有三子當爲廣西龍江驛丞  
獨以季子從鄰女以杜男子少好奔焉拒之由



是人多季子當廣西急軍興驛之既廩實幪所  
出代父祇役孤身豺虎窟穴出數百里外督課  
徭感其意而輸之以濟蓋長公長者雖爲驛平  
大官輒器之使覆殺人獄敢與太守亢幕府征  
蠻交檄從軍皆恃季子在季子能子也有是能  
子不難于幹蠱而難陰德如其父是季子之所  
難能焉者長公卒于驛哀毀衾衾如禮徭俗中  
以爲異比護喪而舟也有喪父者求附焉惻然  
問之其櫬在邸而却之曰如汝父何恐舟沉汝  
矣蓋子然一弱子耳其知大義凜如也且奉母  
歸于炎荒瘴癘之鄉而卒無他虞人以爲孝感  
喪畢公遺產悉聽命于伯仲獨力田具母甘旨  
雞再鳴適母所起居事必啓而行一日醉歸母  
責之曰汝忘乃公之求訣乎卽弗溺於酒且有  
所爲夜必夢長公曰某如何某如何則奉以周  
旋其有懷如此初度當長公忌每祭悲痛雖年  
逾八十受子太守封三子之子十人而曾五六  
人頽然稱太公不受子婦上觴每念長公收弟

未見先生集

卷之十七

四

仲子維揚而爲季有室嫁從女三葬不能喪者  
如其弟仲且畀亡者金不敢忘長者之盛而有  
間于伯仲伯詿誤于重獄畢力爲求直日往返  
郡城三十里踰年解其難復拊遺孤底于成仲  
困于儒勤爲之佐畢力喪葬而推及于族凡有  
詿誤不憚捐貲爲理株連縲縶不恤皆終長公  
之行也每課子儒業毋忘長公志子既起家交  
於四方士得李于鱗爲長公傳長既有術于世  
惟季子似之故知有長公則稱季子云季子名  
鶚字薦夫西臯其別號也鄞人卒年八十有二  
子思自青州爲湖廣副使以人言歸而喜遂奉  
終其天年葬于鳳凰九曲之陽

未見先生集

卷之十七

五

徐季子曰杜季子爲太公矣而余爲通家子當  
稱爲太公然季子自拒龍江鄰女其行已聞于  
世里閭喜稱其少年事故亦從而季子之則長  
公益顯而杜氏之德遠矣

### 樗園公傳

樗園公者歙長源程氏人也初以草堂而號晴

臯居士其後辟園當珠樹之塢顛嘗產芝蓋有  
玉芝亭焉或曰珠園或曰芝園有堯豎輩謠呼  
爲樗園則獨引而稱之或亦呼爲樗園公云其  
園皆嘉樹里客多譽之謂其樗亡有而名之亡  
當也公適然曰辱客之雅貺竊美名多矣茲重  
命之敢不拜嘉第芝乃間產而珠亦奇稱耳不  
如樗也吾寔有焉吾少頗任俠喜以材自多客  
游吳越燕趙齊魯之間好結納賢人長者曾王  
聞吾名召爲引禮舍人以非吾好棄去而爲漆  
未嘗先生集 卷之十七 六 三首

臺三台南辛之爽而延之咫尺矣前有大郭之  
奇石壘爲道家山每長嘯于此挹禪月池而酌  
客攜客以撫古松而登玉芝之左白岳右黃山天  
都諸峯如步障其同壠皆几席下歲蕤而步霞  
佩樓其振佩仙仙如也環園之佳卉蒼蔚走鼠  
鳴鳥千百爲友皆清輝之娛賞心之具焉故有  
軒就而著園書五帙

徐中行曰余嘗使新安聞有累捐千金佐縣官  
費如廣陵河西及邑之干垣又繕宗祠友于四  
兄弟居廬繹紫陽家言爲讀禮考嘗護同舟游  
醇卿之沒殯而收其遺文焉匪直誼高亦材具  
也今乃知爲樗園公卽斯園蓋非苟然者矣而  
視之樗里子何如邪公名淳字德厚其季子懋  
易亦才士也與余善而樂傳其事

### 馬夫人傳

夫人任氏馬司徒公夫人也其先皆唐末自光  
州入閩馬後移居閩中城任世東里之君山有  
山陽令者永樂間爲良吏其後業儒夫人父綱

俶儻里中呼爲任翁獨多公贈大夫長者同爲  
諸生交引重任翁有二男每歎其不如公獨心  
負息女而足以伉儷焉夫人幼慧受女紅輒解  
雖盛寒暑不廢里中有戲抵奇戲姊輩召之往  
觀儼然對曰琛聞之矣越閨失度輟業失職矧  
而觀如禮何固辭任翁重之以贈大夫求卽諾  
十八于歸夫子就外傳舅姑器新婦命以家事  
輒無違命綜理甚詳於米鹽蠟膏而伏臘必腆  
贈大夫慈施予且喜賓朋宴集嫡姑李夫人爲  
脫簪珥殆盡夫人願佐之故得李夫人驩公計  
偕北上舅及嫡姑踰月繼卒傾奩治喪不告妯  
娒公歸艱葬事壹切夫人所襄也公登進士家  
召僎客有請歌舞爲驩何太夫人曰否否兒森  
素約亦將有所樹耳聞之母乃蹙平容知白自  
夫人爲其賢而有禮從公爲郎甚儉以佐公廉  
當 覃恩稱安人公守姑執歲款忘寢食不內  
顧夫人課童時蔬而躬紉絲枲旬月不外市人  
若不聞守之有家也公爲江右觀察使夫人脫

未見先生集

卷之七

八

言

簪珥而將長女矣乃歎如諸女何矧且歸老乎  
辭返理故業壹不異於微時有言尙書家願予  
女子焚夫人謝曰我家宦薄敢逆女于高門乎  
竟屬公之貧交有道州大夫也迨爲子燮納世  
尙書林公女或問之夫人曰匪以其盛爲清白  
耳倘天大吾後儀刑不在茲乎所爲四女治奩  
皆不及中人家每戒之曰吾昔嫁書生今汝輩  
公子同歸慎勿以爲儉吾厚汝輩多矣當公爲  
方伯擇姬從太夫人往公轉巡撫夫人從之閱  
歲而曰今歸老亦足矣但如諸子饘粥何遂辭  
返倭寇至登陴久者嗷嗷夫人罄歲入以給及  
乎鄰里之乏者窮閭莫不誦德焉焚以公廢當  
入太學不忍離夫人遣之曰汝受邑博士業吾  
輒咕咕而喜况  
君命游太學其敢不亟往乎夫人晚舉子而蓄  
之甚莊國學貴游多焚文雅或嘲其短於奕及  
不聽佳冶之曲焚解之曰奕少頗善之而枰爲  
老母碎久矣且不敢理絲竹而今安知此音者

未見先生集

卷之七

九

言

乎故翩翩然多夫人之教也夫人疾作尚治家事諸女婦請且休而遂不起矣將卒語爨曰吾三十五年而儉勤如一日以佐君子爲清白吏無恨第老姑長子在萬里不及訣而汝未冠二庶弟不及見之奈何復恐葬非燥壤且將多盜寧勿封幸合葬而封稍如制可也時公爲少司徒稱淑人卒更衣其布袍十年所矣故摺紳頌夫人而善內子職云嗟乎若飼守陴而戒厚葬寧不矯然達丈夫之節哉且公慎于政外家將有托輒爲夫人所止其莊如此性乃固然抑習之公平卒之八年爲隆慶改元以公行在司徒贈夫人次年公入爲司徒而仍錫夫人之命論曰余聞夫人幼時有相其當貴而去任翁步之不見竊喜以爲奇徵翁善堪輿家馬公父母其所葬且預視怡山而以葬夫人卜習吉未有艾詩不云乎天立厥配受命旣固此之謂也

僕生傳

僕生者郭主事僕也主事字子長閩中福唐人

祖處士娶北嶺林氏出父爲秀才初以戚屬貧女媵招游乙爲壻不以奴畜之以之事秀才其叔出側室乙不爲之下從秀才之尤溪授經館里社以秀才敬神而糞除惟謹歸疾俱篤乙甦泣曰嗟嗟秀才奈何舍我去乎蓋夢見舊館社其左右鬼來逆旗鼓鬬闐以秀才代其主也乙強從之登舟鬼投乙于岸去矣頃之秀才卒乃信乙不誣子長旣孤乙憤其叔欺寡或至於面譙叔將笞之不受遂棄處士分產攜妻及四子去時子長年十三自外歸遇之抱首哭曰爾忍棄我嫡孤以不能爲若主乎乃不忍而同歸約子長有室去比子長室盧氏亡何族與鄰里鬬殺人爲所訟者咸匿子長及乙不爲訟乙恐再及因辭去子長爲母病閉戶避閣上以撞戶驚母自投下就繫盧翁以衆要於路捕者知其名亡當適乙挺身追及易之縣以爲質笞鉗甚酷待爲訟者至免尋以獄疫而卒其族連死甚衆子長非乙無幸矣迨子長仕貧而早卒不能厚

視乙諸子囑盧氏爲主母撫之乃育其諸子之孤以生事公子生善食炭屢笞之乃止及冠長幹而強項喜弄搏櫓蒲乃聽其應募從海戍吳越大兵潰賊逐急空拳拔樹抵賊驚不敢追嘉靖乙卯其年二十四而歸島夷初犯閩入海口鎮倉皇而避主母入鎮東城二公子入田舍去城二十里許賊屯三月餘生嘗往來其間踰垣以餉主母城中驚服其壯以之爲部兵日戰克先鋒追奔千里無卹奪得賊物多卽隨手博盡後以兵糧乏歸策羸爲傭主母時避于縣城去海口二十里許戊午縣城猝陷生自海口質羸僅半值云家有死者以此收之聞被虜率廝與吾公子豈堪此則投賊而代之人咸笑其愚徑以挺赴城遇三會據橋脫次日再至賊去知主母蚤脫及公子家屬在入門不對泣而仰天大笑已而伏地大哭蓋喜全而傷危也有骨肉爲虜者聞其據橋勇傭之尾賊以贖爭多與直而行未及百里聞賊再至卽還直夜歸負公子

天目先生集

卷之十七

十一

三

嬰兒而扶主母山谷間關四旬乃抵郡城爲娶妻甫有孕有司聞其名募之不得辭主將因敗圖贖知其勇而鼓之寄語感主將恩公子知其不免矣至惠安以先鋒殺五賊斬二首結其髮負于頸伏起衆潰賊憤竝圍之力殺賊而傷爲縛于樹叢矢亂刃膚無寸完者賊去往收糜爛矣計至主母爲慟招魂而葬命公子祭之而善視其妻以撫孤兒兒殤乙之諸孫仲季者在徐季子曰僕生次公子余門人建初也每言生輒流涕倘有天幸當如衛將軍無幸而爲百戶長亦當廟享錄孤矣以爲人奴乃爾安得史爲之記哉且追語乙涕泗不能止嗟乎世有是夫而念之不涕乎故余記之敢告僕臣

天目先生集

卷之十七

十一

三

天目先生集卷之十七終

先生集卷之十八

吳興徐中行子與 著

祭文

祭宗子相文

何夫君之好姘兮發靈異於帝鄉湧珊瑚於溟渤兮襲玄珠於射陽荃既有此內美兮又服之以琳琅冠切雲之崔嵬兮撫長鋏以周章紉秋蘭以克佩兮羌獨異乎衆芳遂冲年而鬱起兮勵高羽於長揚乘青雲以翱翔兮固時俗之所慕乃獨與余目成兮共抒情於毫素曰麟鳳之文明兮夫寧有取於馳騫因結蘭於吾黨兮齊王轡於廣路指九天以爲正兮振千古之高步窺輪扁之巧心兮諧師涓之神悟揮斤八極兮逾橫絕而不顧譽韶護之獨奏兮反俚耳之驚怖掩蛾眉以深藏兮倏衆女之興妬荃故好夫遠游兮曾捐佩於安期知天路之嶮巖兮遂弭節於武夷懷鬱結而未通兮因發憤以陳詞將奇思之凌厲兮紛電激而風馳悅仙樂兮縹緲

又霞章兮陸離既托言兮垂世遂委蛻而無疑獨詠懷兮臨絕猶遠胎兮所思豈歲星之大隱聊玩世而游嬉羌長庚之覽謫遺文采而去之悅幽通於太乙兮降赤龍而迎女駕日月以爲車兮叱雷霆以爲御萬靈奉轂兮命文昌以後旅凌天地以徑度兮復上歸於帝所余猶憶仲春之夕兮數見夢於中山荃被髮而長嘯兮云遠往乎崆峒及發懷中之尺素兮疑解組而相從余方倚天目而延佇兮俄雨雪之告凶聞靈輶之將至今極狂走而相迎望丹旆之宛宛兮橫大江以揚靈恍雲霓兮燦爛儼精爽兮可憑願一見兮道意忽風雨兮冥冥舟容與而不去兮若眷眷於予情懷瓊糈而要之兮冀昭格以告吾之精誠傷心知之委謝兮余獨胡爲乎久生擬投袂而從游兮惜脩名之未成惟夫君之好我兮復何間於幽明願翼我以卒業兮庶不負於同盟

祭南陽嵇公文

矯矯嵇宗系自中散龍性嶽立超彼世觀濟美  
侍中以身爲捍血濺朱輪氣振霄漢迨宋南渡  
賢哲雲仍曰存仁者義問蒸蒸肇遷餘不占籍  
吳興奕世戴德發祥郊丞維彼郊丞行兼儒俠  
兄事董賈弟畜荆叢散金收書遜志鼓篋篤生  
嵇公鬱起中葉公雖冲年勃勃英氣下帷發憤  
廣採精詣屢賞文衡業已名世何哉數奇竟乖  
一第身雖不達殊操振俗父也被誣陷之刑戮  
竊負亡命用奇脫獄挺節凌霜懷才沈陸摺弁

夫自先生集

卷之六

三

書

交稱公益引晦鞠躬好修困窮不廢哲嗣詵詵  
義方是誨燕翼貽安永錫爾類賓貢迫期邑方  
勸駕公也翩然揮手遜謝脫蹤榮名畢志婚嫁  
龍臥南陽庶幾叔夜伯子延祖鶴立靡羣談詩  
匡鼎待對終軍方圖鳳舉婉美前勳公胡仙逝  
乘彼白雲日墮虞淵揮戈靡及痛甚諸孤長號  
雨泣行附通家義均休戚薄奠一卮豈勝於邑

### 祭少司寇渥川衛公文

於皇康叔肇封于衛巖巖亞卿維其苗裔天祚

明德公侯來復篤生元幹光踐初服篤生維何  
降神嵩嶽甫自冲年英聲卓犖奏對漢廷賈生  
籍甚詎曰少年壯猷不振爰訊于楚甘棠攸憩  
操法惟允豪右讐氣入居諫垣蹇蹇庭直一言  
迴輿功在社稷印笱稱兵嘯衆阻山崇朝  
底定威申百蠻開府江漢江漢載清南冠立出  
峴首垂名考牧滁陽我馬臧矣賓於太常日嚴  
三禮揆留皇鑒迺弼士師明明憲墨臣寔執  
之終始正直七命滋恭盛年嘉趣高朗令終天  
不愆遺喪茲黃髮賻恤追崇式旌君伐矯矯二  
龍天府嗣登衛多君子洵也有徵淵藹耿懷疇  
云已究樹德垂昆業則不朽某等小子義屬通  
家典刑綿邈于何不嗟廖廖莊莊土國是攸司銜  
哀申奠豈曰我私

### 祭大廷尉葛公文

奕奕始祖作賓于吳嘉名曰系服寵鴻臚爰及  
稚川訪道方壺侯封啓土牛斗之虛天祚明德  
式復其初篤生大理蚤握璫璣經傳劉向賦擬

夫自先生集

卷之六

四

書



相如弱齡高舉與衆殊趨展猷赤縣抗疏青蒲  
虎尾載蹈狼跋其胡惟

帝念忠寵錫銅符蜚聲藩臬振武番禺入爲名  
卿考牧留都秉心塞淵駉牝竝驅司理兩京克  
慎爰書操法平允接軌張于朝方聽履公也縣  
車辭榮金馬乞身鏡湖維茲元老擅美中區法  
匪純吏學則通儒直諫似慙拙宦若愚醇謹萬  
石知幾二疏壽儕衛武隱類陶朱况也餘慶接  
武天衢公亦何憾樂哉玄廬惜矣老成望重黃  
太真先生集 卷之六 五 同六

祭司寇顧箬翁文

倚歟達尊蔚爲儒宗人倫品鑒甄拔章縫余幼  
承婚仕同于公西曹矯矯海內人龍俾附不朽  
伊誰之功寵溢瓊玖誼重景鍾匪以爲報于心  
有冲載瞻遺像廟貌攸崇薄將清酒以寫我衷

祭臧茗臬文

昔稱同盟壇坫誰雄執耳載書君寔厥宗余微  
寵靈鞭弭先從載馳載驅若塞若通君守縫掖  
而貢辭靡五十乃薦三上南宮文矣則優命也  
靡逢遙授冠袍侈于素封未幾而逝彼蒼夢夢  
賦此內美曷不昭融臧氏甲科曰有長公君之  
令聞奕奕攸同矧惟諸子靈秀孔鍾爾名旣盛  
爾後則豐弛而必張天道若弓豈謂昌阜未丁  
厥躬感念疇昔白駒匪東桑榆云暮愴爾悲風  
將一束以寫我衷山河雖邈眷此遺踪

祭郡伯姚石林文

君壯而舉名流翩翩遵晦潛伏二十九年乃登  
甲第翺翔且邇百里靖共戴星獨賢緝盜安萌  
奉嘗而傳稍轉比部伉直以遷一麾未入驅車  
言旋杜門却掃斗室蕭然清酒嘉客色笑几筵  
耆齡載育神王乃全耄而往矣胡不仙仙余自  
元載末夜踰躑願言重遘今也未捐日月云邈  
如彼逝川涓滴斯須傾于九臬

祭陳獅岡方伯文



緊生才之不偶兮雖古以爲難當 明時之誕  
降兮匪光岳其孰完倚嗟公之矯矯兮譬騷  
之與雲鸞騁絕塵之逸足兮抱冲漢之脩翰爰  
乘時以拔茅兮肆濟濟而彈冠自通籍於金馬  
兮歲荏苒其三紀當仕途之炙手兮盍澹澹其  
如水豈伉儷以取名兮奈嬋妍之可恥斯邈焉  
其鮮儔兮宜一日而千里顧總總以長年兮積  
資勞而迤邐彼伊人之高曠兮猶孤憤于積薪  
獨條然其容與兮甘陸沉以葆真惟渺躬之偃  
蹇兮亦踽踽以寡親曾傾蓋于郎署兮謂若友  
乎古之人公亦不我迂兮時枉駕而接鄰暨司  
藩于滇南兮幸叅陪于末議若龍劔之復合兮  
爰同心而交臂迨求章于神都兮公屬詞以見  
示每捧誦而三歎兮誦如貫之高誼嗟人生之  
離合兮夫何異乎飄蓬儵相值于殊方兮蓋不  
知其所從奚睽違而契闊兮戒秋而申以杪冬  
乃若客歲之仲夏兮謬承乏于茲土適公之入  
計兮得聚首于故里冀晤語之可常兮或破余

未嘗先集

卷之八

七

三

之疎鹵何計音之忽臨兮使余心其獨苦概窮  
宇之標季兮曾相知之幾何悲哲人之日以遠  
兮悼末路之日波敬摛辭以洒涕兮乘高風而  
悲歌倘中道而有航兮魂恍惚而來過

祭慚烏李公暨楊碩人文

奕奕仙踪維周柱史爰逮金陵徙于箬里發祥  
徵君秀自穉齒甫晬而孤依于外氏如漚者身  
如綫者祀邁述亢宗克復其始族有藐姑靡怙  
靡恃犯衆力扶竟存祭主道有遺金完囊以俟  
客取如攜君還若委里有誣盜獄詞具矣奮身  
援解竟脫株累瓦礫視金泰山視義志在急人  
不必爲已痛父蚤亡身不逮事賦詩慚烏悲號  
靡已孝洽宗祔名高閭里固謝賓筵韜光城市  
婉婉碩人蚤窺圖史誕自清門歸于吉士禮肅  
采蘋恩覃葛藟琴瑟允諧家聲濟美濟美者何  
篤生令子振藻東吳揚標南紀霧豹雖藏雲龍  
終起維昔龐公竝耕漢水身雖弗章子也臚仕  
上下千秋庶幾可擬矧也耄期竝膺遐祉偕隱

未嘗先集

卷之八

八

三

齊年錫類已侈有德弗亡有子弗死重以田公墓文如綺

祭方聽泉年丈文

惟公詞林俊望江左魁奇公車高薦矯首雲達  
余忝附驥傾蓋而知公初釋褐試政郎署爰佐  
度支瞿瞿長慮出守瑞州端方仁恕豪右兢兢  
慨我黎庶歷官五載鴈行而前滇南兵憲借箸  
籌邊威聲翕赫貝錦流傳叅藩豈異忽而左遷  
黃金可銷白璧易點貴陽之濱歲華荏苒天寧  
人勝瑜豈瑕掩市虎成空公亦何忝遂徙今職  
主餉閩中維是餉署寔余所宮余職多曠幸代  
者公成余不逮爰克有終年誼方殷同官伊邇  
清樾亭開銜盃未已榮枯倚伏誰測其以慶者  
出間吊者在里惟古有記收於桑榆公適騰起  
遽返舊都同袍飲泣良友則亡旅魂縹緲靈輜  
戒塗公既九泉余鬢亦斑交情二紀流水潺湲  
薄言陳慙有淚其潛黃山白岳魂兮來還

祭潘中丞令兄文

嗚呼惟靈崛起吳興黌宮振厲藝苑憑陵仲叔  
及季棣萼相承長公是友矩矱準繩駢駢四牡  
龍變雲蒸公維赤幟誓以先登豈謂二讓諸弟  
乃升晚偕計吏貢于王庭臨軒高等重席橫  
經奕奕皇畿肅肅儀刑聞問孔昭令宰是膺  
桂陽良牧百里稱平絃歌載道璽書用旌爰  
棄百姓計于洪城惟茲開府風厚天倫天胡不  
慈奪我伯兄靈輜至止涕泗哀鳴某等感愴罔  
不沾纓芝焚蕙歇胡其為情潘湖浩汗匡山崢  
嶸夜瞻牛斗劍氣縱橫星言出祖歸于九京敢  
具楚醴藉以江蘅臨風一奠有淚如傾

祭顏給舍父文

顏氏之先爰有充國教自孔門世遵隱德燁彼  
通籍允為世則於維先生家庭翼翼既敦質行  
尤茂學殖聖訓是躬義方是力展矣令子克岐  
克嶷明經起家茂宰允陟宜民宜人宜補袞職  
入侍承明邦之司直寒暑危言岳岳正色國是  
攸賴左繩右墨維辟之楨伊誰之植曰維君子

有穀是式宜受于天永錫爾極胡然而逝如日之昃凡百曷仰罔不心惻矧維中行不任悃悃噫乎有皇孰豐孰嗇食報云長懸遺匪棘哀而且榮陰陽不忒薄奠用懃既齊既稷敢格幽明豈伊異域

祭臧一齋封君文

肅肅僖伯臧之始祖世篤忠貞昌後于魯秉禮而南顧渚是卜明德之後其始必復惟公恂恂覃精經術屢蹶詞場晚就徵辟不腆一官非公所屑授經二難聿弘世業走在髫年聆睽特異游季孟間不啻兄弟攜手先君布衣相愛各言其子相期有待走忝前驅伯亦展翮仲雖晚遇哀然京國

聖主加恩而翁輝映車騎滿庭牛酒相慶先君之喪公視易簣公之悼亡走也哭泣備在肺腑肝膽若一公愉則愉公戚與戚滇歸伏謁視履矯矯動色稱賀天錫難老入閩幾何公乃奄徂扶服靡由涕泣如雨古所難兼榮名上壽矧也

象賢後且不朽分屬通家義則知己河清可俟九原難起何以致哀生芻一束又何敘心視此尺牘

兩院祭封君太師張公文

代作

粵昔松降曰甫曰申本于四岳楚有哲人聿佐中興張仲孝友厥孝伊何忠於我后猗與相國應運於荊楚材奕奕公篤厥生肆我世宗天造郢邸爰省其邦名世以啓推恩褒錫賁於丘園燕貽翼子龍受神孫爰弼

先皇及托顧命平章密勿師保

冲聖尚方歲月存問江陵以介眉壽萬福是承薄海歌謠太公尚父百僚是式萬姓是怙達尊之德如玉如金以風以雅太古遺音賢仲諸昆邦家之器偕老以嬉俾昌俾熾敬聽司命完歸

天年相國請制

帝曰達權元輔之躬繫于社稷父不遑將哀痛罔極庭有義訓實惟大忠載稽四制奪情以從溫綸懇留卓越前典賻葬極榮達孝以顯

某等弭節江右伊邇尊慈弗克匍匐敬奠哀詞  
上叩九閔下周六幕魂兮靈兮庶幾來酢

祭兩樓陸年丈文

維陸之先明德發祥幼節勳烈士龍文章公承  
華胃曠代齊芳譬彼珠府產必夜光甫在中年  
文聲奕奕弱冠未幾早推鄉國龍變雲蒸意已  
匡測一第寧多七上始得水部爲郎延津出守  
枉席絃歌於何不有國之股肱民之父母郡有  
享堂遺愛不朽簡在

丹見先生集

卷之八

廿

三

帝心質有文武秉憲鬼方用紆 南顧文德覃  
敷式靈鍾鼓奉諱還矣板號增戀再起南閩舊  
民喜見立翦鯨鯢爰封京觀大海妖氛崇朝清  
晏惟

帝念功謂篤不忘彤弓載錫銅柱彌光言將登  
汝深謀廟廊胡天不吊竟殞膏肓吁嗟哀哉往  
守延津爰有享堂再監軍旅功在旂常庭有玉  
樹野有甘棠曰德與功沒而不忘維公宦游疆  
半閩越故侶遺氓甫離而合合若珠還離同劬

別眷念平生如環而玦吁嗟哀哉閩人雖愛不  
若故鄉武夷洵美尙異吳岡雨樓舊履百年是  
將魂兮別矣盡此一觴

又

恂恂陸公夙秉靈異龍駒鳳雛奕世克類庚子  
計偕余忝附驥相顧莫逆愛逾同氣公甫韶年  
長余一日紫馬青衫朱顏白皙光照西湖庶幾  
連壁鳴鏑詞場觀者辟易屢獻未投七上幾棄  
鹽驢長號陵陽泣視余旣先達公亦晚遇憔悴  
廿年各沾一第釋褐司空允宜水土  
皇鑒揆留剖符劔浦攬轡澄清爭歌來暮所至  
見思尸鄉桑楚

丹見先生集

卷之八

廿

三

帝眷循良冰操介立飭兵鬼方敷漢威德文武  
竝用化行絕域失怙東還諸夷板泣閩廣妖氛  
五兵是詰借箸行籌鯨鯢就殛捷書屢馳海波  
遂息除月方登修文見逼余昔被播久困積薪  
公嬰家難末路逡巡歷三十載合并于閩忽若  
雙劔未別延津嗟君哀榮世所共聞策封鼎食

蚤逮嚴君訖訖四俊爲機爲雲郡有血食策有  
書勲吁嗟哀哉惟余與公意氣鮮偶綠鬢論交  
逮茲白首視藥省舍奔走靡後如可贖兮百身  
何有吁嗟哀哉草疏乞身擬從范蠡豈謂真歸  
神游構李舄舫笙歌畫樓煙雨魂兮歸來千秋  
容與敬奠一卮平生已矣

祭誥封張宜人文

瞻綵婺于南紀兮奕奕斗墟爰降靈于碩人兮  
懿德攸殊既閑內則兮兼誦法乎詩書流俗徒

春先生集

卷之八

五

三

嗷嗷兮竟作嬪于名儒椎布操作兮甘閭內之  
拮据烝烝孝養兮浣子舍之廁踰斷機絲以勗  
君子兮蚤奮翼于天衢相將宦所兮匡飭靡渝  
帝綸寵錫兮光映匡廬玼兮璵今環珮鏘如何  
遭命之奇薄兮嗟蘭夢之猶虛抱幽憂以沉絲  
兮歷日月之居諸稍通問於家庭兮重慈母之  
驚紆睠宜人之孝謹兮夙昔勤劬榮華燁其始  
茂兮湓中折于海隅忽太君之凶問兮曾不須  
臾痛玄草之未謝兮傷合歡之早徂吊者在廬

兮唁者在途歎夫君之多艱兮寧茶蓼之可茹  
維懿德與榮名兮蓋庶幾乎永圖某等辱君子  
之清塵兮義如貫珠欽芳儀之比玉兮敬奠生  
芻悵丹旆之西還兮四牡與俱故鄉咫尺兮從  
汝姑之所居

祭范母陸太宜人文

維太宜人鍾秀華族士行夙成慈惠明淑嬪于  
德門率禮敦睦以養以祀以莫不肅矯矯贈君  
哀然長者宜人相之義聲滿野天畀儒宗含董

天目先生集

卷之八

六

四

軼賈簡在臨軒名冠天下奏對萬言并包  
羣籍授者伊誰韋母是式入領太史編摩是力  
又誰貽之大家維則南遷廷尉雋生是擬獄有  
平反母心則喜賜環經筵每奏稱旨反覆  
勸戒敬姜是似名世軼才母寧天授貽哲發祥  
母德維茂爲

帝良弼豈惟昌後年雖有涯澤則不朽鼎食鸞  
章恩榮非一金馬玉堂闥內鮮匹行忝通家義  
在同恤遙奠生芻望風沾臆

祭劉中丞太夫人文

維崧孕靈篤生哲輔伊誰開先曰維太母發祥  
自唐克昌胤祚蹈禮稱詩蘭儀王度言歸于劉  
折節儉素撫爾象賢攜持調護簪起內臺繡衣  
持斧寵命省方自滇及楚母教之忠哀職是  
補簡在

帝心質有文武提衡三省用紆南顧俯念慈

韓西日云暮乃御板輿承歡幕府入奉母訓外

經戎務介福方遐胡然仙舉月冷機絲星沈寶

天目先生集

卷之六

七

發哀哀中丞茹荼匪苦言念純孝錫類南土况

也溫綸如丹如腹懿德榮名標映千古某等

密邇轅門宛其在廡仰止壺儀憂均陟帖官守

是羈靡由奔赴敬奠生芻式彰未慕

天目先生集卷之十八 終

天目先生集卷之十九

雜著

吳興徐中行子與

贈張季公小序

往余丙辰春過吳門吳門人稱數布衣豪無不  
誦說張季公者已心異之及少年輩則又往往  
矜羽宮室裘馬及六博蹋鞠之戲余以爲吳俗  
故然無足異者及辛酉夏再過吳門季公仲子  
幼子始與余締交因得習公本末乃知公無勢

天目先生集

卷之九

頁六

能之榮而稱賢閭里千里慕義要非苟然而已  
也張故世敦本業而季公始用賈起公少時已  
倣儻負氣顧善心計明於積著之理以故不爲  
纖嗇而獨以奇勝二十年之中三致千金乃益  
美宮室修文物玩好擊鮮擁豔座客常滿而又  
忼慨然諾周人之急雖貧交疎屬無不各厭其  
意至里有仇卽州邑大夫不能聽公居間則又  
無不曲聽者蓋衰然一賢豪俠矣及余友周公  
瑕黃士雅又稱公客金陵時心動輒從盜中歸

省歆傷其股母氏有疾刲股以進母疾漸愈至  
敬兄友弟睦族撫寡如恐不及諸子興於文學  
伯氏與幼于競爽詞林知名當世竝有鴻漸之  
望季雖冲年清聲鬱起其孝友經術又與萬石  
韋賢家相埒矣豈非環璋達識哉余恐好事者  
不槩其實而猶矜眩於少年疇昔之語也故論  
列之俾大雅得采覽焉

敘邵長孺詩

李唐以業詩舉士載卷而行皆詩也今制左矣  
故士右經長孺少受掌故尚書念母寡老貧而  
不卒業渡大江客淮漢而游梁游燕緣詩而抒  
其憂思之懷何所求聞乃物色者竟以詩名長  
孺黎惟敬見而竦然異之曰美哉安所得聞召  
南之音乎亟稱之輦下名駿駁起長孺謝去謂  
今士以急經術貴奈何有邵生顧以不急之業  
取世資邪遂鼓篋從胄子游翩翩稱司成高第  
悔其少作若敝帚已余謂長孺過矣夫士患無  
才耳才何患無當詩歌聲律而變不云乎如或

知爾則賡歌訓治權輿具茲猶然邵生也何薄  
乎梁燕之游哉

尚白篇引

蓋景從自戊午秀才舉而對公車者六反矣于  
閩而燕萬里也擔簦躡屩視出吳越齊魯之墟  
不啻比舍耳諸挾策報聞罷者多無俚之執咄  
咄不能吐一語景從顧獨喜詩而嘲白詩益豪  
而神益王是終能蓬累而行者哉孝武間東方  
少年上書高自稱譽帝倖之方景從舉時其已  
誦言豈下四十四萬豈不足爲天子大臣第其  
言遜故拓落至是而詩固豪亦遂其心之思耳  
何至滑稽炙輶問侏儒飢飽爲也  
今上好文景從行待詔金馬當公卿侍從而賡  
柏梁之歌且進於是矣  
上得無訝相見之晚邪詩曰皎皎素絲在所染  
之白六入而玄景從何厭乎六反

玉華石聯句跋

嘉靖辛酉小歲之夕郭山人次甫飲黎惟敬齋



中酒半酣乃對玉華石互舉聯句各十五韻既就二君意得甚山人謂惟敬曰今夕事大佳第少徐子爲恨耳乃縱飲待曙次甫卽懷草出關叩余戶旣以夸余且屬余跋余方病甚臥未起乃亟命童子持詩草至臥中讀則醉墨猶淋漓未收也及竟讀其辭宏達淵放詭異超忽竝有塵外之致不覺五內冷然神氣俱王霍然病已也豈二君夕從三山五城來邪余往讀莊列龍伯國人及大鵬逍遙篇以爲古今卓絕鮮儷及

宋先生集

卷之十九

四

三百八

今讀二君詩又爽然自失矣乃若軒轅彌明與唐兩生石鼎聯句至鄙淺可笑而韓退之顧栩然述以爲奇是猶斤鷄騰躍於蓬蒿而未覩垂天之翼也又豈可與二君同日語哉

### 五君紀容跋

往吾黨爲詞盟燕市時梁公實宗子相已蹕厲起而謝山人亦以布衣引重至振興封殖則吾于鱗元美力也是時吳明卿已從旁睥睨而敬美方事諸生業未暇也何圖數年間宗梁蚤世

謝山人尋自引却於是明卿始得與會而敬美後起奇進不忝鴈行卽于鱗數寓書不佞忻忻願爲分席也四明門人薛子熙以所甯識面者貌之冊中并列敬美而周象賢系之贊述補俞仲蔚所未有可謂實獲我心矣第不佞猥廁其間不免形穢之誚而興懷逝者河山之感則又憮然自失矣

### 王勃滕王閣序跋

代作

是閣勝聞海內以子安是序也其文尚沿六朝習而詩則爲唐雅音焉或謂重于江山或謂得江山助要之亦有數存焉非必其人以也子安不未乃推唐爲千歲曆迄垂千歲而曆嬗者屢矣其與江山未麗者而獨在千斯文嗟乎今閣益巋然而序獨闕如非壯觀覽而稱名勝也余乃爲之重鐫豈亦偶然者哉

### 韓愈重修滕王閣序跋

代作

宋人跋是者謂自子安三變而乃得退之推尊之獨至然觀退之壯三王而喜列其後則其文



當竝重而軒輊者過矣余獨以弘中文思溫雅  
且有善政足術人吏浹和乃治是閣復推讓退  
之爲記視三王獨無愧詞則其人相引重豈惟  
文焉已乎

### 古文雋跋

江右人文自古尙之矣今代狩東萊趙公乃思  
迪于髦士患其沿一切陳語而懵於爾雅之源  
或講說聖命而闕於詞之不足發也乃編古工  
文者自左國而迄曾蘇今得佔畢而傳習焉名  
之曰古文雋業自敘其義矣然是義也本戰國  
之蒯子而序其權變之說云爾公於文學齊魯  
之天性也嘗讀中秘紬金匱石室發六藝之要  
眇飫千古之英華慨文之代變而權衡或爽則  
卮言勦說至於無所折衷其稱雋末者往往不  
少概見矣故出博約之才而善調劑之其於是  
編也頗取節而無加飾今學之知味者深嗜之  
而不厭當知庖子進於技惠文得之以養生蒯  
子喜其說公得之以精於文矣

### 壽字跋 代作

夫天下之壽豈不在于

一人哉爲造民命 社稷攸關萬姓共祝

天子萬壽昭

君恩而謹臣節奕奕乎今之禮哉第余聞之詩  
矣邦家之光萬壽無疆農夫之慶萬壽無疆是  
願與臣民共之也古之爲民如此余獲壽字而  
鐫于公署上爲

一人祝下爲萬姓願余幸享太平而保餘生足  
矣

### 福字跋 代作

古之錫極曰九五曰萬億及言百者莫非福也  
夫極錫自

一人而成于庶民憲憲令德宜民宜人受祿于  
天保佑命之自天申之天子之福也詒爾多福  
民之質矣日用飲食羣黎百姓編爲爾德天下  
之福也故

一人作之而敷錫庶民保之而會歸臣無有作

胥保厥福而卜其百焉則如幾如式矣是圖備之幾式之謂也

元通神應贊 有序

左伯劉公靈壁人也家世祀元通大士像至太夫人益謹公當七歲除夕像嘗現靈息災于草堂保公而有今日太夫人每就養官舍則繪祀之如家堂當八十傷足閱九月而復履其神益王夢神之所治也公稍記之以傳于人世余惟佛無色相歸于諸空立之像者

元通先生集

八

奉者之誠也亦若儒家尸祝以致如在之敬云爾第其徒好誣乃謂像之始也優填王選香木肩與天匠操斧聲徹三十三天而消衆生罪垢煩惱公自王大父官潭州得豫章爲其香木也而爲大士及山形寶座龕几之屬蓋如天匠之所造者而奉之數世矣魏孫敬德造大士像禮祀之卽獲廻生之靈况數世之所敬事者乎何憂乎災何畏乎疾病公今自方岳而上則消衆生罪垢煩惱益多矣余

聞惟善與孝達諸神明若夢寐所通靈藥所示往往有之安可以謂盡誣太夫人之愈疾寔公孝感然也而神之陰騭善類則太夫人壽其有艾邪乃采佛家言而爲偈贊云

事親非可比諸佛心卽是具足菩提心自在觀世音

龍巖俞先生贊

舉世競進今荃獨厭軒裳之縕結舉世厚藏今荃獨慮多財之媒孽方其少游兩都紫駟蹀躞

元通先生集

卷之九

九

同四

則豪士傾心名公投謁及其通籍西京請纓南越拂衣五湖卓哉明哲夫其儔擅連城之譽技兼臨池之絕座滿北海之賓架積河東之篋賦擬金聲談蜚玉屑豐儀美髯高霞朗月似宦非宦似俠非俠嗜酒類狂韜光類拙豈附榮而爲通匪立枯而爲潔不刻意而彌高因任達而成節上揆竹林之名流庶與嵇阮而齊列

觀歸祭祖文

謁塋而別四閱寒暑藩臬載陟荐膺簪組匪承

世澤疇界斯祐比 覲言旋南游伊阻愀矣悽  
其事將清酤

祭白溪山后土文

先塋攸棲寔惟茲土未賴神庥申錫斯所庇我  
後人薦奕纓組敢答寵靈有醑有俎

歲除祭司土神文

歲在丁丑實生不佞何以微靈相予爲政盡室  
康亨孰非天幸月際嘉平時日維令爰修報典  
神其敬聽袞職之榮螽斯之夢萬福來臻未綏

天目先生集

卷之九

十

三百七十一

錫命

紀夢示諸生 代作

丁丑夏五既望鄉舉諸生請豫章書院爲會肄  
之所既嘉褒其志而如所請矣越二夜夢視之  
則草木蒼蔚而諸猿或嘯或飲或踞或馳蓋山  
壑巨區也覺而疑之蚤起視事鄉士大夫儼然  
造焉而以是院廼前節鎮除爲吾輩講德地也  
其可復與諸生乎嗟夫人其舉之余則安敢廢  
且夢旣異兆乃檄郡改卜攝事顧丞卜院之右

而於夢未符竟未遑他圖然侍御趙公則善之  
且捐贖金以佐費郡守王君遂落成而歸然其  
豫章之望矣乃思夢占當從古之大人雅之章  
曰衆維魚矣寔維豐年旒維旗矣室家溱溱今  
茲異兆斯其藹藹王多吉人乎猿之爲元音則  
同焉自今講業於斯者科名之三元豫章所稔  
聞諸生當自負之而余所屬望者則在不忝乎  
科名必有元德元功而達尊爲元老以媚

天目先生集

卷之九

十一

三百七十二

天降慶雲甘露焉地產嘉禾靈芝焉而禎禽奇  
獸若鳳凰麒麟之屬至于寶劔且化爲神龍矣  
彼猿者安足異胡爲乎夢而竟非夢也邪大人  
占之其爲元可知矣然則多士萃天地之靈以  
貴于庶物而瑞元元者其不在于斯乎院之顛  
末旣屬太史鄧公記之適余赴召諸生請留言  
以爲他日左券乃述夢而紀厥占云

宗公案牘

詞林宗匠名世軼才挈功令以勵賢則言成矩

獲而多士靡然嚮風開城門以走敵則身作金湯而萬姓于今受賜乃若排諸家而尊獻吉首倡詞盟冒九死以哭仲芳力扶人紀蓋庶幾紹明兩京而師表百世者矣顧中道客死海內悲之往者侍御樊公于罷市之辰卽已奉祀第于先生賜履之地未盡舉行心喪殆徧於諸生血食未周于別郡本道適觀遺愛竝懷尸祝之心繆攝學章適司俎豆之事昔友不舉後死何爲表恤故官以勵清修

天目先生集

卷之十九

十二

三

故蘭谿縣署教諭舉人彭翼字穉修係南昌府新建縣人宿稱國士蚤薦鄉書家無儋石之儲門有賢豪之轍數奇一第業耗千秋行振鐸于儒林遂樹標於文苑素尚遠期彭澤豈爲時艱清風近在蘭谿何論宦拙心雖甘乎鹿豕歲適在于龍蛇亡之命夫傷哉貧也痛嵇康之不作忍見藐諸孤倘郭震之猶存必揮四十萬矧伊阨我土地何以慰彼泉臺稍追掛劒之風薄將束芻之誼仰該縣取帛一疋香一束行學令訓

導一員往吊其靈仍動支官銀若干兩存恤其家

天目先生集

卷之十九

十三

四

天目先生集卷之十九 終

天目先生集卷之二十

吳興徐中行子

書

奉王元美

愁苦數年忽晤昔顏已若隔世况承篋笥珍譔藥石至言五日踰千秋矣卽酬酢苛禮足爲重哉茲承手書損餉備極綢繆之旨則知別後苦懷翻增于昔至誦瑤章累紙并惠贈高篇說瑰奇絕竝鴻蒙以來未有之語卽何異入貝闕游

天目先生集

卷之二十

三頁六

神山耳目改易心神飛揚僕雖沈錮之餘栩栩生氣矣何愉快之甚哉子相雖與彭殤等死然此物未就抱恨無窮足下卽遭令先公奇禍然著述偉麗足垂千秋太史公謂此書藏之名山傳之通邑大都雖萬被戮辱無悔也此寧可以存沒福禍論哉至如僕者弱植末榮夙圖未遂則沒慚宗生愧王子耳一代史遷之托方趾下况太夫人及愛弟俱賴慰藉千萬損痛善愛以慰知已不勝悵悵

二

方輒掌中得手教爲慰久熱後甫涼讀之爽氣習習矣文字雖因碌碌視之簿書自異山栖中市朝書畫中商賈盃酒中地獄好客中苦海皆是勝事雅會而因多生業障耳若簿書者市朝商賈之券課地獄苦海之案牘也於中視之而如勝事雅會非如足下高才闊度誰能擺脫不佞之因此甚矣邇頗廓落者以無智故任之耳明卿將就足下江東而棄不佞江西不能無轍已草檄難之矣倘不我過足下以爲何如德甫自是雅致近亦幸過我矣信宿而別今尙歉然用晦及諸王孫亦時時晤語第未能濡首如來書耳頃白鸚鵡賦復從秘麓中得之大喜已承再書并尤君畫至則又大喜然恐不知者竊笑僕非謾則貪也鸚鵡何物所博若是奢乎書方就而梁雲岳適至更得起居爲慰浮山似曾與中丞相識僕當爲憇憇之也嗣月逐次公人來奉布不一

奉張肖甫中丞

頃行後計尊嚴便當勿藥然心猶懸懸未解也  
今得手教釋然矣不佞廿五日抵舍萬里生還  
親戚朋友慰藉勞苦非不欣然顧安得如吾二  
三兄弟把臂道故爲愉快也蘇臺三日不啻千  
秋矣二日節鉞且西自金焦以上鍾阜諸山方  
延頸寵靈吾丈揮灑之餘金陵紙價當自此貴  
也第不佞不獲執鞭珥相從爲恨耳王江州腴  
貺柴桑令酒價當復有餘至承不忘於肺腑云  
竟乏詮次新愈千萬爲道珍愛不勝懇懇

二

歲除方及之戶部赴任奏記報謝并持 誥軸  
奉復自度當免拂衣幔亭就足下載酒燕磯牛  
首爲空同三月住也不意乃爾不勝怏怏然足  
下以太夫人陳乞屢矣前得御板輿歸甚幸况  
改席舊京執政挽留之意自在非久當還公舊

處但吾黨兄弟星散且盡蜀吳悠邈甞有河山  
之感耳越在海壖不能執手河梁一敘謹走一  
介代送江滸積悰如海百不得一千萬鑒亮

奉吳霽寰

去秋豈不願亟見足下第家迫江南僅登堂一  
省觀席未煖行矣虛辱使惠悵然悵然北使還  
披誦華牘瑤篇愉快特甚席上數首情景格律  
竝自工佳灑然盛唐音也贈元美選詩慷慨悲  
惋抑有河梁之思焉至明月曲三首曼聲縹緲

未白先生集

卷之十

四

詩

振動林木當與太白昌齡竝馳矣昔日君家筠  
輩寧不爲足下掩譽哉不但莫之與京也足下  
自持手板及入爲曹郎又奉使江以西先後賢  
勞且廿年寧復以藩臬相煩邪持衡者必有以  
處足下矣昨予相復外補或子相自意邪故人  
星散且盡若足下又厭承明之驩僕亦當營於  
菟五湖老矣寧復向長安邪荒署春雨驟至殘  
花滿庭投筆懷遠不覺黯然

奉張助甫

兩省華劄藻蔚溫麗宛若平生驪喜無量至篤  
念親故撫悼今昔攬五子之深思隕千秋之危  
涕則又歛歔不能讀矣嗟乎助甫身困讒口幾  
不自脫顧獨以未見不佞爲恨邪僕自嬰家難  
以來吾黨奇禍略盡已灰心當世矣顧獨念同  
好如足下二三人皆散在中原非宦游無由會  
面不意復守貴郡復是鄭張劭杜故署則又輒  
不自揆希踵一二恐爲知己辱爾非能於此中  
露穎也若時復相左便當拂衣五湖掩關著述

未嘗先集

卷之十

五

三百八

以托於二三兄弟之末素願畢矣此足下所悉  
未可爲他人道也辱惠錦繡段金錯刀故平子  
所深思而重貽美人者也惠懷八章大自奇絕  
卽洛之九鼎可易此哉僕有自戴玉簪一枚用  
締結髮之好家機紬一端未固綢繆之誼惟從  
者內焉方苦案牘不盡願言東望碧雲曷勝軫  
結

二

去秋足下之任時僕方郊迎老母不及走一介

脂車爲恨及到郡後復有伊洛之役歲除還郡  
拜手教比省無恙乃知別來尙有書三函亟從  
掌記索之知足下念僕至深矣嗟乎僕與足下  
神往十年始遂一晤豈不稱難哉矧秋中月色  
海內吳生一時竝得卽醉鄉三日不啻千秋矣  
及離亭雷雨別渡風濤倏忽之間變態尙爾況  
平生狂俠萬倍此者乎非播遷外庭飄零遠道  
天道猶恢恢也僕頃往洛陽跋涉千里初意良  
苦及從雪中車還道經嵩少訪達磨之禪影尋

天目先集

卷之十

六

李渤之隱居縹渺詭異非人間所有及讀唐功  
德碑摩挲漢封三柏竝千古卓絕之觀也設跼  
伏一隅安得此勝覽哉然猶念足下鞅掌簿牒  
大自不堪至讀來札云掩關高臥鼻息相聞五  
湖二室之間乘興出游則又懷千鱗於鉅鹿訪  
盧楠於大伾望明卿於武夷慨元美於海上翺  
翔日月上下山河軒軒然有八極之思焉且恨  
謫晚也設僕與足下不出都城門竟老又安覩  
宇宙之寥廓河嶽之巨麗哉然則造物於吾儕

蓋至厚矣豈但稱恢恢而已乎此僅可爲助甫道難與外人言也春氣撩人必有軼藻數示爲起予者北望太行不勝延佇

奉中丞北川陸公

某自茗上奉違左右忽忽六秋矣明公爲中朝推轂而壯歲登壇開府之辰山川改色嗣聞粵寇狂悖盤結堅深卽老臣宿將扼腕稱難矣乃以四月臨戎六月告捷大慙勅敵倉卒就擒抑何成功之速也卽請長纓以繫百越操尺筆下齊七十餘城者詎足擬乎此寔社稷蒼生之福非徒爲鄉邦光已也不佞沈汨簿領竟無尺寸之效殊負知己奈何奈何倘不遐遺時有以教督之適南使之便輒此附承轅門惟冀節勞善愛不勝嚮懷

奉劉嵩陽

自奉藻翰以來夢想玄湖之勝蓋不減五城十二樓也顧奈何以俗累妨仙緣哉簿領小暇便當單車奉候高齋蕩舟芙蓉葭菼之間授簡飛

觴稱快千古也茲走一介籍不腆代覲門屏伏惟從者內焉

奉林聯峯年丈

僕別足下六年矣每念吾同袍中年少者莫如足下而軼材藻思復與終賈齊驅况累世珥貂之裔蓋軒軒盛矣及稍益近之則練達大體克勤小物溫藉溫茂卽黃髮弗如也斯可與少俊喜事者同日語哉此鄙人之所以嚴事之敬慕之六年如一日也第僕自一麾日有寇戎之事既不獲奉訊左右嗣又嬰先君之痛萬事並廢鬱悰積抱則至今耿耿矣比審奉使慮囚敝省則喜慰不可爲喻敝省自島夷創起死鋒鏑者不可勝數又重以水旱異常之災而賦役繁興民散久矣註誤之民不重可矜邪至有司訟牒則又蕪甚中情者勿論已其次伺上指其次快已意最下者則委之胥吏矣其伺上指者欲文猶有隙可解獨快已意而委之胥吏者則往往深文曲詆牽制令不可反所謂密如凝脂苦如



秋荼者也故初問之鮮不裂眥謂此囚死固晚已而氣定徐訊之則又多類東海婦事矣蓋初成者既徇胸臆而失其情繼勘者又避嫌疑而泥其舊至錄囚者又多信其文而不推其款也徑數讞勿更遂報決矣嗚呼豈不冤甚哉故僕往在江南時於文深者特留意情委可原雖與招案相左弗避也浙中今得足下十一郡當無冤民而僕猶以此瑣瑣相聒者誠以人命至重獄情至微而折肱之語或可備采葑之聽耳想足下勿以爲罪也語云一夫舍讐猶爲飛霜矧今南北災異如此幸足下奉天子寵靈而宣布德意則所以銷戾導和布曠蕩之恩而變災爲祥者其利固已博哉何敝省之多幸也僕秋仲北行恐不得一晤顏範敬此代布願言之衷垂鑒幸甚南望玉節不任馳情

答王太史

僕自束髮讀書論古昔賢豪節俠之士未嘗不拊髀興歎願爲執鞭也已得汝南大復何先生

天目先生集

卷之十

九

未嘗先生集

卷之十

十

集并傳讀之慕其文章氣節恨鄙人生晚不獲同時一語且復聞足下才節如大復則又恨未卽觀見之也及補守貴郡私心竊幸頃過申陽適足下掩關養疾而僕亦以初至鞅掌竟阻下榻之驪乃手教惠貺斐疊滿牘知足下念僕深摯矣所承示節婦傳事至奇偉文尤激烈歛枉三復有上下河山之感千古不平之氣旣戛然失席又悽然沾衣也嗟乎嗟乎彼閭閻匹婦至微矣非有文史之開導父兄之指誨賞罰之激勸也乃忼慨殉節如是然微足下哀而傳之不幾於湮滅矣乎則又以悲古今不遇之事及真陽督捕吏不察枉殺其夫又類東海孝婦冤矣有司之以政殺人至此僕復以此自警卽當檄真陽邑里丞史文學坐詢里籍姓氏上督學疏奏表聞卽以雄文勒石僕亦附以一言以解失職之過也臥病援筆殊乏詮次

奉俞仲蔚

曠達復兩更歲矣感念何時可置欲枉文旌爲

洛下之游極知高致久謝塵俗第僕與足下夙  
有向禽之期况嵩少勝游似不可少度雅致必  
承惠允卽當具安車奉迓也元美銜恤海濱明  
卿又移武夷僕跼跡周南不勝滯留之歎去臘  
從嵩少還值雪霽宇宙茫茫若鴻濛一色獨嵩  
少如翠屏環峙歷代名碣竝突兀蒼穹捫雪讀  
之如過三山金銀臺發金簡玉字也至嵩陽宮  
漢封一柏大百圍九人接臂方盡高可五百尺  
獨青青雪中殊有奇致及達磨面壁巖李渤盧  
天目先生集 卷之十一 三十一  
鴻仙隱處竝在雲表非塵中所有也倘馭風冷  
然寵靈之高篇奇翰揮灑諸山俾僕附驥千古  
又何必同日竝游哉惟冀垂炤勿乖延佇積悰  
如縷面布不盡

奉總制喻公

某不肖無足比數頃辱廣度兼容降尊隆禮驩  
踰平生喜忭無量及奉違後復承魏牘豐儀萬  
里遠念鄙人誦義何有窮時第久困簿書去冬  
復有伊藩之役致稽馳謝深自耿悚茲更辱長

者不加鄙夷而特賜獎借此又國士之遇知已  
之恩也不知某何幸而得此於門下哉恭諗石  
畫鴻猷卓越海內開府崇朝山川改色至運奇  
制勝動中機宜蓋無異操筆破竹而威行萬里  
矣卽昔賢之空漢北而犁庭者詎足擬乎此  
又朝野所共踴躍而非某之私忭也因勉撰鏡  
歌十首敬上轅門伏惟大雅裁教至懇至懇

奉萬西原

曩昔曠達六載始詣承明足下與僕寧不欲朝  
夕道故披寫積悰哉奈值計吏之時耳目方屬  
卽欲數數不能矣至辱眷念殷勤體悉委折則  
又無所不用情焉鄙人懷惠又安知報所邪自  
下車來冗積萬端而臺使按部踵至僕僕無休  
暇時久稽馳候耿耿切久之忽聞口語波及扼腕  
太息幸賴 聖明昭雪量移外臺玉石竟分公  
道固在然痛高賢之坎壈歎畏路之嶮巖既爲  
之驚憤填膺則又未嘗不傷心隕涕也乃聞高  
懷曠度超然物表無幾微見於顏色高堂俱慶

得稱觴上壽二尊人前綵衣繡服照映南斗此  
又游子之至願而生人之極驩也卽三公九錫  
又何以易此哉僕固知足下甚幸之也敢努力  
相聞惟冀葆和自愛以需內召南望不勝馳情  
奉大司寇黃尊師

恭喜內轉北上當天路清夷端士登用而掌邦  
刑以弼治化自此天下無冤民矣此寔中興太  
平之會而海宇士民共所欣慶者也豈但不肖  
私忤而已哉然又竊念尊師自筮仕敝邑至今  
垂三十年未嘗一通書政府自巧官者視之鮮  
不謂迂然三台八座之處竟不能沮吾師而向  
之速化者往往中道去恬靜者未必終屈而捷  
徑者未必終達也是又可以見公道之猶存而  
自守之當正矣不肖每心誦之以爲持循然弱  
植庸下竟未能効尺寸以慰知己之望則猶稟  
稟未安爾相去千里面候未期惟冀尊師不惜  
法誨如往時俾知振策以不負門牆則造就之  
恩益無涯涘矣干冒尊嚴統冀鈞慈涵貸

奉督學繡山陳公

幸拜教翰勤篤懇惻之愛至惠琴棊以銷憂悵  
助車馬以振困乏蓋無所不用情矣顧不肖則  
何以當之哉某往輒不量幸附同心之末日夜  
砥礪思以功名相命迄今十有三年鞠躬勅行  
明何嘗負朋友幽何嘗欺鬼神此寔與門下剖  
心析肝膽相信者也往者北曹多暇一切請謝  
旣已不爲乃掩關讀書或命儔坐嘯凡以自適  
而已然往往逃虛避影惟恐人知初未嘗以之  
天見集卷之十  
媒進獵華矜已凌人如少年浮薄所爲也及慮  
囚江南奉天子璽書而臨郡邑上下體貌自  
有彝章卽太守二千石猶以手板伏謁而徽尉  
獨投刺擁輿從中徑入其蔑視王命而輕侮部  
臣亦甚矣却而不見似非鉅過至審錄罪囚時  
天道王法森然監臨尤非可以己意出入者彼  
復強爲解脫則又執而不行無非守王章重民  
命而不欲爲黨私市恩之行耳於彼非相惡也  
況自奉使至今七閱歲矣京考又三次矣豈謂

彼一旦作臺臣輒假風紀之權而誣上行私乎抑豈謂積憤蓄毒於數年之後而變亂是非橫行胸臆至此也同郡諸公頗諳始末力爲排解而當衡者未嘗識而復惑於北曹時詩酒自放之名竟蒙黜典嗟夫命也夫復何言然自被播之後微聞元老故人及朝野士紳頗多稱枉則不肖之心亦庶幾暴於天下矣心苟無瑕卽老死丘壑無恨矧當局者猶存如綫之路可以奮翼澠池者乎至承來教疊疊意至深遠矣不肖

未育先生集

卷之十

五

三

奉薛方山先生

頃令壻行迫重以愁病在榻率爾奉候愧悚久

之君陽文學還具述眷念故情愈益感念無已伏聞敝省通誌創草且竟抑何奇思之神迅而健筆之飛捷邪較之研京十年練都一紀者瞠乎其後矣僕不幸抱病草莽末繇躬覩藻翰之場而內弟李生炤竊獲執楮墨之役從門牆之末旦夕周旋縱觀高旨亦猶僕在左右矣豈不稱幸甚哉李生在帷下繆叨賞拔之愛今得再游龍門顧請益於大雅者不可以言計也執事國士之遇寧有異於昔乎第春季擬襄先君事

未育先生集

卷之十

六

三

冀李生斲歸以佐不肖蓋葭莖骨肉之誼則然爾并祈哀啓幸甚

奉明厓翁

中行自奉違不復聞清言日坐煩惱障中因念此身方涉苦海其中風雨萬態罔知津涯乃若足下法身早登彼岸中行頃已合掌稱善歡喜無量茲復拜手教及禪偈數首稱說與張學士談禪後夜半忽大悟向來公案俱了中行又合掌稱善歡喜無量一切情愛皆緣生生若悟無

生則無生無生則衆緣皆散卽逆旅異域皆兜  
率世界况三峨高出秀甲九州震旦國第一山  
也足下以清淨身住安樂土悟日益玄樂日益  
奇緣日益少樂日益多染日益遠樂日益新况  
重之以康樂之篇章元亮之冲粹太白之高爽  
右軍之清真振衣絕頂則五嶽低回揮塵玄關  
則萬緣盡滅焉往而非須彌祇園邪承弭節見  
遲恨不一日了事奮飛相見緣此郡訟牒如蝟  
文移又不以時至中行爲一切衆生解脫乃不  
能爲自己解脫又可一笑也計望後了此段業  
緣當冷然御風佇聆警錫也

奉王敬美

仲冬令兄致足下衷言及足下玉伯書竊意言  
者先入深次膏肓必無幸矣猶然獲免自玉伯  
司馬與足下力耳然玉伯與足下苦心甚矣卽  
石交如羊左張范寧足多邪足下清冷之望咸  
謂當居藻鏡之司乃復屬之他人與不佞近事  
竝可一笑豈百六餘燼於今猶烈邪承示再得

掌珠誠人倫大快事他復何問哉不佞年力就  
衰而蘭夢竟杳遑遑何爲行且挂冠武夷冒然  
居守五湖矣安能栖栖然從游大人以成名乎  
昆仲比翼青雲與玉伯鴈行燕市酒酣以往倚  
歌相和至足樂也南望幔亭能無向隅之感乎

奉戚南塘

不佞從昔者吾友于鱗今司馬伯玉習大將軍  
悉其不佞卽落落寧寧可以當吾世而先明公乎  
久之不佞謁除干鱗入賀載游燕市中而貺命  
遠辱則猶不佞之願結驪于明公也平生幸甚  
無何浮湘徙滇去轅門萬里比涉洱海渡蘭津  
登點蒼山絕頂南眺銅標慨馬援開疆之績西  
望大渡想孔明深入之勞東瞰昆明壯博望鑿  
空之略北瞻燕然姑衍則公登壇勒銘處也不  
佞蓋旦夕神揚焉今夏入閩而寇警適至部內  
雖幸無虞而濱海千里不無事矣設第守公舟  
師條約詎至是邪往歲遼薊之間迄無寧日最  
後彊胡款塞咸懷不測之憂乃令旃裘震怒而

九邊晏如則明公輔屏翰先之也漢武時樓船  
下越驃騎蹂胡赫赫盛矣然直各効其長耳顧  
安得如公身兼南北之寄而所至輒効者乎二  
三兄弟往往推重千古豈虛也哉不佞才質庸  
下髮且種種老矣學文旣以無成治兵復背所  
習方圖以閩事請而使命重勤不任感懌敢因  
以請閩海雖明公之賜履在焉况不佞辱在石  
交者乎幸賈餘勇爲授策焉則八閩遺老受賜  
弘矣千萬善愛以副倚重

未白先生集

卷之三

十九

奉汪司馬玉伯

自冬徂春凡四拜裏言頓首幸甚言者先入深  
次膏肓自分必無幸矣乃竟得免非明公之賜  
而誰賜哉不佞自惟下愚弱植上之無息壤之  
盟自結主上外之無金張之援列在肺腑內之  
無曾史之行取信當世直一畸人耳微明公之  
力其何以自免乎不佞束髮受書落落窮巷輒  
不自量願比蹤猶介之士溝壑自甘何有何亡  
付之談笑乃今顛毛種種艱難險阻盡知之矣

寧復沾沾一雞肋乎顧不肖辱在詞盟不肖之  
身卽吾二三兄弟之身也一被指目如同盟何  
如天下後世何幸而知已一洒之卽死且不朽  
矣寧獨以一肋故邪然退而深惟幸不可再幾  
不可失第閩尚有鄰警職在行間而臬僚遷去  
且盡不佞方承乏諸道俟高秋解嚴羣公畢至  
便當挂冠武夷冒然代山中居守耳明公謂何  
元美且至于鱗後二三兄弟代興中朝千古一  
快獨不佞向隅海濱當不免河山之感耳

未白先生集

卷之三

二十

奉潘印川年丈

客夏辱餞送殷勤幾不能發比入閩鄰寇犯界  
鞅掌行間未遑候謝然自覩賢子雄文滿擬二  
妙連璧鄉書爲快也乃復見遺殆天欲厚其蓄  
而大用之邪兩辱手教慰藉至矣海內石交有  
踰我鮑叔者乎不佞薄菲漸復衰落輒遇輒阻  
平生之畸往往如是今歲且暮矣更復何須惟  
日夜冀幸明公秉軸清朝鴻鉅之業俾二三兄  
弟有睨睨焉卽漁樵五湖不啻足矣他復何望

哉惟知已亮登蒲輪且東千萬善愛以副倚毗

奉宋陽山

中行不佞往歲從二三兄弟游郎署中抵掌談  
海內大雅之士未嘗不首服明公不佞心折久  
之顧獨未獲寵驪門下然平生慕向言出處龍  
蟻之跡大略相符及今奉手教宛篤已于郎署  
時繆被賞音矣夫不藉積久累舊之故而意度  
懸合比之斷金斯不稱古之神交乎客歲忝竊  
閩役沾沾自喜庶幾旦暮遇之而明公方以宿  
望留朝矣夫求之累年失之跬步此自不佞數  
奇耳復何恨至辱莫逆之義溢于尺牘蓋藹然  
不啻既邁也顧不佞何以報稱萬一乎惟是珍  
撰不惜惠遺猶旦夕鈞天之側怡然忘老矣率  
爾僭瀆想蒙亮咎

天目先生集卷之二十

天目先生集卷之二十一

附錄

明故通奉大夫江西左布政使天目徐公

墓志銘

汪道昆

昔在嘉靖作者中興于時濟南李于鱗吳會王  
元美吳興徐子與廣陵宗子相南海梁公實同  
盟稱伯是爲五子云及宗梁無年濟南卽世不  
佞晚託莫逆則惟吳會吳興戊寅冬十月庚寅  
子與終江西左布政使元美有弟敬美則與子  
與同官于是定子與後歸子與喪未墓也已卯  
冬十二月廿五子與兄子詠奉子與柩墓于東  
郭之高橋旣告葬期元美移書不佞子碑我志  
子志我碑惟子先矣乃不佞則以碑屬元美竊  
爲之勒石而志之墓門徐氏世家長興其先奉  
詔自中都來徙處士東室于許語具于鱗元美  
子相所爲傳志中許太夫人夢擁日而有身凡



三索而得子與大司寇黃公故爲長與令則自  
勻象而奇徐生旣得當鄉先正大司寇顧公女  
以楊氏甥女庚子子與與計偕詣闕下庚戌始  
對公車子與故稱詩名隱隱起旣受比部則于  
鱗元美子相公實皆同舍郎于鱗以修古先鳴  
蓋與元美爲桴鼓稱詩則祖建元而枋大曆爲  
文則禱左國而宗龍門子與相得甚驩恨相知  
晚也元美雅言于鱗尙矣諸子各有所獨至惟  
子與具體兼長顧諸子睚眦市朝負豪舉子與  
溫溫者也有德厚長者之風然不取苟容斤斤  
務立名行楊忠愍以直言死子與從二三子治  
其喪袁州嘆之卒齟齬二三子獨不得子與間  
無所瑕疵子與獻江南出爲汀州太守會廣寇  
至太守多保障功語具不佞所爲政蹟碑則汀  
民迄今祠事之矣比入計乃奔父喪服除補汝  
寧太守所部議以汝寧代懷衛賦子與持之彊  
賦不可加獨守吏可罷耳議遂寢伊庶人擅興  
作 詔所部詰之子與宣言諸侯王無專成則

有

皇祖之訓在卒令悔過墮其城郡大猾構仇家  
何通判以冤死匿不得詰子與懸賞格購匿者  
付士師語具郡人左司馬曹公所爲遺愛碑則  
汝民迄今祠事之矣及袁州敗子與猶以故比  
部量移人言子與幸保畏塗卽夷而躡命也子  
與固請留養直將以菽水終焉元美敬美乃遺  
百金裝曰願以是爲太夫人具甘毳吾子行矣  
太夫人不欲留子與趣之行尋判長蘆貳瑞州  
進山東僉事檄未至子與業自瑞州奔太夫人  
喪服除補湖廣武昌道時僞漢遺俘柯彩鳳負  
固聚徒流劫三省間置勿問子與以計下之吏  
自服其辜

今上改元進雲南左叅議尋轉福建副使治兵  
福州福州控山海之樞則不佞疇昔所事事也  
明年進左叅政治糧儲市猾馮城社者七十餘  
家率據公廩以病間伍子與悉寘之法間伍乃  
驪明年進按察使監文武試得士居多明年進



江西右布政使嘗奉 詔鑄錢以資民幣錢法

大行中丞潘公言于朝請以是倚辦右轄既進

左轄吏事益勞卒之日則執刀筆草爰書奄忽

逝矣距生正德丁丑蓋僅踰耆者二年子與故

貧居常不問家人產家再火愈益貧伯兄中孚

蚤亡子與撫兄子詠爲己子入胄子籍封君爲

子與置田若干畝子與悉推以歸伯兄中和諸

客從子與游戶相踵也則又傾囊以給客奉且

稱貸益之卽乘路車之四方後載累累相屬所

天目先生集

卷之二十一

四

周不必皆急所急不必皆良子與辦應之不遺

餘力卽客借交干澤不避先談力詘舉羸蓋與

元美中分士矣所至務興吏治然猶慕文翁之

居蜀山公之居荊州嘗就汀州築二巖就汝寧

築天中書院通以居郡弟子高等時至而程其

材武昌故有黃鶴樓樓且壞子與部署而告開

府請以廢國殿材新之既自江流得巨木四章

各長七尺有羨子與以爲神助不日落成閩西

郭故有千頃陂中陂峙一山若員嶠子與爲之

堤以樹桃李爲之方舟爲之亭榭以備遊觀卽

子與居近天目山故有青蘿館堇堇耳敬美之

主喪也楊夫人蓋垂橐歸敬美以詠彖孫固不

得後支子且仲亦獨子其以詠季子承孝後子

與爲孫嗟乎子與肩隨于鱗問齒問官差過之

矣顧二三兄弟具有箕裘獨子與視子相同待

人而祀惜也子壻二長經歷周文政次國子蔡

鼎鉉其斯爲猶子乎哉銘曰

謂文有命故多不達爾陟方伯跬步闔閭謂文

天目先生集

卷之二十一

五

三

無行故多不譽爾稱長者誦義震區天授斯文

宜篤爾祐洵美且仁云胡不祚惟茲元服千乘

乘黃王良在御孰當鴈行喁喁戶誦跋跋戶祝

不朽在茲昭哉嗣服震澤泱泱三天子郭負陰

抱陽其斯爲中行氏不死之鄉

明中奉大夫江西布政使司左布政使天

目徐公墓碑

王世貞

徐公諱中行字子與徐所受姓具韓愈所造偃

王廟碑中其系鳳陽人也洪武中進五公者坐徙江南之長興遂爲長興人進五生亨六亨六生農隱有子五人而最少者爲封刑部公某刑部公以儒行顯間黨間娶許安人善女紅有子三人而最少者爲公公生而穎警十數歲卽能爲舉子業旁及古文辭十六試於邑邑令黃公光昇大奇之謂是兒國器也尋游邑庠爲諸生仁何舉鄉薦遂進遊南太學益爲古文辭公白哲美姿容眉目如畫能食酒工諧笑所周旋毋

天目先生集

卷之十一

六

三

橐饘食之間一入相慰語慷慨欷歔泣數行下楊君謂公毋入入且生得失生得失相嚴當舍我而與若讐也公不顧而太宰李公默雅能公文擬入內閣司兩制不果給事御史缺擬以曹郎徙公名在第三復不果而公念父母老上疏乞南曹便養報聞會決江北辟便道歸省尋遷員外郎事竣還朝轉貴州司郎中時楊君已得死喪歸公解橐而追賻之相嚴乃伺諸嘗賻楊君者而太宰復中蜚語下法曹當公謝公稍麗輕辟詔不許公恒自念太宰知我我以法報且不可而乃不獲以法報我之自謂何然相嚴則益不懌公矣公尋使論江南獄大小悉以情所全活以數百計事未竣出知汀州府公至而廣寇蕭五擁萬衆猝來寇郭外男女爭避入城城者闔之有相蹈藉死者公亟戒勿闔而身坐圍前引絙別塗俾男循左女循右入第今遠斥堠而已諸縣今各受公教飭兵登陴賊不能破行圍指揮董璫壘係累男女數百公以一旅

天目先生集

卷之十一

七

三

解之盡斂其俘歸公策賊且走走必繇高吳道  
俾武平今徐甫宰伏兵徼破之擒其會尋推功  
徐令不自居公又策山海寇無已時而三圖當  
要衝議城之以一通判控治得報可自是寇益  
解散汀一切治而公入計甫畢而丁封刑部公  
憂治喪以毀瘠聞起補汝寧府其治如汀時

伊王負

上寵創築城垣及諸不法事甚夥公當往會勘  
人竊危公是不易拊也公緩頰數語利害王悚

天目先生集

卷之五

八

高

聽立毀垣及省諸不法大猾中通判何君以法  
何君義不受逮雉經死而猾踞橫自若公爲捕  
致於理汝人快之公兩治郡悉能平其賦且格  
他橫賦而其治本經術稍傳比以禮節在汀祠  
故死事指揮王月精故孝子丘文岐子在汝築  
天中臺別立何仲默祠暇則行學宮課授弟子  
文誼旌賞其卓然者當京朝大察吏公前以遷  
後察格不當復察而相嚴尙在政察及公當左  
遷士民擁車遮道觴公且哭且絮語決日不得

發始公策東郭河善崩築隄障之未就而聞報

曰吾不敢以不終事也隄成而後辭事其以汀

守觀垂發泣謂巡臬曰守嘗欲城右郭捍巨測

矣鑿河以紆兩汀水之會而殺其反與射以完

城形勝矣而皆絀於力未舉卽以不職謝汀人

而茲願之未塞也明公其有以喻來者其後楊

守世芳城右郭金守立愛鑿河皆具如公指以

故兩郡人思之爲立碑而曹司空亨汪司馬道

昆紀其事公歸旦夕奉母許安人怡怡如也有

天目先生集

卷之五

九

三

兩兄而伯中孚蚤逝子其子詠養而教之仲中  
和貧推與已田宅中外姻戚恃而舉火者恒數  
十人公性好客客時時滿座所恨惟疊恥饌食  
取咄嗟辦而不問所自來其童幹亦喜客之至  
而娛之冀以得自紆卽稍能綴韻語或操一藝  
者問公衣則衣問公食則食問公所噓薦則爲  
草薦書或數十函不倦公以是益困而太夫人  
從容謂公曰汝不念來日邪而不爲祿且

上英斷正臣新柄國不以時白見冤狀勉圖功

名自効而刺促一塵若水上也公感乃之吏部  
選甫六日得長蘆之轉運判官爲判官之三月  
遷瑞州府同知許安人老壽死其計與除目存  
至公奔歸痛欲絕念無以報地下因請李攀龍  
銘其葬而世貞傳之時少師徐公與太宰胡公  
內重公超爲山東按察僉事且欲進移公學職  
會以喪聞乃止服除補湖廣巡武昌武昌首道  
也墮案積委充字公精心剖之立洗陳氏之後  
曰柯彩鳳者負湖爲盜舟數公掩而斃之獄按  
其積粟藏鏹以賑飢人所活殆萬計江南北窘  
於渡公爲立值責渡子毋橫索有溺者官具棺  
瘞之溺而不報則以罪其地人黃鶴樓燬公計  
以廢殿材新之而闕梁棟尋江漲大木隨水而  
下者數株以樹樓良稱楚人異之積資爲雲南  
布政司左叅議寒暑毋間行部出則用什伍法  
練士入則緩帶延儒生講說批文彬彬矣以賀  
萬壽行悉留其攜書數千卷寘公庫遷福建按  
察副使遂爲其省右叅政有點而蝨於倉者凡

七十家公廉得之以輕重受譴自是軍食足毋  
困出納逾年進按察使公三治其省政益習歲  
時獻决澆平而城西有積水百頃一山踞之公  
廼捐俸入創亭榭勝處沿隄植桃李輕橈徐進  
與寮從稱觴賦詩閩人指謂使君何必城山荆  
州哉監省試所得多名士人錄文有傳者入覲  
畢遷江西右布政使右使於務簡往往高臥而  
公獨以精勤稱尋遷左布政使司領郡至十餘  
所綰三王國子侯而下祿食供億以千萬計而  
他所請質平亭綜覈頃刻百端造請臺使賓筵  
館餉無虛日公談笑應之咸歎伏以爲神而實  
中耗矣一日宗室有閹者交發其陰私事公思  
所以保全之不得忽眩不能語昇歸臥正寢中  
夜卒其案若右使張公輩跪而救公弗及也中  
丞劉公行視公貧弗能喪乃與張公謀捐帑金  
治美材殮之而余弟世懋方分部南康驚而奔  
以一日夜至力爲經紀其道路費始得歸公之  
喪歸也諸王子侯與其僚若屬及郡之薦紳大

夫縞而几哭其吏士巷哭其耆婦孺擁而野哭  
道所經守令師生亡弗祀也公之客及交游滿  
天下聞者亡弗嗚咽悲詫曰公奈何死公且無  
子已而曰公可以死矣卽無子有子矣蓋謂其  
德就名樹也公孝友敦睦寬然長者其舌有臧  
而無否輕財好施不爲畚藏汎愛親仁久而彌  
篤所莊事李攀龍蓋不敢以友進者終身矣吾  
曹若宗臣梁有譽蚤死攀龍高簡少延納國倫  
與世貞不耐毋口語而世貞性復脫疎卽操觚  
者思甘心焉而於公靡間言以故得醅醕稱一  
曰國老和而甘且善劑也公於詩格高而調逸  
近體宏麗悲壯讀之神聳文步趣古昔所立卓  
爾有青蘿館集續集若干卷天目山堂前集若  
干卷青蘿館集則汪司馬序之矣公卒以萬曆  
戊寅十月十三日距其生正德丁丑得壽六十  
有二配楊安人有二女長適候選經歷周文政  
次適太學生蔡鼎鉉舉一子而殤所子詠爲獨  
子當歸後兄廼以詠第三子承孝爲殤後承公

重嗟哉公始號龍灣更號天目山人葬在城東  
之里許高橋下世貞無以效公伐石勒辭而樹  
諸阡以示未永銘曰

公生有自出有爲也君子豹變其文蔚也歿而  
有歸茲其委蛻也誰歟樹碑俾勿替也四海之  
內皆兄弟也微言之存後天墜也夫人今自有  
美系也

徐方伯子與傳

王世懋

始子鱗與余兄元美六子遊也子鱗而下則子  
與稱最長云而世懋自歸時已竊侍諸君子比  
長被家難從家兄歸田里而子與亦數偃蹇家  
居居又近得時過從余固莊事之而子與固讓  
爲爾汝交逮二十年晚又同官豫章其卒也余  
自南康往赴之慟哭經紀其喪以歸世謂死生  
交余於子與近之矣文人不閑於政類爲俗訾  
而子與官至左伯所在有治辦聲其大者載在  
碑誌中可無論已其爲文章海內能誦之集具

在可考也獨其至性過人風流被物文章所不傳官蹟所不載者余徒能寤寐見之乃竟與其人朽矣太史公有云無不善畫者卽子與可圖而安得化工筆端者今可傳述哉余不揣輒採其軼事與耳目所親覩記者傳當世萬一有述焉其傳曰徐中行者字子與湖州長興人也家貧父某布衣教授里中弟子百十人有三子而子與其季也子與生而白皙豐下美言笑樂交遊少爲諸生窶甚然出必鮮衣司寇顧公目之

太先生集 卷之十一 五

曰貴人也妻以甥女楊氏爲鄉進士不第久之而好爲古詩文益甚里中若劉清惠公輩皆與爲忘年交矣庚戌成進士爲比部郎時李于鱗與余兄元美方力爲古詩文自振子與至則大悅其說而嶺南梁公實廣陵宗子相武昌吳明卿皆先後締交權益甚諸君子既刻厲相責課務在絕他遊好一意行其說卽流輩有時名者視之蔑如也子與居其間最爲樂易矣然業已好之不願爲兩端自解以是其文益奇進而側

目者日益衆相嵩者貪而忤亦自負能詩謂諸郎皆輕薄子敢出乃公上相繼外補或斥逐而子與得汀州守子與守汀州有善政未幾以憂歸服闋再補汝寧政益善而會六載大察竟用郎時蜚語謫初子與爲郎時數擊鮮爲賓客懽士亡論識不識慕而干者輒傾貲賑之多貸里中富人金久之未能償典兩郡所入租俸輒隨手盡其官謗猶用賓客奸利事實下狀而家居賓客日益進貲日益竭邑邑無以爲懽客勸之謁選貧不能上元美爲具百金裝乃出補鹽官稍遷瑞州倅時相嵩敗諸忌者稍稍解而子與以愛人長者人最憐之會復丁母憂卽喪中起爲山東按察司僉事爲若弗聞也者子與終喪乃得用新秩治楚也爲滇少叅知以入賀爲閩觀察使以述職凡兩至京師諸公卿慕之者日造其門及諸遊客詞人戶外屢常滿子與人與爲懽造請尺牘恒窮日夜獨子與能之他人不能也旣已推心腹厚待門下客而客亦輒爲畢

太先生集 卷之十一 五

技佐其不逮以故子與名益盛而諸公皆以爲  
用子與晚稍遷江西右伯居一年所晉爲左人  
謂旦暮且大用竟以瘁卒初朝議汰諸藩臬弗  
任者其左以壯齒去而子與顧來代之感

上恩益自力諸錢穀案牘皆手自關署昏落如

飛會 宗藩有構者訐諸陰事於 朝竟法坐

削者衆子與心憐之爲得間從末城業就草病

作不能語一昔卒子與好飲酒酒態類唐有叔

夜玉山之風口不喜道人過人有相負者衆爲

未自先生集

卷之十一

十六

言八

切齒子與恬不甚怒久益忘之遇事有不可意  
者未嘗見辭色客醉之以酒辭挑之始伉浪爲  
怒態作數不平語已復陶然醒而冰釋矣其薦  
士汲汲恒恐弗及揚之多過其量貧士有所請  
數不休度力不能猶強應之曰奈何令客有慚  
色所至愛護其屬吏不啻若子弟卒之日海內  
知與不知咸歎曰奈何令伯道以無兒死門生  
故吏經而泣送者不可勝數僚友贈斂無不人  
人破例爲厚者檢其遺藁蕭然圖書而已所負

子錢籍諸賻遺僅僅足償仕宦垂三十年至方  
岳家不留一錢廉足稱矣初子與守汀時子相  
兩爲藩臬其地捍寇有功死而子與爲祠武夷  
祀之先大夫撫浙閩閩人追思謳歌子與再入

閩則復爲王中丞祠祠子相左而手記其碑及

是子與卒閩人就子相祠竝祀爲兩賢云無子

初以伯兄子詠爲後已謂伯兄一子不可後而

旁竟無可立世懋乃以詠子承孝遙接之世人

所爲悲伯道者也世懋論之曰昔汲黯好直迂

未自先生集

卷之十一

十七

言八

世而鄭莊行千里不齋糧兩人行事絕不類太  
史公合而傳之要以俱有至行爲漢廷名卿旨  
哉乎其合言之也以于鱗之峻潔寡合而獨好  
子與莫逆終身要各以至相友此真能合者自  
仲尼以還人不能無過而世爲家乘者類多諛  
言失實竟與其人不類嗚呼此胡以傳也余故  
於子與不爲溢美云

明故通奉大夫江西左布政使天目徐公

行狀



李灼

徐公諱中行字子與號龍灣嘗讀書天目山下又稱天目山人其先鳳陽人也高祖進五公洪武初詔徙淮西豪杰于江南於是遂家長興爲長興徐氏進五生亨六亨六生農隱凡三世皆隱約弗著公考東臯翁實農隱公第五子也以公貴封刑部廣東司主事少貧喜讀古人書教授諸生下帷恒數十百人必以力行爲先多長厚之德邑令爲之虛禮語具鳳洲王公滄溟未竟先生集卷之十一

李公方城宗公誌傳中翕配許太安人而生公公生之夕太安人夢日墮懷中覺而異之以爲得子必顯公甫十歲卽善舉子業又卽知聲律吟咏之學時邑令晉江黃公今爲大司寇一試而奇之稱爲徐生十六游邑庠庠師高安謝先生待公以殊禮且有恩嘉靖庚子舉鄉試庚戌登進士授刑部主事太僕楊忠愍公論劾嚴袁州父子觸上怒論棄市公率二三同舍郎收其屍袁州嘆

之當其時風憲員缺銓曹僉公名第三疏入不報公念東臯翁日遠思欲迎就養上疏乞南曹亦不報甲寅遷員外郎奉勅決獄江北事竣轉郎中建安李太宰與嚴袁州有郤袁州撫他事諷

上逮繫詔獄下公獻奏公擬輕典袁州不悅後有旨竟改重典非公意也尋又遣錄江南四江南事多掣肘公不避不阿平反大辟至徒流者若干人疑而請輕者若干人完其生者甚衆丁巳陞汀州府知府公方下車廣寇蕭五擁萬衆將薄城下男女無少長爭入城守者闔門不使入公下令啓門引絙別途男左女右入已公復戒屬邑爲備寇直突寧化走會昌集舟下俱不得逞乃趨間道還公先伏兵高吳擒其酋長餘黨悉平於是召父老子弟問所制寇之策僉曰上杭武平永安三邑地介山海間多橐寇出沒必城其地設府館泣之廼得公列狀上請今悉從其議汀俗貧者匿其賦以售田而富者收



其田不收其賦公謂富者曰其有不賦而田者  
吾收之以故田賦始均乃又闢碧雲朝斗二巖  
選八邑弟子高等者校藝其中暇則相與登臥  
龍岡泛錦江吟咏不輟古有以經術潤飾吏治  
者公其庶幾乎戊午當入計公行聞父喪途跣  
奔歸寢地廬墓者三年強起補汝寧府汝故土  
淖惟下下國初賦有定則嘉靖己未當道謂  
汝南僻簡欲令代他府重賦民奏訐乃止至是  
懷衛民復議代之公走白上官曰官可去民不  
可病

未見先生集

卷五十一

三

三十一

祖宗之法不可變議遂阻前守盧龍廖公嘗建  
篤志書院在天中山錄材以教歲久且廢公至  
購院後地三畝許爲舍居諸生規制倍昔之十  
更名天中中祠漆雕氏又別建大復祠祠何大  
復先生公代撫臺白石蔡公記其事頃之伊藩  
驕橫執法私築城垣事聞

天子震怒詔下撫臺繩之諸勘官多規避不往  
公獨往爲緩頰數語利害伊藩聳聽立毀垣墻

改諸不法事自是聲名大起又何通判者平陰  
人也負氣節不協於僚友僚友理謫民獄將發  
其罪狀而寘之死於是謫民構憲牒激怒何君  
何君竟與脫其罪僚友愈不協乃謫民又驕其  
讐家因恣閥議御史聲其罪并逮何君何君不  
受逮卒人皆爲何君冤彼首禍者顧晏然坐且  
計却捕者不得近公懸重賞捕之悉論以法聞  
者稱快癸亥屬內考公爲飛語所中當左遷解  
郡歸日奉太安人以自娛有終焉之志太安人  
屢趣之行王長公兄弟又遺百金裝署曰爲太  
安人甘脆費其意遠矣公感而乃行至京師  
六日改長蘆轉運判官三月移瑞州府同知以  
太安人計至去位亡何就其家起山東僉事未  
任隆慶戊辰服除補湖廣僉事管武昌道歲儉  
民飢盜艘縱橫四掠公首擒江洋積盜柯彩鳳  
獲盜糧千石佐以美金賑之全活者不下數十  
萬計黃鶴樓久圯公方以廢殿改建闕棟柱江  
忽浮巨木數株足勝其任人咸喜且謂公輒舉

事若有神人贊助焉庚午擢雲南左叅議部使者行部亡論公分轄出則偕行所至壹意拊循惟殲其劇惡校文閱武夷風稍變會

今上登極公入賀以所攜書籍數千餘卷貯之公堂以俾遐方觀覽萬曆癸酉陞福建副使備兵海上討猷博畫海賊林道乾潛伏島中無敢窺漳泉境上矣甲戌轉本省右叅政明年又轉本省按察使刑獄一清丙子爲監試官總裁試卷得雋者皆八閩名士咸服公知人是年冬率諸長吏朝明年正月遂進江西右布政使奉勅鑄錢公講求錢法輕重大小悉酌漢唐銖兩之分爲之與時製甚合民以爲便撫臺潘公爲言於

上其特公餘事耳尋遷本司左布政使江右所急者宗藩禮樂制度財用貢賦供億諸不可已之務公晝夜綜理不休案牘隆起頃刻握管散之如飛一日以宗室有鬪者各發其陰事兩臺檄公論報公思欲曲全親草爰書卽據案

香齋集

卷之三

三

三

香齋集

卷之三

三

三

而賡實戊寅十月十三日也公夫性孝友事東臯翁得其驩心母太安人親授公章句公終夜讀太安人亦終夜紡績相之公聽曰兒讀書顧苦毋乃爾邪每勸之安寢伯兄中孚仲兄中和相與庭趨怡怡如也公自買田畝悉推與之中孚蚤世遺孤詠公撫爲已子以教以婚兩就省試不第因苦攻病日游於六館公爲人美姿容雖貧所衣亦鮮好大司寇顧公見之曰清廟珪璋也以甥女妻之劉清惠公與人寡合惟雅好文士獨與公爲忘年交公初爲郎則與濟南李于鱗吳郡王元美廣陵宗子相嶺南梁公實輩行游燕市中人以五子稱之其爲文務遠俗有奇氣至清談蕭遠尺牘藻麗宛有正始風流海內名家罔不欽慕如熙朝麟鳳云公平生口不言人過至引微士則不惜齒頰尤慷慨樂施戚屬里人待公舉火者數十餘家公累歲給之不厭故聞公之訃崇街委巷莫不奔走悲號嗚呼傷哉距生正德丁丑八月二十日春秋六十

有二配楊氏卽顧公甥也封安人生二女長適  
候選經歷周文政次適太學生蔡鼎鉉一子小  
字夢仙早殤今論誄爲徐氏嫡長不當繼支子  
義以誄第三子承孝爲之後承孝尚幼誄得以  
治其喪事卜以今年己卯十二月廿五日奉公  
之柩窆於城東新阡去城一里許道德高橋之  
下天目屏其前太湖環其後左峙蒼弁右列五  
峯一邑之形勝也公生前亦自指此所著有青  
蘿館前集續集共若干卷又天目山堂全集凡  
若干卷藏其家誄以炤與公同研席又附在戚  
屬知公故深乃屬炤敘狀炤愧拙塞不能殫述  
第詮次其大都如右敬俟班馬鉅筆裁之

天目徐公誄 并序

俞允文

公諱中行字子與姓徐氏湖州長興人也舉嘉  
靖庚戌進士歷刑部主事員外郎出爲汀州太  
守外艱服闋補汝寧被謗貶長蘆鹽運司運判  
內艱家居遷瑞州府同知服闋擢湖廣按察僉

事雲南布政司叅議福建按察副使轉按察使  
遷江西右布政尋轉左布政春秋六十有二萬  
曆六年冬十月十三日得暴疾卒於位嗚呼哀  
哉公自少知名結綬登朝所至遺愛刻石頌德  
其所友善才彥則陝西按察使濟南李攀龍于  
鱗南大理卿吳郡王世貞元美福建按察副使  
廣陵宗臣子相山人臨淄謝榛茂秦與公爲五  
人時謂之五子數餘年子相于鱗茂秦皆先後  
淪謝而兵部左侍郎歛汪道昆伯玉河南左叅  
政荊楚吳國倫及元美弟江西按察副使世懋  
敬美最後入亦謂之五子初元美未嘗與余交  
顏每稱余五子間以爲不可使若人湮沉不起  
長譽於人間也由是五子者各遣書致慇懃多  
驩而辱公愛厚尤至餘二十年矣奄忽摧折傷  
其奈何公之歿也敬美方與公同官遂得經紀  
其喪定其後嗣元美亦已周護其家爲撰神道  
碑文伯玉銘其墓石謂余宜作誄詞旌之余曰  
公等皆通顯清譽滿天下其文必能俾子與之

遺聲昭當年而垂後代爲不朽矣且子與誠知人而沒後卒多賴公等之力若允文衰廢未才又奚能厠大雅以訓其厚德然迷近情而極纏綿悽愴之詞非長戚幽居如允文者不能爲也輒爲哭而誄之其詞曰

穆矣徐公天挺哲人純懿敦大慈惠恭溫研幾隱蹟博綜典墳發篇藻麗蘭蕙芬聲實之隆靡不彰聞爰惟厥初矯翼斯升乃署爽鳩克允克明哀矜折獄衆彌歸誠平反寔多益大厥聲

未肯先集

卷之十一

三六

作牧于汀廣寇憑陵日肆侵偏萬姓震驚公納流竄城門寢局險備周悉梟風不行簡稽姦勇要擊武平斬首藍屋餘黨是懲亂繩以理境內肅清乃惟厥艱尋補汝寧殫精圖治細齊民情隄障决河革剗煩徵恢崇孝弟甄獎湮淪弘開講堂登進諸生扶衰拯廢贈死周貧化極中和俗以還淳天貺休瑞郊出麒麟桂生有靈人實害能公遂遭貶鹽筴是經遮道願留攀輪失聲古之遺愛權此爲輕逢辰之缺內艱荐仍茹憂

成疾閉絕巖衡沉彩終發藏輝必呈公于此時華問載興累遷藩臬楚澤滇雲竭心公朝罔憚劬辛廼建隼旗廉察八閩紀綱條振列辟儀刑進陟藩伯保釐豫章吏懷其德民識其方曾不踰歲遽及殘殃哭位天乏樞櫬荒涼寮屬軫動父老增傷含榼致禮賻贈克箱神駕東還川塗感咽楚招幽怨齊挽遙切天不憖遺仁賢殞絕嗚呼哀哉惟公才彥秀越時倫惟公光儀輝映玕珉泛愛博納賓客盈門家雖屢匱公獨自欣鄭莊既遠文舉亦陳其在於公事近猶新玄牀未妥素榻隨塵嗚呼哀哉公昔奉使按部吳鄙枉駕蓬廬許爲知己欵睠之厚與日積累其後汝寧郡志失紀謬延纂緝遺幣千里具言嵩高二室之美昌蒲九節巨柏千祀僊游潛盤歆其必至值公被播臨發旋止公愈加勲慰藉無已諸所推拔匪終伊始每謀我貧餽遺相繼我之懷慚曾不遐棄綢繆惠好合志同氣如何奄忽頓成異世嗚呼哀哉曩者首夏公還京師契闊

未肯先集

卷之十一

三七

既久枉櫂東來元美亦集置酒河湄流連信宿  
以副渴飢余時規公沉涵奚爲願保精粹黃髮  
爲期公笑緩答行當佩之竭來四書竝審安懷  
忽承計問驚怛且疑連得後信公果長乖胡疾  
之亟卒使不治如公仁賢受數則奇晚就榮路  
大位日躋將闡王略以贊明時命不終泰才不  
盡施銜恨沒齒吉往凶歸嗚呼哀哉人之相知  
始終幾何余性狷狹公以寡和若石投水莫覩  
瀾波追想歡言恍然在目昔之往也談笑華屋  
未隔冥邈嗚呼哀哉

輓徐子與方伯兄五首

王世貞

樓船疊鼓出吳關坐見蕭蕭短旆還化劍豐城  
餘紫氣藏書天目是名山官從幾命頭先白語  
到千秋管目斑惟有寸心猶未了可能揮手厭  
人間

豫章題字墨猶新南浦招魂事已真未老江東  
徐僕射仍爲天上石麒麟虛疑欲界無長日但  
是詞林不利人四壁圖書山百畝向來吾豈念  
君貧

慈烏別宿舊林枝寡鵠啼霜聽轉悲論比偉長  
差有位年齊摩詰總無兒吳雲欲散青蘿館演  
海空傳白雪辭從此箬溪西去路的應難似舊  
游時

愁將舴艋入菰蘆未到吳興淚已枯矯首乾坤  
諸子盡斷絃山水一身孤書貽王粲能傳否劍  
許延陵再掛無不少溪君堪作供用君家法薦  
生芻

當年西省業西京散入諸侯卿主盟握簡僅殘  
吳下叟修文今嗣濟南生里存余誰留食天  
圻龍門可借名但遇江湖羣潦倒豈應無淚回  
菰城

萬曆己卯春仲六日於吳興道中書此老淚  
深翻時落絹上噫子與猶幸矣他日吾死誰

爲作此語者因焚其副而留此付其嗣人藏

之友弟琅琊王世貞書

哭徐子與方伯四首

南州書札未全稀過客臚言儻是非幾日彈冠  
仍北嚮萬山輿輓忽東歸藏書已散青蘿館坐  
釣空餘白瀨磯欲策素車何處哭遠天雙淚不  
勝揮

爲憶長安釋褐初衷中一顧獨憐予相將結客  
談風雅已自知君握瑾瑜側足風雲成末路同

夫見先生集

卷之十一

三

心日月老離居祇今山水應弦絕極目吳雲黯  
太虛

岳牧旬宣已自尊思歸白首戴君恩惟來天

目山靈盡應爾豐城斗氣昏萬戶居人哀孰辨  
四方門客賦招魂生芻孺子真如玉別恨千秋  
何處論

結髮稱詩老未休詩成何地不書郵祇今篋笥  
明珠在終古山川匹練收酒態分明嵇阮後交  
情珍重尹班流總今騎鶴綠山去回首中原處

虞起

再哭子與四首

淮陽分手迫兵聲夏口方舟何限情兩地白雲  
愁已斷獨留佳句使人驚

東望樓迷天目峯三江風雨泣芙蓉由來玉樹  
沉光彩結作愁烟幾萬重

客散華陽五土分詞林六子半脩文那知又脫  
延陵劍掛向徐君第四墳

浦樹陰陰江霧黃見君無地哭君傷泉臺迥隔  
青先生集卷之十一

三

三江表絮酒何因遠自將

六十無兒敢問天幃中朱粉夢中憐馮誰慣進  
鷓鴣膳不奪阿婆敵體專

東海李生南海梁化時俱作海雲翔可憐孺子  
如宗餒鬱鬱游魂兩異鄉

子與門人遠來爲子與乞傳予高其義感

賦此詩

徐卿門客散如雲不道心喪更有君談執百年  
悲斷絕乞碑千里見慙慙侯芭力盡安陵土宋

玉魂銷楚些文媿我生芻猶未東北風吹雨淚  
續紛

冬日遣使赴長興醉子與墓潸然哀之再  
賦一律

炙雞絮酒暮何之悵望孤墳箬水湄一日乾坤  
成異代三江雲樹只離思重泉始罷憂生淚過  
客虛傳絕命辭信使到門君不見斷鴻殘雪總  
深悲

武昌年弟吳國倫書

未見生集

長興縣知縣黎芳編次

視刻長興縣縣丞萬槃

校錄長興學生員李炤

天目先生集卷之二十一終

天目山堂集二十卷附錄一卷

兩淮鹽政  
採進本

明徐中行撰中行字子與號龍灣長興人讀書天  
目山下故自稱天目山人嘉靖庚戌進士官至江  
西左布政使明史文苑傳附見李攀龍傳中行  
爲後七子之一王世貞藝苑卮言亟稱之以爲左  
準右繩靡所不合胡應麟詩藪則惜其少沈深之  
致陳子龍明詩選復有摹古太似之譏是非恩怨  
輾轉相爭要之或褒或貶各有所當合而觀之則  
中行之定評出矣雜文亦有意矯揉頗失渾雅蓋  
當時風尚七子同一軌轍非如是不能預壇坫也